













NOT TO BE LENT OUT

# ভাষাশাস্ত্র-রচনাবলী

ভাষাশাস্ত্র-রচনাবলী

বিংশ খণ্ড



মিঃ ও মোঃ আব্দুল্লাহ  
প্রাইভেট লিমিটেড  
১০ শ্যামচরণ মে গুলি, কলিকতা ৭৩

প্রথম প্রকাশ, চৈত্র ১৩৮৩ ( ১৩০০ )

— পর্যালোচনাটক।

উপদেষ্টা পরিষদ :

ডক্টর রমেশচন্দ্র মজুমদার  
আচার্য সুনীতিকুমার চট্টোপাধ্যায়  
ডক্টর সুকুমার সেন  
শ্রীপ্রমথনাথ বিনী  
ডক্টর প্রতুলচন্দ্র গুপ্ত  
শ্রীজিতেন্দ্রনাথ চক্রবর্তী  
ডঃ রবীন্দ্রকুমার দাশগুপ্ত  
ডঃ তারাপদ মুখোপাধ্যায়

সম্পাদক :

শ্রীগজেন্দ্রকুমার মিত্র  
শ্রীপ্রমথনাথ ঘোষ : শ্রীসনৎকুমার বন্দ্যোপাধ্যায়

B28040

আলোকচিত্র :

শ্রীমোনা চৌধুরী

মিত্র ও ঘোষ পাবলিশার্স প্রাঃ লিঃ, ১০ ভ্রামাচরণ দে স্ট্রীট, কলিকাতা-৭৩ হইতে  
এস. এন. রায় কর্তৃক প্রকাশিত ও শ্রীবংশীধর সিংহ কর্তৃক বাণী মুদ্রণ,  
১২ নরেন সেন কোয়ার, কলিকাতা-৯ হইতে মুদ্রিত

## ॥ সূচীপত্র ॥

ভূমিকা	ডঃ অরুণকুমার বসু	১—১৭
স্বকসারী-কথা	...	১—১৭৫
ফরিয়াদ	...	১—৭১
১৯৭১	...	১—১৩৯
গ্রন্থ-পরিচয়	...	১—৯







# ଶୁକସାରୀ-କଥା



ଶ୍ରୀସୁଧାଂଶୁମୋହନ ବନ୍ଦ୍ୟୋପାଧ୍ୟାୟ  
ଶ୍ରୀତିଥାଜନେଷୁ

## পূর্বকথা

কোপাই নদীর হাঁসুলীঝাঁকের নসুবালাকে এ অঞ্চলে সবাই চেনে। বেটাছেলে হয়ে জন্মে চিরটাকাল সেই ছেলে-বয়েস থেকে এই পর্য্যট সস্তর বছর বয়েস পর্য্যন্ত মেয়েছেলে সেজে জীবনটা শেষ করতে চলেছে। ছেলে-বয়েসে মা তাকে মেয়ে সাজিয়েছিল, 'নাক ফুঁড়ে নোলক—কান ফুঁড়ে মাকড়ী—হাতে কাচের চুড়ি পরিয়েছিল—চুল না কেটে লম্বা চুলে বেড়া-বিহুনি বেঁধে দিত, পরিয়ে দিত একখানা গামছার মত খাটো তাঁতে বোনা 'ফেরানী' বা কিরানী, অর্থাৎ যাতে নাকি কেবল কোমরে জড়িয়ে একটা ফেরতা দেওয়া যায়। সেই থেকেই তার মেয়েলিপনা এবং মেয়ে-জীবন আরম্ভ। লোকে ভেবেছিল বয়েস হলেই যথা নিয়মে ছেলেটা ছেলেই হবে, বিয়ে করবে, সংসার হবে এবং তখন এই ছেলেবেলার মেয়েলিপনার জন্তে সে লজ্জা পাবে। কিন্তু তা হয় নি। ছেলে তার মেয়ে সেজেই থেকে গেল। ছেলেবেলা মেয়ে সাজাবার আরেকটা কারণ ছিল—ওদের মনসার ভাসানের দলে ও সাজতো বেহুলা, ছিপ্‌ছিপে দীঘল চেহারার কালো ছেলেটিকে মানাত বড় ভাল, আর গানের গলা ছিল চমৎকার, সরু মেয়েলি। 'ভাঁজো পরবে' মেয়ে সাজিয়ে ওকে সকলে নাচাত, এবং চৈত্রমাসে 'ঘেঁটু পরবেও' সে মেয়ে সেজে নাচত। কোথা থেকে পাড়ার মাতব্বরেরা সলমা চুমুকি দেওয়া একটা ঘাগরা এবং ঢিলে একটা বড়িস্ পরিয়ে হাতে ক্রমাল দিয়ে নামিয়ে দিত। মাথার লম্বা চুলে বেণী তৈরী করে ঝুলিয়ে দিত, ঠোঁটে রঙ মাখত এবং গানের সঙ্গে ও নাচত গাইত—

তাই ঘুনাঘুন বাজে লো নাগরী—

চরণে নুপুর হায় থামিতে যে চায় না।

তাই ঘুনাঘুন তাই ঘুনাঘুন।

এসব গান ওদের বেঁধে দিত মুকুন্দ ময়রা। বছর বছর এক এক রকম। যে বছরে যা বিশেষ কিছু ঘটত তাই নিয়ে গান। প্রথমবার নসুবালার যাবার নাচে—তার আগের বার উঠেছিল ধুমকেতু, এবং সেবার মড়ক হয়েছিল। মুকুন্দ গান বেঁধে দিয়েছিল—

ছেলেপিলে এবার উঠে ধুমতারা—

বুড়োখাড়া সব গেল যারা

এবার উঠে—।

ঘুরো সেই এক।—তাই ঘুনাঘুন—তাই ঘুনাঘুন। নসুবালার ওটা গাইত এবং পায়ে তার নুপুর থাকত—সেটা বাজত—ঘুন—ঘুন—ঘুনাঘুন—ঘুনঘুনাঘুন।

বেউলার ভাসানে—লখিন্দর সাজতো করালী। বাপমরা ছেলে, মা তাকে ছেলেবেলার ফেলে পালিয়েছিল—পাড়ার পাঁচজনের বাড়ী কুড়িয়ে খেয়ে মাহুস—তবে একটু-আধটু স্নেহ পেত নসুর মায়ের কাছে—সে নসুরকে বলত নসুদিদি। ওই করালীই বেউলার দলে সাজত

লখিন্দর। খেলাঘরে নসু সাজত মা—করালী ছেলে, কোনদিন বা নসু বউ—করালী বর। এইভাবে বড় হল। করালী হল ভাকাবুকো। নসু করালীর নসুদিদিই থেকে গেল—মেয়েদের সঙ্গেই ওঠাবসা—কথাবার্তা, হাসিখুশি, মনের কথা আর তার সঙ্গে তাকে পেয়ে বসল নাচ আর গান। ভাদ্র মাসের এবং চৈত্র মাসের মুখ চেয়ে বসে থাকত, কবে আসবে। বেউলো আর ভাঁজো আর ঘেঁটু। পাড়ায় গাঁওয়াই রেওয়াজ ছিল, নসুবালা মুলগায়েন আর নাচকরনী হয়ে গাঁ-গাঁওলায় দল মিলে বেরুতে শুরু করল—গোটা মাস। সঙ্গে থাকত করালী আর জন চারেক। গাঁ-গাঁওলায়—মণ্ডলদের বাড়ী মিস্ত্রিদের বাড়ী ঘোষদের বাড়ী—ঠাকুরদের বাড়ী গিয়ে দাঁড়াত। জয় হোক গো মা ঠাকরুণ, ভাঁজো এয়েছেন। তারপর গান। মেয়েরা নসুর গান আর নাচ দেখে মুখটিপে হাসত। বলত, মরণ।

নসুর মনে আছে চন্দনপুরে বাবুদের বাড়ী নতুন কলকাতার বউ তার বড় জায়ের মুখে ওই ‘মরণ’ কথাটা শুনে কিস্কিস্ করে জিজ্ঞাসা করেছিল—মরণ বলছিলে কেন দিদি?

—মরণ নয়? বেটাছেলের মেয়ে সেজে নাচের ঢঙ দেখ দেখি।

বউটির বিন্ময়ের আর সীমা ছিল না—সে জিজ্ঞাসা করেছিল—কে বেটাছেলে? যে নাচছে? তুমি ঠাট্টা করছ দিদি?

বড় জা বলেছিল—ঠাট্টা? যা না ওর গালে হাত বুলিয়ে দেখ না। হাত ছড়ে যাবে দাড়ির খোঁচায়!

নসুর রাগ হয়েছিল—সে সামলাতে পারে নি, বলেছিল—কি যে বলেন বউদিদি! ভারী!—ভারী না বেরুক—মেয়েদের মোচ বেরোয় না? হ্যাঁ। মরণ আমার ভারীর! বলে গান ধরেছিল; তাদের ভাঁজোর গান—

কেটো বেড়ায় পাতায় পাতায় ডালে না দেয় পা—

ও রাখে লো, পাতার ডগায়

ফুল হবি তুই যা! (ও মন রসনা আমার)

এর পর ঢোল বেজেছিল জলদে—তাং তাং তাং তাং বোলে—আর নসু নেচেছিল ঝুম্‌ঝুম্—ঝুম্‌ঝুম্—করে নুপুর বাজিয়ে। ভাঁজো থেকে সে এনেছিল ভাছ। তার কারণ ভাঁজোতে পাড়ার হৈ হলোড়—মদের নেশা তার ভাল লাগে নি।

বর্ধমান গিয়ে সে ভাঁজো এনেছিল। বলে—বর্ধমানের মহারাগীর কাছে সে প্রথম গিরছিল—তার ভাছ নিয়ে। মহারাগী তাকে না কি ডেকেছিলেন—ভাছর মা বলে। সেই ‘ভাছর মা’ নামটিই তার সব থেকে প্রিয় নাম। এবং সে সেই ভাছর মা হয়েই থেকে গেছে মেয়ে সেজে।

এখন বাস তার চন্দনপুরে। হান্সলীদাঁকের বাঁশবাঁদি গাঁ—যুদ্ধের সময় শেষ হয়েছে মড়কে-ছড়িঝে—তারপর এসেছিল সর্বনেশে ঝড়, নসু ও বলে ‘চাইকোলোন’। ‘চাইকোলোনে’র পর কোপাইয়ে ক্যাপা বান। যুদ্ধের কি কাজে বাঁশ লাগে—সে জানেন ভগবান আর জানে যুদ্ধ করার করতে এসেছিল—সেই তারা—সেই রাজাওলমুখোরা; সেই ভাকাবুকো করালীর

‘ম্যানেরা’। বাঁশবাঁদির সেই পাঁচীরের মত বাঁশের ঘের কেটে ফাঁক করে দিলে ; কোপাইয়ের ক্যাপা বান—কলকলিয়ে খলখলিয়ে এবার ঢুকল সন্ধ্যার মুখে ; দোর খোলা ঘরে ছেরে-রে-রে করে ডাকাতের মত । সব লুটে-পুটে, ভেঙে-চুরে, গ্রাণে ঘেরে দিয়ে চলে গেল । আর চেপে গেল বালি ।

বাঁশবাঁদির কাহাররা হল হা-ব’রে । দিগদিগন্তরে এ গাঁয়ে ও গাঁয়ে চলে গেল । সে, পাগল আর সূচাঁদ এসেছিল চন্দনপুর । সূচাঁদ চন্দনপুরের ইষ্টিশানের ধারে বটতলাতে বসে বলত—হাঁসুলীবাঁকের উপকথা । এ শুনত ও শুনত—মুচকে মুচকে হাসত । চলে যেত । শুনত শুধু ঠায় বসে চন্দনপুরের শিবদাদাবাবু । খাতাতে নিকে নিত । নস্র আর পাগল দুজনে গাঁয়ে-গাঁয়ে গান করে বেড়াত ।

হাঁসুলীবাঁকের কথা বলব কারে হায় .

চন্দনপুরের টেরীকাটা বাবুরা মুখ বেকায় ।

জল কেলিতে নাই চোখে জল কেলিতে নাই

বিধেতা বুড়োর খেলা দেখে যারে ভাই ।

ভারপরে সূচাঁদ পিসি ম’ল—পাগল সাডাত ম’ল—থেকে গেল নস্রবালা—ভাছর মা । এই চন্দনপুরেই থেকে গেল । লোকের তখন দুঃখের শেষ নাই সীমা নাই—শুধু বাঁশবাঁদি নয়, সব গাঁয়েরই তখন বাঁশবাঁদির দশা । ভাড়া আর ভয় ; মাটির টিবি—নয় পড়-পড় দেওয়াল—নড়বড়ে চাল । পেটে ভাত নাই, পরনে কাপড় নাই, হালের বলদ গরু নাই, পুকুরে জল নাই, মজ্জা গেছে, যে জলটুকু আছে তা কাদার গোলানি । ছ-চার জনা বেনে-বাঁস্তি—ঘারা দোকানদানী করে—তাদেরই বাড়বাড়ন্ত । জমিদারেরা ঘায়েল, মহাজনেরা দেউলে, চাষীরা মরমর । গরীবগুলোর কথাই নাই । চন্দনপুরে জমিদারদের পাকাবাড়ী ছিল অনেকগুলি—ভার ওপরে ধুলো লেগে এমন দশা হয়েছে যে মনে হয় গায়ে মাথায় ধুলো মেখে কোন বড়-লোকের কল্লে কি বউ কপে গিয়ে হাতে লাউয়ের খোলা নিয়ে পথের ধারে বসে আছে ; সাড়া নাই—নড়া নাই, মরা কি অ্যাস্ত ধরতে সময় লাগে । ওবু সে সময়ে লোকের কি হৈ-হৈ আর রৈ-রৈ । ধবজা আর পতাকা—আর মিটিং আর মিটিং । আর চীৎকার ! চীৎকার বলে চীৎকার ! সে আবার একটা চোড়ার ভেতর দিয়ে গগনফাটা চীৎকার । কি ব্যাপার ? বুঝতে পারত না নস্র । জিজ্ঞাসা করত—বলি ই্যা গো—এ সব কি হচ্ছে মশায়রা ? এ সব চোঁচাঘেঁচি হৈ চৈ—অঃ হ—কানের পর্দা কেটে গেল ! যেন ঝাশ জুড়ে নোকের বেটার বিয়ে নেগেছে ।

এখন নস্রর কথাবার্তার বাঁশবাঁদির সেই কাহারদের কথা এবং স্রের সঙ্গ চন্দনপুরে শহর থেকে আমদানী করা কথা ও স্র মিশেছে । কেউ কেউ ঠাট্টা করলে বলে—এখন শহরের মাহুঘ হুহু যে ! সে বেশ স্র করে । কখনও কখনও ভাঁজোর পুরনো গান গেয়ে নেচেও দেয় ।

কালো-জলে, কটা-জলে, মিশেও মেশে না—

কালো কানাই—পায়ে ধরে—ও মন রসনা আমার—রাখা হাশে না।  
 ঢোলের অভাবে মুখেই ঢোলের বোল আউড়ে শুধু পায়েই নেচে একপাক দিয়ে দেয়। তাং-  
 তাং-তাং-তাং—ঝুম্ ঝুম্ ঝুম্ ঝুম্—। তারপর বেশ নারীমূলভ ভঙ্গিতে হাত ছলিয়ে অল  
 ছলিয়ে চলে যায়।

যাই হোক—এই নতুন এক তাজব দেখে সে প্রশ্ন করে—এ-সব কি? এই চেঁচামেচি—  
 হৈ চৈ! যেন জাশ জুড়ে নোকেদের বেটার বিয়ে নেগেছে। কি বেপার?

—ব্যাপার যে ভয়ঙ্কর—চরম, নস্র।

—সে কি রকম?

—দেশ স্বাধীন হল।

—স্বাধীন হল?

—হ্যাঁ।

—তাতে কি হল? কি রকমে হল?

—সায়েরবার রাজা ছিল—তারো তন্নীতলা গুটিয়ে দেশে চলে গেল।

—বাবাঃ। সেই রাজাওলমুখোরা? করালী ডাকবুকের ম্যানেরা! হেই বাবা!

—হেই বাবাই বটে নস্র—হেই বাবাই বটে।

—তা পরেতে?

—কি তা পরেতে?

—এইবার কি হবে?

—কি হবে? দেখবি কত কি হবে। খাবার কষ্ট থাকবে না, পরবার কষ্ট থাকবে না,  
 দেশে মুখ্য কেউ থাকবে না।

—ওরে বাবা রে! আমি কোথাকে যাব রে।

উত্তরদাতা হাসতে থাকে। নস্র হঠাৎ বলে—তা হলে বল—মরি।

—কেন, মরবি কেন?

—মরে আবার মায়ের কোলে ছোট হয়ে ফিরে আসি। তবে তো ইজুল যাব। লতুন  
 জামা কাপড় পরব।

উত্তরদাতা এবার চুপ করে যায়। কি বলবে এতে?

বিচিন্ন নস্রবালা বলে—তা হ্যাঁ গা—এ সব হল ক্যানে? পরক্ষণেই সংশোধন করে বলে  
 —কেন? বুয়েচ! মুখ কসকে ক্যানে বেরিয়ে যায়। চামড়ার মুখ তো! তা হল কেন  
 বল দিকি?

—কেন? তার উত্তর আমি জানি না।

—হঁ। কি করে জানবে? বটে। তা যাই আমি শুধিয়ে আসি গা।

—কাকে?

—আদারবুড়ীকে। ফুলরাতে। খেলোয়াড়ী লইলে তো খেলু হয় না। গলারামকে মনে

আছে? কাং পজারাম। ময়রার বেটা মা কামিখোর খানে গিরে খেল শিখে এয়েছিল। সেই একটা হাঁকো বসিরে দিত অনেক দূরে—তা পরেতে বলতো—ফেলা বেটা জল ফেলা। আর নলচের মুখ থেকে গাড়ুর নলের মত জল পড়তে লাগত। বলত আউর জোরে—আরও জোরে জল পড়ত। আবার বলত—খাম বা। খেমে যেত। আবার বলত—ফিন পড়—আউর খোড়া—আবার পড়ত। মনে আছে। খেলোয়াড়ীর খেল। তা সব খেলার মূল খেলোয়াড়ী তো আদারবুড়ী, তাকে শুধিয়ে আসি—বলি গা—আদারবুড়ী এ খেলের মানে কি মা?

আদারবুড়ী ফুলরা দেবী এখানকার প্রেষ্ঠ দেবস্থান। এখানকার লোকে বলে একার মহাপীঠের এক মহাপীঠ। এখানে দেবীর অধরোষ্ঠ পড়েছিল—স্থানের আসল নাম অট্টহাস; তারপর নাম হয়েছিল শ্রামলাবাদ, শ্রামলাবাদ ধ্বংস হলে নাম হয়েছিল চন্দনপুর, কারণ তখন অট্টহাসে দেবীর অস্তিত্ব কেউ জানত না। গভীর জঙ্গলে ঢাকা ছিল। শুধু গন্ধ উঠত চন্দনের। তাই নাম হয়েছিল চন্দনপুর। তারপর এখানে কোপাই নদীর ঘাটে একটা উঁচু টিপিতে নৌকো লাগত বর্ষায়—আশপাশ থেকে আসত গন্ধবনিকেরা, বেচা-কেনা চলত, চাল ধান গুড় কলাই লক্ষা কুমড়ো। তাই টিপিটার নাম হয়েছিল বন্দর টিপি। পরে কান্ধী থেকে স্বাধীন হলে এক সম্মানী এসে ওই জঙ্গলেও মধ্যে ভ্রমণ করে দেবীর দর্শন পান। তিনিই মা ফুলরাকে প্রকাশ করেন। এই মা ফুলরাই নসুবালার আদারবুড়ী—অর্থাৎ আদাড় বা জঙ্গলে থাকেন যে বুড়ী তিনিই আদারবুড়ী। বুড়ী বই কি। এই বিশ্বব্রহ্মাণ্ডের মা; কত তার বয়েস—সে বুড়ী বই কি। আন্তিকালের বড়ি বুড়ো যে—তারও মা—বুড়ী বুড়ী মহাবুড়ী।

চন্দনপুরে এসে সূচাদ ও পাগলের মৃত্যুর পর এই মায়ের স্থানের কাছাকাছি ঘর তুলেছে একখানি। ছোট্ট ঘর, এক টুকরো দাওয়া, তার কোণে একফালি উঠোন, তার সামনে একটি বুনো ফুল গাছের তলায় একটি বাঁধানো বেদী। আর একটি জবা, একটি অপরাধিতার গাছ। জবাগাছের ফুল—অপরাধিতার ফুল গ্রামের প্রৌঢ়ারা ফুলরা দেবীর স্থানে বাবার সময় তুলে নিয়ে যায়। নসু বলে—একটি দুটি রেখে লিয়েন মা। ফুলের গাছ ফুল বিইয়েছে—ওর তো ছেলে—সব লিলে পরাণে লাগবে। আর শোভা? মা শোভা হারাবে। তা আমার লেগে মাকে বলেন। বলেন—নসুকে ভাঙ্গর মাকে পার করো।

ওই বুনো ফুলের নাম কেউ জানে না। থোকা থোকা নীলাভ সাদা বুনো ফুলের মত—গন্ধ তার খুব। নসু তার নাম দিয়েছে ‘দিলপিসারা’। হানুহানা নামটি থেকে এই নামটি তার মনে এসেছে। রোজ সকালে উঠে নসু ওই আদারবুড়ীর দরবারে যায়—প্রণাম করে এবং হাত জোড় করে দাঁড়িয়ে থাকে চুপচাপ। কিছুক্ষণ দাঁড়িয়ে থেকে চলে আসে। বোবার কথা কালার কাছে। কথাটা বলে একজন পাণ্ডা। অর্থাৎ নসু বোবা—ফুলরা কাল। মধ্যে মধ্যে রহস্য করে প্রশ্ন করে নসুকে—নসুবালার কি খবর?

নসু মাথার ঘোমটা টেনে নতজান্ন হয়ে প্রশ্ন করে বলে—এই মাকে বলছিলাম।

—কি বলছিলে?

—বলছিলাম?—একটু চুপ করে থেকে বলে—সে শুনে কি করবেন?

—কি করব ? আমি মাকে বলব তোমার হয়ে । মনে পড়িয়ে দেব ।

—দেবেন ? বলবেন ? সত্যি বলছেন ?

—নিশ্চয়, সত্যি বলছি । মায়ের সামনে মিথ্যে বলতে আছে ?

—আমাদের নাই—আপনাদের আছে । আপনারা যি বলেন ।

—আমরা মিথ্যে বলি ?

—সেই দিন যি বললেন—আমার ছামুতে ।

—কাকে ?

—সেই যি—আমি পেনাম করছিলাম । একজনা এসে ঠা করে রূপোর টাকা একটা আর একখানা লোট দিলে, আপনি কুড়িয়ে গিলেন ; আপনকার শরীক এসে শুধালে, কি দিলে—আপুনি রূপোর টাকা দিয়ে বললেন—এই । লোটটা দিলেন না । মিছে বলা হল না ?

চটে যাবার কথা, চটে যান পাণ্ডঠাকুর । কিন্তু কি বলবেন ভেবে পান না ।

নস্রবালা বলে—তা আপুনি তো সত্যি বললেই পারতেন—মায়ের হুকুমে উ টাকাটো নিয়েছেন আপুনি ।

অবাক হল পাণ্ডঠাকুর—নস্র বলেই যায় ;—আপুনি মাকে জানেন, মা আপনকাকে জানেন ! সেবা পুজো তো সবই আপুনি করেন । ওরা তো করে না । শুধু ভাত পাঁটা খায়, মদ খায়—হারে-রে করে । আমি দেখি, আদারবুড়ীকে শুধিয়েও দেখিছি । সি দিনে যখন টাকাটি ট্যাঁকে গুঁজলেন তখন আমি হেই মা করে বাঁচি না । বাবা রে, আপনকার মতন নোক চুরি করলে ! তখন মাকে বললাম—মা বেপারটি কি বল । মা বললে—উদিকে লুকিয়েছে, কিন্তু আমি—আমি তো ডাবডেবে চোখ মেলে চেয়ে সব দেখেছি । আমাকে লুকিয়ে তো চুরি করে নাই । তা হলে না হয় চোর হত । মনে হল ‘তা বটে ।’ মাকে তো লুকোয় নাই । বুয়েচেন বাবা, তবু সন্দেহ যায় না গো । তখন বললাম—আমার মনে মনে বললে হবে না । তোমাকে বলতে হবে মা । ই্যা । তা কি করে বলবে ? কথা করে বললে অপর নোকে শুনবে । তা— । এই দেখেন এই থিলেনের মাথার ওপর থেকে খপাস করে পড়ল—এই বড় টিকটিকি । পড়ে আমার মূখের পানে—বাবা—সে কি ডাবডাবানি চাউনি গো ! এই কালো মটরের মত ছোটো চোখ । একদিকে চেয়ে রয়েছে আমার পানে । আমি আর ভরে বাঁচি না । বলি, এমন করে চোখ দিয়ে গিলে খাস না মা । তখন বলে কি—ঠিক-ঠিক-ঠিক । হাত জোড় করে বললাম—কি ঠিক মা ? পাণ্ডঠাকুর পাপ করেছে ? তা আর রা কাড়ে না । চূপচাপ । তখন বললাম—তবে কি বলছিল—চোর নয় ?—তু ওকে দিয়েছিল ! অমনি বলে—ঠিক-ঠিক-ঠিক । বাস, বলেই দে ছুট ।

পাণ্ডঠাকুর এবার হেসে বলেন—তোকে ফাঁকি দেবার জো নাই ! তোর ভক্তি আছে—চোখ আছে ।

—খাকবে না ? চিরকাল তো ওই করেই এলাম গো । ঘর নয়, সংসার নয়, শুধু আমার ভাছমণি, আর আমার মা ওই আদারবুড়ী । এই দেখেন—ভাছমণি তো আমার মাটির—তা

আমি মুখের পানে চেয়ে থাকি—ঠিক বুঝতে পারি খিদে লেগেছে কি না, ঘুম পেয়েছে কি না। মধ্যে মাঝে বকি—তা মুখটি শুকিয়ে যায়। আমি দেখতে পাই। ওই থেকেই আদারবুড়ীর ইশেরাও বুঝি খানিক আদেক। কিন্তু আপনি। ওরে বাবা! মায়ের সঙ্গে সাক্ষাৎ কাম কাজ আপনার। আপনার মিছেতেও পাপ নাই, সত্যিতেও পুণ্য নাই। তাই তো বলছি বাবা, আমার কথা শুনে আমার মন রেখে বলবেন—হ্যাঁ ভাদ্র মা, মাকে বলব তোর কথা। তা পরেতে ঘরে গিয়ে হাসবেন। বলবেন—মরণ দেখ দিকি—ছোটনোক ভাদ্র মায়ের কথা দেখ দিকি। ওর কথা নাকি মাকে বলা যায়?

—না—না। তিন সত্যি করছি মায়ের কাছে—বলব—বলব—বলব।

—বেশ, তবে শোনেন।

‘শোনেন’ বলেও কিন্তু থেমে যায় নহ্ন। একটু থেমে বলে—ঘেন হাসবেন না।

—না—না, হাসব কেন?

হাত জোড় করে মাকে বলি—মা আদারবুড়ী বল মা, আমার যাবার সময় হল কি না?

—হঁ। তা কি বললে মা?

—রা কাড়ছে না গো। এই দেখেন কতক্ষণ ‘ভাঁড়িয়ে’ আছি। তা আমার ঠেকন তো ওই টিকটিকিটা, তা একবারও টক্টকালো না। বললাম—হইছে মা সময়? টক্টকিয়ে বল! তা চুপচাপ! তা বাদে বললাম—তা হলে বল হয় নাই? তাও চুপচাপ। রাও নাই সাও নাই!

—সে জেনে আর কি করবি? যেতে তো হবেই। আজ আর কাল!

—এই কথা বাবা, আজ আর কাল, কিন্তু আজ যেতে হলে উয়ুগ চাই। কাল হলে কাল। সেইটি জানতে চাইছি। তা হলে উয়ুগ করে বসে থাকি। মায়ের নাম করি—মা-মা-মা-মা—। তা না হলে হঠাৎ সেই যমদূত—। বাবা গো!

বলে শিউরে ওঠে নহ্ন। তারপর বলে—মশায়, আচমকা মাথার চুল খামচে ধরে টেনে হেঁচড়াতে হেঁচড়াতে নিয়ে যাবে। মা-বাক্যি মুখে বেরবে না—বেরবে—না-না-না-না। মা-মা আগে থেকে বলতে লাগলে বেটা যমদূত এসে পিছু হটবে; হাত বাড়িয়ে—হাতে খিল ধরবে। তখন শিবদূত আসবে। এসে হাত ধরে বলবে—চল গো ভাদ্র মা—মা তোকে নিতে পাঠিয়েছে। কোথা যাবি বল? কৈলেসে না বৈকুণ্ঠে না ইন্দ্রাজার স্বর্গে। যমদূত প্যলাবে।

হাসেন পাণ্ডা। বলেন—তা কোথা যাবি তুই?

—আমি বাবা স্বর্গের চন্নপুরে যাব।

স্বর্গের নতুন ঠিকানা শুনে অবাক হতে হয় পাণ্ডাঠাকুরকে। প্রশ্ন করেন, স্বর্গে চন্নপুর আছে নাকি?

—নাই? নিশ্চয় আছে। তা লইলে এ গাঁৱের বাবুরা সেই সব এই—এই বাবুরা—সব সাধকরা—সব নোকজনেরা গেল কোথা? আমার মা, সূচাদ পিসী, পাগল স্ত্রীভাত, পাখিমনি,



বলনদিদি, বেনোয়ারী সব গেল কোথা? কোথা কাজকাম করে খায়?

পাণ্ডাঠাকুর হাসলেন নস্বর এই অদ্ভুত পরিকল্পনা শুনে। হেসে নিয়ে বলেন—তা আমি বলব। মাকে জিজ্ঞেস করব। যদি বলে—দেরি আছে—তা হলে কি বলব? বলব দেরি কর না মা—বড় কষ্ট দুঃখ—

—হেই মাগো। বাধা দিয়ে নস্বর বলে—তা আবার কখন বললাম। আমার কষ্ট দুঃখ—বলেছি আমি?.

—বলিস নাই, কিন্তু দুঃখ কষ্ট তো বটে নস্বর।

—বটে বটে। দুঃখও বটে কষ্টও বটে। দেখ, চালে কাঁকর, চাল মেলে না, কাপড় নাই, ভেনা পরে দিন কাটছে। আজ এ মরছে—কাল সে মরছে। দুঃখও বটে, কষ্টও বটে। কিন্তু সুখ নাই? অনেক সুখ। কত দেখলাম বাবা—তা বল। ‘যা দেখি নাই বাবার কালে—তাই দেখালে ছেলের পালে।’ বাবা—মামুষে কি চোঁচানি চোঁচাচ্ছে বল দেখি নি। সাহেবরা—সেই ওলমুখোরা পালাল বাবা। এই দাদা হল বাবা। এ সব? এ কি কম ভাগ্যি—কম সুখ গো!

—তা হলে বলব, এখন কিছু দিন বাঁচিয়ে রাখ?

—তা—। তা—বলবে? তাই বলো। হ্যা—এ সব দেখে শুনে তাক নেগেছে বাবা। আকাশে জাহাজ উড়ছে। ছুমাছুম বোমা ফেলছে। মামুষ মারছে। রাডামুখো সাহেবরা পালাচ্ছে। লদী বন্ধন হচ্ছে। বাবা, এ সব দেখে তাক লেগেছে। তা বলো—আর দু দিন দেখতে দাও ভাতুর মাকে। তা পরেতে ও-পারে চন্ননপুরে গিয়ে গান বাঁধব, নেচে নেচে গেরে গেরে বেড়াব সবাইকার দুয়োরে দুয়োরে। বুয়েচেন বাবা—দুয়োটা বেঁধে রেখেছি।—

বলেই আর অহুমতির অপেক্ষা করে না—খরে দেয় ধুয়ো—কোমরে হাত দিয়ে হাত ঘুরিয়ে নেচে নেচেই গায়।

স্বগঙ্গপুরের বাসী শোন মন্তপুরের কথা—

মধুর চেয়ে মিষ্টি সে যে নিমের চেয়ে তিতা—

ও সে মন্তপুরের কথা।

তার পরই থেমে যায়। আর নাই। বলে—বটে কি না—বল বাবা। —বল। অঃ। যত তেতো, তত মেঠো। না পারে কেউ উগলে দিতে, না পারে কেউ গিলে ফেলতে। আঃ। তা লইলে মরতে বসে লোকে বলে—বাঁচাও গো বাঁচাও। ‘মর’ বললে সবাই ক্যান্বে বলে—গাল দিলি আমাকে! হায় রে—হায় রে। হায় রে।

বলতে বলতেই নস্বরবালা চলে আসে। বেলা অনেক হয়েছে। মাঙনে বের হতে হবে।

চলে আসতে আসতে থমকে দাঁড়ায় নস্বর। দেখ, পোড়া মনের করণখানা দেখা! বলা হয় নাই। সব কথা তো বলা হয় নাই বাবাঠাকুরকে! কিরল সে।

—বাবা গো! ঠাকুর মশাই!

—কি? কিরলি যে।

—ফেরলাম বাবা। সব কথা তো বলা হয় নাই।

—আবার কি ?

—অভয় ঠাকুর বে বললে—সব ঝুটা—সব ঝুটা—সব ঝুটা। এ্যাই মুঠো বেঁধে হই আঁকাশ বাগে ঘুবি মেরে বলছে—সব ঝুটা। আর কি বলছে—ইনাপ কিলাপ—জিন্দা-বাদী। সায়েবরা গেল তো কি হল ? ও লোক দেখানো যাওয়া। আসলে বাবুভাইদিগে গমস্তা রেখে আমাদের বাবুদের কোলকাতা যাওয়ার মত। বেলাতে গিয়ে স্থখে স্বচ্ছন্দে মুনাকা মারছে। তা আমি বললাম, তা মারবে না ? এত বড় রাজ্য-পাট—লাভ না নিয়ে ছেড়ে দেবে ? ও বাবা ! অমুনি বলে, চোপরাও ! সব ঝুট, এঁটো এঁটো এঁটো ! ইয়ের কি মানে বলো।

বাবাঠাকুর বললেন—উ সব আমিও জানি না ভাজুর মা। আমাকে আর জালাস না। বাড়ী যা। আবার কাল শুনব।

—কাল শুনবে ?

—ই্যা—কাল।

—আজ রাতে যদি মরে যাই !

—তা যাবি। আর তাই যদি যাস, তবে এর জবাব শুনে কি হবে ?

—তা ‘মন রসনা বলে’—মন্দ বল নাই। যদি যাইই তবে শুনেই বা কি হবে ! কিন্তুক—

—আবার কি ?

—সি দেশ কেমন বটে ?

—কোন দেশ ?

—যেথাকে যাব।

—আমি জানি না। এবার ভিক্ত হয়ে—ক্লান্তভাবে জবাব দেন পাণ্ডাঠাকুর। ওদিকে কোথা থেকে যাত্রী এসেছে। ওই উত্তর দিকের শিবমন্দিরের ওপাশে জুতো খুলছে। এখুনি এসে দাঁড়াবে। নিশ্চয় প্রশ্নামী পড়বে। তিনি হন হন করে এগিয়ে গেলেন।

নসু ফিরল। এবার সত্যি সত্যিই ফিরল।

জঙ্গলের মধ্যে দিয়ে পায়ে চলা পথ—এসে পড়েছে মাঠের ওপর। জঙ্গলের ভিতর অন্ধকার। আলো-ছায়ার খেলা। আগের কালে সে কি ঘন জঙ্গলই না ছিল। থমথম করত অন্ধকার। চলতে চলতে একজনে আর একজনের সঙ্গে ঠোকাঠুকি হতে হতে—দাঁড়িয়ে বলত—কে ?

অজ্ঞানও বলত—কে ?

লোক চেনা দায় হত !

ও পারেও নাকি তাই। অন্ধকারে পাগল সেডাত গাইত—সে গান সেডাতের সঙ্গে সেও গেয়েছে—

ওরে আমার ভাইরে ?

ও তোর—আলোর তরে ভাবনা কেনে হায়রে ?

অন্ধকারেই পরাণ পাখি সেই জ্বাশেতে যায়রে।

লক্ষ পিঙ্গল চন্দ্র সূর্য্য তাইরে নাইরে নাইরে ।

তাই বটে । তাইরে নাইরে নাইরে । তা হোক ।—

না থাক, আছে একজন তাই

এগিয়ে এসে হাতটি বাড়ায়—

ছুই চোখ তার দুইটি পিঙ্গল—সে কি সে রোশনাইরে ।

সেই জনা মোর মনের মাহুষ এইখানে খোজ পাইরে !

—তা—আরও কিছুদিন বাদে, মা আদারবুড়ী, আরও কিছুদিন বাদে । নরন ভরে দেখতে দে  
মা । দেখতে দে । আঃ—যত তেতো তত মেঠো—এ উগলে কি ফেলা যায় ? গিলতে না পারি  
গলায় নিয়ে—গরুর মতন জাবর কাটছি । তাই আর কিছুদিন কাটি ।

—ব্যাই হে ব্যাই! ও ব্যাই! অর্থাৎ—বেয়াই হে—বেয়াই! ও বেয়াই!

ঘর থেকে 'মাঙনে' বের হবার পথে নিত্য নসুবালি বড় রাস্তার ধারে একখানা নিতাস ছোট, প্রায় তাসের ঘরের মত একখানা ঘরের সামনে ওই বেয়াই বলে ডাক দিয়ে উঠোনে দাঁড়ায়। ঘরখানা ছোট, উঠোনটা ছোট কিন্তু নিকানো তক্তকে, বক্তকে, পাশে পাশে ক'টি ফুলের গাছ। সবই বেল ফুলের গাছ—দাওয়ার সিঁড়ির দু-পাশে দুটি করবীর ঝাড় আর বাড়ীর পিছনে একটি মধুমালতীর লতা—সেটি উঠেছে বাড়ীর পিছনদিকে একটি আউচ গাছকে জড়িয়ে। আউচের সব ফুলগুলি সাদা। শুধু মধুমালতী ফুল সকালে সাদা হয়ে ফুটে—বেলা বাড়ার সঙ্গে সঙ্গে লালচে হতে শুরু করে সন্ধ্যাবেলা টকটকে রাঙা হয়।

ঘরখানি কটিক বৈরেগীর বাড়ী। নসুবালির মতই বিশ্বসংসারে ছন্নছাড়া গোত্রছাড়া গোষ্ঠীছাড়া যা বলা যায় তাই। বৈষ্ণবী নেই। ছেলেবেলা বার দুই দিয়ে বা মালাচন্দন করেছিল—কিন্তু তারা কটিকের ঘর করে নি। নিজেরাই পালিয়েছে। বলে গেছে—মুখে বাঁটা! অর্থাৎ—কটিকের। দুই বৈষ্ণবীই বলে গেছে। এর পর আর সে বৈষ্ণবী আসে নি।

বৈরাগীর ছেলে তিলক কাটে না, ফোঁটা কাটে না, গান গায় না, ডিকে করে না; পুতুল গড়ে। আগে দু-চারখানা প্রতিমা গড়ত এখন তাও গড়ে না—গড়ে শুধু পুতুল—তাই বিক্রী করে দিন চালায়। ঘাড়নাড়া—তামাক খাওয়া বুড়ো, দাঁত ফোঁকলা বুড়ী, টিক্‌টিকি, ব্যাঙ—এই তার পুতুল।

বৈষ্ণবত্বের মধ্যে বাড়ীতে তার নিজের হাতে গড়া একটি রাখাল বালক কৃষ্ণমূর্তি আছে, তার পূজো মন্ত্রটন্ত্র দিয়ে করে না, তবে ফুল দিয়ে সাজায়, নিজে যা খায় সে তাকে ভোগ দিয়ে নিয়ে খায়, চা, ভাত সবই আগে তার সামনে নামিয়ে দেয়। শুধু রাখালবেশী কৃষ্ণ। রাখা বা গোপিনী এ সব নেই।

নসুর সঙ্গে এই কৃষ্ণটিকে নিয়েই তার বেয়াই বেরান সম্পর্ক।

নসু হল ভাদ্রব মা। নসুর ঘরে আছে মাটির গড়া ভাদ্রবালী। যারা ভাদ্র পূজো করে—তারো পূজোর শেষে ভাদ্র ভাঙ্গায়। নসু ভাঙ্গায় না।

ভাদ্রব গল্পটা বাংলাদেশে মানভূম থেকে এ অঞ্চলে অনেকে জানে কিন্তু কলকাতা এ অঞ্চলের কোন শহর নয়, এ অঞ্চলের কাছাকাছি হলগু - এ দেশে হলগু, কলকাতার আসল ফটক হল জাহাজঘাটার, এখন হয়েছে দমদমে, হাওড়া স্টেশনে যে ফটকটা ওটা হল খিড়কী—চিরকাল। সুতরাং কলকাতার লোকে অনেকে জানে না হয় তো।

প্রবাদ আছে—বাংলাদেশের বন অঞ্চলে এক রাজা ছিলেন। ভাদ্র তাঁরই কন্যা—ভাদ্র-বালী বলে ভাদ্র, সে মেয়ে ছিল অপসারীর মত রূপসী। রাজার বাড়ীতে ছিল যুগল বিগ্রহ।

মেয়ের ছেলেবেলা থেকে এই ঠাকুরে অহুঁরাগ। ক্রমে সে বড় হল, যুবতী হল। বিয়ের সম্বন্ধ আসতে লাগল, কিন্তু কোন সম্বন্ধই মেয়ের পছন্দ হল না, কোন না কোন ছুতো করে খুঁত ধরে কিরিয়ে দিল। জোর করলে কাঁদতে লাগল—আহার নিদ্রা বন্ধ করলে। ক্রমে লোকে কানাকানি শুরু করলে যে, তা হলে মেয়ে কাউকে ভালবাসে। যার কথা বলতে পারছে না বাপ-মাকে। বাপ-মায়েরও সন্দেহ হল। এর পর তীক্ষ্ণ নজর রাখতে গিয়ে দেখা গেল, রাজ-কন্তা ভাঙ্—গভীর রাতে ঘরে থাকে না। দাসীরা সভরে রাজাকে জানালে কথাটা। রাজা সেদিন প্রায় গোপনে পুলিশের মত নজর রাখলেন। ঠিক দু'পহর হল, ঘড়িতে দু' পহর বাজাল প্রহরীরা, মাঠে ডাকল শেয়ালেরা, গাছে ডাকলে পেঁচারা; রাজা দেখলেন, মেয়ে বেরিয়ে এল রাজবাড়ীর খিড়কী দিয়ে। চলল সে ঠাকুরবাড়ীর দিকে। রাজা আশ্চর্য হলেন—তখনও মন্দিরদরজা খোলা, ঘরে প্রদীপ জলছে। কন্তা ঘরে ঢুকল, দরজা বন্ধ হল; রাজা এসে সতর্ক পদক্ষেপে—দরজার কান পেতে দাঁড়ালেন। ঘরে—খিল-খিল হাসিতে ভেঙে পড়ছে মেয়ে। তার সঙ্গে পুরুষের কণ্ঠের হাসি। তারপর শুরু হল নাচ গান, মেয়ে গাইছে, নাচছে।

রাজা দরজার ঘা দিলেন। সব শুদ্ধ হল।

রাগে রাজার দিখিদির জ্ঞান ছিল না, তিনি ভেবেছিলেন—পাপিষ্ঠ পুরোহিত আগে থেকে ঘরে লুকিয়ে আছে। প্রেমালাপ চলছে তার সঙ্গে। রাজা ক্রোধে অস্থির হয়ে—ছুতোর ডেকে দরজা ভাঙলেন। দেখলেন ঘরে আছে বিগ্রহ—আর তার সামনে বিগতপ্রাণা কন্তার দেহ।

রাজবাড়ীতে যুগল বিগ্রহের পাশে ভাঙ্রাণীর মূর্তি গড়ে স্থাপন করেছিলেন ভাঙ্র রাজা বাপ, সে আজও আছে। সেই সঙ্গে ভাঙ্র পূজারও প্রচলন হয়ে গেল সারা দেশে। ভাঙ্ ভালবাসতেন নাচ গান। এই নাচগানেই নাকি ঠাকুর ভুলেছিলেন।

নন্দ ভাঙ্র মা। তার ভাঙ্রাণী আছে। কিন্তু তার তো প্রেমাম্পদ ঠাকুর চাই। দেশে বামুন কায়স্থ সদগোপ মশায়দের ঠাকুর আছে। কিন্তু তারা সদজাতের বাড়ীর কৃষ্ণ। তার ভাঙ্—তার কন্তে—সে তো নীচকুলের ঘরের ভাঙ্ কন্তে—তার সঙ্গে সদজাতের বাড়ীর কৃষ্ণ-ঠাকুরেরা প্রেম করবে কেন? করতে পারে অবিশ্বাস—যেমন বাবুদের বা বামুন কায়স্থের ছোকরা ছা-চারজনে—তাদের ঘরের কন্তাদের সঙ্গে গোপনে রাতিকালে দেখানো করে। তাতে নীচকুলের মেয়েদেরই সর্বনাশ হয়—বাবুদের ছোকরা হাত পা ধুয়ে বাড়ী চোকে। দিনে চিনতে পারে না, বাড়ীর দোরে গিয়ে দাঁড়ালে—লোক দিয়ে তাড়িয়ে দেয়। ছোটতে বড়তে, রাজ্যতে প্রজ্যতে; ধনীতে ভিখারিগীতে প্রেম হয় না; করতে নেই। তাই সেদিকে সে তার ভাঙ্কে নিয়ে যায় নি। চন্দনপুরে এসে—আলাপ হল ফটিক দাসের সঙ্গে। সংসারে একা মাহুৰ। ভালমাহুৰ। কাকর ভালোয় নেই, মন্দতে নেই; পুতুল বেচে ধার। বাড়ীতে বিড়ি টানে—পুতুল গড়ে। ও-ই ওর বাড়ীতে এসেছিল ভাঙ্ নিয়ে গান গাইতে।

ফটিক বলেছিল—তোমার ভাঙ্মণি আছে—আমার বাহুমণি আছে। দেখবে?

হলে সে বের করে এনেছিল মাটির রাখালকৃষ্ণ, এক হাতে পাঁচনি—অন্য হাতে বাণী!

নন্দুবালা বলেছিল—হায় হায় হায়—আমার ভাঙ্গুনির কি কপাল গো, আজ কার মুখ দেখে উঠেছিল। আঃ ছুঁড়ির যৈবন বয়ে যাচ্ছিল—কালিচাঁদ আসে নাই। মা গো, তাই কি জানি যে এই বাড়ীর দোরে দালের ঘরে বাসা বেঁধে লুকিয়ে বসে আছে? লে—পেনাম কর। ভাঙ্গু—পেনাম কর। শোনা নাচ গান।

সেদিন নাচগান সেরে যখন বাড়ী ফিরেছিল—তখন তাদের বেয়াই বেয়ান পাভানো হয়ে গেছে; তার ভাঙ্গুরাণী সেদিন ফটিকদাসের বাড়ীতে বাঙ্গুনির কাছে থেকে গিয়েছিল। রেখে এসেছিল নন্দুবালা।

এই বেশ হয়েছে। মেয়ের মা হিসেবে যা চেয়েছে—তাই পেয়েছে। “গরীবের মেয়ে ছোটজাতের মেয়ে,”—সে তার ভাঙ্গুপুতুলের মুখের কাছে হাত নেড়ে ষাড় নেড়ে বলেছিল—মা, —বামুন কায়েত সদগোপ—এদের ঘরের ছেলেপুলের দিকে তাকাস না মা। তাকাত্তে নেই। ওরা সব টিয়েপাখি। সবুজ রং লাল ঠোঁট বাহার অনেক—কিন্তুক মা—ওরা আসে ধানের সময়, ধান খায়—তার পরেতে ধান ফুরলে ফুরে যা। তার চেয়ে আমাদের শরক শালিক ভাল। আমি যা বাছলাম—এ শরক শালিকের চেয়েও ভাল—কালো কোকিল। ই। মন পাতিয়ে থেকে। ল্যাই (ঝগড়া) করো না। নাচ গান শুনিয়ো। হোক।

পুতুলটিকে এই কথাগুলি বলে, এসেছিল নিজের বাড়ী এবং পরের দিন সকাল হতে-না-হতে গিয়ে ডেকে তুলেছিল ফটিকদাসকে।

—বেয়াই হে—ওঠ—ওঠ! শুনছ, ওঠ!

বিরক্ত হয়েছিল ফটিক।—কি? অঃ এখনও কাক কোকিল বাসা ছাড়ে নাই—। কি ব্যাপার? ভাঙ্গুকে রেখে ঘুম হয় নাই বুঝি?

—তুমি বেরসিক। আমি জানতাম তুমি রসিকজনা!

—ক্যানে? বেরসিক তুমি! ভাঙ্গুর যাঙ্গুর ভোরের ঘুম ভাঙাতে এসেছ!

—এসেছি সাধে! কোকিলে কি বলছে শোন।

—কি বলছে?

—‘কত নিজে যাবে ভাঙ্গু কালো মানিকেরই কো-লে!’ ওহে লোকজন উঠলে তাদের ছায়নে ভাঙ্গু আমার তোমার বাঙ্গুনির ঘর থেকে বেরিয়ে যাবে কি করে, কোন্ মুখে। বলে—“গিরীতি করিবি—গোপনে রাখিবি—তবে তো থাকিবি সুখে।” ওর সব রস সব সুখ—ওই তো ওইখানে! লাও—লাও। কুজভঙ্গ কর। আমি চাদর ঢাকা দিয়ে ভাঙ্গুকে নিয়ে পালাই। তুমি দেখ বাঙ্গুনির গালে—কি কপালে কি বুকে সিঁহুরের দাগটাগ লেগেছে কিনা। লেগে থাকলে মুছে দাও, নয়তো নীল রঙে তুলি দিয়ে ঢেকে দাও।

ছুটি সৃষ্টিছাড়া মাহুকের এই সৃষ্টিছাড়া খেলা। পাগলই হোক আর বর্বর হোক আর কুসংস্কারাচ্ছন্নই হোক—মরণ যতদিন না হয়—ততদিন ওরা থাকবে এবং শুভদিন ওরই মধ্যেই ওদের পরম আনন্দ। পুতুল নিয়ে খেলে দিন কেটে যায়। হয়তো বিধাতার সৃষ্টির অপব্যয়,

হয়তো পৃথিবীর -দেশের—এই অঞ্চলের জমাথরচের হিসেব-নিকেশের খাতার—ওরা অমার্জনীয় বাজে খরচ।

ওদিকে কাল চলেছে—ক্রততম গতিতে। মোটরের চাকায় রেলগাড়ীর চাকায় ঘণ্টায় অন্ততপক্ষে তিরিশ মাইল বেগে। এরা পুরনো কালের পুরনো ক্ষয়ে-যাওয়া বাশের লাঠি ধরে কোনরকমে পায়ে হেঁটে ঘণ্টায় দু মাইল গতিতে চলেছে। সব থেকে আশ্চর্য লাগে নম্বর—পাশের গাঁয়ের চক্রবর্তী বাড়ীর গেছো মেয়েটা বাইসিকিল চড়ে ইস্কুল আসে। এ গাঁয়ে নিত্য দন্তের আইবুড়ো ষিদি দস্তি মেয়েটা বাইসিকিল চড়ে বাজার যায়। এই মেয়ে দুটো পাশ কাটিয়ে সাঁ করে বেরিয়ে চলে যায়। যাবার সময় আচমকা ঘণ্টা বাজিয়ে দেয়—ঠিনি-নি-নি। চমকে উঠে নম্বর হাত দুই সরে গিয়ে বলে—হেই মা গো! মেয়ের এত বাড়! তারপর খুব হাসতে আরম্ভ করে—বাবারে বাবা—এতও দেখালে হরি।

বেয়াই কটিক দাস বলে—হয়েছে কি বেয়ান এখন; এই তো কলির সন্ধ্যাবেলা।

নম্বর বলে—না ভাই, সকাল বেলা বল। রাত দোপরে বুড়ো বয়েসে দেখবার তরে জেগে বসে থাকতে পারব না। আর রাত্রি বেলায় খেলু তো চিরকালের খেলু হে! যা ঘটবার দিনের বেলায় ঘটুক, দেখে শ্রাব করে সন্ধ্যা বেলা ঘর যাব।

—তা ভাই বলছি। সকাল বেলাই হল। দিনের বেলাতেই সব ঘটবে। ঘটছে। দেখতে তো পাচ্ছ গো।

—‘তা দেখছি। কিন্তু বেলা বেড়ে যেছে—’ বলেই নম্বর বলে—এই দেখ ভিভখানার কাণ্ড দেখ দিকিনি। কসকে বলে ফেলিয়েছে—‘যেছে’; যাচ্ছে—যাচ্ছে। কেমন কিনা, “চন্নপুত্র ছিল বাশের বন—পাতা পড়লে কুলো হত, ডাল পড়লে ঢেঁকি হত, ছিল শেয়াল সাপের বিচরণ। কে জানে কি হল—মন আমার হরি বেলো—সেই চন্নপুত্র হয়ে গেল সিংহাসন।” দুখের মধ্যে রাজা নাই; রাণীমা নাই; গিন্নীমা নাই—আছে শুধু কতোবাবু—আর বিবির দল। এখানে হচ্ছে-খাচ্ছে-যাচ্ছে-গেচ্ছে বলতে হবে।

মুহুর্তের নিশ্বাস নিয়ে সঙ্গে সঙ্গে হেসে মুখের দিকে তাকিয়ে বলে—এখন চল। বেলা হয়ে “যা-চ্ছে”—বেরিয়ে পড়। তুমি লাও পুতুলের ডালা—আমার ঝুলি কাঁধে। চল পালা সেরে আসি আর নতুন কালের খেলা দেখে আসি নয়ন ভরে।

সপ্তাহে দুদিন হাট—সোমবার আর শুক্রবার; এ দুদিন হাটেই কাটে একটা বেলা। কটিকদাস চ্যাটাই বিছিয়ে পুতুল সাজিয়ে বসে। নম্বরবালা হাতে ঘুড়ুর বেঁধে ডুবকী বাজিয়ে গান গায়। বাকী পাঁচ দিনের একদিন গাঁয়ে, বাকী চার দিন চারপাশের গ্রামগুলিতে পালা করে চলে যায় তারা। কোন কোন দিন এতে ছেদ পড়ে যায়। হঠাৎ চোখে পড়ে চারপাশের গাঁয়ের লোক এসে ভিড় করেছে—বি. ভি. ও আপিসের ধারেকাছে। উত্তর দিকে বাজারের প্রধান রাস্তা, চণ্ডা রাস্তা—এখন আবার পিচ পড়েছে; ছপাশে দোকান পশার; মিষ্টির দোকান, মশিহারির দোকান, দর্জির দোকান, নিমেন্ট লোহা-লটকোনের দোকান তো অনেক। দন্ত

মশায়ের ধানচালের গদী, মণ্ডলের গদী, দানদের গদী—একটু ভিতরে সাহা মশায়ের ধানচাল লটকোনের কারবার, বড় সাহার গাঁজা মদ আপিয়ের সঙ্গে কাপড়ের দোকান; এমই ভিতরে মধ্যে মধ্যে চায়ের দোকান—চোর টেবিল সমেত; তার মধ্যে গোটা দুয়েক চুলকাটা সেলুনও হয়েছে; দস্তরমত ঘাড়ে পাউডার মাখিয়ে ক্লিপ দিয়ে চুল হাঁটাই হয়। স্টেশনের ধারে গোটা চারেক কয়লার ডিপো। পূর্বে পশ্চিমে-দক্ষিণে ত্রিভুজের মত আকার দিয়ে তিনটে রাইস মিল, একেবারে পশ্চিমে, পশ্চিম কোণের—রাইস মিলটা ছাড়িয়ে ছেলেদের খুল-বোড়িং, তারও ওদিকে—আগে ছিল চ্যারিটেবল ডিসপেনসারী, এখন হয়েছে হেলথ সেন্টার, পচিশটে বেড আছে—দরকার হলে বাড়িয়ে তিরিশটাও করা হয়। তারও পশ্চিমে গ্রামটা আরও খানিকটা বেড়ে গিয়েছে সড়কের পাশে পাশে। সড়কটা গিয়ে মিশেছে একটা বটগাছতলায় আর একটা আরও বড় সড়কের সঙ্গে—যেটা গ্রামের দক্ষিণ দিক বেড়ে বাইরে বাইরে মাঠের বুক চিরে চলে গেছে নদী পার হয়ে—এ জেলা থেকে বর্ধমান জেলার প্রান্তভাগ দিয়ে অজয় ও গঙ্গার সঙ্গমঘাট পর্যন্ত। আবার গঙ্গার ওপারে অগ্রদ্বীপ থেকে—চলে গেছে—মুর্শিদাবাদ। নতুন এই বসতি শুরু করেছিল সাঁওতালরা, হুমকা জেলার জুতাসেলাই যারা করে—সেই সব আধা হিন্দুস্থানী মুচিরা—তারপর তাদের বসতি কিনে বসেছে ব্যবসায়ীরা। এরা বড় ব্যবসায়ী নয়, ছোট। খুচরো ধানচাল কেনে। খান দুই চায়ের দোকান—একটা মিষ্টির দোকান আছে। কয়েকখান লটকোনের দোকান। একজন কামার এসে কামার-শাল খুলেছে। জন দুয়েক হুমকার কাঠমিস্ত্রী কাঠের কারবার করেছে। গাড়ীর চাকা, ঘরের দরজা জানালা তৈরী করছে হুমকার ডাঁসা শাল থেকে। এর মধ্যে আবার আটঘড়া গাঁয়ের সেখেনের ছেলে—হাকিম সেখ করেছে চোর টেবিল উত্তাপোশের কারখানা। আবার রকমারি যত ক্যাসানের ‘বেরাকেট’ তৈরী করছে জামাকাপড় ঝুলিয়ে রাখবার জন্তে; দেওয়াল-আলনা, তাও তৈরী করে। কেনে প্রায় সবাই। সবাই অর্ধে নম্রদের পাড়ার মাল্লবেরা—কটিকদাসের মত মাল্লবেরা বাদে সকলে, গরীব গেরস্ত যারা—যাদের কাপড়জামা ময়লা এবং ছেঁড়া সেলাই করা তারাও কিনেছে।

আরও যে কত কারখানা হবে—সে নম্র কটিক জানে না। তবে শুভব তাদের কান এড়ায় না। শুধু নাকি কলেজ হবে, আর গেরামের দক্ষিণে যে বড় সড়ক চলে গিয়েছে গঙ্গার কূল—তার দক্ষিণে হবে সারি-সারি সরকারী আপিস।

যেতে যেতে থমকে দাঁড়াল নম্রবালা।—ও বেরাই।

কটিকদাসও দাঁড়িয়েছিল—সে বললে—তাই তো হে! এত ভিড়?

দূরে ভিড় জমেছে।—কি বেপার?

বি. ডি. ও. আপিস থেকে ওদিকে ইঁদুল, সাবরেজেন্ট্রী আপিস হাসপাতাল পর্যন্ত ভিড় থাকেই। এখান থেকে ওখানে রাস্তাটা মাগে বড় জোর সিকি মাইলের কিছু বেশী, এই সিকি মাইলে দেড়শো দুশো লোক ছড়িয়ে থাকে সকাল থেকে সন্ধ্যা পর্যন্ত। দশটার ভিড়টা বাড়ে। আবার চারটে থেকে কমেতে শুরু করে। আজকের ভিড়টা বি. ডি. ও. আপিস পার হয়ে



একটু আগে আস্ত সিংহের ডাক্তারখানা হতে উদিকে থানা পর্যন্ত জমে রয়েছে।

ফটিকদাসের অস্থমানের পরিধি নস্র থেকে বেশী। সে বললে—খুনখারাপী বটে!

—খুনখারাপী? ছেই মা গো!

—হঁ।

—কি করে বুঝলে?

—ইদিকে আস্ত ডাক্তারের ডাক্তারখানা—উদিকে থানা। ডাক্তার বেঁধেছেদে দিচ্ছে—  
আর উদিকে থানাতে নাগিশ হচ্ছে। বুঝেছ?

—পালিয়ে এস। উ মুখে যেয়ো না। চল বায়ে ফিরি। ইন্টিশানের দিকে যাই।  
এস!

—চল কেনে, দেখে আসি!

—না। কাজ নাই।

শান্ত কণ্ঠে যুহুস্বরে কথা বলে ফটিক—কোন খোঁচাতেই—কোন বাতাসেই তার জীবন  
এতটুকু বেশী উত্তপ্ত হয় না, সে তেমনিভাবেই বললে—তুমি যাও। আমি তো আপিসের  
ছান্ধনে বসব—তাই বসি গে, রথ দেখা কলাবেচা দুইই হবে।

নস্রর থানাকে বত ভয়—রক্তারক্তিকে ভত ভয়। সে সত্যিই মোড় ফিরল।—হরিবোল  
—হরিবোল, ভাদুর মা—তোর দেখে কাজ নাই; চল ভিন্ দিকে চল।

আপন মনেই বলতে বলতে চলে—মা মনসা বেনে বেটাকে বলেছেন—সব দিক চেয়ে  
দেখো মা—দখিনদিক পানে নয়ন ফিরিয়ে না। যেদিকে খুনখারাপী রক্তারক্তি লালপাগড়ী—  
সেই দিকই দখিন দিক। পালা ভাদুর মা—পালা।

## ২

ব্যাপার বা ঘটনা একটি নয়, দুটি।

আস্ত সিংহীর ডাক্তারখানায় চন্দনপুরের উত্তরপাড়ার বড়বাড়ীর বড় ভরফের গোপাল  
চৌধুরীকে নিয়ে এসেছে। চৌধুরীর মাথা কেটেছে। কপালের ঠিক উপরেই প্রায় দেড় ইঞ্চি  
লম্বা ক্ষত। মুখ থেকে বুক পর্যন্ত রক্তে ভেসে গেছে। সঙ্গে তার ছেলে শুভেন্দু। রান মুখে  
মাথা হেঁট করে দাঁড়িয়ে আছে, ডাক্তারখানার দরজার বাজুতে ঠেস দিয়ে। ভিতরে আস্ত  
সিংহী গোপালবাবুর মাথাটা ড্রেস করছে।

সামনে রাস্তায় লোক জমে আছে। টুকরো টুকরো কথা এখান ওখান থেকে উঠে ছড়িয়ে  
যাচ্ছে।

—নিজেই।

—নিজেই?

—হ্যাঁ, একখানা কাঠ নিয়েই মাথার ঘেঁষেছে।

—কি ব্যাপার?

ভিতর থেকে চৌধুরীর আতঁ চীৎকার ভেসে এল—না—না—এমন করে মরার উপর খাঁড়ার বা মেরো না। অলে যাচ্ছে। ছেড়ে দাও।

বাইরে লোকজনের মধ্যে থেকে কেউ বলে উঠল—আরও জলবে। এখন হয়েছে কি?

—কে—রে? প্রশ্ন করলে এদিক থেকে অস্ত্র কেউ। সঙ্গে সঙ্গে অনেক লোকই জিজ্ঞাসু দৃষ্টিতে পরস্পরের দিকে তাকিয়ে—নীরবে প্রশ্নটির পুনরুক্তি করলে। শুধু শুভেন্দু ফিরেও তাকালে না। এ প্রশ্নের জবাব কেউ দিলে না। কিন্তু কয়েকজনই মাটির দিকে চেয়ে রইল। হয়তো বা,—ভারা মুখ তুললে তাদের মুখে চাপাহাসির একটি সূক্ষ্ম রেখা দেখা যেত।

—এই এই সর তো হে। পথ দাও তো!

কণ্ঠস্বর শুনে পিছনে তাকিয়ে তাকে পথ ছেড়ে দিল। ওপাশ থেকে কথা উৎক্লিষ্ট হল—এই, এলেন।

—হঁ। চাই।

—উহ—কংগ্রেসী মোড়ল।

—দূর—রায়বাহাদুর। কংগ্রেসী রায়বাহাদুর।

চন্দনপুরের ভবানী মুখুজে—অনেককালের কংগ্রেসী। জেলখাটা লোক। স্বাধীনতার পর থেকে অবশ্যই মাতব্বর লোক। ভবানীবাবু একবার সেদিকে ফিরে তাকালে—কিন্তু বললে না কিছু। উঠে গেল ডাক্তারখানার বারান্দায়।

শুভেন্দু এতক্ষণে নড়ল—সে হাত বাড়িয়ে ওপাশের বাজুখানা ধরে বললে—যাবেন না আপনি।

ভবানীবাবুর কপালে কুঞ্জন রেখা ফুটে উঠল—বিস্মিত হলেন—প্রশ্ন করলেন—যাব না?

—হ্যাঁ। উনি খুব উত্তেজিত হয়ে আছেন। আপনাকে দেখলে হয়তো বিদ্রী কণ্ঠ করবেন।

—মানে? আমার দোষটা কোথায়?

—ঘটনার পর উনি চোঁচাচ্ছিলেন—এর চেয়ে যে ইংরেজ ভাল ছিল।

থমকে গেল ভবানীবাবু। কয়েক মিনিট নীরবে দাঁড়িয়ে থেকে হঠাৎ বোধ করি কথা খুঁজে পেলে, বললে—খানায় ডায়রী করেছ?

—না।

—করবে না?

—না।

—হঁ। তা হলে কি করবে?

হেসে শুভেন্দু বললে—বাবা বলছিলেন—ডায়রী ভগবানের কাছে লেখা হয়ে গেছে।

একটা দীর্ঘনিশ্বাস ফেলে ভবানীবাবু নেমে চলে গেল।

ঘটনাটা বিস্ময়করও বটে। কিন্তু একটু ভাবিয়ে দেখলে বলতে হয়—বিস্ময়েরই বা কি আছে এতে।

চৌধুরীবাড়ী এখানকার দ্বিতীয় সম্পদশালী বাড়ী ছিল। গোপাল চৌধুরীর বয়স এখন বাহার চুরান, তাঁর বাপের আমলে তাঁদের প্রভাপে বাঘে বলদে একঘাটে জল না-থাক—চোর এবং গৃহস্থ শান্তিতে পাশাপাশি বাস করত। চোরকে খেতে দিতেন—গৃহস্থকে চুরি হলে থানায় ডায়রী করতে দিতেন না, এবং মাল তিনি কিরিয়ে দিতে বাধ্য করতেন চোরকে। জরিমানা নিজে আদায় করতেন। তাঁর আমল বলতে পঞ্চাশ বছর আগেকার আমল—উনিশ শো সাত আট সাল; সে আমলে কেউ তাঁর বা গ্রামের সম্মানিত বাবুদের সামনে দিয়ে যাবার সময়—কম হেঁট হয়ে প্রণাম করে গেলে—ঘরে এনে মাখাটা মাটিতে ছুঁইয়ে প্রণাম শিখিয়ে দিতেন। বছরে দুটি পার্বণে গ্রামের ব্রাহ্মসমাজ থেকে সপ্তগ্রামী ব্রাহ্মণ-সমাজকে নিমন্ত্রণ করে—পরম সমাদরে খাওয়াতেন—হাত জোড় করে জিজ্ঞাসা করতেন পেট ভরেছে কিনা। আবার বেগারও নিতেন। ব্রাহ্ম সমাজের বধু কন্যাদের নিয়ে উচ্চ সম্পদায়ের যুবকেরা সে-কালে ব্যভিচার করত—এটাকে তিনি দৃষ্টি মনে করতেন না। সে ক্ষেত্রে ব্রাহ্মেরা ক্ষোভ প্রকাশ করলে—তিনি ডেকে তাদের ধমকে দিতেন—না, এসব নিয়ে গোলমাল কর না। নিয়ে গিয়ে টাকা যদি না দিয়ে থাকে তো বল। না-দিয়ে থাকলে টাকাটা দিয়ে দিতেন।

তিনি মারা গেলে তাঁর ছোটভাই পেয়েছিলেন অধিকার। সে অধিকারকে তিনি তাঁর কালের উপযোগী করে সংশোধন করে নিয়েছিলেন। তাতে বীকা ভলোয়ারের চেহারা পাণ্টে সোজা ভলোয়ারে পরিণত হয়েছিল। কিন্তু ভলোয়ারের স্বভাব পাণ্টায় নি। তিনি এই অধিকারের উপর একটা সরকারী অধিকার পেয়েছিলেন—প্রেসিডেন্ট পঞ্চায়েৎগিরির অধিকার।

তাঁর মৃত্যুর পর—সেটাও এখন থেকে প্রায় পঁয়ত্রিশ বছর আগে—বাইশ ভেইশ সালে—অধিকার এসেছিল এই গোপাল চৌধুরীর হাতে। গোপাল চৌধুরী লেখাপড়া শেখেন নি—সেই হেতু কুনো লোক; তবুও প্রথম প্রথম আধুনিক হবার চেষ্টা করেছিলেন, ইউনিয়ন বোর্ডে—গ্রামের পাঁচটা কমিটিতে সভ্য ছিলেন, থিয়েটারও করতেন, সভা হলে যেতেন, কিন্তু কোনটাতেই সফল হন নি, নিজের পায়ের ছাপ কেলেতে পারেন নি। অধিকার আপনি গেল, তিনি ঘরে ঢুকলেন, কেবল ঘর থেকে যতটুকু হাত-যায় তাঁর সম্পত্তির অধিকারের বলে—ততটুকুই ঝাঁকড়ে রইলেন প্রাণপণে। ঘর থেকে কাছারী, কাছারী থেকে গোরালাবাড়ী, মাঠে যেখানে তাঁর জমি আছে সেখান পর্যন্ত এবং বছরে মাস দু'তিন—মহালে মহালে—নিজের গত্তী নির্দিষ্ট করে নিয়ে বাস করতে লাগলেন। এই গত্তীর মধ্যে পূর্বপুরুষের ধারায় এবং তাঁদের প্রভাপের স্বত্তির প্রভাবে—শাসন করেছেন, পালন করেছেন, কখনও কখনও হকারও ছেড়েছেন যতটুকু পেরেছেন। ক্রমে তিরিশ সাল থেকে দেশের পরিবর্তনের সঙ্গে তিনি পাণ্টালেন কতটুকু ভগবান জানেন—তবে সত্যের হাতের মুঠো আলগা করলেন। এই পরিবর্তনে সব জমিদারের অবস্থা খারাপ হল। তাঁরও খারাপ হল। তিনি যত্ন নীকা আপসেই

নিরেছিলেন—এখন তাই নিয়েই মগ্ন হতে চেষ্টা করলেন। বিরোধ তিনি কারুর সঙ্গেই করতেন না। করলেও দেওয়ানী মতে আদালত মারকৎ। তারপর বেশ হল স্বাধীন। সব লোক নাকি হল সমান। হতচকিত হয়ে তিনি আরও ঘরে ঢুকলেন—হে ভগবান! সব সমান। চণ্ডাল ব্রাহ্মণ, বেগার জমিদার, পারে মাথায়, সব সমান! পরিজ্ঞাপন কর মা অসম্মাননী, আর নয়।

তারপর এই সন্ত গেল জমিদারী। সব জমিদারী গভর্নমেন্ট নিলে। তিনি তাঁর গোয়ালবাড়ীর বাইরের এলাকায় পা-দেওয়ানী ছেড়ে দিলেন। গোয়ালবাড়ীর পাশেই একটি বড় পুকুর, ভাল জল, সকল লোকে জান করে আর এই পুকুরের উত্তর পাড়ের উপর ব্রাহ্মণদের বসত। বাউড়ীপাড়া। এ পাড়া চৌধুরীবাড়ীর হাতের মুঠোর আমলকী। এই পুকুরে তিনি কিছু কাঠ চিরিয়ে ডুবিয়ে রাখিয়েছিলেন—পাকা কাঠকেও পাকা করবার জন্ত। হঠাৎ লক্ষ্য করলেন—কাঠ চুরি যাচ্ছে। নিজের সীমানায় দাঁড়িয়ে চাকরবাকরকে বেশী-ই একটু তর্ক করলেন। কিন্তু ভাতেও বন্ধ হল না। কোন সন্ধান পেয়ে আজ ভোরে তিনি উঠে গোয়ালবাড়ীতে এসেই দেখলেন—একজন বাউড়ী একখানি কাঠ কাঁধে তুলে নিয়ে চলে যাচ্ছে। তিনি অত্যন্ত ক্রুদ্ধ হয়ে ছুটে এসে পিছন থেকে ধরলেন তার চুলের মুঠোর। হারামজাদ!

খপ করে কাঠখানা ফেলে দিয়ে লোকটা ঘুরে দাঁড়িয়ে মালিককে দেখে থমকে গেল।

গোপালবাবু চুল ছেড়ে দিয়ে হেঁট হয়ে নিজের পায়ের চটি তুলে নিলেন—চোঁটা কাঁধাকা—।

অঘটন ঘটল। লোকটা খপ করে হাত বাড়িয়ে চটিটা ছিনিয়ে নিয়ে তাঁরই মাথায় বসিয়ে দিয়ে ছুটে পালাল।

বজ্রাহতের মত স্পন্দনহীন হয়ে গেলেন গোপালবাবু। তারপর যা হল সে কল্পনাভীত। হয়তো বা গোপালবাবুর কল্পনাতেও তা ছিল না, বোধ হয় একান্ত আকস্মিকভাবে ঘটে গেল, সেইখানে পড়েছিল একটা টুকরো কাঠ। ঝাড়া বাউড়ী বিক্রী করবার জন্ত চেরাই কাঠখানা নিয়েছিল কাঁধে এবং ঘরে পোড়াবার জন্ত টুকরোটা নিয়েছিল হাতে, বা দুটোই ছিল কাঁধে—কেলবার সময় দুটোই পড়েছিল পাশাপাশি; গোপাল চৌধুরী মিনিটখানেক পর স্তম্ভিত-ভাবে কাটতেই নিদারুণ ক্রোধে বা আত্মগোপনের ক্ষোভে কাঠখানা হুড়িয়ে নিয়ে সজোরে নিজের কপালে, যেখানে ঝাড়া তাঁকে তাঁর চটি দিয়ে আঘাত করেছিল—সেইখানটাতে আঘাত করে-ছিলেন এবং চীৎকার করে বলে উঠেছিলেন—এই নে!

কপালটা গেল কেটে এবং তিনি সংজ্ঞা হারিয়ে গেলেন পড়ে। প্রায় পাঁচ মিনিট পরে খবর পেয়ে ছুটে এল শুভেন্দু, তার ছোট নবেন্দু; গোপালবাবুর খুঁড়তুতো ভাই নেপালবাবু এবং তার ছোট ভূপালবাবু। তাঁরা এলেন—দেখলেন রক্তাক্ত মুখে গোপালবাবু পড়ে আছেন—সমস্ত বাউড়ীপাড়ার লোক দূরে দূরে আড়ালে আবডালে দাঁড়িয়ে আছে—কিন্তু কেউ এগিয়ে আসে নি।

শুভেন্দু কাকাদেবও ছুঁতে দেয় নি গোপালবাবুকে। শুভেন্দু ঘরে ঘরে মনোমালিন্য মর্মান্তিক। বলেছিল—না। সংসারে আমাদের কেউ নেই, আমরা একা। মরা করে

আমাদের ব্যবস্থা আমাদের করতে দিন।

ভার্যপৰ গাড়ী করে নিয়ে এসেছে আশু সিংয়ের ডাক্তারখানার। হাসপাতালে নিয়ে যেতে চায় নি। আশু ডাক্তারকে বাড়ীতেই ডাক্তার—ডেকে ফি দেবার মত অবস্থা আছে, কিন্তু তাতে দেরি হত ডাক্তারকে পেতে। ডাক্তারখানার রোগীদের কলে কলে আসা সহজ নয়। কেমন করে এমনটা ঘটল—সে কথা শুভেন্দু গোপনে ডাক্তারকে বলেছে, কিন্তু প্রচার হয়ে গেছে, বাতালে ভেসে এসেছে।

“আরও জলবে। জলার এখন হয়েছে কি?”—কথাটি যে বলেছে—তাকে অস্ত্র কেউ না চিহ্নক শুভেন্দু চিনেছে। সে হল সোনাডাক্তার সতীশ আচার্যি। একদিন সে শুভেন্দুদের বাড়ীতেই রান্না করত, ঠাকুর ছিল। সতীশদের সমাজে কস্তার জন্ত পণ দিতে হয়—বা হত। অবশ্য অবস্থা ভাল যাদের—তাদের ছেলের এবং লেখা-পড়া জানা ছেলের কথা আলাদা, এবং বামুনঠাকুরের বৃত্তিধারী পাচক ছেলের কথা উন্টোদিকে আরও আলাদা—পণ দিয়েও সেখানে কস্তা মেলে না। সতীশের সখল ছিল একটি—পুরুষালি চেহারা। ওই মূলধনে এক অত্রাক্ষণ বাড়ীর একটি ব্রষ্ট চরিত্রা মেয়েকে নিয়ে এসেছিল—ঘর বাধতে। গোপালবাবুর সঙ্গে তাঁদের মহালে গিয়ে সেখানেই হয় প্রেমের সূত্রপাত এবং সে-দফা নিরীহের মত বাবুর সঙ্গে ফিরে আসে। কিছুদিন পর একদা রাত্রে সেই গ্রামে গিয়ে তাকে নিয়ে এসে চন্দনপুরেই লুকিয়ে রেখেছিল। কথাটা প্রকাশ হলে—গোপালবাবু রাগে কাঁপতে কাঁপতে তার গালে একটি চড় মেয়ে তৎক্ষণাৎ বাড়ী থেকে দূর করে দিয়েছিলেন। এ সতীশ সেই সতীশ। সতীশ এখন যাত্রার দলে ভাত রান্না করে। সেই মেয়েটি এখনও তার কাছে আছে, এবং যাত্রার দলে ভাত রান্না ছাড়া সতীশ সভাসমিতিও করে বেড়ায় ঝাঙা উড়িয়ে, লোকে বলে, ঐ চড়ের আক্রোশে।

সে লজ্জা সঙ্কোচ কাউকে করে না। নিজের মনের কাছে যেটুকু লজ্জা, তাও ঐ ঝাঙার ঝাপটায় উড়ে গেছে। ভয়ও সে কাউকে করে না। তবু আজ ঐ কথাটা বলে সে মুখ নামিয়েছে। সেটা বোধ হয়—অনেকদিন ওদের বাড়ীতে ছিল বলে। অথবা অস্ত্র কিছু? হয়তো অস্ত্রে সমর্থন করলেও সতীশও আজকের ঘটনাটি প্রকাশে উচ্চকণ্ঠে সমর্থন করতে পারছে না।

আশু সিংয়ের ডাক্তারখানার ওদিকে আর একটা ভিড় জমে আছে। সে ভিড়টায় জমাট বেশী। অনেক লোক।

ওখানে বিস্ময় আছে, কৌতুক আছে। এতটুকু আছা উছর কোন কারণ নাই। কৌতুক রসের পাকটা ওখানে প্রবল উত্তাপে ধরা গন্ধ ছড়িয়েছে। মধ্যে মধ্যে একজন হেঁকে উঠেছে—বাহা রে বাহা রে কলিকাল!

সঙ্গে সঙ্গে প্রতিধ্বনির মত হু-চারজন ধ্বনি তুলছে—তাঁহরে তাঁহরে।

অনেককাল আগে এখানে একজন চানচুরগুলা আসত পূজার সময়। ছ’মাস থেকে নৈজলে ভর্তি টাকা নিয়ে ফিরত। তার হাঁক ছিল—বাহা রে, বাহা রে ভাজা। তারপর ছড়া

বলত। সে সব ছড়ার চল তো আর নেই, কিন্তু—‘বাহা রে বাহা রে’ শব্দটি এ অঞ্চলে শব্দমালা স্বাক্ষরভাণ্ডারে স্থান পেয়ে গেছে। কোতুক রস কোনক্রমে গেঁজে উঠলেই—এই ‘বাহা রে’ শব্দটি জনতার মুখ থেকে বেরিয়ে আসে। আর তাঁহরে শব্দটি এখানে প্রচলন করেছিল কোন এক লাজুক যুবক। কথাটা অর্থহীন। যুবকটি মাঠে ঘাটে একা হলেই আপন মনে চীৎকার করত—‘বাহা রে’র সঙ্গে তাঁহরের ধ্বনিগত সাদৃশ্য আছে বলেই বোধ হয় একটা বললেই আরেকটা বেরিয়ে আসে।

আরও অনেক রকম কথার বৃহদ উঠছে। উঠছে কাটছে।

অর্থহীন কথা।

—শালা মারে ডাণ্ডা!

—ভো—কাট্টা!

—হঁ!—হঁ! কাটা ঘুড়ি লাট খেয়ে পড়ছে থানার বারান্দায়।

—গোঁতা খেয়ে পড়। দে পাক।

—সাত পাক। এক আধ পাকে হবে না।

কে একজন অতি উৎসাহ বা উৎসাহের মত্ততায় উল্লাস প্রকাশের ভাষা না পেয়ে বলে উঠল—  
—চল—কিং—কিং—কিং—কিং।

সমস্ত জীবন যেন একটা প্রমত্ততা বহুদিনের মজা-পুকুরের পাকের মধ্যে গ্যাসের মত সঞ্চিত হয়ে রয়েছে, সামান্য আলোড়নেই তলা থেকে ফুলিয়ে উঠছে উপরে—কোয়ারার ধারায়।

ঘটনাটি অবশ্য নতুন না হলেও ঘটনাটির আত্মপ্রকাশের ভঙ্গিটি নতুন। একেবারে নতুন।

একটি উনিশ কুড়ি বছরের যুবতী কুমারী। অধিবাসের অর্থাৎ গারে-হলুদের চিহ্ন গায়ে নিয়ে নতুন কাপড় পরে থানার বারান্দায় বসে আছে। মাথায় ঘষা চুল ফুলে ফেঁপে পিঠে এবং মুখের দু পাশ আংশিকভাবে ঢেকে ছড়িয়ে রয়েছে। সম্ভবত আমলার গন্ধও পাওয়া যাবে। না হলে সাবানের গন্ধ।

আজ তার বিয়ে।

রাজিতে বাড়ীর সকলে ঘুমলে সে বাড়ী থেকে বেরিয়ে পড়েছিল; লুকিয়েছিল চণ্ডীভলার জললে। ভোরবেলা এসে উঠেছে থানায়।

বিয়ে সে করবে না। বাপ মা তার জোর করে বিয়ে দিতে চায়। সে থানায় এসেছে আশ্রয়ের জন্য।

তার বরস আঠারো বছরের বেশী।

সে বিয়ে করবে না। থানা যদি তাকে আশ্রয় না দেয় তবে সে আত্মহত্যা করবে। তার জন্ত দায়ী হবে থানা গবর্নমেন্ট।

এর আগে এই ঘটনা ঘটেছে। অনেক ঘটেছে। বিয়ের রাজ্যে কনে নিখোঁজ হয়েছে।

অপব্যয় রটেছে। কিন্তু হয়তো বা সেই দিন—নয় তো বা পর দিন তার দেহ পাওয়া গেছে নদীর ধরে। কিংবা সেই দিনই মেয়ে বিষ খেয়েছে। এমনও হয়েছে, মেয়েকে পাওয়া গেছে আট-দশ মাইল দূরে ভিখারিনীর বেশে।

কারুর সঙ্গে পালিয়ে যাওয়া স্বভাব কথা। তার সঙ্গে এর মিল নেই। এ মেয়ে খানায় এসেছে—বাপ মা সমাজ সবার হাত থেকে রক্ষা পাবার জন্য। খানাপ মেয়ে হলে সে এই সুযোগে নিখোঁজ হত—খানায় আসত না। বাপ আসত খানায়। পথের ধারের জনতার কথাবার্তাগুলি এখানে, মুহূর্তে হচ্ছিল না। এখানে কোন বেদনা নেই। এখানে উল্লাস—উচ্ছ্বল উল্লাস রয়েছে, তার প্রকাশ কর্তব্য উচ্চ থেকে উচ্চতর হওয়াই স্বাভাবিক নিয়ম। এখানেও তার ব্যতিক্রম হয় নি। কিন্তু মেয়েটি আশ্চর্য। তার কোন চঞ্চলতা নেই। সে স্থির হয়ে আছে।

হঠাৎ ভিড় ঠেলে যেন পড়তে পড়তে এগিয়ে এল নন্দাবালী। স্টেশন থেকে খবর শুনে সে ফিরে এসেছে। তার খানা পুলিশের ভয় ঘূচিয়ে জেগে উঠেছে কোতুল।

—হেই মা। বিয়ের কনে পালিয়ে এসে খানায় এসেছে। বলে বিয়ে করব না। জোর করলে মরব। গলায় দড়ি, বিষ, কাপড়ে আগুন, জলে কাঁপ, ঝুটিতে গলা কাটা, ছাদ থেকে লাফানো—মরার তো হাজার পথ। হাজার কেন—লাখো পথ। কিন্তু সে পথ ধরে কে? এত সাহস কার?

যার এত সাহস সে কি মেয়ে গো। ডাকিনী না যোগিনী না ভেরটা না পিশাচী না দেবতা। সে কি নন্দাবালীর না দেখলে চলে?

নন্দাবালী এসে তার মুখের কাছে একটু হেঁট হয়ে ঝুঁকে দেখে দেখে বললে—হেই মা—তুমি—? তাই তো বলি। সীমে?

### ৩

হায় মন রসনা আমার—

একি তুই পারবি—গাহিতে—

নতুন কালের নতুন ভাষায় নতুন মহিমে,

এক মুখে যে নারি কহিতে।

শুনশুনিয়ে গান ধরেছিল—নন্দাবালী।

ওই দিনই সন্ধ্যাবেলা।

মেয়েটিকে নন্দাবালী জানে। এ চাকলার ভিকাজীবী নন্দুর অচেনা বড় কেউ একটা নেই। বিশেষ করে আইনুড়ো বিয়ের যুগ্মি মেয়ে। কারণ সে হল ভাঙ্কর মা। কুমারী মেয়েদের

উপর তার, একটা স্নেহের টান আছে। তা নইলে সে ভাদ্রর মা হয় কেমন করে।

ওদিকে কটিকদাস মাটি ভৈরী করছিল, পুতুল ভৈরী করবে। আজ একদিকে ওই হাদামা, অত্নদিকে সেটেলমেন্ট আপিসে ভিনধানা গাঁয়ের লোক এসে আর এক হাদামা জুড়েছিল। জমিদারী উচ্ছেদের পর জমি জেরাভের নতুন ব্যবস্থা বিলি হবে, তার আগে মাপ জোক হচ্ছে, কার কোন জমি—কতটা জমি—কি স্বত্ব মথল ক'রে লেখা হচ্ছে; এরপর পরচা হবে। শোনা যাচ্ছে পঁচিশ একরের বেশী জমি কেউ রাখতে পাবে না, রাখলে সরকার নিয়ে নেবে। তারপর নাকি ভাগ করে দেবে—যারা গরীব, চাষ করে খেটে খায়, অথচ নিজের এককাঠা জমি নেই তাদের। কিন্তু—

কটিকদাস কথাটা শুনেছে—ওই আপিসের সামনেই লোকেদের বলতে শুনেছে; এবং শুনে সে বুঝতেও পেরেছে ব্যাপারটা। আজ এসেছিল আকুটি গ্রামের লোকেরা। তার মধ্যে চাষীভূষী গেরস্তরা এসেছিল হেঁটে এবং পাঁচধানা ছইওয়াল গরুর গাড়ী করে এসেছিল আকুটির ঘোষালবাবুদের পাঁচ ভরক। তারা প্রায় হাতাহাতি করে গেছে।

সেটেলমেন্ট আপিসের পাশে দুটো গাছতলায় পাঁচধানা সতরঞ্জি বিছিয়ে বসেছিল বাবুয়া। মধ্যে মধ্যে ঝগড়া,—মধ্যে মধ্যে হাসি-ঠাট্টা চলছিল। মধ্যে মধ্যে গালাগাল। মেজ ভরকের মেজবাবুই এখন পাঁচ বাড়ীর মধ্যে বয়সে বড়। সারাদিন বারচারেক আফিং খেয়েছে আর যোগেশ দানের দোকান থেকে বার আঠেক চা খেয়েছে, ঝিমিয়েছে, সিগারেট বিড়ি টেনেছে। ঝিমিনির মধ্যেই বোল কেটেছে।

ছোট ভরকের ছোটবাবু এককালের শৌখীন লোক, কাঠকাঠরার আসবাবে বিলাতী ছবি পুতুলে ঘর সাজাবার তার বৌক ছিল কোট প্যান্টলুন মিছিধুতি পাঞ্জাবি—দামী সাজ পোশাকের বাতিক ছিল—এখন অবস্থা খারাপ বলে ও সব বৌক মন্দা পড়েছে। সেই কটিককে ভেকে তার পুতুল দেখেছিল। কিনেছেও সব পুতুল দুটো করে। সেই সময় কথা-গুলি মন দিয়ে শুনবার অবকাশ পেয়েছিল কটিক। ওঃ! সে কি কথা।

সোমস্তা এসে বলেছিল—বাবু আপত্তি করছে ওরা! বলছে ওরা!—বলছে এ হবে না!

বাবু চোখ না খুলেই বলেছিল—ক'টাকা চাচ্ছে রে? ক' টাকা দিতে গিয়েছিলি?

—টাকা নেই না।

—ওরে বাবাঃ! ভুতের বেটা বেঙ্গদতি! সেটেলমেন্ট করতে এসে টাকা নেবে না।

—বলছে ধরা পড়লে চাকরি যাবে। আর ধরা পড়বেই। বলছে যেখানে ছুঁচ চলে না সেখানে ফাল চলে?

—চলে। বল গিয়ে এ কাপড় সেলাই নয়, জমি সেলাই। ওতে ফালই লাগে। চালুনির কাঁক দিয়ে চালতে পারলে হাতী গলে যায়। বল গে হয়। মহাভারতে আছে। একটা ঘেয়ের একসঙ্গে পাঁচটা স্বামী হয় না তো মহাভারতে হল কি করে। পাণ্ডুরাজার পাঁচ পুত্রের কোন পুত্রটা পাণ্ডুর নিজের? তবু পাণ্ডুর রাজ্য কোন্ আইনে পায়? এ ভো শালা বাপ থাকতে বেটারা ভিন্ন হয়েছে। নে এই দানপত্রটা নিয়ে যা। বলবি ভাল করে



ঠাণ্ডা জলে চোখ ধুয়ে পড়তে। বলবি—পারলে এমনি করে কালে সেলাই হয়। এ সূতোর সেলাই নয়। কাছির সেলাই। না—না! তারপরই ঘন ঘন বারকয়েক সিগারেট টেনে বলেছিল—দে-রে, ও ছোটখোকা আমার আক্খিয়ের কোটোটা।

আক্খি খেয়ে বলছিল—কচু পোড়া খেলাম রে বাবা, সায়েবরা চলে গেল; নাড়াবুনেরা কীতুনে হল। জমিদারী নিয়ে আশ মিটল না। জমি নেবে। পঁচাত্তর বিষের বেশী রাখতে দেবে না। চারটে ছেলে আমার, তাদের ভাগে তা হলে উনিশ বিষেও পোরে না। এক বিষের খান বিড়ি তামাক; পাঁচ বিষে অস্ত্র নেশা। তারপর তো অস্ত্র থরচ।

আবার একটু থেমে বলেছিল—শালা তিনদিনকা যোগী পাও বরাবর জটা। কোথা থেকে বাউণ্ডলে চাকরের বেটা চাকরে দু কলম ইংরেজী শিখে হাকিম হয়ে বসেছে। আইন দেখাচ্ছে। আমরা বাবা সাতপুরুষ জমিদারী করে এলাম। মাকে মামার বাড়ী দেখায়।

এর সঙ্গে খারাপ কথার মিশেল ছিল অনেক।

চমৎকৃত হয়েছিল কটিক কথার বাধুনীতে আর বাহারে। বলেই চলেছিল বাবু। তার ভিতর থেকে কটিক আসল তথ্যটি সংগ্রহ করেছিল।

বাবুর জমি আছে তিনশো বিঘে। পতিত জমি তাও পাঁচশো বিঘে। জমিদারীর পতিত জমি চেক কেটে বউ বেটির নামে বন্দোবস্ত দেখিয়েছে। এখন জমির বেলা দেখাচ্ছে জমিতে চার ছেলের মালিকান। তিনি তাদের দানপত্র করেছেন। তা হলেই চার ছেলেকে পঁচাত্তর বিঘে খেয়ে যাবে।

তা বটে—একেই বলে ফাল দিয়ে কাছির দড়ির সেলাই। এ সেলাই টেনে ছিঁড়বে না। বলিহারি বুদ্ধি। ওরা চলে ডালে ডালে তো এরা চলে পাতায় পাতায়।

আর শুনেছে যেখানে যত পতিত আছে সেখানে নানান গাছের ডাল কেটে বসানো। আর এ গাছ সে গাছের চারা বসানো। বাসু তা হলেই রক্ষে। বাগান হয়ে গেল। ফলের বাগান হলে জমি বাজেনাপ্তির আইনে পড়বে না।

ওখানেই কে একজন ছোকরা বলেছিল—ল হালুয়া! নিবি জমি কেড়ে? করবি মাহুবে মাহুবে সমান?

এখানেই বেধেছিল হাকামা, বাবুদেরই কোন এক তরফ একজন প্রজাকে দিয়ে এতে আপত্তি দিয়েছে। বলেছে মেজবাবু বেনাম করছে।

কটিকদাস মাটি তৈরী করতে করতে সেইসব কথা ভাবছে। নস্বর গান তার কানে ঢুকছে না। সেও গান বাধছে। কিন্তু মুশকিল হল যে কটিক গাইতে পারে না, গলা নেই। না থাক, তবু মন খামছে না। মনের মধ্যে কলি ঘুরছে—

পুরনো চালের শোন গুণ-মহিমে—

কাল কাছিতে জমি সেলাই—ছিঁড়তে নারে ভীমে।

নসুবালার তখন নতুন কলি যুগিয়েছে।

নতুন কালের শুধ খোলায় কনকচূড়ের খই—  
ভাঙুর আমার মুখ ফুটেছে—ও মন রসনা আমার—  
শুনে যা লো সই।

নবীনপুরের এক আঁজলা কনকচূড়ের খই ওই মেয়ে। ডাকনাম—কনক।  
নবীনপুরের অমর চকোস্তির মেয়ে—ভাল নাম—সীমা। ওই ওই তার কনকচূড়ের ধান।  
লোকে বলে গেছে মেয়ে—একটা ভাঙা সাইকেলে চড়ে ইঁহুলে আসত। গত বছর পর্যন্ত  
এসেছে।

অমর চকোস্তি এ কালের বিচিত্র মানুষ। নম্র বলে, না পোলোয়া না খিচুড়ী—তুনি  
খিচুড়ী। ওর মধ্যে নাই কি? চকোস্তি নয় কি?

চকোস্তি—বামুন—হা তা বটে। কে বলবে নয়? ওদের বংশ চণ্ডীভলার সেবাইত  
ক'বরের একঘর,—পালা পড়লে চান ক'রে কে'টের কাপড় প'রে কপালে সিঁহুরের টিপ্ প'রে  
চণ্ডীভলায় যায়। ভাগ নিয়ে ঘরে আসে। মাসে আটদিন পালা।

ইঁহুলে পড়ে একটা-পাশ-করা লোক, রেজেষ্টারী আপিসে দলিল লিখে রোজগার করে  
বারমাস। আটঘড়ার শেখজী—আমজেন আলির সঙ্গে এক তক্তপোশে বসে ওখানে কাজ  
করে, একসঙ্গে বসে চা খায়, লোকে বলে মদও খায়, কোন কোন দিন রাত্রে একসঙ্গে খায়  
দায়। শেখ মুরগী রাঁধে। সে অবিস্ত্রি আঙুলের আড় দিয়ে করে। আবার জেলার কাগজে  
বেনামী চিঠি লেখে। লোকে তারিক রুয়ে, চকোস্তি এমন রসিয়ে লেখে। আর দারোগা  
হাকিম জমিদার কাউকে ছাড়ে না। ভুবনপুরে যাত্রার দল আছে, সেই দলে আবার এ্যাক্টোও  
করে।

বাবাঃ, সে কি তেজ চকোস্তি ঠাকুরের! যখন বিশ্বামিত্র সেজে নামে, তখন যত গোলমাল  
থাকুক আসরে—সব চুপ হয়ে যায়। ওরে বাবা—

—দিহু শাপ—সবংশে নির্বংশ হবি—

অনন্ত নরকে যাবি—আরে রে দুর্ঘতি!

সে শুনে লোকজনের বুক গুরুগুরু করে ওঠে। মনে হয় হাত জোড় করে ছুটে গিয়ে বলে  
—হেই চকোস্তি ঠাকুর, থাম বাবা, রাগ খানিক থামাও। ওরে বাবা, এত রাগ! হেই  
মাগো! নিবংশ বলতে আছে! শুধু এই নয়, সে আমলে চকোস্তি স্বদেশী করে জেল খেটে-  
ছিল তিন মাস। তখন খন্দর পরত। এখন খন্দর পরে না। তবে ভোটের সময় গাজনের  
ঢাকীর মতো ঢাক বাজিয়ে নেচে বেড়ায়। বক্তৃতাও করে।

অমর চকোস্তির ছেলে নাই, আছে চার মেয়ে। এ মেয়ে সেজ অর্থাৎ তৃতীয়া। ভাল নাম  
সীমা। ডাকনাম কনক। হয়তো কনকই আসল নাম। কিন্তু পর পর দুই মেয়ের পরও

যখন কনক হল—তখন নাম হল সীমা। বড় মেয়ে বনলতা—মেজ বর্নলতা—তারপর মিলিয়ে হয়েছিল কনকলতা। কিন্তু আর যেন মেয়ে না হয় সেইজন্য পাণ্টে রাখা হয় ‘সীমা’।

আর্ণাকালীর মত নামগুলি অমর চকোত্তির পছন্দ হয় নি। সীমার পরও আবার মেয়ে হয়েছিল—তার নাম ‘কমা’। তারপরও মেয়ে—কিন্তু সে মেয়ে বেঁচে নেই। মেয়ে-মা এক সঙ্গে গিয়ে অমর চকোত্তি খালি পেয়েছে।

তুই মেয়ের বিয়ে দিয়েছে। তখন চকোত্তির জমিজমাও ছিল এবং দেশে একটু খ্যাতির না হোক আদর ছিল। জেলখাটা লোক! জমি বেচে বিয়ে দিয়েছে তাদের। তারপর থেকে চকোত্তি পাণ্টেছে। তার আদর গেছে।

তার কারণ মদ। এবং আরও একটি কারণ। এক বিধবাকে ঘরে এনে রেখেছে। ওদিকে আশ্চর্যের কথা—চণ্ডীভলার পাওনা কমে এসেছে। এখন চণ্ডীমায়ের একরকম নিজেরই চলে না—তা ছু আনার অর্ধেক অংশের শরীক চকোত্তির চলবে কি করে।

চকোত্তিও তাতে দমে নি। সে মেয়ে সীমাকে আগে থেকেই সাইকেল চড়া শিখিয়ে নিজের ডাঙা সাইকেলটা তাকে দিয়েছিল। সীমা চন্দনপুর মাইনর ইন্সুল থেকে বৃত্তি পেয়ে পাশও করেছিল। চকোত্তি তাকে বই কিনে দিয়ে বলেছিল—তা হলো তুই পড়। তোর জন্তে আমি নিশ্চিন্তি। দরকারমতো হাইস্কুলে যাবি। পাশেই রেজেক্টারী আপিসে থাকি। মাস্টারদের কাছে দেখিয়ে-টেকিয়ে নিয়ে আসবি।

সীমা মাইনর গার্লস স্কুলে পড়বার সময় রেসিটেশন করত ভাল। চকোত্তিই শিখিয়েছিল। তখন গার্লস স্কুল—বয়েজ হাইস্কুলের প্রাইজ হ’ত একসঙ্গে। দুইই মাধববাবুর প্রতিষ্ঠা করা। রেসিটেশনে সেবার নাম করেছিল সীমা। রবীন্দ্রনাথের তুর্ভিঙ্গ জীবন্তীপুরে ববে—কবিতা আবৃত্তি করেছিল। তখন দুই হাইস্কুলের সেক্রেটারী ছিলেন—মাধববাবুর ছোট ছেলে রায় বাহাদুর পবিত্রবাবু। পবিত্রবাবু বই লিখতেন, তাঁর থিরেটার ছিল—নিজে খুব ভাল পাঠ করতেন। তিনি পরের বছর সীমাকে এবং চন্দনপুরের গোপাল চৌধুরীর ছেলে শুভেন্দুকে নিয়ে—চন্দ্রগুপ্ত থেকে চাণক্য এবং মূবার দৃষ্ট রেসিটেশন করিয়েছিলেন। তার পরের বৎসর ওদের দুজনকে দিয়েই করিয়েছিলেন—‘অভিসার’ রেসিটেশন। দুজনেই খুব মিলিয়ে আরম্ভ করেছিল—সন্ন্যাসী উপগুপ্ত, মথুরাপুরীর প্রাচীরের তলে—একদা ছিলেন স্তম্ভ। তারপর ‘সন্ন্যাসী গায়ে ঠেকিতে চরণ ধামিল বাসবদত্তা’ আসতেই—শুভেন্দু ওয়ে পড়েছিল এবং সীমা জান হাতখানিতে প্রদীপ ধরায় ভজি ক’রে—তার মুখের কাছে বুঁকে পড়ে বলেছিল—

কমা কর মোরে কুমার কিশোর—

দয়া কর, যদি গৃহে চল মোর—

এ ধরনীতল কঠিন কঠোর

এ নহে ভোমার শয়্যা।

এরপর শুভেন্দু টুটে রূপে আরম্ভ করেছিল।

আমি লাবণ্যপুঞ্জ,...

সময় বেদিন আসিবে আপনি

বাইব তোমার কুঞ্জে ।

তারপর আবার, দুজনে আরম্ভ করেছিল—‘সহসা কথা ভড়িত শিখার মেলিল, বিপুল আত্ম।’ এমন ভাবেই শেষ করেছিল গোটা কবিতাটির আবৃত্তি। সেবার সেটি এত ভাল হয়েছিল যে—জেলা ম্যাজিস্ট্রেট দস্তসাহেব খুশী হয়ে বলেছিলেন, এদের মেডেল দেওয়া উচিত। আমি আশা করি ইচ্ছুল কর্তৃপক্ষ এদের মেডেল দেবেন আসছে বার।

তখন সীমা ছোট ছিল। বয়স তখন দশ-এগারো। তারপরও সে অনেক সুনাম অর্জন করেছে, অন্ততঃ রেসিটেশনে। একা করেছে। দুজনে করেছে। শুভেন্দুর সঙ্গে আবার থিরেটারও করেছে। বয়েজ ইচ্ছুলের সুবর্ণ জয়ন্তী হল উনিশশ একাত্তর সালে, ওরা দুজনে করছিল কচ ও দেবধানী! প্রাইজ ডিস্ট্রিবিউশনে—কর্ণকুন্তী-সংবাদ করেছে। সে শুভেন্দুর সঙ্গে নয়, তাপু—তপন সরকারের সঙ্গে। সে পুরনো কথা। ১৯৫০ সালের কথা। তারপর কয়েক বছরই চলে গেছে। ১৯৫৫ সালে সীমা প্রাইভেটে ম্যাট্রিক দিয়েছিল। অমর চকোত্তি আশা করেছিল সীমা পাস করবে। পাস করলে সীমাকে এখানকার গার্লস স্কুলে ঢুকিয়ে দেবার ইচ্ছে ছিল তার। বাট সস্তর যা পাবে তাই তার সংসারে আসবে। সংসারে এখন বড় টানাটানি। দিন দিন জিনিসের দর বাশের ডগায় গিয়ে ঠেকেছে। আর কমাটার বিশেষ কিছু হবে না। মেয়েটা দেখতে খুব সুন্দর, কিন্তু বুদ্ধি প্রথর নয়। তার উপর—বোধ হয় রূপ আছে বলেই—সাজবার-গুজবার খুব ইচ্ছে। ওটাকে কারুর ঘাড়ে চাপিয়ে দিতে পারলে নিশ্চিন্তি। সীমা হয়তো শেষ বয়সে তাকে পুষতে পারবে। কিন্তু যেমন ভাগ্য! ভাগ্য ছাড়া কি বলবে অমর চকোত্তি? নইলে যে দোষ চাপে তার ঘাড়ে। সে সব বই কিনে দিতেই পারে নি মেয়েকে। সুতরাং ভাগ্য মন্দ বলাই ভাল। ভাগ্যের জন্তেই সীমা ফেল করলে। ১৯৫৬ সালের ইলেকসনে বেশ টাকা পেয়েছিল অমর। সেই টাকায় বই কিনে দিবে মেয়েকে বলেছিল—এবার ফেল হলে শুনব না। কিন্তু এবারও ফেল করেছে সীমা।

চকোত্তি-বাড়ীর বিধবা কর্তাটির সঙ্গে সীমার বনিবনাও হত না। এ কাল—সমাজতন্ত্রের কাল—কিন্তু সমাজের কাল নয়; ও বিষয়ে সমাজতন্ত্রের মতামত উদার। তবুও সেকালের লোক আছে বেঁচে—একেলোদের মধ্যেও সেকলে আছে, এবং একেলের মতামতের এমন অনেক আছে যারা অন্তের নিম্নে যে-কোন ছুতোয় পেলেই হল—ভাতেই তারা জিত শানিয়ে কথা বলে। সেসব কথা সীমাকে শুনতে হয়। কারণ সে ইচ্ছুলে আসে। পরীক্ষার ছ মাস আগে সে এখানে গয়েদের হোস্টেলে ছিল। শনি-রবিবার বাড়ী যেত। ওই বাইসিকলে চড়ে যেত। এবং দেড় দিনে সাড়ে পাঁচ দিন শোনা কথার বিষয়গুলির বাঁজ কোন না কোন প্রকারে তার কথার মধ্য দিয়ে বেরিয়ে আসত।

বিধবা সহ্য করত। মধ্যে মধ্যে বলত—দেখ সীমা—আমি তোমার গুরুজন। বয়সে বড়। সবকিছু না-মান কিন্তু বয়সে বড়, বাড়ীর রাঁধুণী বলেও মানা উচিত। আমি তোমাদের

বাড়ী যেচে আসি নি, তোমার বাবা আমাকে এনেছে। তোমার লজ্জা—রাগ—আমার উপর করে তো লাভ নেই—তোমার বাবার উপর করো। বল তো তোমার বাবাকে আমি বলব।

সীমাকে চুপ করতে হত। কিন্তু কিছুক্ষণ পরেই আবার একটা কোন ছুতোর নতুন করে বাধত। কমা এ সবে মধ্য থাকত না। তার সঙ্গে মাসীর সত্যিই একটা মেহের সম্পর্ক আছে এবং কমা বোধ হয় এ সবে মধ্য দোষ দেখে না। মাসী চাল ধান বেচেও তার শখ ও সাধ মিটায়।

চকোস্তি বলে—সে বাপের খাতির রাখে না, তা সত্যিই সে রাখে না—; এই বিধবা প্রসঙ্গ উঠলেই সে সঙ্গে সঙ্গে এখানকার সকল জনের সকল বাড়ীর অতীত ইতিহাস আওড়াতে শুরু করে—। কার কোন্ ব্রাত্য বংশের নারীর সঙ্গে সম্পর্ক ছিল—কোন্ অভিজাত বংশে কার কোন্ রকিডা ছিল—এসব তার নখদর্পণে। সীমার সঙ্গেও এ নিয়ে তার বাকযুদ্ধ হয় নি এমন নয়। হয়েছে; লোকজন যেই উপস্থিত থাকে তাদের সামনেই উচু গলায় হয়েছে।

নসুবালার গানের কলিতে সেসব কথাই উল্লেখ আছে। নসুবালার ভোলে নি একটি বর্ণণ। সে বলে—পক্ষীর মত শুনি। যা শুনি তাই বলি। ভুলি না। বুজিচ বেয়াই। হ্যা, আমি মা তোর পোষা পাখি, যা শেখাস মা তাই শিখি, সেই বিস্তার।

তারপর হঠাৎ বলে, সেই হাটকুড়ো জেলের বাড়ী সরক পাখি ছিল, সেই সরকের সরক পাখি আমি। মাছ নিতে গিয়ে বাড়ীর উঠানে দাঁড়ালেই, বাস্—‘ভাতারখাগী হাটকুড়ি’—। যত গাল শুনত, সব বলে যেত একে একে। তারই মধ্যে বলব, হেই মা! বাবুমশাই। বাই বাবু মাছ দিয়ে আসি! আবার তখনি বলত, মর মর মর মিন্‌সে! বলা দেখ।

নসুবালার তাই বটে। চকোস্তির কথা ও গানের মালায় গেঁথে রেখেছে। সপ্তাহে একদিন সে চকোস্তির গারে যায়। গেলে ওদের বাড়ী বাবেই। যত ভাব তার সীমা কুমার সঙ্গে তত ভাব তার ওই ওদের বিধবা মাসীর সঙ্গে। নসুবালার কাছে কারুর কোন দোষও নেই বিচার নেই। যে কেউ ওকে সমাদর করে ভাঙর মা বলে ডাকলেই হল।

নসুবালার গানে বলে—

আগে গাছের ডালে কাঁটা

তবে ডালের ডগার কুল—

বহিলে কলক নদী ও মন রসনা আমার

তার ডাঙনে গড়ে কুল।

পতিতপাবনী গঙ্গা, শিব ধরিল মাথায়

কাঁপ দিয়ে পালাল ধনী—ও মন রসনা

শান্ত রাজা কোথায়?

চকোস্তির কণ্ঠখানি বাজে যেন শখ—

গলা পক ভিলক জাঁকে

মনরসনা—পরিজ্ঞ কলক—।

মস্ত ছড়া। গায় ওদের নিজের সেই একঘেয়ে সুরে। তাতে কোন কথাটি বাদ নেই। চকোস্তি পুরাণে কলকের কথাই বলে না; গ্রামের এবং আশপাশ গ্রামের লোকদের গোপন প্রেমের কথা বলে না, তাদের নিজের বংশের কথা বলে।

অমর চকোস্তি সীমার কাছেই বলছিল, বলতে এতটুকু মুখে আটকায় নি, আমার ঠাকুরদাদা কেঁচুনাপাড়া যেত শিবের মত। মাঠে মাঠে কাঁকড়ুনী ঘাসকাটুনীদের পেছনে পেছনে ঘুরত। আমার বাবার আমল থেকে হাল আমল—বাবা সন্ধ্যাবেলা ঝড় নাই জল নাই, যেত শুকুপাড়ায় বোল-বছরে বিধবা সৈরভীর বাড়ী; আমার পৈতের সময় মুখ দেখিয়েছিল সৈরভীকে; আমার ভিক্কেমাকে দেখেছিল তো হারামজাদী। এ কালে আমার পালা। বাবা! আজ আর রাজা প্রজা নই, বামুন শুকু নই, সবাই সমান। অস্ত্রের বাড়ীর চৌকাঠ মাড়াতে গিয়ে মাথা দেবে? পতিত নাই পঞ্চায়েত নাই, ভয়টা কিসের? তোকে ভয় করতে হবে? তোর লজ্জা লাগে তুই আপনার পথ দেখ। লাজলজ্জা ভয়ভর আমার নাই। লোকে বলে আমি মদ খেয়ে চণ্ডীমায়ের মাটির চিপিতে কিল মেরেছিলাম। মদের ঘোর মিছে কথা, মেরেছিলাম জেনেশুনে, টনটনে জ্ঞান ছিল। মদ খেয়েছিলাম—বারা থাকবে, তারা তো এরপর মারবে, সেই মার সহ্য করবার জন্তে। আর যদি বলে সেবাইত থেকে খারিজ করব, তবে বলবার পথ থাকবে—মদ খেয়ে আমার জ্ঞান ছিল না।

চণ্ডীমায়ের সেবাইত চকোস্তি, একদিন মস্তগান করে চণ্ডী-রূপিনী যে শুপটি আছে সেই শুপটির উপর দমাদম কিল মারতে শুরু করেছিল—এবং চীৎকার করেছিল, লাগ্তা হায় তো চিল্লাও—ত্রিক মাটি হায় তো ভাঙে।

এইটি নস্রবালা সহ্য করতে পারে না। চণ্ডীমায়ের তার অসীম ভক্তি বিশ্বাস। নিত্য সকালবেলা গিয়ে সেখানে প্রণাম করে, মনের প্রার্থনা নিবেদন করে। আবেদন জানায়, মায়ের ঘরের একটি টিকুটিকি টক টক করলেই সে তার মধ্য হতে জবাব আবিষ্কার করে নেয়। জবলে ঘেরা চণ্ডীমায়ের স্থান, সেখানে কীটপতঙ্গের সরীসৃপের ইঁদুর-বাদরের মেলা—টিকুটিকিও সেখানে অনেক। যে-কোন টিকুটিকিই টক টক করুক সেটি নস্রব সেই আদি ও অকৃত্রিম টিকুটিকিটি যে নাকি মায়ের হয়ে কথা বলে। যাক্। এই ঘটনার অর্থ্যাৎ মাকে কিল মারার পর সে চকোস্তির উপর খুব ক্রুদ্ধ হয়েছিল এবং সে কিছুদিন ওদের বাড়ী বাওয়া ছেড়ে দিয়েছিল। নিত্য সকালে উঠে প্রত্যাশা করত যে, শুনতে পাবে গভরাঙ্গে অমর চকোস্তি মুখ দিয়ে রক্ত উঠে মরেছে, অথবা সর্পাঘাত হয়েছে কপালে, অথবা ওলাওঠা হয়েছে। দিনের পর দিন তা না হওয়াতে সে বিস্মিত হয়েছিল। একদা সেই বিস্ময়বশে ওই চকোস্তির বাড়ী গিয়ে সরাসরি তাকেই প্রার্থনা করেছিল—তোমার কিছু হল না কেন বল দিকি?

—কি? কি হবে?

—মায়ের বুকে তুমি চাই চাই করে কিল মারলে—ভবু—।

আর নম্রকে বলতে দেয় নি চকোতি, হা-হা করে হেসে উঠেছিল।

বিরক্ত হয়ে নম্র বলেছিল—

এমন করে হেসো না—হা-হা করে। হ্যাঁ।

—হাসব না?

—না। রহস্তটা বল।

—এই মরেছে—

—হ্যাঁ মরেছেই বটে। বল। তুমি তাহলে—

—কি?

—সাধকটামক বট? এঁয়া?

গভীরভাবে কোতুক-রসটিকে প্রগাঢ় করে তুলে চকোতি বলেছিল—বলিস নে কাউকে খবরদার। তাতেই কাজ হয়েছিল সঙ্গে সঙ্গে। সম্পূর্ণ বিশ্বাস করেছিল চকোতির কথা। একটা প্রণাম করে নম্র বেরিয়ে এসেছিল।

এ নিয়ে তার বেয়াইয়ের সঙ্গেও কথা হয়েছিল। কটকদাস হেসে বলেছিল, তোমার নিজের মহিমে আছে বেয়ান, তাই সবাইয়ের মধ্যে তুমি মহিমে দেখ।

বেয়ান রেগে বলেছিল—মরণ। মিনুগের কথা শোন।

—শোন বেয়ান শোন! যাত্রার দলের রাধা বলত, শুনেছ তো, তমাল গাছ, তাকে কেষ্ট বলত; তালগাছ—তাকেও বলত, এই আমার শ্রাম। শ্রাম বিক্রির পাতা পেড়ে—শ্রাম গির্দীমের কালো শিবে—শ্রামসোহাগী কাজল পড়লে তাই হয়।

—তোমার কথা আমি মানি না হে মানি না।

—মেনো না তাই।

এ সব পুরনো কথা।

তারপর সীমা দ্বিতীয়বার কেল করতে।

খবর বেদিন এল, সেদিন চকোতি যম খেয়ে বাড়ী এসে কিছুক্ষণ কেঁদেছিল; সীমার দোষ নেই, দোষ তার। কতটুকু করেছে সে তার পড়ার জন্তে? জিনে? নিজে সে একদিন দেখিয়ে দিয়েছে? তবে?...ওই যে ঘরে অলসী অধর্মকে পুঁবে রেখেছে তার বল—? তার বল যাবে কোথায়?

বিশ্বাটীর নাম মনোরমা। সে কাজ করছিল—ঘর কাঁট দিয়ে চলেছিল, নিরন্তরে কাজই করে গিয়েছিল, কোন উত্তর দেয় নি। চকোতির একমুখা খোঁজাখোঁজ শেষ হলেই সে চাবির

মোহাটি খুঁট থেকে খুলে চকোতির সামনে ছুঁড়ে দিয়ে বেরিয়ে গিয়েছিল। তখন রাত্রে শিঙে ছিল—পাঁপ অধর্ম চল বর থেকে, সংসার ভোরার ধর্ম পুণ্যে পথিও হোক।

চকোতি চমকে উঠেছিল—এ কি? এটা কি হল? এই—! এই! যেতে তাকে সে দেয় নি। মনোরমা যেতেও ভরসা করে নি, বিরোহিল। এবং এরপর চকোতি উল্টো গাইতে শুরু করেছিল। সীমার আঁকের মন নর—বটী বাজানো বামুনেরা চাবী দিয়ে বটী বাজিয়ে টাকা না পেলে যেভাবে মৃত ব্যক্তির নরকে হর্দশার কথা বর্ণনা করে পৃথক দাঁড়িয়ে ভাই করেছিল।

এই বিশ্বাটাই এবার বলেছিল, অনেক হয়েছে। অনেক দেখালে। এই পাড়াগাঁয়ে মেয়েকে বাইসিকল চাপা শিখিয়ে ইছুলে পাঠালে, বোর্ডিংয়েও ক' মাস রাখলে, পাস করিয়ে মেয়েকে চাকরী করাবে—মেয়ে তোমাকে পুসবে। ওসব আশা ছাড়। এখন দেখে শুনে একটা বিয়ে দিয়ে দিও, এখনও কুড়ি পার হয় নি, বড়ী হয় নি। ম্যাট্রিক ফেল, পাড়াগাঁয়ে দু-চারজন শখ করে বিয়ে করতে চাইবে। তোমরা মেয়ের জন্তে বিয়েতে পণ নাও, পণ হয়তো বেশী পাবে।

চকোতির কথাটা ভালো লেগেছিল, সে ভালো লাগা ভয়কর ভালো লাগা। মনে হয়েছিল এই কথাটাই সে খুঁজছিল, খুঁজে পাচ্ছিল না। সে মনোরমার মুখের দিকে তাকিয়ে থেকেছিল, আধমিনিট, তারপর বলেছিল, আচ্ছা বলেছ ভো। আবার বলেছিল—ঠিক বলেছ।

পাত্র বের করতে তার দেবী হয় নি।

পাত্র—চন্দনপুর থেকে তাদের গ্রাম দু মাইল। তাদের গাঁ থেকে আরও পাঁচ মাইল উত্তর-পূর্ব কোণে বনচাত্রা গাঁয়ের গোবিন্দ পাঠকের বাড়ি—ভুবন পাঠকের ছেলে রমেন পাঠক। গোবিন্দ পাঠকের শোনা যায় বিশ হাজার টাকা, পাঁচশো বিঘে জমি ছিল। ভুবন পাঠক যুদ্ধের বাজারে এবং পরে কন্ট্রোলার সময় কালোবাজারে ধান বেচে বিশ জিশ হাজার টাকাকে দু লক্ষে দাঁড় করিয়েছে। ভুবন পাঠক চন্দনপুরের ছাত্র, থার্ড ক্লাস পর্যন্ত পড়েছিল, তার পাঠ্যবহুয় বাপকে সাইকেলের জন্তে ধরেছিল। বাপ একশো টাকা দাম শুনে বলেছিল নমুনা দিল, আমার কামার খাতক আছে, তাকে লোহা দেব সে গড়ে দেবে, দশটা টাকা বজুরী। লোহা ভো ভাঙা-চোঁরা বাড়ীতেই আছে। ভুবন পাঠক বাপের মৃত্যুর পর সাইকেল কিনেছিল। খড়ের চাল তুলে টিনের চাল করেছিল। সেই ভুবনের ছেলে—ম্যাট্রিক ফেল করে মালিক হয়ে বসে। ম্যাট্রিক দেওয়াল টিনের চাল তুলে পাকা ইঁটে দালান বাড়ী করেছে। সাইকেল এখন তার এছাড়া ভিনখানা। এছাড়া রমেন গ্রামে খিরেটারও খুলেছে। সেই স্ত্রী অমর চকোতি সেখানে যাওয়া আসা করেছে কিছুদিন। রমেন শৌখীন ছেলে। বিয়ে হয়েছিল—বউ মরে গেছে। ছুটি বাচ্চা ছেলে, মাহুদ করছে রমেনের মা। রমেন এখন পথ ধরেছে, পাড়াগাঁয়ের বেয়ে মুখ্য ঘেরে সে বিয়ে করবে না—তার লেখাপড়া জানা মেয়ে চাই।

রমেন তার বাড়ীও করেকবার এসেছে। বাইসিকলে চড়ে। মাহুদ হিসেবে বেজারী আদমিরী, দু-পুরের রূপণ অপবাদ খুঁটিয়ে এখন বাবু সাজতে চায়।...চকচকে সাইকেল, দাবী



শৌখিন স্নায় কভার কিট করা, ইলেকট্রিক ব্যাটারী কিট করা আলো, পোশাক-পরিচ্ছন্ন খান কলকাতার বড় হোকানের তৈরী। ক্যানানে একটু ব্যাকডেটেড—এখনও ওপেনড্রেস্ট কোর্ট পরে। তা হোক। দামী সিগারেট খায়। প্রথম বিয়েটার করবে—জারই জন্তে এসেছিল—অমর চকোতির কাছে, চন্দনপুরের বাবুদের অনেক ছোকরার চেয়ে তার পার্ট ভাল হত। বড় বড় পার্ট করেছে। ওখান থেকে—আশেপাশে বিয়েটার যখন পজাতে লাগল, তখন সে তাদের মার্চাঙ্গী করেছে, ডিরেক্টরী করেছে। স্টেজ বাঁধা থেকে অ্যাঙ্কিং পর্যন্ত সবই সে তাদের শিখিয়েছে। আরজায় আরজায় শক্ত পার্টও দিয়েছে। টাকা নিয়ে অবশ্য। কি তার মিনিমাম পকাশ টাকা। এ ছাড়া খাওয়া-দাওয়া সিগারেট, মদ এ তো আছেই। রমেন যখন এসেছিল, তখন সে বিজ্ঞাসা করেছিল, আমার কি জান তো।

—জানি না ঠিক। তবে শুনেছি। সে তো একরকম নয়।

—হ্যাঁ। মিনিমাম একটা আছে। তা সেখানে কাজও সেইরকম করি। বাতলে দি। তাতে যতটা হয়। যতটা পারে। সপ্তাহে দু দিন রিহাবুতালে যাব। প্লের একদিন আগে যাব—প্লের পরদিন ভোরে চলে আসব। এক রাত্তির প্লে—পকাশ, দু রাত্তিরে পঁচাত্তর, তিন রাত্তিরে নব্বইও নিই—একশো নিই। আর পুরো খাটবো—সপ্তাহে চারদিন রিহাবুতালে যাব, দরকার হবে পার্ট করব, প্লের তিন দিন আগে যাব—প্লে হয়ে গেলে—স্টেজ খুলে দিয়ে আসব—একরাত্তিরে—একশো—দু-রাত্তিরে একশ পঁচিশ তিন রাত্তিরে দেড়শো।

রমেন বলেছিল, আমাদের তিন রাত্তির প্লে। আমি আপনাকে ছশো টাকা দোব। প্লে শাকসেসফুল হলে, আপনাকে কাপড় চাদর দিয়ে বিদেয় করব।

খুশী হয়ে চকোতি বলেছিল, আর একটি কণ্ডিশন বাপু।

—বলুন।

—ওখানে যে কদিন থাকব, সিগারেট দু প্যাকেট করে। বাজে সিগারেট খাই না আমি।

—কি সিগারেট বলুন।

চকোতি বলেছিল—“আপনি কি হারাইতেছেন তাহা আপনি জানেন না” যার বিজ্ঞাপন। কচ কচ। কাইচি। চকোতি প্রতিপদেই রসিকতার পরিচয় দিতে ছাড়ে না। কথা শেষ করে চকোতি হেসেছিল।

রমেন বলেছিল, তাই দোব।

—মার—। একটি হাত উপরে অঙ্গটি নীচে রেখে লম্বা মাপের কিছু ইঙ্গিত দেখিয়েছিল চকোতি। তারপর বলেছিল—“দব্বি”। অর্থাৎ দ্বব্য।

দ্বব্য মানে কি এবং ওই লম্বা মাপ কিসের তা রমেন সঙ্গে সঙ্গে বুঝেছিল। সে হেসে বলেছিল—বাবু আমার চালাও। সে হোকানের জিনিস নয়। আমার সব ‘গৃহজাত’। আঙুল চুবিয়ে বেশলাই জেলে দিন—দল দল করে জলবে।

চকোতি বলেছিল—বৈচে থাক তাই, তুমি আমার সোনার টান।

রমেশ বলেছিল—একটি শর্ত কিন্তু।

—এর পর তুমি ছুশো শর্ত বাতলাও যেনে নোব। বল।

—দিন এক বোতলের বেশী পাবে না। বিকেলবেলা এক পাট দোব। রিহার্সাল শেষে এক পাট। সকালবেলা থেকে না।

—এক টোঁক দিয়ো ভাই। না দিলে খোঁয়াড়ি মরবে না। সাইকেল হাঁকিয়ে আসতে হবে সাত মাইল পথ। পথ তো নয়—খালা—আরাবল্লীর পাথুরে গোপথ। না খেয়ে ঠাণ্ডাতে পারব না সাইকেল। আবার রেজেন্সী আপিস চণ্ডীতলা সেরে ঠিক চারটের সময় হাজির হবে। ও দুটো না-রাখলে তো চলবে না ভাই। বারো মাসের ভাতঘর।

—বেশ তা হলে পাকা কথা দিলেন তো?

—হাতীর দাঁত দিলাম। মরদকা বাত হাতীকা দাঁত। কি বই ধরছ?

—কর্ণাজুঁন—সীতা—আর একখানা আধুনিক। মানে খুব মডার্ন।

—ঠিক আছে। বায়না কিছু দিয়ে য়েয়ো। আর একটা কথা। ওয়ান মোর।

—বলুন।

—প্রে সাক্সেসফুল হলে কাপড-চান্দর দেবে বলেছ। তা ওটা—! মানে চণ্ডীতলায় হাজরে দিতে হয়। ওটা যদি ডসরের দাও—তো—বুয়েচ না—। কালো নকশ পেড়ে। ওটাই এখন ক্যাসান হয়েছে। বুয়েচ?

তাও দিতে রাজী হয়েছিল রমেন।

মেজাজ তার আমিরী। ইউনিয়ন বোর্ডের প্রেসিডেন্ট ছিল আগে, এখন শুধু মেম্বর। সদর শহরে—এস. ডি. ও, চন্দনপুরে বি. ডি. ও. আপিসে হরদম যাওয়া আসা। মধ্যে মধ্যে খদ্দের কাপড় জামা পরেও আসে, থানা কংগ্রেসের মিটিংয়ে। এখন রমেন কংগ্রেসের মেম্বর।

চতুর ছেলে। শুধু ইজিত বোঝে বলেই চতুর নয়। ওর চতুরতা দেখে চকোস্তি যে চকোস্তি তারও বিশ্বয় জন্মেছিল। চকোস্তি পলিটিক্স বোঝে বলে অহকার করে। পলিটিক্স করে। আগে, চল্লিশ সালের আগে, কংগ্রেসের ভোটে মাতত। তারপর চুরাল্লিশ-পঁয়তাল্লিশে জনবুকের মহড়ায় নেমে পড়ে। প্রথম—আই. পি. টি. এ. তারপর সাতচল্লিশ-আটচল্লিশে কম্যুনিষ্ট আন্দোলনে ভে-ভাগা 'ইয়ে আজাদী বুটা হায়' নিয়ে মাতামাতির সময় এই অঞ্চলে এক কম্যুনিষ্ট পকেটে নেতা হয়ে উঠেছিল। কিন্তু বেই কম্যুনিষ্ট পাটি বেআইনী ঘোষিত হল, অমনি কম্যুনিষ্টদের সঙ্গে কোন সংস্রব নেই বলে কতোয়া দিয়ে শাস্ত নাগরিক হল। রেজেন্সী আপিসে এসে জুটল এই সময়। তারপর বাহার সালে কংগ্রেস আপিসে বাতায়াত শুরু করলে। কংগ্রেসের হয়ে কাজ করবে। এখানকার কংগ্রেসপ্রার্থী ছিল ধনী মারোরাড়ী। তবে মারোরাড়ী হলেও আজীবন কংগ্রেসকর্মী। তা হোক বা না হোক তার টাকাটাই ছিল চকোস্তির সব থেকে বড় বিবেচনার বিষয়। খেটেছিল সে। টাকাও পেয়েছিল এবং মেয়েও ছিল, উপরন্তু একখানা বাইসিকলও সে আর কেরত দেয় নি। তারপর ছাপ্পান সালে এখানে

কংগ্রেস ক্যাড্ডিটেট ছিল এ জেলার একজন ধনী ব্যক্তি। প্রতিবন্দী কম্যুনিষ্ট ছিল ক্যাড্ডিটেট, কংগ্রেস হারল। লোকে বললে, কংগ্রেসের নিজের লোকেরা বিশ্বাসঘাতকতা করেছে। বার করেছ, তার মধ্যে চকোভি একজন প্রধান। চকোভিও হেসেছে। বলেছে, প্রমাণ দিলে ছুতো পাব।

—তুমি ভালো বনের মিটিয়ে কি বলেছ ?

—কি বলেছি ? তারা জিজ্ঞাসা করলে, মশায়, বাবুটি কবেকার কংগ্রেসী ? বললাম—ঠিক জানি না, তবে আজীবন হতে পারে। তারা বললে—আজীবন ? ওর বাপ নামজাদা ইংরেজের পক্ষের লোক ছিলেন না ? বললাম—ছিলেন, কিন্তু তাঁর চেয়ে দেশহিঁড়ি কবে আছে ? তারা বললে—তা হতে পারে ! কিন্তু কংগ্রেসী তো নয়। সেরকম তো অনেক দেশপ্রেমিক আছে মশায় ! আপনি কংগ্রেসী বলছেন তাই বলছি। তাই বলছি বাপের পথ ছেড়ে—বাপ চিরকাল কংগ্রেস বিরোধী ছিলেন, আজ উনি কংগ্রেসী হলেন কেন, এম. এল. এ. হবার জন্তে, মন্ত্রী হবার জন্তে ? ওঁর নিজের শালা, তিনি কম্যুনিষ্ট, বক্তৃতা করে গেলেন, তা উনি তাই হলেন না কেন ? কংগ্রেসী কেন ? বলুন। আমি বললাম—বদ্বি বোঝেন কখনও কংগ্রেস মন্দ, কম্যুনিষ্ট ভাল, তখন উনি নিশ্চয়ই তাই হবেন। যেমন বাপের মতকে তুল বুঝে আজ উনি কংগ্রেসী হয়েছেন। তারপর হেসে বলেছে, ওঁর নিজের শালা বড় কম্যুনিষ্ট লীডার, সে এসে বড়লোকীর ছাদ করে গেল, মানে উনি বড়লোক, ওঁর ছাদই করে গেল। লোকে ওঁকে, ওঁর বাবাকে চেনে জানে। আমার বলায় কি যার আসে বল। যদি বল যার আসে তো বলব, আমি কোন মিথ্যে কথা বলি নি। কংগ্রেস বার করে দেয় দেবে। আমি তো জানি, আমি কোনদিন এম. এল. এ. হব না। মন্ত্রী হবার কোন সাধ নাই, এমন কি মন্ত্রীর আরদাসী হবার দরখাস্ত করব না কোন দিন। এই বলেই শেষ নয়, সে কম্যুনিষ্ট এম. এল. এ-র সঙ্গে নতুন করে দহরম-দহরম জুড়ে দিলে প্রকান্তে এবং পারমিট, রিলিক, ক্যাশডোল প্রভৃতির ব্যাপারে একজন অত্যন্ত ছোটখাটো কর্তা হয়ে বসে পড়ল।

এমন যে অমর চকোভি সেও চমৎকৃত হল, এই রমেনের পলিটিক্সের বুদ্ধি দেখে। ওই থিরেটারের সমারোহের মধ্যে কোথা দিয়ে সে কি করলে তা কেউ জানলে না, তবে থিরেটারের পরেই ইউনিয়ন বোর্ডের মিটিয়ে হিসাব-নিকাস পাসের প্রস্তাবে এমন শোচনীয়ভাবে প্রেসিডেন্টকে হারিয়ে দিলে যে, প্রেসিডেন্টের আর পদত্যাগ না করে উপায় রইল না। তারপরও চতুর রমেন নিজে প্রেসিডেন্ট হয় নি, তার এক কর্মচারীকে প্রেসিডেন্ট করে নিজে মেঘরই থেকে গেছে। করে সবই রমেন। প্রেসিডেন্ট আপিসে গুতুল, বাড়ীতে তার বাইসে করা কর্মচারী। অস্ত্র মেঘররা থিরেটারে পার্ট করেছে। রমেনের অভিজ্ঞতায় বদ্ধ। এ কিছুটা সাধারণ নয়। অসাধারণ। কংগ্রেস বা কম্যুনিষ্ট বা পি. এল. পি. যে পার্টতেও বাবে সেখানেই ও ঠিক নিজের জায়গা করে নেবে। লীডার হবেই। ভগবান সহায়—খুঁটোর জোর আছে। জুবন আচার্যির দু লক্ষ টাকা ওর হাতে। আমিরী বেলাজ হলও বিকল্পহিঁতে আমিরী কীক, রাখে নি—সেখানে আমিরী পুস্তুকি আছে। ওখানে রমেনের

হিসেব সেই চৌবাচ্চার হিসেব। চৌবাচ্চা হতে নির্গমনের নলে বস্তীর যখন দশ গ্যালন জল নির্গত হয়, তখন জল আগমনের পথে অন্তত বারো গ্যালন প্রবেশের ব্যবস্থা পাঁকা রেখে কাজ করে সে। ঠাকুরদা করত মহাধনী চাষ, বাবা পেটাকে বাড়িয়েছিল, সুযোগ পেয়েছিল কন্ট্রোলের বাজারে। তাদের বাড়ীটা ছোটো জেলার সীমানা বেঁচে। সুযোগ বুঝে ও জেলার খরিকারকে সীমানা পার করে—বিক্রী করে দাঁও মেরেছিল। রমেন এখন দোকান করেছে—চাল খানের গদী, তার সঙ্গে মনিহারী, কাপড় লটকোন। ওদের গ্রাম বনচাঁড়রা থেকে তিন মাইল পশ্চিমে সদর-বাট। একটা রাস্তা ঘাটের দুই মাথা থেকে তিন মিকে চলে গেছে উত্তরে একটি সাঁইথিয়া অস্ত্রটি পাঁচখুণী কাদী, দক্ষিণে চন্দনপুর হয়ে কুয়ে পার হয়ে সোজা বোলপুর পর্যন্ত। ঘাটের মাথার রমেন খান কেনে কম দামে, কাপড় মনিহারী লটকোন বেনেডি মালমলা বেচে অপেক্ষাকৃত বেশী দামে। মুর্শিদাবাদ অঞ্চলের কলাই লক্ষা সাঁথ আলু—কেনে সে সস্তার, চন্দনপুরে সে ব্যয় না, নদীর ওপার থেকে যে রাস্তাটা সাঁইথিয়া গেছে, সেটা এখন ভাল রাস্তা, পিচ হয় নি, তবু সুগম পথ,—এই পথে চলে যায় সাঁইথিয়া। সেখানেই ওর বেচা-কেনা। কলে চৌবাচ্চার বারো গ্যালনের পথে পনের গ্যালনের চাপ সৃষ্টি হয়েছে। তাতে খানিকটা তো চৌবাচ্চা ছাপাবেই, সেই ছাপানো জল খিরেটারের সমারোহে গৃহজাত মন্ডের প্রাচুর্যের ভিত্তে ব্যয় করেছে। ওদিকে ইনকাম ট্যাক্সের খাতা হাকা হচ্ছে।

এ ছেলে যদি ভাল পাত্র না হয় তো ভাল পাত্র কে? চেহারা একটু বেচপ্, মোটা বেটে; তা হোক। সাজলেওজলে বেশ লাগে! এই তো কর্ণাভুনে কর্ণের পাট করলে—সীতাতে রাম—মাটির ঘরে—অলক, কি ধারাপ লেগেছিল! একটু বেটে। তা ওরাই যে বেটে ছিল না প্রমাণ কি! আর তার মেয়ে সীমাই বা কি এমন আশ্চর্য পদ্মাবতী বা সীতা বা ওই যে অলকের ভালবাসার মেয়ে। বেশ হবে। শ্রীধান রমেনের বুদ্ধির সঙ্গে অমর চকোস্তির বুদ্ধির যোগাযোগ ঘটলে আশ্চর্য ঘটনা হবে। জুর্ঘোধন শকুনি, রাবণ কালনেমি মামাতাপনে, এ ষষ্ঠর-জামাইয়ে এমন একটা নতুন কিছু হবে, যা একটা আশ্চর্য ঘটনা!

বেশ—বেশ বলেছে মনোরমা। দিয়ে দাঁও বিয়ে ঐ রমেনের সঙ্গে। অমর চকোস্তি সেদিন ওই রমেনের দেওরা ভাসরের কাপড় পরে যা চণ্ডীর ওখানে গিয়ে জবাবুল মাথায় দিয়ে বলেছিল—রা-গো, সেদিন কিল্ মেরেছিলাম—সাজা দিল নি। আজ জবাবুল চকোস্তি, প্রণাম করলাম, আজ সাজা দে। না হলে—

ঠিক করতে পারে নি, চকোস্তি কি করবে! ভাঙবে? কিংবা—দেওয়ালে ঝুলানো খাঁড়াখানা নিয়ে কোপ মারবে? কি, কি করবে? কিছু যে ভেবে না পেয়েই কিছু কি করা হয় নি।

পরের দিনই সে গিয়েছিল বনচাত্ৰা। সীমাকে রমেন দেখেছে। তাকে সাইকেলে চড়ে ইকুলে বেতে দেখেছে। ক'বছর আগে, ইকুলের শ্রবণ জয়ন্তীতে সীমা এবং শুভেন্দু দেববানী অভিনয় করেছিল।—সে অভিনয়ও রমেন দেখেছে।

কথাটা পাড়বামাত্র রমেন ঘাড় তুলে চকোত্তির দিকে তাকিয়ে রইল। তারপর বললে, আমি কাল যাব আপনার বাড়ী, গিয়ে উত্তর দিয়ে আসব। সীমাকে দেখেছি আমি, আর একবার দেখব। কিন্তু কোন কথা কাউকে বলবেন না। তাকেও না। ওর আমি পেণ্ট করা চেহারা দেখেছি, সহজ চেহারা দেখে নিজে ভেবে নিরে বলব। আপনার তো ছুটি মেয়ে আছে। একটি বেশ সুন্দরী।

—সোট ছোট। কমা। সে মেয়ের রূপই আছে। বুয়েচ না, তুমি যা চাও তা নয়। এই ক্লাস সেভেন পর্যন্ত পড়েছে। বুয়েচ।

—ছুটিকেই দেখব আমি। সেই জন্তেই বলছি, কাউকে কিছু বলবেন না। সাজাবেন না। কেমন? একজনকে না একজনকে ই! বললে তো একজনের মনে কষ্ট হবে।

যাই হোক দেখে শুনে রমেন সীমাকেই পছন্দ করলে, হাঁপ ছেড়ে বাঁচল চকোত্তি। কুমার বিয়ের ভাবনা নেই—ওর পাত্র ঠিক হয়ে আছে। ছেলোটর বাড়ী বোলপুরের কাছে। সে এম. এ. পড়ে শান্তিনিকেতনে। ভাল ছেলে। তার সঙ্গে কুমার বিয়ের সন্ধ হয়েছে আছে অনেকদিন থেকে। তার মা সন্ধ করে গেছে। ওই চণ্ডীতলাতেই সন্ধ হয়েছিল। ছেলোটর মা এসেছিল চণ্ডীতলায়, ওরা অনেক দিন থেকে চকোত্তিদের কুটুম্ব, ওরা চণ্ডীতলায় এসেছে খবর পেয়ে কুটুম্বিতা করবার জন্তেই মা গিয়েছিলেন চণ্ডীতলায়; এবং অহুরোধ করেছিলেন, পরের বেলাটা থেকে যাও আমাদের বাড়ী। সঙ্গে সীমা কুমাকে নিয়ে গিয়েছিল। তাদের বয়স তখন আট বছর, পাঁচ বছর। সেই সময় কুটুম্বটে কুমাকে দেখে ছেলের মা বিয়ের সন্ধ করেছিল চণ্ডীতলাতেই। চণ্ডীতলার কোন গুরুত্ব চকোত্তি মানে না, তবে মা সম্পর্কে তার দুর্বলতা আছে। তা সে অস্বীকার করতে পারে না। বাপ সম্পর্কে সে ভিক্ষমা-সৈরতীর সম্পর্কের কথা অন্যায়সে সহ্যন্তে বলতে পারে। কিন্তু মায়ের বিরুদ্ধে একটি কথাও সে নিজে বলা হুয়ের কথা পরে বললেও সহ্য করতে পারে না।

চকোত্তির মা এই সেদিনও বেঁচেছিল। পুত্রবধূর বৃত্ত্যর পর সে মরেছে। তার মা একটু বোকা-সোকা মানুষ ছিল, সে কথা বললেও চকোত্তির সহ্য হয় না, তখন আর এক মানুষ হয়ে দাঁড়ায়।

তার কারণ আছে। তার মনে পড়ে যায়, তিরিশ সালে ইকুল ছেড়ে সে যখন আইন অমাত্র আন্দোলনে নেমেছিল, তখন তাকে থানায় ধরে নিয়ে গিয়ে বলাতে চেয়েছিল, আর এ

কাজ করব না। কোনও ভয়েই অমর তা বলে নি, শেষ পর্যন্ত বেত মারা হয়েছিল, পুলিশের বেত। কিন্তু তাতেও সে বলে নি। প্রতি বেতের শেষে সে চীৎকার করেছিল, করব। করব। সে তার উঁচু মাথা—সেই তার চোখের দৃষ্টি, বিশৃঙ্খল চুল, সেই চেহারা, বারো দেখেছিল, তারা কেউ ভোলে নি। মায়ের কথায় সেই চকোত্তি যেন উঁকি মারে। বোকা বললে বলে—না। কথা বলতেও জান না। কাকে কি বলতে হয় শিখো, বুঝলে! মা আমার দেবী ছিলেন। সাক্ষাৎ দেবী। সংসারে যদি কোন পাপ বা অজ্ঞার করে থাকেন, তো সে পরের গরুর গোবর কুড়িয়ে নেওয়া। বাস। সেই মায়ের দেওয়া কথা রক্ষার জন্তও বটে, আর কমা তার ছোট মেয়ে, দেখতে মিষ্টি চেহারা অনেকটা চকোত্তির মায়ের মত, তার বাল্যকালে অল্পবয়সে ছিল একটু এইসবের জন্তও বটে, কমা কে তার জীবনের লাভ-লোকসানের হিসাবের মধ্যে সে টানতে চায় না। কিন্তু রমেন শক্ত ছেলে; ছেলে আর কেন,—বয়স চল্লিশের কাছে, সুভদ্রা শক্ত মাথুষ, ব্যক্তি, চিহ্ন; রমেনের কথায় গররাজী হতে চকোত্তি পারত না। কিন্তু মা চণ্ডী নিজেকে সত্য প্রমাণ করলেন অমর চকোত্তির কাছে। রমেন সীমাকেই পছন্দ করলে!

\* \* \* \*

বিপদ বাধল এর পর। রমেন রাজী হলে কি হবে, সীমা বেকে বসল। অমর চকোত্তি বলে দিলে—এর নড়চড় করতে ভগবানের বাবার সাধ্যি নাই। তুই ভো সীমা!

একদিন মদ খেয়ে তাকে প্রহারও করলে। তারপর আবার কাঁদলে, খুব ঘটা করে কাঁদলে—নিজের দুর্ভাগ্যের কথা ফলাও করে বলে কেঁদে ভাসিয়ে দিলে। এবং সে তার অভিনয় নয়। ছোটোই অকুজিম অকপট।

এ যুদ্ধ চলল আট দশ দিন। শেষে হার মানলে সীমা। সে একা আর সকলে একমুখ। বাবা, মনো-মাসী এমন কি কমা পর্যন্ত। পাড়াপ্রতিবেশীর কাছেও গোপন ছিল না। চকোত্তিবাড়ীর কোন কথাই গোপনে হয় না—সবই হয় উচ্চ নাদে। তারাও সকলে বাবার পক্ষে। তারা একবাক্যে বললে—এ তো ভাগ্যির বিয়ে গো। এমন হয় কার। অনেক ভ গ্যি মা, তোমার অনেক ভাগ্যি—এ তুমি লক্ষ্মীর আসনে বসতে যাচ্ছ, তাতে লাখি মেরো না। লাখি মেরো না। এমন তো কখনও দেখি নাই মা!

মনোরমা বললে—আমার কথা তোমার ভাল লাগে না জানি। তবু বলছি সীমা—এতে তোমার ভাল হবে—সুখে থাকবে।

মনোরমা তার নিজের জীবনের কথা বলেছিল। বলেছিল, এই আমার দিকে দেখ। আমি এমন ছিলাম না। বিয়ে দিয়েছিল,—পাত্র দেখে, স্বর দেখে নি বিষয় দেখে নি—শুধু পাত্র। পাত্র সুপাত্র, ভাল লেখাপড়া—চাকরী ভাল—স্বস্তর শাস্ত্রী নেই—মনে হল এমন বিয়ে কার হয়। পাঁচ বছর যেতে না যেতে বিধবা ছিলাম। নিরাশ্রয়। তাই—বিদেশে চাকরী করে। সেখানে ছিলাম কিছু দিন কিন্তু সে দাসী বাদীর চেয়ে অধম অবস্থা। রাঁধুনি-বি এরাও খেতে পার কাপড় পর। এ শুধু পেট ভাত। আর বউয়ের বাক্যবাণ সে অসহ্য। সেখান থেকে চলে

এলার গায়ের ভিটেতে—ভিকের করে খাব খেটে খাব। তাও তো অভ্যাস নেই, পারলাম না। একদিন মরতে খাব বলে বেরিয়েছিলাম। পলার দড়ি দিনে পারি নি। বিধ শুনে খেতে পারি নি। শেষ—নদীতে কাঁপ খাব না হয় বর্বার রাজে পথে সাপে কয়েড়াবে বলে রাজে পথে বেরিয়েছিলাম। সেই রাজে পথে তোমার বাবার সঙ্গে দেখা। কোথা থেকে আসছিল।

একটু খেয়ে ছেলে মনোরমা আবার বলেছিল, তোমার বাবাকে লোকে পাখও বলে। হয়তো সে পাখও আজ হয়েছে। কিন্তু সেদিন আমার সঙ্গে পাখওর ব্যবহার কিছু করে নি। শুধু বলেছিল—আজকের দিনটা তুমি মরা কাত দাও। চল আমার বাড়ী চল। আমার বুড়ো মা আছে তার কাছে থাকবে রাজিটা, কালকের সঙ্গে পর্যন্ত। তারপর যদি চাও রাজে ঠিক এই তাবেই বেরিয়ে আসবে। বলেও দিচ্ছি কি তাবে মরবে। পথে বের হলেই সাপে কামড়ার না। আমি একরকম নিশাচর, আমাকে দেখ আজও সাপে কামড়ার নি। নদীর জলে কাঁপ দিয়েও মরতে না পার। ট্রেন! ওই চন্দনপুরের ধারে নদীর উপর ব্রিজের মুখে লাইনে মাথা দিয়ে। দেখ—স্বাধীন যদি খুঁড়ো কিছু থাকত—তবে আমাকে এই হুংখদশায় পড়তে হত না। আজকের দশাকে আমি হুংখদশা বলি না। তোমরা জান না, লোকে জানে না, জানতেন তোমার ঠাকুমা। পরের দিন ভেবে ভেবে যখন মরবার সাহস ফুরিয়ে গেল—তখন তোমার বাবাকে বললাম—আমাকে একটা কাজকর্ম দেখে দিন—আমি খেটেখুটে খাব। তোমার বাবা বললেন,—কি কাজ করবে? হাঁথুনীসিরি? সেখানেও বিপদ আছে। অনেক বিপদ। তার চেয়ে একটা কথা বলব? আমার ঘরে থাক—আমার মা-মরা যেয়ে ছুটোকে মারুব কর—বুড়ো মায়ের সেবা কর। তোমার ঠাকুমা একদিন ডেকে বললেন—বাবা, বিধবা বিয়ে তো হয় শুনেছি। তোরা দুজনে বিয়ে কর। আমার চোখে ছানি পড়ছে—তবু আমি দেখতে পাই বুঝতে পারি তোরা দুজনকে ভালবেসেছিস। তা আমার কথা শোন। ভাল হবে। ধর্ম খুঁদী থাকবেন। বিয়ে আমাদের হয়েছে। তোমার ঠাকুমার সামনে—মালা বদল করে বিয়ে হয়েছিল। কথাটা গোপন রাখতে হয়েছে। চণ্ডীতলার সেবাইতগিরির জন্তে—আর তোমাদের বিয়ের জন্তে। অপবাদ মাখার করে আমি নিয়েছি—ওই সেবাইতগিরি দশ পনের টাকা আরের জন্তে। সেও টাকা—সীমা। এ কালে—এ কালে কেন সব কালে—পুকুরের চরিত্রদোষ—চাঁদের কলঙ্ক। রকিতা রাখলে মাপ হয় সব। কিন্তু বিধবাবিবাহ? সর্বনাশ! আমার কথা শোন। এতে তোমার ভাল হবে। তুমি তো শক্ত মেয়ে। রমেনের পরমা আছে, বুদ্ধি আছে খাতির আছে—ওর দোষটোষ শুধরে নেবো!

সীমা এই কথাতেই সেদিন প্রথম টলেছিল। প্রশংসা করেছিল মনোরমাকে। মনোরমা কোলের কাছে টেনে নিয়ে বলেছিল—আমাদের বিয়ের কথা বলো না সীমা। তা হলে ওই দশ-পনেরটা টাকা থাকবে। আমার বিয়ে রেখানে ঠিক হয়ে আছে সেও ভেঙে যাবে।

কমা এ সব কথা শোনে নি। সে সীমাকে ডর করত এবং রেখেতেও পারত না। সীমা তাকে বলত—বিবি। সে কমার সাজগোজে অহুরাগের জন্ত।

কমাওকে বলত—মেরে প্রজ্ঞান। বিদী।

কমাও গর হাত ধরে বলেছিল—কেন কেনকারী করছিস বিবি? না—না—না। এসব ভুই করিস নে। বাবার মুখটা হাসান নে। লোকে বাজেভাই বলেছে ভুই তনিস নি।

সপ্রশ্ন ভাবিতে ভুরু দুটি কুঁচকে উঠেছিল—কি বা তা বলছে?

—বলছে; চন্নপুরে ভুই বাবুদের ছেলেদের প্রেমে পড়েছিল। ওখানে পড়তে বাস; বাবুদের ছেলেদের সঙ্গে রেসিটেশন করেছিল—বিয়েটার করেছিল—সেই সব নিয়ে বা তা বলছে। সেই জন্তে ভুই বিয়ে করতে চাচ্ছিল না।

তার রাগও হয়েছিল—হাসিও পেয়েছিল। বাবুদের ছেলে—ওই শুভেন্দু? হুঁ। বিয়েটারে ও কচ সেজেছিল—সে সেজেছিল দেবযানী। শুভেন্দু আবৃত্তি ভাল করে, এ্যাক্টিং করে, কিন্তু রোগা লিক্লিকে—কোল কুঁজো—দূর! তপনের সঙ্গেও রেসিটেশন করেছে। সে তো তার থেকে বয়সে ছোট—তাকে দ্বিধি বলে! রাম রাম রাম!

কমা তার হাত ধরে কিস কিস করে প্রশ্ন করেছিল—সত্যি কথা সীমা?

সে হাত ছাড়িয়ে নিয়ে বলেছিল—ভাগু!

—তবে?

সে উত্তর দেয় নি। উঠে চলে গিয়েছিল। বিকেলবেলা মনোরমা তাকে বলেছিল—কমা একটা কথা বলছিল সীমা—

—সে সব মিছে কথা মাসী। ওটা একেবারে পচা। দিন রাত্রি প্রেমের স্বপ্ন দেখছে। ওর জন্তেই সাবধান হয়ো।

মনোরমা মুখে প্রশ্ন করলে না—মুখের দিকে তাকিয়ে রইল। অর্থাৎ উত্তরটা ঠিক সম্পূর্ণ হয় নি। সীমা হেসে বলেছিল—আমাকে বললে—লোকে বলছে—ভুই বাবুদের ছেলেদের প্রেমে পড়েছিল। তারপর হাত ধরে চুপি চুপি বলে—সত্যি কথা সীমা? তা কি বলব? বললাম—ভাগু। তাতেই মনে হয়েছে ওর সত্যি। তা বল না—কি বলতে পারতাম আর? খুব চীৎকার করে বলা উচিত ছিল? না—কোমর বেঁধে রাস্তায় বেরিয়ে চৌচাতে হত—কোন আবাসী ভাতারখানী বলে—কোন কাঁটাখানী পোড়ারমুখী বলে—আমি বাবুদের ছেলেদের প্রেমে পড়েছি? সে হেসে কেললে।

মনোরমাও হাসল। বললে—তা হলে একটা কিছু ঠিক করতে হবে তো?

—কি আর হবে? বা চিরকাল হয়। বাপ যখন হাড়কাঠে কলে কোপ মারে তখন বাঁচার কে। পর্দান দিতে হবে।

—না না। এমন তুমি ভাবছ কেন?

—না মাসী। ভাবছি নে এমন। বাবাকে বলো—ভাই হবে, বিয়ে ওকেই করব। প্রেমে প্রেমে কাকুর পড়ি নি আমি। আমার ইচ্ছে ছিল পাশ করে চাকরী করব। ম্যাট্রিকটা পাশ করলে—ছোট ইন্সুলে একটা মাস্টারি নিভাম—তারপর আইডেটে—আই. এ. বি এ পাশ করতাম। ওই চাকরী করব ভারী শখ ছিল আমার জান, এই দিদিমণিরা ওই সব মেয়ে অক্সিফাররা—কাঁধে ব্যাগ বুলিয়ে আলে—কেমন আধীন জীবন—এই রকম হবার সাধ ছিল।



বাবাও বলত—পাশটা কর চাকরী করবি। তা বাবার দোর তো খুব দিতে পারব না? সে তো পড়বার স্বযোগ দিয়েছিল, লোক-নিষে মানি নি—আমাকে সাইকেল চালানো শিখিয়ে—সাইকেল দিয়েছিল। বলেছিল, চলে যা চেপে ইচ্ছল। যে যা বলে বলুক। মাস্টারদের বলে দিয়েছিল—দেখিয়ে শুনিবে দেবেন। আমিই পাশ করতে পারলাম না। আর একবার দিলেও পাশ করব—তাই বা কি করে বলি। তার থেকে ঠিক বলেছ—বিয়েই ভাল। তবে লোকটাকে ভাল আমার লাগে না।

মনোরমা খুশী হয়েছিল। হেসে বলেছিল—পরে ভাল লাগবে তোমার, তুমি দেখো।

এরপর বিয়ের দিন স্থির হয়ে আয়োজন হয়েছিল। সীমা আর কোন কথা বলে নি। তার মনের মধ্যে একটি অতি যত্ন কর্তৃক আক্ষেপ—অতি ক্রীণ স্বরে বিলাপের মত ধ্বনিত হয়তো হয়েছে,—কিন্তু বিয়ের আয়োজনের সানাই কঁাসি ঢোলের আওয়াজের মধ্যে সে সুরটি হারিয়ে গেছে। সে নিজের শুনতে পায় নি—সে কর্তৃক ধ্বনি বা—বুঝতেও পারে নি যে, চোখ তার যেন ভিজে-ভিজে হয়ে উঠেছে। এরই মধ্যে গায়ে হলুদও হয়ে গেল। হলুদ মাখা হল,—রঙ খেলা হল। তখন সীমা যেন কেমন হয়ে গেল। একটা আশঙ্কা—তার সঙ্গে আনন্দ। সে বিচিত্র অবস্থা। অনেকটা বিহ্বলের মত।

তারপর বিকেল বেলা এসে উপস্থিত হল চন্দনপুরের ইন্ডুলের বন্ধুরা। চন্দনপুরের ইন্ডুলের কজন মেয়ে সঙ্গে তাদের একজন শিক্ষয়িত্রী ‘আরাধনা দি’। আরাধনা দি—বয়সে হয় তো দু এক বছরের বেশী, ছোটখাটো শ্রামলা মেয়েটিকে কেউ শিক্ষয়িত্রী ভাবতে পারে না, ক্লাস নাইন টেনের মেয়েরা তার থেকে মাথায় বড়। বয়সেও দু জন বেশী। আই.এ. কেল করে আরাধনা ইন্ডুলে চাকরী নিয়েছে মাত্র মাস ছয়েক। এর মধ্যে সে ছাত্রীদের সঙ্গেই বেশী মিশে গেছে। অল্প শিক্ষয়িত্রীরাও সকলেই অল্পবয়সী নম্রবালা বলে :—সব ছুথের মেয়ে গো! এই খানিকটা ইঁপালো! অর্থাৎ তার ধারণা প্রকৃত বয়স থেকে ওদের একটু বেশী বড় দেখায়। ওদের সকলেই কুমারী বলে—এ ধারণা তার হয়েছে। নম্রর কথা নম্ররই—সে থাক। আরাধনার সঙ্গে এই সব শিক্ষয়িত্রীর বয়সে পার্থক্য অল্প বলে সে তাদের সঙ্গে মেশে একটু সঙ্কোচের সঙ্গে, তার মেলামেশা বরঞ্চ ছাত্রীদের সঙ্গেই বেশী। সেই সূত্রে গত কয়েক মাসের মধ্যে সীমার সঙ্গে ঘনিষ্ঠতা বেশ নিবিড় হয়েছিল। পরীক্ষার আগে মাস দেড়েক সীমা ছোট্টলে ছিল। সিট ছিল না—, তখন আরাধনাই তার সিটের চৌকির সঙ্গে একখানা বোকা যোগ দিয়ে—সেটাকে ডবল সিট করে নিয়ে সীমাকে জায়গা করে দিয়েছিল।

বিয়ের সময়ে সীমা ওদের নিমন্ত্রণ করিয়েছে। ওরাও দল বেঁধে বিকেলে এসে হাজির হল। অল্প দিদিমনিরা সব আসবেন সন্দেহেবোনা। আরাধনা বললে—কাল আমি থাকছি

না সীমা। আসতে পারব না।

সীমা সপ্রতিভ মেয়ে এবং প্রগল্ভার চেয়েও বেশী, একটু প্রথরা। তবে সে সেদিন কেমন লজ্জার কোমল অবনতমুখী হয়ে গেল। আরাধনার কথা শুনে সে জিজ্ঞাসা করেছিল—কেন? আসতে পারবেন না কেন?

—একটা ইন্টারভ্যু আছে। বর্ধমান যাব। চাকরীটা ভাল। তাই আজ এলাম শুভেচ্ছা জানাতে! শুভলাক! তোমার এ সব ছুতাবনা শুচল।

একটি ক্লাস টেনের মেয়ে—বয়স সবার বেশী, চম্পনপুরেরই মেয়ে—সে বললে—হ্যাঁ। গল্প-জল্প খালাস!

অল্প একজন বললে—হিংসা হচ্ছে না কি?

—তা ভাই হচ্ছে। পাশও করতে পারছি না—বাবাও বিয়ে দিয়ে বিদেয় করতে পারছে না। এ কি—বিচ্ছিন্নি কাণ্ড বল তো! আমার দাছ—কি, বলে জানিস? আমাকে পড়তে শুনলে বলে—এই—এই থাম। ঘানর—ঘানর! সেই যে কোন্ মাকাতার আমলে আরম্ভ করেছে—One morn I met a lame man in a lane close to my farm—সে লেন আর পার হল না আজ পর্যন্ত। লেংচে লেংচে লেংচে চলেইছে চলেইছে। বন্ধ কর। যা ভাত রাঁধ গে যা।

সকলে হেসে উঠল।

তারপর গান হল। ছুটি বোন কলকাতায় বাড়ী—ভাল গাইতে পারে—তাদের একজন গান গাইলে। কিল্লের গান—

জানতাম তুমি আসবে—তুমি আসবে—

এসে হাসবে, ভালোবাসবে কোনদিন।

মেয়েরা মুচকে মুচকে হাসতে শুরু করেছিল। সীমা মুখ নত করে তাকিয়েছিল মাটির দিকে। তারই মধ্যে সকলের অলক্ষ্যে টপ টপ করে ছুটি ফোঁটা জল ঝরে পড়েছিল। তাড়াতাড়ি জল মুছে ফেলেছিল বটে, কিন্তু মনের সেই যে চাপা দেওয়া বেদনা হুংখ-অতৃপ্তি, যাই তার নাম হোক; আবার বের হতে শুরু করেছিল অগ্ন্যুৎপাতের মত, সে আর নেভে নি। সারা রাত্রি সে জেগে ছিল।

প্রোমে সে কারুর পড়ে নি; না—না—না। তবে বার প্রোমে পড়তে পারে কখনও কোন-দিন—সে ওই কালো মুস্কো ওপেন-ব্রেস্ট কোট পরা টাকার অহঙ্কারে অহঙ্কারী রমেন আচার্জি নয়। তার প্রেম ওই নতুন কালের দিগ্দিগন্তের সঙ্গে। ওই যে সেদিন জীপে করে নতুন সোলাল এডুকেশন অফিসার মিস বিশ্বাস এসেছিলেন—ওই অফিসারের সঙ্গে। অফিসার তার রাজপুত্র। দিগ্দিগন্ত তার মন্ত্রীপুত্র। হাসপাতালের নার্সরা আছে—ওটা তার কাছে কোটালপুত্র। কোটালপুত্রকে সে বরণ করবে না। রাজপুত্র ফলভ। মন্ত্রীপুত্র খুব ফলভ নয়।

তার বাবা ঠাট্টা করে বলে—বলে নয় বলত—পাশ তো কর। তারপর বিয়ে যদি করিস

তবে রাজপুত্র পানব না—মন্ত্রীপুত্র একটা ছুটিয়ে দেব। এক এক প্রতিবে এখন মন্ত্রী উপমন্ত্রী ডিন ডিন ভজন করে।

কিছুতেই মনকে সে শান্ত করতে পারে নি—এই নতুন কালের মেয়েদের এই আশ্চর্য সুন্দর স্বাধীন জীবনের হাতছানি কোন কিছুতেই আড়াল পড়ে নি। শেষ রাজ্যে সে ঘড়ি দেখেছিল টর্চ জ্বলে। গায়ে-হলুদের তলে রমেন—নানান ভিনিস পাঠিয়েছিল—তার সঙ্গে দামী রিস্টওয়াচও ছিল। টর্চটা ছিল। না-ছিল কি? রিস্টওয়াচ থেকে হাইছিল লেডী স্মু। রবীন্দ্রনাথের সঙ্কল্পিত গীত-বিতান থেকে—কলার বস্ত্র পর্বত। অর্থাৎ পার্ভেইন পাট টিপাট থেকে সাহিত্যগভা—শিল্পগভা—পর্বত বিচরণের পক্ষে প্রয়োজনীয় সর্ববিধ উপকরণ। সেই ঘড়িটাতেই সময় দেখেছিল—তখন সাড়ে তিনটে। কমা পাশে ঘুমিয়ে আছে, সে উঠে সমস্ত গহনাগুলি খুলে রেখে—নিঃশব্দে দরজা খুলে খালি পায়ে বেরিয়ে পড়েছিল। নীচে নেমে এসে—বাড়ীর দরজা খুলে চারিদিক দেখে নিরে সোজা পশ্চিম মুখে পথ ধরেছিল। পথে এসে উঠেছিল চণ্ডীতলা—; নবীনপুর এবং চন্দনপুর দুই গাঁয়ের ব্যবধান দু মাইল দেড় মাইল; এরই ঠিক মাঝখানে চণ্ডীতলা। চণ্ডীতলার সঙ্গে তাদের আবাল্য পরিচয়। সেবাইত ঘরের মেয়ে। চণ্ডীতলার কোথায় কি আছে, কোথায় বিপদ কোথায় নিরাপদ স্থান সব তার সুবিদিত। চণ্ডীতলা ঢুকতেই যে শিবমন্দিরটি আছে সেই মন্দিরে ঢুকেই সে লুকিয়েছিল। বড় নিরাপদস্থান। ভয় তার হয় নি। সেবাইত ঘরের মেয়ে—দেবতাদের সঙ্গে তাদের সম্পর্ক ঘনিষ্ঠ; মূর্তির কতটা পাথরস্ব কতটা দেবস্ব তাও তাদের ভালভাবে জানা আছে বলেই নাড়তে ছুঁতে—গা ঘেঁষে বসতে ভয় হয় না। তার উপর সীমা হল অমর চকোত্তির কস্তা। চল্লিশ সালের পর চকোত্তি যখন থেকে দেশ-সেবক থেকে রাজনীতিজ্ঞ হল—তখনই ওর শৈশব। সে দিক থেকে, চণ্ডীতলা-পেটে কিল-মারা অমর চকোত্তির কস্তা সে। সে মন্দিরে ঢুকে মার্কণ্ডেয়ের মত শিবের কাছে গড়িয়ে পড়ে নি—জড়িয়ে ধরে নি—তাকে অবশ্য অপমান করেও কিছু করে নি—শান্তিপূর্ণ সহাবস্থানের নীতি অজুযায়ী দেওয়াল ঘেঁষে বসেছিল। মন্দিরটি পূর্বমুখী, ভোরের আলো দরজার ফাঁক দিয়ে পড়বামাত্র সে সেখান থেকে বেড়িয়ে পড়েছিল। প্রথমটা পথ ধরেছিল—ইছুল হোস্টেলের। খানিকটা গিয়ে থমকে দাঁড়িয়েছিল। না—। ওখানে বাবা আসবে প্রথমেই। দ্বিধিমণিরা যদি—। যদি নয়, নিশ্চয় তাঁরা তার পক্ষ নেবেন না। কারণ অস্ত্র মেয়ের অভিভাবকেরা বিরূপ হবেন। এবং মানে দাঁড়াবে এই যে, দ্বিধিমণিরাই এমন শিক্ষা দিয়েছে। ও ইছুলে পড়তে দিলে মেয়েরা বিয়ে করবে না। বলে একটা বদনাম রটে যাবে ইছুলের। আরাধনা দি'র চাকরী তো যাবেই।

তা—হলে? সে বিধার মধ্যে স্টেশনের পথ ধরেছিল। ভোর পাঁচটার ট্রেন আছে একটা। চড়ে বসবে সেই ট্রেনে।

তারপর?

তারপর যা হবার তা হবে।

হবে—? যখন চলে এলো খোঁশা—পরনে কোরা তাঁদের কাপড়—তাতে হলুদের আভাস

—বিয়ের কনে টিকিটের পরশা নেই বিনা টিকিটের বাজী—এ যে ঘর থেকে পালালো বিয়ের কনে বুঝতে দেবী হবে না এবং পরের স্টেশনে নামিয়ে পাঠাও ছিনে চকনপুর বিয়ে পাঠাবে— বাবা এসে স্টেশন থেকে ধরে নিয়ে যাবে।

তবে ?

তবে—খানা। হ্যাঁ খানা। খানাই সে যাবে। খানাই একমাত্র আশ্রয়। সঙ্গে সঙ্গে খানা মুখো ঘুরেছিল সে—এবং হন হন করে এসে খানার বারান্দায় উঠে সামনে যে সিপাহী ছিল—তাকেই বলেছিল—দারোগাবাবু কোথায় ?—কে আছে খানার ?

সিপাহী অবাক হয় নি—তবে ভেবেছিল অস্তরকম। না। তাও তো নয়। মেয়েটির কাপড়-চোপড় বেশভূষা তো বিপর্যস্ত নয়। সে জিজ্ঞাসা করেছিল—কোথা বাজী ? কি হয়েছে ?

—সে দারোগাবাবুকে বলব—তুমি তাঁকে ডেকে দাও।

—এখনও তো ঘুম থেকে ওঠেন নি। বস তুমি ?

—বসব কোথায় ? মাটিতে ? একটা কিছু দাও।

সিপাহীটি এবার তাকে চিনেছিল, এ তো এখানকার ইন্সপেক্টর মেয়ে, একে তো বাইসিকুলে চড়তে দেখেছে। তাই নিয়ে রক্তরসিকতাও করেছে নিজেদের মধ্যে। এ তো সেই। সে একখানা মোড়া বের করে দিয়েছিল—তাদের নিজেদের মোড়া। আগিস ঘর তখনও বন্ধ।

সীমা প্রথম মোড়াটার বসেছিল, তারপর ঢুলতে শুরু করেছিল, কিছুক্ষণ পর আর বসে বসে ঢুলতে পারে নি। মোড়া থেকে নেমে বারান্দার উপর শুয়ে পড়েছিল। খানার এসে নিশ্চিত বোধ করছে। সতাই নিরাপদ বোধ করছে সে। সঙ্গে সঙ্গে ঘুম তার সর্বাঙ্গ অবশ করে দিচ্ছে।

ছটা হতে হতে—রাস্তার লোকের চোখে পড়েছিল—খানার বারান্দায় একটি মেয়ে শুয়ে আছে। তারা ধমকে দাঁড়িয়েছে কি ব্যাপার ? চুরি করেছে ? ধর্ষিতা হয়েছে ? কি ? কি ? কি ? সংসারে পাপও যত—পেনাল কোডের ধারাও তত। সব ধারাগুলো মনের মধ্যে সাড়া তুলে চলে গেল সে সকলজনের।

যষ্ঠা দেড়েক সে গভীর ঘুম ঘুমিয়েছিল। তারপর উঠেছিল জেগে। সামনে খানিকটা দূরে তখন জনতা। গুঞ্জন করছে। সঙ্গে সঙ্গে সে পিছন ফিরে বসেছিল। কেউ চিনতে পারে এঁইছে তার ছিল না। হঠাৎ সকলকে ঠেলে নস্র এসে তার কাছে দাঁড়াল।—এই ! হেই মা গো ! তুমি ? সীমে ?

বাড় কিরিয়ে নস্রকে রেখে আবার সে মুখ কিরিয়ে নিয়েছিল।

এই সময়েই দারোগাবাবু এসেছিল বেরিয়ে—কি ব্যাপার ?

—এই মেয়েটি ভোরবেলা থেকে এসে বসে আছে তার।

—আরে ? তোমাকে যেন চিনি চিনি লাগছে। হ্যাঁ—। তুমি তো—ইন্সপেক্টর গুড।

একবারে হুড়হুড় করে বলে কেলছিল—আমার নাম সীমা চক্রবর্তী, আমার বাবার নাম অমর চক্রবর্তী—নবীনপুর আমাদের বাড়ী। এই ইচ্ছা আমি পড়তাম। এবার কেল করেছি। বাবা আমায় জোর করে বিয়ে দিতে চাচ্ছেন। আমি বাড়ী থেকে তোর রাগে পালিয়ে এসেছি; আমাকে রক্ষা করতে হবে। জোর করে বিয়ে দিলে আমি বিব খাব—নয় তো গলায় দড়ি দোব—নয় তো ট্রেনের তলায় ঝাঁপিয়ে পড়ব। আপনারা দারী হবেন।

—হেই মা—হেই মা—হেই মা। দশ হাত পিছিয়ে গিয়েছিল—নসুবালা।

দারোগাবাবু তাকেই ধমক দিয়ে উঠেছিলেন—এ্যাই ও! ঢঙ করতে এসেছে দেখ—সঙ কোথাকার।

চমকে উঠেছিল নসু। সীমাই বলেছিল—আমিও ওকে চিনি। ও রাস্তায় দাঁড়িয়েছিল।

দারোগা বলেছিল—ওই বুঝি মঞ্জাদাতা?

—না। সীমা জবাব দিয়েছিল।

নসুবালা বলেছিল—দেখ দিকি বাপু। বদনাম দেওয়া দেখ দিকি।

—চুপ কর! যা তুই এখান থেকে! যা—।

আঙুল দেখিয়ে দিলে দারোগা।

নসু যাবার জন্তই কিরল—কিন্তু কয়েক পা গিরেই আবার ফিরে এল এবং দারোগাকে বললে—যেতে আমি পারব না দারোগাবাবু। আমি থাকব।

—থাকবি?

—হ্যাঁ মশায় আমি থাকব। দেখেন—আমি ভাঙুর মা—চির জীবন ভাঙুরে নিয়ে কাটালাম। এই কত্বেটি বলছে—জোর করে বিয়ে দিলে—আমি বিব খাব—গলায় দড়ি দোব—নইলে ট্রেনের চাকার কাটা পড়ব। তা শুনে আমি কি করে যাই? যেতে আমি পারব না। আপনারা কি বেবস্থা করেন দেখব? সীমেকে শুধোব—মা আর তো মরবে না? সীমে বলবে—না, তবে আমি যাব। তা আপনি রাগই করেন আর রোষই করেন। আমি মশায় বসলাম।

সত্যি সত্যিই বসল নসু।

দারোগা বললে—যাও তো রাইটারবাবুকে ডাক তো। ভাইরীটা লিখে নিন। আর শোন বাপু,—কি নাম তোমার গো মেয়ে? সীমা—বললে না? হ্যাঁ, সীমা। শোন—ভাইরী মুহুরীবাবু লিখে নিচ্ছেন। তোমার বাবা জোর করে বিয়ে দিলে—খবর পেলে আমরা নিশ্চয়ই গিয়ে বন্ধ করব। তবে সময়ে খবর পাওয়া চাই। হ্যাঁ। আর আশ্রয় দেবার ব্যবস্থা তো আমাদের নাই। আছে একটা হাজতঘর—সেখানে তো চুরি ডাকাতি না করলে ঢোকানো যায় না।

—তা হলে আমি থাকব কোথায়? যাব কোথায়?

—তা তো বলতে পারব না বাপু।

জনতা পায়ে পায়ে এগিয়ে এসেছিল—নসুর এগিয়ে বাওয়া ও চেপে বসবার পর। ২

এই এগিরে আসা দলের কে একজন জনতার মধ্যে থেকে বললে—গুজেন্দুর বাড়ীতে খবর দেব ?

কথাটা অন্তরাল থেকে শব্দভেদী বাণের চোরাগোষ্ঠী মারের মত মার একটা ।

অন্ত কে একজন বললে—গুজেন্দুর বাবার মাথা কেটেছে, এখন তার মাথা ঘামাবার সময় নাই হে ।

জবাবে প্রশ্ন এল ওপাশ থেকে ।

প্রশ্নকর্তা অজ্ঞাত ।

—তা হলে তপন ?

সীমার কানের পাশ দুটো গরম হয়ে উঠল । কিংকি শোকার মত একটা কিছু ডেকে উঠল কানের দু পাশে । সেই কথা ! সেই কথা ! সেই কথা ! সেই কথা ছাড়া আর কিছু নেই সংসারে । মেয়ে আর পুরুষ হলেই বাস—সেই এক সম্বন্ধ ! এক কথা !

কোন কিছুর আকস্মিক দংশনে মাহুয যেমন ভিত্তিতে চমকে, উঠে দাঁড়ায় তেমনি ভাবে সে উঠে দাঁড়াল—সকলের মুখের দিকে তাকিয়ে বললে—কে বললেন কথা ? কে ? বলুন একবার, বলুন ।

চোখ দুটো তার জলছে ।

এবার সব চূপ হয়ে গেল । একটি কথার সাড়া উঠল না । তবে একটা চাপা হাসির গুঞ্জন উঠল । কিছু লোক মাটির দিকে চেয়ে রয়েছে মাথা হেঁট করে । মধ্যে মধ্যে পরস্পরের সঙ্গে সর্কোতুকে দৃষ্টি বিনিময়ও চলছে । অন্ত সকলে অন্ত দিকে চেয়ে রয়েছে, তাদের মুখের হাসি গুঞ্জনমুখের নয়, শুধু নীরব রেখার ফুটে উঠেছে । কিছু লোক ভুরু কুঁচকে ভিত্ত দৃষ্টিতে সীমার দিকে চেয়ে আছে । সীমার কথা তাদের আহত করেছে ।

নসুও উঠে দাঁড়িয়েছে সীমার সঙ্গে সঙ্গে । সেও সবিস্ময়ে দেখছে সকলের মুখের দিকে তাকিয়ে । সীমা উত্তরের প্রতীক্ষা করছে—ওরা হাসির শব্দে রেখার বিরক্তিতে উত্তর দিচ্ছে । এরই মধ্যে নসু হাত জোড় করে বললে—কি রকম করণ ! ভদ্র সন্তান সব ! এ কি কাজ ! একটি কুমারী কন্তে, আপনাদের কন্তে ! হায় হায় হায় । টুকটুকে পারা ভাল ঘরের ছেলে কেউ এগিরে এস—বল—চল আমার ঘরে চল—আঃ লক্ষ্মী পথে চলে যাচ্ছে—কেউ দোর খুলে তাকে না গো ।

সীমা তীব্র কণ্ঠে বলে উঠল—না । ভাছুর মা, তুমি থাম । চূপ কর বলছি । বিয়ে আমি করব না ।

অবাক হয়ে গেল নসু—বলে উঠল—হেই মা ! ওই কালোমুসকো মুনসেকে বিয়ে করবে না—ওই যথের ঘরে পা দেবে না আলাদা কথা, তাই বলে— ।

—না—না—না । মধ্য পথেই বাধা দিল সীমা ।—চূপ কর তুমি । তুমি যাও এখান থেকে ।

দারোগাবাবুটি চূপ করেই বসে সমস্ত দেখছিল—শুনছিল । বুড়ো লোক এবং লোকটি

চক্র বলি ব্যক্তি আছে। লোকে বলে, নীলার তুল্য কতকগুলি রত্নসম ব্যক্তির একটি চক্রবলর গঠন করে দারোগাবাবুটি তার মাঝখানে সম্পদ ও শক্তির সৌভাগ্যের মসনদে বসে আছে। পাত্র রমেন আচার্যও সেই চক্রবলয়ের রত্নগুলির অত্যন্ত একটি বড় রত্ন। দারোগাবাবু রমেনের বিয়ের কথা জানে এবং তার নিমন্ত্রণও আছে, অমর চকোতির বাড়ীতে আজ সন্ধ্যায় বরযাত্রী যাবার কথা। বিয়ের পর বিশেষ বন্ধু সম্মেলনেও নিমন্ত্রণ আছে—সেখানে সেই বোধ করি তার প্রধান অভিধি হয়ে বসবে। এখন এটা কি হল?

মাঝে মাঝে মন তার খিঁচড়ে ওঠে। দেশ স্বাধীন হল। গণতন্ত্র হয়েছে! কচু হয়েছে। ইংরেজ আমল হল—এক ধমকে বা একবার গলা ঝেড়ে রক্তচকে লোকগুলোর দিকে তাকালে সঙ্গে সঙ্গে সব লাক হয়ে যেত। বিলকুল লাক। এবং সে নির্ভয়ে মেয়েটাকে হাজতে পুরে খবর পাঠিয়ে দিত অমর চকোতির কাছে—একজন চৌকিদার ছুটিয়ে দিত বন্ডাডরায়। কিন্তু এই ইনকিলাবের কাল—আর গণতন্ত্রের রাজত্ব;—সে করতে সাহস হয় না। কিন্তু করবেই বা কি? কুল কিনারা তো দেখতে পাচ্ছে না।

ইতিমধ্যে মুহুরীবাবু এসে পড়ল। ধমক দেবার একটা লোক পেয়ে রাবণারি সিংহ কেটে পড়ে বাঁচল বললে—কতক্ষণ লাগে তোমার মুখ ধুতে হে। নাও, এই মেয়েটার ডাইরী লিখে নাও। যাও গে মেয়ে—বলগে—ওঁকে, কি বলবে? আর শোন—

—কি?

—যদি আত্মহত্যা করবে বল—তা হলে তোমাকে এ্যারেস্ট করব আমরা। বুকে ডাইরী লিখিয়ে।

—বেশ তো! আমি তাই চাচ্ছি! জেলে চলে যাব। তাও আমার ভাল।

—না। তোমাকে পাগলা গারদে পাঠানো উচিত। কিন্তু ওসব কোথাও পাঠাবো না। তোমার বাপকে ডাকব—বলব, এই শুভুন আপনার মেয়ে কি বলছে।

হঠাৎ তিনি কেটে পড়লেন—ডেঁপো—ইঁড়ে-পক কাজিল মেয়ে কোথাকার! যেমন ওই চকোতি বামুনটা—তেমনি তো হবে তার মেয়ে। মাতাল চরিত্রহীন—আবার পলিটিকাল ওয়ার্কার—আজ তেরলা ধরে,—কাল লালঝাণ্ডা ঝাড়ে করে ইনকিলাব করে পরশু হিন্দু মহাসভার ঝাণ্ডা তুলে নাচে। পেতে হবে না তার কল?

—আপনি চুপ করুন।

—আপনি চুপ করুন। ভেড়িয়ে উঠল দারোগা।—অনারেবল মেয়ে-মন্ত্রী এলেন আমার। হুতুম চালাচ্ছেন।

সীমা এবার লাকিয়ে নেমে পড়ল বারান্দা থেকে—বললে—চললাম আমি। ডাইরীতে আমার দরকার নেই। আপনারা সাক্ষী থাকুন। দারোগাবাবু যা বললেন—যে ব্যবহার আমার সঙ্গে করলেন আপনারা তা চোখে দেখেছেন, কানে শুনেছেন।—এরপর আমি যাব সমরে ম্যাজিস্ট্রেটের কাছে আর পুলিশ সাহেবের কাছে।

দারোগা চমকে উঠল।—কমেস্টবল! এ্যারেস্ট হার। পাকড়ো!

সঙ্গে সঙ্গে সীমা ঘুরে দাঁড়াল।... কেন ? খবরদার আমার গায়ে হাত দেবে না।

—এস তুমি আমার সঙ্গে এস। আমি তোমাকে নিয়ে যাব ম্যাজিস্ট্রেটের কাছে।

ভবানীকিষ্করবাবু। এই গ্রামের এককালের উচ্চ মধ্যবিত্তের সন্তান। এখানকার পুরানো কংগ্রেস কর্মী—সেই উনিশ শো তিরিশ থেকে।

—বাঃ! ঠিক সময়ে এসেছেন ভক্তলোক। দারোগা বক্রহস্তের সঙ্গে বললেন—কিন্তু শুধুন ভবানীবাবু—আপনি আমার কাছে বাধা দিচ্ছেন।

—বেশ তো—তার জন্তে বা হর করবেন। চল তুমি—।

—দাঁড়ান। আপনার বিরুদ্ধে একটা নারীঘটিত ব্যাপার নিয়ে কেস হয়েছিল।

—সে কেস মিথ্যা। আদালত রায় দিয়েছে! আপনিই সে কেস করিয়েছিলেন।

—না, করাই নি। একথা আমি মেয়েটিকে বলছি—। ওগো মেয়ে, তুমি তার পরও যাবে। ওঁর সঙ্গে ?

—যাব।

হঠাৎ জনতার পিছন দিকে একটি চাকল্য—ঘটনার প্রবাহটিকে, বজ্রার স্রোতকে যেমন—পাশের কোন বিলের আধারে টেনে নেয়, তেমনি ভাবেই মোড় ফিরিয়ে দিলে। ছুটি আধুনিক মেয়ে এগিয়ে এল ভিড় ঠেলে।

—দয়া করে একটু সরুন তো! একটু পথ দিন!

সুশ্রী মার্জিতকৃষ্ণি আজকালকার মেয়ে। এখানকার ইন্সুলের শিক্ষয়িত্রী। হেডমিস্ট্রেস আর একজন অ্যাসিস্ট্যান্ট টিচার, কমলা দিদিমণি।

তারা এসে দাঁড়াল—সীমার পাশে। সীমা মাথা নামালে। সে বুঝতে পারলে না—কি বলতে এসেছেন বড় দিদিমণি আর কমলা দিদিমণি। সে ভাবছিল, দিদিমণি বলবেন—এ কি করেছে সীমা। আমাদের বদনামের যে শেষ থাকবে না! ছি—ছি—ছি।

না। তা বললেন না। কমলাদিদি বললেন—আমরা এই মাত্র খবর পেলাম।

বড় দিদিমণি বললেন—চল, আমার ওখানে চল। পাগল মেয়ে কোথাকার।

দারোগা বললেন—তা হলে ওকে বুঝিয়ে ওর বাপের কাছে পাঠিয়ে দেবেন। বুঝলেন ? ওর বাপকে আমি খবর পাঠাচ্ছি। সে এসে নিয়ে যাবে।

—ও যদি যেতে না চায় তো পাঠাব কেন ? কমলা দিদি বললেন। বড়দিদিমণি তুচ্ছ কুঁচকে তাকালেন কমলার দিকে। বড়দিদিমণি কানে খাটো। কমলা খুব কাছে এসে ওকে বললেন কথাগুলি। মুখের দিকে চেয়ে—শুনে—বুঝতে পারেন তিনি।

দারোগা বললেন—একটা কথা মনে রাখবেন—মেয়েটি মাইনর।

—না। ওর বয়স আঠারো পার হয়ে গেছে।

—আপনি কি করে জানলেন ?

—আমাদের স্কুলের খাতায় আছে। ম্যাট্রিক পরীক্ষার জন্ত যে কর্ম পূরণ করেছে—তাতে আছে। সীমা মাইনর নয়। চলো সীমা।



ভবানীবাবু এতক্ষণ চূপ করেই দাঁড়িয়েছিল—সে বললে—ভালোই হল। তুমি তাই যাও। তোমার বাবা আমাকে ভাল চোখে দেখে না। তুমি তা জান। সে ভাবত, লোকেও ভাবত—আমি শত্রুতা করবার জন্তেই তোমাকে বাড়ীতে নিয়ে গিয়ে আশ্রয় দিয়েছি। এই জন্তে অনেকক্ষণ লোকেদের পিছনে দাঁড়িয়ে শুনেছি আর ভেবেছি। এ খুব ভাল হল।

দিদিমণিদের সঙ্গে সীমা—বড়দিদিমণির কোরাটায়ে এসে উঠল; পিছনে পিছনে অন্তর অংশ।

তারা তখনও পেছন ছাড়ে নি।

বাড়ীর দোরে দুহাত মেলে সকলকে আটকে বার বার ভবানীবাবু বললে—আর কেন সব? কেন পিছনে পিছনে আসছ? যাও। যে যার বাড়ী যাও। কাজে যাও। যাও।

তাতে হুঁচারজনই থসল। বাকী সব একটু দূরত্ব বাড়িয়ে চলতে লাগল। নম্র কিন্তু সঙ্গ ছাড়ে নি। সঙ্গে সঙ্গেই চলছে। মাত্র হুঁচার পা পিছনে থেকে। আপন মনেই বলছিল—ভাঙর আমার কালের বা' লেগেছে। হায় হায় হায়।

ভাঙ আমার বিয়ে করবে না!—তবে কি করবে ভাঙ মা?—না নেকাপড়া শিখে চাকরি করব। হায় হায় হায়। তা, চাকরি করে, 'ভাঙর মা দুখিনী'কে একখানি কাপড় দিয়ে যেন। সেই কাপড় পরে নাচব—আর তোমার মহিমে গাইব। ও মন রসনা আমার।

সন্ধ্যার সময় সেই গানই জুড়েছিল নম্রবালা আর গুন-গুন করছিল। সীমার সঙ্গেই তার একটা বেলা কেটেছে। ভিক্ষেই আশ্রয় করা হয় নি। তা না হোক। ভবানীবাবুর বাড়ীতে আশ্রয় চান পেয়েছে। তার মা দিয়েছেন। মেয়েদের বোর্ডিং আর ভবানীকিরোরদের বাড়ী লাগালাগি—এক দেওয়ালে। ভবানীবাবুদেরই ন' আনার শরিকদের দালান সমেত বাস্তববাড়ী কিনে মেয়েদের বোর্ডিং হয়েছে। সে শরিকরা এখন ককির। ভবানীবাবুর মা—সাক্ষাৎ অন্নপূর্ণা ঠাকর। দুর্গা মা। দয়ার আর পারাপার নাই। ওঁর কাছে গেলেই পেটটা ভরবে। আশ্রয় চান। সেই চাল ক'টি নিয়েই বাড়ী এসে ফুটিয়েছে, স্থান করে—ভাঙকে মুখ মুছিয়ে কাপড় ছাড়িয়ে—খানকয়েক বাতাসার ভোগ দিয়ে—খেয়ে নিয়ে বসে বসে শুধু ভেবেছে। সীমার কথাগুলি মনের মধ্যে—ফুলন্ত গাছের চারিপাশে উড়ন্ত মৌমাছির মত, প্রজাপতির মত ঘুর ঘুর করে ঘুরছে। হায় হায়—ভাঙর আমার ভাবনা শোন দিকি! সাধ শোন দিকি!

আগের কালে লোকে বলত—লক্ষ্মী হও মা। লক্ষ্মী হও।

ভাঙ বলছে—না বাবা, লক্ষ্মী নয়—বল সরস্বতী হও।

ভাছ বলে—লক্ষ্মী আমি হব না কো—

উটি বলো না—

খাটিতে নারিব আমি—ও মন রসনা আমার—

নারায়ণের তিলশুন।

সেই লক্ষ্মীর কথায় আছে—এক গরীব ব্রাহ্মণের ক্ষেতের দুটি তিলফুল কানে পরেছিলেন বলে—নারায়ণের হুকুমে এক বছর লক্ষ্মীকে বামুনের ঘরে দাসীবৃত্তি করে ‘তিলশুনো’ খাটিতে হয়েছিল। তা বটে—বাপের ঘরে—কন্তে লক্ষ্মী—হাত-ছড়কো—মানে ছোটখাটো ফাইকর-মাশের ছোট ঝি। স্বপ্নর ঘর যাবার সময় বাপকে আধ মুঠো ধান দিয়ে আধ মুঠো ধান সঙ্গে নিয়ে যায়। তা গেলে কি হবে, স্বপ্নরবাড়ীতে কন্তের অবস্থা হয় ওই তিলশুনো খাটা লক্ষ্মী তার চেয়ে সরস্বতীই ভাল।

নতুন কালের ভাছ আমার

নাম হয়েছে সীমে।

মহিমে তার ঢাকে ঢোলে—ও মন

রসনা আমার তার সঙ্গে শিঙে।

মধ্যে মধ্যে ছুটে ছুটে গিয়েছে বেয়াইয়ের সন্ধানে।

—বেয়াই! বলি কিরেছ?

বেয়াই ফেরেনি, ঘরের তালাটা ঝুলছে; অগত্যা নশু কিরে এসেছে।

কখনও খানিকটা এসে সেখান থেকেই-হেকেছে—বে-য়া-ই-হে।

সাড়া না-পেয়ে কিরে গেছে। বেয়াই আজ খুব বিকিকিনি পেয়েছে তা হলে। সেটেল-মেন্টের ক্যাম্পে আজ ওই দিককার লোক। আকুটির বাবুরা পুরানো বাড়ী। আর লক্ষ্মীকে ওরা বেশ শক্ত টানে বেঁধেছে রেখেছিল। এবারে গেলেন মা, রাজ আজ্ঞেতে যেতে হল। ঠেকাবে কে? তারা সব এসেছিল সেটেলমেন্ট ক্যাম্পে যতটা রাখা যায় মা লক্ষ্মীর পেসাদ। সেইখানেই আজ জমেছে বেয়াই, ফেরবার নাম নাই।

বেয়াই বলে ভাল। বলে, জান—তোমার ওই সব ভাল লাগে।—আমার ভাল লাগে এই সব। খানিক খানিক বুঝি তো। তা বেয়ান, তোমার পাগলের সে গান—সেরা গান। বুয়েচ।—

যে গড়েছে সেই ভাঙে ভাই—

যে ভাঙে সেই গড়ে—

বিধেতা পাগল বুড়ো—

ও মন রসনা আমার—খেলয়ে বালুচরে।

অজখাম সে রচেছিল—কই সে অজ হায়—

বুড়োই ভেঙেছে অজ

ও মন রসনা আমার—তবু বংশী খামে নাই।

বুয়েচ, এও তাই। বিধেতা হকুম করলেন সেই হকুম—সেই হকুমে সাহেবরা গেল; রাজলক্ষী এলেন, গাঙ্গী রাজার শিশুসেবকদের কাছে। বিলিতি বস্ত্র ছাড়লেন—খন্দর পরলেন—শঙ্খ পরলেন, পাটে বসলেন।

রাজলক্ষী হকুম করলেন—রাজা-রাজড়ার বাবু জমিদারের বাড়ীর লক্ষীকে নোটিস হল—সব এস—এসে আমার সঙ্গে মিশে যাও।

ফটিক দাসের কাছে রসের উৎস ওইখানে। সব মাহুষ সমান হয়ে যাচ্ছে, বেশ লাগছে তার। ফটিক বলে—আমি বেয়ান বনমোমাছি—বাগানের ফুলে ঘুরি না। ফসলের ক্ষেতে ঘুরি। যত রস খানেনরই ভিড়র, বুয়েচ বেয়ান। ধান কোথা হয়? না—জমিতে। ধান কি করে? চাল করে সিদ্ধ করে ভাত বানিয়ে খায়। আর কি হয়? বেচলে টাকা হয়। তাহলে কি হল? রসের গোড়া হল জমি—আগা হল টাকা।

বেয়ান হে, মা গঙ্গার স্তব তো তোমাকে পড়ে শুনিয়েছি।

—হ্যাঁ হে হ্যাঁ। বন্দ্য মাঙা সুরধুনি—পুরানে মহিমা শুনি—পতিতপাবনী নারায়ণী—

—হ্যাঁ। মা গঙ্গা ছিলেন ব্রহ্মার কমণ্ডলুতে, পৃথিবীতে নেমে পাহাড় বন দেশ ঘাট ভাসালেন মাহুষের জীবন উদ্ধার হল—কিন্তু গেলেন কোথা—না গঙ্গাসাগর।

—বটে বেয়াই বটে। বলছ ভাল। হাকিমকেও বলতে হবে ভাল।

—হ্যাঁ, মা গঙ্গার আদি হল ব্রহ্মার কমণ্ডলু অন্ত হল গঙ্গাসাগর, চান করলে সব কামনা সিদ্ধ হয়। জমি ব্রহ্মার ঘর—টাকা গঙ্গাসাগর আমি সার বুঝেছি—খাঁটি বুঝেছি। আমার ঘর হল না টাকা নাই বলে। জমি থাকলে টাকা হত। শেষ কথা বুঝে নিয়েছি। তোমার রঙের কথা—তোমাকে ভাল—তোমার ভাঙ্কে ভাল। উ সব দুজন একজন। তাই বুয়েচ—আমি মজা পাই ওই সবে। বসে পুতুল বেচি আর দেখি। হরি হে, তুমি সত্যি হলে, তুমি কখনও জমি কখনও টাকা। তা না হলে ব্রহ্মধামের রাখালি ছেড়ে মথুরা পালাতে না। রাখাকে ছেড়ে কুঁজিতে মজতে না। শেষ কথা। সার কথা। কুঁজি নয়, মথুরার সিংহাসন।

নন্দুবালা হাসে। কি বলছে বেয়াই। হায় হায়, দু-দুটো বোষ্টমী আনলে—দুটোই পালাল। বেয়াই বলে—টাকা জমি থাকলে পালাত না। তা আধা সত্যি বটে। কিন্তু! না-না-না। তাই হয়! তুমি জান না বেয়াই শেষ কথা তুমি জান না। শেষ কথাটি সে জানে।

সংসারে শেষ কথা জানা ভারী শক্ত। কিন্তু শেষ কথাটি না জানলে তো মাহুষের ঘুম হয় না। নানান জনে নানান কথাকে শেষ কথা ধরে নিয়ে মনকে বোঝায়, বলে শেষ কথা পেয়েছি। তাতেই শান্তি পায়, স্বস্তি পায়। সংসারের শেষ কথাটি বুঝেছে ভেবে নিয়ে পরমানন্দে গান গায়। কেউ গান গায় সুরে—কেউ মনে মনে।

সন্ধ্যাবেলা—সুরে সুরে পান গাইতে গাইতে ফিরল—ফটিক দাস। সে ইচ্ছে করেই উচ্চ-কণ্ঠে গাইতে গাইতে ফিরল।

ফালের ফুটোর কাছি পরাও—

—ক্যা-নো?

দিনের আলোর আলোর—

কাল কাছিতে জমি সেলাই—

ও মন রসনা আমার—সারো ভালোয় ভালোয় ।

তালা খুলে আলো জেলে বসতে বসতে তার সাড়া পেয়ে ছুটে এল নসুবাল।—বাবা: কি বেসাত করলো বেয়াই? কত টাকার বেচলে? সারা দিনটি কাটালে যে!

—বিলকুল ফকা বেবাক ফাঁক। সব পুতুল বেচেছি। ভালো খালি। আকুটির বাবুরা আরও বরাত দিয়েছে।

—ওদের অনেক পয়সা নয়?

—কাল কাছিতে জমি সেলাই করে জমিদারী শালের দোসর দোলাই তৈরী করছে বাবুরা। বাবুদের পয়সা থাকবে না? বলিহারির বুদ্ধি। বসে শুনেছি আর গান বেঁধেছি। দাঁড়াও আগে মাটিটা দেখি—ভিজিয়ে রেখে গিয়েছিলাম। ওঃ, চাষীদের পয়সা কত! শখ কত। হে! একটা ছুটো বেরাকট কি জনা-র চাই। বরাত মেলাই। ভোমার খবর বল।

—আমি বেয়াই আরো আশ্চর্যি দেখে এসেছি। ফিরেছি কখন! তিন-তিনবার ভোমার বাড়ী এসে ফিরে গিয়েছি কথাগুলো পেটে গজগজ করছে, শোন। শোন—আমার নতুন ভাছ—সীমেরানীর গান শোন।

—আমারটা আগে শোন বেয়ান। আগে আমারটা। কাল দিয়ে জমি সেলাই! এ কখনও শুনেছ?

—উহ আমারটা আগে।

—দাঁড়াও তো, দাঁড়াও তো!

—ক্যানে— ওই দেখ—ক্যানে বলছি! ক্যা-নো—ক্যানো!

ফটিকদাস বললে, ব্যাণ্ডের বাজনা বাজছে না!

—ব্যাণ্ডের বাজনা?

—হ্যাঁ, শোন।

—হঁ! দাঁড়াও দাঁড়াও। দেখি দাঁড়াও। দীঘির পাড়ে উঠে দেখি। ওখান থেকে নবীনপুরের শড়ক ফটকটে দেখা যায়।

—দেখতে হবে না। রমেন আচাখ্যি বিয়ে করতে আসছে।

—হা হা হা। হেসে গড়িয়ে পড়ল নসু।

—হাসছ?

—শোন, গান শোন আমার—।

সে শুরু করল তার গান। ফটিক মাটি ঠাসতে শুরু করল। নসু গাইতে গাইতেই বললে—না মাইরি, তুমি যেন কি? বেয়াই!

—ক্যা-নো?

—এয়েছ, চা খেলে না; আমি বেয়ান—চা দিলে না। মাটি ঠাসতে বললে!

—মাটি না ঠাসলে কালকের ডালা ফাঁক। রেতে গড়ে—আগুনে সের্কে শুকুতে হবে। সকালে রঙ। পেট ভরতি তো রাজ-ফুটি। পরগা নইলে পেট ভরে না। নাও। চা কর। আমি ওখানে খেয়েছি। বাবু! খাইয়েছে। লাও—লাও। এই একটা সিগারেট লাও। এও বাবুদের।

—নাও। রেখে দিই। চা খেয়ে খাব।

হঠাৎ রাস্তা থেকে কে যেন বললে—ওরে, তোদের দেশলাই আছে ?

ভারী গলার আওরাজে দুজনই চমকে উঠল।

দুজন লোক—সেই কালিপড়া লর্ডনটির স্বল্প আলোর আলোকিত অন্ধকারের মধ্যে দাঁড়িয়েছে। ও রে—দেশলাই আছে ?

—কে ? কে বট ? চমকে উঠল নন্দু।

—আমি রে ! যোগপুরের ডাক্তারবাবু।

যোগপুরের ডাক্তারবাবু—ঈশ্বর ডাক্তার ! বাপরে ! লোকে বলে এখানকার বিধান রায়। ফটিক দাস এসে হেঁট হয়ে প্রণাম করলে—প্রণাম ডাক্তারবাবু।

—হেই মা গো ! সাক্ষাৎ ধনুস্তর গো !—ও বাবা। নন্দু এগিয়ে হেসে দাঁড়িয়ে বললে—আমাকে চিনতে পারছ তো। আমি ভাঙ্গুর মা ! কোথা এয়েছিলেন—কার কি হল ?

—জোরে বল—আমি শুনেতে পাই না। কানে কালা। এঁটে-এঁটে বল। বন্ধ কালা আমি।

—আমি ভাঙ্গুর-মা, চিনেছ আমাকে ?

—চিনেছি। দে দেখি দেশলাই না হয় আগুন। আলোটা জ্বলে নিই। রাস্তায় দপ করে নিভে গেল !

কালিপড়া হারিকেন এবং দেশলাই—দুই আনলে ফটিক। আলো পড়ল ডাক্তারের উপর।

শক্ত কাঠামো কালো রঙের মাহুটিকে বড় তো বড়—ছোট ডাক্তার বলেও চেনবার উপায় নেই। পারে জুতো একজোড়া আছে, কিন্তু সে জুতো কাদায় ধুলোয় বিবর্ণ শ্রীহীন। শুধু সোলখানা পুরু এটা বোকা যায়। পরনে মোটা কাপড়, গায়ে গেঞ্জি—জামা, কোট একটা, কাঁধে ফেলা আছে, মাথায় একখানা চাদর বাঁধা। মুখে একজোড়া ভারী গৌঁক, মাথার চুলের ডগাগুলি চাদরের পাগড়ীর প্রান্ত থেকে বেরিয়ে কপালের উপর পড়েছে। তবে ডাক্তারকে দেখেছে সকলে, মাথার চুল তার পাতলা এবং সেগুলি অবিকলই থাকে। পিছনে ডাক্তারের অহুচর একজন, তার হাতে কলব্যাগ।

ডাক্তার আলোটা জালবার উদ্ভোগ করছে—এমন সময় পিছনে অন্ধকার থেকে কে ডাকলে—ঈশ্বর !

ডাক্তার শুনেতে পেলেন না, সঙ্গের লোকটি উত্তর দিলে—এইখানে—।

ফটিকদাস সঙ্গে সঙ্গে বললে চীৎকার করে—আমি ফটিক, ডাক্তারবাবু আমার

বাড়ীতে।

ডাক্তার মুখ তুলে প্রশ্ন করে তাকালে। সন্দের লোকটি খুঁকে উঁচু গলার বললে—  
ভবানীবাবু! বলতে বলতে টর্চের আলো এসে পড়ল উঠানে।

ভবানীকিঙ্কর এসে দাঁড়াল।—এই নাও, দেশলাইটা রাখ। কিনে আনলাম। পথে ও-  
লগ্নন আবার নিভবে।

—দাও। ডাক্তার পকেটে পুরলে দেশলাইটা।

নসু জিজ্ঞাসা করলে—দাদাবাবু—ডাক্তারবাবু কাকে দেখতে আইছিলেন।

—গোপাল চৌধুরীকে রে। মাথা কেটেছে।

—মাথা কেটেছে—তা কেমন মাথা ফাটা? বড় ডাক্তারবাবুকে—

—একটু বেশী বটে। শিরা ছিঁড়েছে—রক্ত বন্ধ হচ্ছে না।

শুনতে পেয়েছিল ঐষ ডাক্তার। মুখ দেখে বোধ হয় কথা বুঝতে পেরেছিল। সে ভবানী-  
কিঙ্করকে বললে—বৈচে যাবে। তবে আর কাজকর্ম করতে পারবে না। ই্যা। বৈচে যাবে।  
চল। বরষাজীরা পৌঁছুল বোধ হয়। রমেনের বাবা ভুবনের সঙ্গে পড়েছিলাম। রমেনকে  
একবার টাইকয়েড থেকে বাঁচিয়েছি। কথাগুলি বললে সে ভবানীকে।

ভবানী বললে—তা হ'লে এইটুকু রাস্তা টর্চেই চলে যেতে।

—তা যেতাম। অন্ধকারেও যেতে পারি। যাই তো। তা সেদিন একটা খালে পা  
পড়েছিল। বয়স হ'ল তো, আলো এবার চাই। রাত্রেই আবার বাড়ীও কিরব—। সকালে  
রোগী আসবে। তা তুমি যাবে না? রমেন তো তোমার চালা গো। খানা কংগ্রেসের  
মেম্বর, তুমি প্রেসিডেন্ট। নেমস্তন্ন করে নাই?

—করেছে। তবে এই ব্যাপার, মানে, আসল কনে তো, এখানে পালিয়ে এসেছে।  
মিস্ট্রিসরা সাহস করে এগিয়ে এল—তাই—নইলে তো আমিই নিয়ে যাচ্ছিলাম আমার বাড়ী!  
এখন ছোট মেয়ের সঙ্গে বিয়ে হচ্ছে। তা খবর তো গোপন থাকবে না। আমিও গোপন  
করি নি। রমেন কিছু বলুক না বলুক—অমর চকোত্তিকে তো জানেন। আর রমেন নামে  
মেম্বর, সুবিধের জন্তে মেম্বর। নইলে এখানকার যে দল আমার বিরুদ্ধে তাদের সঙ্গে কারবার।  
আমি যাব না, তুমি যাও।

বলতে বলতেই তারা ফটিকদাসের উঠান থেকে রাস্তায় নেমে এল। পথে উঠে ডাক্তার  
বললে—চললাম রে ভাঙ্গর মা! ফটিকচন্দ্র হে—চললাম!

ফটিক বললে—পেনাম ডাক্তারবাবু!

নসু বললে—একটা নর ধ্বংসরী—একশো পেনাম। রোগে ধরল মরণে সে তুফানে মা  
চণ্ডী কাণ্ডারী, তুমি তার হাতের হাল বৈঠে! বাবা রে!

ফটিক বললে—শুনতে পেলো না।

—না পাক। আমি তো বলেছি যা বলবার। ভগবান তো আরও কালা। তার ওপর  
কানে তুলো গোঁজা। তবু তো বিশ্বব্রহ্মাণ্ড কত ইনিয়ে বিনিয়ে বলেই চলেছে।—কিন্তুক—

শুনলে তো—! রমেন্দোর বিয়ের কথা।

—শুনলুম বৈকি! ছোট মেয়ে ক্ষমার সঙ্গে বিয়ে হচ্ছে। বেরান হে—যত রস ধানের ভিতর হে ধানেরই ভিতর! রমেন্দোর ধান আছে—জমি আছে—টাকা আছে। কনে পালালে বিয়ে আটকায়? মাটির থেকে কনে গজায়। তুমি নাচছ—

“হায় রমেন্দোর বিয়ে হ’ল না—

নতুন কালের বা’ এসেছে, ও মন রসনা আমার

ভাঙুরা বিয়ে করবে না—কেউ তা

বলো না!”

—উঁহ! উঁহ!

—উঁহ, কিসের উঁহ!

—শোন বা? না-না-না, শুনিবেন?

—শুনিব।

নসুবালি গান ধরলে—

“ও হায় নাকের বদলে নরুণ,

ফুলের বদলে রাঙা বিলিভী বেগুন

সীমার বদলে ক্ষমা—ও মন রসনা আমার

তাকছমাত্ম!

তাই ঘুনাঘুন—তাই ঘুনাঘুন—

চরণে নূপুর বাজে তাই ঘুনাঘুন!”

ফটিক না-না জানিয়ে নীরবে ঘাড় নাড়ে আর হাসে। মাঝে মাঝে গানের ফাঁকের মধ্যে বলে—বিলিভী বেগুনের অনেক গুণ; অনেক পোষ্টাই। রমেন্দোর এতে ভাল হবে।

এরই মধ্যে আবার কার ভরা গলার সাড়া এল,—ফটিকচন্দ্র! নসুবালি!

জিভ কেটে থেমে গেল নসুবালি। ফটিক ব্যস্ত হয়ে সঙ্গমে জবাব দিলে—দে-মশায়?

—হ্যাঁ হে। রাত্রি বেশ হয়েছে বাবা! এইবার ঘুমোও। আমরাও ঘুমোই। কি বল!

—আজ্ঞে হ্যাঁ। এই থামলাম আমরা দে মশায়।

—বেশ-বেশ! আমরা যে কানের কাছে কি না।

—আজ্ঞে হ্যাঁ। আমরা বুঝতে পারি নাই এত রাত্তির হয়েছে।

—হ্যাঁ। জমেছিল! আমারও ভাল লাগছিল। তা ঘুমের তো দরকার আছে!

ফটিকের বাড়ীর হাত চল্লিশেক তফাতে বড় রাস্তাটার একটা ভে-মাথায় দে মশায়ের নতুন পাকা বাড়ী। সেই বাড়ীর বারান্দা থেকে কথা বলছে দে মশায়।

দে—শিবনাথ দে এখন চন্ননপুরের সব থেকে বড় ব্যবসায়ী—লোকে বলে ধনীও বটে। মন্ত

গদীর মালিক তার সঙ্গে একটা গোটা রাইস মিল—তারও মালিক। কিন্তু আশ্চর্য অল্পজ্ঞান  
বীর মানুষ। নিত্যন্ত সামান্য অবস্থা থেকে আজ বিরাট সম্পদের অধিকারী। জীবনটা শুধু  
হিসেবের জীবন। জাতিতে গন্ধবণিক; বাল্যজীবনে নিদারুণ দুঃখ কষ্ট নির্ধাতন সহ করেছে  
দে। বাপ ছিল সেকালের এক দুর্ধর্ষ মানুষ, উচ্ছ্রল জীবন ছিল তার। দেনার আকর্ষণে  
বিষয় সম্পত্তি বিক্রী করেছিল। তারই ছেলে শিবনাথ। সে ছিল অসাধারণ বুদ্ধিসম্পন্ন ছেলে।  
চৌদ্দ পনের বছর থেকে নিজের পড়াশুনো করেছে, বিষয়সম্পত্তি নিয়ে মহাজনের সঙ্গে মামলা  
লড়েছে, কিছু কিছু উপার্জনও করেছে। গ্রাইভেটে নীচের ক্লাসের ছাত্র পড়াতো। টুকিটাকি  
ব্যবসা করেছে। মেলায় মেলায় ফিরেছে। জমিদার মহাজনের বাড়ী এসে দীনভাবে আবেদন  
করেছে, মহাজনের নাগিশের ক্ষেত্রে তার পক্ষে সহায়ত্ব ও সহযোগিতার অন্ত। এরই মধ্যে  
ফার্স্ট ডিভিশনে ম্যাট্রিক পাশ করেছিল। বাড়ীতে আইন পড়েছিল ওই মহাজনের সঙ্গে  
মামলার অন্ত। তারপর পেয়েছিল চন্দনপুরের লক্ষপতিদের বাড়ী। নায়েব হয়েছিল।

তারপর শুরু করেছিল ব্যবসার। সে ব্যবসায় তার সমৃদ্ধি হয়েছে ধুলো থেকে সোনার  
মত। কিন্তু সে কোন যাদুমন্ত্রে নয়, এ বিশ্বাস করে লোকে যে ধুলো সোনা হয়েছে দে মশায়ের  
বুদ্ধির এবং হিসাবের অভিসৃষ্ট ভাগমাপের রাসায়নিক ক্রিয়ায়। গ্রামের জমিদার পিছনে  
লেগেছে ইউনিয়ন বোর্ড লেগেছে—ব্যবসারীরা পিছনে লেগেছে—পুলিস লেগেছে—কিন্তু এই  
অল্পজ্ঞানিত মানুষ শাস্ত মানুষটি তার হিসেবের মাপ করা অকম্পিত পদক্ষেপে বলতে গেলে সোজা  
চড়াই ভেঙে এসেছে বিষয়সম্পত্তি ও সম্পদের পাহাড়ের মাথায়। মাটিতে পা কাঁপে নি—উপরে  
আকাশের দুর্যোগে মাথা টলে নি। লম্বা মানুষ, মোটা হাড় শক্ত কাঠামো, মেদবর্জিত শরীর;  
কথা বলতে গেলে কখনও মুখের উপর কথার ভাবের ছাপ পড়ে না। ঠাণ্ডা হিমের মত  
লোকটি। যেখানে ঢুকব মনে করে সেখানে ঢুকে যায়—কখনও সোজা পথে—কখনও বাঁকা  
পথে এবং সে পথে ছুঁত-পবিতের বিচার সে করে না। যে যতই দরবার করুক—ফৌজদারি  
বা দেওয়ানি যে কোন আদালতে, দে তার দিকের জায় এবং আইনসম্মত প্রমাণ করে বেরিয়ে  
আসে মাথা উঁচু করে, কিন্তু মুখে কোন উল্লাসের চিহ্ন কেউ দেখতে পায় না।

জীবনে দে হল দাবা খেলোয়াড়; পাশা খেলোয়াড় নয়—যারা আড়ি মারতে কচে-বারো  
হাঁক হাঁকে কচে-বারো দান ফেলে—ছাদ কাটানো চীৎকার করে ওঠে, পাড়া চমকে দেয়। দে  
—প্রতিপক্ষের মজী মারবার সময় নিঃশব্দে সেটিকে তুলে নিয়ে নিজের বলটি বসিয়ে দেয়। শেষ  
কিন্তি দিয়ে মৃদুস্বরে ‘মাং’ শব্দটি উচ্চারণ করে—ফের বল সাজাতে বসে নতুন দানের।

সকালে উঠে মিলে যায় দে, দুপুরে ফিরে এসে খায়, ঘণ্টা দুয়েক বিশ্রাম করে, আবার  
চারটেতে মিলে গিয়ে বসে—ফিরে আসে রাজি দশটার। খেয়ে দেয়ে শুয়ে পড়ে।

দে গ্রামের ভিতরের বাড়ি ভাই-ভাইপোকে দিয়ে—গ্রামে পূর্ব দিকে ব্রাহ্মণদের পাড়া বেঁবে  
বাড়ী করেছে। এখান থেকে আরও খানিকটা পূর্বে তার মিল। তার মিলের কাছেই  
সরকারী পাকারাস্তার ওপাশে—চণ্ডীতলা।

কেউ কেউ বলে—চন্দনপুরের একটা নতুন কাল এসেছিল—পঞ্চাশ বছর কি ষাট বছর



আগে স্বর্গীয় মাধববাবুর আবির্ভাবে ; তিনি গ্রামের পশ্চিম দিকের পোড়ো প্রান্তর কিনেছিলেন বা তাঁকে কেউ গুছিয়েছিল—তার জমির ক্ষুধা দেখে ; সে যাই হোক, পশ্চিম দিকটার কৃষ্যায়র থেকে মাইলখানেক পাকাসড়কের দুই পাশে ইন্ডুল হাসপাতাল রেজিষ্ট্রি আপিসকে কেন্দ্র করে বেড়েই গেছে। এখনও সরকারী বাড়ীর ঘরদোরের বাড়ার বৌক পশ্চিম দিকে। এবার নতুনকাল এসেছে নিজে ; কারও পিছন পিছন আসে নি,—ক'লের পিছনে পিছনে যারা এসেছে তাদের মধ্যে দে মশায় একজন প্রধান। অন্তত এ কালের লক্ষী যাদের আশ্রয় করেছেন—তাদের মধ্যে দে সর্বপ্রধান। দে পশ্চিম দিক থেকে গ্রামের মুখটা ফিরাতে চেয়েছেন পূর্ব মুখে। এদিকটায় ছিল দরিদ্র এবং ব্রাত্য যারা তারাই, এটা তাদেরই পাড়া। তাই মধ্যে মধ্যে রাজি এক প্রহরের পর ঢোল বাজলে কি নাচ গান হলে—দে মশায় ডেকে বলে, ওহে—বাপুরা, এবার ক্ষান্ত দাও। . ফটিক-নসুকে একটু ঘেঁহের সঙ্গে রসিকতা করেই বলে—ফটিকচন্দ্র হে—নসুবালা-ভাড়াজননী। এইবার—একবার—! 'খামো' কথাটা উল্ল রেখে দেয়।

নসুবালাদের পালা এক প্রহরের আগেই সাধারণত শেষ হয়। কোন কোন দিন তারা এমনই মত্ত হয়ে পড়ে যে খেয়াল থাকে না—কখন মেঘের ডাকের মত গুরু গুরু গুরু শব্দের একটানা ডাক ডেকে এক প্রহর রাতের উড়োজাহাজ মাথার উপর দিয়ে বেরিয়ে চলে গেল। আকাশের দিকে চাইলে দেখা যায় চলন্ত নক্ষত্র যেন দলে যাচ্ছে উত্তর থেকে দক্ষিণে। রোজ নিত্য নিয়মিতই যায়। উত্তরবঙ্গের প্লেন সার্ভিসের পথ চন্ননপুরের মাথার উপর দিয়ে চলে গেছে। প্লেন যায় কলকাতা দমদম। প্লেনখানিও পার হয়, ওদিকে আশেপাশে শিয়ালেরাও ডাক শুরু করে। ওদিকে ইন্টিশানে গাড়ি ছাড়ে—পু' শব্দে সিটি দিয়ে। কিন্তু এ ট্রেন প্রায় লেট থাকে। তাই প্লেন সার্ভিস হওয়ার পর থেকে ট্রেনের সিটির দিকে মাল্‌ঘের কান বা মন থাকে না। মন থাকে প্লেনের শব্দের দিকে।

নসু উঠল। আর নয়। প্রহর রাত কখন পার হয়ে গিয়েছে। দে ঘরে এসেছে, খেয়েছে এবার শোবে। 'ল্যেট' হয়ে গিয়েছে। অর্থাৎ দেরি।

তার আর দোষ কোথায়? চন্ননপুরে দশখানা গায়ের ক্রিয়া-প্রতিক্রিয়ার টেউ এসে মরে। প্রতিদিনই কিছু না কিছু ঘটে থাকে,—মারামারি, কথা কাটাকাটি, গান-বাজনা, রঙ্গরস, কোনদিন মিছিল—কোনদিন মিটিং—হয়েই থাকে। সাতচল্লিশের পর থেকে এসব—ঘরোয়া ব্যাপার। বিয়ের দিন থাকলে বিয়েও হয়। কিন্তু আজকের কাণ্ড সচরাচর ঘটে না। বিয়ের কনে পালিয়ে এসে থানায় হাজির! বিয়ে করবে না, নেকাপড়া করবে, বি-এ এম-এ পাশ দেবে।

আর গোপাল চৌধুরী ছোট জাতের হাতে চটি খেয়ে নিজ হাতে চেলাকাঠ মাথার মেয়ে এমন করে কাটালে—যে তার রক্ত বন্ধ হয় না। ওদিকে রমেন্দ্র আচার্যি বুড়ো বয়সে—কমাকে বিয়ে করতে আসছে ব্যাণ্ড বাজিয়ে।

দোষ কি নসুবালায়—দোষ কি ফটিক দাসের।

—চললাম বেয়াই চললাম। মা ভাড়া মনি রাসমোহনের সঙ্গে ঝগড়া করো না। ঘর

খুলে পালিয়ে গিয়ে ইত্থলে উঠো না।

নসুবাল। এসে উঠল—নিজের বাড়ী। ঘরের উঠানে এসে দাঁড়াল। কে কাতরাচ্ছে—  
কাদছে।

—কে বটে? কে? সাবি—না—কে নো? সাবি?

আওয়াজ এল—আমি নই, দাদা।

তবে কে,—গৌরো?

—হ্যাঁ—বাওটো বেড়েছে।

—হে ভগবান! নসুবাল। ঘরে গিয়ে শুল।

ওঃ! কি প্রহার! সাবিত্রী শঙ্করী তরলা কুরি—উরি—ওই এক বংশ! এ অঞ্চলে বাবু-  
ভাইয়ের আমলে খেল খেলেছে। ওঃ! রাতকুপুরে তখন এ কান্না কাতরানি শোনা  
যেত না—শোনা যেত হাসি—খিল-খিল-খিল-খিল! সঙ্গে সঙ্গে—ছোট্টার শব্দ আর  
কাচের চুড়ির রিনিঠিনি রিনিঠিনি শব্দ!—আরও রাজে ভারী পায়ের শব্দ শোনা  
যেত। আসত শশী—অভিলাষ গৌর শাবলা—গোপলারা ফিরত চুরি করে। ধান চুরি  
করে সামালদারের ঘরে মাল ফেলে টাকা নিয়ে ফিরত। ভয় লাগত নসুব তখন বাইরে উঠতে।  
তখন তারা বাঘ ছিল। আঃ, গোটা বংশটাকে কে যেন মাথায় বাড়ি মেরে একেবারে শুইয়ে  
দিয়েছে।

শশী অভিলাষেরা মরেছে। গৌরো গোপলা আছে কিন্তু রোগে পঙ্গু হয়ে আছে। আর  
এই মেয়েগুলো ধারা সেকালে দেহ নিয়ে ছিনিমিনি খেলেছে সব কুৎসিত রোগে পাঙ্গু হয়ে এখন  
ভিক্ষে করে বেড়ায়। তরলার কুষ্ঠ হয়েছে। এখন ওরা রাজে কাদে, কাতরায়।

চোর, খারাপ মেয়ে আজ আর নেই তা নয়। তবে এরা শুয়ে পড়েছে। ভিক্ষে করে  
খায়। বর্ষার সময়—মাস দু-তিন সরকার থেকে গম পায়। সে গম সস্তা দরে দোকানীরাই  
কেনে।

দে-৭ শুনেতে পেয়েছিল এ কাতরানি। সে জানালাটা বন্ধ করে দিল। তার মত শাস্ত  
শব্দ মাহুঘের মনও আজ চঞ্চল হয়েছে! সে মিলের গদী থেকে বেরিয়ে আজ সরাসরি বাড়ী আসে  
নি। সে দেখতে গিয়েছিল গোপাল চৌধুরীকে। চৌধুরীর সঙ্গে সে এক বছর পড়েছিল  
ছেলেবেলায়। গোপাল চৌধুরী জমিদারের ছেলে, ফেল করাই ছিল তার জমিদারির গৌরব।  
ফেল করেই দে'র সঙ্গী হয়েছিল, আবার ফেল করে দে'র পিছনে পড়েছিল কিন্তু বরসে এক  
বলে যৌবনের প্রারম্ভ পর্যন্ত বন্ধুত্ব অটুট ছিল। তারপর যৌবনে গোপাল হয়েছিল জমিদার-  
বাবু আর দে, সে-কালে সকলজনের কাছে কুটবুদ্ধি জটিল-চরিত্র অপরাধী। ইদানীং আবার  
একটা সধক হয়েছিল। গোপাল ধান বিক্রী করে, দে কেনে। দরকার মত অগ্রিমও নিয়ে যায়  
বিশ পঞ্চাশ, একশো। সবই অবশ্য চিরকুটে লিখে—লোক মারফৎ চলে, সাক্ষাৎ দেখাশুনো হয়  
না। গোপাল তার গণ্ডী ছেড়ে বাইরে পা দেয় না। দে'রও সময় নেই। কিন্তু আজ সকালেই  
সংবাদটা পেয়ে অবধি ইচ্ছে হয়েছিল গোপালকে একবার দেখে আসে। ন্যাড়া বাড়ীটিকে

শাসন—সামান্য কথা। সে জ্ঞান নয়, গোপালকে দেখবার জ্ঞানই যেতে ইচ্ছে হয়েছিল। কিন্তু সে ইচ্ছে সফল করেছিল কারণ গোপালের দুঃখ বাড়বে—লজ্জা পাবে। সন্ধ্যার পর যোগপুরের ঐক্য ডাক্তার যখন নবীনপুর যাচ্ছিল—তখন পথের ধারে মিলে বসেছিল শিবনাথ দে। ঐক্যকে দেখলে চকিত হয় সকলেই। কারণ বড় ডাক্তার। রোগ কঠিন না হলে আসে না। দে-ও চকিত হয়ে জিজ্ঞাসা করেছিল—আরে ডাক্তার! তুমি কোথায় ডাই? ঐক্যর কাছে গোপালের অবস্থার কথা শুনে—সে আর ইচ্ছা সফল করতে পারে নি—গিয়েছিল তাকে দেখতে। দেখে কষ্ট পেয়েছিল। ওঃ, গোপালের কি অবস্থা!

সেই মনেই আজ গোরুর কাতরানি—দে-কে একটু চঞ্চল করলে। সে জানালাটা বন্ধ করে দিলে। অল্প দিন—কাকুর কাতরানি এমন বিচলিত করে না দে-কে।

দিন পাঁচেক পর গোপাল চৌধুরীও ঠিক এমনই চিন্তায় আচ্ছন্ন হয়ে শূন্য দৃষ্টিতে খোলা জানালার মধ্য দিয়ে তাকিয়েছিল। এবং মধ্যো মধ্যো বিড়বিড় করে আপন মনে বকছিল।

ঐক্য ডাক্তারের কথা সত্য হয়েছে। চৌধুরী বেঁচে গেছে এ যাত্রা, কিন্তু মাথার মধ্যে একটা গোলমাল হয়ে গেছে। বাইরের জগতে তাকিয়ে থেকেও সব দেখেও তার সঙ্গে তার মনের যোগ ঘটে না। অসংলগ্ন কথাও বলে যায়।

পাগল নয়। মাথার আঘাতের জ্ঞান এমনি ঘটে গেছে। নিজের মনের মধ্যেই হয়েছে এখন তার জীবনের বসতি। তার বাইবে আর কিছুই নেই।

তবে পক্ষাবাত হয় নি এইটেই পরম ভাগ্য।

সেদিস রাস্তা দে যখন দেখতে এসেছিল—তখন চৌধুরী ওকে চিনেছিল কিন্তু ভেবেছিল ভুল নামে। ভুলটা তখন থেকে শুরু। চৌধুরী ব্যস্ত হয়ে বলে উঠেছিল—ঠাকুর মশাই? ওরে আসন দে আসন দে।

ছেলে শুভেন্দু বলেছিল—কাকে কি বলছেন! উনি দে মশায়। আমাদের গ্রামের বিশ্বনাথ দে, আপনার বন্ধু।

শুভেন্দুর কাঁধে হাত রেখে মৃদু একটা চাপ দিয়ে তাকে চুপ করতে বলেছিল দে মশায়। শুভেন্দু তার মুখের দিকে তাকালে অভ্যস্ত মৃদুস্বরে বলেছিল—থাক।

একখানা হাডল-ভাঙা চেয়ারে বসেছিল দে মশায়।

কৈদে ফেলেছিল গোপাল চৌধুরী।—দেখুন, দেখুন আমার দশা দেখুন। আমাকে—

—হা—হা করে কৈদে উঠেছিল চৌধুরী। এ দৃশ্য সহ করা দে মশায়ের মত মানুষের

পক্ষেও কঠিন হয়েছিল।

প্রতিকার করুন। এর—। আবার কান্না।

শান্ত কর্তে দে বলেছিল—হবে। তবে আপনি তো বড় বংশের সন্তান, পিঁপড়ের কামড়েও হাতীর শরীরে বিষ হয় আলা করে—আপনি তো হাতী, বড় বংশের সন্তান, ওটা তো পিঁপড়ে, পিঁপড়ের কামড়েও বিষ হয়, আলা করে, তবে সেটা কি ধর্তব্য। চোরে খুন করে—ভাকাত্তে প্রহার করে—সে কি অপমান? ওকে আপনি বাউড়ী ধরছেন কেন? ও চোর। ধরা পড়ে পাগল হয়ে কাজটা করেছে। ভাকাত্ত চোর—এদের কি জাত বিচার করে কেউ, বলুন।

একথা শুনে চৌধুরী শূন্য দৃষ্টিতে পলেন্তারী-খসা ছাদের দিকে তাকিয়ে ছিল। অর্থাৎ কথাটার অর্থ সে বুঝেছিল।

এরপর শিবনাথ দে উঠে চলে এসেছিল। বলে এসেছিল—কাউকে এখন কাছে আসতে দিয়ে না। আমার আসাটাও ঠিক হয়নি।

তারপর চৌধুরীর ছেলে শুভেন্দুকে বলেছিল—যদি টাকাকড়ির দরকার থাকে তবে যেয়ো আমার কাছে।" ধান দিয়ে পেরে।

দে চলে গেলে গোপাল চৌধুরী হঠাৎ চীৎকার করে উঠেছিল—সাপের মাথায় ভেক নুত্ন করে। ভেকের রাজ্য! ভেকরাজ এসেছিল—ভেক রাজ! ঠাকুর মশাই! পটোঝাড়া বামুন—ভেকরাজ!

তিনদিনে অপেক্ষাকৃত সুস্থ হয়েছে চৌধুরী, বিপদ কেটে গেছে; কিন্তু এই গোলমাল শুরু হয়েছে। বাইরের জগৎ আর চিন্তালোকের গভীরের জগতের সঙ্গে যে একটি সেতু থাকে স্থিতি শিক্ষা ও সচেতনতার পিলারের উপর—সেই সেতুটি ভেঙে না গেলেও একেবারে বেকে হেলে পড়েছে। বাইরের সঙ্গে ভিতরের যোগাযোগ সব ছিন্ন হয়ে গেছে।

চৌধুরীদের বাড়ী গ্রামের দক্ষিণ প্রান্তের শেষ বাড়ী। তিন পুরুষ আগে তৈরী দোতলা চকমিলানো পাকা বাড়ী। শরিকে শরিকে ভাগ হয়েছে; পুরানোও হয়েছে। একটা ছোটো ফাটলও দেখা দিয়েছে। একটা অংশে—তার শরিকদের অংশটা নতুন পলেন্তারায় মেরামতে অপেক্ষাকৃত শ্রীসম্পন্ন। তারই পাশে গোপাল চৌধুরীর অংশটায় পলেন্তারাই নেই; শুধু ফাটলগুলো সেরে সিমেন্ট বালির দাগরাজিগুলো বিসর্পিলভঙ্গিতে প্রাগৈতিহাসিক যুগের অভিকার বিচিত্রগঠন সন্ন্যাসের কসিলের মত দেওয়ালের গায়ে জেগে রয়েছে।

এ তিনদিনে চৌধুরীর মনের সেতুটাও অনেকটা ওষুধ-বিষুধ ও বিজ্ঞামের বালিসিমেন্টে মেরামত হয়ে এসেছে। তবে ডাক্তারেরা বলে—ক্রব ডাক্তার প্রথম দিনেই বলে গেছে যে, ও আর ঠিক সোজা হবে না—বেকে থাকবেই।

সকাল বেলা সেদিন চৌধুরী বালিশের উপর তাকিয়া রেখে হেলান দিয়ে বসে জানালাপথে রাস্তার দিকে তাকিয়ে ছিল। পুরানো কালের বাড়ী, জানালাগুলি ছোট, তিন ফুট দু ফুট বোধ হয়। যে ঘরখানিতে চৌধুরী শোয় সেখানা উত্তর দক্ষিণে লম্বা। দক্ষিণ দিকে একটি জানালা—পূর্বদিকে দুটি। উত্তরে অল্প ঘরে চোকবার দরজা, পশ্চিমেও দরজা এবং একটি

দেওয়াল আলমারী। পুরনো আমলের খাট, কতকাল আগের বার্নিশ এবং ধুলো ময়লায় কালো হয়ে গেছে, ছত্রিশলো ভাঙা। দক্ষিণদিকে একেবারে অব্যবহৃত মাঠ, এক মাইল দূরে চাষী সদগোপের গ্রাম—গোপতলী দেখা যাচ্ছে। মাঝখানে পুরনো সড়ক—যেটা সিউড়ী থেকে চলে গেছে কাটোরা—সেইটে। আগে ছিল লাল কঁকরের, এখন সেটা পিচের হয়েছে। কালো কিতের মত মনে হচ্ছে। তারও দক্ষিণে গ্রামের গাছপালার উপরে ও ফাঁকে ফাঁকে সকালের রোদ পড়ে টিনের চাল ঝকঝক করছে। কত টিনের চাল? ওই—ওই—ওই! অথচ—! অথচ আগেকার কালে গোপতলীতে টিনের ঘর একখানাও ছিল না। আজ চৌধুরীর বয়স পঞ্চাশ ছাপান্ন, তার যখন বারো বছর বয়স, রাত্রিকালে গোপতলীতে একদিন আগুন লেগেছিল।—ছাদে উঠে সেই ভয়ঙ্কর দৃশ্য সত্যে দেখেছিল। রাঙা হয়ে উঠেছিল দক্ষিণের আকাশ আগুনের ছটায়, আঁকা-বাঁকা শিখা মধ্যে মধ্যে লকলকিয়ে বনের ঘেরেরও মাথা ছাড়িয়ে যেন আকাশ ছুঁতে যাচ্ছিল। তার উপর উঠেছিল সাদা ধোঁয়ার কুণ্ডলী—উপরটা কালো। গোলমাল উঠছিল—ও—ও—ও—!

পরের দিন শুনেছিল—গোপতলীর পালপাড়ার গোট পুড়ে গেছে সেই সময় দুই পাল চালে টিন দিয়েছিল। তাছাড়া আর গোপতলীতে টিন ছিল না। আজ নাকি সব টিন—সব টিন। শুধু টিন নয়, বাড়ীর সামনেটায় বারান্দাগুলো সব পাকা করে গাঁথা এবং ঘরের মেঝে সিমেন্টের। ওঃ!

সকলের এখন বসবার ঘর হয়েছে। সে ঘরে তক্তাপোশের সঙ্গে চেয়ার সাজানো আছে।

ওঃ, আগের কালে গোপতলীর পালপাড়ার দুটি ছেলে পড়ত চৌধুরীদের সঙ্গে। ওদের খাটো আঁটশাট জামার পকেটে গুড়ের পাটালি নিয়ে আসত। একটা বিল্লী গরু উঠত। তার জন্তে ওদের পাশে বসতে চাইত না সে এবং এ-গ্রামের ছেলেরা! এখন ওদের ছেলেদের দেখে বিস্ময় লাগে।

পাল বংশের রূপ আছে। লালু মোড়ল—টুকটুক পাকা আমের মত তার গারের চামড়া। লালু মোড়লের চার ছেলে—ভূপেশ-দেবেশ-গোপেশ-সুরেশ। চারজনেই সুপুরুষ এবং চারজনেই টকটকে গোরবর্ণ রঙ ছিল। চারজনেই লেখাপড়া শিখেছিল। গোপেশ এম-এ পাশ করে উকীল হয়েছিল। তাতে কিছু হয় নি—শেষে মাস্টার হয়েছিল। লোকে বলত—পাশ করলে কি হবে? বামুন বন্দি কারেত না হলে ওকালতি সমুদ্রে হালে কি পানি পায়? তাদের ছেলেরা এখন এদিকে আসে যায়। গোপাল চৌধুরী দেখে—সবিস্ময়ে ডাকিয়ে থাকে। রাজপুত্রের মত চেহারা—ভেমনি পোশাক-পরিচ্ছদ, ভেমনি মার্জনা—এরা সব চাকরি করে!

ওঃ—!

গৌ—ওঁ—ওঁ—শব্দে চমকে উঠল চৌধুরী। কি বিল্লী শব্দ! আঃ—এমন রাগ হচ্ছে! নাকে যেন বিল্লী গরু পাচ্ছে চৌধুরী এখান থেকে।—হ্যাঁ! ঠিক একখানা না—একখানা নয়—

জুথানা। দক্ষিণ দিকে মুখ ফিরিয়ে দেখতে পেল—ছুটো বুনো আনোয়ারের মত ছুটো, কি নাম, কি নাম যেন? হ্যাঁ হ্যাঁ জীপ—জীপ!—জীপ—জীপ যাচ্ছে। ছুটো-চারটে-ছটা এতো আসছেই আসছেই। জরীপ। কি নাম—? ব্লক—। হেন ভেন—! ইরিগেশন, হায় হায় হায়—থিয়েটারের পর্যন্ত এস-ডি-ও হয়েছে। এরা সব আসছেই এরা সব আসছেই। অথচ লোকের জমিদারী নিয়েছে। টাকা দেয় নি। কবে দেবে ঠিক নেই। দশ বিশবার হেঁটে—হাত তোলা একশো টাকা কি দুশো টাকা। খাও—তাই ভাঙিয়ে খাও বছর ধরে।

বিড়বিড় করে বকে উঠল চৌধুরী—কালেক্টারী—? কে দেবে আমার কালেক্টারী। অস্বাবর করে আদায় করব!

অর্থাৎ তার জমিদারীর কম্পেনসেশনের কথা বলছে। ভুল করে বলছে কালেক্টারী অর্থাৎ গভর্নমেন্ট রেভেনু!

—বাবু মা-শা-য়।

গেডিয়ে কে চোঁচাচ্ছে। ওঃ, সেই—সেই এসেছে! কি নাম?—চৈতন্য! না—! বলাই! না। কি নাম? ছেলেবেলা তাদের বাড়ীতে কি করত—? কি করত? রান্না করত! গরু নিয়ে চরাতে গিয়ে একটা বাছুর বিক্রী করে দিয়েছিল মুসলমান পাইকারকে। মেয়ে ভাঙিয়ে দিয়েছিল ছোট কাকা! তারপর লোকটা চোর হয়েছিল। চুরি করে জেল খেটেছে। ওর ছুটো বোন—হ্যাঁ হ্যাঁ—একটাকে—তাদের বাড়ীর চাপরাসী কান্না শুনাবাড়ী থেকে কেড়ে নিয়ে এসেছিল। মেয়েটা—মেয়েটা বজ্জাত। কিন্তু এ বেটা? কি নাম বেটার?

—এই! কি নাম ভোর? এই!

—আংএ—আঙি—শ্রাই! অর্থাৎ আজ্ঞে আমি মশাই!

—আঙি শ্রাই—। ভেড়ালে চৌধুরী!

চৌধুরীর স্ত্রী ঘরের কোণে বসে ভরকারি কুটছিল এবং স্বামীর প্রতিও দৃষ্টি রাখছিল। সে শান্ত মানুষ এবং শক্ত মানুষও বটে। স্বামীর বিড়বিড় করে বকায় চঞ্চল সে হয় নি, কানও তাতে দেয় নি। এখন এমন ভাবে চীৎকার করতে দেখে সে বটিটা কাত করে রেখে উঠে এল এবং নীরবে জানালাটা বন্ধ করে দিল। কিন্তু খপ করে হাত চেপে ধরলে চৌধুরী।

স্ত্রী বললে—ছাড়!

চীৎকার করলে চৌধুরী—আমি কি মরেছি?

—কেন? মরার কি হল?

—জানালা ‘খুলে’ দিচ্ছ?

—খুলি নি, বন্ধ করে দিলাম, চোঁচাচ্ছ বলে!

—না। বলে নিজেই হাত বাড়ালে খুলে দেবার জন্ত।

এবার জানালা খুলে দিলে চৌধুরীগিন্নী। চৌধুরী আবার চীৎকার করে প্রশ্ন করলে—  
তো—র না—ম কি—? এ—ই!

—ওর নাম গৌরো!

—হ্যাঁ-হ্যাঁ। আমার কেবলই মনে হচ্ছিল চৈতন! এ-ই তো-র সে-ই বোনটা মরেছে না আছে?

—আজ্ঞে আছে, এই তো পাঁচদিন আগে খোঁড়াতে খোঁড়াতে আপনকার বাড়ী এসেছিল। মহাব্যাধি হয়েছে।

—কি নাম ছিল আমাদের সেই—সেই—

—কালু শেখ চাপরাসী।

—হ্যাঁ হ্যাঁ। আমরাই রেখেছিলাম তাকে। ওই কাণ্ডের পরও তাকে রেখেছিলাম। এর পর স্ত্রীর দিকে তাকিয়ে চৌধুরী বললে—তাকে চাল দিয়েছিলে?

—দিয়েছিলাম। গোরোকেও দেব। দিয়েই তো যাই। গোরো তোমাদের গরু চুরি করেছিল—তার জন্তে চাল আজও দিই। আর সে হারামজাদী সর্বনাশ করেছিল—কালু শেখ—তারপর সে লক্ষ পাপ করেছে—নিজের খেয়াল-খুশিতে করেছে—তার জন্তেও দিই। দিয়ে দিয়ে কুলুচ্ছে না। জমিদারীর আয় গিয়েছে, চাল বেচে সব—হুন তেল থেকে মেয়ের ইস্কুলের মাইনে—ছেলের লম্বা পাজাবির টাকা। হবে আর কত বল?

—হবে আর কত? হ্যাঁ। হ্যাঁ। ঠিক বলেছ, হবে আর কত? ঠাকুর? খায়? ভোগ? ভোগ? ভোগ হয়?

—কি বকছ আবোলতাবোল? ভোগ হবে না কেন?

—হবে না। বন্ধ করে দাও।

—বন্ধ করে দেব? এ মতি না হলে এমন হবে কেন?

—কহু! কহু! কহু! বাজে! মিথ্যে। ঠাকুর! দেবতা! সব সব বাজে বাজে।

—শোও। চোখ বন্ধ কর। এমন করে পাগলামি করো না! হ্যাঁ গো—তুমি এমন করলে আমি কি করব বলতে পার? নাও, শোও দেখি।

চৌধুরী একটা দীর্ঘনিশ্বাস ফেললে। এবং স্ত্রীর এ অহরোধ উপেক্ষা না করে, বালিশে হেলান দিয়ে শুয়েই পড়ল। স্ত্রী জানালায় মুখ বাড়িয়ে গোরোকে বললে—এমন করে টেঁচাস না বাবা, যাচ্ছি, দিচ্ছি। বাবুর অসুখ! তারপর জানালাটা বন্ধ করে দিতে উত্তত হল।

—না। না। না। চীৎকার করে উঠল চৌধুরী।

—বন্ধ করে দি। একটু ঘুমোও।

—আমি তো বাঁচব না। মরব। মরব। দেখব না? খুলে দাও।

জানালা খুলে দিয়ে চৌধুরীগিন্ধী চলে গেল। দরদালানে বেরিয়ে মেয়েকে ডাকলে—নলি! তোর বাবার কাছে কেউ নেই। তুই গিয়ে বোস।

নলিনী—চৌধুরীর মেয়ে, ক্লাস নাইনে পড়ে, বিয়ে দেওয়া সম্ভবপর হয় নি বলেই পড়ে। শাস্ত মেয়ে। লেখাপড়ায় ভাল নয়। কিন্তু এই বাড়ীর মান-মর্যাদা সম্পর্কে সচেতন। বই হাতে স বাপের কাছে এসে বসল, আড়চোখে বাপের দিকে চাইলে। ভয় করে তার বাবাকে। আগে থেকেই ভয় করে, এখন তো অসুস্থ। বাবা চীৎকার করছে দিন রাত। আপে মাহুঘটা

কত শাস্ত নিরীহ ছিল। রাগ তাকে করতে সে কখনও দেখে নি। তার যত রাগ ছিল—তার জাতি-ভাইদের উপর। তাকে দেখে শুধু ঘাড় নাড়ত—আক্ষেপের সঙ্গে ব্যঞ্জে মেশানো ছিল তার প্রকাশ। তার মানে নেলি বুঝত। নেলি ইচ্ছুল যেত বই নিয়ে বেগী ঝুলিয়ে—তার জন্তই আক্ষেপ ব্যঞ্জে তার প্রতি—তার দিকে তাকিয়ে ঘাড় নাড়ত বাবা। এতে নেলির নিজের ওপর বড় দুঃখ এবং ঘৃণা হত, শেষ পর্যন্ত। অর্ধটা এসে দাঁড়াত এই যে কিছুতেই তার বিয়ে হচ্ছে না।

হঠাৎ এই সময়ে আবার উত্তেজিত ভাবে গোপাল চৌধুরী ডাকলে—সুরো, সুরো! ও-সুরো!

অগত্যা উঠে কাছে গেল নেলি বললে—কি বাবা?

—তুই?

—হ্যাঁ। মা নীচে গেছে ভিক্ষে দিতে। কি বলছ বাবা? কি হল?

—ওই—ওই—সেই—সেই—সেই যাচ্ছে না?

—কে?

—ওই যে! নেলি—নেলি।

—এই তো আমি নেলি!

—না—না। ওই যে!

নেলি জানালা দিয়ে দেখলে—একটি আধুনিক মেয়ে কাঁধে কোলা এবং হাতে একটা স্যাটকেস ঝুলিয়ে চলে যাচ্ছে।

—ওই। সেই না? শুভেন্দুর সঙ্গে গায়েহলুদ হয়েছিল! পালিয়েছে!

—না। ও তো সে নয়।

—কি নাম তার?

—সীমা।

—হ্যাঁ। তা হলে লুকিয়ে বিয়ে হয়ে গেছে নাকি? তোর দাদার সঙ্গে?

—কি যা-তা বলছ?

—লোকে বলছে। তোরা বলছিস। তোর মা তাকেই শুধু ছিল। আমি চোখ বুজে শুয়েছিলাম। তোরা ভেবেছিলি আমি মরে গিয়েছি!

নেলির মনে পড়ল। কাল বিকেলে—সে ইচ্ছুল থেকে এলে মা তাকে ডেকে এই নিয়ে কথা জিজ্ঞাসা করেছিল। কাল সে যখন ইচ্ছুলে যাচ্ছিল—শুভেন্দু তাকে তাদের ওই বাড়ীর কটকটার কাছে আড়ালে ডেকে বলেছিল—চিঠিখানা সীমাকে দিস তো! বুঝলি?

সে শঙ্কিত এবং বিস্মিত দৃষ্টিতে দাদার দিকে তাকিয়েছিল।

শুভেন্দু বলেছিল, কিছু নেই চিঠিতে। কোনও অজ্ঞান কথাও লিখি নি।

—তুমি ভালবাস তাকে, না কি?

তা. র. ২০—৫



—ভালবাসার কথা নয়। পাঁচ লোকে পাঁচ কথা রটাচ্ছে। আমাকেই জড়াবে। কিন্তু আমি তো কিছু জানি না। তাই তার মনের কথাটা আমি জানতে চেয়েছি। দেখ না তুই, পড়ে দেখ!

মা সেটা কেমন করে উপর থেকে দেখে ফেলেছিল। তাই ইস্কুল থেকে ফেরা মাত্রই তাকে ডেকেছিল—শোন।

বাবা তখন মাথায় ব্যাণ্ডেজ বেঁধে নিখর হয়ে ঘুমুচ্ছিল। তারা অস্তুত তাই ভেবেছিল। ভাস্কর ঘুমের ওষুধ দিচ্ছেন—দিনের বেলা খাবার পর একটা ঘুমের পিলও খেয়েছিল বাবা। ঘুমবার কথাই ছিল সাড়ে পাঁচটা ছটা পর্যন্ত। সেই বিশ্বাসে বাবার বিছানার পাশেই মা জিজ্ঞাসা করেছিল—ওই চিঠির কথা। কঠোর কঠে বলেছিল—মিথো বলবি নে। তোর হাতে চিঠি দিয়েছে শুভো আমি নিজে দেখেছি। বল, কাকে দিয়েছে চিঠি?

—তাকেই বটে।

—সীমাকে?

—হ্যাঁ।

—কি লিখেছে তাতে জানিস?

—হ্যাঁ। জানি। আমি না পড়ে দিতে চাই নি আমাকে সেইজন্য পড়তে বলেছিল। আমি পড়েছি।

—কি?

—লিখেছিল—। খেমে ঢোক গিলে নিল নেলি। তারপর বললে—খারাপ কথা কিছু লেখে নি।

—সেটা কি? খারাপ নয় তো মুখে আটকাচ্ছে কেন?

—লিখেছিল—। লোকে বলেছে—অনেক কথা। তুমিও শুনেছ—আমিও শুনেছি। এর মধ্যে কি কোন সত্য কিছু আছে? যদি থাকে তবে তুমি যখন দেবযানীর মত—কচকে ভালবাসার কথা ভুলে বুদ্ধ যযাতি রাজাকে বিয়ে করে সম্রাজ্ঞী হতে চাও নি—তখন আমিও কচের মত দেবতার দাস বা আমার বংশমর্যাদার দাস হব না এটা নিশ্চয় জেনো।

মা বলেছিল—মেয়েতে ছেলেতে বিয়েটার। যা বোঝা করি তাই। আমি তখন জানতাম। ইংরেজ রাজত্বকে লোকে বলত স্নেহের রাজত্ব। কিন্তু তখন কটা এমন কাণ্ড ঘটেছে? আজ স্বাধীন হয়ে দেশের পাখা বেরিয়েছে। এ যে স্নেহের অধম। ছি—ছি—ছি।

অন্ত সময় হলে নেলি প্রতিবাদ করত। রুগুণ বাবার পাশে দাঁড়িয়ে বাদপ্রতিবাদ করতে সাহস পায় নি।

সেকাল। সেকাল। সেকাল। সেকালের গল্প সে কিছু কিছু শুনেছে। বা চলে আসছে গোপন ধারায়। এখানকার ঝর্ণার মত। এখানে ঝর্ণা ঝরঝর করে ঝরে না। এখানে ঝর্ণা নিশ্চয় বের হয় বড় বড় টিলার প্রান্তে সবুজ একটি কর্দমাক্ত স্থানের মাঝখানে—একটি

বা কয়েকটি টলটলে জলভরা গর্তের আকারে। জল বের হয় কুয়োর তলায় জল যেমন বের হয় তেমন ভাবে। ছোট ছোট গর্তগুলি ছাপিয়ে কীণ কিন্তু অহরহ প্রবহমান ধারাটি বেয়ে চলে নদীর দিকে বা কোন বড় নালায় দিকে। এর জল ব্যবহার কেউ করে না, কিন্তু কৌতূহলবশে এর ধারে সবাই যায়—সকলে এর জল আশ্বাদন করে দেখে। শ্রাওলার একটি শ্বাদ আছে। গন্ধও আছে। এই গন্ধগুলিও তাই তেমনি ধারায় বেয়ে চলে—এর আশ্বাদন এখানকার পুরনো বাসিন্দাদের, নতুন মাস্তুরেরা একটু বড় হলেই জানতে পারে! গন্ধগুলি এখানকার কুলীন কস্তা—যারা চিরদিন পিতৃগৃহে কাটিয়েছে তাদের চরিত্র নিয়ে। অপবাদের কথা। তাদের গোপন প্রেমের গোপন কথা। কোন কোন ক্ষেত্রে এ নিয়ে ঝড় বয়েছে। বিবাহিত স্বপ্ন-ঘরবাসিনী কস্তারাও বাদ যায় নি। এ ঝড় গ্রাম থেকে চিঠির মাধ্যমে সেখানে গিয়ে সে কস্তার আশ্রয়ের মাথার চাল উড়িয়ে নিয়েছে। কস্তা গ্রামে ফিরে এসে মুখ লুকিয়েছে তার পিতৃগৃহে। কিন্তু শেষ জীবনে সেও হয়েছে সমাজের শাসনকারী।

কারণ তখন তার গলায় উঠেছে তুঙ্গসীকাঠের মালা এবং কঠোর কৃষ্ণসাধনে তার চেহারা হয়েছে বাজের আগুনে পোড়া ভাল গাছের মত।

এসব কথা নিয়ে সে কতদিন তর্ক করেছে মায়ের সঙ্গে। সে নিজেকে ওপথের ধার দিয়েও হাঁটে না, ইন্সুলে বান্ধবীরা তাকে সেকলেই বলে;—সীমা তাকে বলে শুচি ঠাকরণ। সাক্ষাৎ শুচিতা—বা শুচিবাইগ্রস্তা। বলবার ভঙ্গিমায়, পার্থক্যে অর্থেরও তারতম্য হয়। যখন শুচিবাইগ্রস্তা বোঝাতে চায়—তার চেহারাটা হয় ডিকী মেরে পা ফেলে চলা শুচিবাইগ্রস্তা বিধবার মতন।

মাকে এ তর্কে হার মানতে হয়েছে তখন। শেষে মা বলেছে—তবে যাও মা—তুমিও যাও—ওই সব করগে যাও।

—আমার কথা তো আমি বলি নি।

—বল নি। কিন্তু বলবে নাই বা কেন? যখন দোষ নেই—ভাল পথ। তখন হাঁটবে নাই বা কেন?

মায়ের কথায় কাল সে চুপ করেই ছিল। সাহস পায় নি। বলতে পারে নি—অন্ডায় দোষ ধ'র না মা। দাদা অন্ডায় করে নি। সে ঠায় কাজই করেছে। তবে বলেছিল—তোমার ভাবতে হবে না। সীমা পত্র পেয়ে পড়ে আমাকেই পড়তে দিয়েছিল। এবং বলেছিল, তোর দাদাকে বলিস ভাই—সে যেন এসব কথা কানে না তোলে। কেন বোচারা দুঃখ পাচ্ছে। সে সব কিছু নয়। আমি পড়ব রে। পাশ করব। চাকরি করব। বিয়ে আমি করব না। তোর দাদাকে ধন্যবাদ দিস। সে যে লিখেছে এ কথা এর জন্তে অনেক ধন্যবাদ দিলাম আমি তাকে। চিঠি লিখে উত্তর আমি দেব না। মুখেই তুই বলিস, এই আমার জবাব। তারপর নেলি বলেছিল—মা, তোমার পায়ে হাত দিয়ে বলছি। একটি কথাও বাড়িয়ে বলি নি ঢাকি নি।

মা বলেছিল—আশ্চর্য মা! কি যে হয়েছে, ফেরত দিয়ে কাপড় পরে খোলা কাঁধে চিট

ফটকটিয়ে বেড়ানো আর চাকরি করার শখ—আর ঢঙ।

তারপর ব্যাক করেই ভেঙিয়ে সীমাকে বলেছিল—‘সে সব কিছু নয়। আমি পড়ব রে। পাশ করব। চাকরি করব।’ হ্যাঁ তা করবি—হাকিম হবি। এজলাসে বসে বিচার করবি। মরণ, শুভেন্দুর মত পাত্তর—আমাদের মত ঘর তোর সাতজন্মে কখনো হবে ?

অবাক হয়ে গিয়েছিল নেলি। এ আবার মা কি বলে ? হাসিও পেয়েছিল। বেচারি মা ! গারে লেগেছে—তীর ছেলের মত ছেলের প্রেমে সীমা পড়ে নি—তার জন্তে !

বাবা তদ্রার মধ্যে কথাগুলি শুনেছে। কিন্তু তার উত্তর আজ সে কি দেবে ?

বাবাকে কি এসব কথা বলা যায় ? তার উপর মানুষটি যে একটি সঙ্কল্প বিয়োগান্ত বেদনার একান্ত আর্ত বিভ্রান্ত মানুষ হয়ে পড়েছে। তাকে বেশি বকিয়ে কি করবে। সংসার-যুদ্ধে যা খেয়ে মেরুদণ্ড ভেঙেও পুরনো কালের সংস্কারের বোঝাকে জীবন সঞ্চল ভেবে গিঠে বেঁধে কুঁজো হয়ে ঠাকুর দেবতা ভগবানরূপী অনেককালের পাকা লাঠিখানির উপর ভর দিয়ে হেঁটে চলেছে—বৈতরণীর ঘাটের দিকে। একমাত্র বিশ্বাস—ঘাটে তরী আছে এবং তার পারানি আছে এই সংস্কারের বোঝার বহনের পারিশ্রমিক। তার সঙ্গে কথা বাড়িয়ে কি হবে।

কথাটা নেলির নয়। নেলি শুনেছে। কথাটা বড় মানুষের।

ভবানীকিঙ্করবাবুর বড় দাদা শ্রামাকিঙ্করবাবুর। একথা তাঁর। তাঁর এখন মস্ত খ্যাতি। মস্ত বড় মানুষ। আজ আর তিনি শুধু এখানকার মানুষ নন গোটা দেশের দাবী তাঁর উপর। গোটা দেশ তাঁকে দাবি করে। মস্ত বড় লেখক। বাবার চেয়ে এক বছরের বড়। শিবনাথ দেব বয়সী। তাঁরই সহপাঠী। গ্রামে তিনি থাকেন না। কখনও কদাচিৎ আসেন। যখন আসেন তখন তাঁর ওখানে লোকেরা যায় দলে দলে। এখানকার লোক, পাঁচখানা গ্রামের লোক ইন্দুরের মেয়েরা দিদিমণির ছেলেরা মাস্টাররা। সকলে ছুটে যায়। যায় না কেবল বাবা। অথচ এক সময় নাকি এমন ছিল যে—বাবা আর শ্রামাকিঙ্করবাবু চব্বিশ ঘণ্টার মধ্যে দশ ঘণ্টা একসঙ্গে কাটাতেন। ভোরবেলা বেড়ানো থেকে শুরু করে রাত্রি দশটায় তাস খেলার পালা শেষ করে তবে ছাড়াছাড়ি হত।

শ্রামাকিঙ্করবাবু কয়েকবার দেশে এসে নিজে তাদের বাড়ী এসে বাবাকে ডেকে নিয়ে গেছেন। বাবা গিয়েছে—কিছুক্ষণ থেকেই সকলের অলঙ্ক্যে উঠে চলে এসেছে। সেই নিয়ে একদিন কথা হচ্ছিল শ্রামাকিঙ্করবাবুর ওখানে। তাঁরা বসেছিলেন বাগানের মধ্যে। ঘরের মধ্যে ব্যাটারী সেট রেডিও বাজছিল, সে শুনতে গিয়েছিল শ্রামাকিঙ্করবাবুর ভাইবির সঙ্গে। কথাটা তার কানে এসেছিল শ্রামাকিঙ্করবাবু বলেছিলেন—গোপালকে তোমরা দোষ দিও না। ওকে তোমরা বুঝতে পার না। আমি পারি। বড় ছুঃখ হয়। বলে ওই কথাটি বলেছিলেন। সেদিন তার খুব ভাল লাগে নি। হয়তো বুঝতে তারও ভুল হয়েছিল। মনে হয়েছিল—সত্য বলবার ভান করে নিন্কেই তিনি করলেন। তার সঙ্গে খানিকটা কল্লণাও করলেন বোধ হয়। আজ সে বুঝেছে। তার বাবা সম্পর্কে এমন স্মরণ করে সত্যটি প্রকাশ করা আর যায় না।

পুরনোকালের সংস্কারের বোঝা কুঁজো পিঠের ওপর বেঁধে ভগবান বিশ্বাসের পাকা লাঠির ওপর ভর দিয়ে বৈতরণী ঘাটের দিকেই বাবা হেঁটে চলেছে বটে। যদি ঘাটে ভরী বাঁধা থাকে তবেই বাবা পার হবে। নইলে কোথায় ভেসে চলে যাবে কে জানে! বাবা সঁতার জানে না।

একটা দীর্ঘনিশ্বাস ফেললে নেলি।

আজ গোপাল চৌধুরী তার মুখের দিকে স্থির কঠোর দৃষ্টিতে তাকিয়ে প্রশ্ন করলে।—  
লুকিয়ে ওদের বিয়ে হয়ে গেছে? ওই মেয়েটির সঙ্গে তোর দাদার?

যেন লুকানো সত্যের স্বীকৃতি খুঁজছে তার মুখ চোখের মধ্যে। সে অস্বস্তি বোধ করলে।  
তবু সংযত এবং শক্ত হয়ে বললে—না বাবা ও—স—ব মিছে কথা। আমি তো সেদিন মাকে একথা বলি নি। বরং বলেছি ও—স—ব কথা মিথ্যে। দাদার সঙ্গে সে মেয়ের কোন সম্পর্ক নেই।

—সত্যি কথা বল। আমি তোকে ছোটো টাকা দেব।

—না—না—না। তোমার পায়ে হাত দিয়ে দিবা করে বলতে পারি।

—হঁ। বলে চুপ করে গেল, কিছুক্ষণ পরে বলল,—তোর দাদা কোথায়?

—সে তো সিউড়ি গেছে—কম্পেনশেনসনের টাকার জন্ত। কত টাকা দেবে বলে যে নোটস এসেছে। তুমিই তো পাঠালে।

—হ্যা—। ঘাড নাড়লে চৌধুরী।—হ্যা হ্যা। কত টাকা বল তো?

—আড়াই শো না কত। আমি তো দেখি নি।

—হ্যা। টাকাটা পেলেই—। হ্যা—। ওটা পেলেই কলকাতা যাব। আমাকিঙ্করকে ধরব—রেভেন্যু মিনিস্টার—ওই যে—কি নাম—তাকে পাকডাবার জন্তে। টাকা দিতেই হবে। তিরিশ হাজার তো পাব তার দশ হাজার দিতে হবে। তোর বিয়ে দোব। আর ব্যবসা। জাপ্, একটা ব্যবসা করব। হ্যা।

নেলি আর সহিতে পারলে না। ছুটে বেরিয়ে ঘর থেকে নীচে নেমে এল।—মা—তুমি যাও। আমি এ সব করছি—মা—। আমি ও-ঘরে থাকতে পারব না।

চৌধুরীগিন্নী তখন উঠানে দাঁড়িয়ে ভিক্ষে দিচ্ছেন—নসুবালাকে। নসুবালা এসেছে। ছুটি পাকা আতা ফল দাওয়ার উপর রেখেছে।

ফল দুটি সংগ্রহ করে এনেছে অসুস্থ বাবুর জন্তে।—খেতে দিয়ো মা! রসনায় স্বাদ হবে।

—আঃ, সব বিস্তাস্ত শুনে থেকে আর আপসে (আপসোস করে) বাঁচি না মা। তিনদিন বাইরে থেকে খবর নিয়েছি। আজ আতা থেকে দেখলাম—জানালায় কাছে বাবু উঠে বসেছেন। তাই ঘরকে এলাম। আতা দুটি কাল থেকে নিয়ে ফিরছি মা। ভিখ দিচ্ছ দাও। ভিখ করেই তো খাই। তা ভিখ নয় মা, বাবুর খবরের লেগে—এয়েছিলাম। তা ভিখ নিয়েই বাচ্ছি।

চৌধুরীগিন্নী কথা বাড়ালেন না। ভিক্ষে দিয়ে চলে গেলেন।

নম্র বললে—বাবুদিদি, তুমি ভাল আছ ?

বাবুদিদি সম্বোধন শুনে হেসে ফেললে নেলি—আছি।

—বেশ! বেশ! তা দাদাবাবু—? সে কই গো?

—সিউড়ি গেছে।

—বেশ! বেশ! লোকের করণ দেখ দিকি নি। কি সব যে বলে! তারপর গলা নামিয়ে বলে, সে সব কি সত্যি কথা নাকি? সীমার সঙ্গে—?

—না, সে সব মিথ্যা কথা।

—মিথ্যে কথা! বেশ বলেছ। ঠিক বলেছ। সত্যি বলেছ। তা' আজ যাই। বাবুর অন্তঃ—তা নইলে ভাড়া শোনাতাম। ভাড়া আমার বিয়ে করবে না! তাই নিয়ে গান বেঁধেছি। ভোমাদের মত ফেরতা দিয়ে কাপড় পরবে, জ্বলে যাবে, চাকরি করবে। তাই নিয়ে গান বেঁধেছি। তা', পরে শোনাব। হোক!

নেলি হাসলে। এই এক অভূত!

## ১০

নম্রবালা অভূত। অভূত তার জীবন ধারণের প্রণালী।

সে নতুন ভাড়া গান গেয়ে গ্রামে গ্রামে ভিক্ষে করে বেড়াবে। নম্রবালার 'মাঙন' মাগ্না মাঙন নয়—ওই গান শুনিয়ে মাঙন। বেয়াই বসেছে আজ বি. ডি. ও. আপিসের চৌমাথায়। আজ দুদিন ধরে বেয়াইয়ের খাটুনি গিয়েছে বিষম। সেদিন—; কদিন হল? সোমবার হাট ছিল—তার ফেরা দিন মঙ্গলবার—সেদিন—তারপরে বুধ বেরল্পতি শুক্ল শনি রবি,—চারদিন হল তা হলো। কদিন আগে পাঁচ দিনের দিন—সেই হাঙ্গামার দিন সেটেলমেন্ট আপিসে আকুটির বাবুরা এয়েছিল। সঙ্গে সঙ্গে অনেক লোক। ওই অঞ্চলের পাঁচ-সাতখানা গায়ের লোক। সেদিন বেয়াইয়ের মাল সব ঝোঁটেরে নিয়ে গিয়েছে। সঙ্গে সঙ্গে বেয়াইয়ের মালের কদর বেড়েছে। বেরাকেট পিছু দু আনা দাম চড়েছে। তারাই চোটাচুটি করে বাড়িয়ে দিয়েছে। তারপরেতে সেইদিন থেকেই বেয়াই মাটি ঠাসছে—মাথছে আর ছাঁচে কেলছে। আর শুকুতে দিচ্ছে। দুদিন আগে থেকে বেয়াই বুদ্ধির জোরে কন্দি খাটিয়েছে ভাল। মশ দুই কয়লা এনে মজার চুলো করেছে। চারপাশে চারটে ইঁটের পায়াল তৈরী করে তার উপরে চাপিয়ে দিয়েছে লোহার একখানা ভারী পাত দুহাত চওড়া—চার হাত লম্বা, চার হাত 'ক্যানো'—বেলী হবে—পাঁচ হাত। পাতখানা ধার করে এনেছে দে মশায়ের ধানকল থেকে। রাজ্যের লোহালকড় সেখানে জমা হয়ে আছে। লোকে কোথা থেকে পায় এত লোহা—কে জানে? সব লোহা—সব লোহা হয়ে গেল মা! সেই বোগীন্দ্র মূলগারেন মশায় গাইত—'যে দিকে কিরায়ী আঁখি—কেউময় ভুবন দেখি;'—সেই বৃত্তান্ত গো। বাড়ীতে কড়া হাতা খুস্তি-কোদাল

টামনা-কুড়ুল কাছে দা' কাটারী গজাল পেরেক হা হুড়ী ই-সব ছাড়ান দাও, ওসব চিরকাল আছে। মাটির বাঁধ বেঁধে লোহার লাইন পেতেছে ভুবনের ই মাথা থেকে উ মাথা পর্যন্ত তার উপরে রেলগাড়ী—; ইঞ্জিনটা গোটাই লোহার, গাড়ীগুলোর চাকা লিগেতলাটা সব লোহার, মালগাড়ীগুলো তো সব লোহা। সিনগাল না সিগনাল—তা আবার লোহার তারের টানায় ওঠে নামে। লোহার খুঁটি পুতে টেলিগেরাপ—, তারে তারে খবর—মিনিটে মিনিটে—তাও সেই লোহার তার দিয়ে মোড়া। বাবুরা বলেন, ওর ভেতরে ডামার তার আছে। সাবধানে পথ চল নইলে লোহার গজাল পেরেক পায়ে ঢুকবে। ধুলোর সঙ্গে মিশিয়ে কোথায় যে পড়ে আছে। কে জানে চালে টিন পডল সেও একরকম লোহা। লোহা না-হলে দুপুরে এমন 'ভাতে'—গরম হয়? ইন্ডিয়ানে ভো উপর দিকে চেয়েছ ভো মুখ খুবড়ে পড়ে নাক ভেঙেছ। 'সিনগালের' তারে পা আটকে দডাম করে পড়বে। আবার গাঁয়ের তিন কোণে তিনটে রাইস মিল। চন্ননপুর তিন কোণা গা—পূর্ব কোণ পশ্চিম কোণ দক্ষিণ কোণ আছে উত্তর কোণ নাই। এ মিল তিনটির তিনটে চিমনী লোহার চোড়া কালো আলকাতরা মাথা ভূইফোড়ের মত ঠেলে উঠেছে আকাশ বাগে আর লোহার ধোঁয়া ওগরাজেছে। মিলের লোহা ভাঁই হয়ে 'পর্বত পেমান' হয়েছে। এখানা রাস্তার ধারে নালার উপরে পাতা ছিল - উপর দিয়ে লরী ঢুকত। এই দেখ, এই দেখ, ভুল দেখ হায় তোলা মনের; লরীর কথা মটরের কথা জিপগাড়ীর কথা বলতে ভুল হয়েছে বাসের কথা ভুলে গিয়েছি, লোহারশিক-চাকাওলা সাইকেল রিস্কা—সাইকেলের কথা মনে হয় নি। হায় মন রসনা! 'কেমন করে ভুলে গেলি ভোর পেছনে যম রাজারই ভেঁপু বাজায়; মোঘের মতন উড়োয় ধুলো বাগ মানো না—কি গরজায়। হায় হায় হায়!'

তা' দে মশায়ের একখানা লোহার পাত খুঁতো হয়েছিল বলে সেখানা বাতিল হয়ে পড়েছিল। বেহাই ফটিক দাস গিয়ে সেখানা চেয়ে এনেছে। তারপর ইন্টের পায়ার উপর সেখানাকে চাপিয়ে তার তলায় একটা গর্ততে কয়লার আঁচ করে তাতিয়ে তার উপর বেরাকেট পুতুল শুকিয়ে নিয়েছে। আর রঙ করেছে সেও প্রায় দিন রাত। ক'দিন সে বেরাতে পারে নাই। আজ বেরিয়েছে। আজ হাট বটে, সোমবার। কিন্তু আজ পাঁচ সাত দশখানা গাঁয়ের লোক আসছে বি. ডি. ও. আপিসে; সরকার চাষের ঋণ দেবে, সেই ঋণ নেবে। দলে দলে ভাগ হয়ে 'গুরুপ' না কি বলে বেঁধে বসবে। দরখাস্ত লিখবে। ঋণড়া করবে, সময়ে সময়ে হাতা-হাতি করবে। এ বলবে—দোব ফাঁস করে তোমার গুপ্ত কথা? সেবার লোন নিয়েছ—আজও শোধ কর নাই। আর টাকা নিয়ে চাষ করেছে না কচু করেছে, তুমি সাইকেল কিনেছ। আবার রোখ দেখ!

—আর তুমি? হা' শালো—তুমি যে টাকা নিয়ে এখান থেকেই মালদ'র আম শ দরুনে কিনে নিয়ে গেলে। লুপ্ লুপ্ করে খেলে?

—অম্বল শুলে হবে খেয়ে থাকলে। জামাই রাগ করছিল—তার মা আমার মেয়ের ওপর খান্না। জামাইঘণ্টাতে ওস্ত করতে পারি নাই। তাই পঁচিশটা আম—বারো টাকার কিনে

তার সঙ্গে কাপড় কিনে পাঠিয়েছি। বলুক দশটা লোকে এতে আর সাইকেল কেনাতে সমান ?

বেহাই এগুলি মনের খাতার টুকবে আর পুতুল বেরাকোট বেচবে। বাতাস থাকলে বড়ো পুতুলের মাথাগুলি আগনি জ্বলবে। না থাকলে বেহাই নিজেই বিড়ি খেয়ে ধোঁয়ার হুঁ দিয়ে বাতাসে ছলিয়ে দেবে। সঙ্গে সঙ্গে মনে মনে হাসবে—বলবে—যত রস খানেরই ভিতর।

তা আজ সকালে লোকজন কম ছিল তখন—তখন নস্রাবালা এক নাচন নেচে এসেছে। লোকটা গেয়ে এসেছে। ভিক্ষে কিছু মিলেছে। লোকে হেসেছে খুব। তাতেই নস্রাবালা বেশী খুশী। তারপর হাটে বাবার কথা, কিন্তু একবার চৌধুরী মশায়ের খবর না নিয়ে যেতে পারে নি। খবর নেওয়া হল। চলো এবার হাট। গুন গুন করে ভাঁজতে ভাঁজতেই চলল নস্র।

সে থমকে দাঁড়াল। বাবুপাড়ার ভেতর হয়ে গলিগলি সোজা পথে হাটে যাবে বলে রাজরাজেশ্বরের দোলপিঁড়ে ভাইনে রেখে কুলি সড়কটি ছেড়ে ছু পা এগিয়েছে তবে—এমন সময় কে ডাকলে উত্তর দিক হতে ওই কুলীনপাড়ার মোড় থেকে—এই—এই নস্রাবালা এই !

—কে গ—অ! এঁয়া? আঃ পেছাডাকা দেখ দিকি ?

—এই নস্র, শোন ! নস্র !

অ ! ছুটি ছেলে ছুটেছে ছুটেছে আসছে।

অ বাবা, কুলীন পাড়ার চাটুজ্ঞে মশায়ের ছেলে আর দত্ত পাড়ার একজন।

—কি বলছ বাবুদাদারা ?

—আর আমাদের সঙ্গে।

—কোথায় যাব ? আমি যে হাট যাচ্ছি।

—যাবি পরে। এখন আমাদের সঙ্গে আসতে হবে। কি গান গেয়েছিল সকালে পাঁচ মাথার মোড়ে ?

পুলকিত হল নস্র। তা হলে লোকের মন ভিজছে মজছে। সেই কথা সকাল থেকে ঘোঁট হয়েছে—গান শুনে লোকে যেতেছে—আবার শুনে বলে ; ডাক পড়েছে।—চল—চল—চল !

চলতে চলতেই সে বললে—সে ভাছ ভাল ভাছ দাদাবাবু। ভাছ আমার বিয়ে করবে না। শুনেই চলল না।

ওঃ—গোলমাল উঠেছে খুব। অনেক লোক তা হলে। অয় ভাছমশি। মান রেখো মা দশের সামনে।

তা রাখবে। নিশ্চয় রাখবে। শেষকালে সেই ছ কলি—

নাকের বদলে নরুণ

ফুলের বদলে রাঙা বিলিভী বেগুন—

সীমার বদলে কমা—।

ও। শুনে বাবুরো সবে হেসে হবে খুন।

ভাই ঘূনা ঘুনঘুন।

পাঁচ মাথার অনেক লোক। গ্রামের লোক বেশী।

জনতার মাথখানে কেউ উচ্চ কণ্ঠে বক্তৃতার ভঙ্গিতে কথা বলছে।

নসুবাবা থমকে গেল।—ও বাবা, এ যে সতীশ ঘোষালের গলা। সে যে ভীষণ লোক! ছুনিয়ার শাসনকর্তা! ডেপুটি লোক! আশুন। হাকিম হাকিম কাউকে ভয় করে না। ভগবান মাহুবাটিকে খোঁড়া করেছে—নইলে যে কি করত—। বাবা: গোটা দেশকে ‘টটরন্ত’ করে দিত। হাটতে পারে না, মাথা ঘোরে। তবু দিনান্তে একবার পাঁচ মাথার মোড়ে এসে হক কথা উচু গলায় হেঁকে বলে যায়। এই সব লোক—যদি মন্ত্রী হয়, তাহলে দেশের চোর ডাকাত বদমাশ জোচ্চোর হাকিম-হাকিম সব ঠা—ণ্ডা হয়ে যায়। লোকটিকে নসুবাবা ভয় করে। তবে ভালোও বাসে। লোকটি গান-বাজনা বোঝে। তা বোঝে। আবার নাকি কি খেতাব পেয়েছে।

ও গলার জোর দেখ দিকি।

ও বাবা! এ কি বলছে গো? এ্যা!—দেওয়া উচিত! নসুর পিঠে চাবুক মেরে চামড়া তুলে দেওয়া উচিত তার সঙ্গে এই এ কালের মূর্খ যুবকদের!

—ও বাবা। দাদাবাবু—আমি যাব না।

—না চল। তোকে যেতে হবে। শুনব তোর গান। দশজনের কাছে বিচার হবে। চল।

কাতর দৃষ্টিতে নসু তাদের দিকে চাইল।

\* \* \* \*

সতীশ ঘোষালের সভাই গলার জোর আছে। নসুর চিন্তার মধ্যে গ্রাম্যতার ছোঁয়াচ থাকতে হয়তো কিছুটা রঙচড়া হতে পারে, তবে—মোটামুটি লোকটির ওই রূপ। বিনত মধ্যবিত্ত ঘরের সন্তান। বাল্যকালে পিতৃহীন মায়ের পরম আদরে লালিত। ভাই বোন নেই। ম্যাট্রিক পাশ। বয়স এখন বাছার তিন্মান। প্রথম বয়সে ম্যাট্রিক পাশ করে চরনপুরের অচলা কয়লাখনি ও ব্যবসায়ের লক্ষ্মীর প্রসাদ কামনায় কয়লাকুঠিতে কোল মার্চেন্টের আপিসে চাকরিতে ঢুকেছিল। চাকরিতে সে কৃতিত্ব সর্বত্রই দেখিয়েছে—কিন্তু কোনখানেই সে উপরের কর্মচারীদের সঙ্গে বনিয়ে চলতে পারে নি। জীবনে কোথায় কবে কিভাবে একটি প্রশ্ন তার মনে জাগ্রত হয়েছিল—সেটি হল ও আমার থেকে বড় কিসে? এবং এ প্রশ্ন এখানেই শেষ নয়—এর শাখার প্রান্তে যে ফুলটি ফুটল তার বর্ষে গন্ধে এইটে প্রচারিত হল—ওরা জানে কি? সুতরাং কিসে আমার চেয়ে বড়?

এই অবিচারের বিরুদ্ধে প্রতিটি চাকরিতেই সে লড়াই করেছে, কিন্তু সতীশের মতে এ ছুনিয়া অবিচারের ছুনিয়া। অবিচারের ছুনিয়ায় সে অবিচারই পেয়েছে। যেখানে চাকরি পেয়েছে সেখানেই মাস করেকের মধ্যে তার চাকরি গেছে বা সে নিজেই কোন এক মুহূর্তে



‘সোলাম সাব, বহুং হুয়া খুব হুয়া—আউর নেহি’ বলে চলে এসেছে। রাগলে সে হয় হিন্দী বলে নয় ইংরিজী। বাংলা বলে না। তারপর আজ বৎসর পনের ঘরেই বসে আছে। বাড়ীতে বসে কিছু ছেলেকে প্রাইভেট পড়ায়; আর দুটি কাজ, একটি সঙ্গীতশাস্ত্র সম্পর্কে পড়াশোনা প্রায় রিসার্চ বলা যায়। মন্তু বই সে লিখেছে। বড় সঙ্গীতচার্য হু’একজনের কাছে পাণ্ডুলিপি পাঠিয়েছিল—তারা সুখ্যাতি তো করেছেনই, একজন আবার সঙ্গীত রত্নাকর উপাধিও দিয়েছেন। অপর কাজটি দুনিয়ার অজ্ঞার বিচারের বিরুদ্ধে যুদ্ধ। নিত্য সকালে বা বিকালে পাঁচ মাথার মোড়ে এসে এই সম্পর্কে একটি বক্তৃতা সে দেয়। মাসে তার ডাকটিকিট খরচই দশ পনের টাকা। ‘কোপাই’ কাগজে তার ছড়ায় লেখা অনেক প্রতিবাদ বের হয়। দরখাস্ত করে এস-ডি-ও, ডি-এম এর কাছে—সেও ছড়াত্তে। মধ্যে মধ্যে পণ্ডিত নেহেরুকেও চিঠি লেখে—অন্তত তাই শোনা যায়। সেটা বোধ হয় ছড়ায় হবে না, কারণ পণ্ডিত নেহেরু তো বাংলা জানেন না। এবং ইংরাজীতে ছড়া সে লেখে না।

আজ সকালে নন্দুবালা এই পাঁচমাথার মোড়ে—‘ভাউ আমার বিরে করবে মা’ ভাউ গেয়ে গেছে, তখন সতীশ তার কোঠার উপরে বসে—চশমা চোখে—তার বইখানা উন্টে-পান্টে দেখছিল। প্রথমটা সে কান করে শোনেও নি। তারপরই তার মন আকৃষ্ট হয়েছিল, মন দিয়ে শুনেছিল। গানের সে বোঝা; নন্দুর গলা ভাল, গানে তার দখল আছে। কতবার তার পিঠ চাপড়ে সে বলেছে—বাহবা বাহবা! বা বেটি! নন্দু তার পায়ের ধুলো নিয়েছে। আজও তার ভাল লেগেছিল। এবং বেশ একটি কোঁতুক অনুভব করেছিল! হারামজাদীর রসজ্ঞান আছে। সন্ধ্যাবেলা বাড়ীতে থেকে আর একবার শুনবারও সংকল্প করেছিল। দু-একটা কলি হু’এক জায়গায় সুরের খোঁজখাজ দেখিয়ে দেবে তাও ভেবেছিল। অকস্মাৎ সব উন্টে গেল। হঠাৎ কানে গেল—পাষও অধার্মিক রক্তচোষা মহাজন ওই—শিবু দে নাকি খুব ধার্মিক লোক—ভাল লোক। সচকিত হয়ে ঘোঁষাল মাথা তুলল, পাঁচমাথার দিকে তাকাল। কি শিবু দে, ধার্মিক লোক, ভাল লোক! দাঁড়াও আমি যাচ্ছি। যখন সে পাঁচ মাথায় এল, তখন নন্দুবালা চলে গেছে। এবং ঠিক সেই সময় অমর চক্ৰোত্তি এসে পাঁচমাথার মোড়ের মাথায় সাইকেল থেকে নামল।

মেয়ের বিয়ের পর আজ প্রথম চন্দনপুর ঢুকছে অমর চক্ৰোত্তি। খারাপ মেজাজ নিয়ে ঢুকছে। তবে সে শক্ত লোক। মোটামুটি খুব চঞ্চল সে হয় নি। অন্তত গোড়ার দিকে তো নয়ই। সীমা ভোররাতে পালিয়ে আসার পর সকালেই সে তাকে খুঁজতে চন্দনপুরেই আসছিল। পথে নেমে ঢুকেছিল চণ্ডীডালা। ভেবেছিল খুঁধু ফেলে আসবে। ওখানেই সব সংবাদ পেয়ে হঠাৎ সে

খুশী হয়ে উঠেছিল। সীমা কোন ছোড়াটোড়ার সঙ্গে ভাগে নি। কোন কুজাতের সঙ্গেও না। এবং সীমা এখন তার সীমানার বাইরে। বহু আচ্ছা। ঠিক হার! পাঁচশো টাকা সে অগ্রিম নিয়েছে। তাই—তাই সই। এবং সঙ্গে সঙ্গে খুখু না ফেলে চণ্ডীকে একটি প্রণাম করে—সেইখান থেকে সাইকেল ঘুরিয়ে এসে উঠেছিল বন-চাতরা। ভান্ডুক বিয়ে! উপায় কি? সে হাণ্ডনোট লিখে দিতে রাজী আছে। অভিনয় চাতুর্ষে চরম শোক এবং ক্রোভোন্মাদ প্রদর্শন করে বলেছিল—আমাকে জেলে দাও। আমার কাছে হাণ্ডনোট লিখে নাও। যা—ইচ্ছে! ভালো ভালো কথা বলেছিল নাটক থেকে। “আমি অপরাধী কিন্তু সে অপরাধ স্বৈচ্ছাকৃত নয়। বিশ্বাস কর। আমি তোমার করুণার দুর্গে আশ্রয় চাচ্ছি। আমাকে যা করবে কর।” কিন্তু রমেন্দ্র ভোলে নি। হাণ্ডনোট নয়—পুলিস নয় জেল নয় মশায়, আমার কুটুম্ব সজ্জন এসেছে। বিয়ে হতেই হবে। আপনার আর একটি মেয়ে আছে। ক্ষমা রয়েছে। ওর সঙ্গে বিয়ে হতে হবে। বাস, আপনারও ক্ষমা—আমারও ক্ষমা।

সুতরাং ক্ষমার সঙ্গেই রমেন্দ্রর বিয়ে হয়ে গেছে।

সেই বিয়ের পর আজ সে প্রথম চন্দনপুরে ঢুকল। যথানিয়মে এসে প্রথম উঠল চণ্ডীতলায়। সেদিন খুখু ফেলা হয় নি আজ কেলবে। বিয়ের পর ঘটনাগুলো এমনই ভাবে ঘটে গেল যে মন মেজাজ ভাল নেই। প্রথম, ক্ষমাকে সে রমেনের হাতে দিতে চায় নি, বাধ্য হয়ে দিয়ে সুখীও হয় নি। ক্ষমার বরও নয়। এই ছোট মেয়েটাকে সে বড় ভালবাসত। দ্বিতীয়, বৌভাতের পরদিন রমেন তাকে অপমান করেছে। কঠিন অপমান। বউভাতের দিন সে মদ খেয়েছিল জামাই-বাড়ীতে। শুরু করেছিল রমেনের বাপের সঙ্গে। তারপর কতজনের সঙ্গে যে খেয়েছে ঠিক নেই। থিয়েটারের সময় যাদের সঙ্গে খেয়েছে তাদের কারও একজনের সঙ্গে বাদ দেয় নি। তারপর অজ্ঞান হয়ে পড়ে গিয়ে বমি করেছিল। পরের দিন সকালে তখনও খোঁয়াড়ি মরে নি মাথায় যজ্ঞণা হচ্ছে—সেই সময় রমেন তাকে ডেকে বলেছিল—একটা কথা বলছি মন দিয়ে শুন।

—কি?

—দেখুন—আগে আগে এসেছেন—পাছা ঘোরাতে মানে থিয়েটার করতে। তখন মদ খেয়েছেন বমি করেছেন বেলেলাগিরি করেছেন, কুকুরে মুখ চেটেছে, কথা উঠলে বলেছি—এই আমার বাবাকেই বলেছি আমাদের স্বজাত স্বজাত ধরছ কেন? থিয়েটারবাতিক গ্যাস্ট্রিক এদের জাত আলাদা। আনন্দ করে একটু আধটু খেতে খেতে ঢলাঢলি করে কলে। কিন্তু কাল কাণ্ডটা করলেন কি হিসেবে? থিয়েটার তো ছিল না। এসেছিলেন তো আমার স্বপ্তর হিসেবে। ওই রকম করে বেলেলাগিরি করলেন কি বলে? কি ভেবে ছিলেন? এবার আর একটা ছাঁকো নয় দুটো ছাঁকো? রমেনের স্বপ্তর আর থিয়েটারের মোশন মাস্টার একসঙ্গে? লোকে কি বললে, বলছে, শুনেছেন?

চকোত্তি সহজে দমে না। সে বলেছিল—আমি তোমার স্বপ্তর নই তোমাদের থিয়েটারের মোশন মাস্টারও নই। আমি অমর—অমর চকোত্তি—! কোন গুণ নাই যার কপালে

আগুন। আমি চণ্ডীমারের পেটে ঘূষি মেরেছি মদ খেয়ে। এতে লুকোছাপা নেই বাবা! তুমি তো জেনেই আমাকে ঋণ্ডর করেছ! ই্যা—যদি নিজের চরিত্র গোপন করে তোমার ঋণ্ডর সাজতাম তো বলতে পারতে।

রমেন কিছুক্ষণ চুপ করে বসেছিল। তারপর বলেছিল—ই্যা এ কথা স্বীকার করতে হবে আমাকে। তা’—গরুর গাড়ী করে দেব—না—।

—না—না—না! তোমার সাইকেলটা দাও। তা হলেই হবে।

—ভাল—তাই নিয়ে যান। আমারখানাই নিয়ে যান। গদীর তিনখানার অনেক কাজ। যান ওখানাই নিয়ে যান। ক্ষমার সঙ্গে দেখা হবে না। তবে শুনে যান—ক্ষমা খুব চটেছে। বলেছে—এমন বাপের মুখ দেখতে নেই।

—বহুৎ আচ্ছা বাবা। মেয়ের বাপের কাছে, বিশেষ করে আমার মত বাপের কাছে এর চেয়ে স্নেহবাদ আর কি হতে পারে! তা চললাম আমি। তোমার বাবার সঙ্গেও দেখাশুনো থাক।

চলে এসেছে সে রমেনের সাইকেলখানার সওয়ার হয়ে। এসেই বাড়ীতে মনোরমার সঙ্গে ঝগড়া হয়েছে। তুমুল ঝগড়া। কিন্তু মনোরমা পরম সহিষ্ণু মেয়ে—সে তুমুল ঝগড়াটার শব্দ বাড়ীর বাইরে যেতে দেয় নি। প্রহার করেছে চকোন্তি। তাও সে নীরবে সহ্য করেছে। এবং বার বার বলেছে—চীৎকার করো না। মারছ মার, গাল দিচ্ছ দাও কিন্তু আশ্তে করে দাও। বলে চকোন্তির মন্তভাণ্ডার থেকে মদ বের করে দিয়ে বলেছে—খাও। খোঁয়াড়ি ভাঙে। খুব আকর্ষণ খাও। আমি কিছু ভাজাভুজি করে দিচ্ছি। তারপর ঘুমোও! যা করেছ কুটুম্ববাড়ীতে তা আজকেই আসবে গাঁয়ে। নিজে চীৎকার করে সেটা জানিয়ে কি ফল হবে? নাও মদ খাও। সেটা পরশুদিনের কথা।

গতকাল একজন লোক এসেছিল সাইকেল নিতে। ক্ষমার লেখা চিঠিও সে নিয়ে এসেছিল! ক্ষমা লিখেছে—অষ্টমঙ্গলায় আমার যাওয়া হইবে না। সাইকেলখানি ফিরাইয়া দিয়ো। কিন্তু অমর চকোন্তি সাইকেল ফেরৎ দেয় নি লোকটাকে বাইরে থেকেই ভাগিয়ে দিয়েছে।

—ভাগ্! যা বাড়ী যা।

—সাইকেল—

—সে আমি গিরে দিয়ে আসব।

—বাবুর খুব—

—হোক রে বাবা হোক অসুবিধে। বেশী হয় তো একখানা কিনতে বলগে। বেশী তাঁদড়ামি করবি তো চড় খাবি। যা।

সেই সাইকেল চেপেই সে এসেছে আজ। মায়ের খানে ঢুকে সাইকেলে তালচাষি দিচ্ছে, সেই সময়েই শিবনাথ দে মা চণ্ডীর স্থানে তার নৈমিত্তিক প্রণামটি সেরে বেরিয়ে এসেছিল। দে তার সেই নিজস্ব শাস্ত ভঙ্গিমায় বলেছিল—আরে বাপরে! চকোন্তি! মেয়ের বিয়ে হয়ে

গেল।

—হ্যাঁ। বাজনা শুনতে পাও নি? তোমার মিল থেকে তো এক দৌড়ের পথ আমার গ্রাম। রাস্তাটাতে দেখা যায় গো। আলো দেখ নি?

প্রথমেই যেন খোঁচা বিঁধেছিল চকোত্তির ক্ষতস্থানে।

দে মিষ্ট মুহূর্তে সহাস্ত্রে বলেছিল—চোখও আছে, কানও আছে, মিলে থাকলে দেখতে শুনতে পেতাম। কিন্তু গ্রামের ভিতরে যে-বিয়ের বাড়ি কাণ্ড আমাদের—

—তা হলে তো বুঝেওসর্গ।

—না। দানসাগর। তা তোমার ওই মেয়েটি ভাল মেয়ে। প্রশংসার মেয়ে। আমরা সকলে মুক্ত কণ্ঠে প্রশংসা করেছি। বেশ তো শিখুক লেখাপড়া! তোমার দায় খালস হয়ে গেল তাকে নিয়ে। ছোট মেয়েরও বিয়ে হয়ে গেল। সাইকেলটি দেখছি রমেনের। চিনি সাইকেলখানা। ভালো সাইকেল। দামী জিনিস। তা ওটি দক্ষিণে পেলো বুঝি?

আর সম্বন্ধ হয় নি অমর চকোত্তির—সে চীৎকার করে উঠেছিল, শাট্‌আপ—ইউ বদমাশ পাষাণ কোথাকার।

হেসে ফেলেছিল দে।—আরে—হঠাৎ শাট্‌আপ-টাট্‌আপ কেন হে!—কি হল, কি অস্ত্রায় বললাম?

—আই সে—ইউ শাট্‌ আপ! বেরিয়ে যাও। তুমি পাষাণ—তুমি ভণ্ড—তুমি ঠগ—তুমি—তুমি রক্তচোষা মহাজন এক্সপ্লসিভার বেরিয়ে যাও তুমি।

দে'র মুখের উপর থেকে একটি অদৃশ্য আবরণ যেন নিঃশব্দে উঠে গেল। সঙ্গে সঙ্গে মুখের হাসি মিলিয়ে গেল। চোয়াল দুটি শিবনাথের চওড়া—সে দুটো শক্ত হয়ে উঠল, চোখের তারা দুটি বারেকের জন্তু স্থির হল। সে দাঁড়িয়েছিল, এবার দাওয়ার উপর চেপে বসল—বসে ধীর শাস্তকণ্ঠে বললে—চেনিও না। কথাটি শুনো। দেখো, চণ্ডীমারের স্থান এখানকার জন-সাধারণের, জনসাধারণ ম্যানেজিং কমিটি করে তার উপর সব ভার দিয়েছেন। আমি সেই কমিটির একজন সভ্য। তোমরা পাণ্ডা—সেটেলমেন্ট রেকর্ড অফিসারী তোমরা দেবতার সেবক। সেবক মানে চাকর। সেবার ত্রুটি হলে সেবককে সাসপেন্ড করতে পারি, বরখাস্ত করতে পারি। তুমি দেবতার বিশ্বাস কর না। মা চণ্ডীর পিঠে তুমি একবার চড়েছিলে, পেটে কিল মেরেছিলে। তখন তোমাকে সাবধান করে দেওয়া হয়েছিল। আজ আবার তুমি এসেছ—উচ্ছিষ্ট অশুচি কাপড় জামা পরে। তোমার কাপড়ে জামার ওই দেখ—এঁটোর দাগ লেগে রয়েছে। মুখে মদের গন্ধও উঠছে মনে হচ্ছে। তোমাকে আমি সাধারণের দেবস্থান—এখান থেকে বেরিয়ে যেতে বলছি না, বলছি তুমি মন্দিরে ঢুকবে না। আর তারপর উঠে দাঁড়িয়ে হেঁকে বললে—রাজ-পুরোহিত মশায়।—কোথায় গো। শুধুন একবার। দেখুন—ম্যানেজিং কমিটির সভ্য হিসেবে অমর চকোত্তিকে আমি সাসপেন্ড করে গেলাম। আমদানীর ভাগ উনি পাবেন না আজ থেকে। গুঁর ভাগের টাকা পরস্যা মায়ের ভাগের সঙ্গে জমা থাকবে। কমিটিতে প্লেস করে যা হয় স্থির হবে। কমিটি আমার প্রস্তাব বাতিল করেন, উনি

সব ফেরৎ পাবেন। আমার প্রস্তাব মঞ্জুর হয়—উনি সেবকপদ থেকে বরখাস্ত হবেন। তারপর মামলা-মকদ্দমা যা করবার করবেন। আমরা লড়ব। বলে রাখলাম খরচ আমি দোব।

কথা শেষ করে ধীর পদক্ষেপে শিবনাথ দে বেরিয়ে যেতে উদ্ভত হল।

সকলে স্তব্ধ হয়ে গিয়েছিল। চক্ৰোত্তি পৰ্যন্ত। শিবনাথ দে কথা বললে বিশেষ করে আইন দেখিয়ে এমনি সুরে কথা বললে—লোকে থমকে যায়। কারণ তার ধ্বনির গাঙ্গীর্ষ আছে যা নিরেট ভারী বস্তুর ধ্বনির মত উচ্চ নয় কিন্তু নিষ্ঠুর এবং দৃঢ়।

কয়েক মুহূর্ত পরেই চক্ৰোত্তি সন্নিবিষ্ট হয়ে পড়েছিল। তার মোহ কেটেছিল। সে বলেছিল—দেখা যাবে। জনসাধারণের মন্দির—জনসাধারণ দখল করে নেবে। সে খেলু অমর চক্ৰোত্তি খেলতে জানে।

—হ্যাঁ! ইনকিলাব জিন্দাবাদ। তা বেশ! দেখা যাবে।

আবার একটু হেসেছিল শিবনাথ দে। তারপর আরও দুপা গিয়ে দে ঘুরে দাঁড়িয়ে সহাস্ত মুখে বলেছিল—নসুবালার নতুন ভাঙ গান শুনেছ চক্ৰোত্তি? ‘ভাঙ আমার বিয়ে করবে না?’ শুনো—কাল শুনো। একটু খুঁত আছে আজ পর্যন্ত। ওকে ওই চমৎকার সাইকেলখানার কথা বলে দেব। গেরে নেবে। ওটা সে জানে না।

\*

\*

\*

অমর চক্ৰোত্তি এতেও দমে নি। সে জোর করেই সেই কাপড়ে—সেই অবস্থাতেই মন্দিরে ঢুকে মায়ের মাটির স্তূপের দেহ থেকে সিন্দূর নিয়ে কপালে পরেছিল, জঙ্গলের ভিতর থেকে বুনো বেল ফুল অপরাজিতা ফুল এনে চেপে বসে—পূজোর অভিনয় করে চোখ বুজে বিভবিড় করে মস্তপড়ার ভঙ্গিতে ঠোঁট নেড়েছে—

—মাট্যা: টিপয়ে নম: মাট্যা: টিপয়ে নম:। মিথ্যার নম:। বোগাসায় নম:।

এ মস্ত মনে মনে উচ্চারণ করতে তার পেটের ভিতর হাসির একটা আবর্ত ঘুরপাক খাচ্ছিল; কিন্তু সে তা সম্বরণ করলে; এ ক্ষমতা তার আছে। ইলেকশনের সময় সে যখন রামদাস মহাবীরকে রুদ্র দেবতা বলে অভিহিত করে বক্তৃতা করে তখন তাদের গ্রামের মুখ-পোড়া-বীর হুহুমানটার কথা মনে পড়লে এমনি হাসি বুক পেট তোলপাড় করে আবর্ত তোলে। কিন্তু তাতে তার বক্তৃতা ব্যাহত হয় না। থিয়েটারে যাত্রায় সে অভিনয় করে এ শক্তিটা আয়ত্ত করেছে।—গঙ্গীর মুখে গাঢ় ভক্তি গদগদ কণ্ঠে ‘জয় মা। নে মা।’ বলে ফুলের অঞ্জলি ছিটিয়ে দিয়ে বেরিয়ে এসেছিল সে। এবং সাইকেলের চাবি খুলে সবরেজেন্সি আপিস ঘাবার পথে—চৌমাথায় একটা সাঁকোর প্যারাপেটের উপর পা রেখে দাঁড়িয়ে চীংকার করে বলেছিল—পাষাণ রক্ত-চোষা মহাজন শিবনাথ দে—যে ম্যানেজিং কমিটির মেম্বর—সে কমিটি দেবস্থানের কমিটি হতে পারে না। আমরা যতকাল চণ্ডীতলার স্থিতি, ততকাল চণ্ডীর সেবায় পাণ্ডা। ওই শিবনাথ দে বলে কিনা আমাদের সাসপেন্ড করবে? আমার মেয়ের বিয়ে নিয়ে ঠাট্টা করবে? বলে কিনা—সেই নসুটাকে দিয়ে গান বাঁধিয়ে গাওয়াবে!

সতীশ ঘোষাল ঠিক সেই সময়েই পাঁচ মাথার মোড়ে এসে দাঁড়াল এবং সাঁকোর প্যারা-পিটের ওপর দাঁড়িয়েই শুরু করলে—একটা ছোট জাত একটা ব্রাত্য একটা নপুংসক—তার এ সাহস কোথা থেকে হয়? কি করে হয়? ব্রাহ্মণ ভদ্র রাজনৈতিক কর্মী—তার কল্পা—হয়তো সে ভুল করেছে, সে ভুল অবশ্যই শোধরাবে। কিন্তু তার নামে গান বেঁধে এমনভাবে নেচে বেড়াবে এই অজ্ঞায়ের প্রতিকার হবে না? এসব দেখবে না সমাজ? না দেখলে সবারই এই দশা হবে। এই এক দৃশ্য। এর মূলে আছে ধনীর চক্রান্ত। উসুকানি। হায় দেশ! হায় স্বাধীনতা! ভেকে পদাঘাত করছে গোকুর সর্পের মাথা।

বি. ডি. ও. সাহেব—দেখুন, স্বাধীন রাজ্যে এ অঞ্চলের উন্নতি করতে এসেছেন আপনি—আপনি দেখুন, কেমন উন্নতি হচ্ছে। আপনি বসে আছেন মাটির পুতুলের মত। ধনী—ধনী আছে যে পিছনে। চমৎকার স্বাধীনতা। আর এই সব যুবক। স্বাধীন দেশের যুবক। নিবীৰ্য মুখ সব। শুনেছে। হাসছে! হেসো না। হেসো না! আসছে, তোমাদের মাথার পদাঘাতের দিনও আসছে। একটা ছোটলোককে শাস্তি দিতে পারে না এরা।

একটি ছেলে এগিয়ে এসে বললে—সে দিন আপনি কি বলেছিলেন? আজ উল্টো বলছেন কেন?

—কি? কি উল্টো বললাম?

—সেদিন গোপাল চৌধুরীকে ঝাড়া মেরেছিল—আমরা বলছিলাম ন্যাডাকে ধরে এনে শাসন করা উচিত—করব আমরা। আপনি আজকের মতই জানালা থেকে নেমে এসে ঝগড়া করেন নি আমাদের সঙ্গে? বলেন নি—ঠিক করেছে ঝাড়া। নতুনকালের অগ্রদূত সে। শোধ—শোধ—প্রতিশোধ নেবার সময় এসেছে। অনেক মার তারা পুরুষাত্মকভাবে খেয়েছে—আজ শোধ নেবে না? ছোটলোক! কে ছোটলোক? মাহুষ! বলেন নি আপনি? আজ নস্রকে বলছেন—ছোটলোক! কেন বলছেন?

—তুমি মুখ, তুমি মুখ, তুমি মুখ! তুমি শুনেছ সে ছড়া গান? সে গ্রহণের চেয়েও গম্যাস্তিক! লজ্জার কথা! ঘৃণার কথা!

—না। সে গান আমরা শুনেছি। কোন অপমান সে করে নি। মেয়েটির সে প্রশংসা করেছে। রমেন আচার্যিকে শুধু খানিকটা ঠাট্টা করেছে। আর ওই চক্কোত্তিকে—

কই চক্কোত্তি? চক্কোত্তি এই অবসরে সরে পড়েছে। চলে গিয়েছে, সে বুদ্ধি রাখে। সতীশ ঘোষালকে সে জানে। জানে—ঘোষালের হাঙ্গামা বাধাবার পারদ্রব্যতা যথেষ্ট। এবং কোন হাঙ্গামায় সে লাভবান হয় না। সুতরাং সে সরে পড়েছে। হয়তো বা এতক্ষণে তার মনও শান্ত হচ্ছে ক্রমশ। সে বুঝতে পারছে সকালবেলা চণ্ডীতলায় সে উত্তেজিত না হলেই ভাল করত।

সতীশ ঘোষাল চারিদিকে তাকাচ্ছিল চক্কোত্তির খোঁজে। কই চক্কোত্তি?

কে একজন বললে—চক্কোত্তি কি আর আছে। সে পালিয়েছে। এখন যে-যার বাড়ী যাও। ঘোষাল, তুমিও আর বকে শরীর খারাপ করো না!

—করব না? হোয়াট ডু ইউ মীন? ডু ইউ মীন টু সে—জাট আই কেয়ারড টু সাইড উইথ জাট বাগার চকোন্টি? আমি অজ্ঞানের প্রতিবাদ করছি। আমার ক্ষমতা থাকলে চাবুকে এই ধরনের অজ্ঞানকারী ওই নস্টার পিঠের চামড়া তুলে দিতাম।

—কই দিন। দিন চামড়া তুলে। এই নস্টকে নিয়ে এসেছি আমরা। কই চাবুক আহুন।

এবার ঘোষালের চোখ দুটি বিস্ফারিত হয়ে উঠল। সে এটা ভাবে নি। সত্য বলতে কি সে ভেবে চিন্তে কিছু করে না বা বলে না। জীবনের ব্যর্থতার তার হ্রস্ব ক্ষোভ মনের কন্দরে অবরুদ্ধ বাষ্পের মত ঘুরপাক খায়, যে কোন অজুহাতে যে কোন ছিদ্র দিয়ে সে ক্ষোভ বেরিয়ে আসে। কিন্তু তার অধিক কিছু না।

—নিম! মারুন!

ছেলে কয়েকটা নাছোড়বান্দা যেন। তার কারণ আছে। সতীশ ঘোষাল ওদের স্বেযোগ পেলেই তিরস্কার করে। স্বেযোগ পেতে হয় না—স্বেযোগ খুঁজে নেয়। তাদের কথার-বার্তার অকস্মাৎ এসে যোগ দিয়ে তাদের তিরস্কার করতে শুরু করে।

ক'দিন আগে গোয়ালী দুধে জল দেয় এই নিয়ে আলোচনার মধ্যে হঠাৎ ঘোষাল এসে গোয়ালীর পক্ষ নিয়েছিল। এবং দুধের জলের জন্ত দায়ী বড় ব্যবসায়ী শিবনাথ দে, এইটেই প্রমাণ করতে চেয়েছিল সে। শিবনাথ দে চালে কাঁকর মেশায়,—ডালে ভেজাল দেয় তেলে ভেজাল দেয়, ঘিয়ে চর্বি দেয়—তাতে দোষ হল না—দোষ হল গোয়ালীর? আই—আই স্ট্যাণ্ড ফর হিম, দি গোয়ালী!

ব্যাপারটার ওখানেই শেষ হয় নি, সতীশ ঘোষাল তার জের টেনেছে 'কোপাই' পত্রিকা পর্যন্ত। তার নিজস্ব ধারায় সে একটি প্রতিবাদপত্র ছড়ায় রচনা করে প্রকাশের জন্ত পাঠিয়েছিল। চিঠিপত্রের (মতামতের জন্ত সম্পাদক দায়ী নহেন) কলমে সেটি বেরিয়ে গেছে। দু'তিন দিন আগেই পত্রিকাখানি নিয়ে এই পাঁচ মাথার মোড়ে এই প্যারাপেটে বসেই সতীশ ঘোষাল উচ্চকণ্ঠে পড়ে সকলকে শুনিয়েছে। এ সব ক্ষেত্রে তার এক রসিকতা-পটু (রসিক নয়) রূপ বের হয়। সে বসেই উচ্চকণ্ঠে বলে—অব ধান। অব ধান! নাগরিকগণ শ্রবণ করুন।

“চালে কাঁকর—ডালে কাঁকর

গব্য স্থতে চর্বি

যা—যা—যা—যা ছোঁড়ার যা,

যা পারিস তা করবি

কালো বাজার আলো করে

আসছে টাকা দেদার

এতে ওতে চাঁদা বলে

ভাগা কিছু নেতার।

ধমকে মারেন ছোকরা দিগে—

সব বাজারের সব নাগ—  
 চান্দা ভাগা না নিবি তো  
 জালাস নেকো জলদি ভাগ ।  
 সাহেব গেল সুবো গেল  
 যত কালকের ছোকরা—  
 ভেজাল বলে চ্যাচাস নেকো  
 করিস নেকো শ্রাকরা ।  
 লেথায় ভেজাল পড়ায় ভেজাল  
 পাশ করা সব মুখ্য ।  
 গরুরা সব গুরু হল  
 এই তো বড় দুঃখ ।  
 হাকিম দিগে হুজুর বলে  
 চাকরি বরং করগে যা  
 নেহাৎ লড়াই করবি যদি  
 গয়লা সাথে লড গে যা ।  
 গয়লারা সব ঘরে থাকে  
 দুষ্ক বেচে গয়লানী  
 ব্রজলীলা জমবে ভাল  
 ভাণ্ড ভেঙে থা ননী  
 হায়রে কপাল ছোঁড়া রাখাল  
 কাটিয়ে টেরী লম্বা—  
 মাতকরী করে বেড়ায়  
 আমরা হলাম খাছা ।

নিচে স্কটনোট খাছা মানে থাম অর্থাৎ আমরা থাম হয়ে গিয়েছি । বোবা—জড় । দেখে শুনে এবং লজ্জায় ।”

সব নাগ হল শিবু দে । মানহানির দায় এড়াবার জন্তে শিবুকে সব করেছে । তার সঙ্গে সতীশের ঝগড়া অনেক দিনের । শুধু শিবু দে নয়—গন্ধ বণিকদের ভুলু দস্তের সঙ্গেও তার দীর্ঘকালের বিবাদ । এবং সব বিবাদের পিছনে কি আছে সে নতুন কালের ছেলেরা জানে না । কিন্তু ঝগড়াগুলির উপলক্ষ্য সতীশ ঘোষালের পথের ঝগড়া । পথ নিয়ে ঝগড়া । ভুলু দে তার একটা পথ বন্ধ করেছিল । সে অনেক দিন আগে । তখন শিবু দে তাকে সাহায্য করেছিল । সে পথ ঘোষাল পেয়েছে । এখন আবার একটা নতুন ভিটে কিনেছে শিবু দে, তার ফলে সতীশের বাজারের দিকে আসবার একটা সহজ গলিপথ বন্ধ হয়েছে । তা নিয়ে মামলা চলছে ।

শিবু দে-র সম্পর্কে কোন মোহ কোন কারণেই এ গ্রামের লোকের নেই । শিবু দে মশায়ের  
 তা. র. ২০—৬



নিজেরও নেই। তাকে ভালো লোক—অর্থাৎ মহৎ লোক কোন লোকেই ভাবে না এবং দে নিজেও চায় না লোকে তা ভাবুক। ও নিয়ে তার কোন মাথাব্যথা নেই। পথের মূল ঝগড়াটা পথ নিয়ে নয়, একটা নালা নিয়ে। ঘরের জলনিকাশী নালা। আগের কালে শুধু বর্ষার জল বের হত। স্নান ছিল পুকুরে, এমন কি চব্বিশ ঘণ্টার জল-আচরণ তাও চলত খিড়কীর পুকুরে! সেটা একেবারে বাড়ীর দোরে নাও হতে পারত! তবু লোকে খেয়ে হাত ধুতে যেত সেই পুকুরঘাটে। এখন বাথরুমের রেওয়াজ হয়েছে—বাড়ীতে ইন্দারা হয়েছে, সুতরাং বাড়ীর ভিতর জল অহরহ পড়ে। উঠোন সিমেন্ট বাঁধানো। জল চব্বিশ ঘণ্টা নিষ্কাশন পথ খুঁজছে, বের হচ্ছে। এই নালা বন্ধ করবার জন্ত লাগল সতীশ। দরখাস্ত। সত্যাগ্রহ। শেষ কাগজপত্র ঘেঁটে শিবু দে গোটা পথটাকেই বন্ধ করে দিলে। গ্রামের কেউ খুশী হল না। তবে সতীশ ঘোষালকে সহানুভূতি দেখিয়ে তার কাছে বা পাশে দাঁড়াতেও কেউ এল না। সেও ঘোষালের প্রয়োজন নেই। সে তাই বলে। এবং কাঁটা গাছে যে ফুল ফুটুক, তাতে কোল দিতে কেউ আসে না। এই কারণেই, সতীশ ঘোষাল আজ অমর চক্ৰোত্তির পক্ষ নিয়েছে। শিবু দে-র সংস্রব ছিল, সুতরাং নেমে এসেছে তৎক্ষণাৎ। এবং শিবু দে যেহেতু বলেছে যে নস্রকে দিয়ে ভাড়া বানিয়ে গাওয়াবে সেই হেতু সে নস্রর এই ভাড়র বিরুদ্ধে তীব্র প্রতিবাদ করতে এসেছে। অন্তথায়, সে হয়তো নস্রকে বাহবা দিত। প্রথম শুনে তো সে মনে মনে হেসেছিল।

নস্রকে যখন সামনে ধরে ছেলেরা বললে—কই মারুন। বের করুন চাবুক; তখন বিস্ফারিত দৃষ্টিতে সতীশ তাকিয়ে রইল সকলের দিকে। তার একবার ইচ্ছে হল সে এমন একটা ছকার ছাড়ে—যে ছকারে এখানকার সমস্ত লোক মুহূর্তে মর্ছিত হয়ে পড়ে যার। কিন্তু সে ছকার করবার শক্তি তার নেই। হয়তো বা কারুরই নেই। এবং মুহূর্তে মুহূর্তে তার উলটো একটা জিনিস—একটা ভয়—তার সঙ্গে একটা লজ্জা—দারুণ লজ্জা, তাকে যেন নাগপাশের মত জড়িয়ে ধরছে। এবার মুহূর্তে মুহূর্তে তার বাঁধনটা শক্ত থেকে শক্ততর হচ্ছে। তার ফলে একটা মর্যাস্তিক যন্ত্রণা তার মনের সর্বান্তে সঞ্চারিত হচ্ছে। তার সমস্ত শক্তি নিঃশেষিত হয়ে যাচ্ছে এক সময়ে সে তা অনুভব করলে। তার হাত পা কাঁপতে শুরু করেছে বুকের মধ্যে হৃৎস্পন্দন ঘন থেকে ঘনতর হয়ে উঠছে। হঠাৎ তার ইচ্ছে হল—সে হা হা শব্দে হাহাকার করে কেঁদে ওঠে। সে কান্নায় সব গাছ পাথর বেদনার গলে যায়। কিন্তু তাও সে পারলে না। লজ্জার নাগটা তার কণ্ঠরোধ করে চোখের সামনে ফণা তুলে দুলছে—না—না—না বলে দুলছে। পৃথিবী দুলছে।

পৃথিবীর কেউ তাকে বোঝে না। নিষ্ঠুর পৃথিবী! নিষ্ঠুর!

সে পড়েই যেত। সত্যিই সে কাঁপছিল। সেই অবস্থায় তাকে কেউ ধরলে। ধরলে দেবব্রত চক্রবর্তী। দেবব্রত চক্রবর্তীর কণ্ঠস্বরটা চিনতে পারলে সতীশ। চক্রবর্তী বললে—

—করছেন কি আপনারা! দেখছেন না পড়ে যাবেন! সক্রন সক্রন। দয়া করে রাস্তা ছাড়ুন।

সামনেই আশু সিংহীর ডাক্তারখানা। গোলমাল শুনে আশু সিংহী প্রথমেই একবার এসেছিল। তখন পালার সবে শুরু, সমস্ত গালাগালি শুরু করেছে অমর চক্ৰোত্তি। তাতে শুনবার কিছু ছিল না। বরং কৌতুক বোধই করেছিল অকস্মাৎ শিবনাথ দেকে নিয়ে পড়ায়। হঠাৎ শিবনাথ দেকে কেন গালাগালি পাড়ছে বুঝতে পারে নি, কম্পাউণ্ডারকে বলেছিল, এস—এস ভেতরে এস। ও আর কি শুনবে?

তারপর সতীশ ঘোষালের কণ্ঠস্বর পেয়েও বিস্মিত হয় নি। হেসে কম্পাউণ্ডারকে বলেছিল—ঘোষাল এল।

সেও হেসে বলেছিল—হ্যাঁ।

—আশুন জ্বললে—উনপঞ্চাশ বায়ু আসবেই। কথাটা বললে দেবব্রত চক্রবর্তী। সে এখানকার বাসিন্দা বটে কিন্তু চন্দনপুরের অধিবাসী নয়। শ্রামবর্ণ বলিষ্ঠ দেহ লম্বা মানুষ। সে কাজেই এসেছিল আশু সিংহীর ডাক্তারখানায়।

আশু বলেছিল—খুব বলেছেন, সাক্ষাৎ উনপঞ্চাশ বায়ু। একে সতীশ ঘোষাল তার উপর শিবনাথ দে'র নাম। আর রক্ষা আছে!

—যাক! কে আছে বাইরে। এস—এস। আমাকে আবার দেবব্রতবাবুর সঙ্গে যেতে হবে। এস এস।

একে একে রোগী দেখছিল আশু। হঠাৎ কোলাহল প্রবল হল। হঠাৎ সতীশ ঘোষালের কণ্ঠস্বর নীরব হল। বাইরে থেকে কে বললে—গেল—গেল বোধ হয়! বেচারী রোগী মানুষ। থরথর করে কাঁপছে যে।

সত্যিই হুঙ্কার দিতে পারে নি, কাঁদতে পারে নি ঘোষাল, কিন্তু মর্যাস্তিক ক্ষোভে দুঃখে অসম্মানে থর থর করে কেঁপেছিল—কেঁপেছিল আপন অজ্ঞাতসারেই। চেয়েছিল সে পাথর হয়ে যেতে কিন্তু মানুষ পাথর হয় না।

দেবব্রত এবং আশু দুজনেই বাইরে এসে এই অবস্থা দেখে একসঙ্গেই লাফ দিয়ে পড়েছিল বারান্দা থেকে। দুজনেই তরুণ। ছুটে গিয়েছিল এগিয়ে। আরও একজন এসেছিল ওপাশ থেকে, সুরেশ্বর মুখুজ্জে—সতীশের আত্মীয় ও প্রতিবেশী। প্রৌঢ়ত্ব পার হয়েছে কিন্তু এখনও সক্ষম এবং স্বাস্থ্যবান। মানুষটির রঙটি কটা। দূর থেকে রঙ দেখে চেনা যায়। সে বলেছিল—করছ কি? .তোমরা করছ কি?—না—না।

বলতে বলতে দেবব্রত এসে পতনোন্মুখ সতীশকে ধরে ফেলল।

ওপাশ থেকে সুরেশ্বরও ঠিক সেই সময়ে এসে উপস্থিত হল—সতীশ! সতীশ!

সতীশের ঠোঁট দু'টি কাঁপল। চোখ থেকে দু'টি ধারার জল গড়িয়ে পড়ল একটিবার। হবার নয়।

কিছুক্ষণ পর সুস্থ হলে—সুরেশ্বর সতীশকে বাড়ী নিয়ে গেল। আশু বললে, ভয় নেই। তবে এখন তিনচার দিন ওঠা হাঁটা বকাঝকা করবেন না।

সুরেশ্বর বললে—শুনলি তো।

গভীরভাবে সতীশ বললে—শুনলাম।

—হ্যাঁ। চল তা হলে বাড়ী চল। ডাক্তারের কথা শুনে ঘরে শুয়ে থাকবি। কি দরকার এই সব গাঁয়ের লোক শাসনে বল তো।

—তুমি বুঝবে না। গোলামী ক'রে ক'রে মনটা তোমার গোলাম হয়ে গিয়েছে।

সুরেশ্বর বললে—মারে গালে ঠাস করে এক চড়।

সতীশ বললে—তা তুমি মারতে পার, তুমি গুরুজন। কিন্তু সত্য বলেছি আমি।

—বেশ। তাই হল। চোরা না-শোনে ধর্মের কাহিনী। চল বাড়ী চল—মা শুয়ে শুয়ে চোঁচাচ্ছে—ওগো সতীশকে আমার বাঁচাও গো। পরিবার বেচারি গলির মুখে দাঁড়িয়ে কাঁদছে। আমি মাঠ থেকে এসে শুনে ছুটে আসছি।

সুরেশ্বর একটি নির্বিরোধী মানুষ। যা এ সংসারে বিরল। একান্তভাবে নিঃস্বপ্নায়—এক মধ্যবিত্তের ঘরে জন্ম। লেখাপড়া সে আমলে সেকেণ্ড ক্লাস পর্যন্ত; কিন্তু ছুটি জিনিস তার সম্বল ছিল—অটুট সবল স্বাস্থ্য। সে স্বাস্থ্য হিংসা করার মত স্বাস্থ্য। একাল হলে সে অলিম্পিকে যেতে পারত। সে যোগ্যতা তার ছিল। দৌড়ে, হাই-জাম্প—লঙ-জাম্পে ফুটবলে আশ্চর্য কৃতিত্ব ছিল। আর ছিল—কর্মে নিষ্ঠা এবং এই নির্বিরোধী চরিত্রমাধুর্য। এই ছুটি মূলধনেই সে এখানকার এই চন্দনপুরের সামন্ততন্ত্রের শেষ ব্যাড্জ বাঁড়ুজ্জ বাড়ীর বড়বাবুর অধীনে কাজ করেছে প্রায় পঁয়ত্রিশ বছর। ঢুকেছিল সামান্ত বেতন পাঁচ টাকার। শেষ সে হয়েছিল হিসাববিভাগের কর্তা। শুধু জমিদারী নয়, তার সঙ্গে ব্যবসা। বিরাট ব্যবসা। বেতন হয়েছিল দেড়শো টাকা। দেশ স্বাধীন হল—তার সঙ্গে একটি আশ্চর্য সামন্ততন্ত্র রেখে এই সামন্ততন্ত্রী ও ব্যবসায়ী পরিবারটি মুখ খুঁড়ে পড়ল। তখনও সুরেশ্বর তাদের ছাড়ে নি। তারপর ছেড়েছে। এমন এই নির্বিরোধী মানুষটি শুধু এই একটি গুণেই গ্রামের মধ্যে সকলের কাছে ভালবাসার পাত্র হয়ে বেঁচে আছে। শ্রদ্ধাও আছে সে ভালোবাসার মধ্যে কিন্তু সে তা চায় না। শ্রদ্ধার প্রতি বা প্রতিষ্ঠা-সম্মানের প্রতি তার সত্যিই মোহ নেই। সেই কারণেই সে অনারাসে সতীশ ঘোষালের মত লোককেও বলতে পারে—মারে গালে ঠাস করে এক চড়। এবং ওই কথার মিষ্টতার জন্তই সতীশের মত লোকও বলে—তা তুমি মারতে পার। তুমি গুরুজন।

পথে সুরেশ্বর বললে—দেখ্ তো কি কাণ্ড করলি।

—কি করলাম?

—কি করলি? মরতিস্ যে!

—মরতাম যুদ্ধক্ষেত্রে সৈনিকের মত।

—কথায় বলে—নড়তে নারে বন্দুক ঘাড়ে। তোর সেই বৃত্তান্ত। এদিকে তো ঠেঙা ভিন্ন হাটতে পারিস না। মরদ আমার লড়ুয়ে সেপাই। আর যুদ্ধক্ষেত্রে সৈনিক—কিসের জন্তে যুদ্ধ করতে গিয়েছিলি? কার পক্ষ নিয়ে? অমর চকোব্রি?

—তা বলে ছোট লোক—

—কে ছোট লোক ? তুই নিজে কি বলিস ? বলিস নি হাজার দিন—এই তো কালই বলেছিলি—ওই গোপাল চৌধুরীর কথায়—ছোটলোক কেন বলবে জাডাকে ? ছোটলোক কিসের ? গরীব বলতে পার। বলিস নি ?

চুপ করে রইল সতীশ এবার। সুরেশ্বর বললে—তোর তো আসল কথা—দে'কে নিয়ে। শিবু দে'র নাম।

সতীশ ফোঁস করে উঠেছিল—কিন্তু সুরেশ্বর বললে—চুপ কর—এত লোকের সামনে আর—থাক।

বি. ডি. ও'র সামনে তখন লোকারণ্য। দূরে একটা প্রবল সমবেত কণ্ঠের চীৎকার শোনা যাচ্ছে। মিছিল আসছে। কমুনিষ্ট এম. এল. এ. মিছিল নিষে আসছে—লোন আদায়—

—বন্ধ করো, বন্ধ করো।

—ইনকিলাব—

—জিন্দাবাদ।

সতীশ দাঁড়িয়ে গেল।

সুরেশ্বর বললে—দাঁড়ালি কেন ?

সতীশ বললে—দেখেছ ?

—কি ?

—ওই আসছে—। সে আঙ্গুল দিয়ে দেখালে দূরের মিছিলটাকে।

সুরেশ্বর বললে—মিছিল—। তা, ওর আর কি দেখবি ?—

সতীশ বললে—দাঁড়াও না। দেখি।

আজ সে জনতার একটা অবশ্য আশ্চর্য রূপ দেখেছে।—সে রূপ—মাহুঘের মাথা গুনে বা মাথার সমাবেশে দেখা যায় না। দেখা যায় অকস্মাৎ।

নসু—ছুটেই প্রায় পালাচ্ছিল—ওই মিছিলটা দেখে।

আশু সিংহী চলেছিল দেবব্রতের সঙ্গে। চন্দনপুরের দক্ষিণ প্রান্তে একেবারে কোপাই নদীর ধারে—ছোট একটি আশ্রম তার। উনিশ শো সাতচল্লিশ সালে এসে এখানে কিছুদিন ছিল—চণ্ডীভলার তারপর নিয়েছিল চাকরি—চাকরি নিয়েছিল ওই বড়বাবুদের পড়ো এস্টেটে। তারপর ওদের কাছে জমি নিয়ে আশ্রম করেছে। একা মাহুঘ। ওখানে আছে ব্রাত্যপল্লী। তাদের মধ্যেই বাস করে। নাইট ইন্সকুল করেছে, নিজের হাল গরু আছে—কিছু জমি আছে, চাষ করে,

মুর্গী হাঁস পোষে আর পড়ে। ব্রাত্যদের সুখ দুঃখের ভাগ নেয়। আগেকার কাল হলে লোকে বলত এনার্কিস্ট। এখন সহজ রটনা কমুনিষ্ট। দেবব্রত নিজে বলে—না। তা আমি নই। হলে বলতাম ওতে লজ্জারও কিছু নেই ভয়েরও নেই। কারণ স্বদেশী রাজ্যে যদিই সরকার আটক আইনে ধরে তবে দশ পরসাদশ আনা নয় অনেক বেশী খরচ করে আরামে জেলখানায় রাখবে এবং অসম্মান করবে না। এতেও প্রশ্ন অনেকে করে—তাহলে আপনি কি? কেন—এইভাবে রয়েছেন ব্রাত্যদের মধ্যে?

দেবব্রত বাঁকা জবাব দেয় না, সোজা জবাব দেয়। দেখুন, আগি গোড়া থেকে রামকৃষ্ণ মিশনে মানুষ। এসব আমার ভাল লাগে।

তবু সন্দেহ মেটে না—সন্দেহ এও অনেকে করে যে, এইভাবে ওদের মধ্যে থেকে—হয়তো একদা ওদের ভূ-সম্পত্তি গ্রাস করবে। কেউ সন্দেহ করে হয়তো ব্রাত্যনারীবিলাস অন্ততম কারণ। কেউ অনেক দূর পর্যন্ত দৃষ্টি প্রসারিত করে দেখতে পায়, একদিন ওই লোকটি এখানকার এম. এল. এ. হয়ে দাঁড়িয়ে ধ্বনি তুলেছে—ইনকিলাব—

লোকে বলছে—জিন্দাবাদ।

এখানকার কংগ্রেসী প্রধান ভবানীকিঙ্করের সঙ্গে যথেষ্ট প্রীতি কিন্তু দেবব্রতের। বিশেষ করে একটি জায়গা আছে, যেখানে উভয়ে এক নেশায় আসক্ত দুই নেশাখোরের মত বন্ধ। সেটি হল ফুলের চাষ। ভবানীকিঙ্করের পৈতৃক বাড়ীর ঘর যত ভাঙছে, তত জায়গা বাড়ছে এবং তত সে ফুলগাছ লাগাচ্ছে। দেবব্রতের জায়গা অনেক। পড়ো প্রান্তর। তার মধ্যে ফুলের বাগান সেও করে। এ ওকে চারা দেয়। বিশেষ করে ডালিয়া।

আজ একটি ব্রাত্য চাষীর অসুখ কঠিন হয়েছে। তাই সে আশু সিংহীকে নিয়ে যাচ্ছে। প্রৌড়েরা বয়স্কেরা বিষয়ীরা যে সন্দেহই করুক দেবব্রতকে—গ্রামের তরুণেরা দেবব্রতকে ভালবাসে। ঘনিষ্ঠ বন্ধু তার অনেকের সঙ্গে।

দুজনেই সাইকেলে চলছিল। সকালের এই ঘটনাটির সঙ্গে দুজনেই খানিকটা জড়িয়ে গিয়েছে। কথা ওই নিয়েই হচ্ছিল। পথে আজ ভিড় অনেক। বি. ডি. ও. আপিসের ভিড়—হাটের ভিড়—মিছিলের ভিড়। এখানে এম. এল. এ.'র যেখানে যত কর্মী আছে সকলেই কিছু লোক এবং লাল ঝাণ্ডা নিয়ে আসছে। ধ্বনি দেবে—তারপর মিটিং হবে।

দেবব্রত বললে—আর বেশী একটু হলেই ভদ্রলোক বোধ হয় মরে যেতেন—না?

আশু বললে—ব্রাডপ্রেসার আছে। বলা তো যায় না! তবে প্রেসারের চেয়ে মনের ব্যাপারটাই গুরু বেশী। কমপ্লেক্সেই খেলে গুঁকে। কমপ্লেক্স, ফ্রাস্টেশন দুই মিলে—উনি এমন হয়েছেন। হাঁটতে সম্ভবত উনি বেশ পারেন—তবে মনের ধারণা হয়ে গেছে—পারেন না। না ধারণা করে উপায় নেই। কারণ উনি তো সবই পারেন বা পারতেন—কেবল রোগের জট্টাই পারছেন না।

দেবব্রত বলল—অমর চক্রবর্তী কিন্তু চালাক, সে কখন মরে পড়েছে।

—নিশ্চয়! পলিটিক্স করে। সে উদো—তার পিণ্ডি যখন বুদো খেতে বসেছে, তখন

তো বেঁচে গেছে। আবার থাকে! অ্যাণ্ড হি সেক্টেড ইট। সে তো জানে বতাই সে শিবু দে'র নাম করে গাল দিক—মেয়ে যখন তার এখানে—তার জোর ক'রে বিয়ে দেওয়ার প্রতিবাদে পালিয়ে এসে আশ্রয় নিয়েছে—পেরেছে, তখন সে এখানে কোন সিম্প্যাথি পাবে না!

—জাঁদরেল মেয়ে।

—মেয়ে ভাল। পড়ার ভাল; দু বছর ফেল করলে তার কারণ বাপ। মেয়েটি সাইকেল চেপে ইস্কুলে আসত। এই চন্দনপুরে। তা থেকেই বুঝছেন—হু:সাহসিকা! হেসে বললে—কে জানে ঠিক হল কিনা!—তা বাপ পড়তে সময় না দিলে কি করবে? বই না পেলে কি করবে? মেয়েটি গান গায় ভাল। বাপও কৃতী লোক। অনেক পার্টস ছিল। তিরিশ সালে জেল হয়েছিল। দেশপ্রেম ছিল। থিয়েটার করত ভাল। গান জানে। তারপর ছেতরে গেল। বেরাল্লিশ থেকে হল কমুনিষ্ট। তারপর বাহার সালে কংগ্রেস। মেয়েটিকে গান শিখিয়েছিল। মিটিংয়ে নিয়ে যেত—গাইত। মিটিংএ মিটিংএ ঘুরেছে মেয়ে। ও তো বাপের বিস্তার গোড়া পর্যন্ত পায় নি। সে আদর্শবাদে মশগুল। ও মশাই আগুন হবে দেখবেন। মেয়ে থিয়েটার ক'রে ভাল। আরে—আরে—। গরু ছোড়াটা সামলাও ভাই গাড়োয়ান।

সামনে কয়েকখানা গাড়ী যাচ্ছে। তরকারি বোঝাই গাড়ী। একজন গাড়োয়ান কিছুতে তার গরুকে বাগাতে পারছে না। গরু দুটো চকিত হয়ে উঠেছে। আশু নেমে পড়ে বললে—নামুন। নেমে পার হওয়াই ভাল। একবার পোস্টাপিসটাও দেখে নিই। দাঁড়ান।

দেবব্রত বললে—চলুন। আমারও পোস্টকার্ড কিনতে হবে।

পোস্টাপিসে এখন অনেক চিঠি, অনেক কাজ। প্রায় সত্তর আশী বছরের পুরনো পোস্ট আপিস। আগে অধীনে দুটি ব্রাঞ্চ আপিস ছিল; এখন দশ-বারোটা। তার সঙ্গে টেলিগ্রাফ হয়েছে আজ কয়েক বছর। এখন নতুন টেলিফোন লাইন বসছে। আজ হাটবার—অনেক লোক আজ ডাকটিকিট পোস্টকার্ড কিনবে। ডাক্তার গিয়ে দাঁড়াল। এবং বললে—নাও বিপদ!

জানালার ধারে পোস্টমাস্টারের সামনে দাঁড়িয়ে আর্থকুমার রায় যথারীতি বক্তৃতা করছে। ইংরাজীতে বক্তৃতা—অর্থহীন বলেই মনে হয়। কিন্তু অর্থ একটা আছে—আই বেগ টু সে স্তার—ইউ পোস্টমাস্টার—থ্যাট—এ্যাজ ইন দি পোস্টাল ল—এ্যাজ ইন দি পেনাল কোড—অল লেটারস—রেজিস্টার্ড লেটারস—মনি অর্ডারস ইনসিওরস এ্যাজ ইন দি নেম অব নিউজিল্যান্ড কোল কোম্পানী—এ্যাজ ইন দি নেম অব ইস্ট রায় ডি কলিমারী—এ্যাজ ইন দি নেম অব পিওর রায় ডি কোল কোম্পানী—এ্যাজ ইন দি রেজলুশন অব দিক কোম্পানীজ শুড বি গিভন টু শ্রীআর্থকুমার রায়। এই 'এ্যাজ ইন দি'র স্মৃতির গাঁথা একটি বক্তৃতা। এটি আর্থকুমার নিত্য পোস্ট আপিসে এসে একবার আউড়ে যাবে। এবং শেষে চাইবে—কি আছে দাও। থাকে না কিছুই। তখন এখান থেকে থানায় গিয়ে একবার এই বক্তৃতাই করবে। তার

সঙ্গে থাকবে—এখানে পোস্ট আপিসে একটি বডবক্স রয়েছে। যার জন্ত তার প্রাপ্য চিঠিপত্র সব এরা দিচ্ছে ব্যানার্জি বাবুদের। নিশ্চয় ভাগাভাগি আছে। অবিলম্বে পোস্ট আপিসের পোস্টমাস্টার পিওন এমন কি রানারদের পর্যন্ত অ্যারেস্ট করা হোক।

তারপর গিয়ে বসবে নিজের বৈঠকখানায়। বিডবিড় ক'রে বকবে, এবং রাস্তার ভদ্রজন যাকে দেখবে—ডেকে বলবে—একবার থিয়েটার করুন। আমার বইটা খুব ভালো হয়েছে। আপনাব একটা পার্ট আছে।

অবস্থান্তরের জন্ত ভদ্রলোকের মাথা খারাপ হয়ে গেছে। তার জন্তও দায়ী এই ভারতবর্ষের স্বাধীনতা।

আশু ডাক্তার ডাকবিলিব দরজায় দাঁড়ালে এবং বললে—রোজ কি ভাল লাগে! কতক্ষণ আরন্ত করেছে? শেষ হ'তে দেরি কত?

ডাক্তারের গা ঘেঁষে দাঁড়িয়ে দরজার খুঁকে প্রায় ঠেলে এসে দাঁড়াল একটি মেয়ে।

—একটু সরুন।

ডাক্তার ঠেলা বা ধাক্কা খেয়ে মুহূর্তের জন্ত আধুনিক মেয়েদের উপর বিরক্ত হল—নাঃ, এরা বডই বাডাবাড়ি শুরু করেছে। কিন্তু তার ভাবনাটা শেষ হওয়ার আগেই মেয়েটি জিজ্ঞাসা করলে—টেলিগ্রাম কখন থেকে হবে? কাউন্টার কটার সময় থেকে খুলবে?

ডাক্তার কণ্ঠস্বর শুনে খুঁকে তার মুখের পাশটা দেখে সবিস্ময়ে বললে—নেলি?

গোপাল চৌধুরীর মেয়ে নেলি। নেলি নিজে পোস্ট আপিসে,—টেলিগ্রাম করতে এসেছে! —মুহূর্তে প্রশ্ন বেরিয়ে এল মুখ থেকে—টেলিগ্রাম! বাবা কেমন আছে?

—ভালো। তারপরই বললে—সেই রকমই বিডবিড় করে বকছে।

—ও ক্রমে ভাল হবে। কিন্তু তুমি নিজে এসেছ পোস্ট আপিস। টেলিগ্রামের সময় জানতে চাচ্ছ! ব্যাপার কি?

—কিছু নয়। দুটো টেলিগ্রাম করব।

—আরজেন্ট না অর্ডিনারী? আরজেন্ট হলে এখনি হবে।

—দুটোতে কত লাগবে?

—যা লাগুক, ভাবতে হবে না তোকে, দে আমাকে দে। নতুন কণ্ঠস্বর। পিছন থেকে বললে কেউ।

আর কেউ নয়—নেলির জ্ঞাতি কাকা। নিত্য চৌধুরী।

—আয় আমার সঙ্গে বাইরে আয়। ডাক্তার একটু এস তো ভাই। একটা টেলিগ্রাম ছকতে হবে। আমাদের তো বিত্তে সেই সে আমলের ফার্স্ট ক্লাস পর্যন্ত। তাও বসে বসে—না-পড়ে সব ভুলে মেরে দিয়েছি। এস।

বাইরে এসে নিরিবিলি একটা কঙ্কফুল গাছতলার দাঁড়িয়ে—নিত্যবাবু টেলিগ্রামের খসড়াখানা নিয়ে ডাক্তারের হাতে দিলে।

‘শুভেন্দু ফ্রেড ক্রম হোম—কাচ হিম—ইক হি গোজ টু ইউ। প্লিজ! এ্যাও ওয়্যার।

গোপাল চৌধুরী।

আশু সন্ধ্যায় নিত্য চৌধুরীর মুখের দিকে তাকালে। সে দৃষ্টি তার সঙ্গী। প্রায়টি মুখে বলতে সঙ্কোচ বোধ করছে। কোথায় যেন একটা কিছু রয়েছে। যাকে যুক্ত করা যায় ওই অমর চক্কাতির পালিয়ে আসা কন্ঠাটির সঙ্গে। ফ্লেন্ড কথার মানে কি তা নইলে?

নেলী মাথা হেঁট করে দাঁড়িয়ে পারের নখ দিয়ে মাটিতে গর্ত করতে চাইছিল। সেকাল হ'লে স্বচ্ছন্দে ব্যাখ্যা করে বলা যেতে পারত—মনে মনে বলছে—মা ধরিজী গহ্বর বিস্তার করে আমাকে গ্রাস কর, আমি লুকিয়ে বাঁচি। কিন্তু সে যখন ঘরের দেওয়ালের আত্মগোপনের আশ্রয় পরিত্যাগ করে এই সংবাদ 'তারে-তারে' দিগ্দিগন্তে ছড়াতে এসেছে—তখন ওকথা অচল।

নিত্য চৌধুরী বললে—দেখো না, বিপদের ওপর বিপদ! দাদার ওই অবস্থা আর শুভেন্দু পালিয়েছে। কাল সিউড়ি গিয়েছিল—জমিদারের কম্পেনসেশনের আড়াইশো টাকা পাবার দিন ছিল। আজ সকালে কিরবার কথা। আমার কর্মচারী মিশ্রও গিয়েছিল সিউড়ি। তার হাতে দেড়শো টাকা আর এক চিঠি খামে ভরে দিয়ে বলেছে—আমি একবার কলকাতা যাচ্ছি। বলবেন বাড়ীতে। চিঠিতে লেখা—ভাগ্যের সন্ধান আমি বাহির হইতেছি—আমার জন্তে ভাবিবেন না। ভাগ্য কিরাইতে পারিলে কিরিব। নইলে মৃত্যুকালে শক্তি থাকিলে সংবাদ দিব। সুখেন্দুকে ভাল করিয়া পড়িতে বলিবেন। ইতি শুভেন্দু।

অবাক হবার কিছু নেই। শুভেন্দু থিয়েটার-পাগলা—ওই পাগলামীতেই পাশ করতে পারে নি। কিন্তু এদিকে কোন বদখেয়াল অভদ্রপনা তার ছিল না। ডাক্তার থেকে পাঁচ বছরের জুনিয়ার ছিল ইস্কুলে। বয়সে বছর তিনেকের ছোট। ডাক্তারদের সময়ে ইস্কুলের অভিনয় টিমে ওই ছিল হিরো। সে তাকে ভাল করেই জানে। তার স্বপ্ন ছিল—সে সিনেমায় নামবে—কলকাতার থিয়েটারের অভিনেতা হবে। চেষ্টাও এর মধ্যে কম করে নি। ডাক্তার যখন মেডিকেল কলেজের ছাত্র, তখন সে কলকাতায় গেলে তার হোস্টেলে যেত এবং গল্প করত—কোন কোন স্টুডিয়োতে গিয়েছিল—কার কার সঙ্গে দেখা হ'ল। কে কি বললে—সেইসব কথা। শেষ একবার বলেছিল—নাঃ! ও আর হল না। বুঝলি আশু!

সে জিজ্ঞাসা করেছিল—কেন রে?

—কাল যা দেখলাম ভাই! আর শুনলাম! নাঃ—!

—কি দেখলি রে—কি শুনলি!

শুভেন্দু বলেছিল—সে কাল গিয়েছিল ইউনিভারসিটি ইনস্টিটিউটে বড় একজন অভিনেতা ডিরেক্টর সিনেমার গল্পকারের স্তুতিসভায়। সভাপতি ছিল—তাদেরই শ্রামাকিংকরবাবু। আর বড় বড় ডিরেক্টর সিনেমাস্টাররা ছিল প্রধান অতিথি বক্তা—উদ্বোধক এইসব। সভার শেষে সে শ্রামাকিংকরবাবুর সঙ্গে দেখা করবে এই মতলবে গেটের কাছে দাঁড়িয়েছিল। সভার সিনেমাস্টার ডিরেক্টররা শ্রামাকিংকরবাবুকে যে খাতির দেখিয়েছিল, তাতে তার ভক্তি বেড়েছিল শ্রামাকিংকরবাবুর উপর। এবং বুঝতেও পেরেছিল যে শ্রামাকিংকরবাবু যদি ভাল করে বলেটলে



দেন—তবে নিশ্চয় সে পাট পাবে। কিন্তুও পাবে—খিয়েটারেও পাবে। গেটের পাশে ভিতরে বাইরে লোকে জ্যাম করে দাঁড়িয়ে গেছে। কিন্তু-ভিরেক্টরেরা বের হয়ে গেল—যেতে দিন—যেতে দিন। তাদের যেতে দিল—তবুও কাউকে বললে—ওরে—‘রাধা’র বাবা যাচ্ছে রে। মানে রাধা ছবির ভিরেক্টর। কাউকে বললে—‘বড় বউ’য়ের স্বপ্নর যাচ্ছে। তারপর এক এক কিন্তু অ্যাক্টর বেরোর আর হৈ-হৈ ওঠে।—হা—! অমুক! ও দাদা! দাদামনি হে! এই যে—প্রেমের ঠাকুর! ও—কালচাঁদ! শেষকালে এল—সব থেকে বড় অ্যাক্টর। সে যেন ফুটবল ম্যাচে গোলে বল ঢুকে গেল!—এ—ই! তারপর সে যেন আমাদের দেশে নন্দোৎসবের নৃত্য। তিনি প্রথমটা হাসিমুখে হাত জোড় করে দাঁড়ালেন। নমস্কার করলেন। বললেন—যেতে দিন দয়া করে। কে কার কথা শোনে—? কেউ বলে—দাদা। কেউ বলে—ভাই ও ভাই। কেউ বলে—ও মানিক—কেউ কোন বইয়ের নামকের নাম করে ডাকে। কেউ গান ধরে দেয়—যে গান ছবিতে তার মুখে শুনেছে। তিনি এবার একটু কড়া স্বরেই বললেন—এ কি? যেতে দিন! রাস্তা দিন।—পথ ছাড়ুন। বাস—আর একখানা বল ঢুকলো গোলে।—রেগেছে। একজন এগিয়ে গিয়ে তার জামার হাত ধরে টানে, সঙ্গে সঙ্গে কেউ টাই ধরে, কেউ কোটের পিছন চেপে ধরল। এরপর কি হ’ত বলা যায় না। কিন্তু এই সময় বেরিয়ে এলেন শ্রামাকিংকরবাবু। সঙ্গে আরও কয়েকজন নামকরা লোক। তাঁরা এসে হাত জোড় করে বললেন—পথ দিন। যেতে দিন। তারা শান্ত হল—পথ দিলে। যারা নাচছিল তারা আর একরকম হয়ে গেল। গুঁরা বেরিয়ে গেলেন। তার সঙ্গে পথ পেয়ে অ্যাক্টর ভঙ্গলোকও বেরিয়ে গেলেন। এঁরা গাড়ীতে গিয়ে চড়লেন। চলে গেলেন। কিন্তু অ্যাক্টর ভঙ্গলোকের পিছনে লোকে ধাওয়া করলে তাঁর গাড়ী পর্যন্ত। ইনি শ্রামাকিংকরবাবুর থেকে অনেক জনপ্রিয়। অনেক। অনেক। কিন্তু—।

ঘাড নেড়ে শুভেন্দু বলেছিল—ভালবাসা প্রেম হলে রাহুর প্রেম। গিলে খায়। রবীন্দ্রনাথের একটি গান আছে—তোমার প্রেমে আঘাত আছে নেইকো অবহেলা। এদের ভাগ্যে দেখলাম প্রেমের সবটাই যেন অবহেলা না হোক, ব্যঙ্গ-কৌতুকে ভরা। শুধু চারজন বাদ। দেখেছি ভাড়া মশাইকে। বাপ রে—কি চাউনি!

একটু থেমে প্রসঙ্গটার অন্ত পর্ষায়ে এসে বলেছিল—শ্রামাকিংকরবাবুর বাজীও গিয়েছিলাম। খুব আদর করলেন। বললেন—কি খবর বল? আমি বললাম—সিনেমায় নামার কথা। তিনি বললেন—দেখ তুমি ভাল পাট কর আমি শুনেছি। কিন্তু সেখানকার ভালো এখানকার ভালো তো এক নয়, এটা তো মানবে। তা ছাড়া একটা গোড়ার কথা বলি। বল তো পৃথিবীতে নাচে কে—গায় কে? আমি হতভম্ব হলাম। কি বলছে?—তারপর বললাম—মাছুষ? তিনি বললেন—না। নাচে রূপ গায় স্বর—সুস্বর। কুস্বর যার তার গান কেউ শোনে না। আর যার রূপ নেই কুরূপ সে যতই ভাল নাচুক কেউ দেখে না! রূপের ছোটো দিক—একটা স্বাস্থ্য—অসুস্থতা শ্রীমুখমা। তোমার শরীর এমন রোগা, তাতে কোন্ পাট করবে। আগে শরীর ভাল কর। আরও কথা আছে। পড়তে হবে। না পড়ে বড়

অভিনেতা হওয়া যায় না। তোমাকে তো চরিত্রটিকে বুঝতে হবে—ক্যারেক্টার অ্যানালিসিস করে। পড়, শরীর ভাল কর। তা ছাড়া আরও একটা কথা বলি—

ছবির নায়কের ছবির জীবন আর অভিনেতার বাস্তব জীবন এক নয়। মোট কথা—খুব সূখের ক্ষেত্র নয়। ছবিটা হয়তো স্বর্গ—কিন্তু অভিনেতার মাটির মাহুষ।

উত্তর কিছু দিতে পারে নি। ফিরে এসে পথে তার কাছে ওই কথাগুলি বলে বলেছিল।—নাঃ, ও আর হল না। বুঝলি আশু।

পরের বছর শুভেন্দু প্রাইভেটে ম্যাট্রিক দিয়ে পাশ করেছিল। কিন্তু বাড়ীর সামর্থ্যের অভাবে আর কলেজে পড়তে পার নি। নানান চেষ্টা করেছে। অর্থোপার্জনের চেষ্টা। ব্যবসার যুগ। ব্যবসা করতে চেষ্টা করেছিল এটা ওটা সেটা—কিন্তু সবতেই ব্যর্থ হয়েছে। কিছুদিন চাষী হবার চেষ্টা করেছিল নতুন মতে। নদীর ধারে চৌধুরীদের অনেক জমি—সেই জমিটা কাঁটাতার দিয়ে ঘিরে নদী থেকে জল তুলবার জন্তে মোটর পাম্প কিনে চাষ করেছিল। ছোট একখানা ঘরও করেছিল। সেখানে সারাদিন থাকত। বই রাখত, পড়ত। চাষে ফসলও ফলল। কুমড়ো কপি হল বড় বড়। এখানকার চণ্ডীতলার মেলায় এখন একজিভিশন হয়—সেখানে শুভেন্দুর কপি কুমড়ো কার্শ হয়ে সার্টিকিকেটও পেয়েছিল। কিন্তু হিসেবনিকেশে দেখা গেল—টাকার অঙ্কে লোকসান ঠিক না হলেও—পাম্পের দাম বা ইনস্টলমেন্টে দেবার কথা, সে সব বাকী পড়েছে। সুতরাং—কোম্পানী আদালত মারকং নোটিশ করে পাম্প কেড়ে নিয়ে গেল, সময় তিন মাস রইল, যার মধ্যে টাকাটা শোধ করলে, পাম্পটা ফিরে পাওয়া যাবে। বারোমাসের বারশো টাকা তার উপর সুদ আদালত খরচা নিয়ে আঠার শো টাকা। কিন্তু সে টাকা যোগাড় হল না। হয়তো চেষ্টা করলে হ'তে পারতো, কিন্তু গোপাল চৌধুরী সে হতে দিলে না। চাষ করার বিরোধী সে গোড়া থেকেই। গোড়ায় বলত—ওতে কি হবে? চাষা হবি শেষে চৌধুরী বাড়ীর ছেলে।

এখন বললে—যা দিয়েছি যথেষ্ট দিয়েছি। আর এক ছটাক জমি কি গহনা আর আমি দেব না। বারো-চৌদ্দ বছর লেখাপড়া শিখে শেষে চাষ। চাষা হবি তো লেখাপড়ার কি দরকার ছিল?

ইদানীং মোজারী পরীক্ষার জন্তে তৈরী হচ্ছিল শুভেন্দু। গোপাল চৌধুরী তাতেও খুশী হয় নি। বলত—ওতে কি হবে! চামচিকে পক্ষী হয়? দূর!

তবে?

তবের উত্তর গোপাল চৌধুরী দিতে পারে নি। সে উত্তর জানে না। তবে একটি কথা জানত, বলত—ভগবানকে ডাক। তিনি পথ দেখাবেন। আমি কি করে বলব?

এই ঘটনার পর কিন্তু চৌধুরীর ও কথাগুলোও পালটে গেল। সে স্ত্রীর মুখের সামনে হাত নেড়ে বলেছে—কচু—কচু—কচু। ধর্ম—দেবতা—ভগবান—বাজে—মিছে—কচু।

শুভেন্দু সেই কারণেই ঘর ছেড়ে পথে বেরিয়েছে।—হয়তো ভগবানই পথ দেখিয়েছেন! বিচিত্র!

নিত্য চৌধুরী আশু ডাক্তারকে বললে—এইটেই শুছিরে লেখো টেলিগ্রাম। নেলি ইতিমধ্যে একটা খসড়া এগিয়ে দিলে। নিত্য চৌধুরী জিজ্ঞাসা করল—ওটা কে লিখলে রে নেলি? তুই?

নেলি তেমনি মাটির দিকে মুখ করেই পায়ের নখে মাটি খুঁড়তে খুঁড়তে বললে—আমি আর সীমা।

—সীমা? অমর চকোস্তির মেয়ে?

—হ্যাঁ।

—সে কিছু জানে নাকি কোথায় গিয়েছে? জানেটানে কিছু? তাকে চিঠিটিটি দিয়েছে নাকি?

—না, সে কিছু জানে না। আমি জানি সে জানে না। ওর সঙ্গে আমার খুব ভাব।

—কোথা কোথা টেলিগ্রাম করবি?

—মামার বাড়ী—কলকাতায় মেজদার কাছে।

—মানে রঞ্জনের কাছে? হ্যাঁ, তা যেতে পারে।

রঞ্জন নিত্য চৌধুরীর ছেলে—ডাক্তারী পড়ে।

নেলি বললে—আর—

নিত্য জিজ্ঞাসা করল—কে?

—শ্রামাকিংকরবাবুর কাছেও যেতে পারে।

—পারে। ঠিক ঠিক! তা লেখো ডাক্তার। ফর্ম আনি তিনটে।

লিখতে লাগল ডাক্তার।—বল, ঠিকানা বল নেলি। আমি শ্রামাকিংকরবাবুরটা লিখে নিচ্ছি। ক্যালকাটা টু। শুভেন্দু মিসিং। ডিটেন ইফ গোজ টু ইউ। ওয়ার—কার নাম দেব? গোপালবাবুর?

—না, কাকার নাম দাও।

—তাই ভাল। টেলিগ্রামের উত্তর এলে তোমার বাবার মাথা খারাপ হবে।

ডাক্তার দ্বিতীয় ফর্ম টেনে নিলে। কি বললে—ঠিকানা বলুন—

—রঞ্জন চৌধুরী—মেডিকেল কলেজ হোস্টেল—লেখো।

ডাক্তার তখন থেমে গেছে। সামনের দিকে তাকিয়ে আছে—যেন সাধারণ যা দেখতে পায় না তেমনি কিছু সে দেখতে পেয়েছে। একটি স্বভির টুকরো ছবি হয়ে সামনে ভেসে উঠেছে। মনে পড়ে গেছে একটা কথা। এই তো আট মাস আগে। সবে তখন পাশ্পটা কেড়ে নিয়ে গেছে কোম্পানী; শুভেন্দু বেকার হয়েছে, সেই সময় একদিন তার ডাক্তারখানায় বসে খুব হাসতে হাসতে বলেছিল—বলেছিল—বল্ তো আশু, সত্যিই পটাসিয়াম সাইনাইডে যন্ত্রণা হয় না? আর ধর অল্প বিবে যখন অজ্ঞান হয়ে স্পাজ্‌ম্ হয় তখন যন্ত্রণা-বোধ থাকে?

শঙ্কিত হয়ে আশু বলেছিল—কেন? এ খোঁজ কেন? খাবি-টাবি নাকি?

—তুই বল না।

—না। কিন্তু হল কি বল? প্রেম?

—দূর! প্রেম-ট্রেম দূর অন্ত। ভাবছি বেঁচে কি করব।

—ভাবিস নে। অবস্থা ভাল হবে—বিয়ে হবে—

—দূর! ওইটুকুতে কি হবে?

—তবে পলিটিক্স কর, মন্ত্রী হবি।

—ভাগ—পুরনো আমলে পলিটিক্স করে সুখ ছিল, ফাঁসী গিয়ে আত্মহত্যা করে শহীদ হওয়া যেত। এ আমলে যে সে সব গোলমাল হয়ে গেল! পলিটিক্সে মরা বড় কথা নয়, মারা বড় কথা। নিঃশেষে প্রাণ যে করিবে দান ক্ষয় নাই তার ক্ষয় নাই—এ কথাটাই বাজে হয়ে গেল। লক্ষপতি কোটিপতি হলেও লোকে গাল দেয় বডলোক বলে। টাকাপয়সায় রোমান্স নেই। একমাত্র প্রেম করে মরা যায়। তাই বা তেমন প্রেমিকা কই? আমি এতদিনে আত্মহত্যা করতাম। করি না কেন জানিস?

—কি করে জানব—তুই না বললে।

—ওই যে কাগজে লিখবে—শুভেন্দু চৌধুরী দুঃসহ বেকার জীবনের দুর্বিষহ যন্ত্রণা সহ্য করিতে না পারিয়া আত্মহত্যা করিয়াছেন—ঐ জন্তে। মরবার মত একটা রোমান্স নেই যে একালে প্রেম আর বেকার যন্ত্রণা বাদ দিয়ে। যদি মরি আমি তবে ওই জন্তেই মরব। লিখে যাব—মরবার মত রোমান্স নাই বলিয়াই আমি মরিতেছি। বুঝলি?

সেদিন সবটাই পরিহাস বলে মনে হয়েছিল। আশু বলেছিল—একসেলেন্ট হবে। খুব সেনশেনস হবে। এবং সত্যিই তাকে শহীদ বলবে লোকে।

কথাটা পরিহাসের তাতে সন্দেহ ছিল না সেদিন।

তারপর মনে পড়ল—শুভেন্দুর মুখ; যেদিন সে তার বাবাকে নিয়ে ডাক্তারখানায় এসেছিল গাড়ী করে।

সে তাকে ভিরঙ্কার করেছিল—নিয়ে এলি কেন তুই? আমাকে ডাকলি নে কেন?

শুভেন্দু গ্লান হেসে বলেছিল—আনলাম। একটু হেসে আবার বলেছিল, কথাটা তো চাপা থাকবে না।

—সে থাক আর না থাক তুই আমাকে খবর দিয়ে দেখলি নে কেন? দেখ তো ভিড়।

—সে ঝগড়া পরে করবি। এখন দেখ।

তারপরই সে বেরিয়ে এসে দরজার বাজুতে ঠেস দিয়ে শুক হয়ে দাঁড়িয়েছিল। গোপাল চৌধুরীর মাথায় করেকটা চেলা কাঠির কুচি পাওয়া গিয়েছিল। বেঁধে দিয়ে সে শুভেন্দুকে বলেছিল—না রে, এনে ভালই করেছিলি। এখানে আনার অনেক সুবিধে হল।

শুভেন্দু উত্তর দেয় নি। কেমন যেন হয়ে গিয়েছিল।

সেই কথা মনে পড়ে ডাক্তারের কলম থেমে গেল।

নিত্য চৌধুরী বললে—কি হল ডাক্তার ? লেখ ।

—লিখছি । সে খস খস করে লিখে গেল । রক্তনের ঠিকানা সে জানে । সে ডাক্তার, রক্তন মেডিকেল স্টুডেন্ট । দেখানে শুভেন্দু যাবে না । জীবনের প্রতিযোগিতা তার খুড়োদের সঙ্গে বটে—কিন্তু প্রতিদ্বন্দ্বী তার রক্তন ! থাক, সে কথা বলে কাজ নেই ।

—বলুন এবার আমার বাড়ীর ঠিকানা ।

—বল নেলি ।

### ১৩

শুভেন্দুর খোঁজ কোথাও পাওয়া গেল না । সকল জায়গা থেকেই জবাব এল—দুখানা টেলিগ্রামে একখানা পত্রে । পত্রখানা আমার বাড়ীর । সব জায়গার এক খবর—না—শুভেন্দু আসে নি । গোপাল চৌধুরী শুনে খুব বেশী চেষ্টামেচি করলে না । কপাল ভাল, ধীরে ধীরে সুস্থ হয়ে আসছে । অনেকটা স্বাভাবিক হয়ে এসেছে । তবে ভুল হয়ে যায় । নাম ভুল হয়, দশটা কথা বলতে গেলে দুটো তিনটে কথা অসংলগ্ন হয়ে যায় । আশু বলেছে এবং যোগপুরের ঐক ডাক্তার বলেছে ও একটু-আধটু থাকবে । তবে সাবধানে থাকতে হবে ।

চৌধুরী চটে উঠল কথাটা শুনে—। জেনেশুনে মরবার জন্তে কেউ অসাবধান হয় নাকি । ডাক্তারগুলোর কি বুদ্ধিসূজি নেই ?

—না । কোন বুদ্ধি নেই ওদের । ওরা ঘোড়ার ঘাস কাটার উপযুক্ত । তা ভগবানের অবিচার । ওদেরই দালান-কোঠা হয় ! আর বুদ্ধিমানেরা ওদেরই ডেকে ছু টাকা ষোল টাকা ফি দেয় ।

চৌধুরী বৃশ্চিক দংশনের জালায় যেন লাক দিয়ে উঠতে চাইলে । কিন্তু থচ্ করে কোমরে একটা নিষ্ঠুর যন্ত্রণা অনুভব করে কাতরে উঠল—ওরে বাবা রে । ওরে বাবা: রে ।

নেলি ছুটে গেল—কি হল বাবা ? মাথায়—

—না—না—না । কোমরে ! কোমরে ! কোমরে রে !

—কি হল ?

—শিরা—শিরা ছিঁড়ে গিয়েছে রে ।

—টিপে দি ।

—দে । দে ।

কিছুক্ষণ পর যন্ত্রণা কমে এলে চৌধুরী কাতর আক্ষেপে বললে—এ কি বিপদ হল বল দেখি ! আশ্বিন মাস, সামনে পূজা, ধান উঠবে । আধ কাটা আছে । মাড়াই করতে হবে, শাল বসেছে । ও দিকে মাঠ থেকে ধান চুরি যাবে । এখন আমি যদি উঠতে না পারি—।

ওঃ—এমন শত্রু পুত্র মাছুষের হয়? কখনও—কখনও তোমার দুর্ভাগ্য ঘুচবে না—ঘুচবে না—ঘুচবে না।

—কি বলছ? আতঁধরে তিরস্কার করলে চৌধুরীগিন্নী।

—কি বলব বল? ভুলটা সঙ্গে সঙ্গে বুঝেছে চৌধুরী। ভাঙা গলায় পরমুহূর্তে বললে—অনেক দুঃখে বলছি। তার জন্তে তো নেহাৎ কম করি নি। ছেলেবেলায় কত ভেবেছি—আমি পারলাম না—আমার শুভেন্দু পারবে—বংশের মুখ উজ্জল করতে। ওই ছোটটা—সুখেন্দুটার জন্ত কতটুকু করেছি? নেলির বিয়ে দিতে পারছি নে। তার তুলনায় শুভেন্দুর কত করেছি তুমি বল। আজ সে পালাল। কি? না ভাগ্যের সন্ধানে। আমার ভাগ্য! আমাকে এই শরীরে যেতে হবে এবং কোনদিন মাঠের উপর উপড় হয়ে মরে পড়ে থাকতে হবে।

নেলি বললে—ভেবো না বাবা, আমি যাব মাঠে, গিয়ে পাজা গুনে আসব। পাজা গোনা আমি জানি। আর মা খামারে ধান ভাগ বুকে নেবে।

এবার আর চৌধুরীর সহ্য হল না। হাত নেড়ে ক্ষিপ্তের মত বলে উঠল—হ্যাঁ—হ্যাঁ—তা হলেই ষোল কলা পূর্ণ হয়—চৌদ্দপুরুষ ওপার থেকে ধন্য ধন্য করে। আর ঐ বৃহস্পতি ভাছুগান বেঁধে গেয়ে বেড়াক মূল্লুকময়—

ভাছ আমার মাঠে মাঠে পাজা গুনে

বেড়াইতেছে—

গোপাল চৌধুরীর হায় মন রসনা—

সৌভাগ্যটা একবার দেখে যাওগো।

চৌধুরীগিন্নী যে চৌধুরীগিন্নী বিরস বিষন্ন বদনা বলে প্রসিদ্ধা তিনিও গান শুনে হেসে ফেললেন স্বামীর কবিত্বশক্তি এবং সঙ্গীত-পারঙ্গমতা দেখে। নেলিও মুখ ঘুরিয়ে হাসছিল। চৌধুরী চটে গিয়েই বললে—হাসছ যে?

চৌধুরীগিন্নী বললে—তোমার ছড়ার বাহারে আর সুরের মাধুরীতে।

এবার নেলি খিল খিল করে হেসে উঠল—আর আতঁসস্বরণ করতে পারল না।

চৌধুরীও হেসে ফেললে নিজেকে। বললে—হাস। তা হাসতে পার। তা—ও হারামজাদী ছড়া বানায় ভাল। ভয় তো সেখানে। কিছু পেলে হয়।

\*

\*

\*

কথা সত্য। আজ মাসখানেক নতুন ছড়া বাঁধবার মত কোন খবরের সন্ধান পায় নি নসু। ওই যে একদিনে দুটি ঘটনা ঘটে গেছে—তারপর চন্দনপুর যেন ঝিমিয়ে গেছে। সেদিনের ঘটনার একটি নিয়েই নসু ভাছ তৈরী করেছিল—তাও গাইতে গিয়ে সতীশ ঘোষালকে নিয়ে যে বিপদ ঘটেছে তা নসুর কল্পনাতীত। এমন কখনও হয় না। অগর চক্কাভি রাগতে পারে—কিন্তু সতীশ ঘোষাল এমন আগুন হল কেন?

নসু বলে—ক্যানো বলো দিকিনি বেরাই।

কটিকদাস বলে—ব্রজা বিষ্ণু মহেশ্বরে

দিতে নারে সীমা—

✽

কি করে বলিব বল তাহার মহিমা ।

—তা বলেছ ঠিক । কিন্তু নোকটি তাই এমন নয় । বুয়েচ ? গানে ভারী দখল । আমাকে মধ্যে মধ্যে দেখিয়েছেন । বুয়েচ ! গলাটি সরেস নয় । একটু নীরস বিরস বটে, কিন্তু খোঁচখোঁচ যা দেখায় তা বলিহারি । ছড়াও লেখে । কি সব—তোমার ওই সব জজ-ম্যাজিস্টর—হাকিম-হকিম, ই কে করলে—উ কি করলে তাই নিয়ে । আমি ভাই রসের ভিয়েন জানি—গুড়ের ভিয়েন—লবণ লঙ্কা-মরিচ আদা ই নিয়ে কারবার বুঝি না । তা ভাই পারে তো । সে মাছুষ এমন ক্লেপে গেল । যা গেল । উ ভাতু আমি গাই না । লোকে জিরি-বিরি করে ধরে তখন গাঠ ।

—তা ভাল কর । নতুন ভাতু তৈরী কর ।

—কি নিয়ে করব ? ঘটল কি ? সব যেন ঝিমিয়ে পড়েছে । তা তুমি তো পট আঁকছ খুব । দেখাও না তো একদিন !

কটিকদাস শুধু পুতুলই করে না । ও পটও আঁকে । পটুয়ারা কাপড়ের উপর কাগজ সেন্টে লম্বা গুটানো পট আঁকে—কটিকদাস তা আঁকে না—তবে কাপড়ের উপর দিয়ে সাঁটা কাগজে খাত বেঁধে তাতে তুলি দিয়েই ছবি আঁকে । ছড়াও বাঁধে । এক একটি ছবির তলায় এক-একটি ছড়া । সেও দেখায় না কাউকে । অবশ্য বেয়ান নসুবালো ছাড়া । তারও সময় আছে । রাত্রিকালে পুতুল গড়ার কাজ সেরে ঘরের ভিতর একটি কাঠের পিলস্বেজের উপর রেড়ির তেলের প্রদীপ জ্বলে—চশমা চোখে রঙ তুলি খাতা নিয়ে বসে । নসুবালো সঙ্কায় গান-বাজনার মজলিস সেরে বাড়ী গিয়ে ভাতুমণিকে পৌঁছতে আসে । বেয়াইয়ের রসিকলালের কাছে তখনই উঁকি মেয়ে দেখে যায়—তার ছবি আঁকা । সন্ধ্যাবেলা আসরে যে ছড়া বেয়াই বলে—তারই পট আঁকে । সবগুলোর নয়—ছোটো চারটির ।

সেই আকৃতির বাবুর ফালে জমি সেলাইয়ের ছড়াটির পট লিখেছে । সে দেখেছে নসু । খাসা হয়েছে । সেই থলথলে ভুঁড়ি—সেই টাক—সেই ফোকলো মুখে সামনে একটি দাঁত—সেই শুকনো ভাইপোটি সব ঠিক । ছড়া শুনে কোট পেণ্টুল পরা সাহেবের সেই ছানাবড়া করা চোখ সব অবিকল !

কটিকদাস বললে—বেয়ান, যে কাণ্ড তোমাকে নিয়ে হল তাতে ছবি আঁকাই ছাড়তে হয় । তা তো ভাই পারি না । উটি আমার নেশা । চণ্ডুর নেশার মতন । তা ভাই তোমাকেও দেখাই না—। চামড়ার মুখ তো—লোহার তো নয় । কোথা কসকে কাকে বলবে—বিপদ হবে ।

নসুবালো বললে—উঠলাম ভাই ।

—কেন ? রাগ হল ?

—রাগ ? বাবারে—তুমি ছেলের বাপ—আমি মেয়ের মা । রাগ করতে পারি ?  
পারে মাথার সমান হয় ?

—তবে অভিমান ?

—অভিমান ! রসের নাগর আমার আচ্ছা বেহায়া তুমি । বদ মতলবী মানুষ কোথা-  
কার, এই বয়েসে আমার কপালে কলঙ্ক দেবা তুমি ! আমার মান ভাঙাবে ! তোমার বষ্টুমী  
খুঁজে আনো—এনে মানভঞ্জন কর ।

—তবে কি করব বল !

—ক্ষমা চাও । বল এমন বাক্য বলব না !

—বলব না ।

—গোপন কিছু রাখব না ।

—গোপন কিছু রাখব না ।

—বেশ—তা হ'লে—দেখাও ।

—দেখ । —এই দেখ আকুটির বাবু । কাল দিয়ে জমি সেলাই ।

—চমৎকার হয়েছে । মেডেল পাবা । উ দেখেছি ।

—তা পরেতে—এই দেখ তোমার—সতীশ ঘোষালের বক্তিতে ।

—হঁ । ভাল ! বেশ ডেলা পারা করেছে চোখ দুটো । ওঃ, হাতের আঙ্গুলটা আকাশ  
বাগে তীরের খোঁচার মতন হয়েছে ।

—এই তুমি ।

—হ্যাঁ । তাই তো বটে । এই—আমি ! তার পরেতে এটা কি হে ? ই যে অনেক নোক ।  
ও বাবা ! কে গো । এই—জাকো । গো বলে কেললাম । গা—গা । হ্যাঁগা ! এ  
কে ?

—ই সব সেই ইনকিলাব জিন্দাবাদ ! কৃষি ঋণ আদায় চলবে না—চলবে না—চলবে  
না—

ঋণ আদায় করিলে ধান—ফলবে না—

ফলবে না ।

ইনি হলেন সেই ভোট পাওয়া বাবু ।

—আচ্ছা । এই বুঝি ঝাঙা ! হ্যাঁ । তা পরেতে এটা ? এও যে অনেক লোক গা ?  
আবার কবে—লাল ঝাঙা এসেছিল ?

—উহঁ । এ তেরঙ্গা হে । দেখতে পাচ্ছ না ?

—তেরঙ্গা ? হ্যাঁ এই তো তিন রঙ । তা এ কোন্ রঙ্গ—তা বল ? অ—হ—হ । ভবানী-  
বাবুর বোরো ধানের মিটিং । হ্যাঁ—হ্যাঁ বটে তো । এই বুঝি ভবানীবাবু ?

—হ্যাঁ—। শোন—

কৃষি ঋণের আদায় বন্ধ আনলে সব



লাগাও বোরো ধান—

ভেরজা বাণ্ডার পাণ্ডার কথা কর অবধান ।

লাল কাণ্ডা মেছোদের দিকে ।

চাবীর বন্ধ ভেরজা—

ভাত আগে না মাছ আগে—জিজ্ঞাসা করেকা ।

—ভাল ভাল রে বেয়াই আমার রসিকলালের বাবা ।

নসুবালা হেসে গড়িয়ে পড়ল ।

॥ ১৪ ॥

শুভেন্দু বর্ধমান-স্টেশনের থার্ডক্লাস ওয়েটিং রুমে বসেছিল । রাত্রি তখন প্রায় তিনটে । তিনটে বাজতে কয়েক মিনিট বাকী । সে ঘর থেকে বেরিয়ে এসেছে ভাগ্য অন্বেষণের পথে । ভাগ্যকে কেহাতে পারলে কিরবে । না পারলে এই বৃহৎ পৃথিবীর জনতার মধ্যে নিজেকে হারিয়ে দেবে । বাড়ী আর সে কিরবে না । হারিয়ে যাবার পথ অনেক ! অনেক পথ । তার মধ্যে সে দুটো পথ বেছে রেখেছে । গেরুরা পরে মাথার জটা তৈরী করে দাড়ি গৌফ রেখে হারিয়ে যাওয়া । অথবা পাপ করে পাপী হয়েও হারিয়ে যাওয়া । দুটোর একটা । হয় সন্ন্যাসী নয় ক্রিমিষ্ঠাল । তবে প্রথমেই সে চেষ্টা করবে—তার বাবার জীবনে বাবার কর্মদোষে হারিয়ে ফেলা তাঁদের বংশের সেই পুরনো ভাগ্যের সাজ্জল্য এবং গৌরবকে ফিরিয়ে আনতে ।

সে বুঝতে পারছে তাদের বৈষয়িক অবস্থার অবস্থান্তরের মধ্যেই সে ভাগ্য তাদের হারিয়ে গেল । চোখের সামনে পুকুরের জলে একখানা রূপোর থালার মত পিছলে খানিকটা তেরছা ভজিতে তলার দিকে ভেসে গিয়ে একেবারে অদৃশ্য হয়ে গেল ।

লক্ষ্মী নাকি চঞ্চলা তার অনেক গল্প সে শুনেছে । গল্প শুনেতে হবে কেন, তার অনেক প্রমাণ তো তার চোখের ওপর । তার পিতৃপিতামহের ভাড়া বাড়ীই তার প্রমাণ হিসেবে দাঁড়িয়ে আছে । দাঁড়িয়ে আছে তাদের গোটা বংশটার ওপর বৃত্ত্যদণ্ডের মত । মুঘল নবাবী আমলের জমিদার তারা, খেতাবে চৌধুরী এককালে একটা পরগণা জায়গীর পেয়েছিল । গোটা গ্রাম জুড়ে চৌধুরীদের পাকা বাড়ী । কালক্রমে সবই ভাঙ্গা আর কাটা—কাটা আর ভাঙাতে পরিণত হয়েছিল । পুরনো ভাঙ্গা বাড়ীগুলোর প্রত্যেকটিরই এক একটা অংশ পরিত্যক্ত । তা বসবাসের অযোগ্য হয়ে গেছে । সাপ খোপের বাসা হয়েছে । নিত্যই দু-দশখানা ইট ভেঙে খসে পড়েছে । কোন কোন দিন অকস্মাৎ একটা হুড়মুড় শব্দ তুলে খানিকটা ছাদ বা একটা খিলেন বা একটা পাঁচিলের আখখানা কি গোটাটাই ভেঙে পড়ে । তার থেকেও ভয়ানক হয়ে আছে সকল চৌধুরী বাড়ীর সাজার চণ্ডীমণ্ডপের সামনে তিরিশ-পঁয়ত্রিশ ফুট উঁচু পঙ্কের কাজ করা তিন-খিলেনের ফটকটা । সেটা আজও দাঁড়িয়ে আছে,

কেটে চৌচির হয়ে গেছে তবুও আছে। শরিকরা 'আজও পর্যন্ত ওটাকে ভাঙবার জন্য একমত হতে পারলে না। সকলেই বলে—থাক থাক—যতদিন আছে—ততদিন থাক। চৌধুরীদের সবই তো গেছে—ফাটাকুটো হয়েও ওইটেই যা আছে। ওই দেখেই মাছুষ অবাক হয়ে বর্তমানে ভিত্তিহীন চৌধুরীদের মুখের দিকে তাকায়। ওই ফটক দিয়ে একদা হাতীর পিঠে হাওদার উপর রঙীন ছত্রতলে বসে চৌধুরী বংশের কুলদেবতা শ্রামচাঁদ স-সমারোহে বনভোজনে যেতেন। ওই ফটক দিয়েই রথযাত্রার সময়ে শ্রামচাঁদের কাঠের রথ 'বের হ'ত—; ওই ফটক দিয়ে চৌধুরী বাড়ীর ছেলে বউ, মেয়ে-জামাই চতুর্দল চড়ে বাড়ী ঢুকত। আজও যে চৌধুরী বাড়ীরই ছেলেমেয়ের বিয়ে হোক—সে বিয়ে হয় ওই শ্রামচাঁদের নাটমন্দিরে এবং আজও ওই থিলেনের তলা দিয়েই চতুর্দলের বদলে পায়ে হেঁটে বেরিয়ে গিয়ে হয় গরুর গাড়ীতে নয় পাখীতে নয় সাইকেল রিক্সায় গিয়ে চাপে। ওদের মধ্যে যে দু'এক ঘরের অবস্থা ভাল আছে তারা এখন রেলস্টেশন থেকে মোটর ট্যাক্সি ভাড়া করে আনে।

কোন দিন হয়তো কোন নতুন বর ক'নে এবং তার সঙ্গে কোন চৌধুরী বাড়ীর ছেলেমেয়েদের মিছিলের মাথায় হুড়মুড় করে ভেঙে পড়বে থিলেনটা, হয়তো সকলেই শেষ হয়ে যাবে। সে কথা সকলেই বোঝে—মুখে বলেও সকলে—কিন্তু ভাঙতে মত কেউ দেয় না। বলে, থাক। পড়বে, যেদিন পড়বার সেদিন আপনিই পড়বে। তাতে যদি কারুর চাপা পড়ে মরাই নিয়তি-নির্দেশ হয়, তো—তারা তাই মরবে।

শুভেন্দুর ঝপ্ করে মনে পড়ে গেল—সেদিনের কথা। যেদিন তার পৈতৃক গ্রামের বর্তমান কালের উঠতি কুবের—রাইস মিলের মালিক দে মশাই তার বাবার সঙ্গে দেখা করতে এসে-ছিলেন সে দিনের কথা। বাবা তাকে বলেছিলেন শুকঠাকুর! ভ্রম হয়েছিল বাবার নিশ্চয় কিন্তু এমন ভ্রমেরও মানে আছে। কারণ বাবা তাকে বলেছিলেন—বিচার করুন। দেখুন কেমন করে আমাকে মেরেছে! প্রতিবিধান করুন। ঈশ্বরকে ভগবানকে বলুন।

দে মশাই অপ্রতিভ হয়েছিলেন মনে মনে—কিন্তু অসঙ্কট হন নি। এবং বেশ শুছিয়ে সাঙ্ঘনাও দিয়েছিলেন। এসব ছাড়া আরও কিছু আছে। সেটা লক্ষ্য করেছিল শুভেন্দু। তাদের সেই পুরনো আমলের বাড়ীখানার দিকে দে মশাইয়ের তাকিয়ে তাকিয়ে দেখার কথা মনে পড়ছে শুভেন্দুর। চোখে বিন্ধরের কথা মনে পড়ছে। সজ্জমের কথা মনে পড়ছে।

বলেছিল—'কালস্ত কুটীলা গতি।'

কালের গতি কুটীল এ সকলেই জানে। এক পড়ে, এক ওঠে—এক কূল ভাঙে অস্ত্র কূল গড়ে এ নিয়ম সনাতনই বটে। কিন্তু এ এক আশ্চর্য কাল।

ভারতবর্ষ স্বাধীন হল। যখন হ'ল তখন সকলেই খুব খুশী হয়েছিল। ইংরেজের সাম্রাজ্য গেল। দেশের রাজা-মহারাজা—নিজাম নবাব সুলতানদের রাজ্য গেল—তাতে আশ্চর্য একটা আনন্দ উল্লাস অছভব করেছিল শুভেন্দু। শুধু শুভেন্দু কেন—শুভেন্দুর বাবাও করেছিল।

তারপর জমিদারী উচ্ছেদ বিল পাশ হল। তখনও খুব খুশী হয়েছিল শুভেন্দু। তারাও

জমিদার—তাদের জমিদারি গেল—কিন্তু তাতে খুব দুঃখিত হয় নি শুভেন্দু, যা হালান্নামার ব্যাপার হয়ে উঠেছিল—এই জমিদারির লাট বা রেভেন্যু চালানো এবং প্রজাদের কাছে খাজনা আদায় করা; তাতে জমিদারি গেছে বেশ হয়েছে। তাছাড়া তাদেরই জাতি—ধনী জমিদার রায়-চৌধুরীদের এই এলাকার পনেরআনা জায়গা জোড়া মালিকানার একাধিপত্য গেল—এইটেই হয়েছিল বড় সাধনা।

তার বাবার অভ্যাস—উবু হয়ে বসে গড়গড়ায় কাঠের নল লাগিয়ে তামাক খায়। সেইভাবে বসে তামাক খেতে খেতে বাবা বলেছিল—উঁহ-উঁহ—ওরা ঠিক থাকবে! যেতে আমরাই গেলাম। ওদের যে টাকা আছে—কলকাতার ব্যবসা আছে—ওরা যাবে না।

বাবার কথা মিথ্যে হয় নি। রায়চৌধুরীরা তাদের দশরাজির জাতি—তাদের পুরনো কালের সম্পত্তির অংশীদারও বটে—তারা যায় নি। তারা নতুন করে ভিত গড়েছে। তাদের ব্যবসা আছে লোহার কারখানা আছে—কয়লার খনি আছে, অস্ত্রের খনি আছে, সে যেমন ছিল তেমনি আছে—তাতে কেউ হাত দেয় নি—তারই টাকা থেকে তারা নতুন করে দেশের কাজে নেমেছে। হেলথ সেন্টারের জায়গা জমি দিয়ে—কিছু টাকা দিয়ে হেলথ সেন্টার করাচ্ছে সরকারকে দিয়ে; বালিকা বিদ্যালয় করাচ্ছে। তারা নতুন করে নাম কিনছে। আগে ওরা ছিল ব্রিটিশ সাম্রাজ্যের অল্পগত পোষা পাখী। তারা যা বলাতো তাই বলতো,—যা করতে বলতো তাই করত,—আজ ইংরেজ সরকার নেই,—তারা যাবার সময় পাখীদের পায়ের শিকলি খুলে বা কেটে দিয়ে ‘উড়ে যা’ বলে ছেড়ে দিয়েছে—কিন্তু ওদের পাখা জমে গেছে—উড়বার শক্তি নেই—যাবে কোথায়—? অগত্যা পায়ের কাটা শিকল বাজাতে বাজাতে কংগ্রেস সরকারের দাঁড়ে এসে—শিস দিয়ে ডাকছে—বলছে—‘মথুরারাজের জয় হোক।’ ‘মথুরাপতি কি জয়।’

সদর সহরে কমপেনসেশন আপিসে দেবোত্তরের জন্ত একটা টাকা সরকার থেকে মঞ্জুর হয়েছিল—সেই টাকা আনতে বাড়ী থেকে বেরিয়ে শুভেন্দু—আর বাড়ী করে নি। টাকাটার তিনভাগ লোক মারকং বাড়ী পাঠিয়ে দিয়ে, বাকী সিকি টাকা নিয়ে সে বেরিয়ে পড়েছে ভাগ্যের সন্ধানে। ভাগ্য তাকে কেবোতেই হবে।

প্রথম প্রথম দেশের স্বাধীনতা—জমিদারী-উচ্ছেদ সমাজতন্ত্রবাদ শিল্প-বিপ্লব, কৃষি-বিপ্লব সমাজবিপ্লব নিয়ে খুব উৎসাহ পেয়েছিল। উচ্চ নীচ, ধনী নিধন, বড় জাত-ছোট জাত থাকবে না। বিদ্বান-মুর্থ—গুণী নিগুণ পুরো ঘোচানো ঠিক যায় না, তবে তকাংটা সংখ্যার দিক দিয়ে এবং মাত্রার দিক থেকে কমানো যায় বই কি। একটা নতুন দেশ সে কল্পনা করেছিল।

তার কিছুটা হয়েছে। হয় নি এ কথা বলবে না। তবে যা হয়েছে তাতে দেশের মুখ আরও কালো হল। তার বাবা লেখাপড়া শেখে নি, জমিদার বাপের ছেলে; এ অপবাদ ছুটো সত্য, কিন্তু তা ছাড়া তার বাপের আর কোন্ অপরাধ ছিল? নিরীহ মানুষ নিজের লেখাপড়া না শেখা অপরাধের জন্ত সঙ্কুচিত লজ্জিত মানুষটি বাড়ীর এলাকার মধ্যেই ঘোরাফেরা করেছে; নিজের ছেলেমেয়েদের উপরেই তর্ষি জুলুম করেছে কিন্তু বাইরের কোন লোকের সঙ্গে কোন বিরোধই কোনদিন করে নি। একটা ব্রাত্য জাতের মানুষ, পেশার চোর, কাঠ চুরি করার জন্ত

তার বাবা তাকে মারতে গিয়েছিল, ধরতে গিয়েছিল—সেটা কি তার অপরাধ! সেই অস্বস্তি জ্বাংতে চোরটা তার হাতের জুতো কেড়ে নিয়ে তাকেই মাথার মেয়ে চলে গেল অথচ তার সাজা হ'ল না। এই স্বাধীনতা। এই সমাজতন্ত্র!

অন্ত-সময় হলে বা অন্ত কারুর বাপের এমন অবস্থা হলে—তার অভিমানাহত মনের এমন প্রশ্নের অনেক জবাব দিয়ে—শুভেন্দু তর্ক করত। কিন্তু সে-সব যুক্তি আজ তার মনেই পড়ল না।

আজ তার চোখের সম্মুখে একটা সত্য দিনের আলোর মত পরিষ্কার হয়ে ফুটে উঠল।

বড়লোক রায়চৌধুরীরা যেখানে ছিল সেখানেই আছে। জমিদারী নিয়েও তাদের কেউ স্পর্শ করতে পারে নি। নতুন বড়লোক হয়েছে মিলওয়ার দে। সে দিন-দিন তরাইজঙ্গলের সবল সতেজ শাল গাছের মত হু-হু করে বাড়ছে।

আর নিচে থেকে কাঁটা গাছের ঝোপগুলি সতেজে বেড়ে উঠে তলার দিকটা ভরে তুলছে।

মরছে মাঝারি শাল-সেগুনের দুর্বলগুলি। শুকিয়ে শুকিয়ে মরছে। মরছে তারা। অর্থাৎ মরছে তাদের মত মধ্যবিত্তেরা।

না তা হবে না। সে মরবে না। সে বাঁচবে। তার নিজের সঙ্গে তার বাবাকেও সে বাঁচাবে। তাদের বাড়ীকেও সে বাঁচাবে। দেশ—জাতি জাতীয়তাবাদ দেশের মঙ্গল সমাজের মঙ্গল এ-সব, ওই কর্তা যারা তারা করুক। যারা লীডার—তারা করুক। তাকে বাঁচতে হবে। শোধ নিতে হবে। টাকা রোজগার করে প্রচুর টাকা নিয়ে তাকে ফিরতে হবে। তার একটা পথও সে মনে মনে ঠিক করে ফেলেছে। সহজ পথ। অত্যন্ত সহজ পথ। অনেক আগেই এই পথ ধরা তার উচিত ছিল। কিন্তু কোথা থেকে যে একটা কিন্তু এসে তার পথ আটকে দাঁড়িয়েছিল, তা সে বলতে পারে না। সে কিন্তুটাকে এতদিন কিছুতেই লঙ্ঘন করতে পারে নি। আজ আর তার বাধা নেই। দ্বিধা নেই। সব বাধা দ্বিধা ঘুচে গেছে।

সে ঠিক করেছে সে কলকাতায় গিয়ে সিনেমায় নামবে। স্কুল-জীবনে পূজোর সময় থিয়েটার হতো তাতে সে ছিল হিরো। প্রাইজের সময় সে রেসিটেশন করেছে, সব থেকে ভাল করেছে। শুধু তাই বা কেন? যারা দেখেছে তারা সকলেই বলেছে এমন কি জেলা ম্যাজিস্ট্রেট পর্যন্ত বলেছিল এমন রেসিটেশন তিনি শোনেন নি।

কচ ও দেবযানীতে সে কচ আর দেবযানী ছিল সীমা। চিত্রাঙ্গদাতে সে অর্জুন, চিত্রাঙ্গদা সীমা।

চিত্রাঙ্গদা দেখে তাদের গ্রামের শ্রামাকিকরবাবু তাকে বলেছিলেন—তুমি তো দেখি চন্দন-পুরের অগুরু চন্দন হে! করেছেও বড় ভাল। কিন্তু অর্জুন তোমাকে মানায় নি!

শ্রামাকিকরবাবু শ্রামাকিকর বন্দ্যোপাধ্যায় বাংলাদেশের খ্যাতিমান মাহুব। কবি নাট্যকার। তাঁর খ্যাতি এখন সারাদেশে অর্থাৎ ভারতবর্ষ জুড়ে ছড়ানো। কলকাতায়

ধাকেন। একদিন গ্রাম থেকে সব ছেড়ে দিয়ে চলে গিয়েছিলেন ভাগ্যের সন্ধানে।

ওই বড়লোক রায়চৌধুরীদের সঙ্গে সংঘর্ষের ফলেই চলে গিয়েছিলেন। রায়চৌধুরীদের তখন প্রবলতম প্রতাপ—সোঁভাগ্যের চূড়া তখন আকাশগারে ঠেকেছে। ইংরেজের ঘরে তখন চরম অত্যাচারের অধিকারী তারা। শ্রামিকদের তখন ছিলেন স্বাধীনতা সংগ্রামের কর্মী এবং সাহিত্যিক। দুই পক্ষে একটা না একটা বিরোধ লেগেই থাকত। শেষ পর্যন্ত রায়চৌধুরীরা শ্রামিকদের ঘাড়ে দোষ চাপিয়ে গ্রাম ছেড়ে সদরে চলে গেলেন—বলে গেলেন—শ্রামিকদের সঙ্গে গ্রাম ছাড়লাম। কারণ গ্রামের লোক এ এলাকার লোক শ্রামিকদেরকে চায় আমাদের চায় না। ফলে গ্রামের লোক বিক্রপ হল ক্ষুব্ধ হল শ্রামিকদের উপর। শ্রামিকদেরও গ্রাম ছেড়ে চলে গেলেন। চলে গিয়ে কলকাতার জীবনযুদ্ধ শুরু করলেন। দেখতে দেখতে পদাতিক থেকে হলেন রথী, রথী থেকে হলেন সেনাপতি, যশ সন্মান তার সঙ্গে অর্থও তিনি পেয়েছেন। আজ শ্রামিকদের সর্বজন পরিচিত। এখন মধ্য মধ্য আসেন গ্রামে। শুভেন্দুদের প্রতিবেশীও বটেন এবং পিতৃবন্ধুও বটেন। তাছাড়া সম্পর্কে তিনি শুভেন্দুর ভগ্নীপতি। শ্রামিকদেরবাবু ইচ্ছে করলে অনায়াসে তাকে ছবিতে সুযোগ করে দিতে পারেন। সেবার শুভেন্দু বলেছিল তাঁকে। বলেছিল, আমার পার্ট সত্যি ভাল লাগল আপনার ?

শ্রামিকদেরবাবু বলেছিলেন—দেখ তোমার দিদির সঙ্গে আমার যখন বিয়ে হয়—তখন তোমার বাবারও বিয়ে হয় নি। এখন অকারণে তোমার প্রশংসা ক’রে তোমার দিদির মনোরঞ্জন দরকার নেই আর তা করছি নে। কারণ আমাদের বয়স অনেক হল। পার্ট তোমার ভাল হয়েছে। তবে ভাই মানায় নি ঠিক।

—মানায় নি! বিশ্বের সীমা ছিল না তার। তার তো রূপ না-থাকা নয়!

শ্রামিকদের হেসে বলেছিলেন—তোমার চেহারা খারাপ তা বলছি নে—বরং একটু বেশী ভাল। তবে ভাই ননীগোপাল-ননীগোপাল লাগে। অর্জুন-অর্জুন লাগে না! মানে অর্জুন হতে হলে বীরের মত চেহারা চাই তো। মেক-আপে একজোড়া গৌর নিলেও মোট-মোট বনবাসী পরিব্রাজক অর্জুন বলে কোন রকমে সাঙ্ঘনা পাওয়া যেত। তাবা যেত—ননী ছানা মাখন যুত প্রভৃতি রাজভোগ তো এখন জোটে না তাই রোগা লাগছে। তবে গৌর জোড়াটা ঠিক আছে। চিড়িয়াখানার বাঘ সিংহীর মত। রোগা কিন্তু গৌরুর ঝড়তিপড়তি নেই। বরং ওই মেরোটিকে আসল অর্থাৎ রূপবান্ধিতা পুরুষালি চেহারা চিত্রাঙ্গদা হিসেবে বেশ মানিয়েছিল।

বলেছিলেন সীমার কথা। কিন্তু সীমার কথা থাক। সীমা তার পথ বেছে নিয়েছে। পড়বে—পাস করবে—কোন ইচ্ছা টাচার হবে—তাই তার পক্ষে যথেষ্ট। কিন্তু তাকে ওই আলিবাবা গল্পের চল্লিশ ডাকাতের সেই চিচিঁকাকের খনরত্ন ভরা পাহাড় গুহা—সিনেমাতে ঢুকতেই হবে। সেদিনও কথাটা বলেছিল শুভেন্দু। বলেছিল—আপনি তো বলছেন পার্ট আমার ভাল হয়েছে। চেহারা অর্জুনের মত পালোরানি না হ’লেও একালের বাঙালীর ছেলে হিসেবে ভালো—তাও বললেন। তা আমাকে একটু ব্যাক-ট্যাক ক’রে সিনেমা লাইনে

চুকিয়ে দিন না।

—সিনেমা লাইনে? অবাক হয়ে তার মুখের দিকে তাকিয়েছিলেন শ্রামাকিন্দরবাবু।—  
সিনেমা লাইনে যাবে?

সে চুপ করে গিয়েছিল। জোর করে বলবার ভরসা পায় নি। শ্রামাকিন্দর বলেছিলেন—  
পড়া শেষ কর। পড়—

এবার কথা খুঁজে পেরেছিল সে। বলেছিল—পড়া-শোনা আর আমার হবে না জামাই-  
বাবু। এই তো পর পর তিনবার পরীক্ষা দিয়ে তবে পাশ করলাম। মিথ্যে কলেজে ভর্তি হই  
নি। চাকরি পাচ্ছি নে, ঘুরে বেড়াচ্ছি টো-টো করে। আর চাকরিই মিলবে বা কি। পিওন  
আর্দালীর কাজ তো করতে পারব না। চেহারা আছে পার্ট করতে পারি—সিনেমার যদি ভাল  
রোজগার করতে পারি—তাতে দোষ কি?

শ্রামাকিন্দরবাবুর মুখের হাসিহাসি ভাবটুকু মিলিয়ে গিয়ে—যেন কঠিন হয়ে উঠেছিল—  
তিনি বলেছিলেন—আছে দোষ শুভেন্দু। দোষ আছে।

কি দোষ? সে কথা আর জিজ্ঞাসা করে নি শুভেন্দু। সাহস হয় নি। এবং কি দোষ  
প্রশ্ন করলে জবাবে তিনি কি বলবেন—তা তার জানা ছিল। সে-দিন তা নিয়ে তর্ক করার  
মত মনের জোর তার ছিল না। এবং সেদিন যে মন তার ছিল সে মন এগুলির মন্দ্র বা দোষ  
অস্বীকারও করত না।

এ পথ পিছল পথ।

\*

\*

\*

বেঙ্কের উপর অকারণেই নড়ে-চড়ে বসল শুভেন্দু। খাভ' ক্লাস ওয়েটিং রুমের শেডটার  
নীচে যাত্রীরা প্রায় সব ঘুমিয়ে গেছে। চিনেবাদামের খোলা, পোড়া বিড়ি সিগারেটের টুকরো,  
খাবারের ঠোঙা কাগজের টুকরো ধুলো বালির মধ্যে তৃতীয় শ্রেণীর যাত্রীদের ঘুমের খুব অস্ববিধে  
হয় নি তারা দিবা ঘুমুচ্ছে। দু-চার জন যারা জেগে আছে তারা কেউ বিড়ি টানছে, কেউ  
গুনগুন করে গান গাইছে মোট কথা মাহুঘেরা ক্লাস্ত হয়ে নিরুপায় শান্ত হয়ে পড়েছে। শুধু  
শুভেন্দু শান্ত হয় নি। সে শান্ত হতে পারছে না।

তার পথ চাই। যে পথে অর্থ আছে সম্পদ আছে সেই পথেই সে হাঁটবে। সে পথ  
পিছল না বন্ধুর না। সে পথ পরিণতিতে মর্যাস্তিক পূর্ণতায় পৌঁছে হারিয়ে গেলে এ সব সে  
বাছবে না বিচার করবে না। এ সব সেই চিরকেলে নীতিবাগীশদের কথা। শুচিবাইএক্স একদল  
বুড়োমাহুঘ এইভাবে এদেশের তরুণদের জীবন চিরকাল পজু করে দিয়ে আসছে।

“সদা সত্য কথা বলিবে। কদাচ কাহাকেও দুঃখ দিবে না। পিতামাতাকে ভক্তি  
করিবে। ঈশ্বর সর্বশক্তিমান এবং সর্বত্র বিরাজিত, মস্তপান করিবে না। পরনারীকে মাতৃবৎ  
দেখিবে। সতীত্বই নারীর সর্বশ্রেষ্ঠ সম্পদ। সতীত্ব-বলে একদা সাবিত্রী যমের সহিত যুদ্ধ  
করিতা মৃত স্বামীকে পুনরুজ্জীবিত করিয়াছিলেন। মাহুঘের নিকট ভোগ অপেক্ষা ত্যাগই  
বরণীয় এবং গ্রহণীয়। কারণ মাহুঘ ত্যাগের ভিত্তির উপরেই গড়িয়া উঠিয়াছে।”

এর কোনটাই আজকের তরুণ জীবনকে, তাই বা কেন, গোটা মানুষের সর্মাঙ্ককে 'এতটুকু' প্রেরণা দিতে পারছে না। চীৎকার করে মানুষেরা বলছে—বা বলতে চাচ্ছে—না—না—না। ও কথা আমরা শুনব না। ও কথা আমরা মানব না। ও-কথা পচে গেছে—ও-সত্য বিশ্বাস হরে গেছে। ও-সত্যকে গুলি করে একালের মানুষ হত্যা করেছে। মরে অমর হওয়ার সত্যকে রাজঘাটে সমাধি দেওয়া হয়েছে। আর নয়। ওর পালা শেষ। প্রাচীন প্রগল্ভতা শুক হও।

নতুন-কালের নতুন সত্যকে খুঁজতে হবে না, কষ্ট করে মাথা ঘামিয়ে বুঝতে হবে না, তাকিয়ে দেখলেই দেখতে পাবে—বুঝতে পারবে। গোটা দেশের দিকে তাকিয়ে দেখ!

বল, কে বিশ্বাস করে ঈশ্বরের অস্তিত্বে?

বল, কে মনে করে না ঈশ্বর-বিশ্বাসীরা প্রতারক?

বল, কে প্রমাণ করতে পারে যে আইন বাচিয়ে বে-আইনী পথে নিজের স্বার্থসাধন বা কার্যোদ্ধারে কোন বাধা আছে? বে-আইনীর সংজ্ঞা পেনাল কোডে আছে। তাকে প্রমাণ করে পুলিশ এবং আদালত। কিন্তু পাপ কাকে বলে তার সংজ্ঞা কি—কে প্রমাণ প্ররোগ দিয়ে প্রমাণিত করতে পারে? কে পারে?

পৃথিবীতে সাধারণ মানুষকে কোন এক অবস্থার আশ্রয় খাওয়ানো চলছে চিরকাল। কখনও এ ধর্মের কখনও সে ধর্মের, কখনও ঈশ্বরনির্দেশ-বিশ্বাসের কখনও নিরীশ্বরবাদের, কখনও এ তত্ত্বের কখনও ও তত্ত্বের—সবেরই মূল কথা হল তোমরা কষ্ট করে যাও। নিজে কষ্ট কর, পরকে সুখী কর। ওর মধ্যেই নাকি অমৃত আছে। ঝাড়ু মার। ঝাঁট দিয়ে ফেলে দাও।

সংসারে যে শক্তিমান—যে রাষ্ট্রশক্তি দখল করে বসে আছে সে চাণক্যের মত বলে—আমি মহারাজের মন্ত্রিত্ব গ্রহণ করে কুটীরে বাস করি, এক মুঠো আতপ তওল সিদ্ধ করে খাই। কুশাসনে বসি, পরশয্যায় শয়ন করি।

হায় মহামাত্য চাণক্য—তুমি যে ভূতপূর্ব মহারাজ নন্দকে পশুর মত হাড়িকাঠে ফেলে কাত্যায়নকে দিয়ে হত্যা করিয়ে তার রক্তে তোমার শিখা বন্ধন করে সংসার রক্তমঞ্চ থেকে করতালি নিয়ে নিজস্ব হয়েছ—তার মূল্য কি ওই কুচ্ছ সাধনের দুঃখের বা কষ্টের অপেক্ষা অধিক নয়?

সব মিথ্যে। সব মিথ্যে ভাঁওতা দিয়ে মানুষের জীবনকে জলস্রোতের মত বাঁধ দিয়ে দিয়ে যে পথে ঘুরিয়েছে এতদিন সেই পথেই ঘুরেছে। জলস্রোতকে উঁচু পথে চালিয়েছে; জীবনকে দুঃখের পথে চালিয়েছে। আর তা হবে না। চলবে না। আজ বাঁধগুলো পুরনো হয়ে জীর্ণ হয়েছে, ফাট ধরেছে, জলস্রোতের চাপ বেড়েছে—পরিমাণ বেড়েছে। এবার সে সকল কৃত্রিম বাঁধ ভেঙে দিয়ে তার গতির স্বাভাবিক পথে ছুটবে। জলের গতির স্বাভাবিক পথ উঁচু থেকে নীচুর দিকে। জীবনের স্বাভাবিক গতির পথ—দুঃখ থেকে সুখের দিকে। বিচিত্র কুটিল মানুষের হৃদয় আর্থিক বুদ্ধি। এখানেও সে ধাঁধার সৃষ্টি করতে চায়। বলে—সুখ? সুখ কোথায়। সুখ কি ভোগে? সুখ কি সম্পদে? টাকা? সুখ মনে—মনের শাস্তিতে। হ্যাঁ—নিত্য অভাবের

মধ্যেই মনের শাস্তি।

মিথ্যে কথা। এসব মিথ্যে কথা।

এবার সব চাতুরী ভেঙে গেছে মাহুঘের। সুখের পথ সে ভোগের মধ্যেই খুঁজে বের করেছে। তৈরী করে নিয়েছে। সেই পথে জীবনের মিছিল এবার চলবে।

গোটা ভারতবর্ষের দিকে তাকিয়ে দেখ! দেখ যেখানে যত বাধ ছিল, জীবনের সহজ স্বভাবের গতিপথে সব ভেঙে পড়ে আছে, থৈ-থৈ করা জলপ্লাবনের মধ্যে সব কিছুকে ডুবিয়ে দিয়েছে।

এই তো মিলওয়াল শিবনাথ দে সেদিন বাবাকে দেখতে এসে তাকে বলে গেল—এক কাজ কর শুভেন্দু। ব্যবসা কর। কিছুদিন যদি মান-মর্যাদার কথা ভুলে গিয়ে খাটতে পার, আর আইন বাঁচিয়ে ধান-চাল বাধাই এর কারবার করতে পার—ধর তোমাদের এই প্রকাণ্ড দালান-বাড়ী, এই বাড়ীতে কোন ঘরে একটা গুপ্ত গুদাম করে কাজ করে যাও—তা হলে বছর দুয়ের মধ্যে দেখবে এই অবস্থার ভাঙন রোধ হয়ে নতুন গড়ন শুরু হয়েছে। কিছু রিস্ক অবশ্য আছে। তা লাভ করতে গেলেই রিস্ক নিতে হয়।

সে (অর্থাৎ শুভেন্দু) বলেছিল—ব্ল্যাক মার্কেটিং হবে তো!

হেসে দে বলেছিল—নামটা ব্ল্যাক মার্কেটিং দিয়ে বে-আইনী করেছে। কিন্তু এ তো বাপু চিরকাল আছে। একে আমরা আগে বাঁটাইয়ের কারবার বলতাম। সস্তার বাজারে কিনে চড়া বাজারে বেচা এই তো ব্যবসার মূল কথা গো। ব্যবসাতে একটা কথা আছে ডিকারেন্স। ডিকারেন্সের দাবীতে এই তো চল্লিশ সাল পর্যন্ত লাখ লাখ টাকার নালিশ হয়েছে। ধর তোমার সঙ্গে কষ্টটুকু হল তোমাকে হাজার মণ ধান দোব পাঁচ টাকা দরে, ডেলিভারী শ্রাবণ মাস পর্যন্ত। এখন শ্রাবণে দর হয়ে গেল দশ টাকা তার মানে হাতে হাতে পাঁচ হাজার মারছ তুমি আর আমার পাঁচ হাজার যাচ্ছে। আমি দিলাম না ধান। দিলাম অল্প লোককে দশ টাকা দরে বেচে। তুমি নালিশ করলে—তোমার পাঁচ হাজার লোকসান গেছে—তার ক্ষতিপূরণের দাবীতে।

শুভেন্দু হেসে বলেছিল—না দে মশায়। ও পারব না!

দে বলেছিলেন—ওগো এতখানি ধর্মের মুখ তাকালে কষ্টই পাবে। পরকালে কি হবে কেউ জানে না। আর এটা অধর্ম তাই বা কে প্রমাণ করে দিতে পারে? অধর্ম পাপ হলে এতকাল চলে এল কি করে?

সে বলেছিল—যা চলে এসেছে, চলে এসেছে বলে তাই সত্যও নয় ধর্মও নয়। ধরুন—

বাধা দিয়ে শিবনাথ বলেছিল—ধরতে হবে না। মেনেই নিলাম। যা চলে এসেছে,—চলে এসেছে বলে তাই যেমন পুণ্য কর্ম নয় সত্য কর্ম নয়—তেমনি নতুন বলে আজ যা চালাচ্ছ তাও পুণ্য কর্ম বা সত্য কর্ম নয়। ওগো—ওসব অনেক দেখলাম। বুঝেছ—শক্ত যে তারই সব দোর খোলা—সেই মুক্ত পুরুষ। ওসব ছাড়—ছেড়ে একটা কিছু কর। দেখ আমার নামে



অনেকে অনেক কথা বলবে। এই রায়চৌধুরীদের বড়বাবু—না করেছেন এমন ভাল কাজও নাই আবার না করেছেন এমন মন্দ কাজও নাই। জান তো সব। সবই করেছেন। যে পারে সেই করে। যে পারে সেই মরদ। সেই বেটাছেলে। বুকেছ, কিছু কর। পরমার্থে কি হয় তা জানি না তবে শুধু অর্থ না থাকলে লোকে তোমাকে পারে দলে দিয়ে চলে যাবে। যেমন ওই চোরটা আজ তোমার বাবাকে—। থাক। চোখে তো দেখলে। তার যা তোমাকেও লেগেছে গো। কিছু কর। কিছু করে নিজের অবস্থাটার ভাঙনের মুখে বাঁধ দাও; দেখবে তোমার অবস্থা পাঁচটার সঙ্গে সঙ্গে গোটা দুনিয়ার অবস্থা পাল্টে গেছে।

ফেরার পথে ওই দিনই শুভেন্দু সঙ্কল্প করেছে—সিনেমা—সিনেমাই একমাত্র তার পথ। ওই পথেই সে তাদের অবস্থার ভাঙন বাঁধতে পারে।

এর পর তাকে অর্থ দিয়ে যেখানে নিয়ে যাবে সেখানেই সে যাবে।

স্বর্গে তার প্রয়োজন নেই। নতুন দুনিয়া গড়ার সাথ তার মিটেছে। আর নতুন দুনিয়ার কামনাটাই বা কি, কল্পনাটাই বা কি? কি আছে তার মধ্যে? কোথায় আছে সেকালের পাপপুণ্যের পুঁথি, সামনে ধরে পঙ্খ হয়ে বসে হরিনাম কর? কোথায় আছে গঙ্গাজল পান করে যাগযজ্ঞ করে জীবন ধারণ কর? কোথায় আছে রাত্রি জেগে বি-এ এম-এ পাস করে সং একটি কেরানী হয়ে বুঁকে বসে দশটা-চারটে কলম পিষে কুঁজো হয়ে গিয়ে অকালে বুড়ো হয়ে কেশে কেশে মর? অথবা স্কুল-মাস্টার হয়ে মানুষের বাচ্চাদের রাখালী করে যৎকিঞ্চিৎ কান্ডনমূল্যে তুষ্ট থাক? ইন্সুল-মাস্টারী নাকি সম্রাণের কাজ! কারণ মাস্টারদের চরিত্র সং এবং শুদ্ধ বলেই লোকেদের ধারণা। ধারণাটা ঠিক কি ঠিক নয় সে তকরার সে করবে না— তবে তাতে তার হয়টা কি?

ব্যবসা করতে বসে যে লাভ করবার সুযোগ পেয়েও করে না, তার ব্যবসার গদীঘরে গণেশ মুখ ফিরিয়ে বা কুলুঙ্গী থেকে কাঁপ খেয়ে আছড়ে পড়ে ভেঙে টুকরো টুকরো হয়।

এই তো নতুন দুনিয়ার কল্পনা!

এ কল্পনার মধ্যে সত্যের একটি উদারপথ আছে—সেটি হল—যার যে যোগ্যতা আছে সে সেই যোগ্যতা বিকাশের পথেই চলে। তাতে কোন অমর্যাদাও নেই, পাপপুণ্যেরও কোন কথাই নেই। নতুন যুগের পরিকল্পনায় এইটেই নতুনত্ব। মুক্তি। সকল নিষেধ থেকে সকল বাধা থেকে মুক্তি।

ইহাৎ একটা কথা মাথার মধ্যে খেলে গেল। যেটা তার বাবার পক্ষে মর্যাস্তিক এবং অপঘাত মৃত্যুতুল্য অপমানজনক—সেইটেই আজ তার কাছে উদার এবং মুক্ত জীবনের প্রসঙ্গ আহ্বান।

ঢং ঢং করে ঘণ্টা পড়ল। ডাউন ট্রেন আসছে, শুভেন্দু উঠল।

“নানা রঙ্গের পুরী ; কেউ হাসছেন কেউ কাঁদছেন  
কেউ করছেন চুরি ।

রাম করেন সীতা সীতা—সীতার ডাকেন রামে—

কেউ করেন রাধা রাধা—রাধার ডাকেন শ্রামে ।

সীতা সতী পুণ্যলোকা—রাধা কলঙ্কিনী—

সীতা রাধা দুয়েই মুক্তি—জপেন যে-নাম যিনি ।”

ছড়াটার মাঝখানে ছেদ টেনে দিয়ে কটিকদাস থামেন । নসু বললে—থামলে ক্যানো হে ?  
বল ।

হেসে কটিক বললে—তুমি তো না-জানা লও হে তা বলে করব কি ?

—তবে বলা হলটা ক্যা—নো ?

মধ্যে মধ্যে নসু এমনি ভাবে বেশ শহুরে উচ্চারণে ‘ক্যানো’ শব্দটি উচ্চারণ করে একটু  
রসিকতাও করে, আবার নিজের শহুরে-বোধেরও পরিচয় দিয়ে থাকে ।

—বললাম—তুমি জেনেগুনে বুঝে-সুজে বোকার মত হাউ-মাউ করলে বলে । মনে  
পড়িয়ে দিলাম হে ।

—কি মনে পড়িয়ে দিলে ?

—মনে পড়লাম—সংসারে মন্দটা আবার কোথা হে ? গোপাল চৌধুরীর বেটা  
কলকাতাতে নাকি সিনেমাতে নামবে—। তা নামবে । তাতে দোষেরটা কি ?

—মরণ দেখ আমার । দোষের তা বললাম কখন হে ?

—দোষের বল নাই নাকি ? তবে কথাটা বলারই বা কারণটা কি হল ?

—হল এঁই যে এবার সীমের কী হবে ?

—কি হবে ? সীমে দুদিন বাদে বাড়ী যাবে, তা বাদে আর কাউকে বিয়ে-টিয়ে  
করবে ।

—উ-হু—উ-হু । হল না । হল না ।

—উ-হু লয়—হু । তাই হল ; তাই হল ।

—না ঠাকুর । তা লয় । ই কালে মেয়েরা আর মানবে না, মানবে না, মানবে না । যে  
চৌকাঠ ডিঙিরে পালিয়ে এসেছে সীমে, সে চৌকাঠ পার হয়ে ঘরে আর ঢুকবে না । শেষকালে  
ওই দিদিমনি-টনি একটা কিছু হবে । দেখো । আর শুভেন্দু নাকি ওই ছবিতে নামা রাণী-  
সাজা লয় সখি-সাজা কোন রঙ্গিলা মেয়েকে বিয়ে করবে । লোকজনে এই কথা বলাবলি  
করছে বাপু । নিজ কল্পে আমি শুনে এসেছি । বন্ধে বন্ধে বা সত্যি তাই বলেছি, আর যার  
জন্তে এত চিন্তে, এত ব্যাক্য—সেই কল্পে, সীমেশ্বরী—সে দিদিমনির বাড়ীতে থেকে বাড়ছে—

চাকরি করছে—বলেছে মরে যাব সেও ভাল—তবু বাড়ী যাব না। আর কত্নে হয়ে জন্মেছি বলে বিয়ে করতেই হবে তার মানে নেই, বিয়ে আমি করব না। শুভেন্দুর সঙ্গে কোন সম্পর্ক নেই আমার। সে যাক্ গে—যা মন তাই করুক গে! হোক গে সে বড়লোক।

অবাক বিন্ময়ে তার মুখের দিকে তাকিয়ে কটিক বললে—মা ফুল্লরার দিবি? বলো বলো সত্যি বলছ?

—মা ফুল্লরার দিবি।

কথাটা খুব বাড়িয়ে বলা কথা নয়। সত্যি কথাই বলেছে নম্রুবালা। সীমা চাকরি করছে। সঙ্গে সঙ্গে বড় দিদিমনি—অর্থাৎ গার্ল'স ইন্সকুলের হেডমিস্ট্রেসের কাছে থেকে প্রাইভেটে পরীক্ষা দেবার জন্তেও তৈরী হচ্ছে।

এখানে রায়চৌধুরীদের হরিবিষ্ণুবাবু গার্ল'স ইন্সকুল স্থাপন করেছেন। এবং সেই ইন্সকুল নিয়েই আছেন। সেই ইন্সকুলই এখন তাঁর জীবনের প্রধান অবলম্বন হয়ে উঠেছে। স্বাধীনতার আগে রায়চৌধুরীরাই এখানকার সর্বাপেক্ষা ধনশালী রাজাতুল্য ব্যক্তি ছিলেন। ছিলেনই বা কেন, আজও তাই আছেন। তবে এককালে অর্থাৎ ইংরেজদের কালে, পরাধীনতার আমলে তাঁদের প্রতাপও ছিল রাজার মত। তারও আগে—অর্থাৎ দু পুরুষ আগে হরিবিষ্ণুবাবুর পিতামহ মাধববাবুর আমলে তাদের প্রতি শ্রদ্ধায় প্রেমে এখানকার মানুষেরা বিগলিত হয়ে যেত; মাধববাবুকে লোকে দেবতার মত ভক্তি করত। মাধববাবুই রাজসম্পদ উপার্জন করেছিলেন খনিজ বস্তুর ব্যবসায় করে। রাজসম্পদ অর্জন করেও মাধববাবু ছিলেন অসাধারণ, বিনয়ে ফলবান বৃক্ষের মত বিনত। হৃদয়ে ছিল মানুষের জন্ত অগাধ ভালবাসা। এবং কীর্তির জন্ত ছিল যত পিপাসা তত নেশা। এখানকার মাটিতে তিনিই নতুন কালকে এনে দিয়ে গিয়েছিলেন; হাই ইংলিশ ইন্সকুল, চারিটেবল ডিসপেনসারী, প্রাইমারী গার্ল'স ইন্সকুল প্রভৃতি স্থাপন করেছিলেন তিনিই। দ্বিতীয় পুরুষে মাধববাবুর পুত্রেরা—সে কীর্তিকে রক্ষা করেছিলেন বটে কিন্তু দেশের লোকের প্রতি মাধববাবুর স্নেহপ্রেম—তাঁদের ছিলও না এবং সেটা তাঁরা পছন্দও করতেন না। তখন তারা এখানে রাজসম্পদ দিয়ে জমিদারী কিনে রাজসম্মান অর্জন করে রাজার প্রতাপে প্রতাপান্বিত হয়ে মানুষকে শাসন এবং শোষণ দুইই করতে প্রয়াসী হয়েছিলেন। তাঁদের হুকুমে চাপরাসীরা থানার কাছাকাছি দোকান থেকেও দোকানদারকে বেঁধে ধরে তুলে নিয়ে এসেছে, মুসলমান প্রজা জলিল শেখকে থামে বেঁধে রাখতে হুকুম দিয়েছেন। এবং তা নিয়ে যতই দরখাস্ত এবং নালিশ হয়েছে সদরের আদালতে—সে নালিশকে অনায়াসে বাঁ হাত দিয়ে পাশে সরিয়ে দিয়েছেন—সরকারের অনুগ্রহভাজন জমিদার ও ইংরেজের সমর্থক ধনশালী ব্যক্তি হিসেবে। তবে এ নিয়ে একটি বিরোধ নিত্য ভূমিকম্প কম্পিত বিশেষ কোন পার্বত্য এলাকার মত গ্রামটিকে নিত্য চঞ্চল এবং কম্পিত করে রেখেছিল।

এতে রায়চৌধুরীদের বিরুদ্ধে যারা বাদ-প্রতিবাদে প্রতিপক্ষ ছিলেন—তাদের মধ্যে অন্ততম ব্যক্তি ছিলেন শ্রামাক্ষরবাবু। শেষ পর্যন্ত একদিন সে প্রায় বৎসর বিশেষ আগে—১৯৩৮/৩৯

সালে তাঁরা গ্রামকে অন্ধকার করে দেবার জন্ত এবং তাঁদের অভাবে গ্রামকে দরিদ্র করে দেবার জন্ত গ্রাম ছেড়ে চলে গেলেন ।

প্রথম গেলেন জেলার সদরে—তারপর গেলেন কলকাতায়—সেখানে ব্যবসার সমারোহে ঐশ্বৰ্যের জুয়াখেলার প্রমত্ত হলেন । প্রমত্ততার মধ্যে দানের পর দান হারতে হারতে সম্বন্ধ পেয়ে কলকাতা থেকে সরে গেলেন খনিঅঞ্চলে । এবং সেখানেই একদা লাগল পরম্পরের মধ্যে মতান্তর এবং মনান্তর । ফলে ঐশ্বৰ্য ভাগ হল ।

তিন ভাগে বিভক্ত হয়ে তাঁরা অকস্মাৎ অল্পভব করলেন—তাঁদের নগদ টাকা এবং সোনা-দানার সম্পদ অনেক নষ্ট হলেও—তাঁদের জমিদারী এবং ভূমি-সম্পত্তি কিছু যায় নি । তাঁদের রাজ্য আছে, কিন্তু রাজার প্রতাপ, রাজার সম্মান, এবং মাথবাবু দেশের মাহুষের কাছে যে প্রেম, যে শ্রদ্ধা কর গ্রহণের অধিকার অর্জন করে গিয়েছিলেন—তার আর কিছু অবশিষ্ট নেই ।

অন্তদিকে তাঁদের অভাবেও গ্রামের মাহুষ দিব্য বেঁচে রয়েছে—এবং তাঁদের উপর নির্ভর করবার সুযোগ নেই বলেই—তাঁরা আজ স্বাধীনভাবে ছোট বড় মাঝারি রকমের ব্যবসাবাণিজ্য করে দিব্য চালাচ্ছে । তাঁরাই করেছিলেন ছোটো রাইস মিল—সে ছোটো আর তাঁদের নেই, মাড়োয়ারীরা দিব্য চালাচ্ছে এবং একটা নতুন মিল করেছে গ্রামের গন্ধবণিকদের শিবু দে । শিবু দেও একসময় তাঁদের ঘরে চাকরি করেছে । ওদিকে ইংরেজ রাজত্ব যায় যায় হয়ে উঠেছে । এবং কিছুদিন পর ১২৪৭ সালে ইংরেজ রাজত্ব গেল । যেদিন গেল—সেদিন শ্রামাকিন্দরবাবুকে দেশের লোক কলকাতা থেকে ডেকে আনলে । চন্দনপুরের স্বাধীনতার পতাকা তাঁকে তুলতে হবে ।

এরপর গ্রামে ফেরা রায়চৌধুরীদের পক্ষে স্বাভাবিক ছিল না । কিন্তু ১২৪৭ সালের পর সমস্ত দেশটাই যখন স্বাধীন হয়ে আর এক রকম হয়ে গেল—তখন সেই সম্পূর্ণ অপরিচিত স্বাধীন ভারতবর্ষের মধ্যে—এই গ্রামটুকুকেই মনে হল অতি আপন অতি নিরাপদ । বাধ্য হয়ে তাঁরা দেশে ফিরলেন । এবং একান্তভাবে আপন গ্রামে পরের মত অনাস্থীর মতই বাস শুরু করলেন । তাঁদের মধ্য থেকে একদা বেরিয়ে এলেন—হরিবিষ্ণুবাবু । মাহুষটি বাড়ী থেকে বেরিয়ে খুঁজে খুঁজে নিজের পিতামহের পদচিহ্ন আঁকা পথটি ধরলেন । চন্দনপুরের শিক্ষা এবং চিকিৎসার ক্ষেত্রে এসে কাজ শুরু করলেন ।

মাথায় খাটো মাহুষ, বয়স পঞ্চাশ পার হয়েছে, সোনার মত দেহবর্ণ—মাথার চুলগুলি একে-বারে সাদা হয়ে গেছে । এর খানিকটা বংশধর্ম খানিকটা যে এই বিপর্যয়ের ফল—তাতে কোন সন্দেহ নেই । হরিবিষ্ণু জন্ম থেকেই সম্মান ও অহংকারের সুখশয্যায় শায়িত, যখন হাঁটতে শিখলেন, তখন মাটির উপর পা ফেললেন মাটির মালিকানার অধিকার নিয়ে । যখন ছেলেদের সঙ্গে খেলার বয়স হল—তখন খুঁড়তুতো জাঁঠতুতো মামাতো ভাইদের সঙ্গে খেলার গতি সীমাবদ্ধ রইল ; যারা বাইরে দাঁড়িয়ে থাকল সাধারণ ছেলেরা—তাঁদের সঙ্গে খেলতে নেই এই কথাটাই কেউ বলে দিলে তাঁকে । যখন ইস্কুলে ঢুকলেন তখন ইস্কুলের কাউণ্ডারের পৌত্র এবং সেক্রেটারীর পুত্র পরিচয়টাই বড় হয়ে উঠল—ছাত্র পরিচয়ের চেয়েও । যখন কর্মজগতে

চুকলেন তখন বয়স আঠারো বৎসর—তখনই তাঁদের সাহেব ম্যানেজার থেকে জমিদারীর ম্যানেজার পর্যন্ত সসজ্জমে নমস্কার করে বললেন—“আজ্ঞে না ওখানে না, এইখানে সই করুন। ই্যা। সুতরাং আঠারো বছর বয়স থেকে চুয়াল্লিশ বছর বয়স পর্যন্ত অর্থাৎ ১২৪৭ সাল পর্যন্ত হরিবিষ্ণুবাবুর মনের গড়নের ভিত গড়ে উঠেছিল এ অঞ্চলের মানুষের যেখানটার তার পারের অনতিদূরে মাটিতে মাথা রেখে প্রণাম করেছিল সেইখানে এবং মনের দেউলের চূড়াটি উঠে তাকিয়েছিল ভাইসরয় এবং গভর্নরের লাট-প্যালেসের পাশে তার পার্শ্বচরের মত। সেখানে তার অপরিমিত অহঙ্কারের কথা বলতে হবে না। কিন্তু এসবের সঙ্গে ছিল তাঁর একটি অসাধারণ ব্যক্তিসত্তা এবং আশ্চর্য এক তীক্ষ্ণবুদ্ধি মন। কর্মপারঙ্গমতা ও মেধার দিক দিয়ে তাঁর মত কৃতী কর্মী সকলকালেই দুর্লভ। এই দুর্লভ মনটিই তাঁকে শক্তি দিল প্রেরণা দিল—সকল সঙ্কোচকে সরিয়ে ফেলতে। সব সরিয়ে ফেলে তিনি শিক্ষা ও স্বাস্থ্য ক্ষেত্রে আঞ্চলিক কর্মীর দায়িত্ব তুলে নিয়ে দেশের সেবক হয়ে বসলেন। এবং সত্যকারের কর্মীই হয়ে উঠলেন তিনি। দুধারি তলোয়ারের মত কর্মক্ষমতা হরিবিষ্ণুবাবুর। একদিকে তিনি ইঞ্জিনিয়ারের কাজে অর্থাৎ বাড়ী তৈরীর প্ল্যান এস্টিমেট থেকে সব পারেন—আবার সরকারী দপ্তর থেকে ওয়ান-থার্ড দিয়ে টু-থার্ড টাকা বের করে আনার পথও জানেন। একসময় ডিস্ট্রিক্ট স্কুল বোর্ডের চেয়ারম্যান ছিলেন তিনি। এবং তাঁর সময় বোর্ডের কাজ যে গোটা প্রদেশের মধ্যে সব থেকে ভাল এবং কলঙ্কজীর্ণহীন গৌরবের সঙ্গে চলেছিল, তাতে সন্দেহ নেই। অন্যদিকে ইস্কুল চালাতেও জানেন। এখানে শিক্ষকেরা কেউ কেউ তাঁর ব্যক্তিত্বকে অহঙ্কারদুষ্ট বলে অপবাদ দেন বটে, কিন্তু তাতে হরিবিষ্ণুবাবু বিচলিত নন। ওটুকু তিনি বজায় রাখতে চান।

ইস্কুলের ছাত্রী থেকে শিক্ষয়িত্রী পর্যন্ত সকলেই তাঁকে কাকাবাবু বলে।

এই হরিবিষ্ণুবাবুই সীমাকে বোর্ডিংয়ে একটা চাকরি দিয়েছেন।

সেদিন থানা থেকে সীমাকে নিয়ে গিয়েছিলেন দিদিমনিরা। নিয়ে গিয়েছিলেন আবেগের বশে। সীমা যা করেছিল—তা যেন খুব একটা মহৎ কাজ করেছে বলে মনে হয়েছিল। কিন্তু স্কুলের এবং ছাত্রী নিবাসের হেডক্লার্ক—এবং অ্যাসিস্ট্যান্ট সুপারিন্টেন্ডেন্ট যখন বললেন—কাজটা তো ঠিক হয়নি বাবু! তারা প্রশ্ন করেছিল—কেন?

হেডক্লার্ক বলেছিলেন,—দেখ, সীমা তো রায়চাঁদ-প্রেমচাঁদ হবে না বা ডক্টরেট পেয়ে দিগ্‌গজ্ঞও হবে না। সুতরাং বিয়ে করবে না এটা তো খুব সুস্থ কথা ভাল কথা নয়। বিয়ে করাটা তো একটা খারাপ কাজ এ কথা কেউ বলবে না। আর বিয়েই যদি করবে না—তবে গোড়াতেই বলে নি কেন?

তর্ক করেছিলেন শিক্ষয়িত্রীরা। তর্কে ঠিক হারেন নি তবে ক্রমশই যেন আপনা থেকেই দুর্বল হতে দুর্বলতর হয়ে পড়েছিলেন। ভেতর থেকে কেউ যেন বার বার বলতে শুরু করেছিল—তাই তো! তাই তো! তা হলে!

সীমার সৌভাগ্য বলতে হবে—। দিনকয়েক পরেই বিকেলে সদর থেকে কাকাবাবু অর্থাৎ

হরিবিশুবাবু এসে উপস্থিত হয়েছিলেন।

হরিবিশুবাবুর কাছে সীমাকে নিয়ে গিয়েছিলেন বড় দিদিমনি। হরিবিশু বড় দিদিমনির মুখের দিকে তাকিয়ে বলেছিলেন—এ সব কি কাণ্ড বাধিয়ে কেলেছ তোমরা? ইচ্ছুর দুর্নাম রটে যাবে যে!

বড় দিদিমনি এম. এ. পাস করেও এখনও কুমারী রয়েছেন। তিনি বিস্মিত হয়ে বলেছিলেন—আপনিও এই কথা বলছেন?

—তা বলছি বৈকি! এর মধ্যেই তো এই রকম কথা চার-পাঁচজন বললে আমাদের।

—কি বললে?

—বললে—কি হরিবিশুবাবু, আপনার গার্লস হাই ইচ্ছুর না কি নামবদল হচ্ছে? হরিবিশু বালিকা বিদ্যালয় নাম পাণ্টে ‘চিরকুমারী ঋতধারিণী শিক্ষায়তন’ নাম রাখছেন!

বড় দিদিমনি মিস করুণা রায় চুপ করে অস্ত্র দিকে তাকিয়ে যেন নিজের মধ্যেই মগ্ন হয়ে গেলেন।

হরিবিশুবাবু বললেন—কি, চুপ করে রইলে যে?

এবার তাঁর দিকে মুখ ফিরিয়ে করুণা রায় বললেন—ভাবছিলাম কাকাবাবু।

—কি ভাবছিলে? রেজিগ্নেশন দিয়ে একটা নাটক করবে কিনা?

—না, ঠিক নাটক করবার অভিপ্রায় আমার নেই তবে রেজিগ্নেশন দেওয়াটাই ঠিক করে কেলেছি—ওর মধ্যে চিন্তা-ভাবনা করবার মত বাকী কিছু রাখি নি।

—হঁ। সে জানি আমি। তার আগে এইটে নাও। দেখ। একখানা কাগজ তিনি তাঁর হাতে তুলে দিলেন। কাগজ নয় চিঠি। একখানা অ্যাপয়েন্টমেন্ট লেটার। হরিবিশু গার্লস ইচ্ছুর সেক্রেটারী সীমা আচার্যকে ‘মেয়েদের বোর্ডিংয়ে সুপারভাইজার নিযুক্ত করছেন। মাইনে চল্লিশ টাকা আর ক্রি বোর্ডিং।

পড়েও সঠিক বুঝতে পারলেন না করুণা রায়—কাকাবাবু কি বলতে চাচ্ছেন। করুণা বললেন—সীমা তো পরীক্ষার জন্তে ভৈরী হচ্ছে। সে চাকরি করবে কি করে?

—চাকরির ডিউটি—বুঝে নেবে তুমি হোটেল সুপারইন্টেন্ডেন্ট হিসেবে। সে তো তোমার হাতে। এবং সে ডিউটি তুমি নির্ধারিত করবে। আমার ইচ্ছে সকালবেলা মেয়েদের জল-খাবার দেবার সময় একবার দাঁড়ানো। আর একবার তরকারী কোটার সময়। বুঝলে না! আবার বিকেলে জলখাবার দেবার সময় এবং রাত্রে খাবার সময়। বাস।—কি? এখনও যে তাকিয়ে রয়েছ বোকার মত! মেয়েটা পরীক্ষা দেবে তা তো বুঝলাম। কিন্তু হাওয়া খেয়ে গাছতলায় থেকে তো পরীক্ষা দেওয়া যায় না এবং পরের পোস্ত হয়ে, সে তুমি বড় দিদিমনিই হও আর বড়দিদিই হও, তোমার পোস্ত হতে হলে ও তো মনে খুব স্বস্তি পাবে না। তোমার মেজাজও সব সময় ঠিক না থাকতে পারে।

এবার দিদিমনির মুখ প্রসন্ন এবং প্রদীপ্ত হয়ে উঠল, একটা উজ্জ্বল তাঁর অন্তরের মধ্যে ঝড়ো হাওয়া তুলেছে, তারই প্রেরণায় কিছু বলতে গেলেন তিনি। কিন্তু হরিবিশু বাধা দিয়ে বললেন—

সবুর। যা বলবার পরে বলো। আগে শেষ করতে দাও আমাকে। পরীক্ষার পর ওর কি হবে? বাপের বাড়ী কিরে যাবে? কিরে সীমা? তাই যাবি? যেতে পারবি? বাবা ঘরের দরজা খুলবে?

মাথা হেঁট করে দাঁড়িয়ে রইল সীমা।

হরিবিষ্ণু বললেন—ধর, যদি পাশই করলি—তারপর?

এবারও চুপ করে রইল সীমা। উত্তর খুঁজে পেল না।

হরিবিষ্ণু বললেন—তারই জন্তে এই ব্যাপারটা করে দিলাম। এই চাকরিটা নিয়ে আরম্ভ কর। Start life—তারপর—।

এবার সীমা এগিয়ে এসে হরিবিষ্ণুর পায়ে হাত দিয়ে প্রণাম করলে। সঙ্গে সঙ্গে গভীর কৃতজ্ঞতায় চোখ ফেটে কয়েক ফোঁটা জল গড়িয়ে পায়ের উপর পড়ল।

একটু হাসলেন হরিবিষ্ণু এবং নিজের হাতখানি সীমার মাথার উপর রাখলেন। বললেন—কান্দিস নে। পড় ভাল করে। বুঝলি। পাশ করতে হবে। এবং করা চাই। করুণা এর দায়-দায়িত্ব—মানে ও যাতে পাশ করতে পারে তার দায়িত্ব তোমার উপর অর্ধেকটা অন্তত রইল।

হেসে প্রসন্নকণ্ঠে সোৎসাহে করুণা বললেন—সে ভার আমি নিলাম কাকাবাবু। আর আপনাকে যে কি বলব—

—তা বুঝতে পারছ না। আমি বলি কি—কিছু বলে কাজ নেই। কারণটা কি জান? কারণ মতামতে তোমরা যাকে প্রেসিডেন্ট বল বাপু তা আমি নই। আমি রি-অ্যাকশনারী। দেখ, আমি ছেলের বিয়ে দিয়েছি। বউমা আমার গ্রাজুয়েট, পলিটিক্যাল সায়েন্স নিয়ে এম-এ পড়ছিল। বিয়ে দিয়ে এনে পড়া ছাড়িয়ে তাকে বাড়ীর ঠাকুর-দেবতার পূজো সেবার ইনচার্জ করে দিয়েছি এবং বলে দিয়েছি পুরনো আমল থেকে যা নিয়ম আছে তার পান থেকে চুন খসলে চলবে না। সেও তাতে অমত করে নি। তবে যদি তাকে একহাত ঘোমটা দিতে বলি—কি বলি ফেরতা দিয়ে কাপড় পরতে পাবে না, কিংবা স্বামী-স্ত্রীতে একসঙ্গে সিনেমা দেখতে যেতে পাবে না, তাহলে সে নিশ্চয় আমার হুকুম মানবে না। সীমা ওই একটা অসভ্য মতাপ টাকাওলাকে বিয়ে না করে চলে এসেছে—সেটা এমনি রকমের বড় একটা কিছু—এবং লোকের মনে খুব চমকও লেগেছে এতে। আমি সত্যি বলতে ওর কাজ সমর্থন করি না—তবুও কিছুতেই অস্বীকারও করতে পারছি না। কিন্তু—

চুপ করে গেলেন হরিবিষ্ণুবাবু।

কথা শেষ হয় নি—কিন্তু বলে থেমেছেন—আবার বলবেন এই অপেক্ষা করে করুণা এবং সীমাও চুপ করেই দাঁড়িয়ে রইল। কিন্তু না, হরিবিষ্ণুবাবু আর কিছু বললেন না। এবার করুণা বললেন—তা হলে এখন যাই কাকাবাবু!

হরিবিষ্ণুবাবু বললেন—যাবে? দাঁড়াও। আরও একটু চুপ করে থেকে হরিবিষ্ণু বললেন—সীমা!

—বলুন !

—একটা সত্যি কথা বলবি আমাকে ?

ঘাড় নেড়ে সম্মতি জানিয়ে সীমা মুহূর্তে বললে—বলুন !

—তুই কি ? আবার একটু চুপ করে থেকে হরিবিষ্ণুবাবু বললেন—জিজ্ঞাসা করছি শুভেন্দুর সঙ্গে বারকয়েক রেসিটেশন করেছিস—দুবার তোদের ছাত্র ইউনিয়নে থিয়েটারও করেছিস—তোর কি—। বুঝতে পারছিস কি জিজ্ঞাসা করতে চাচ্ছি আমি ?

মুখখানা রাঙা হয়ে উঠেছিল সীমার। সে মাটির দিকে চোখ রেখে অল্পক্ষণ কিস্তি পরিকার কণ্ঠে উত্তর দিল—না। আপনার পায়ে হাত দিয়ে বলতে পারি।

—পাশ করে কি করবি ?

—আরও পড়ব আমি।

—বেশ—বি-এ—এম-এ ; তারপর ?

—চাকরি-বাকরি করব।

—বিয়েই করবি নে ? না, শুভেন্দুকে বিয়ে করবি নে ?

উত্তর দিল না সীমা। হরিবিষ্ণু বললেন—তুই শুনেছিস—শুভেন্দু বাড়ী থেকে চলে গেছে ? অনেক টাকা রোজগার না করে কিরবে না—প্রতিজ্ঞা করে গেছে। সিনেমায় নামবার সংকল্প করে গেছে। তা সম্ভবতঃ পারবেও।

সীমা একথার জবাব দিল না। করুণা বললে—মিথ্যে ওকে এসব কথা বলছেন কাকাবাবু। আমি জানি—শুভেন্দুর সঙ্গে ওর এই বিয়ে না করে পালিয়ে আসার কোন সম্পর্ক নেই। এবং বিয়ের উপরেও একালের মেয়েদের মানে আমাদের কোন বিতৃষ্ণা আছে তাও নেই। তবে যার-তার সঙ্গে বাপ-মায়েরা গলায় দড়ি বেঁধে আটকে দেবে—এ বিয়েতে আমাদের আপত্তি।

—হঁ। আচ্ছা যাও তোমরা।

করুণা এবং সীমা আবার তাঁর পায়ে হাত দিয়ে প্রণাম করে চলে গেল। হরিবিষ্ণুবাবু চুপ করে বসে রইলেন। একটা সিগারেট ধরিয়ে অলস ভাবে টানতে টানতে একটা দীর্ঘনিশ্বাস ফেললেন।

শুভেন্দু একজনকে বলে গেছে সে সিনেমায় নেমে ভাগ্য পরীক্ষা করবে। সিনেমায় নায়কেরা একালে নাকি লাখ লাখ টাকা উপার্জন করে। সবাই না অবশ্য। দু-একজন—।

হ্যাঁ। এ যুগে সিনেমা-নায়কেরা এবং নায়িকারা শ্রেষ্ঠ ভাগ্যবান এবং ভাগ্যবতী তাতে সন্দেহ নেই।

এরা ধনী বলে মানুষেরা এদের ভীষা করে না। বিকার দেয় না। দুনিয়ার যাই করুক—তার জন্ত কোন কৈফিয়তই কেউ দাবী করে না।

সিগারেটটা ফেলে দিয়ে আবার সিগারেট ধরালেন। একটু হাসি খেলে গেল তাঁর মুখে। এককালে তিনি খুব ভাল অভিনয় করতেন। খুব ভাল। তিনকড়ি চক্রবর্তী নরেশ মিত্তির—



এদের সঙ্গেও তিনি অ্যামেচারে অভিনয় করেছেন। তখন তাঁর রূপও ছিল। যৌবন এবং সেই রূপ তাঁর যদি আজ থাকত—তবে তিনিও নেমে দেখতেন সিনেমায়। এই ইচ্ছা কলেজ হোস্টেল এই নিরে টাকা খরচ করে হাজার ঝগড়াট পুইয়ে এমন করে তাঁর বংশের হারানো মান-সম্মান ফিরে পাবার জন্য এইভাবে জীবন কাটাতে হত না।

বছর দুয়েক আগে মোটর অ্যাকসিডেন্টে তাঁর স্ত্রী মারা গেছেন। তাঁর স্ত্রী থাকতে জীবন এমন হয়ে যায় নি। আজ জীবনে কোনখানে কোন মধু নেই মাধুর্য নেই—। অর্থ তাঁর আছে—তাতেও নেই। সংসার-জীবনে নেই। ছেলে বউ এরা বেশ আছে, তিনি এই নেশায় পড়ে আছেন। শুধু জীবনে প্রতিষ্ঠা। তাঁর ইচ্ছে আছে পলিটিক্সে নামবেন—এম-এল-এ হবেন—, মিনিস্টার হবেন—জীবনটা সম্মানের সমারোহে ভরে যাবে। তিনি দেশের সেবায় নিজেকে নিঃশেষিত করবেন। ইয়া, শেষেরটুকুও আছে বই কি। আছে।

ইয়া। একালে হয় সিনেমা-নারক নয় পলিটিক্যাল হিরো। হয় ছবির হিরো—নয় রাজনীতি ক্ষেত্রের হিরো।

অকস্মাৎ সশব্দে হেসে উঠলেন হরিবিষ্ণুবাবু। অনেকক্ষণ হাসলেন।—ঠিক কথা, হয় ছবিতে বা স্বপ্নের রাজপুত্র—নয় গণতন্ত্র মতে রাষ্ট্রশক্তির অধিকারী রাজপুত্র বা রাজপুত্রের মেজ সেজ ছোট ভাই বা খুড়তুতো জাঠতুতো বা মাসতুতো পিসতুতো—কোন একটা তুতো ভাই।

শুভেন্দু স্বপ্নলোকের—ছবির লোকের রাজপুত্র হতে গেছে। তিনি—রাজনীতির ক্ষেত্রে ঘুরছেন।

সিগারেটটা ছুঁড়ে ফেলে দিয়ে আবার সিগারেট ধরালেন হরিবিষ্ণু।

নসুবাবা সেদিন সিঁড়ির অন্ধকারের মধ্যে চুপচাপ বসে এই সমস্ত বিবরণ শুনেছিল। সে এসেছিল হরিবিষ্ণু দাদাবাবুর কাছে মাগনের তরে। অর্থাৎ ভিক্ষের জন্তে। দাদাবাবু সন্ধ্যায় এসে সকালে চলে যায়। থাকলেও ধরা যায় না। সারাটা দিনই ঘুরছে দাদাবাবু। এসেই কপালে হাত দিয়েছিল—হায় নেকন! কারণ তখন হরিবিষ্ণুবাবুর সঙ্গে করুণা দিদিমণির কথাবার্তা চলছিল। সীমা করুণাদির পাশে দাঁড়িয়েছিল; নসু একবার উঁকি মেয়ে দেখেই কপালে হাত দিয়ে পিচ কেটে—চুপচাপ ওই সিঁড়িতে বসে অপেক্ষা করছিল—কতক্ষণে করুণাদির সঙ্গে দাদাবাবুর কথাবার্তা শেষ হবে। কিন্তু কিছুক্ষণের মধ্যেই এই কথাবার্তার বৈচিত্র্যের মধ্যে ডুবে গিয়ে শুধু শুনেই গিয়েছিল। করুণাদি আর সীমা যখন ঘর থেকে বের হল তখন একপাশে একটা আড়াল জায়গা দেখে সবে বসেছিল। কারণ একটা ভয় হঠাৎ তাকে আছন্ন করে ফেলেছিল। দাদাবাবু যদি জানতে পেরে তাকে ধমক দিয়ে বলে—কেন—কেন এমন করে চুপি চুপি কথা শুনেছিলি তুই! এরপর এইসব কথা ফেনিয়ে ফাঁপিয়ে ছড়া বেঁধে—।

হেই মা রে।—কি হবে? যদি দাদাবাবু ডাকে—মহাবীর সিং—বাধো ইসকো!—হেই মা গো।—

প্রাণপণে নিশাস বন্ধ করে সে একটা অন্ধকার আড়ালে দেওয়ালের সঙ্গে সঁটে দাঁড়িয়েছিল। করুণাদি এবং সীমা চলে যেতেই সে বেরিয়ে আসবে এমন সময় নিচে আবার কার সাড়া পাওয়া গেল। কে উপরে উঠছে! আবার সে দেওয়ালের সঙ্গে সঁটে দাঁড়িয়ে রইল।

রক্ষা কর মা ফুল্লরা! রক্ষা কর! হেই মা রক্ষা কর!

—বাবু!

—কে?

—আমি সনাতন মুহুরী।

—এস। কি ব্যাপার?

—কথানা পাট্টা সই করাবার আছে।

—পাট্টা? আবার এখন পাট্টা? জমিদারী তো অনেকদিন গিয়েছে।

—আজ্ঞে হ্যাঁ। যে সব খাস পতিত এর ওর নামে বেনামী বন্দোবস্ত করে রাখা আছে—সেইগুলির জন্তে—আনরেজিস্টারী পাট্টা-কবুলতি করে রাখা দরকার। . শুনছি কংগ্রেসী বাবুরা সব খোঁচাখুঁচি করবে। আজ হুমকি কাল হুমকি—তাই ম্যানেজারবাবু এই ব্যবস্থা করেছেন। কবুলতি সই হয়ে গিয়েছে—পাট্টা সই করে দেবেন আপনি।

—আনো।

সনাতন মুহুরী সে-প্রায় এক বোঝা দলিলের একটা মোট তাঁর সামনে টেবিলের উপর রাখলে।

হরিবিষ্ণুবাবু হেসে ফেললেন,—বললেন—এ যে গন্ধমাদন সনাতন!

—আজ্ঞে—আড়াইশো খানা এতে আছে—এ ছাড়া আরও তৈরী হচ্ছে।

—এ সবই কি বেনাম করা রয়েছে?

—আজ্ঞে না, সত্যি বন্দোবস্তও আছে—তা প্রায় অর্ধাঅর্ধি হবে।

—রেখে যাও—সই করব অবসর মত। আমি কাল দিন-রাত্রিটা আছি। ম্যানেজারবাবুকে বলো—কবুলতির বোঝাটা একবার দেখিয়ে নিয়ে যাবেন। হ্যাঁ?

—আজ্ঞে বলব। আমি তা হলে যাই এখন?

—না, বসো। দয়াকার হলে দু-একটা কথা জিজ্ঞেস করতে পারি তো! বসো। এরপর আর বসে থাকে নি নম্রালা। সন্তর্পণে দেওয়াল ধরে-ধরে গোল-সিঁড়ি নেমে বেরিয়ে এসেছে। মনে মনে একটা ভয় হয়েছে—সে সেই অনেকক্ষণ আগে থেকে লুকিয়ে বসে এইসব কথাবার্তা শুনেছে তার জন্ত।

সেই কথাই সে বললে বেরাই কটিকদাসকে। বললে—সে তো বেরাই অনেক কথা। সে সব কথার ঝাঁক কি পাক কি ধার কি! সব কি বুঝি, না বুঝতে পারি! তবে বুঝলাম এই যে সীমে শুভেন্দুকে বিয়ে করবে না। আর শুভেন্দু—সিনেমাতে রাজপুত্র সেজে অনেক

টাকা রোজগার করবে।

ভারপরই বলে উঠল—হায় নেকন!

হেসে ফটিক বললে—ক্যানে, নেকন আবার কি করল?

—কি করলে? বলি বেয়াই এই কথা নাকি শুধোর—না শুধাতে হয়?

—ক্যানে গো? দোষ কি হল?

—বলি তুমি তো কানা লও?

—না, কানাও লই—কানাও লই—

—তাই তো বলছি। শুভেন্দু কার লাতি গো? কার বেটার বেটা? আঃ, যার ঠাকুর-দাদার পেতাপে বাঘে-বলদে এক ঘাটে জল খেয়েছে। নোকে রাজা বলে—তা-ই ছিল—রাজা বাদশা! মেজাজ কি!

হ্যাঁ। রাজত্ব গিয়েছে। এখন রাজপুত্র না সাজলে তো কেউ রাজপুত্র হবে না। আর গিয়ে, বুয়েছ; সে নাকি মজার রাজত্ব গো।

—আর মজার রাজত্ব। আঃ, সব গেল গো! সব গেল।

—কি গেল?

—কি গেল না বল? রাজাবাবুরা গেল, রাণীমারা গেল, রাজপুত্ররা গেল, রাজকন্তারা গেল। বামুনের পৈতে গেল, মেয়েদের ঘোমটা গেল, কৌচানো কাপড় গেল, ছেলেগুলো চোড়া পেণ্টুলান পড়লে—মেয়েগুলো ফেরতা দিয়ে কাপড় পরলে—ঠোটে রঙ দিলে। রান্নাশাল ভাঁড়ার ঘর ছেড়ে ইঙ্কলে ছুটল। রব ধরলে—বিয়ে করবে না। আর কি করবে—বল? কি থাকল বল!

এবার ফটিকদাস হাসলে। বললে—তা ভাল; অনেক ভাল। এ অনেক ভাল হল বেরান।

—ভাল হল বলছ? সীমের কি ভাল হল?

—হল কি না তুমিই বল? বিয়ে করে তো দু'দিন প'রে ডাইভোর্স গো।—

—ডাইভোর্স? সেই ছাড়াছাড়ি—আইনের কথা বলছ নাকি?

—হ্যাঁ।

চুপ ক'রে গেল এবার নসুবাবা। বিয়ে হলে সে বিয়ে সীমার টেকবে না? ফটিক বললে—ই ভাল বেরান। এই দেখ আমার বউটা পালিয়ে গেল। তাতে ভাই বুকে লাগা আমার লেগেছে। তার থেকে এমনি বিয়ে-টিয়ে না করা ভাল। সীমা তোমার বেশ করেছে। লেখাপড়া শিখে চাকরি-বাকরি করবে।

হঠাৎ একটা দমকা বাতাসে আলোটা নিভে গেল।

অন্ধকার যেন কোন্ আড়ালে আবড়ালে লুকিয়েছিল—মুহুর্তে বাপ ক'রে বাঁপ দিয়ে পড়ল তাদের উপর। তারা চুপ ক'রে বসে রইল।

নসু সেই অন্ধকারের মধ্যে বসে থাকতে থাকতে হঠাৎ বললে—একখানা গান গাই,—না,

—কি বল ?

—বেশ ভাল দেখে বুঝেছ ?

নসু ধরলে সেই পাগলের গান । অন্ধকারের গান ।

“আহা ভাই রে ! ও-তোর আলোর তরে ভাবনা কেন হয় রে !

অন্ধকারেই পরাণপাখী সেই দেশেতে যায় রে ।

সেখা চন্দ্র সূর্য লক্ষ পিঙ্গীম তাইরে নাইরে নাইরে !”

—না ! অন্ধকারের মধ্যেই হাত বাড়িয়ে তার হাতখানা চেপে ধরলে ফটিকদাস—না !  
ও গান থাক বেয়ান ।

—তা হ'লে ? কি গান ধরব বল ?

—রঙের গান গাও হে ! মরণ তো আছেই । রঙ আজ আছে কাল নাই । পলাশফুলের  
পালার মত । এল ভাল ভেঙে । পাতাঝরা মরার মত ডালের সর্বাজে ফুল । বাস, মাস খানেক  
মাস দেড়েক—তা বাদেই সব শেষ । গেয়ে লাও ভাই ।

নসু ধরলে—অনেক দিনের পুরনো গান :—

গোপনে মনের কথা বলতে দে গো আঁধার গাছতলায়

ঠা-গা শীতল সাঁঝ বেলায় ।

শোন—পা-বীরা, গাছের ডালে ঝোটন নেড়ে জোটন বেঁধে কলকলায় ।

ঝুঁঝকি আঁধার দিপি দিপি জোনাক মেলা

মনের কথা ফিসফিসি বলার পালা

বিনি স্তোর মালা-বদল এক পহরের রঙের খেলা

আদ্যিকালের বংশী বাজা—কদমতলার গানের পালায় ।

গোপনে মনের কথা বলতে দে—গো !

বিংশ শতাব্দীর পঞ্চম দশকে যখন চন্দনপুরের মানুষ মাটি নদীনালা গোটা দেশ এবং  
হুনিয়ার সঙ্গে রকেটের বেগে ঘুরন্ত এক কুমোরের চাকে চেপেছে নূতন গড়নের জল, নানান  
বিচিত্র পাত্রের গডনে গড়ে উঠছে এবং বিজ্ঞান-বুদ্ধির চুল্লীতে পুড়ে পাকা হচ্ছে—তখন এই ছুটি  
মানুষ আদিম কালের দুটি মাটির ঢেলার মত এক পাশে পড়ে তাদের গায়ে ঘাসের রোমাঞ্চ জাগিয়ে  
ফুল ফোটাচ্ছে এবং শুনেছে যোঁমাছির গুঞ্জন গান এবং ভাবছে এই চিরকালের রঙের গান ।  
আঁধার গাছতলায় সন্ধ্যাবেলা ছাড়া রঙের গান—প্রেমের পালা হয় না । ওরা জানে না এ  
যুগে, ডাকে—তারে—চিঠিতে চলে সে পালা । বাতাসে ভেসে আসে ওই চিঠির কথা পরস্পরের  
কানের পাশে ।

শহরে কফি হাউসে, পার্কের বেঞ্চে, রেলিংয়ের গায়ে ঠেস দিয়ে দিনতুপুরে কথা হয় । পালা  
চলে । সে ওরা জানে না ।

চিঠিতে কালির অঙ্করে মনের কথা খামের গোপনীয়তার মধ্যে দিয়ে আসে। কখনও হারান — কখনও সন্দেহক্রমে কেউ খোলে বটে তবে ছুঁচারটে ক্ষেত্রে, সকল ক্ষেত্রে নয়। এবং একালে কি বিচিত্রভাবে যে প্রেম হয়!

মাস তিনেকেরও বেশী। এরপর সীমা একখানা চিঠি পেল। চিঠিখানা ডাকে এসেছে, কিন্তু সরাসরি ডাক মারফত তার কাছে নয়—এসেছে আশু সিংহীকে পোস্ট বক্স করে।

আশু সিংহী অপ্রত্যাশিতভাবে পত্র পেলে একখানা। বেশ বড় খামও বটে। মোটাও বটে। চমকে উঠল প্রেরকের নাম দেখে।—এক—এস—ইউ অর্থাৎ ক্রম শু—। এ সংকেতটা আশু জানত। আগেও ছুঁচারবার চিঠি লিখেছে শুভেন্দু কলকাতায়—সিনেমার ব্যাপার নিয়ে। এখানেও কখনও-সখনও ওদের বাড়ীর রাখাল কি মাহিন্দার চিরকুটের চিঠি নিয়ে এসেছে—তাতেও এই সই থাকত। এস অঙ্করটা এমনভাবে লিখত যে সেটা এস ও সি দুটোই হত, অক্ষম মনোগ্রামের মত এস-এর তলার বাঁকা অংশটাকে বাড়িয়ে সামনে একটু টেনে দিত।

আশু চিঠিখানা খুললে। বড় খাম—মোটা খাম। অনেক কথা লিখেছে সে। যাক একটা দুর্ভাবনা গেল। খবরটা পাওয়া গেল শুভেন্দুর।

আশুকে লেখা চিঠির সঙ্গে আর একখানা আকারে একটু ছোট খাম।

তাতে ছাপার হরফের মত সযত্নে খুব সুন্দর করে লেখা—সীমা। সাধারণ খাম। দুটো চিঠিতে চিঠিটা মোটা হয়েছে; আশুর চিঠিটাও বেশ বড়, ছোট নয়।

লিখেছে—

ভাই আশু,

প্রথম ভেবেছিলাম আত্মহত্যা করব। কিন্তু সে লজ্জা এ লজ্জার থেকে অনেক বেশী। বাবা সেটা করতে গিয়ে একটা আঘাতের পর আর আঘাত করতে ভয় পেয়েছিলেন। হয়তো প্রথম আঘাতটা কম জোরে করে ফেলেছিলেন। অথবা অভিনয় করতে গিয়ে অতি-অভিনয় করে ফেলেছিলেন। আমি তা' করব না। ওতে আমার ঘেন্না আছে। আমি নতুনকালের মানুষ। আমি ওকালের পুরনো রোমান্স—আমার মর্ষাদা গেল, এ বলে তো মরব না। মরতে পারব না। বলিনি একদিন যে, খবরের কাগজে মোটা হরফে বেকার যন্ত্রণার আত্মহত্যা লিখবে, —এ আমার কাছে অসহ্য। তার থেকে তো ডাকাতি করা ভাল;—যদি খেটে খেতে না পারি! রোগ-যন্ত্রণার আত্মহত্যা আমার কাছে যুক্তিগ্রাহ্য। কিন্তু এর প্রতিকার তো করতেই হবে। তা না হ'লে আত্মহত্যা নয়—বাড়ীর লোকের—দেশের লোকের আমাকে বিষ দিয়ে মেরে ফেলা উচিত। র্যাটকিলার বিষ বেশী করে দিয়ে মারা উচিত। কারণ বিধাতার সৃষ্টির বাজে খরচ নাকি ইঁদুর। যুক্তিতে তা হলে আমি ইঁদুর।

আশু থামল। একটু না হেসে পারলে না। শুভেন্দু বেশ মুন্ডের উপর চিঠিখানা লিখেছে। বিষমতার বিষক্রিয়া—মনের গুমোট ভাবটা কেটে গিয়েছে। সীমার চিঠিখানা ঘুরিয়ে দেখলে। খুব যত্ন করে বন্ধ করেছে। একটু নেড়েচেড়ে রেখে দিলো তারপর আবার নিজের চিঠি পড়লে।

তাই ভাগ্যের সন্ধানে বেরিয়ে প্রথমে ভেবেছিলাম সিনেমার নামব অথবা থিয়েটারে। আজও ভাগ্যের সন্ধান পাইনি, তবে হাঁটছি। ক্লান্ত হইনি। দুটো ঘটনা একসঙ্গে ঘটল। বাবার ঘটনা—সীমার ঘটনা। সীমার ঘটনাতেও কানাঘুষো শুনলাম—সীমা অন্ত কাউকে ভালবাসে—নইলে কখনও শুধু পড়ব বলে পালিয়ে আসে কেউ? এবং আমার নামটা এল তার সঙ্গে—কানের টানে মাথার সঙ্গে চুলের মত। আমার বুক কঁপেছিল—ভয়েও বটে এবং আনন্দেও বটে। বুঝেছিলাম সীমা আমাকে ভালবাসে। আমি চিঠি লিখলাম। বেশ কাব্য করে এবং কৌশল করে লিখলাম—তুমি যখন দেবধানীর মত প্রেম ভুলে যযাতির মত রাজার রাজ্যসম্পদে লুপ্ত হওনি, তখন কচের মত আমিও দেবকার্য সাধনের জন্য অভিশাপ মাথায় করে চলে যাব না। চৌধুরী বাড়ীর গৌরব, তোমরা আমরা ভিন্ন শ্রেণীর ব্রাহ্মণ—এ সব ভুলে যাব। এবং তোমাকে পাশে নিয়ে দাঁড়াব কষ্টের ছুনিয়ার। নেলিকে দিয়ে পত্র পাঠিয়েছিলাম। নেলি এসে বললে—পত্রের উত্তর সে দেয়নি। মুখে বলেছে—দূর—দূর। তাকে ওসব ভাবতে বারণ করিস। প্রেম-দ্রোহ নেই আমার। আমি পড়ব।

আমার মাথায় তখন তাপ জমেছে। বেশ স্নহ ছিলাম না। মানে যে অবস্থার মানুষ অসম্ভব কিছু করতে পারে সেই অবস্থায়। মানে—সীমা যদি বলত—হ্যাঁ প্রেমই বটে, তবে আমি ওকে বিয়েই করে ফেলতে পারতাম। 'কি খাওয়াব কি খাব—কি হবে এসব ভাবতাম না। আমার এ উত্তর শুনে হুঃখ হল। আমার প্রেমে পড়েনি? আমার কি কোন যোগ্যতাই নেই? ওকে আমার প্রেমে পড়তেই হবে। বাধ্য করতে হবে। কি করে বাধ্য করব? ভাগ্য চাই, ভাগ্য। একজন কৃতী লোক হতে হবে। বাড়ীর হুঃখ ঘোচাব, সীমাকে প্রেমে পড়তে বাধ্য করব। বেরিয়ে পড়লাম ওই কমপেনসেশনের একশো টাকা নিয়ে। এসেছিলাম কলকাতায়। প্রথম ছবির রাজ্যেই চেষ্টা করলাম ভাগ্যসন্ধানের। শ্রামাকিকরবাবুর কাছে যাইনি। গেলেই তিনি ধরে বাড়ী ফিরে পাঠাতেন, জানতাম। খবর কি তাঁর কাছে আসবে না? গিয়েছিলাম দেশের পরিচয়ের দাবীতে স্বপন সিংহ ডিরেক্টরের কাছে। চরনপুরের নাম শুনে তিনি আমাকে আসতে বললেন ঈর্ষুভিত্তে। গেলাম। আমাকে জনতার মধ্যে একটা পাট—সিনেমার বলে একট্রা দিলেন। ভদ্রলোক গরীব লোকের মিলানো ভিড়। আমাকে গরীব লোক—তাও বরঞ্চ লোকের পাট দিলেন। অল্পগ্রহ একটু ছিল এর ভেতর। পাটটার মুখে কথা ছিল। আমি পাটটা ভাল করলাম। অনেকে তারিফ করলে। বললে টাইপ পাটে আমি ভাল করব। প্রথমেই তারিফ কম কথা নয়। স্বপনবাবুর অ্যাসিস্ট্যান্টরা ঠিকানা চাইলে। বললে—ওরা বলে দেবে—দু-চার জায়গায় টাইপ পাট হলে ডাকবে। স্বপনবাবু খুলী হয়ে দশ টাকা দিলেন পাঁচ টাকার জায়গায়। কিন্তু আমার ও কথা ভাল লাগল

না। টাইপ পাঠ থেকে যদি জনতার মধ্যে একটি কোন তরুণের পাঠ আমাকে দিতেন এবং পারিশ্রমিক কিছুই না দিতেন তবে আমি খুশী হতাম—আশান্বিত হতাম। আশা থাকত—কোনদিন আমি নায়ক হিরো হতে পারব। এ ছিল একটা গেরো ক্যাবলার পাঠ। মনের মধ্যে সীমার কথার নতুন মানে খুঁজে পেলাম। মেয়েরা বলে নাকি, বরের রূপ চায়; রূপের অভাব পূর্ণ করতে পারে—এক গুণ আর বীর্য। আমার রূপ নাই। বর হবার মত রূপ নাই এ কথা স্বপনবাবুর মত লোক বলে দিলেন। শ্রামিকবাবুর কথাও মনে পড়ল। নাচে রূপ আর গায় স্বর। সিনেমায় প্লে ব্যাকে সুস্বরের অভাব সহজে যেটানো যায়, ছবি বিশ্বাস নায়ক সেজে গান গেয়েছে কিনা বলতে পারিনে। একালের উত্তমকুমার ঠোট নেড়ে হেমন্তকুমারের গলার গান গায়—কেউ ধরতে পারে না। কিন্তু রূপের অভাব মেক-আপেও যেটানো যায় না। সুন্দরকে বীভৎস করা যায়, ভয়ঙ্কর করা যায় কিন্তু সুখ্যা লাভণ্য—যে সুখ্যা-লাভণ্যে নায়ক সাজে—তা মেক-আপে আসে না। স্বাস্থ্যও কিছুটা পূরণ করে। আমি তাই ও ভূতটাকে নামিয়ে দিয়ে বলেছি—তুমি এস। আমি রাম কবচ নিয়েছি। যাও!

চলে গিয়েছিলাম কলকাতা ছেড়ে। ঘুরলাম। পায়ে হেঁটে ট্রেনে বাসে। একশো টাকা ছিল, তার সঙ্গে জুড়ে নিয়েছি—আংটি, দুটো আংটি ছিল পৈতের সময়ের, বোতাম—ফণ্ডফণ্ডে অবশ্য, ঘড়িটা—বেচে আর একশো করে ঘুরেছি। দুর্গাপুর—সেখান থেকে আসানসোল—সেখান থেকে রাউরকেলা এসে একটা চাকরি মিলিয়ে নিয়ে ছিলাম। মাসখানেক কাজও করেছিলাম। গতরের কাজ। যাতে দেহখানা ভেঙে নতুন করে গড়ে ওঠে। বৃকের ছাতিটা চওড়া হয়ে ওঠে। কিন্তু সহিল না। অসুখে পড়ে ছেড়ে দিলাম! ও দুর্দান্ত খাটুনি ওরাই পারে। ওই সায়েবরা আর আমাদের দেশের পাঞ্জাবীরা। এখানে যার কাছে কাজ মানে খাটতাম সে একজন জার্মান সায়েব। লোকটা চিমনী রিবেট করছিল। আমি যোগাতাম তার সরঞ্জাম। একদিন লোকটা পড়ল উপর থেকে,—নিচে সস্তা ভরাট-করা মাটি ছিল তাই পড়ে মরল না—হাতের কঙ্কীটা ডিসরোকেশন হল—পায়ের অ্যাঙ্কেল ছাড়ল। আমি নিচে ছিলাম—ভারার মাঝামাঝি জায়গায়। যে কারণে সায়েব পড়ল সেই কারণে আমিও পড়লাম। সায়েব দোতলা থেকে আমি একতলা থেকে। ভাই আমারও লেগেছিল যথেষ্ট, কিন্তু সায়েবের মত নয়। তবুও সায়েব উঠল সাত দিনে—আমি পনের দিনে বেরিয়ে এলাম হাসপাতাল থেকে, তারপর শুরু হল জব আমাশয়। সায়েব দশ দিনে কাজে লাগল। আমি আঠারো দিন পর গিয়ে বললাম—এ কাজ আমি পারব না। রিজাইন করছি। দুর্গাপুরে একজন পাঞ্জাবী লরীওয়ালাকে দেখেছিলাম—তার দুখানা লরী—গাছতলায় গ্যারেজ আর সেইখানেই ছোট একটা টিন দিয়ে ঘিরে ঘর। শুনেছিলাম পাঞ্জাবের রেফুজী, দুর্গাপুরে ডি. ডি. সিং ব্যারাজ আরম্ভের সময় একটা গাই মোষ নিয়ে এসে ওই গাছতলায় আশ্রয় নিয়েছিল। দুধ বেচত। একটা মোষ থেকে দুটো তারপর একে একে তিনটে গাই করে গাছতলাটাকে গোয়াল বানিয়েছিল। গাছটা এমন ঝাঁকড়া হল যে এক ফোঁটা জল পড়ত না। তারপর সব গাই মোষ বিক্রি করে একটা লরী এবং একটা থেকে দুটো লরী করে ব্যবসা

চালাচ্ছে। বাঙালীকে কত্তারা দোষ দেয়—আমরা তা পারি না বলে। পারব কি ক'রে? বক্সিং ইঞ্চি ছাতি মেলে না—সাড়ে পাঁচ ফুট লম্বা বাঙালী মেলে না। তা হ'লে তো সিনেমা লাইনেই থাকতাম। ছবি বিশ্বাস বুড়ো হয়েছে। মেক-আপে আর জোরান দেখাবে ক'দিন?

মাই হোক—ও চাকরি ছাড়লাম—আমার জার্মান মিস্ত্রী কর্তা বললে—তুমি স্টোরে কাজ কর। একটা পোস্ট খালি আছে।

বললাম—তা জানি সায়েব। কিন্তু ওটাতে গ্রাজুয়েট চাই। আমি তো ম্যাট্রিকুলেট।

সে বললে—যাও যাও। লিখবে তো হিসেব। তার আবার গ্রাজুয়েট। তুমি লেগে যাও আমি লাগিয়ে দিচ্ছি। টেম্পোরারী হয়ে লাগো। তারপর কাজ ভাল হলে ড্রেড ইউনিয়নের যুগে তোমাকে ছাড়াবে কে?

লাগলাম। মাইনে বেশী হল। সবসুদ্ধ নিয়ে দুশো টাকার বেশী। দিন তার পড়ে কত হিসেবে—আট টাকা প্রায়। কিন্তু বিপদ হল—ওই গ্রাজুয়েট নই। সত্যিই আশু, এ যুগে তাদের লাইনে কবরেজী চলে না—অন্তধানে অগ্রাজুয়েট চলে না। বিচিত্র যন্ত্রপাতি, তার পার্টস—তার নাম বিচিত্র—বানানে ঠেকলাম। নাম শুনেছিলাম প্রপার নাউন—ওতে নাকি বানান ভুল হয় না। মিথ্যে কথা। দিন পনের কাজ করে নিজেরই লজ্জা হল—পনের দিন পরই মাইনে মিলল—মাস শেষ হল। আমিও রেজিগনেশন দিয়ে সরে পড়লাম। কলকাতার এসেছি। পড়ছি। আই-এ দেব। এ বছর সীমা ম্যাট্রিক পাস করবে—। ওর আগেই আমাকে গ্রাজুয়েট হতেই হবে। একটা কিছু, তো চাই-ই—যাতে অন্তত বলতে পারি—নায়ক হবার মিনিমাম কোয়ালিফিকেশন আমার আছে। এই দেখ সীমা আমার গ্রাজুয়েট হবার সার্টিফিকেট। আর রূপ না থাক—ছাতি আমার ছত্রিশ ইঞ্চি। রমেনের মত কালো ধূমসোকেও আমি ধরাশায়ী করতে পারব। একটা দিনের বেলায় চাকরি পেয়েছি। শ্রামা-কিঙ্করবাবুর একখানা পত্র দেখিয়েছিলাম পরিচয়পত্র হিসেবে। কাজ দিয়েছে খুব। আশি টাকা মাইনে। গ্রাশনাল লাইব্রেরীতে বই ঝাড়ানোর কাজ। রাত্রে কলেজ।

এইবার তোকে অম্বুরোধ—। আমার বাড়ীতে বাবা মা নেলি রইল—তাদের অম্বুরোধ-বিস্মৃতি দেখিস। টাকা-পয়সার হিসেব রাখিস—আমি দোব। নিশ্চয় দোব। তুই যে দেখবি সে আমি জানি। এবং আমার পিতাকে জানি—তিনি ফি-টি দেবেন বলবেন—দিতে পারবেন না। তুই সেইটে মেনে নিস।

দ্বিতীয় অম্বুরোধ—তোর নামে টাকা পাঠলাম। একশো টাকা। ইকুলে নেলির মাইনেটা দিয়ে দিস—আর হেডমিস্ট্রেসকে অম্বুরোধ করিস তিনি যেন নেলিকে বলে দেন—তোমাকে ফ্রি ক'রে নেওয়া হল। বাকীটা সীমার জন্য। ও এসে আশ্রয় পেয়েছে দিদিমণিদের কাছে। হয়তো গ্রাইভেটে পরীক্ষা দেবে। কিন্তু খরচ আছে তো। পাঁচজনের দানে সীমা পড়বে—এটা আমার সঙ্ক হচ্ছে না। সে আমার প্রেমে পড়েনি কিন্তু আমি তার প্রেমে ধপাস করে পড়ে গেলাম। যতক্ষণ আমার চিঠি পেয়ে সে নেলিকে না বলেছে—দূর দূর, ততক্ষণ



আমার মনে প্রেমের কিছু ছিল না। বেশ দাঁড়িয়ে ছিলাম—চৌধুরী বাড়ীর ভাড়া দালানের ছাদে। যেন ওই কথাতে—আমি রেগে লাক দিয়ে হাড়গোড় ভেঙে পড়লাম।

ওকে একটা চিঠি দিলাম। এটা তোকে পৌঁছে দিতে হবে। এর মধ্যে তোকেও যা লিখেছি—তাই লিখেছি। হয়তো একটু সরসতর হয়ে থাকবে। শেষের অংশটা—অনুরোধের অংশ থেকে শেষটা থাকল না। টাকার কথাটা থাকল—লিখলাম—“যদি তোমার আপত্তি না থাকে তবে পড়ার খরচের জন্য আমি তোমাকে বন্ধুর দাবিতে সাহায্য করতে চাই। তুমি রাজী হলে টাকা আশু দেবে তোমাকে। তুমি আমাকে ভালোবাস না বাস—টাকাটা নিলে খুশী হব। পরে তুমি শোধ করো। গান আছে—জীবন এত ছোট ক্যানে, আমার কাছে জীবন ছোট নয়। মস্ত বড়। এ কালে তো মস্ত বড়। আগে বিলেত যেতে জাহাজে এক মাস লাগত। এখন তিন দিনও লাগে না। সুতরাং দশ গুণের উপর বেড়ে গেছে। বেড়ে গেছে বদলে গেছে। সুতরাং নিলে তুমি কেনা হবে না এবং দেনা হলেও শোধের সময় পাবে।”

দেখিস কি বলে।

শিবনাথ দে'কেও একখানি পত্র লিখলাম। লোকটি অস্ত্রের চোখে যাই হোক—আমার কাছে উপকারী মানুষ। এক পরসা ছাড়বার মানুষ নয়। গুণবান মানুষ ধার্মিক মানুষ মহৎ মানুষ—আমি বলি না, তবে ও আমাদের উপকারী মানুষ। ওঁকে লিখলাম—বাড়ীর প্রয়োজন মত টাকা দিতে। বিশেষ দরকারে টাকা লাগলে ধানে শোধ হবে—বা হবে না এটা যেন না ভাবেন। আমি শোধ দেবই। রোজগার থেকে না পারি আমি আমাদের আছে—তাই বিক্রী ক'রে দেব।

বাড়ীতেও পত্র দিয়েছি। ছোট চিঠি। ভাল আছি—কিছুদিন পর যাব। আর যে একশো টাকা নিয়ে বেরিয়ে এসেছিলাম সেটা পাঠালাম।

আর একটা কথা। সীমার পত্রের ব্যাপারটা যেন গোপন থাকে। ওটা যেন প্রকাশ না পায়। দোহাই। একদিকে অমর চকোত্তি। অন্যদিকে গাঁয়ের প্রান্তে নসুবাল। সে খবর পেলে হয়। ভাড়া গান বেঁধে গেয়ে বেডাবে। যেদিন বাবার কাণ্ড এবং সীমার কাণ্ড হয়, সেদিন রাতে শিবনাথ দে বাবাকে দেখতে এসেছিল। যখন ফিরে যায় তখন তার সঙ্গে কথা বলতে বলতে ওর বাড়ীর দোর পর্বস্ত গিয়েছিলাম। শুনলাম ফটিকদাসের বাড়ীতে গান হচ্ছে।

নাকের বদলে নরুণ—ফুলের বদলে বিলিতি বেগুন—

সীমার বদলে কমা—ও মন রসনা তাই ঘুনা ঘুনা—ঘুনা।

দোহাই। আমার ভালবাসা নিস। ইতি—

আশুর ভারী ভাল লাগল চিঠিখানা। আজ এক নতুন চেহারা নিয়ে শুভেন্দু তার সামনে দাঁড়াল। ভারী ভাল মুডের চিঠি। এটাই যদি তার জীবনের মনে স্থায়ী রূপ হয়ে দাঁড়িয়ে থাকে, তবে তো ও জিতে গেল। ও তো হাঁস হয়ে গেছে। জলে পানিকে দুধে যেখানে ডুব দিক, পালকে লাগবে না একটি বিন্দুর দাগ। কিন্তু আশ্চর্য। কি করে হল? কি ক'রে হয়?

চন্দনপুর গ্রাম—জমিদারী উচ্ছেদের ওপাশে অর্থাৎ পিছনদিকে কর্ণওয়ালিশের আমল তাই বা কেন, আলিবর্দীরও আগে থেকে জমিদারের আড়ং। এখানকার মাটি পর্বস্ত জমিদার। আলিবর্দীর আমলে রাজনগরের নবাবের অধীনে চৌধুরীরা জমিদার। তারপর কর্ণওয়ালিশের আমল থেকে এ পর্বস্ত গ্রামের সব ব্রাহ্মণ বাড়ীই জমিদার বংশের ফ্যাকড়া, ভাল থেকে খুরিনামা কাণ্ডের মত চৌধুরী বংশের দৌহিত্র। বাঁড়ুজ্জ বৈশী—চাটুজ্জ-মুখুজ্জেরা কম জমিদার হয়েছে। তারা নতুন জমিদারী কিনে চন্দনপুরের প্রভাপ আরো বাড়িয়েছে, চন্দনপুরের উঠোন বাধিয়েছে প্রজাদের মাথা কুটিয়ে; চারদিকে পাঁচিল তুলেছে জমিদারী ইজ্জতের, ছাদের উপর চিলে কোঠা তুলেছে দস্তের। চৌধুরীদের নতুন শাখা মাধবলাল এসে তাতে ওরারেন হেস্টিংস কর্ণওয়ালিশের কোটপ্যাণ্টের সঙ্গে গড়গড়া এবং বার্জী নানের সিঁহিসিসের মত জমিদারী কয়লার ব্যবসার আয়ে—ইংরিজিহান্না ইংরিজী ইঙ্কুল—ইংরিজী মেজাজ ঢুকিয়েছিলেন। সাহেব ভক্তি ও ভয়ের আত্মগত্যের বিনিময়ে রায়বাহাদুরী অর্জন ক’রে চন্দনপুরকে স্বর্গ না হোক যক্ষপুরী বানিয়েছিলেন। এরা আর বাই হোক—মাহুবেতর কিছু ছিল। অন্তত যাকে যক্ষ বলা যায়।”

কথাগুলি আশুর নয়, কথাগুলি শ্রামাকিকরবাবুর। তিনি বলেন—“স্বাধীনতার পর যক্ষপুরী অধিকারে এল মাহুবেতর। যক্ষবাড়ীগুলিতে নোনা ধরল। নোনা ধরা বাড়ী হলে কি হবে—এ পুরী থেকে বেরিয়ে বাইরে এলে যক্ষেরা মাহুবেতর হয়ে যাবে ভরে তারা ঘরের অন্ধকারে লুকোল। তেমনি যক্ষপুরী চৌধুরী বাড়ী। যার প্রতীক ঠাকুরবাড়ীর ভাঙা কটকটা। বাড়ীটার সর্বান্তে নোনা। খুরখুর করে বরছে। জবুথবু স্ববিরের মত দাঁড়িয়ে আছে। শক্ত হাড়ের মত শক্ত গাঁথুনী। পুরনো জ্যাম ধরা লোহার কটক।”

আগে শুভেন্দুর বোলচাল কথাবার্তা যত আধুনিক হোক যক্ষপুরীর জবুথবু ছিল এবং যক্ষপুরীর রোমাঞ্চ মায়াও ছিল। সেটা ফুটত তার রোমাঞ্চিক নায়কের অভিনয়ে—ফুটত তার ফিল্ম জগতে নাম করে মনোরম—বিশ্বপ্রিয় হবার সাধের মধ্যে। শুভেন্দুকে সে ওই তার বাবার অদৃষ্টের দুর্ঘটনার দিনেও দেখেছে। ভয় পেয়েছে। ছেলেটা না কিছু করে বসে। মারাত্মক কিছু। শ্রামাকিকরবাবুর একখানা বইয়ে পড়েছে—অর্ধশিক্ষিত জমিদারের ছেলে—যে সং মা তাদের সকল দুর্দশার মূল—গৃহত্যাগিনী বলে অপবাদ আছে—সেই সংমায়ের অপবাদের কথা কোন প্রজা উদ্ধতভাবে বলেছিল। বলে সে তাকে গুলি ক’রে মেরেছিল। শ্রামাকিকরবাবুর সকল জীবন ও চরিত্র এখানকার। ওই প্রকৃতি চন্দনপুরের যক্ষতনয়ের প্রকৃতি। শুভেন্দু তেমনি কিছু করে না বসে।

আশ্চর্য সেই শুভেন্দু!—কোথায় কোন্ রক্তপথ ভেদ করে ঢুকল—মাহুবেতর জগতের আলো বাতাস—নতুনকালের দিন—যার স্পর্শে মোচন হয়ে গেল তার যক্ষত্বের।

চিঠিখানা সীমার কাছে পৌঁছে দেবে কি করে ? আশু চিন্তিত হল । দেওয়া সহজ হবে না ।  
অন্তত সকলজনকে গোপন করে দেওয়া অসম্ভব !

—ডাক্তারবাবু !

—কে ?

—আমি মশায় ! নিমাই ।

ওঃ—বাতব্যাধিগ্রস্ত নিমাই ! নিজেদের স্বৈরিণী কণ্ঠাদের যৌনব্যাধির বিষে জর্জর নিমাই !  
রাত্রে কাতরায় । গ্রামপ্রান্তে ঘর—তার কাতরস্বর—গ্রামবাসীদের নিদ্রাভঙ্গ করে না ।  
কেবল শিবনাথ দে ওদের পাশের বিস্তীর্ণ জমি আয়ত্ত করে বাড়ী ক'রেছে বলে সে মধ্য মধ্য  
শুনতে পায় । আর শোনে—নসু ও ফটিকদাস ।

আশু জিজ্ঞাসা করল—কি হল ? কি চাই ? ওষুধ ?

—দেন বাবু ! মরে যেছি । ওঃ । কিন্তুক তার লেগে লয় । একবার সাবিকে দেখে  
এসেন । তার বেঘম জর । কেমন লাগছে ! হাসপাতালে নিয়েই বা যাবে কে ? আমি  
তো এই খোঁড়া ।

—ভবানীবাবুর কাছে গিয়েছিলি ? তাঁকে বলগে ।

—আজ্ঞে কাল গিয়েছিলাম বিকেলে ।

—কি বললেন ? পারবেন না তো বলবেন না তিনি ।

—তিনি মশায় খাণ্ডাখাণ্ডা হয়ে বকছিলেন—ওই জাউলহাটার মোড়লদিকে । আমি বলতে  
নরেছি । পালিয়ে এলাম ।

—এখন যা । এখন আর খাণ্ডাখাণ্ডা হয়ে নেই ।

—তিনি বাড়ীতে নাই । সিউডী যেয়েচেন ।

—তাই তো ! তবে ? আমি গেলাম না হয় একবার কিন্তু তাতে হবে না । হাসপাতালে  
পাঠাতে হবে । দেখতে শুনতে তো লোক চাই !

ভবানীবাবু এগুলি করে । ঐ গুণেই এখনও এখানে সে সোজা হয়ে দাঁড়িয়ে আছে । শত্রু-  
মিত্র, সেই যে তর্পণে আছে যে অবাক্কব যে বাক্কব যে জ্ঞাতি যে অজ্ঞাতি আমার জল নাও, ঠিক  
তেমনিভাবেই ভবানীকিঙ্কর মৃতের শবদেহ স্বন্ধে শ্মশানে যায়, নদীতে স্নান করে ওই মস্ত্র জল  
দেয় । শুধু মৃত্যুর পরই নয়—মাহুষ বিশেষ করে দরিদ্র মাহুষের রোগে যে শয্যাপার্শ্বে গিয়ে  
দাঁড়ায়—। সে এখানকার কংগ্রেসের প্রধান, হাসপাতালে গিয়ে ব্যবস্থা করে দেয় । দুর্ভিক্ষে  
মহামারিতে অগ্নিদাহে জলপ্লাবনে সে সর্বাত্মে ছুটে যায় । এক বছর আগে প্রবল বন্যা হয়েছিল  
—আশেপাশের দুটো জেলায় একের তিন ভাগ ডুবেছিল । সরকারী কর্মচারীরা জিপে বোটে  
যেসব স্থানে পৌঁছেছিলেন, তাদের আগেই ভবানীকিঙ্কর হেঁটে বুকভরা জল ঠেলে সেখানে

শৌছেছিল—মানুষকে অস্তুত ‘ভর নাই’ কথাটা বলেছিল। ফিরে এসে বাড়ীতে বুকের যন্ত্রণার অধীর হয়ে প্রায় অজ্ঞান হয়ে গিয়েছিল। আশুই চিকিৎসা করেছে, বিনা পরসাতেই সে তাকে বহু কষ্টে সুস্থ করেছিল। তার হৃৎপিণ্ডের ধ্বনির মধ্যে সে শুনেছিল, আর পারছি না। আর পারছি না।—এই কথা। ভবানীকিঙ্কর বিচিত্র—চারদিন পর আবার বেরিয়েছিল। কিন্তু হলে কি হবে। যক্ষপুরীর যক্ষরক্ত দেহে আছে—তার জিন্মা যাবে কোথায়—লোকটি অসম্ভব ক্রোধী। যার প্রাণ রক্ষা করে সেও তার এই ক্রোধের জন্ত তার কৃতজ্ঞতা সপ্রেমে জানাতে গিয়ে ফিরে আসে। আরও একটি খুঁত আছে। সে খুঁত লোকটির লেখাপড়া বিমুখতা। কাগজ কলমের সঙ্গে তার বনিবনাও নেই। যক্ষের সম্পত্তি তাদেরও বেশ ছিল। তার কাগজপত্র ছিল একখানা ঘর বোঝাই। তার কিছু অবশেষে নেই—দেখবার লোকের অভাবে। কংগ্রেসের প্রধান। তারও খাতাপত্র বোধ হয় নেই। যা আছে তা ভবানীবাবুর পকেটে কুলোয়। তবে সরল মানুষ। হৃদয়বানও বটে। যারা এ যুগে অচল। তবু ওই এক কারণে চলে। আশু যাবে একবার, সার্বিকে দেখে আসবে। সঙ্গে বরং ভবানীবাবুর ছেলে জগন্নাথকে নিয়ে যাবে। ছেলোটো বাপের গুণ পেয়েছে। তবে অগুণ ক্রোধটি পায়নি। ওকেই সঙ্গে নেবে। সে-ই গাড়ীর ব্যবস্থা করবে। আরও একবারের গাড়ী চাই। সে ভবানীবাবু এসে করবে। সার্বিকে আশানে নিয়ে যেতে হবে। ওই সার্বিকা সবই মরবে। একে একে। “যত যক্ষপুরীর কালের যৌন অসংযমের পাপের ভার—ওদের ঘাড়েই চাপানো আছে—যক্ষপুরীর কাল গত হবার পর ওরা যাচ্ছে। ওদের কেলে ভবানীবাবু ভালোই করছে। পাপক্ষয় হচ্ছে যক্ষবংশের।” এও শ্রামা-কিঙ্করবাবুর কথা। এ কাজ তিনিই প্রথম করতেন—প্রথম যৌবনে। তিনিই বোধ হয় সর্বপ্রথম যক্ষপুরী থেকেই বৈরাগ্যবশে ও আলোর আহ্বানে বেরিয়ে এসে পথে দাঁড়িয়েছিলেন। দেশসেবা সমাজসেবার ধ্বজা তিনিই এখানে উঁচু করে তুলেছিলেন। তিনি চলে গেলেন এ সব ছেড়ে সাহিত্যকর্মে। তাঁর পরিত্যক্ত ধ্বজাপতাকা ভবানীবাবু তুলে নিয়েছে।

—ডাক্তারবাবু! কম্পাউণ্ডার ডাকলে।—কলে যাবেন না? রোগী তো সব অনেকক্ষণ চলে গিয়েছে।

—ও। আচ্ছা। ডাক্তার বের হল। ঘড়ি দেখলে, এগারটা পার হয়ে গেছে।

মাননে বি-ডি-ও আপিসে লোকারণ্য আজ।—কি ব্যাপার আজ?

কম্পাউণ্ডার বললে—রাস্তা। সব নতুন রাস্তা হবে। বড় রাস্তা থেকে গাঁয়ের রাস্তা। তাই মিটিং। ইউনিয়ন বোর্ডের প্রেসিডেন্ট মেঘাররা এসেছে।

—আচ্ছা।

—তুমি আমাদের হেমন্ত মাষ্টারের ছেলে? ডাক্তার? এক সবল প্রোট মণ্ডলমশাই জাতীয় লোক এসে সামনে দাঁড়াল।

—হ্যাঁ।

লোকটি বললে, তোমার বাবা আমার বন্ধু ছিল। কোথাকার পক্ষ একসঙ্গে পড়েছিলাম। আমার নাম রঘুনাথ ঘোষ। বাড়ী রামডালা।

—হ্যা—হ্যা। নাম শুনেছি আপনার। তিরিশ সালে পিকেটিং করতে গিয়ে মার খেয়ে অজ্ঞান হয়ে গিয়েছিলেন।

—শুনবে বই কি। সে সব অনেক কথা। পড়াই ছেড়ে দিলাম। এখন পাকু ঘোষ বলে নাম। বুঝেছ! মানে সব কাজেই আমি নাকি পাক লাগাই। তা অজ্ঞান হলেই লাগাই। এক নম্বর আপত্তি আমি দিই। বিষয়কর্মেও মামলা-মকদ্দমা করি। তা বাপু একবার তোমার দোকানে বসব। কাগজ চাই, কলম চাই। দরখাস্ত লিখব। দরখাস্তে আপত্তি দোব। লিখিত আপত্তি। নইলে ওরা সব লিখবে না।

—বেশ তো বন্দু। কম্পাউণ্ডার রইল—কাগজ কলম সব দেবে। ওহে নবনী! এঁকে কাগজ কলম দাও তো।

—একখানা ভাল ফুলস্কাপ কাগজ চাই। না থাকে তো কিনে আনুক। দেখ, এই যে সব কাণ্ড দেখছ সব নিজের পাতে ঝোল। সব নিজের গাঁয়ের রাস্তা হলেই বাস। তার ওপর চুরি। এক টাকা খরচ লেখে—চার আনা ছ আনার কাজ—দশ আনা ট্যাক-বন্দী। গতবারে—কংগ্রেসের ওপর ক্লেপে—কম্যুনিষ্টকে ভোট দিয়েছি। সে সব তখন কত কতোয়া। ও দুই সমান। আমার গাঁয়ের একপোয়া পথ, এক হাঁটু কাদা বর্ষার সময়, খরাতে ধুলো—রাজপুতনার মরুভূমি। ঝড় যখন ওঠে তখন সে যদি দেখ! ও! তা দেবে না—ওই এক পোয়া রাস্তার টাকা দিতে বলবে না ছ পক্ষেই। আমি লিখিত আপত্তি দোব। আর গতবারে রাস্তা যা হয়েছে তার খরচের তদন্ত করতে বলব।

ভাস্কর মনে মনে অসহিষ্ণু হয়ে বললে—আমি যাই। কলে যাচ্ছি। আপনি বসে লিখুন।

—আচ্ছা। আচ্ছা। আমাদের ওদিকে কলে গেলে আমার বাড়ী যেও। বুঝেছ?

—যাব। নিশ্চয় যাব। নমস্কার।

—মজল হোক বাবা। আমি লিখি—তুমি যাও।

অয়েলস্কিনে মোড়া শোলা ছাটটা মাথায় চাপিয়ে আঙুল সাইকেল হাতে বেরিয়ে পড়ল।

সামনে অনেক লোক। বি-ডি-ও আপিসে এসেছে সব। এ অঞ্চলের বিশিষ্ট জনেরা। এখানে না চেপে সাইকেলটা ধরে নিয়েই হাঁটতে লাগল। চন্দনপুরের কুমোয়ের চাক ঘুরছে এখানে। পুরনো ভেঙে নতুন। মাঠ ভেঙে রাস্তা। মানুষ গাড়ীতে চড়ে ছুটবে, যেখানে যেতে চায়—কোথায় তা জানে না, তবে সামনে না হেঁটে উপায় নেই; নইলে পিছনের ধাক্কার পড়তে হবে মরতে হবে—। পিছনে হটাৎ যায় না : কারণ মানুষের পারের পাতাগুলো সামনের দিকে লম্বা—চোখ দুটোও সামনের দিকে। তা যেখানে যেতে চায় (সেখানে সুখ আছে) সেখানে এমন পারে হাঁটা হেঁটে যাওয়া যায় না। যাবে না। তাই জীপে চড়ে ছুটবে।

এরই মধ্যে এক পাশে পুতুল নিয়ে বসে আছে কটিকদাস। মধ্যে মধ্যে খাতা পেন্সিলে

ছকছে কিছু। অল্প দোকান তো চন্দনপুরের জীবনযাত্রার যন্ত্রের সঙ্গে জোড়া হয়ে—পথের দুপাশে পাকা দোকানে পাতা অনেক দিন থেকে আছে। কটিকদাস এবং কটিকদাসের মত পথে বসা দোকানদার দু-চারজন।

সাইকেলের ঘণ্টা বাজাতে বাজাতে চলল ডাক্তার। কিন্তু নিজেদের মধ্যে লোকেরা এমন তর্কমগ্ন যে ঘণ্টাও কানে যাচ্ছে না।

—আশুবাবু! আপনি ডাক্তার আশুবাবু? পিছন থেকে কেউ ডাকলে।

—হ্যাঁ।

—নমস্কার। আমি—

—আপনাকে চিনি। আপনি আমাদের এম-এল-এ সীতানাথবাবু।

—হ্যাঁ। আপনার সঙ্গে দু মিনিট কথা বলব।

—বলুন।

—এখানেই? কলে যাচ্ছেন বুঝি?

—হ্যাঁ। একটু পাশে চলুন, দাঁড়াই। হবে না?

—না। চলুন বলতে বলতে যাই। নইলে আপনার দেরি হবে। কথা এমন কিছু নয়। একটা খবর নেব। শুনেছি আপনি মেয়েদের হোস্টেলে ডাক্তার। না?

—হ্যাঁ। ওখানে দেখি আমি।

—ঠিকই শুনেছি আমি। একটা খবর আমি চাচ্ছি।—বন্ধুভাবে, ভদ্রলোক হিসেবে—

—বলুন।

—অমর চকোত্তির মেয়ে সীমা। সে ওখানে থাকে।

—হোস্টেলে থাকে না, হেডমিস্ট্রেস ওকে আশ্রয় দিয়েছেন।

—ওই হল।

—না, হল না। হেডমিস্ট্রেস ব্যক্তিগতভাবে আশ্রয় দিয়েছেন। ইস্কুল হোস্টেল—এ ধরনের দায়িত্ব নেয়নি। কারণ সকলে সীমার পালিয়ে আসা সমর্থন নাও করতে পারে। আপনি এখানকার এম-এল-এ। অমর আপনাদের লোক—

—প্রতিবাদ করব। অমর আমাদের লোক নয়। পার্টির সঙ্গে কোন সম্বন্ধ নেই।

—নেই? কিন্তু সে তো গতবার কংগ্রেসের টাকা খেয়েছে, আপনাদের কাজ করেছে।

—করেছে। ইয়া করেছে। কিন্তু আমাদের পার্টির লোক সে নয়। ওরকম লোক—আমরা পার্টিতে নিই না। যেমন আগেকার কালে কংগ্রেস করত।—এখন তারা রুপিং পার্টি, তারা দল বাড়ানোকেই বড় কাজ ভাবে। তাই যে আসে তাকেই নেয়। সং অসং বাছে না। তে-হট্টার অসীম চাটুজে তিরিশ সাল থেকে খুনে পুলিশ সাহেব সামন্তদোহার অহুচর ছিল। কোমরে রিভলভার বেঁধে ঘুরে বেড়াত। তার কীর্তি মুখে বললে পাপ হয়। সে লোকটা আজ গ্রাম কংগ্রেসের সভাপতি। সেও গতবার কংগ্রেসের কাজ মুখে করেছে কাজে করেনি।

ওখানেই ভোট আমি বেশী পেয়েছি। তেমনি অমর চকোত্তি কংগ্রেসের লোক—বিশ্বাস-ঘাতকতা করেছে—আমাকে ভোট দিইয়েছে। তাতে সে আমার লোক না। আমার লোক সে নয়। কমুনিজমে ভগবান নেই। আমি কমুনিষ্ট, কিন্তু বামুনের ছেলে, জাত মানি না, কিন্তু ছেলেমেয়ের বিয়ে বামুন ছাড়া দিইনে দিতে পারিনে। ভগবানও তাই। মানিও না, আবার না-মানাও নই। বাড়ীতে শালগ্রাম আছে—জমি আছে—সেবা চালাই। পলিটিক্সে মিথ্যে বলি। কিন্তু মিথ্যে যে বলে তাকে ঘেন্না করি। আর আপনাকে আমি মিথ্যে কথা বলছি না। অমর চকোত্তিও কংগ্রেসের লোক—রমেশও তাই। যারা কোন পলিটিক্যাল পার্টির লোক হতে পারে না। হওয়া উচিত নয়। আর আমি অমর চকোত্তির হয়ে কথা বলতে আসিনি। আমি খুশী হয়েছি—সীমার সাহসে, সে যা করেছে তাতে। আমি বা জিজ্ঞাসা করছি তা এই। শুনেছি—সীমাকে খেতে দেওয়া হয় হোস্টেলে—তার জন্তে তাকে ঝি বা রাঁধুনীর মত খাটানো হয়। একটা ভূতুড়ে ঘরে নাকি থাকতে দেওয়া হয়েছে। সেইটের সত্য মিথ্যে আমি জানতে চেয়েছি।

—ও চকোত্তি মশাই। ও গো!—ডাকছে ওখান থেকে সীতানাথকে।

—যাচ্ছি।...সত্য কথাটা আমি জানতে চাই।

—দেখুন, আমি বললেও তো বিশ্বাস করবেন না আপনি।

—কেন করব না। নিশ্চয় করব।

—সীমা ওখানে গিয়ে একদিন পরে হেডমিস্ট্রেসকে বললে—দেখুন—আমি এখানে থাকব—থাক—তা এমনি কেন নেব এসব। আপনার রান্নার কাজটা আমি করে দিই। নইলে আমার ভারী খারাপ লাগবে। তবে আমার খরচও তো কিছু হবে। কাপড় বই এ সব আপনি রান্নার লোককে খেতে দেন থাকতে দেন মাইনে দেন। আমাকে দেবেন। হেডমিস্ট্রেস তাতে রাজী হননি। বলেছিলেন, না, সে আমি পারব না। কথাটা হরিবিষ্ণুবাবুর কানে যায়। তিনি খুব খুশী হয়ে বলেন—তুমি গার্লস হোস্টেলে রান্নার তরকারী কি হবে—এসব যদি দেখাশোনা কর—তা হলে তুমি হোস্টেলে থাকবে—থাকবে—মাইনেও পাবে দশ টাকা হিসেবে। কাজের লোক কাজ করবে—তুমি দেখে শুনে দেবে। আমাদের রাখতে হত এরকম লোক। তা তুমিই আরম্ভ কর। আর ভূতুড়ে ঘর-টর নয়। সেও প্রবাদ বাক্য। একটা ছোট ঘর পড়ে থাকত। ছোট এক কারণ, দ্বিতীয় কারণ ও-বাড়ী ভূতনাথ বাঁড়ুজের বাড়ী—ভূতনাথের প্রথম স্ত্রী বিষ খেয়ে মরেছিল কিন্তু ও ঘরে নয়, তবে ওই ঘরটা ছোট বলে ওইটেতে ভূত হয়ে সে বাস করেছে—এই আগে লোকে বলত। যেমন বড় বড় গাছ থাকতে শেওড়া গাছে ভূতের বাসা বলে থাকে লোকে। তাও হরিবিষ্ণুবাবু আপত্তি করেছিলেন। সীমাই ওটা বেছে নিয়েছে নিজে।

—ও চকোত্তি মশাই। মিটিং যে বসে গেল।

যথাসময়ে টাকা ঘুরতে শুরু করেছে। ও থামে না।

পুতুলের দোকানের সামনেটা ফাঁকা হয়ে গেছে। ফটিকদাস শুধু বসে আছে বাইরে

সীমা বসেছিল ঘরে। সেই যাকে বলছিল সীমানাথবাবু—ভূতুড়ে ঘর। সেই ঘরে নাকি ভূতনাথবাবুর প্রথম পক্ষের স্ত্রী বিব খেয়ে আত্মহত্যা করেছিল—সে ভূত হয়ে বাস করত। কাঁদত। ছোট ঘর। আগেকার চোরকুঠরী। লোকে নাকি সে কান্না শুনেছে।

বিচিত্র বিন্দু। এই বাড়ী বাঁড়ুজ্জৈদের বাড়ী। যক্ষপুরীর বাঁড়ুজ্জৈদের। তিন পুরুষ এক সন্তান। প্রথম পুরুষ কৃপণ। দ্বিতীয় পুরুষ মত্তপ ব্যভিচারী। তৃতীয় পুরুষ রোগগ্রস্ত বুদ্ধিহীন অক্ষম। তার মধ্যেও চলেছে ব্যভিচার। নারী-নির্ধাতনও দু পুরুষের। লক্ষ লক্ষ টাকা নাকি ছিল। কোথায় উড়ে গেল ওই অক্ষমতার পথে, ব্যভিচার মত্তপানে এত যায় না এবং যায়নি। গেল অক্ষমতার পথে। সেই বাড়ী হস্তান্তরিত হয়ে চন্দনপুরের নতুনকালের গড়নের পথে হয়েছে গার্ল'স হাইস্কুলের হোস্টেল। কলকাতা খানবাদ আসানসোল জামসেদপুর থেকেও মেয়েরা এখানে এসেছে।

যে বাড়ীর রক্তে রক্তে বেদনার্ত নারীর দীর্ঘশ্বাস পুঞ্জীভূত হয়ে থাকত—সেই বাড়ীর কোণ-গুলিতে ঘুরে বেড়ায় তরুণ কণ্ঠের কলহাস্ত, কখনও কখনও কান্নাও ওঠে। ছোট মেয়েরা বাড়ী থেকে এসে প্রথম প্রথম কাঁদে। বিচিত্র একটি সংযোগ তাতে সন্দেহ নেই।

প্রথম যখন এ বাড়ীতে গার্ল'স হোস্টেল হয় তখন নন্দবালা ভাঙ্গান একটি বেঁধেছিল।—

ভাঙ আমার বিবিসাহেব হবে গো।

যে বাড়ীতে কেউ শোনে নাই নউবিটিদের গলা—

বউ কেঁদেছে ঘরের কোণে বাবুর হাঁকাড় ছই বাগানে—

সেই বাড়ীতে মেয়ের মেলায় এ কি হাসির পালা।

ভাঙ আমার বিবিসাহেব হবে গো।

চোর-কুঠরিতার প্রথম জিনিসপত্র থাকত। এখন একটা জানালা কোটানো হয়েছে; সেটাই বেছে নিরেছে সীমা। তার তক্তাপোশের তলায় এখনও জিনিসপত্র থাকে। ওর জিনিস আর কি? এক কাপড়ে এসেছিল। প্রথম ভবানীকিন্দের কিছু টাকা ঠান্ডা তুলে দিয়েছিল ওর বই খাতা এবং দুখানা কাপড়ের জুতা। সেটা সীমা নিয়েছিল। এখন মাইনে পেয়ে একটা টিনের স্ন্যটকেন্স কিনেছে। ছিট কিনে দিদিমণির কাছে ব্লাউজ কাটিয়ে নিজেই সেলাই করে নিরেছে। কেমন করে কোথা হতে কিভাবে সে এমন সৃষ্টিছাড়া হল তাও সে ভাবে মধ্যে মধ্যে। একলা হলে ভাবে। এই এখানে চাকরি নেওয়ার যেতে তার দেরি হয় ইন্সুলে। ইন্সুলে তার নাম নেই। প্রাইভেট হিসেবে পরীক্ষা দেবে। সব সাবজেক্ট সে মোটামুটি জানে, কাঁচা সে ইংরাজীতে। দুবার ফেল সে ইংরাজীতেই হয়েছে। সংস্কৃতটা রেখে তুল করেছে—ওটাতেই টায়ে-টায়ে তেজিশ পেয়েছে। কিছু বেশী হলে সেকেন্ড ডিভিশন হত, কম্পার্টমেন্টাল পেত। তাই সে ইংরাজীর ক্লাসের সময় যায়। সংস্কৃত ক্লাসেও যায়। সংস্কৃত ক্লাস প্রথম



দিকে। সংস্কৃতের ক্লাস সেরে হোস্টেলে কিরে জ্ঞান করে খায়, পড়ে। সেই অবসরে ভাবে।

নেলি বাড়ীতে দাদার চিঠি পেয়ে কাকার বাড়ী খবর দিয়ে ছুটে এসে সীমাকে খবর দিয়েছিল। সীমা খুশী হয়েছিল। কোন সন্দেহ কোন পক্ষে আগেনি। নেলিরও মনে হয়নি সীমাকে ছুটে বলতে এল কেন? সীমারও হয়নি। সে প্রশ্ন করেনি, তা সে খবরটা এত লোক-থাকতে আমাদের কেন বল তো? অত্যন্ত অসঙ্কোচে খুশী হয়েছিল। শুভেন্দুর তাকে ভালোবাসা সম্পর্কে কোন সন্দেহই ছিল না। শুভেন্দুর পত্রেও কিছু ছিল না। কচ দেবযানীর উপমা কচ দেবযানী অভিনয় নিয়ে—তার কোন দাগ তো উভয়ের মনেই পড়েনি। কতদিন তো তারপর দেখা হয়েছে কথা বলেছে। শুভেন্দুর ওটাতে প্রেমের কোন গন্ধ থাকলে শুভেন্দুই কি সেটা নেলিকে পড়তে দিত! তাই প্রথম চিঠি পাওয়ার দিন সে যেমন অসঙ্কোচে বলেছিল—দূর দূর; তেমনি অসঙ্কোচে খুশী হয়েছিল শুভেন্দুর চিঠি এসেছে সংবাদ শুনে। বলেছিল—বাবাঃ, বাঁচলাম নেলি। আমার মনে ভারী কষ্ট হয়েছিল। জানিস—ওকে যদি তখন সামনে পেতাম না খুব কষে যা-তা বলে দিতাম। বাড়ী থেকে না বলে পালানো খুব বাহাজুরি বুঝি! কাপুরুষ বলে দিতাম। ওা তোর দাদা বাড়ী আসবে না? এলে আমি ঠিক বলব—দেখিস!

নেলি বলেছিল—দাদাকে লিখে দেব তাই। সীমা এইসব বলছিল।

—লিখিস।

নেলি চলে গিয়েছিল ইঙ্কলে, সীমা ঘরে বসে ছিল। ঘণ্টাখানেক পর—হেডমিস্ট্রেস ক্লাসে এসে নেলিকে ডেকেছিলেন।—নেলি শোন।

নেলিকে সঙ্গে নিয়ে অফিস রুমের দিকে যেতে যেতে বলেছিলেন—আণ্ডবাবু ডাক্তার এসেছেন, তোমার দাদার খবর বলতে। ওঁকে চিঠি দিয়েছে তোমার দাদা—সেটা পড়তে দেবেন। যাও, ভিজিটার্স রুমে রয়েছেন উনি।

আণ্ড ডাক্তার অনেক ভেবেও এ ছাড়া পথ পায়নি। সে ইঙ্কলে এসেছে—নেলি ছাড়া আর কারুর অরা এ হয় না—হতে পারে না। একবার নেলিই শুভেন্দুর চিঠি সীমার কাছে নিয়ে গিয়েছিল। দ্বিতীয় পত্রও সে-ই নিয়ে যাবে। নেলি যদি গররাজী হয়, তবে সে এ চিঠি ছিঁড়ে ফেলে দেবে অথবা শুভেন্দুকে ফিরে পাঠিয়ে দেবে।

নিজের চিঠিখানা নেলিকে দিয়েছিল—পড়। পড়ে দেখ।

নেলি চিঠিখানা পড়ে একটু বিস্ময় হয়েই তার দিকে তাকিয়েছিল। বোধ হয় ভেবে পায়নি কি বলবে! সেই অবসরেই আণ্ড সীমার চিঠিখানা তার দিকে বাড়িয়ে ধরে বলেছিল—এটা দিও। আর আমার চিঠিটা দাও।

নেলি তাই করেছিল। এবং আণ্ড ডাক্তার যেতেই চিঠিখানা আমার মধ্যে পুরে হেড মিস্ট্রেসকে বলেছিল—আমি বাড়ী থেকে একবার ঘুরে আসব বড়দিমণি?

—যাও। তিনি পাশের ঘরে বসেছিলেন। ওই একটা কথা যা হয়েছিল—পড়। পড়ে দেখ। তারপর—নাও দিও। আমার চিঠিটা দাও। এ সবই তাঁর কানে গেছে। তার

মধ্যে তো তিনি আপত্তির কিছু পাননি। কারণ সীমার নামগন্ধও তার মধ্যে ছিল না। তিনি তো চিঠিখানা বাপ-মাকে লেখা বাড়ীর চিঠি বলেই ধরে নিয়েছিলেন। নেলিকে বলেছিলেন যাও।

নেলির মনের মধ্যে তখন আড়ষ্টতা কেটে গিয়েছে। তরুণ কৈশোরে—এই জীবনের এই পূর্বরাগের মাধুরীলীলায় সখীয়ে যে একটি সকৌতুক আসক্তি আছে সেই সকৌতুক আসক্তি জেগে উঠেছে তার মনে। সে ক্ষতপদে যেন ছুটতে ছুটতে এসে সীমার ঘরে ঢুকে বিছানার বসেছিল—বাবা বাবা—তোমার আর দাদার জন্তে আমার এই নাজেহালের কি মজুরী আমি পার তা জানি না। হয়তো লবডকা। কিন্তু আমি মলাম।

—কি ?

—কি ?—এই দেখ কি ? দাদার চিঠি। শ্রীচরণে নিবেদন। ধর।

—চিঠি ?—হাতে করে নিয়ে কয়েক মুহূর্ত তাকিয়েছিল নেলির দিকে।

নেলি বলেছিল—পড় না। সব মালুম হবে।

চিঠিখানা রুদ্ধনিশ্বাসে পড়ে গিয়েছিল সীমা। তারপর কয়েক মুহূর্ত স্তম্ভিত হয়ে দাঁড়িয়েছিল। তারপর চিঠিখানা ছিঁড়তে শুরু করেছিল। নেলি অবাক হয়ে দেখছিল। আখখানা ছিঁড়ে একবার কয়েক মুহূর্তের জন্ত খেমেছিল সীমা—তারপর অত্যন্ত দ্রুত টানে চিঠিখানা কুচিকুচি ক'রে দিয়েছিল। আবার হেঁট হয়ে বসে কুচিগুলি কুড়িয়ে বেরিয়ে চলে গিয়েছিল। কিছুক্ষণ আসেনি। নেলি বুঝেছিল—সীমা সেগুলিকে আগুনে পুড়িয়ে দিতে গেছে। কিছুক্ষণ পর সীমা ফিরে এলে নেলি বলেছিল—ওতে কি লিখেছে দাদা আমি জানি না। তবে ভালবাসার কথা আছে সেটা জানি ; তবে—। কিছুক্ষণ থেমে বোধ করি সঙ্গত অসঙ্গত বিবেচনা ক'রেই বলেছিল—তবে এ তো সংসারে আছে। লেখ চিঠি। খরাপ হলে নিশ্চয় আপত্তির কথা। কিন্তু দাদা তা লিখবে ? বিশ্বাস হয় না।

সীমা বললে—তোমার দাদাকে লিখে দিয়ো—আমার প্রেম করবার সময় নেই। বিয়ের জন্তে সীমা জন্মায় নি। তাহলে সে বিয়ের আসর থেকে উঠে আসত না। প্রেমের জন্তেও না। হলে তার প্রথম পত্রের উত্তরেই একখানি মন্ত লখা চিঠি লিখতাম। আমার লক্ষ্য আমার ভবিষ্যৎ অস্ত রকম। তিনি যেন আমাকে উত্ত্যক্ত না করেন। আমাকে পাস করতে হবে। পড়তে হবে। চাকরি করব আমি।

নেলি ফিরে এল। সে আর ইচ্ছা গেল না। মুহূর্তেই হয়ে বাড়ী এল। বারোটা বাজে। তখন মা তার চণ্ডীতলার পূজা দিয়ে সন্ধ্যা ফিরেছে। ছেলের খবর এসেছে। ছেলের চাকরি করে পড়ছে। খবর পেয়েই পূজোর জিনিস কিনে আনিয়া পূজা দিতে গিয়েছিল। বাবা নীচে নেমে এসেছে।

\*

\*

\*

বোর্ডিংয়ের ঘরে সীমা বসে ভাবছিল। হঠাৎ কে যেন তাকে ডাকলে। ভাবনার মধ্যে সে এতই মগ্ন হয়েছিল যে প্রথমটা আতঙ্কে চমকে উঠে একটা অশ্রুত আতর্জন ক'রে উঠেছিল।

সে সব ভুলেই গিয়েছিল, এমন কি নিজেকে পৰ্বত।—কে? কে ডাকলে তাকে? এই রূপ  
বেলা?

চকলভাবে চারিদিকে ঝাকিয়ে দেখে, মনের ভয়টা যেন একটা বহুপাত্র থেকে আকস্মিক  
ভাবে মুক্ত কোন উগ্র বাত্মের মত তাকে আচ্ছন্ন ক'রে ফেললে। মনে হল এই চোরকুঠরীতে  
যে বউটির প্রেতাঙ্গা বাস করে—সেই বোধ হয় তাকে ডাকলে। বুকেটা ধড়কড় করে  
উঠল।

পরক্ষণেই আবার সে ডাক শুনে পেল—সীমে! অ—, সীমে!—

এবার সে সাহস পেল। না ঘরের ভিতর থেকে নয়, নিচে থেকে কে যেন তাকে ডাকছে।  
—কে? ঘরের ছোট জানালাটা সে খুললে। নিচে থেকে সাড়া এল—আমি লো—ভাঙ্কর-  
মা।

ভাঙ্কর মা! নম্রবালা!—ক্রুদ্ধ হয়ে উঠল সীমা। কাজ নেই কর্ম নেই—এই একটা  
উপদ্রব—মেয়ে সেজে চিরকালটা একটা বিচিত্র অভিনয় করে গেল নম্রবালা। কেন তা কেউ  
জানে না। কিন্তু সর্বত্র আছে ও। ওঃ! সেই যেদিন সে বিয়ের পোশাক পরে বাড়ী থেকে  
পালিয়ে এসে থানার বারান্দায় শুয়ে ঘুমিয়ে পড়েছিল—সেদিনও ওই নম্রুই তাকে ঠিক এমন  
ক'রে ডেকেছিল সীমে—সীমে! অ—সীমে!

সে খুব রাগ করেই বললে—কেন? কি—? কি বলছিল কি তুই? এঁয়া?

—শুভেন্দু তোকে চিঠি নিকেছে?

—কি? কি?

—শুভেন্দু তোকে চিঠি নিকেছে?

—হ্যাঁ নিকেছে? তাতে তোর কি?

—তাতে আমার কি বুন? এই দেখ সীমে কি বলছে দেখ! হেসে উঠল নম্রবালা।—  
আমার অনেক—আমার অনেক তাতে সীমে—আমার অনেক! এই দেখ, তোর বিয়ে হলে  
বাগরে আমি গান করব। গারে হলুদের আসরে নাচব। একখানা কাপড় পাব। আর  
আমার মনে মনে খুব আনন্দ হবে। আর কি বল!

—না। তা তুমি পাবে না। কারণ বিয়ে আমি করব না।

—বিয়ে করবি না?

—না। বিয়ে করব না!

—কি করবি?

—লেখাপড়া শিখে চাকরি করব।

—চাকরি করবি? বিয়ে করবি না?

—না।

—বিয়ে করবি না তো চাকরি ক'রে কি করবি?

—জানি না। যা।

—সীমে!

—না—না—না। তুই যা। তুই যা। খবরদার এমন ক'রে বিরক্ত করিস নে তুই। সশব্দে সে জানালা বন্ধ করে দিল।

—সীমে। অ—সীমে। সীমে—শোন। অ—সীমে।

সীমা উত্তর দিল না। চোখ মুখ তার লাল হয়ে উঠেছে উত্তেজনায়। মনে হচ্ছে যেন কেউ বা কোন অদৃশ্য শক্তি তার নিঃশ্বাস বন্ধ ক'রে দিচ্ছে। একটা হাঁপানি ধরছে যেন।

এ কি প্রশ্ন? ওই মেয়ে-সেজে-থাকা নম্রবালার এই প্রশ্নগুলো যেন সাংঘাতিক বলে তার মনে হল! তার নিঃশ্বাস বন্ধ হয়ে আসছিল। এখনও সে প্রশ্নগুলো তার চারিদিকে যেন কিস কিস করে উচ্চারিত হচ্ছে। বিয়ে করবি না? কি করবি? চাকরি করবি? বিয়ে করবি না তো চাকরি করে কি করবি?

কি করব?—এই সারা দেশের মেয়েরা যারা এই নতুন কালে এইভাবে লেখাপড়া শিখছে—লেখাপড়া শিখে চাকরি করছে তারা কি সকলেই বিয়ে করছে? না। করছে না। সেও করবে না।

এই তো কালের হাওয়া। কালের নিয়ম।

লেখাপড়া শিখবে মেয়েরা। স্বাধীন হবে তারা। পুরুষের মতই স্বাধীন হবে। চাকরি করবে। কি চাকরি করবে সে জানে না। তবে একটা চাকরি করবে। বড় একটা চাকরি। মস্ত বড় একটা চাকরি সে করতে চায়। মেয়েরা এখন উকীল হয়, ব্যারিস্টার হয়, ডাক্তার হয়, জজ-ম্যাজিস্ট্রেট তাও হয়। মন্ত্রীও হয়। রাজ্যপাল গভর্নরও হয়। এর মধ্যে একটাও কি কিছু সে হতে পারবে না?

একটা তো অনায়াসে হতে পারে।—সেটা হল লীভার। রাজনৈতিক দলের লীভার। তার বাবা যা হতে গিয়ে হ'তে পারে নি। যা থেকে সে ভ্রষ্ট হয়ে একটা চিহ্নিত পতিত জনে পরিণত হয়ে গেছে। এই তো এখানকার সীতানাথচক্রবর্তী এম-এল-এ—তার বাবার এক কালের ঘনিষ্ঠ বন্ধু। তার কাছে গেলে সে তাকে সাগ্রহে তার দলে নেবে। কিন্তু না—তা সে যাবে না। না। লেখাপড়া শিখবে সে। একালের হাওয়াই এই। লেখাপড়া শিখবে, চাকরি করবে। স্বাধীন হবে,—সবার মত স্বাধীন। বাবার অধীনও থাকবে না। কোন পুরুষেরই অধীন থাকবে না।

বিয়ে?

বিয়ে সে তখন ইচ্ছে হলে করবে। যাকে তার পছন্দ হবে—ভাল লাগবে। যে তাকে ভালবাসবে—প্রমাণ দিয়ে সে ভালবাসাকে প্রমাণ করবে—তাকে সে বিয়ে করবে। সে জাতি মানবে না—ধর্ম মানবে না—কোন মন্ত্র না—কোন তন্ত্র না,—শুধু বিয়ে—রেজেন্সী ক'রে বিয়ে করবে।

ম্যারেজ কন্ট্রাক্ট। দরকার হলে ভাইভোর্স করবে।

ইচ্ছে না হয়—বিয়েই সে করবে না।

বিয়ে করাটাই সব নয়। না—নয়।

ওই যে বাবুদের ধনীদের আর একবারে অন্ধরপরিচয়-হীন গরীবদের মেয়েগুলো বিয়ে ক'রে শাঁখা সিঁদ্ধুর পরে একপাল ছেলেমেয়ের মা হয়ে—নিজের কপালকে গাল দেয়—নিজের বাপকে গাল দেয় নিজের সব দুর্দশার মূল ওই স্বামীটাকে গাল দেয়—তা সে দেবে না।

না।

কালের হাওয়া। কালের হুকুম। কালের ফতোয়া।

## ১৯

কিছুদিন পর। আষাঢ় মাস, রথযাত্রার দিন। রথের ঢাক বাজছে। চৌধুরীদের ভাড়াবাড়ীর নড়বড়ে রথ।

কথাটা সতীশ ঘোষালের কথা। এমন কথা বানাতে কেউ পারে না। “চৌধুরীদের ভাড়া-বাড়ীর নড়বড়ে রথ—আজ ঢেঁকিস্তো ঢেঁকিস্তো ক'রে হেলতে হেলতে চলবেন। একবার এদিকে কাৎ হবেন—একবার ওদিকে হেলবেন;—পড়লেও পড়তে পারেন, পড়াই উচিত কিন্তু মজার কথা পড়েন না। পড়ছেন না। শালা দশমুণ্ড রাবণের মত—কাটলে আবার গজায়। মন্দোদরীর কাছে গচ্ছিত আছে ব্রহ্মাস্ত্র—সে বাণ নইলে মরবে না। বেটা লর্ড কর্ণওয়ালিশ ছিল ব্রহ্মার অবতার—সেই বেটাই এই রাবণদের পতন করে গিয়েছে। এ যাওয়া কি সোজা কথা।”

আপন-মনে বাক্যের ভুবড়ী কোটাতে কোটাতেই চলেছেন সতীশ ঘোষাল ঠাকুরবাড়ী। সংসারে এইটি ছাড়া তাঁর আর কর্ম নেই। যেখানে পর্ব সেখানে সে যাবেই এবং বকতে বকতে যাবে।

চৌধুরী বাড়ীর এজমালী ঠাকুরবাড়ীর কথা এখানকার সকলের কাছেই সুবিদিত। সকলেই জানে। এর পিছনে প্রবাদ আছে কাহিনী আছে ইতিকথা আছে—ইতিহাস আছে। গ্রাম-প্রান্তে অট্টহাস শক্তিপীঠ। ওই শক্তিপীঠকে প্রকট করেছিলেন এক সন্ন্যাসী। সন্ন্যাসী নিজে ছিলেন বৈষ্ণব। সেই মতেই সাধনা করতেন তিনি কিন্তু তাঁকে দেবতা দেখা দিলেন শক্তিরূপা হয়ে। সন্ন্যাসী সিদ্ধ হলেন—ঈশ্বরকে মাতৃরূপে পেয়ে। কিন্তু কৃষ্ণ-মূর্তিকে নিয়ে পড়লেন বিপদে। তাঁর কাছে ছিল একটি কৃষ্ণমূর্তি এবং একটি শালগ্রাম শিলা। এই মূর্তি দুটিকে কিছুদিন মাতৃরূপা শক্তির সঙ্গে একসঙ্গেই পূজা করেছিলেন কিন্তু শেষ পর্যন্ত পারলেন না। কারণ শক্তিপূজার জন্তু মৎস্য মাংস মন্ত প্রভৃতি উপকরণ একসঙ্গে পূজার পথে বাধা হয়ে দাঁড়াল। তখন তিনি এই গ্রামের ওই চৌধুরীদের শ্রীকান্ত চৌধুরীকে ডেকে তাঁকে বৈষ্ণবমন্ত্রে দীক্ষা দিয়ে

এই বিগ্রহ এবং শালগ্রাম শিলা দান করেন। শালগ্রাম শিলা এবং বিগ্রহ দান ক'রে—পূজা তাঁদের উপর চাপিয়ে দেননি—সঙ্গে সঙ্গে ভূসম্পত্তির ব্যবস্থাও ক'রে দিয়েছিলেন। তখন মুসলমান আমল। এ অঞ্চল ছিল রাজনগরের নবাব—বা দেওয়ান সাহেবের দখলী অঞ্চল। মুর্শিদাবাদের নায়েব-নাজিমকে সামান্য কর দিয়ে স্বাধীন নবাব সাহেবের মতই তিনি থাকতেন। এখানেও প্রবাদ আছে যে রাজনগরের নবাবদের আদিপুরুষ এখানকার হিন্দু রাজাকে বধ ক'রে যখন সিংহাসন দখল করেন, তখন রাজার ইষ্ট-দেবী কালীর কোপে পড়ে দেবীর কাছে এক প্রতিশ্রুতি দিয়েছিলেন। প্রতিশ্রুতি দিয়েছিলেন যে, তাঁর রাজ্যে হিন্দুর দেবতা ও দেবমন্দিরের কোন অনিষ্ট হবে না। হিন্দুর উপর হিন্দু বলে কোন অত্যাচার হবে না। এবং যথোচিত রাজদরবারের সাহায্য সর্বদাই প্রসারিত থাকবে। সে প্রতিশ্রুতি তাঁরা তাঁদের সুদীর্ঘ রাজত্বকালে কখনও লঙ্ঘন করেননি। সেই প্রতিশ্রুতি অনুযায়ীই রাজনগরের নবাব সন্ন্যাসীর বিভূতি দেখে প্রকাবে এই দুই দেবতা অর্থাৎ শক্তিপীঠ এবং এই বৈষ্ণব বিগ্রহ দুয়ের জন্তই দু-দফা ভূসম্পত্তির সনদ দিয়েছিলেন। অবশ্য, আজকাল লেখাপড়া জানা লোকেরা বলে ও সব স্বপ্নটপ্প কিছু না—দু-দফা সম্পত্তি পাবার জন্তই শাক্ত বৈষ্ণব দুই দেবতারই সৃষ্টি করেছিল ওই সন্ন্যাসী।

আর একদল বলে—বাজে কথা, সন্ন্যাসীই হল বাজে কথা। আসলে সব হল ওই সুচতুর শ্রীকান্ত চৌধুরী—সেই ওই এক সন্ন্যাসীকে সামনে খাড়া ক'রে এই বিরাট দেবোত্তর ব্যবসার পত্তন ক'রে গিয়েছিল। কারণ এই চৌধুরীরা সন্ন্যাসীর শিষ্য হিসাবে একদিকে হল বৈষ্ণব দেবোত্তরের মালিক, আর একদিকে এরাই হল জমিদার হিসেবে শাক্ত দেবোত্তর ওই অট্টহাসের সেবারেত। সুতরাং কেবলে কোঁৎকা ঘোরালে লাঠি। যাক সে কথা।

এরপর শ্রীকান্ত চৌধুরী চাকরি পেয়েছিল রাজনগরের নবাব দপ্তরে—এখানকার পরগণা কুতবপুরের নায়েবের অধীনে হিসাবনবীশ হয়েছিল শ্রীকান্ত চৌধুরী এবং হিসেবের কোন ফাঁক দিয়ে একটা লাটের ছ আনা অংশ দিয়ে একটা স্বতন্ত্র লাট তৈরী ক'রে নিজেদের বৈষ্ণব দেবতার নামে দেবোত্তর করে নিয়েছিল—তার সব বিশদ বিবরণ কারুর আর মনে নেই, কিন্তু নবাব দরবারে যখন এই লাট চুরি ধরা পড়ে তখন নবাব সাহেব চমৎকৃত হয়ে যা বলেছিলেন—তা কেউ ভুলে যায় নি। সে কথাটা চৌধুরীদের দু-চারজন প্রাচীনপন্থী তান্ত্রিক, আজও অহংকার করে উচ্চকণ্ঠে ঘোষণা করে থাকে। তারা বলে—“নবাব বলেছিলেন—শ্রীকান্ত চৌধুরী নিমকহারাম হারামজাদ লেকেন হিসাব জিন্দা আচ্ছা কলমবাজ! ইয়ে নাকচ কতি নেহি হো সক্তা! লিখে দাও—“খাতে বকশিশ—কলমবাজীকা!” সেই হিসাব ভুলের বকশিশ ওই জমিদারী থেকে তৈরী হয়েছিল এই ঠাকুরবাড়ী। এই ফটক! ফটকের কথা আগে বলেছি।

রথের সময় থেকে এই ফটকের ভিতর দিয়ে ঠাকুরের উৎসব যাত্রার শুরু! রথযাত্রায় ঠাকুরের রথ বের হয়, তারপর এই ফটকের সামনে—ওই বকুলগাছের ডালে ঝুলন পূর্ণিমার দিন ঝুলন যাত্রায় গোবিন্দ ঝুলনে চাপেন। রাসের সময় পূর্ণিমার পরদিন ঠাকুর চতুর্দোলায় চেপে এই ফটকের ভিতর দিয়ে গাঁয়ের বাইরে বনভোজনে যান।—চৌধুরীবাড়ীতে ছেলে হলে সে

ছেলে প্রথম বগীতলায় যায় এই কটকের ভিতর দিয়ে। পৈতেতে এই কটকের ভিতর দিয়ে গিয়ে ঠাকুরপুকুরে চান ক'রে আসে। এই কটকের তলা দিয়ে ছেলে বিয়ে করতে যায়। মা কটকে দাঁড়িয়ে ছেলেকে জিজ্ঞাসা করে—কোথায় যাচ্ছ বাবা ?

ছেলে বলে—তোমার দাসী আনতে যাচ্ছি মা।

ছেলে বউয়ের পালাকি এখানে এসে নামে। মা বউয়ের ঘোমটা খুলে বউয়ের মুখ দেখে ছেলে বউ নিয়ে গোবিন্দমন্দিরে গিয়ে প্রণাম করিয়ে তবে ঘরে নিয়ে গিয়ে তোলে। চৌধুরী বংশে যে বাড়ীতেই কেউ মরুক শবদেহ নিয়ে যাবার সময় এখানে একবার নামিয়ে খানিকটা ধুলো মূতের মাথায় দিয়ে বলে—ব্রজের ধুলো মাথায় নিয়ে চলে যাও।

প্রাক্কর আগে ভগীরাম ব্রাহ্মণেরা এসে ঘটির মধ্যে ঢাবি নেড়ে বাজনা বাজিয়ে গাইত—  
“ওগো বাবুগো তোমার বাবা দেহ ত্যাগ করে ব্রজের ধুলো কপালে নিয়ে সর্বান্তে হরিনাম লিপে তিলক রচনা করে হরিপ্রেমে দরবিগলিত অশ্রুধারা বর্ষণ করতে করতে বায়ুপথে বৃন্দাবনভিমুখ গমন করলেন—ওগো...বাবুগো—বৃন্দাবন হতে তোমার পিতৃদেব—।”

সতীশ ঘোষাল ছাত্তের লাঠির উপর ভর দিয়ে ধীরে ধীরে পথ চলে; অহরহই মনে হয় মাথা ঘুরছে, মনে হয় পড়ে যাবে কিন্তু এইসব মনে করতে করতে কখন যে সব ভুলে গিয়েছিল তা তার খেয়াল ছিল না। সে বেশ সরল পদক্ষেপেই চলতে চলতে পরম কৌতুকে আপন মনে থু-থু-থু শব্দ করে হেসে ফেলছিল।

“বৈকুণ্ঠে গমন করছেন। অহো।”

“ব্রজের ধুলো লেপন বরছেন। বাহা-বাহা-বাহা।”

চৌধুরী বংশটার উপরেই তার ক্রোধের আর শেষ নেই। কেন সে তা বলতে পারবে না। সে নিজে চৌধুরীদের দৌহিত্র বংশের ছেলে; যেটুকু জমিজমা আছে তার সবটুকুই চৌধুরীদের দেওয়া। তার বাপ চাকরি করেছে। করেছে হরিবিষ্ণুবাবুদের বাড়ী। সেও কিছুদিন করেছিল—কিন্তু বনেনি। বনেনি ওই হরিবিষ্ণুবাবু সজেই। হরিবিষ্ণুবাবু ওর স্কুলের সহপাঠী। স্কুল থেকেই দুজনের মধ্যে একটা প্রতিদ্বন্দ্বিতা সেই কারণেই হরিবিষ্ণুবাবুর কাছে চাকরি করা তার পক্ষে সম্ভবপর হয়নি।

—মারো পয়জার শালা নোকুরির মাথায় গোলামির মুখে। নেহি দরকার শালা যেমন ভেমন চাকরি দি ভাতে—। ছনিয়ার কারুকে সে ক্ষমা করবে না। দেখো না বাবা ভেঙ্কি খেল। জিন্দগী বদল গয়া, পিঁড়ি উলট গয়া—।

হঠাৎ একটা গোলমাল কোথায় হল শুনে ঘোষাল চমকে উঠল। কি হল ?

কলরব উঠছে।

একটা ব্যস্তসমস্ত ভয়গ্রস্ত কোলাহল। সরে যাও সরে যাও—সাবধান! সাবধান যেয়ো না। ওদিকে যেয়ো না।—এই এই।

\*

\*

\*

সামনেই চৌধুরীদের প্রাচীনকালের গোপনব্রজ মাটির বৈকুণ্ঠ। এই নামই ছিল ওদের

ঠাকুরবাড়ীর। সামনে ঠাকুরপুকুরের পাড়ের উপর রথের মেলা বসেছে। মেলা মানে ঘণ্টা করেকের মেলা। বেলা দশটা থেকে বসতে আরম্ভ করেছে। চারটে খুঁটি পুতে মাথার একটা চট বা তেরপলের ছাউনি দিয়ে তক্তাপোশের উপর সুরো ময়রা, ভবা ময়রা, গিরি ময়রা, সুহাসী ময়রাগী—ওরা রসগোল্লা পান্তোয়া প্রভৃতি মিষ্টির দোকান সাজিয়ে বসেছে। বৈদ্যগীদের গোপেশ পাঁপর ভেলে ভাজার আসর পেড়েছে, একটা টিনের উনোনে কয়লার আঁচ দিয়ে কড়ার পাঁপর ভাজছে। ওপাশে কাঞ্চনী ময়রানী পাঁপর ভাজছে। ওদিকে আমওয়ালারা এসেছে আম নিয়ে। এখন মালদার আমের আমদানি। এবং পাকিস্তানে—ভারতে দেশভাগ হয়ে যাওয়ার কলে পূর্ববঙ্গে আর মালদার আম যায় না। আমের ঠেলটা আসে এদেশে। কাঁঠালের আমদানি হয়েছে। কয়েকটা বাজীকর এসেছে। ঠাকুরবাড়ীর ভেতরের এলাকায় অ্যান্টি-ফায়ার সহযোগে গ্রামোফোনে রেকর্ড বাজছে। চৌধুরীবাড়ীর ছেলেরা বাজাচ্ছে। গোপাল চৌধুরীর খুড়তুতো ভাইদের এখন চলতি ভাল। জমিদারী বাওয়ার জন্ত তারা বিশেষ খাচ্চা খানি। তারা তাদের মাতামহের অর্থ পেয়েছে, তা ছাড়াও লোকে বলে তারা নাকি গুপ্তধনও কিছু পেয়েছে মাটির নিচে থেকে। সেই মূলধনে তারা জমিদারী দণ্ডটিকে সুযোগ্যতার সঙ্গে বাণিজ্যের তোলদাঁড়ী বা মানদণ্ডে পরিণত করে ভাল চালাচ্ছে। দিন-কাল এখন তাদের ভাল। তাদের বাড়ীর ছেলেরাই এ ব্যবস্থা করেছে।

আগে অনেক সমারোহ হত। আশা-সোঁটা নিয়ে—পাইক নখী বরকন্দাজ ঢাক ঢোল কাসী বাশী বাজিয়ে রথের পুরোভাগে মিছিল চলত, খই-বৃষ্টি হত, বাতাসা থাকত, পরসা থাকত। সে সব উঠে গেছে। আগে কয়েকখানা গ্রাম থেকে হরিনাম সংকীর্তনের দল আসত—তারা সকাল থেকেই গ্রাম প্রদক্ষিণ করে বেড়াত; এখানেই প্রসাদ পেতো, কিছু কিছু বিদায় পেতো; তারাও আর আসে না। রথযাত্রার উৎসব যেন ক্রমে ক্রমে নীরব বিবল জরাগ্রস্ত স্তিমিত হয়ে এসেছিল—যুদ্ধের পরবর্তী এই নূতন কালের ধর্মে—; লোকজন অনেক আসে—আগের থেকে অনেক গুণে বেশীই আসে। ছল্লোড় হয়—মেলায় বেচাকেনা হয়, কিন্তু সে সবই সেই বিকেলে,—অর্থাৎ অকালে, যখন নাকি রথযাত্রার আসল অহুষ্ঠানের অনেক পরে। যেন তার সঙ্গে এই জনতার কোন যোগই থাকে না। সকাল থেকে রথের পূজার্তনার সময়টিতে সব স্তিমিত জীর্ণ পুরাতন বাতিল বনে মনে হয়। যা আকারে ইঙ্গিতে বলে—“চৌধুরীদের ডাকে কেউ আসে না, কেউ আসে না—ওদের আর কেউ পোছে না।” সেটা চৌধুরীদের মধ্যে য.রা অন্ততঃ কিছুটা জীবন্ত—তাদের পীড়া দেয়। সেই হেতু এই গ্রামোফোনে অ্যান্টিফায়ার লাগিয়ে গানের চব্বিশপ্রহর এবং ‘মচ্ছব’ অর্থাৎ মহোৎসব জুড়ে দিয়েছে। গোপাল চৌধুরীর ভাইপোরা দুজনে বসে রেকর্ড চলিয়ে যাচ্ছে। এই পল্লী অঞ্চলের আকাশ থেকে মাটি পর্যন্ত যে শূন্যলোক সে লোকটির গাঢ় নির্জন কোলাহল এখানে সচরাচর খই পায় না, হারিয়ে যায়। কিন্তু এই বহুযোগে আজ আকাশ পর্যন্ত শূন্যলোককেও যেন গানে গানে ছেয়ে দিয়েছে।

সতীশ ঘোষাল কানে হাত দিয়ে আঁকুপ করে বললে—রাধামাধব হে! কি কালই হল?



এই চীৎকারে মাহুকের মাথা ঠিক থাকে? হরি—হরি—হরি। মুর নর—অমুর। গান নর—ঘেতা—ঘেতাং—ঘেতাং যেতাং। শালা—মারো ঝাড়ু, বোঁটিয়ে বিদেয় কর এইসব বেলেলাপনা। থমকে দাঁড়াল সে ফটকের সামনে। সেই ভাঙা কাটা ফটকটা। চৌধুরী পরিবারের লোকেরা বলে—‘সিং দরজা’ অর্থাৎ সিংহদ্বার।

সতীশ ঘোষাল বলে—শালা সিংহদ্বার—! সিং দরজা? গুপ্তির পিণ্ডি। ‘কুস্তা মুড়ি’! অর্থাৎ কুকুর ঢুকবার গলি বা নর্দমা!

ফটকটার বাইরের দিকটায় ঠাকুরপুকুরের পাড়ের উপর মেলার এলাকা। ওই ফটকটা ঠাকুরপুকুরের পশ্চিম পাড়ের ঠিক মাঝখানে অবস্থিত। ফটক থেকে বেরিয়ে ছদিকে চলে গেছে ছোটো রাস্তা। বা একটা পথই ফটকটাকে পাশে রেখে পুকুরপাড় ছাড়িয়ে চলে গেছে উত্তর ও দক্ষিণ মুখে। এইটেই গ্রামের ভিতরের সাধারণের ব্যবহার্য কুলি শড়ক। আগে এটা চৌধুরীদের নিজস্ব পথ ছিল—এখন সর্বসাধারণের।

ফটকটার ওপাশে অর্থাৎ ভিতর দিকে—চৌধুরীদের ঠাকুরবাড়ী চন্দনপুরের গুপ্ত বৃন্দাবন; সাধারণ প্রজাসজ্জনেরা বলত—‘ল বেন্দাবন’ অর্থাৎ নব বৃন্দাবন। বলবার কারণ আছে; চৌধুরীরা সে-কালে এই ফটকের ওপাশে লম্বা প্রাচীর বেটনীর মধ্যে বিস্তীর্ণ জায়গা জুড়ে কোথাও তৈরী করেছিলেন রাসমঞ্চ, কোথাও বা ঝুলনবেদী, কোথাও দোলমঞ্চ, কোথাও তমাল বন,—তালবনের জন্তে চেষ্টা করতে হয় নি—তালবন এখানে সর্বত্র। তমালবনের একটা তমাল গাছ এখনও আছে। এ ছাড়া সবই এখন ভাঙাভাঙ কাটা-কুটো; এরই মধ্যে পার্বণগুলি পালিত হয়। অর্থাৎ শাস্ত্রীয় ক্রিয়াকর্ম যাগযজ্ঞগুলি অহুষ্ঠিত হয়। আজও তাই হচ্ছে।

গোবিন্দবিগ্রহ এবং রাজরাজেশ্বরের পাকা দালানের সামনে এককালের পাকা নাটমন্দিরে ঠাকুরদের বসিয়ে রথযাত্রার যজ্ঞ হচ্ছে; পাশেই নড়বড়ে কাঠের রথখানা রাখা হয়েছে—কড়ি ভটজাজ পূজো করছে। সামনে পাতায় পাতায় নৈবেদ্যের আয়োজন, সে নৈবেদ্য অবশ্য যৎসামান্য,—চারটিখানি ভিজ়ে আতপ চাল, একখানা বাতাসা, চিমটি দুই-তিন চিনি, টুকরো দুয়েক আম, এক আধ কোয়া কাঁঠাল। তবে তার পাশে চৌধুরী শরীকদের বাড়ী থেকে বাটীতে বাটীতে এসেছে নৈবেদ্য—তাতে আম আছে, কাঁঠাল আছে, দুধ আছে, মিষ্টান্ন আছে। মোটামুটি ভাল পরিমাণেই আছে। দু-চারজনের বাটীতে তো প্রাচুর্যের চিহ্ন রয়েছে। সেও ওই গোপাল চৌধুরীর ভাইদের এবং ওদের ভাগ্নে হরিবিষ্ণুবাবুদের বাড়ীর ভোগ বলে চিনতে কষ্টও হয় না দেখিও হয় না।

নাটমন্দিরের একদিকে চৌধুরীবাড়ীর গিল্লীবাগীরা ময়লা এবং গন্ধওলা পবিত্র পূজোর পটবস্ত্র পরে বেশ জাঁকিয়ে বসেছেন। অধিকাংশই এঁরা বিধবা। মাথার চুল ছোট করে ছাঁটা; এবং চেহারাগুলি বেশ হুঁপুঁপুঁ। যারা সধবা তারা বরং অপেক্ষাকৃত শীর্ণ। অল্পবয়সী সে সধবা এবং কুমারী দুইই—তারা একটু অল্পনূরে দাঁড়িয়ে আছে। দেখলেই বোঝা যায় তারা মাজ দর্শক। তাদের কাপড়ের রংয়ের বাহার এবং আভরণের ঝলমলানি এই ভাঙাচোরা পুরনো নাটমন্দির ও এই অপ্রচুর আয়োজনের সঙ্গে বিসদৃশভাবে সামঞ্জস্যহীন হয়ে চোখে ঠেকছে,

অসক্ত বলেও মনে হচ্ছে। বউদের মাথায় ঘোমটা থাকলেও সে আধঘোমটা—তাতেই অবশ্য চেনা যায় বউ বলে। মেয়েরা সে কুমারী বা সখবা যাই হোক—তাদের মধ্যে কিছুটা আটপোরে ভাব আছে কিন্তু বউয়েরা সবই যেন পোশাকী কাপড়ের মত পরিপাটিভাবে ইন্দ্রী করা। প্রায় সকলের নখেই নেলপালিশ লাগানো—ক'জনের ঠোঁটে লিপস্টিকের রঙ টুকটুক করছে।

নাটমন্দিরের আর এক প্রান্তে বসেছে পুরুষেরা। পুরুষেরা অর্থে প্রাচীন প্রবীণেরাই বেশী। গোপাল চৌধুরীর মত যারা প্রবীণ এবং যারা প্রাচীন গৌরবের ছেঁড়া সাদা ছাতা মাথায় দিবে বেড়ান তাঁরা। গোপাল চৌধুরীর জাতিভাই হরেকৃষ্ণ চৌধুরী ত্রীকৃষ্ণ চৌধুরী ব্রজকান্ত চৌধুরী বসেছেন শতরঞ্জির উপর। সকলেই ঘাটের উপর। কাঠের নল লাগানো ছোটো পুরনো গড়গড়ার তামাক চলছে। দা-কাটা তামাক। কেউ কেউ বিড়ি খাচ্ছেন। কথাবার্তা বেশী হচ্ছে না। মধ্যে মধ্যে টুকরো টুকরো কথা। সে কথাও কেউ কারও সঙ্গে বলছে না—যে যার আপনার মনে বলে যাচ্ছে।

—রথে চ বামনং দৃষ্ট্বা পুনর্জন্ম ন—ন—ন বিজ্ঞতে।

—এবার আকাশ যে নীল হে। এক টুকরো মেঘ নেই।

—হিসেব দিতে হবে পাই পয়সার। সব লুটে খাচ্ছে।

—এঁঃ...বিধবার পোশাক দেখ। বিধবা! রাম রাম রাম!

একটু দূরে বসেছিলেন অপেক্ষাকৃত অল্পবয়সীর দল; এখানে তামাকের ঝগাট নেই—সিগারেটের আসর; মাহুঘেরা সকলেই চল্লিশ পারের মাহুঘ। গায়ে কতুয়া বা গেঞ্জি—পরনে ধুতি, প্রান্ত খানিকটা তুলে কোমরে গাঁজা। হাঁটু পর্যন্ত বেরিয়ে আছে। এখানে কথাবার্তায় যোগাযোগ আছে—বিচ্ছিন্ন কাটা কাটা কথা নয়, শীতল হিম নয়, তাপ আছে।

আরও খানিকটা দূরে প্রায় ফটকটার সামনে ওই ঝুলনমঞ্চের আমগাছতলায় বসেছিল আর একটি দল। দলটির মাহুঘগুলি সবাই পঁচিশের নীচে। নাটমন্দিরের মাহুঘগুলির দিকে পিছন ফিরে সিগারেট টানছিল। মধ্যে মধ্যে উঠছিল হাস্যধ্বনি। এদের কয়েকজনেরই পরনে ঢিলা পায়জামা এবং শার্ট বা পাজাবি, কেউ কেউ হাওয়াই শার্টও চালিয়েছে। জনদুয়ের পরনে ফুলপ্যান্ট এবং শার্ট। কাপড় পরে খালিগায়ে বসে আছে একজন।

মধ্যবয়সীদের আসরে চলছিল—ল্যাণ্ড রিকর্ম থেকে কম্পেনসেশনের কথা। ব্লক-ডেভেলপমেন্ট আপিসের কথা; প্রধান বক্তা এখানে গ্রাম-অধ্যক্ষ। আলোচনার উত্থাপ এখানে পুরনো কালের ম্যালেরিয়া জ্বরের মত—শন শন করে একশো পাঁচে গিয়ে উঠেছে। কথাটা শুরু হয়েছিল—গ্রামের রাস্তা নিয়ে। গ্রামের রাস্তাটি খানাখনে এমন ভরে উঠেছে—যে গরুর গাড়ী ছাড়া আর কোন যানই নিরাপদ চলনে চলতে পারে না।

কথাটা তুলে দিয়েছে চৌধুরীবাড়ীর ভায়েদের ভায়ে—ইন্সুলের মাস্টার মনোমোহন চাটুজ্যো। আজ রথের ছুটি। এখানে যেলা হয় বলে সকালে জ্বল বসেই সঙ্গে সঙ্গে ছুটি হয়ে যায়। জ্বল থেকেই ফেরার পথে মনোমোহন চাটুজ্যো ঠাকুরবাড়ীতে ঢুকেই গোপাল চৌধুরীর খুড়তুতো ভাই নেপাল চৌধুরীকে বলেছিল—এবার কি রথ আপনাদের মায়ের তলা পর্বত যাবে

না নাকি মামা ?—পথ যে একেবারে দুর্গম গিরি কান্ডার মত—। রথের দিন এক পশলা বুড়ি যদি চেপে হয় তো ছুতর পারাবারও হয়ে যাবে ! যা—খানা-খন্দ দেখে এলাম !

নেপাল চৌধুরী মাহুঘটির অবস্থা ভাল হলেও উত্তাপ বা কর্কশতা নেই তার মধ্যে । প্রকৃতিতেই মাহুঘটি ঠাণ্ডা মিষ্টি । সে বললে—বলো এই পঞ্চায়তের অধ্যক্ষবাবুকে !

গ্রাম পঞ্চায়তের অধ্যক্ষ বিষ্ণুপদ চৌধুরী—নিরীহ ভালমাহুঘ । তার নিজের কোন রাজনীতি নেই—ভবে তার শালা বামপন্থী, তার ছোট ছেলে বামপন্থী কিন্তু ভরীপতি কংগ্রেসী পাণ্ডা—সে আবার এখানকার অঞ্চলপ্রধান । বিষ্ণুপদ বললে—গ্রামের লোক ট্যাক্স না দিলে অধ্যক্ষ কি করবে । কোথেকে টাকা আসবে হে ?

—সে তোমার কংগ্রেসী বোনাইকে জিজ্ঞাসা কর । বাবা, ওপর থেকে টাকা আসছে—কাঁড়ি দরুন,—বি-ডি-ওকে পকেটে পুরে কাটো ভ'উচার করো সহ । ব্যাস । এদিকে ট্যাক্সো চালাচ্ছ । এই তো মাঠে টাকা আদায় করেছ ডিস্ট্রিক্টের ভয় দেখিয়ে, গেল কোথায় সে টাকা ? শালা সব খেয়ে দিলে হে ।

—দেবে না ? বাঘে ধান খেলে তাড়ায় কে হে ? বলিহারি বাবা এক নয়নের দিব্যদৃষ্টি ! বাবা বেছে বেছে যত জোতদার আর ব্যবসাদার অর্থীণ শাসালো এবং ধুরন্ধর ব্যক্তিকে বসিয়ে দিয়েছে জেলা কংগ্রেস থেকে মণ্ডল কংগ্রেস পর্যন্ত, ওদিকে গ্রাম পঞ্চায়ত থেকে খানা পরিষদ পর্যন্ত । জেলা পরিষদ বাকী । তা সেখানেও হয়ে যাবে মিলওয়ার বাবু ; সে-ই তো কংগ্রেস প্রেসিডেন্ট ।

এই কথাতেই তাপমাত্রা হঠাৎ বেড়ে উঠেছে—যেন হঠাৎ এক ঝলক উত্তাপ দমকা হীটওয়েভের মত এসে পড়েছে । এখানকার মণ্ডল কংগ্রেসের সভাপতি উত্তপ্ত হয়ে বলে উঠেছে, আই প্রটেষ্ট । স্ট্রংলি প্রটেষ্ট ! এভাবে পারসোনাল অ্যাটাক—

তার কথা শেষ হয়নি—দিবাকর চৌধুরী রাগী মাহুঘ, সে বলে উঠেছে—আই ভোন্ট কেয়ার । আমি আবার বলব—

—বলো না দিবাকর । রিপোর্ট চলে যাবে—তুমি, তোমার গুণ্ডি সব লাল মেরে গেছ !

—গেছি তো গেছি । কার কি সাধ্য আছে ক'রে নিক !

—সাধ্য আর কি ! খানা থেকে নজর রাখবে—

—রাখুক বাবা রাখুক । দেশের টাকাগুলো নিয়ে তছনছ করে দিলে বাবা ! দেশে বলবার মাহুঘ নেই ।

হেসে আবার নেপাল চৌধুরী বললে—মাহুঘ নেই মানে ?—এতবড় সতীশ ঘোষাল মদ মাহুঘ জ্যাক্ত কবি ছড়াদার থাকতে, অমর চকোত্তির মত গলাবাজ থাকতেও বলছ মাহুঘ নেই ? বল কি হে !

—চূপ কর ঘোষাল আসছে । হাতে লাঠি নিয়ে বাড়ী থেকে বেরুতে দেখেছি আমি ।

—আজকালকার ধুরোটা কি তার বল তো ? শুনতে কিছু পাই না ।

—শুনবে কি ? কিছুদিন চূপচাপ আছে—সেদিন পথের উপর ওকে ছেলেরা ধরে টাইট খুব

দিয়েছিল। ভাগ্যে সেদিন সুরেশ্বরবাবু ছিল ভাই সঙ্গে—না হলে করোনারী না-হয় সেরিয়েল ধুমবসিস্ একটা হত। শুনলাম—ওর যা ওকে খুব মিনতি করেছে। বউ খুব কৈদেছে—। ঘোষণা প্রজ্ঞা করেছে কারুর কোন কথাই আর থাকবে না।

এখানে যখন পল্লী স্নায়ুতন্ত্রাশন বা গ্রাম-স্বরাজ্যের বিভর্ক চলছিল, তখন পশ্চিম বছরের কমবয়সীদের আসরে চলছিল—কার্ট ডিভিশন ফুটবল লীগের কথা—চিরকালে মোহনবাগান-ইস্টবেঙ্গলের লড়াই—এবং তার সঙ্গে ছবির রাজ্যের উত্তম সূচিরা সূপ্রিয়া সৌমিত্র সভ্যজিৎ রায়ের কথা—পাশাপাশি একসঙ্গে এক নিঃশ্বাসে। আর তার সঙ্গে আসছিল নাটকের আলোচনা। গ্রামে হরিবিষ্ণুবাবুদের পূর্বপুরুষদের দাক্ষিণ্যে এবং উজোগে তৈরী পাকা স্টেজটা অনাথ হয়ে পড়ে আছে। সেখানে এখন অভিনয় উজোগের অভাব হয় না—সেখানে নতুন ক’রে অভিনয়ের কথা হচ্ছে। নাটক ?—কোন নাটক হবে ?

ছেলেগুলি যারা জমে আছে—তারা একালের ছেলে—বারো-চোদ্দজনের মধ্যে দু’তিনজন ছাড়া সকলেই মোটামুটি শিক্ষিত অর্থাৎ লেখাপড়া শেখা ছেলে। জনচারেক গ্র্যাজুয়েট। জনতিনেক এল-সি পাস ; বাকীরা ম্যাট্রিক পাস। একজন আই-এ ফেল। এখানে তখন সেই মুহূর্তটিতে নাটকের কথার মধ্যে শুভেন্দুর ভাই বলে উঠল—কেন বাবা, নাটক নাটক করে মাথা ঘামিয়ে কি লাভ বল ? এখানে তো বেগুন গাছেও নাট্যকার কোলে—এবং নাটক ফলে। লাগাও না যা হোক একখানা। এন-এস-বি, এন-জি-এম, কে-কে-এম, টি-এস-বি, এন-এন-বি—সুনেছি এই পাত্র-ও একখানা নাটক লিখেছিল গল্পচোর বলে—সেই নাটক চুরি করেছিল চৌধুরীবাড়ীর ছেলে। এ-কে-আর তো বসেই আছে নাটকের গান্দা নিরে—যাও না।—

সকলের মুখেই হাসি দেখা দিল। হাসির কথাই বটে। চৌধুরীবাড়ীর ভায়ে এ-কে অর্থাৎ আর্থকুমারের মাথা ধরাপ হয়ে গেছে—তিনি এখন বাড়ী বসে বসে শুধু নাটক লেখেন এবং লোকজন পেলেই বলেন—কি ? একবার থিয়েটার-টিয়েটার কর তোমরা। এমন সুন্দর নাটক লিখেছি ছে !

আর্থকুমার শুধু নাটকই লেখেন না, তিনি বলেন বাংলাভাষার সব ভাল নাটকই তাঁর লেখা। তাছাড়াও পাগলামি আছে। সকালবেলায় একবার উঠেই পোস্টপিস গিয়ে একটা লেকচার দেন ইংরিজীভে—তারপর আসেন থানায়। সেখানে একটা লেকচার দিয়ে বাড়ী ফিরে বৈঠকখানায় বসে রাত্তার লোককে ডেকে বলেন—শোন ভো ছে ! শুনে যাও ভো নতুন নাটকের এইখানটা—কেমন হয়েছে বল ভো !

উত্তর না দিয়ে, এমনি আপন মনে চলে যাওয়ার মত চলে গেলে বিশেষ কিছু ঘটে না, কিন্তু ‘সময় নেই’ বা ‘না পারব না’ বললে রক্ষা থাকে না—তিনি চীৎকার করে আর একটা লেকচার দেন।

হাসিটা এই কারণে।

ঠিক এই মুহূর্তে উঠল একটা শব্দ—তার সঙ্গে একটা কোলাহল ; কয়েকটা ক্রুদ্ধ চীৎকার বাদ্যমুদ্রা, একটা প্রচণ্ড শব্দ, যে শব্দ ওঠে বস্ত্র সংঘাতের ফলে, একটা ভয়ানক চীৎকার। সব

কটা একসঙ্গে । একটি মুহূর্তে একই সঙ্গে ।

সকলেই চমকে উঠল—কি হল ?

ছেলেদের দল সচকিত হয়ে তাকাল । প্রৌঢ়ের দল উদ্‌গীৰ হয়ে পরস্পরের দিকে তাকিয়ে  
প্রায় একসঙ্গে প্রশ্ন করলে—কি কাণ্ড ! কি হল ?

বৃদ্ধেরা বিরজিত হয়ে বলল—আঃ ছি—ছি—ছি ।

কটকের ওধারে সতীশ ঘোষাল ধমকে দাঁড়ালো ।—কি হল ?

ধমকে এবং চমকে গেল সকলেই যে যেখানে ছিল—সেখানেই সে এবং তারা চকিতভাবে  
সোজা হয়ে দাঁড়িয়ে মনে মনে নিজেকেই নিজে প্রশ্ন করলে কি হল ? তারপর প্রশ্ন সরব হয়ে  
উঠল ।

সতীশ যেমন প্রশ্ন করলে তেমনিভাবে সকলেই প্রশ্ন করলে—এদল ওদলকে—কি হল ?

বিচিত্রভাবে শব্দটা যেন একটা নয় । অনেকগুলো শব্দ একসঙ্গে একই মুহূর্তে বিচিত্রভাবে  
পরস্পরের সঙ্গে যুক্ত হয়ে একটা বড় অথও শব্দে পরিণত হয়ে ধ্বনি তুলেছে—প্রতিধ্বনিত  
হয়েছে ।

একটা যেন খুব বড়জাতের পটকা ফুটেছে । তার সঙ্গে আরও অনেক শব্দ, সম্ভবত কোন  
টিনের উপর ভারী একটা কিছু পড়েছে সন্দেহ নেই । অথবা টিনের চাল সমেত কোন ঘর  
ভেঙে পড়েছে ।

সব থেকে বেশী উদ্‌বিগ্ন হয়ে উঠলেন নাটমন্দিরের প্রবীণারা । গোটা চৌধুরীপাড়াই  
ভাঙা আর ফাটা পুরীর রাজত্ব । সেই কোন পুরানো আমলে তৈরী বাড়ী ;—দুশো বছরের  
বেশী বয়স ; দুশো বছরে ভেঙেচুরে আগাগোড়া নতুন কিছু হয়নি ; হয়েছে—মানে, পড়েছে  
বেশীর ভাগ পার্টিশনের দেওয়াল, কোথাও কোথাও বারান্দা ঘিরে খুপরীর মত ঘর, দু-চার  
বাড়ীতে দু-চারখানা নতুন ঘর হয়েছে, তাও ভিত্ খুঁড়ে নয়, একতলার মাথায় দোতলায়,  
দোতলার মাথায় তিনতলায় । এবং এই পুরুষে গত দশ পনের বা বিশ বছরের মধ্যে প্রায় প্রতি  
বাড়ীতে টিনের চাল দিয়ে হয় ছাদের উপর নয় উঠোনে বা ছাদে উঠোনে দুই জায়গাতেই  
তৈরী করা হয়েছে বাথরুম । ও নইলে মান থাকে না জাত বাঁচে না । জাত মানে জমিদারী  
জাত । তাই কার বাথরুমের চালের উপর কি পড়ল এই প্রশ্নটাই সকল প্রবীণার মনে যেন  
জিজ্ঞাসা চিহ্নের মত মনের র‍্যাকবোর্ডে বেশ বড় করে আঁকা হয়ে গেল ।

—বাবু মশায়রা !—মাসীর বাড়ীর পূর্ব পাশের দেওয়ালটা— ।

নাটমন্দিরে বুড়োবাবুদের আসরের সামনে এসে দাঁড়াল সীতালদের ঘেঘু সর্দার । এবং  
ডাকলে—বাবু মশায়রা ! মাসীর বাড়ীর পূর্বদিকের দেওয়ালটা— ।

বড় আসরে বসেছিল চৌধুরীবাড়ীর প্রবীণেরা—তাদের দৌহিৎ বাড়ীর-মাতব্বয়েরা  
সকলেই একসঙ্গে প্রশ্ন করে উঠল—কি ? কি হল ? কিসের শব্দ ?

—মাসীর বাড়ীর ঘরের পূর্বের দেওয়ালটা গো—

—কি ?

—নড়াম করে পড়ে গেল ।

—দেয়ালটা পড়ে গেল ?—আচমকা পাকা দেয়াল পড়ে গেল ?

—হাঁ । ওই তুদের বাড়ী পাড়ার উরা আমাদের সঙ্গে ঝগড়া করতে এল । উরা আমাদের খাসী চুরি করে খেয়েছে । তাই নালিশ করেছি আমরা । তার উপরে উদের কাজটো আমরা করছি তুদের কথায়—; এই সব লেগে উরা এল দল বেঁধে । বলে তুদিগে ঘেরে ভাগাব—। নিরে ওই জ্বালের গৌড়াতে একটা এই মোটা পটকা না বোমা কি বলে দিলে ছুঁ করে ঘেরে । অমুনি দেয়ালটো কাপতে কাপতে হুড়মুড় করে পড়ে গেল ।

—বোমা মারলে—, দেয়াল ভেঙে দিলে—? বাড়ীরা ?

চৌধুরী বংশের ঐষ্ট দৌহিত্রবংশের বংশধর ইচ্ছলের সেক্রেটারী হরিবিষ্ণু বাড়ুজ্জ হাতের সিগারেটটা আছড়ে মাটিতে ফেলে পা দিয়ে পিষে ফেলে বললেন—এতে আর আশ্চর্য হবার কি আছে ? এই তো অবশ্যস্বাবী ! কুরুক্ষেত্রে কোরব বংশ যখন ধ্বংস করলেন শ্রীকৃষ্ণ, তখনই যদু বংশেরও ধ্বংস নির্ধারিত হয়েছিল—এবং তারপরই এটাও নির্ধারিত সত্য হয়েছিল যে শবরেরা ব্যাধেরা একদিন দল বেঁধে এসে যদু বংশের বধুকন্তাদের ধরে নিয়ে যাবে ।

—তার মানে ? ফৌস করে উঠল হরেকৃষ্ণ চৌধুরী । গোপাল চৌধুরী বিস্ফারিত দৃষ্টিতে হরিবিষ্ণুর দিকে তাকিয়ে কথাটা বুঝতে চেষ্টা করছিল—তার মাথার মধ্যে এখনও গোলমাল পাকিয়ে আছে । সে কাঠের গড়গড়ার নলটা হাতে ধরে বললে—কি ? কি ? কি হল ?

হেসে হরিবিষ্ণু বললে—ও তুমি বুঝতে চেয়ো না খুড়ো । ওতে অনেক ছেঁড়াচুল বটের আটা আছে—জটা বনে গিয়েছে । চিকনিতে ঝাঁচড়াতে গেলে চিকনি ভাঙবে ।

ব্রজকান্ত বলে উঠল—তা যদুবংশটা কোন বংশ শুনি ?

—কেন ? চৌধুরীরা । জবাবটা যেন হরিবিষ্ণুর ঠোঁটের ডগায় মজুদ হয়ে ছিল ।

—হঁ । আর তোমরা ? বেশ তিক্ত সুরে প্রশ্ন করলে ব্রজকান্ত ।

—আমরা ধর—। আমরা আর কি, আমরা—। কথা শেষ হবার আগেই শ্রীকৃষ্ণ চৌধুরী বলে উঠল—ধরতে হবে না । তোমরা কোরব ।

হরিবিষ্ণু আবার একটা সিগারেট ধরিয়ে বললে—তা হতে আর আপত্তি কি ? তবে গরমিল হচ্ছে তো । স্বাধীনতা হল দেশের ; বলা চলে কুরুক্ষেত্র পার হয়ে গেল । রাজ্য অস্তিত্তি গিয়েছে কিন্তু কোরবেরা টেকে রইল যে গো ! আর তোমরা যদি নিজেরা যদুবংশ বলে দাবী কর তা হ'লে পরিণামেই বা মেলে কই । মা যষ্টীর দয়ার তো অভাব নেই । খুড়ীমাদের কোলে তো বছর বছর নতুন খোকা দেখতে পাই । তাছাড়া ধর, যদি, তাই মেনে নিলাম আমরা কোরব তোমরা যাদব, তা হ'লে পাণ্ডবটা পাড়ার কে ?

এতক্ষণে সতীশ ঘোষাল সরস কোঁতুকদীপ্ত মুখে বললে—হম জানতা হ্যায় বাবা । আর কেউ জানতা নেই । ওটি হল—লোকাল কংগ্রেস-লীডার জেলখাটা অর্থাৎ বনবাস প্রত্যাগত ডাবানীকিংকর ।—হঁ—হঁ ।

রহস্ত-রসিকতার সুগারকোট দেওয়া এই যে বাটুল যুদ্ধ চলছিল—এই যুদ্ধটি এই বছরকেল জমিদার ভদ্র বংশ অধ্যুষিত চন্দনপুরের একটা বিশেষভাবে চিহ্নিত ধারা। চমৎকার পৌরাণিক তুলনার মধ্য দিয়ে মিষ্ট ভাষায় জ্ঞান-গাভীরের নামাবলী বা উত্তরীর গানে দিয়ে পরস্পরকে মর্যাদাসিক অভিসম্পাত দিয়ে থাকেন। জমিদারী বিগত হতে বসেছে; সে একরকম গেছেই। বাড়ীগুলো কেটেছে, বংশাবলী জ্যামিতিক হারে বেড়েছে—তবু এই অভিজাত যুদ্ধপ্রথাটি যায় নি। এবং এই যুদ্ধে তারা যখন মাতে তখন আর সব ভুলে যায়। সে হিসেবে একে কুরুক্ষেত্রের পাণ্ডার সঙ্গে তুলনা না করে পাণ্ডা খেলার আসরের সঙ্গে তুলনা করাই ভাল—কারণ তখন আর এদের জ্ঞান গম্যি থাকে না—দ্রৌপদীকে পণ রাখার মত প্রযত্ততাও বুদ্ধিকে আচ্ছন্ন করে।

এ আলোচনাটা আরও চলত হয়তো। কারণ শব্দটা আর দ্বিতীয়বার উঠে তাঁদের ব্যাঘাত ঘটায়নি—এবং শব্দটার কারণ যা পাওয়া গেছে—তাতে কারুর কোন ব্যক্তিগত ক্ষতি হয়নি; মোটামুটি বোঝা গেছে—‘সাজার মা’ অর্থাৎ বহুজনের—মালিকানি বিশিষ্ট ‘মাসীর বাড়ী’ নামক ঘরখানার পূর্বদিকের দেওয়ালটা সশব্দে পতিত হয়েছে। বাউড়ীদের কারা এসেছিল মারামারি করতে সাঁওতালদের সঙ্গে।—তারা পটকা বা বোমা ছুঁড়েছিল।

কিন্তু মেঘু সর্দার আবার বাধার সৃষ্টি করলে—বললে—বলো গা বাবু! এক শালোকে ধরেছি—উকে কি করব?

—ধরেছিস একজনকে?

—ই গো। আরও দুজনাকেও ধরেছিলাম—তা সেই সাঁপটো বেরিয়ে পড়ল; এই ফেশা, এই মোটো, আর বেঁড়ে পারা—সেই টো। কুখা ছিল—উইখানে—

—হ্যাঁ বাস্তবাপটা ওখানেই থাকে আজকাল।

—ই ওই দেয়াল পড়ল—আর উটা কুখা ছিল কুন ঝোঁপে-ঝোঁড়ে বেরিয়ে পড়লো। বেঁড়ে সাঁপ, ছুটো হয়ে গেছে, এই মোটো—ছুটে লারে, কি করবে ফেশা তুলে দাঁড়ালেক। কামড়াতো আমাদের একটো ছেলেকে;—তা পিটায় মেরে দিলাম—তো ছেলেটা বাঁচলো কিন্তু উরা পাঁলায়ে গেল!

অর্থাৎ বোমার আওয়াজের সঙ্গে সঙ্গে দেওয়ালটা ভেঙে পড়ে গেল; সঙ্গে সঙ্গে কোথায় কোন্ গর্তে বা ঝোঁপে-জললে সাপটা ছিল বেরিয়ে পড়েছিল। বড়ো সাপ প্রকাণ্ড কণা ভেদনি মোটা কিন্তু বয়সের জন্ত লম্বায় ছোট হয়ে গেছে, লেজের দিকটা করে করে এসেছে। সেটা চলে মন্থর গমনে। ছুটে পারে না। অগত্যা এতগুলি লোকের মধ্যে কণা তুলে দাঁড়িয়েছিল এবং একটা ছেলেকে আক্রমণ করেছিল। তখন সাঁওতালরা সাপটাকে লাঠি দিয়ে পিটিয়ে মেরে দিয়েছে। সেই সুবোগে—বাউড়ীদের আর দুজন যারা ধরা পড়েছিল তারা ছুটে পাঁলায়ে গেছে।

“সাপটাকে মেরে কেলিছিস—?”

একসঙ্গে অনেকগুলি কণ্ঠস্বর থেকে একই প্রশ্ন উচ্চারিত হল।—“সাপটাকে মেরে কেলিছিস!”

একটা সর্বনাশ হয়ে গেছে বলে মনে হল। কণ্ঠস্বর বেন হতাশায় ভেঙে পড়ল। “সাপটাকে মেরে ফেলেছিল।”

সাপটা বাঙলাপ। চৌধুরীদের বাস্তুদেবতার প্রতীক; কেউ বলে ওর বয়স পাঁচশো বছর; কেউ বলে—ওর থেকে কিছু কম। কতকাল পুস্তন হয়েছে এই ঠাকুরবাড়ীর, গোপনব্রজের—ততকাল ও এসে চুকেছে এই ঠাকুরবাড়ীতে।

লোকপ্রবাদ—যে সন্ন্যাসী নবাবদণ্ডর থেকে মা চণ্ডীর জন্তু নিকর জমির সনন্দ নিয়ে এবং চৌধুরীশিষ্যদের রাজরাজেশ্বরের নামে জমিদারী কিনে চন্দনপুর আসেন—সেই দিন এই বাস্তুদেবতা এসে চৌধুরীবাড়ী চুকেছিল।

সেই বাস্তুদেবতাকে মেরে ফেলেছে?! আজ এই রথের দিনে?! হে রাজরাজেশ্বর—হে ভগবান।

যেঘু আবার বললে—বুল গা বাবুরা! উরা আবার ফিরে আসবেক। মারামারি করবেই উরা। বুল—! উ বাউড়ীটিকে তুরা নে—যা করবার কর, আমরা বাবু চলে যাছি। উরাদের সাতে মার আমাদের হবেই। ই। উরা আমাদের খাসী খেয়েছে চুরি করে, আর বুলছে—এ সব কাম উদের কাম,—ই কাম করতে আমরা পাব না। ই!

বাপারটা বড় জড়ানো ব্যাপার। আজ বছর চারেক থেকে একটা ছুরারোগ্য ব্যাধির মত চন্দনপুরের জীবনকে আক্রমণ করেছে। চৌধুরীবাবুদের এবং মা চণ্ডীর স্থানের আশ্রিত এক দল বাউড়ী সেই পুরনো কাল থেকে এখানে বসবাস করছে। তাদের সঙ্গে আছে ঘর কয়েক বাগানী, কয়েক ঘর ভোম।

মা চণ্ডীর নিকর পুকুরের পাড়ে এরা বাস করে। কোন খাজনা নেই; শুধু মা চণ্ডীর ধানে বছরে একদিন বেগার দিতে হয়। এ ছাড়া এরা পুরুষাত্মকমে চৌধুরীদের বাড়ীতে বাঁধাধরা কাজ করে আসছে। এক এক চৌধুরীবাড়ীতে এক এক ঘর ওরা বাঁধা চাকর। বংশাত্মকমে চৌধুরীরাও বেড়েছে এরাও বেড়েছে। এরা রাখালী করে মাহিন্দারি করে—কৃষানি করে, মেয়েরা বাড়ীতে বাসন মাজার কাজ করে; উঠোন বাঁট দেয়; আঁস্তাকুড়ও পরিষ্কার করে। চৌধুরীরাই ওদের খাবার ধান দেয়—ঘর ছাইবার খড় দেয়, রোগে অসুখে চার আনা আট আনা থেকে দু টাকা পাঁচ টাকা ঋণও দেয়; এরা তা শোধ করে চলে বংশাত্মকমে। চৌধুরীদের ঠাকুর বাড়ীতে এই গোপন ব্রজে ওদের নেমন্তন্ন দেওয়া আছে রথের দিন একদিন রাসের দিন একদিন ও দোলের দিন একদিন এই তিনদিন রাজরাজেশ্বরের প্রসাদ পেতো বৎসরে এবং দুর্গাপূজার সময় নবমীপূজার দিন একদিন মায়ের প্রসাদ পেতো তার সঙ্গে নবমীপূজার



যে মহিষ বলি হত সেই বলিটা পেতো। আরও পেতো বিজয়া দশমীর দিন চণ্ডীতলায় বলির মহিষের খড় ও মুণ্ডটা। এ ছাড়া দশমীর দিন চণ্ডীতলায়—মায়ের মাংস ও মসুরী কলাইয়ের একটা ভোগ হয়—সেই ভোগের প্রসাদও পেতো। রাজে এক হাঁড়ি মদের দাম পেতো। এসবের বদলে ওদের রথে রাসে দোলে—এক-একদিন ঠাকুরবাড়ী পরিষ্কারের কাজ করতে হত। এবং বিজয়া দশমীর দিন এদের দুর্গাপ্রতিমা বিসর্জনের জন্ত কাঁধ দিতে হত।

বর্তমানে ওদের সংখ্যা বেড়ে গিয়েছে; চৌধুরীবাড়ী নিমন্ত্রণ বন্ধ করেছে; ওরা বেগার বন্ধ করেছে; কিন্তু নিমন্ত্রণের দাবী ছাড়ে নি। তার সঙ্গে আর একটা গোলমাল বেধেছে—সেটা হল রথ টানার ব্যাপার নিয়ে একটা বিচিত্র গুণ্ডগোল। নিয়ম ছিল চৌধুরীদের গোপন ব্রজ বা ঠাকুরবাড়ীর ‘সিংদরজার’ ও-পাশে অর্থাৎ ভিতরে রথ টানবে ব্রাহ্মণ থেকে জলচল জাতি যারা তারাই—সেটা ক্রমে ক্রমে ভ্রজ জাতিতে পরিণত হয়েছিল—এবং সিংদরজার বাইরে গ্রামের মধ্যে রথ টানত এই বাউড়ীরা। এখন বাউড়ীরা ক বছর থেকে দাবী ধরেছে রথ টানতে হলে তারা ওই ঠাকুরবাড়ীর ভিতর থেকেই টানবে। চার বছর থেকে গোলমাল বেধে রয়েছে। প্রথম দু বছর কথা কাটাকাটি করেও শেষ পর্যন্ত পুরনো নিয়ম বজায় থেকেছিল। গত দু বছর বাবুরা নিমন্ত্রণ বন্ধ করেছে, বেগারও নিচ্ছে না; এবং গ্রামের পথে রথ বের করাও বন্ধ করেছে। রথ ঠাকুরবাড়ীর এলাকার মধ্যেই টেনে শেষ করে; রশিখানেক দূরে বহুকালের ওই ‘মাসীর বাড়ী’ নামক টিনে ছাওয়া একটা দুয়ার-হীন ঘর, সেই ঘরে ঢুকিয়ে দিয়ে রথের পরব শেষ করে।

বাউড়ীদের এইখানেই ঘোরতর আপত্তি। কেন তারা ঠাকুরবাড়ীর ভিতরের এলাকা থেকেই রথ টানতে পাবে না? ওরা ঠাকুরবাড়ীর ভিতর ঢুকতে পায়—সেখানে কাজকর্ম করে। এমন কি—চণ্ডীমণ্ডপে ঢুকে বেদীর উপর থেকে ওরাই দুর্গাঠাকরণ নামিয়ে ঘর থেকে বের করে আনে; তবে কেন ওরা রথ টানতে পাবে না?

গোলমালটা এখানেই শেষ নয়, আরও আছে, গতবার বিজয়া দশমীতে দুর্গাঠাকরণ প্রতিমা বিসর্জন নিয়েও একটা জট পাকিয়েছে। বিসর্জনের জন্ত এখানে প্রতিমা বের করে বাঁশের চারখানা সাঙের উপর চাপিয়ে ঢাক ঢোলের বাজনার তালে তালে নাচতে নাচতে চলে বাহকেরা। তার জন্ত বাবুদের অস্ত্রাস্ত্র বরাদ্দের সঙ্গে বরাদ্দ আছে এক জালা বা এক হাঁড়ি পচাই মদের। তার স্থলে ওরা এখন আকর্ষণ মত্তপান করে প্রতিমা বাঁচ করে। তাতে প্রায় প্রতিবারই প্রতিমার কিছু কিছু ভাঙে। কয়েকটা আঙ্গুল—একটা হাত বা চালচিহ্নের খানিকটা যায়। আগের কালের ভয় আর নেই। বাউড়ীরাও মানে না—বাবুরাও নিরুপায়। তাঁদেরও আগের কালের প্রতাপ নেই। ফলে গতবার যা হয়েছে তা মনে করতে শরীর শিউরে ওঠে; বাহকদের পা টলে গিয়ে প্রতিমা প্রায় ডানদিকে কাত হয়ে পড়ো পড়ো হয়ে কোন রকমে বেঁচেছে, কিন্তু পুরো বাঁচেনি। গণেশের মুণ্ডটা এবং ডানদিকের হাত দুটো একেবারে খসে পড়ে গেছে।

তার প্রতিকারের জন্ত তখন হয়েছিল অনেক কিছু। কিন্তু ‘বহুসারস্তে লঘুক্রিয়া’ এই সূত্রানুযায়ী শেষ পর্যন্ত হয়নি কিছু। সে সব দিক থেকেই। শাস্ত্রীয় বিধান অনুযায়ী কোন পূজার্তনাও করাননি বাবুরা এবং বাউড়ীরাও মৌখিক একটু লজ্জা প্রকাশ ব্যতীত আর কিছু করেনি। বিচিত্র একাল—বিচিত্র এ কালের ধর্ম। ওই বাউড়ীরা এর জন্ত এতটুকু শঙ্কিত বা ভীত বা উৎকণ্ঠিত হয় নি। দেবতা-ব্রাহ্মণে বিশ্বাস যে নেই ওদের তা নয়। তবে সার্কাসের বাঘ-সিংহীর মত যেন ওদের অনেকটা নিরীহ করে এনেছে। একটা কথাতে প্রমাণ পাওয়া যায়। যে বাউড়ীটি গোপাল চৌধুরীর উত্তত জুতো কেড়ে নিয়েছে—সেই বলেছিল—ওরে ওরা কিছু লারবে রে, চুপ ক’রে গ্যাট হয়ে বসে থাক। যাক ক্যানে, ওরা নিজেরা কাঁধে ক’রে ওই মাটির ঠাকুরের ওজন বয়ে নিয়ে যাক! দেখি! ই। বলে সেই—নড়তে নারে বন্দুক ঘাড়ে। আর হবে কচু! ছাই হবে!

চোরের অহুমান অভ্রান্ত। বাবুরা কোন হান্দামা করে নি। শুধু বলে দিয়েছে—“আগের ব্যবস্থা বাতিল হয়ে গেল বাবা। আমরা বেগার নেব না। আর নেমন্তন্ন-কেমন্তন্নও না।”

তা ছাড়া নবমীর দিন মহিষ-বলি উঠে গেছে। বিজয়া দশমীর মহিষ-বলিও বাতিল হয়েছে। এক-একটা মহিষের বাচ্চার দাম এখন একশো, একশো পঁচিশ; মোটামুটি উঠিয়েই দেওয়া হয়েছে। এ উঠিয়ে দেবার জন্ত বাবুরা ব্যস্তই ছিল, এবার একটা ছুতো পেয়ে বর্তে গেছে।

বাগড়ার শিকড় এই এমনি ভাবে, দুর্গা নবমী, বিজয়া দশমী থেকে রথযাত্রা রাসযাত্রা দোলযাত্রা পর্যন্ত ছড়িয়ে আছে; তিনশো পয়ষটি দিনের সারা বছরটার রঞ্জে রঞ্জে শিকড় চালিয়ে দিয়েছে। ঠিক এই সময়ে হাউমাউ করতে করতে এসে উপস্থিত হল নম্রুবালা। হেই মারে। কি হবে রে! ও দাদারা তোমরা এর বিধেন কর—লইলে ছিটি আর থাকবে না গো। রসাতলে যাবেগ।

\*

\*

\*

মাঝিদের একটা খাসী বাউড়ীদের ছোকরারা চুরি করে খেয়েছে—এটা সত্যি; তার দায়ে জনকয়েকই দায়ী, সকলে নয়। তার খেসারৎ নিয়ে মামলাটা নিষ্পত্তির ক্ষেত্রও এটা নয়—যুদ্ধক্ষেত্রও নয়। আসলে বাবুরা ঠাকুরবাড়ীর সিংদরজা বন্ধ করে দিয়ে যে বাউড়ীদের দাবীটা অগ্রাহ্য করে দেবেন সেটা তাদের সহ্য হয় নি। দেবদ্বিজের ধর্মে ভগবানে বিশ্বাসের স্বরূপটা তাদের যেমনই হোক, সেটা খাঁটি সোনা বা রূপা বা তামার মত কোন ধাতুর তুল্য না হোক, অন্ততঃ লোহা বা টিন বা সীসের মত কিছুর তুল্য বটে তাতে সন্দেহ নেই। তার মূল্য বাজারে না থাকে, তাদের নিজের জীবনে আছে। তারা ঠাকুরঘরে ঢুকে পুরোহিতের পদ চায় না, বামুন-কায়েতদের মত পাটের কাপড় পরে পুষ্পাঞ্জলিও দিতে চায় না কিন্তু বাবুদের বাড়ীতে পাটকামের অঙ্গ হিসেবে ওরা যখন ঠাকুরবাড়ীর উঠোন চেষ্টে পরিষ্কার করে ঝাড়ু দেয়, মেরামত করে, তাদের মেয়েরাই নিত্য অঙ্গনে মাড়ুলী দেয়, তখন রথ টানবার জন্ত তারা ঠাকুরবাড়ীর এলাকার মধ্যে ঢুকতে পাবে না কেন? দুর্গাপূজার সময় একে-

বারে চণ্ডীমণ্ডপের ঘরের ভেতর থেকে তারা প্রতিমা বের করে আনে; তবে ?

বাউড়ীদের মাতব্বর বলেছে, আমাদের প্রেক্ষিজ। প্রেক্ষিজ শব্দটা তারা শুনে শুনে শিখে ফেলেছে। নসুবালি বললে—দাদাবাবার। কি বলব গ। বলছে আমাদের প্রেক্ষিজ থাকবে না। প্রেক্ষিজ কি—না, বললে মান্তি। মান্তি থাকবে না।

আজকের এই রথের দিনে মণ্ডল মজলিশগুলোকে চকিত করে দিয়ে যে মাসীর বাড়ীর টিনে ছাওয়ানো ঘরখানার পূর্বদিকের দেওয়ালটা প্রচণ্ড শব্দ করে ভেঙে পড়ল—তার হিসেবও ঠিক তাই; অর্থের ক্ষতি খুব একটা কিছু নয়। পুরনো আমলের রথের ঘর; কাদায়-ইটে গাঁথা দেওয়াল, তাও দেওয়াল চারখানা নয়, সাড়ে তিনখানা, অর্থাৎ সামনের দরজাটা রথ ঢুকবার মত প্রশস্ত হওয়ায় আধখানা দেওয়াল জুড়েই দরজাটার পরিসর। মাথার উপরে এককালে পুরনো আমলের টালির ওপর পেটানো ছাদ ছিল; কড়িবরগা ছিল তালকাঠের বা কাঁড়ির, সেগুলো বয়সের সঙ্গে বুড়োমানুষের পিঠের মত বঁকতে শুরু করেছিল; ক্রমে যখন খানিকটা খানিকটা করে ভাঙতে লাগল, তখন ওই ছাদটাকে ফেলে দিয়ে করোগেটেড শীট দিয়ে ঢেকে দেওয়া হয়েছিল। বছরে মাত্র সাতদিন কাজে লাগে। পুরীর নিয়মানুযায়ী রথ টেনে গ্রাম ঘুরিয়ে এনে ওই মাসীর বাড়ীতে রথখানা ঢুকিয়ে দেওয়া হয় এবং সাতদিন পর উন্টোরথের দিন রথখানাকে মাসীর বাড়ী থেকে বের করে আর এক পাক গ্রাম ঘুরিয়ে এনে রথের ঘরে তুলে দেওয়া হয়। এমন একটা ঘরের একটা দেওয়াল খসে পড়ায় আর্থিক ক্ষতি কত হয়েছে তা অঙ্ক কমলেই বের হয়ে পড়বে। এবং তার সঙ্গে একটা সাপ মরেছে—অনেক দিনের বুড়োসাপ। তাতেও ক্ষতি বলতে গেলে সে কিছুই হয় নি। তবু যেন একটা আতঙ্কে আতঙ্কিত হয়ে উঠল সবাই। ওই ঠাকুরবাড়ীতে সমবেত চৌধুরীদের ছোট বড় নারী-পুরুষ সবাই এবং তার সঙ্গে তাদের দৌহিত্র বংশীয়েরাও সবাই—। বাঁড়ুজে মুখুজে চাটুজে এমন কি ঘোষাল পর্যন্ত। হরিবিষ্ণু বাঁড়ুজে থেকে দুমুখ ঈর্ষাজর্জর সতীশ ঘোষাল পর্যন্ত সকলেই স্তম্ভিত হয়ে গেল।

একটা যেন ভয়ানক কিছু হয়েছে। অত্যন্ত ভয়ঙ্কর কিছু।

যে-হরিবিষ্ণু একটু আগে মহাভারতের যত্নবংশ বৃদ্ধদের পরিণতির সঙ্গে উপমা দিয়ে চৌধুরীদের ভবিষ্যৎ ইঙ্গিত করছিল, সেও এখন সেই সত্যটার মুখোমুখি দাঁড়িয়ে যেন হতবাক হয়ে গেছে! নসুবালি বললে, পাড়াতে সব 'আয়জন' (আয়োজন) হচ্ছে আমি শুনে এলাম। সকাল বেলাতে আমাকে বলেছিল, আমার সহি ওই বাঁকা বাউড়ীর বউ। বলেছিল, আজ রথ নিয়ে হাজাম হবে সহি।

আমি বলি, হাজাম! হাজাম কিসের? করে কে? ঠাকুরের রথ!

তা বাঁকার বউ বললে, আমরাও তো ভাই ভাই জানতাম। তা সবাই বলছে—ঠাকুরের রথ, ঠাকুরের বাবার রথ। মাহুঘে টানে তাই রথ চলে। মাহুঘ মানে—তাই ঠাকুর ঠাকুর, নইলে পাথর। কই, বের করুক তো হাত-পা দেখি।

আমি বললাম, হেই মারে ! এমন কথা বলতে আছে না বলে ? জিভ খসে যাবে না ?

তা বাঁকার বউ বললে, শুধি আরগা সীমেকে, ওই অমর চক্রবর্তীর বিটি সীমেকে, গারে হলুদ নিয়ে যে পালিয়ে এসে থানা এসেছিল—তাকে শুধিয়ে আয় বুন—সে বলেছে ছিদেমের দৈতোনী বউকে, সে এসে আবার পাড়ায় বলেছে । সীমে বলেছে, এত কথার দরকার কি, চোখে তাকিয়ে দেখ না কেনে আমার বাবার দিকে ; আমার বাবা মা-চত্তীর পিঠের উপর চড়ে ঘোড়া হাঁকিয়ে দিলে—তাতে হল-টা কি ? বাবা মরে নাই, বাবার কুষ্ঠ হয় নাই, বাবার হাত-পা পঙ্গু হয় নাই, বাবা কানা হয় নাই—দিব্যি বরং এখন নতুন জামাইয়ের বাড়ী থেকে ভালমন্দ খেয়ে-টেয়ে শরীর সেরেছে । ছিদেমের বউ বলছিল, সে কি হাসি সীমের !

সতীশ ঘোষাল হাতের তর্জনী আশ্চালন করে বলে উঠল—She is a Communist and you—you শ্রীল শ্রীযুক্তবাবু হরিবিষ্ণু ব্যানার্জী স্কুল and কলেজের রেসপেকটবল সেক্রেটারী, you have given shelter to her. She is a Communist.

\*

\*

\*

না। তা সত্য নয়। সীমা কোন রাজনৈতিক দলের সঙ্গেই কোন রকমে যুক্ত নয়। কোন রাজনৈতিক মতবাদে সে তালিম নেয় নি। তার বাবা কখনও কংগ্রেস কখনও কম্যুনিষ্ট কখনও হিন্দু মহাসভা করে বেড়ায়। তার প্রয়োজন টাকার। যে টাকা দেয় তার হয়েই ভোট ক্যানভাস করে বেড়ায়। বলতে পারে, কইতে পারে, হাত-পা ছুঁড়ে গ্লোগান দিতে পারে এই পর্যন্ত। সীমা তারই মেয়ে, কোন রাজনৈতিক আদর্শে তার বিশ্বাস জীবনগত নয়। তবে একালের মেয়ে সে তার উপর অমর চক্রবর্তীর মেয়ে, তার বিশ্বাসের রঙও চড়া হবেই, গন্ধও কড়া হবেই, স্পর্শের মধ্যেও যে হাতের ছাপ পড়বে তা মিহি বা মোলায়ম হাতের ছাপ নয়।

ব্যাপারটা অত্যন্ত সহজ এবং স্বাভাবিক ; মেয়ে-হস্টেলে কাজ করে দৈতোনী, ছিদামের বউ। তার দাঁত দুটো যত উচু তত সে আহলাদী। বাঁজা মেয়ে, ছেলে-পিলে হয় নি—তার উপর তার স্বামী ছিদেম সে একজন নিতান্ত নিরীহ লাজুক এবং দেহে-মনে অতি দুর্বল মানুষ। দৈতোনীর সঙ্গে তার বয়সের তফাৎ অনেক। নিরীহ স্বামীর সেই পরিচালক। ছিদেম মনিবের বাড়ী কাজ করে—মাইনে হিসেব করে নেয় দৈতোনী, দেয়ি হলে সেই তাগাদা দেয়। মাসের খোরাকির ধান—তাও দেখে শুনে বস্তাবন্দী করে ছিদেমের মাথায় তুলে দিয়ে বলে—চল নে মুনসে। অসময়ে কাপড় ছিঁড়ে গেলে সেই এসে তাগাদা দেয়—কাপড় স্থান বাবু। কাপড় ছিঁড়েছে। অসময় তা হয়েছে কি ? তাহলে ছেঁড়া কাপড় পরে থাকবে, না স্নাংটা হয়ে থাকবে শেষ ? এঁাঃ—। বলে একটা ঠাংকারও দেয়।

এই দৈতোনী হস্টেলের বি। এঁটো-কাঁটা পরিকার করে বাসন মাজে। মেয়েদের সঙ্গে দিদিমণিদের সঙ্গে তার খুব ভাব। ওদের সকল সুখের সকল দুঃখের সহভাগিনী। সীমার সঙ্গে বেশী ভাব, কারণ সীমা হস্টেলের জিনিসপত্র খাওয়াদাওয়া ইত্যাদির দেখাশুনা করবার

চাকরি করে। তার উপর এই মাস তিনেক—পরীক্ষা দেওয়ার পর—অথও অবসরের মধ্যে দৈত্যোনির সঙ্গে সীমার আলাপটা হয়ে উঠেছে অত্যন্ত গাঢ়। নানান বিষয়ের আলোচনা করে। দৈত্যোনি জিজ্ঞাসা করে—“আচ্ছা হা সীমে দ্বিদি, তুমি বিয়ে ক্যানে করলে না বল দিকিনি?”

—দূর, এত অল্প বয়সে বিয়ে করে নাকি? লেখাপড়া না শিখে বিয়ে করে নাকি?

—করে না? তবে এতকাল হল কি করে? এই ধ্যারোগা (ধরোগা) গিয়ে সেক্রেটারী বাবুর বউ ছিল, সে তো নেকাপড়া জানত না। ওই তোমার বি. ডি. সাহেবের বউ, সে নেকাপড়া জানে না—

—কে বললে? বি. ডি. ও. সাহেবের বউ আই-এ পাস।

—পাস! তবে সি চাকরি করে না ক্যানে?

—চাকরি করে না—। অনেক ভেবে সীমা বলে, করে না খারাপ করে।

—খারাপ করে?

—নিশ্চয়!

অনেক ভেবে-চিন্তে সীমার মনে পড়ে ‘বুর্জোয়া’ কথাটা। সে বলে—ওরা হল বুর্জোয়া।

বার কয়েক কথাটা উচ্চারণ করবার ব্যর্থ প্রচেষ্টা করে যুখে কাপড় চাপা দিয়ে হি হি করে হেসে নিয়ে বলে—সেটো কি বটে?

—কি, বুর্জোয়া?

—হ।

—কথাটা হল—। একটু ভেবে-চিন্তে সহজ উত্তরটি পেয়ে গেল এবং সেই উত্তরটিই দিয়ে বসল—এই এ গায়ের বাবুরা যা—তাই—তাকেই বলে। বসে বসে বাপুতি ধনে খায়, সব লোককে ছোট দেখে। বামুনরাও তাই বট—যারা তোদের ছোটলোক করে রেখেছে। তোদের ছুঁলে চান করে, তোদের দিয়ে ছোট কাজ করায়—

দৈত্যোনি অবাক হয়ে শোনে।

এই সূত্র থেকেই কথাটা উঠেছিল। দৈত্যোনি বলেছিল—তাই বটে সীমে দ্বিদি, এই আমাদের পাড়াতেই দেখ ক্যানে, মরদরা বলছিল, বাবুরা সব রথের নেমন্তন্ন উঠিয়ে দিলে—  
—দশমীর—বেসজ্জনের পাকবী মেরে দিলে—

সঙ্গে সঙ্গে সীমা বলেছিল—তোরাও তাহলে কাজ করিস নে।

—হেই মা! অপরাধ হবে না?

—কার কাছে?

—দেবতার কাছে।

—মরণ। দেবতা ঠাকুর-ফাকুর ইসব আছে নাকি? এ যুগে কেউ মানে নাকি? দূর!

দৈত্যোনি হেসে প্রায় ভেঙে পড়ে বলেছিল—হেই মা, তোমার বাবা মা-চণ্ডী থানের পাণ্ডা—

সীমা এবার চটে উঠে বলেছিল—পাণ্ডা! পয়সা পায় তাই পাণ্ডা-গিরি করে। পাণ্ডা!

জানিস বাবা মদ খেয়ে চণ্ডীর মাটির টিবির উপর ষোড়ায় চড়ার মত চড়েছিল—

দেঁতোনীর চক্ষু বিস্ফারিত হয়েছিল—দাঁতগুলির বক্রিণটিই বেরিয়ে পড়েছিল এবং সীমা এই উত্তাপের মুখে একটি উত্তেজনাময় বক্তৃতা নিয়ে ঈশ্বর দেবতা ধর্ম প্রভৃতির উপর মোশন অব নো কনফিডেন্স মুভ করে—দেঁতোনীর ভোটটি পর্যন্ত আদায় করে নিয়েছিল।

এরপর ঘটনাগুলি অতি সহজ এবং স্বাভাবিক। ১৯৫৮ সালের যে-কাল সে-কালে পৃথিবীর বায়ুমণ্ডলে যে-বাতাস বয়—সেই বাতাসে যারা নিশ্বাস নেয়, সে মাহুঘেরা যেই হোক, বামুন হোক কায়স্থ হোক বাগ্গী বাউরী হাডি যেই হোক, তাদের কাছে এই সব ধরনের চিন্তার ক্রিয়া উর্বর ভূমিতে বর্ষাকালে পড়া বীজের মত অঙ্কুরিত হয়ে ছ-ছ কবে বেড়ে উঠেছিল।

এর বেশী কিছু নয়।

না আরও কিছু আছে। এই মাসখানেক ধরে এই কথাটার আলোচনা প্রায় নিত্যই কিছু না কিছু হয়ে আসছে।

দেঁতোনী এই সীমা-মুখ-নিম্নত কথাগুলি যথাসাধ্য আত্মস্থ করে পাড়ায় গিয়ে উদ্‌গীরণ করেছে। প্রথম স্বামীর কাছে, তারপর ওর সহোদর ভাই এবং আবও কয়েকজনের কাছে। অতঃপর গোটা পাড়ায় সেটা ছড়িয়ে পড়েছে। দেঁতোনীর ভাই একালের ছোকরা, স্বাস্থ্যবান সবল এবং বিশেষ দলের লোক, যার পাণ্ডা হল ওই চোবে বাউডী; যারা স্টেশনে কুলি-গিরি করে; মদভাঙ খায়, আবার চায়ের দোকানে চা খায়, রাত্তিকালে হল্লোড করে গান করে এবং গ্রামের সকল লোককে গাল দেয় এবং পয়সা-কড়ির অভাব হলে পুকুর থেকে কাঠ তুলে বেচে দেয়; গোয়াল থেকে ছাগল ভেড়া এনে কেটে খায়, আবার বেচেও দেয়। এদের কাছে দেঁতোনীর বহন করে আনা বাণীগুলি—অঙ্কুরিত হয়ে বর্তমানে রীতিমত চাবাগাছে পরিণত হয়েছে।

ওরা কম্যুনিষ্টও নয় কংগ্রেসও নয়, হিন্দু মহাসভাও নয় মুসলীম লীগও নয়, ওরা হল কালের সহচর, ওরা মহাকালের সঙ্গে চিরকাল দক্ষয় পণ্ড করে বেড়ায়।

## ২১

—কালটাই যে এমনি নস্তু।

—ঠিক বলেছ দাদাবাবু, যেমন কলি তেমনি চলি।

—কালের নাম কলি হলে কলিকালের ধারাটা এই বটে। এ-কালের সে-কালের কোন কিছু চলবে না।

কথাটা বললেন শ্রামাকিন্দরবাবু।

নস্তু চুপ করে বসে রইল। কোন এক অগাধ ভাবনার সমুদ্রে সে পড়ে গেছে, তার আর কুল-কিনারা নেই। অনেকক্ষণ পর সে সেই কথাটাই বললে—এর আর কুল-কিনারা নাই,

নাকি বল দাদাবাবু ?

শ্রামাকঙ্করবাবু হাসলেন । বললেন—চিরকালই মাহুৰ এমনি কুলকিনারা-হীন হয়ে ভাসছে  
রে নসু । তবে এক-একসময় তুফান ওঠে ; তখন মনে হয়—এমনিভর । মনে হয় পরাণপাখীর  
খাঁচা বোঝাই মহাজনী নৌকোর মত এই পৃথিবীখানার বুঝি ভরাডুবি হল । কিন্তু হয় না ।  
ঝড় তুফানে কিছু কিছু খাঁচা ভেসে যায়, কিছু পাখী জলে পড়ে ডুবে মরে । তারপর আবার  
ঝড় খামে, কাল-সমুদ্র শান্ত হয়, তখন আবার পৃথিবীর মহাজনী নৌকো দিনরাতের পাল তুলে  
চলতে থাকে, মনে হয় পার পাব, পাব সেই দ্বীপটা । যে দ্বীপে দুঃখ নাই, বিপদ নাই, ঝড় নাই,  
বাদল নাই, মরণ নাই ।

—আ মরি মরি । দাদাবাবু—কি শোনালে গো !

—কি শোনালাম—? তার থেকে তোর গান যে অনেক ভালো ! কি গাইছিলি  
এতক্ষণ—বেতারে বাজিয়ে ফুলুট—

নসু হেসে মিহিগলায় সুর তুলে গান ধরলে—

—বেতারে বাজিছে ফুলুট—

মন-রসনা—থামা কদমতলার বাঁশী

লে ভাহু লে চটি পরে—পথে কাদা নাই লো ।

পিচ ঢালা রাস্তায় চল মন রসনা কলিকাতা যাই লো !

—তারপর ?

—তারপর !—শোন তাহ'লে—

সান কাড়তে হবে নাকো সান গিয়েছে উঠি

আলতাপরা ঘুচেছে লো তার বদলে চটি

ও মন রসনা আমার—হায়—গো

আমার সীমে কি যাবে ভাসি ?

শ্রামাকঙ্করবাবু বললেন—যাক চাকরি, সীমে তোর ভেসে যাবে না ।

—যাবে না ?

তার আগে সীমার কথা বলি । দিন সাতেক পর । রথের পর সেদিন আকাশে ঘন  
বর্ষার মেঘ দেখা দিয়েছে । এলোমেলো বাতাস বইছে । গরমের ছুটির পর ইঙ্কল খুলেছে—  
হস্টেল খুলেছে ।

সীমা হস্টেলের মধ্যে তার জন্তে নির্দিষ্ট সেই খুপরীর মত কুঠরীর জানালাটায় চূপ করে  
বসেছিল । মন তার বিষণ্ণ । দৃষ্টিও বিষণ্ণ । সেই দৃষ্টি আকাশের দিকে তুলে চেয়ে আছে ।

তার চাকরি গেছে । হরিবিন্দু তাকে জবাব দিয়েছেন । দিয়েছেন ওই অপরাধে, কিন্তু  
মুখে কিছু বলেন নি ।

ওদিকে তাদের বাড়ী থেকে খবর এসেছে, বাবার খুব অসুখ ।

অমর চক্রবর্তী, তার বাবা, গতকাল অজ্ঞান হয়ে পড়ে গেছে। গাড়ীতে তুলে বাড়ী নিয়ে গেছে। নিয়ে গেছে রমেশ্বর। নইলে হয়তো হাসপাতালে যেত। মদ খায় চক্রবর্তী, সে কথা বিশ্ববিদিত। কাল বেশী খেয়েছিল ঝগড়া করবার জন্ত। চণ্ডীতলা নিয়ে ঝগড়া। সামান্য কারণে ঝগড়া নয়, চণ্ডীতলা নিয়ে প্রকাণ্ড সমস্যা উপস্থিত হয়েছে। সেই সমস্যা ভিত্তির উপর ঝগড়া। অমর চক্রবর্তীর ঝগড়া ইচ্ছা করে। তার কল—

দেশের নতুন আইনে—জমিদারি জমি থেকে খাজনা যত রকমের আছে—সব গিয়েছে গবর্ণ-মেন্টের হাতে। পুরনো মতে চণ্ডীমায়ের সেবাইত বল সেবাইত, মালিক বল মালিক—ছিল জমিদারেরা। তারা একজন সাধু-সন্ন্যাসীকে গদীয়ান নিযুক্ত করত। সেই পরিচালনা করত সমস্ত—পুজো-ভোগ, খাজনা আদায় ইত্যাদি। এ ব্যবস্থা আশ্চর্য রূপে অচল হল—উপযুক্ত সাধু-সন্ন্যাসীর অভাবে। সন্ন্যাসী মেলে, সাধু মেলে না। তখন হয়েছিল এক ম্যানেজিং কমিটি। দেশ স্বাধীন হবার পর—ম্যানেজিং কমিটি জমিদারে তৈরী করলে না—করলে হিন্দু জনসাধারণ। কিন্তু সেটেলমেন্টের সময় জমিদার করলে দাবী—সেবাইত তারা। আপত্তি দিলে সেটেলমেন্টে। ফলে—যে টাকা অন্তর্বর্তীকালে অ্যাকুইটি পাবার কথা সরকারের কাছ থেকে তা বন্ধ হয়ে গেল। মা-চণ্ডীর দরবার—জমিদার বাড়ীর সমান হল। মায়ের অনাহারের অবস্থা। এই অবস্থায় মাছ বিক্রি ধান বিক্রি করে ম্যানেজিং কমিটি ভোগের ব্যবস্থা করেছিলেন। তাই চলছিল। হঠাৎ কমিটিতে ঝগড়া লাগল। কমিটির সভাপতি রামসুন্দর গণ্যমাণ্য লোক হলেও—তাকে দায়ে ফেলল কমিটি। কয়েকটা অবিবেচনার কাজ তিনি করেছিলেন। তাঁরা কমিটি থেকে তাকে দায়ী করে শুধু অপদস্থ নয়—পদ থেকে অপসারিত করবার জন্ত কোমর বাঁধলে। সভাপতির দল অবশ্যই একটি ছিল। কিন্তু তারা মুষ্টিমেয়। এবং তারা খুব শ্রদ্ধেয় নয়। শক্তিমানও নয়। বিপক্ষে যারা, তাদের মধ্যে বড় বাঁড়ুজ্জ বাড়ীর শিবশঙ্কর, শিবনাথ দে, নিত্য চৌধুরী, ভবানীকঙ্কর সকলে আছে। সভাপতি সঙ্কট বুঝে কলকাতায় গিয়ে ধরেছিলেন শ্রামাকঙ্করবাবুকে। শ্রামাকঙ্কর এখানকার কোন কলহ সমস্যায় থাকেন না। আসেন—দুদিন থেকে সকলের সঙ্গে হেসে খেলে গল্প করে চলে যান। তিনি এলে হস্টেলের মেয়েরা যায়—শিক্ষয়িত্রীরা যায়—প্রণাম করে—গল্প করে চলে আসে অল্প লোক এলেই। মঞ্জু রঞ্জু দুই বোন ভাল গান গায়—তারা গান শোনায়। বন্ধুরা আসে—তার মধ্যে সুরেশ্বর প্রধান, নিত্য চৌধুরীও থাকে। বাইরের লোকও আসে। শ্রামাকঙ্করবাবুর নতুন নেশা—গাছের ডাল—বট অশ্বথের ঝুরি থেকে সুন্দর পুতুল তৈরী করেন। চমৎকার সেগুলি। কিন্তু কোন সমস্যা বা কলহের সমাধান করতে বললে—হাত জোড় করে বলেন—আমি তোমাদের ভালোবাসার আত্মরে ভাই। আমাকে তোমরা, আর চন্দনপুরের মাটির মধ্যে যে মা আছেন—সেই মা বিদেশে পাঠিয়েছেন—তোমাদের মহিমার কথা বলতে। আর সারা দেশ থেকে যে দান—যে ঋণ তারা পাঠিয়েছে—তাই শোধ করতে। আমি তোমাদের ভালবাসায় ধন্ত। আমাকে এসবে টেনো না। এবার কিন্তু তিনি ঠেলতে পারেন নি ঐর কথা। কারণও ছিল। প্রথম সাহিত্যিক জীবনে—যখন তিনি সামান্য—যখন তিনি পথের



মাছুষ তখন—বছর দেড়েক—কলকাতার গিরে এই রামসুন্দরবাবুর বাসায় থাকতেন—মাসে পাঁচদিন সাতদিন কখনও দশদিন। তারও পেছনে একটু কথা আছে। এই সভাপতি—রামসুন্দরবাবুকে একবার গ্রামের প্রধানেরা পতিত করবার আয়োজন করেছিল; করেছিল বিলেতফেরতের সঙ্গে কস্তার বিবাহ দেবার জন্ত। তখন শ্রামাকিন্দর ছিলেন। জেলফেরত কংগ্রেসকর্মী। তখন তাঁর গোথে বহ্নিকণা বের হত এবং সে বহ্নিকণায় গ্রাম জুড়ে আগুন লাগতেও পারত। সেদিন তিনি রামসুন্দরের পক্ষ নিয়ে সারা গৌড়া সমাজের বিপক্ষে দাঁড়িয়েছিলেন। তাঁর কথা ছিল—বিলেত গেলেই যদি জাত যায়, সে জাত যায় হিন্দুর অখাত্ত-কুখাত্ত খেলে; তবে বাড়ীতে যাঁরা সাহেব ভোজন করান এবং তাদের সঙ্গে অখাত্ত-কুখাত্ত ভোজন করেন—তাদের পতিত কর সর্বাগ্রে। আমি কারও পক্ষে নই কারও বিপক্ষে নই। আমার যুদ্ধ নীতির জন্ত। এতেই রামসুন্দররক্ষা পেয়ে গেলেন। এরপরই রামসুন্দর শ্রামাকিন্দরকে সমাদর করে বাড়ীতে আহ্বান করেছিলেন। এবং অপরিমীম যত্ন করেছিলেন এই কালটিতে। তাঁর স্ত্রী মায়ের যত্ন যত্ন করতেন স্নেহ করতেন। সেই সময় হৃদয়তা গড়ে উঠেছিল। সেই হৃদয়তার আকর্ষণেই—রামসুন্দরের অমুরোধে তিনি এসেছিলেন এই গ্রাম্য বিরোধ মিটিয়ে দিতে। কাল ছিল সেই সভা। বহুলোক এসেছিল। রমেন্দ্রও এসেছিল।

ঘটনাটা সম্মান রক্ষা করেই মিটিয়ে দিয়েছেন শ্রামাকিন্দরবাবু। কিন্তু মাঝখান থেকে মদ খেয়ে প্রমত্ত হয়ে ঝগড়া করেছিল অমর চক্রবর্তী—অন্ত একজনের সঙ্গে। নিতান্ত তুচ্ছ কারণে। সে মত্তপ গালাগাল দিয়ে বলেছিল—তুই আর লাফাসনে। তোর কীতি মার্কামারা। শালা, তোর নাকে চুন গালে কালি—তুই আর বলিসনে।

—খবরদার। শালা—শুয়ার কি বাচ্চা চুপ রহো।

—চুপ রহেগা? শালা—তুই চণ্ডীমাকে কিল মারিসনি!

—মেরেছি। আলবৎ মেরেছি, কিন মারেগা। হম পাণ্ডা ছায়। সিদ্ধপুরুষ।

—ওরে শালা সিদ্ধপুরুষ। তুই সিদ্ধ, তোর মেয়ে ইস্কুলে সিদ্ধ হচ্ছে।

—খবরদার—

আর কথা বের হয়নি। লাফ দিয়ে পড়তে গেছে লোকটার উপর, কিন্তু তার আগেই অজ্ঞান হয়ে পড়ে গেছে।

রমেন্দ্র জামাই। সে তার নিজের মান-সম্মান বজায় রেখে—তাকে বাড়ী নিয়ে গিয়ে ডাক্তার ডেকে দেখিয়েছে। ডাক্তার বলেছে—সাবধানে রাখবেন। কোন রকম উত্তেজনা যেন না হয়। রমেন্দ্রও মদ খেয়েছিল। বলতে গেলে—রমেন্দ্রের কাছে কলহকারী দুই মত্তপই মদ খেয়ে প্রমত্ত হয়েছিল। এবং মদের নেশার উদারতায় দীর্ঘ দশ মাস পর স্বস্তির জামাইয়ে এই প্রথম মিল হয়েছিল। দুজনেই নাকি চণ্ডীতলার জঙ্গলে বসে মিটিংয়ের পূর্বে চোখের জলও ফেলেছিল অনেক।

খবরটা সীমা পেয়েছে। বাপ সম্পর্কে এই কয়েকমাস তার কোন আবেগ কেউ লক্ষ্য করেনি—কিন্তু চাপা সীমার মনে মনে একটি তীক্ষ্ণ কাঁটা খচখচ করেছে যখনই কোন স্পর্শ তাতে

পড়েছে। বাবা তাকে ভালোবাসতো, একথা সে অস্বীকার করতে পারবে না। কখনও ভেবে দেখেও তার মনে হয়েছে—বাবার মধ্যে যা গুণ ছিল—তা তো কম ছিল না। সে অভিনয় করতে পারে, সে বক্তৃতা করতে পারে, রাজনীতিও জানে বোঝে। দেশপ্রেম—দরিদ্রের প্রতি মমতা এও তো তার ছিল। সে তো জানে। তবু কী মানুষ কী হয়ে গেল! কেন হয়ে গেল? না—আরও কিছু আছে! আছে! সে যদি স্থান পেত—ছোট হোক খাটো হোক একটুখানি বিশিষ্ট স্থান—যদি একটি উচ্চ মার্গে ওঠার প্রথম ধাপটিতে সে একটু দাঁড়াবার স্থান পেত—তবে হয়ত এমন হত না। আরও আছে, যদি ওই কালের, ওই কালই বা কেন, নারী-লালসা সকল কালের, নারী-লালসা তার না থাকত। যদি পবিত্র হত তবে এমন হত না! তিনটি অভাব ত্র্যম্পর্শের মত তার বাবার জীবনকে এমন ব্যর্থ করে মৃত্যুর মুখে ঠেলে দিল। ওঃ!

বার বার তার ইচ্ছা হয়েছে, বার বার—ছুটে গিয়ে বাবাকে দেখে আসে। কিন্তু পারে নি। সাহস হয় নি। একটা সঙ্কোচ, অজ্ঞেয় ছুনিবার সঙ্কোচ তাকে জড়িয়ে ধরেছে নাগপাশের মত! সেই কারণেই তার মন বিষন্ন। উদাস দৃষ্টিতে আকাশের দিকে তাকিয়ে সে বসে আছে। মধ্যে মধ্যে মেঘ ডাকছে। বর্ষার গম্ভীর গুরু গুরু ডাক।

পাশেই রাস্তার ওপাশে শ্রামাক্ষরবাবুর বাড়ী। ওদের বৈঠকখানার কাছারিটিকে উনি নিজের মত অদলবদল করে নিয়েছেন। যখন আসেন ওইখানেই থাকেন। ওখান থেকে হাসির শব্দ আসছে। আনন্দ হচ্ছে। কথার মধ্যে আনন্দের স্রোত। একখানা মোটর এসে দাঁড়ল। জিপ। কোন অফিসার এসেছেন,—শুনেছেন শ্রামাক্ষরবাবু আছেন এখানে—দেখা করতে এসেছেন। হয়ত স্টেট ইলেকট্রিসিটি বোর্ডের কেউ হবে। আজ এখানে প্রথম ইলেকট্রিক আলো জ্বলবে।

নসুবালী তার ভাহু গেয়ে গেয়ে বেড়াচ্ছে। ইলেকট্রিকের ভাহু।

চল ভাহু যাই চন্দনপুরের

অবাক কাণ্ড দেখে আসি।

সে গান সকালেই সীমার কানে গেছে। এই মেয়েদের হস্টেলেই সে গেয়ে গেছে। কিন্তু সীমা বের হয় নি। ইচ্ছা হয় নি, পারে নি। মধ্যে মধ্যে কান্না পাচ্ছে। তার পরীক্ষার খবর বের হবার সময় হয়েছে। সেই নিয়েই ছিল তার উদ্বেগ। কিন্তু সে উদ্বেগও তার আজ নেই। তার বাবা—হতভাগ্য বাবা—। ওঃ, কারুর চেয়ে খাটো নয় মানুষটা, অথচ কি পরিণতি হয়ে গেল তার! এমন শোচনীয় পরিণতি আর সে দেখে নি!

হঠাৎ মনে হল সতীশ ঘোষালের কথা। ওই আর একটি। অবশ্য তার বাপের মত হতভাগ্য তার নয়। সংসারে মা আছে স্ত্রী আছে তার গুণমুগ্ধ। আর সে তার বাপের মত পতিত নয়। হীন সে নয়। তবে ওই প্রতিষ্ঠার উদগ্র কামনায় এ লোকটি ব্যর্থ হয়ে গেল। পরশু সে অবাক হয়ে দেখেছে তার কাণ্ড। শ্রামাক্ষরের নিন্দা করছিল, শ্রামাক্ষর নাকি পথ বন্ধ করেছে। মিথ্যা কথা সে নিজে জানে। মেয়েদের স্নানের ঘাটের উপর দিয়ে সাইকেল চড়ে যেতে তিনি বারণ করে বলেছেন—মেয়েদের স্নানের ঘাট মেয়েদের পথ। এ

পথে পুরুষের যাওয়া ঠিক নয়। চন্দনপুর এখনও পল্লীগ্রাম, এখনও মেয়েরা ঘাটে স্নান করে!

বিচিত্র লোক। লোক বিচিত্র নয়। বিচিত্র মানুষের ব্যর্থ প্রতিষ্ঠা-লিপ্সা তাকে এমনি উদ্ধত অহঙ্কারী করে তোলে। তার জন্তু কষ্ট পায়—নিশ্চিত হয় তবু উদগ্র প্রতিষ্ঠা-কামনায় চীৎকার করে তারস্বরে। আর একদিনের কথা মনে পড়ছে।

ঘোষাল বসেছিল রাস্তার ধারে—একা। কথা বলবার লোক মেলে না। খানিকটা দূরে—ক’টি ছেলে গল্প করছিল। একটি ছেলে বলছিল—গতরাতে সে সাপের উপর পা দিয়েছিল। পুণ্যের জোর ছিল তাই বেঁচে গেছে।

ঘোষাল তৎক্ষণাৎ ডেকে বলল—মুখ কোথাকার। তুমি বলতে চাও—পাপীকেই সাপে কামড়াক?

ছেলেরা স্তম্ভিত নয় ঘোষালের উপর। তার কথা শুনে ছেলেরা বলেছিল—তবে কি—পুণ্যাত্মা হলেই সাপে কামড়ায়?

ঘোষাল বলেছিল—মহাভারত পড়েছ? অকালপক—মুখের দল!

—কি আছে মহাভারতে? তাই লেখা আছে বুঝি?

—নিশ্চয়! সত্যবান—অর্থাৎ—সত্য ছাড়া যে মিথ্যা বলে না—পরম পুণ্যাত্মা—তার কিসে মৃত্যু হয়েছিল? জান?

—কিসে?

—সর্পাঘাতে।

অন্ত একটি ছেলে তৎক্ষণাৎ বলেছিল—না।

—ই্যা।

—না।

—তুমি মুখ। তুমি মুখ। তুমি মুখ।

—না—না—না। দাঁড়ান, আনছি মহাভারত। সে কালীপ্রসন্ন সিংহের মহাভারত এনে খুলে ধরেছিল—পড়ুন।

—পড়। তুমি পড়। আমার চশমা নাই। আমার পড়া আছে।

—না—নেই। শুধুন আমি পড়ি—“বীর্যবান সত্যবান কাষ্ঠছেদন করিতে করিতে সাতিশয় ব্যায়াম হওয়াতে তাঁহার গাত্র হইতে শ্বেদ বিনির্গত হইতে লাগিল ও মস্তকে বেদনা জন্মিল। তখন তিনি প্রাণ-প্রিয় প্রাণয়িনীর সমীপে সমুপস্থিত হইয়া কহিলেন—সাবিত্রী প্রভুত পরিশ্রম হওয়াতে আমার শিরঃপীড়া হইয়াছে। ফলতঃ আমি নিতান্ত অসুস্থ হইয়াছি। আর মস্তকে যেন শূল বিদ্ধ হইতেছে।” শুনলেন? সাপ ত্রিসীমানায় নেই। মুখ আমরা নই। মুখ—

আমি? না? মুখ আমি? হে ভগবান!

ধরধর করে কাঁপতে শুরু করেছিলেন ভদ্রলোক। প্রতিবেশী সুরেশ্বর এসে ছেলেদের নিরস্ত করে তাকে ঘরে—

—টেলিগ্রাম।

টেলিগ্রাম! কোন দিদিমণির না কোন ছাত্রী! কার কি হল। সীমার চিন্তায় ছেদ পড়ল। সে বেরিয়ে এল। ই্যা। পিওন দাঁড়িয়ে।

—আপনার টেলিগ্রাম।

—আমার?

—সীমা দেবী।

—ই্যা। আমি। কই? দাও।

—সই করুন। ভাল খবর। বকশিশ নেব। পাশের খবর।

—পাশের খবর?

সে পাশ করেছে! কোন রকমে সই করে দিয়ে টেলিগ্রাম খুললে—

Passed second division—congratulation. All school candidates passed except roll 26. 29. 30. Subhendu.

উল্লাসে অধীর হয়ে উঠল। সব সে ভুলে গেল। মেঘাচ্ছন্ন আকাশের মেঘ ছিঁড়ে যেন সূর্য উঠল।

কাকে বলবে? কাকে? স্কুলের সময় মেয়েরা দিদিমণির সব স্কুলে। কোন একটি মেয়ে মাথা ধরেও হোস্টেলে নেই—কাকে বলবে? সামনে ছিল রতন ঠাকুর। তাকেই সে বললে—রতন আমি পাশ করেছি। তারপর ছুটে গেল ভবানীবাবুর বাড়ী। ভবানীবাবুর মাকে বলে ঠাকুমা। এ পাড়ায় ঠাকুমা তিনি—তার পায়ে টিপ করে প্রণাম করে বললে—ঠাকুমা, আমি পাশ করেছি। জোরে চিৎকার করে বললে। কারণ ঠাকুমা কালা।

—পাশ করেছে? বৃদ্ধার চিবুকটি স্নেহের আবেগে কাঁপতে লাগল। খুব ভালো, আরও গড়। আরও।

—কাকীমা পাশ করেছি। ভবানীবাবুর স্ত্রীকে প্রণাম করলে। তারপর ছুটল ইন্সুলে।—দিদিমণি আমি পাশ করেছি—সেকেণ্ড ডিভিশন।

মিস্ট্রেসরা বেরিয়ে এলেন। সে সকলকে প্রণাম করলে।—আমি পাশ করেছি। স্কুলের তিনটি পাশ তিনটি ফেল।

—কোথায় খবর পেলে?

—টেলিগ্রাম। এই দেখুন!

হেডমিস্ট্রেস টেলিগ্রাম পড়লেন—বললেন—শুভেন্দু! মানে নেলির দাদা!

কমলাদিসি হেসে বললে—কচ? দেবযানী পাশ করেছে?

এতক্ষণে খেয়াল হল সীমার। শুভেন্দু টেলিগ্রাম করেছে। তার মুখখানা লাল হয়ে উঠল। কানের পাশ ছোটো গরম হয়ে উঠল মুহূর্তে। ভুরু দুটি কুঁচকে উঠল।—কেন? শুভেন্দুর এ হিঁতৈষীপনার কি দরকার ছিল। ভারী অজ্ঞায়।

দিদিমণি বললেন—যাও প্রণাম কর সকলকে।

—করেছি দিদিমণি। ঠাকুমাকে, কাকীমাকে পাড়ার যাকে দেখেছি সকলকে প্রণাম

করেছি।

—করেছ! বেশ! শ্রামাকঙ্করবাবুকে করেছ? তিনি এখানেই আছেন।

—যাই নি, বাব?

—যাও!

—আর—। একবার বাড়ী গিয়ে তোমার বাবাকে প্রণাম করে আসবে না? তাঁর তে অন্থ। তা ছাড়া—। চুপ করে গেলেন দিদিমণি। সেও তাঁর কথার প্রতীক্ষায় দাঁড়িয়ে রইল।

দিদিমণি বললেন—যাওয়া উচিত। তুমি—ওঁকে শ্রামাকঙ্করবাবুকে একবার জিজ্ঞাসা করে নিয়ো।

সে হাঁপাচ্ছিল, ছুটেই এসেছে স্কুল থেকে। এসে ঠুক করে প্রণাম করে হাসিমুখে উঠে দাঁড়াল। শ্রামাকঙ্কর তাঁর বসবার প্রিয়স্থান নিমগাছতলার বেদীটির উপরে বসে কাঠের পুতুলে রং দিচ্ছিলেন। তিনি তাকে দেখে হেসে বললেন—

ধন্য কন্যা সীমা অনন্তা?

দুখবিজয়িনী চিরপ্রসন্ন?

দুর্বীর যার জীবনবন্তা?

কি সংবাদ গো। হঠাৎ নমো কেন? এঁয়া?

ওই ছড়া বলেই তিনি বরাবর তাকে অভিনন্দিত করেন। তার মাথায় হাত দিয়ে বলেন—  
এমন মেয়ে হয় না।

হেসে সীমা বললে—আমি পাশ করেছি। সেকেন্ড ডিভিশনে।

—অভিনন্দন—কনগ্র্যাচুলেশন্। বসো, মিষ্টি খাও। রাম, মিষ্টি আন—চা আন।  
সীমা ইস্কুলের সীমা পার হল—পুকুর থেকে নদীতে পড়ল। আন মিষ্টি আন।

লজ্জায় আনন্দে তার জীবন যেন বিগলিত হচ্ছিল। সার্থকতা যখন শ্রামাকঙ্করবাবুদের মত বড় মানুষের অভিনন্দনে ধন্য হয়—তখন জীবন যেন হয় বিগলিতশিলা। হিমালয়ের পাথর গলে গঙ্গা নির্গমনের মত চোখের গোমুখী থেকে গঙ্গা যমুনা পাশাপাশি নেমে এল সীমার মুখ বেয়ে বৃকের উপর।

শ্রামাকঙ্করবাবু বললেন—চন্দনপুরের জয়যাত্রার পথে আজই ইলেকট্রিক জলবে; তুমি পেলে পাশ করার খবর। এ একটা রেকর্ড। এখানকার নারী জীবনের ইতিহাসে—তুমি তেনজিং নোরকে। তেনজিং যেমন এক অখ্যাত নেপালী পল্লীর অধিবাসী এভারেস্ট জয় করলে—সঙ্গে সঙ্গে দার্জিলিং বললে তেনজিং আমার। তেমনি চন্দনপুরও আজ নবীনপুরের কন্যাটিকে আত্মসাৎ করলে—বলবে নবীনপুর আমারই অংশ—ও আমার কন্যা—ধন্য ধন্য—সে যে অনন্তা!

সে মুগ্ধ হয়ে শুনছিল। শ্রামাকঙ্করবাবুর পরিচারক একখানি প্লেটে মিষ্টি এবং কাচের

ধ্রুপদে জল এনে নামিয়ে দিল। শ্রামাকিঙ্করবাবু বললেন—খাও।

—না। এখন খেতে পারব না। আমি প্রণাম করে একটা কথা জিজ্ঞাসা করতে এসেছিলাম।

—না খাও! পাশে পেট ভরে না। পেট ভরবার ওটা একটা ভাঁড়ারের চাবী মাত্র। নাও খাও।

সে খেতে বসল। শ্রামাকিঙ্করবাবু বললেন—তোমার প্রশ্ন আমি সম্ভবত অস্বপ্ন করে করতে পারি।—যাবে, নিশ্চয় যাবে বাবাকে প্রণাম করতে, দেখতে।

খেমে খেমে তিনি বলেই গেলেন—, শুনতে শুনতে তার খাওয়া বন্ধ হয়ে গেল—। শ্রামাকিঙ্করবাবু বললেন—তোমার বাবার কাছে তোমার অনেক ঋণ। সাধারণ সম্ভানের পিতৃঋণ থেকে বেশী। এই দুর্ভিক্ষ তার থেকে পেয়েছ তুমি। অমর দুর্ভিক্ষ চিরকালের।

আবার বললেন—কাল এমন অকস্মাৎ ঘটে গেল ঘটনাটা যে—কেউ আমরা এগিয়ে যাবার সময় পেলাম না। মদটা বেশী খেয়েছিল কাল। আমাকে দাদা বলে—ভক্তি করে—কাল নেশায় তাও যেন—। চুপ করে গেলেন।

আবার বললেন—আমি নিজে অপরাধ বোধ করি অমরের এই পরিণতির জন্য। তোমরা জান না। উনিশশো সাঁইত্রিশ সাল—তখন রাজনীতি ছেড়েছি, সাহিত্যক্ষেত্রে কিছু প্রতিষ্ঠা পেয়েছি। এ অঞ্চলে অমর তখন কর্মী। জেলা কংগ্রেস ডিস্ট্রিক্ট বোর্ড ইলেকশনে নেমেছে। অমর চাইলো প্রতিনিধিত্ব, আর চাহলেন—রামসুন্দরবাবু। ইয়া এই রামসুন্দরবাবু। কংগ্রেস কর্মী অমরকে দিল নমিনেশন। রামসুন্দরবাবু আমাকে অস্বপ্ন করে বললেন। এই এবারেরই মত।—খেমে গেলেন।

হেসে আবার বললেন—জান, ভুল সংসারে সবাই করে, মানুষকে মানুষ ওই যুক্তিতে ক্ষমাও করে। কিন্তু যে ভুল করে সে নিজেকে ক্ষমা করতে পারে না। কারণ ওর মাশুল না দিয়ে তার নিজের নিস্তার নেই। বছর কয়েক আগে—রামসুন্দরবাবুকে বিলেতফেরতের সঙ্গে মেয়ের বিয়ে দেওয়া নিয়ে পতিত করতে চেয়েছিলেন গ্রামের প্রধানেরা—

এবার সীমা বললে—জানি। আপনি ঠাঁর পক্ষে দাঁড়িয়েছিলেন।

—না। আমি দাঁড়িয়েছিলাম—একটি নীতির জন্তে। এবং বিপক্ষে বলতে গেলে কোন বা কয়েকটি ব্যক্তির বিরুদ্ধে নয়—দাঁড়িয়েছিলাম সমাজের সংকীর্ণতার বিরুদ্ধে। জিতলাম। কিন্তু তারপরই করলাম ভুল। তখন কলকাতায় যাই—দু'চারদিন সাতদিন বড়জোর দশদিন থাকি চলে আসি। রামসুন্দরবাবু সমাদর করে আহ্বান করলেন—এস আমার এখানে ভাইয়ের মত থাকবে। আমি গ্রহণ করলাম নিমন্ত্রণ। বছর দেড়েক এই ভাবে—কখনও তিনদিন—কখনও সাতদিন কখনও দশদিন থেকেছি। তারপর বুঝলাম—না—এটা আমার ভুল হচ্ছে। ভুল হয়ে গেছে। গোটাটাই দাঁড়িয়ে গেছে উটে। মনে হল আমি যা সমাজের জন্তে করেছিলাম, সেটা রামসুন্দরের জন্তে করা হয়ে গেছে এবং তার ঋণ শোধ হয়ে আমি ঋণী দাঁড়িয়ে গেছি। তাই সেদিন যখন রামসুন্দরবাবু অস্বপ্ন করে বললেন—এ নমিনেশন আমাকে করে দিতেই হবে,

তখন আমি কর্তাদের বললাম। কর্তা সুরেন আমার বন্ধু। কিন্তু তিনি নিরুপায়, তিনি বললেন—আমার হাতে আর নেই। আপনি অমরকে ধরুন। সে আপনার কথা নিশ্চয় শুনবে। আমি একবার ভুল করেছিলাম—আবার ভুল করলাম। চন্দনপুর এসে অমরকে ডেকে বললাম—তুমি এবারের মত ঝুঁকে আমার অহরোধে ছেড়ে দাও সিট; অমর আমার অহরোধে ছেড়ে দিয়েছিল। বিনিময়ে দেড়শো কি দুশো টাকা রামসুন্দর দিয়েছিলেন—তোমাদের গ্রামের স্কুলের জন্ত—দিয়েছিলেন অমরেরই হাতে। অমর তখনকার মত খুশী মনে গেল। কিন্তু তার ভিতরের প্রতিষ্ঠা কামনার উত্তাপ আগুন হয়ে জ্বলে উঠল। ভুল সেও করেছিল আমার অহরোধ রেখে। সেই আগুন তাকে পুড়িয়ে দিল। সেদিন যদি সে ডিস্ট্রিক্ট বোর্ডের মেম্বর হয়ে প্রতিষ্ঠার সিঁড়ির প্রথম ধাপে স্থান পেত, তবে সে উঁচুর দিকেই উঠত, নীচে নামত না। তার জন্তে দায়ী আমি খানিকটা এ তো ভুলতে পারি না।

একটা গভীর দীর্ঘনিশ্বাস ফেললেন শ্রামাক্ষরবাবু। সীমার চোখ থেকে দুটি অশ্রুর ধারা নেমে এল। আর সে খেতে পারলে না, খাবারের খালাটি রেখে দিলে। শ্রামাক্ষরবাবু দেখলেন—বললেন—জল খাও।

আবার বললেন—যাও। তুমি সেদিন রাত্রে চলে এসেছিলে—ভুল তোমার হয় নি। বিয়ে করলেই ভুল করতে। শেষ মুহূর্তেও সে ভুল তুমি সংশোধন করেছ—তাই তুমি অনন্ত। কিন্তু আজ তুমি যদি না যাও বাবাকে প্রণাম করতে—তবে ভুল করবে। এবং চিরজীবন অন্তত মনে মনেও আমার মত মাশুল দেবে। তবে—।

হেসে বললেন—বাবা অসুস্থ। মনে রেখো। আবেগের বশে একটা এমন কিছু করো না—যাতে অমরও আবেগের বশে—উত্তেজিত হয়ে ওঠে। বোধহয়—। গোড়াতেই অমরের কাছে যাওয়া ঠিক হবে না। বাইরে খবর নিয়ে তোমার—সেই—

—তিনি সত্যিই আমার মা। বাবা তাকে বিধবা বিবাহ করেছেন। বিয়ে ঠাকুমা দিয়ে গেছেন। শুধু চণ্ডীতলার সেবাইতগিরি ষাবে বলে গোপন রেখেছেন কথাটা।

নীরবে শ্রামাক্ষর কয়েক মুহূর্ত তাকিয়ে রইলেন সীমার মুখের দিকে—তারপর বললেন—তোমার মাকে আমার আশীর্বাদ দিয়ে, নমস্কার দিয়ে। যাও।

ভাগ্যক্রমে সেদিন চণ্ডীতলার ডাক্তার ছিল। তারা অমর চক্রবর্তীকে দেখেছিল এবং বাঁচিয়ে ছিল। ঐ মিটিঙে উপস্থিত ছিল আশু সিংহী আর যোগপুর থেকে এসেছিল—ঋব ডাক্তার।

অসুস্থ অমরকে দেখে ঋব ডাক্তার বলেছিল—শক্ত নাহুষ লড়ুয়ে মরদ, বেঁচে গিয়েছে। ক্ষতি হয়েছে, তবু দাঁডাবে। স্ক্রং ম্যান—কাইটিং সোলজার। কেবল ভাগ্যদোষে হয়ে গেল

এমনটা !

বাড়ীতে আনার পরও রমেন্দ্র ঋব ডাক্তারকে ‘কল’ দিয়েছিল। স্বামী এসে সেবা করছিল। বলতে গেলে সমস্ত ভার রমেন্দ্র নিয়েছে।

রমেন্দ্র ঋবকে বলছিল—খাড়া করে দেন একবার। আমি নিয়ে যাব—বনচাতরাতে থাকবেন। আলাদা বাড়ীতে থাকবেন। বলতে গেলে আমিই তো ছেলে। আর তো কেউ খোঁজও করে না। আর এক মেয়ে তো—

সীমা এই সময়ে এসে দাঁড়াল। আশু বললে—সীমা !

ঋব ডাক্তার বললে—তুমি সীমা ! আচ্ছা ! তোমার বাবা ভাল আছে।

রমেন্দ্র চুপ করে রইল। ঋবই বললে—কি হে রমেন্দ্র ! কথা বল ! তোমার স্থালিকা !

রমেন্দ্র বললে—আস্থুন।

সীমা বলে ফেললে—আমি পাশ করেছি সেকেন্ড ডিভিশনে।

ঋব বললে—গুড নিউজ। ভেরী গুড নিউজ। দাঁড়াও। আমি গিয়ে চক্রবর্তীকে তৈরী করে দিই। তারপর তুমি আসবে। ঠিক হয়ে যাবে। হি ইজ এ ভেরী স্ট্রং ম্যান। মদ ছাড়লে এখনও বিশ বছর বাঁচবে। আমি গ্যারান্টি দিতে পারি।

সত্যই শক্ত মানুষ—অসাধারণ প্রাণশক্তি এই অমিতাচারী উচ্ছৃঙ্খল—ব্যর্থতার তাড়নায় অধীর এই হতভাগ্য মানুষটির। সে কাঁদল সংবাদটা শুনে। ঋব ডাক্তার বললে—তাকে ডেকে পাঠাব ? দেখতে ইচ্ছে তো হয় !

—হয়। কিন্তু—।

—কি ?

—সে আসবে ?

—নিশ্চয় আসবে। আসবে না ? সে কতটা তো তোমার গুণবতী কতটা।

—নিশ্চয় ! জান ডাক্তার, ও বি-এ পাশ করুক, আমি ভাল হয়ে উঠি। উঠব, সেরে উঠব আমি। আমি ওকে এখানে অ্যাসেসমেন্টের জন্তে দাঁড় করাব। দেখবে ঠিক রিটার্ন হয়ে যাবে।

ঋব হেসে বললে—সে হবে। ওসব চিন্তা এখন ছাড়। এখন ডেকে পাঠাই ?

—দাঁড়াও। রমেন্দ্রকে জিজ্ঞাসা করি ! তার অমতে কিছু করতে পারব না আমি।

—রমেন্দ্র আপত্তি করবে না আমি বলছি।

—না। তাকে ডাক।

রমেন্দ্র এসে হেসে বললে—দেখুন দিকি। আমি আপত্তি করব ? কেন ? উনি আপনার যেমন—তেমনি আমাদেরও গৌরবের জিনিস। উনি তো এসেছেন। এতক্ষণ তো কথা বলছিলাম। ডাকি আমি, ডাকি।

ঋব বললে—খবরদার, নো ইমোশনাল আউটবাস্ট।

ভা. র. ২০—১১



সীমা এসে ঘরে ঢুকল।

এব বললে—নো ইমোশান সীমা। মনে কর একুনি তোমাকে টি-এ-বি-সি-ইনজেকশন দেওয়া হবে—খুব আস্তে। ই্যা, আস্তে আস্তে ছোট্ট একটি প্রণাম। এবং একটি কথা—আমি পাশ করেছি বাবা! আর একটা কথা বলতে পার—আমাকে ক্ষমা কর বাবা! ব্যস! চক্রবর্তী—তোমার ওয়ান ওয়ার্ড, ওনলি ওয়ান ওয়ার্ড।—বসো। ব্যস। কই চক্রবর্তী-গিন্নী—সীমাকে জল খেতে দাও। ব্যস চলি এখন।

ভাতার চলে গেল। ক্ষমা, মনোরমা ঘরে এসে ঢুকল। ক্ষমা সীমাকে প্রণাম করলে। বললে—তুই পাশ করেছিস? খস্তু তুই।

রমেন্দ্র বললে—আমিও তাহলে একটা প্রণাম করি! বড় শালী! সম্পর্কে বড়!—

—না। লাক দিয়ে উঠল সীমা—না! বাবাঃ!

সকলে হেসে উঠল। আশ্চর্য একটি প্রসন্নতা সেদিন—অমর চক্রবর্তীর লক্ষ্মীশ্রীবর্জিত রক্তকেশা-ছিন্নবাসা ভিক্ষুণীর মত ঘরখানিতে ফুটে উঠল। যেন ভিক্ষুণীর ভিক্ষার ঝুলি কোন্ লক্ষ্মীর প্রসাদে পরিপূর্ণ হয়ে উছলে পড়ছে।

কিছুক্ষণ পর—সীমা বললে—আমি যাই এখন।

—না। আজকের দিনটা থাক। আনন্দ করি। বস, আমার শিয়রে বসে মাথায় হাত বুলিয়ে দে, আমি ঘুমুই।

পরিবর্তনশীল জগতের কোন গভীরে একটি স্থির চিরকালের পৃথিবী আছে। পরিবর্তনের সকল আবেষ্টনী ভেদ করে বেরিয়ে আসে। সেইটিই বোধ হয় মানুষের অনন্তকালের সংসার। বিরোধ মতভেদ রুচিভেদ সব দূর হয়ে গিয়ে শুধু হৃদয়ের আনন্দই সেখানে আছে!

\* \* \* \*

তবে সে বড় স্বল্পক্ষণস্থায়ী।

ওই আনন্দ আলোকের ছায়ার মধ্যে—তার বিপরীত ধর্ম জাগে। কালো অন্ধকার।—নিঃশব্দতার মধ্যে বিকট চীৎকার করে এই কালো অন্ধকার জেগে ওঠে। দিনের আলোকে মুছে দেয়।

তখন মধ্যরাত্রি! এমনি চীৎকার উঠল চক্রবর্তী বাড়ীতে। একটা বিপুল ভারী কিছু যেন ভেঙে পড়ল। চক্রবর্তী বাড়ীর ভাঙা দরজাটা সশব্দে খুলে গেল। ছুটে বেরিয়ে গেল সীমা। সে অন্ধকারের মধ্যে উধ্বংসে দৌড়ছে। চোখের দৃষ্টি নিম্পলক।—অন্ধকার ভেদ করে সে খুঁজছে পথ। প্রায় এক বছর আগে সে যেমন একদিন পালিয়ে এসেছিল—নবীনপুর থেকে চন্দনপুরে।

চন্দনপুরে ঢুকেই সে আলো পেলে।

আজ এখানে ইলেকট্রিক আলো জ্বলেছে।

আলোতে এসে দাঁড়াল। তার কাপড়ে রক্ত। অনেক রক্ত। বেশভূষা বিপর্যস্ত। হাঁপাচ্ছে সে। মধ্যরাত্রির আলোগুলি স্থির হয়ে জ্বলছে। শুধু একটি বাড়ীর উঠানে গান

হচ্ছে এখনও। ফটিকদাসের বাড়ী রাত্তার ধারে। ওইখানেই একটা লাইটপোস্ট। তারই আলোর ফটিক এবং নন্দু আজ সারা রাতের পালা জুড়েছে। চাঁদের আলোর জেগে থাকা গান গাওয়া পাখীর মত তাদের চোখে ঘুম নেই। তারা আজ শিবনাথ দেকৈ বলে তার হুকুম পেয়েছে।—দে হেসে বলেছে—তা যখন তোমাদের ইচ্ছে, আর আলোতে ঘুমই আসবে না—তখন গেলো গান। আমি না হয় জানলা বন্ধ করে পাখা খুলে শোব!

তারা গান গাইছে—

ইলেকট্রিকের আলো এলো ; ও ভাঙু ভুই

কেমন করে কদম তলায় যাবি।

নিশে চোর মরে বেঁচেছে—

আলো করা রাতের বেলা আঁধার কোথা পাবি ?

মন রসনা কেমন করে কদমতলা যাবি !

সীমা এসে থমকে দাঁড়াল।—ভাঙুর মা !

—কে ? হেই মা ! সীমে ? টলছ ! ধর-ধর আমাকে ধর, একি ; সর্বদে রক্ত !  
হেই মা।

—আমাকে থানায় নিয়ে চল ভাঙুর মা !

—থানায় ?

—ই্যা-ই্যা থানায়। থানায়।

২৩

—বেয়াই !

—বেয়ান !

—ই কি হল ?

—কি হবে ? যা হয়েছে—তাই হল। বিধেতার খেলা বল—তাই—

—না। এমন খেলা সে কেনে খেলবে ? তা হলে তো কানার খেলা !

—তা হবে বেয়ান।

—না তা হলে সি মরুক। কানার আবার খেলার সাধ কেন ? আমরা তা মানব কেনে ?

আজ আর নন্দুবালার খেলা নেই সে ‘ক্যানো’কে ‘কেনে’ বলছে।

ফটিকদাস হেসে বললে—তা সি মরেছেও হতে পারে। চণ্ডীতলার বাগে তাকিয়ে দেখ !

—তা বটে। ভোগ হয় না সময়ে। সাজ পড়ে না সময়ে। মাটির টিপ—টিবি হয়ে পড়ে আছে—নড়ে না—চড়ে না। আগে কালে শিবভোগ না হলে চন্দনপুরে সব গেরস্তের উপোস হত। কান্না পড়ে যেত। আজ কেউ খোঁজও করে না। তা যাক ভাই—কিন্তু এ হ'ল কি !

—দেখ—এঁকে রেখেছি পটে। এই দেখ, রমেন্দ্র সি একটা পাষণ্ড পিশাচ তার ওপরে বড়লোক মহাজনের বেটা—তার বত লালস তত আক্রোশ। দেখ তুমি, মুখটা দেখ! সীমেকে এতদিন বাদে দেখে অবধি তার বুকে ওই ছোটো জোড়া সাপের মত ফোঁসাচ্ছিল। বেরিয়ে আসতে পথ খুঁজছিল। রাত্রে সীমা থাকল—আঁধারে সাপ ছোটো উঁকি মারলে। বললে—আচ্ছা সুরোগ। এই লাও অপমানের শোধ। আর ক্ষমাটা শুধু একটা মাংসপিণ্ডি। ওতে কি কোন সুখ আছে? সীমের মত মেয়ে নইলে সুখ। সীমে রাজী হবে না? তা কি সহজে হয়! তবে টাকা-গয়না এত কি সহজ? আগে কাবু কর। তারপর মুখ বন্ধ টাকাতে গয়নাতে হবে। এই দেখ মদ খাচ্ছে ঘরে বসে। ক্ষমাই দিচ্ছে। ও তো দিত। ওটা তো মাংসপিণ্ডি। জানত শুধু গয়না পরতে সাজতে আর খেতে। রমেন্দ্র বলেছিল—বন্ধ করে, দরজা বন্ধ করে। সীমা যেন বুঝতে না পারে। হাজার হলো পাশ করা মেয়ে—তার ওপর সশব্দে বড়।

—ও: কুপাক! হায় দুর্ভাগি! ই শুনি নাই কোন কালে। ই কি কাল! ই কি কাল? কলিকাল!

—তা বলো না। ই সব কালেই আছে। রামায়ণে সীতাহরণ মহাভারতে দ্রৌপদীর বস্ত্রহরণ। সতী যারা তারা সীতার মতন নড়াই করে। দেবতাকে মানুষকে চীৎকার করে ডেকে বলে—আমার অপমান করেছে সাক্ষী থাক। তবে জলে পাথর ভাসে—রাবণ বধ হয়। সীতা অগ্নিপরীক্ষা দিয়ে বেরিয়ে আসে। মহাভারতে কুরুক্ষেত্র হয়, দুর্যোধনের একশো ভাই মরে। যারা চেষ্টায় না—ভয়ে হোক লজ্জায় হোক—তাদের কথা কেউ জানতে পারে না, টাকা থাকে। বিচার হয় পরকালে—ধর্মরাজের আদালতে। মেয়ের সাজা হয় গোপন করেছে বলে—এমন পুরুষের সাজা হয় অত্যাচার করেছে বলে। তা সি সব তো উপকথা। মিছে কথা। ভুলো কথা! এই চন্দনপুরে এমন পাপ কত হয়েছে। জান তো তুমি। তুমি বলে চন্দনপুরে শুকসারীর সারী—তুমি জানো না। এ কণ্ঠে আচ্ছা কণ্ঠে—ওই যে শ্রামাকিন্দর বলে—খন্টা কণ্ঠা অনন্টা তাই।

এ কথা হচ্ছিল ছ মাস পর। হচ্ছিল—নসুবাল্লা আর ফটিকদাসের মধ্যে। নসু বললে—উ কথা রাখ ভাই। এখন ক্ষমার সিঁথির সিঁদুরটা থাকলে হয়।—আঃ, কটি মেয়ে হে! কাল জজ যে কি রায় দেবে—ভগবান জানেন।

\* \* \* \*

আদালতের বিচারে রায়েও তাই বললেন জজ সাহেব। “এই মামলার প্রধান সাক্ষী শ্রীমতী সীমা চক্রবর্তী একটি আশ্চর্য মেয়ে। এমন মেয়ে সমাজের গৌরব। অসাধারণ সাহসের অধিকারিণী, দৃঢ়চিত্ত, সত্যবাদিনী। তাহার প্রতিটি বাক্য আমি সত্য বলিয়া বিশ্বাস করি। জুরীরাও করিয়াছেন। রাজির অন্ধকারে পিতৃগৃহে আত্মীয়-পরমাত্মীয়দের মধ্যে নিজামত কুমারী কণ্ঠা নিশ্চিন্ত নিদ্রায় মগ্ন ছিল। দীর্ঘকাল পর পিতার সঙ্গে মাতার সঙ্গে ভগ্নীর সঙ্গে এবং এই আসামী রমেন্দ্রের সঙ্গে বিবাদ মিটিয়া মিলন হইয়াছে। কোন দৃষ্টিক্তা ছিল না। সন্দেহ স্বপ্ন

দেখিবারই পরিবেশ। অসুস্থ পিতা কিছু সুস্থ হইরাছেন। নীচের ঘরে মা-বাপ। উপরে ছুখানি পাশাপাশি ঘর। একখানি ঘরে এই সীমা একা, অল্প ঘরে তাহার ভগ্নী ও ভগ্নীপতি এই আসামী রমেঞ্জ। আসামী পঁয়তাল্লিশ বৎসরের প্রৌঢ়। একখানি ক্ষুদ্র পল্লীর মধ্যে কুটবুদ্ধি এবং সম্পদের শক্তিতে অজগরের মত প্রকৃতি নিয়া রাজত্ব করিয়া আসিয়াছে। অতীতকালের সমাজ এবং বিদেশী সাম্রাজ্যবাদের কুৎসিততম জীব। এ কালেও এরা কুটবুদ্ধিতে নিজেদের বাইরের রঙ পরিবর্তন করিয়া অতীত প্রকৃতি লইয়া সুযোগ মত জঘন্ততম অপরাধ করিয়া যায়। আসামী সীমাকেই বিবাহ করিতে চাহিয়াছিল, সীমা অসহায়ভাবে প্রথম সন্মতি দিয়াও বিবাহের দিন পলাইয়া গিয়া থানার আশ্রয় লয়—পরে আশ্রয় পায় গার্ল'স স্কুলে। রমেঞ্জ মৃত অমর চক্রবর্তীর কনিষ্ঠা কন্যা ক্ষমাকে বিবাহ করে। উভয়েই বিচিত্র জীব। মৃত পিতা অমর চক্রবর্তী—একজন লষ্ট রাজনৈতিক কর্মী—একজন লষ্ট মাহুষ। কিছু কিছু সদৃশ্যের অধিকারী হইয়াও লষ্ট মাহুষ। অভাবী—মগুপ। ক্ষমা অতি সাধারণ একটি মেয়ে। তাহার নিকট সত্যের অপেক্ষা স্বার্থ বড়। স্বামীর প্রতি তাহার আহুগত্য—অন্ধ, হয়তো জৈব। মিথ্যা বলিতে দ্বিধা নাই। পুণ্যের ধর্মের চেয়ে সম্পদ বড়। সে লোভী। এই রমেঞ্জের সঙ্গে বিবাহে সে খুশী হইয়াছিল; স্বামীর ব্যভিচার দোষ তাহাদের ঐ দূর পল্লীর অন্ধকারে অবাধে চলিত ব্রাত্য নারীদের সঙ্গে—তাহা জানিয়াও তাহার আহুগত্য ক্ষুণ্ণ হয় নাই। অসুখী হইয়াছিল বলিয়া মনে হয় না। সম্ভবত তাহার পিতার দৃষ্টান্ত দেখিয়া সে এই দেখার অভ্যাসে ইহাতে দোষ দেখে নাই। ঘটনার দিন কিন্তু স্বামীর মন্দ অভিপ্রায় বুঝিতে না পারার জন্ত দায়ী নয়। কারণ আসামী তাহাকে ঘুমন্ত অবস্থায় শিকল বন্ধ করিয়া বাহির হইয়া আসিয়াছিল। আসামী রমেঞ্জকে সে প্রথম রাত্রে অভ্যাসমত মত্ত পানের আরোজন করিয়া দিয়াছিল। রমেঞ্জ আকস্মিক-ভাবে এই মন্দ প্রবৃত্তিতে উন্নত হইয়া এই কাজ করিতে উত্তত হয় অথবা গোড়া হইতেই মতলব করিয়াছে—ইহা সঠিক করিয়া বলা যায় না। তবে একটি আক্ৰোশ বা প্রতিশোধম্পৃহা সহজেই আবিষ্কার করা যায়। যাহা হউক ঘটনা এই: মধ্যরাত্রে ঘুমন্ত সীমা অহুভব করে তাহার উপর যেন কেহ বা কিছু চাপিয়া বসিয়াছে এবং তাহাকে নগ্ন করিবার চেষ্টা করিতেছে। সে চীৎকার করিয়া উঠিতেই মুখ চাপিয়া ধরিয়া আসামী বলে—চুপ! আমি। চীৎকার করিলে—যে কলঙ্ক তোমার হইবে তাহা হইতে নিষ্কৃতি পাইবে না। আমি বলিব—তুমি আমাকে ডাকিয়াছ। তোমাকে অনেক টাকা দিব। চুপ।

সীমা অসাধারণ মেয়ে। সে আসামীকে মুখে কিল মারে। নিজেকে ছাড়াইয়া লইতে চেষ্টা করে—সঙ্গে সঙ্গে চীৎকার করিতে থাকে। হঠাৎ তাহার হাতে ঠেকে মাথার বালিশের পাশে একটা পাথর—যশোরি খাটাইবার পেরেক পুঁতিয়া ওটাকে শিররে রাখিয়াছিল। ভুলবশত। সেই ভুলই তাহার পরম মঙ্গলজনক হইয়াছে। ওই পাথর দিয়া সজোরে সে অন্ধকারেই আসামীর মুখে মারে। সেটা লাগে আসামীর নাকে। প্রচুর রক্তপাত হয়। ইতিমধ্যে অসুস্থ হতভাগ্য অমর চক্রবর্তী জাগিয়া উঠিয়া উন্মত্তের মত ছুটিয়া উপরে আসে। তাহার পিছনে আসিয়াছিল তাহার স্ত্রী বা রক্তিতা মনোরমা। তাহার হাতে আলো ছিল। হতভাগ্য অমর চক্রবর্তী নিজে

পাৰণ—সে পাৰণ জামাতার চরিত্র জানিত। সুতরাং সীমার চীৎকারে ঘুম ভাঙিবামাত্র সে অহুমান করিতে পারিয়াছিল ঘটনাটা। নিহত অমর চক্রবর্তী অসুস্থ ছিল, উদ্বেজনা তাহার সহজেই হইবার কথা; সেই ক্ষেত্রে এমনই এক বীভৎস নিষ্ঠুর অপমানজনক অপরাধ—তাহারই কণ্ঠের উপর ঘটিতে দেখিয়া ক্ষিপ্ত ব্যাঘ্রের মত বাঁপ দিয়া পড়িয়াছিল ওই নরপশুর উপর। অমর আক্রমণ করিতেই নরপশু সীমাকে মুক্তি দিতে বাধ্য হইয়াছিল। এবং অসুস্থ অমর চক্রবর্তীকে আক্রমণ করিয়া ঠেলিয়া সহজেই মাটিতে ফেলিয়া দিয়া লালসা অতৃপ্তির ক্ষোভে তাহার বুকের উপর বসিয়া পাইয়াছিল সীমার পরিত্যক্ত পাথরটা। তাহা দিয়াই সে তাহাকে আঘাত করে। ইহার ঠিক আগে নেশার রক্তের চাপে অমর চক্রবর্তীর মস্তিষ্ক আক্রান্ত হইয়াছিল—ইহা আমরা ডাক্তারদের সাক্ষ্যে পাইয়াছি। সুতরাং এই পাথরের এক আঘাতেই তাহার মৃত্যু হইবার কথা। রমেন্দ্র তাহাকে কয়েকটি আঘাতই করিয়াছিল। ডাক্তারী রিপোর্টে—মাথায় তিনটি—মুখের উপর দুইটি পাথরের আঘাতের কথা পাইয়াছি। সব কয়টিই রমেন্দ্র করিয়াছে নিঃসন্দেহে। এবং তাহাতেই তাহার মৃত্যু ঘটয়াছে।

সাক্ষীদের মধ্যে মনোরমা বিচিত্র মানুষ। সে প্রথম এজাহারে সীমাকে বাঁচাইয়া—রমেনকে বাঁচাইয়া দোষ নিজের ঘাড়ে লইতে চাহিয়াছে। বলিতে চাহিয়াছে—রমেনের সহিত এই কুৎসিত ঘটনা তাহার ঘটিয়াছিল এবং অমর জানিতে পারিয়া ছুটিয়া আসিলে রমেন ছুটিয়া পলায়—অমর তখন গলা চাপিয়া ধরে। মনোরমা প্রাণের দ্বারা পাথর লইয়া অমরকে আঘাত করে। তাহাতেই ব্যাপারটা ঘটয়াছে। পরে সে জেরায় সব সত্য স্বীকার করিয়া বলিয়াছে—তাহার জীবনে কি প্রয়োজন; ক্ষমা তাহার অহুগত স্নেহের পাত্রী। রমেন বাঁচিলে ক্ষমার তবুও স্বামী থাকিবে—সে সধবা থাকিবে—এইজন্তই বলিয়াছে।

ক্ষমা শিকলবদ্ধ ছিল। তাহার সাক্ষ্যের কোন মূল্য নাই। তদুপরি স্বামীর মোহে যে কোন মিথ্যা বলিতে পারে এবং বলিয়াছে।

সীমা ছুটিয়া দুই মাইল দূরবর্তী চন্দনপুর আসিয়া নন্দুবালাকে সঙ্গে লইয়া থানার আসে এজাহার দেয়। আমি তাহার সাক্ষ্যের প্রতি বর্ণ বিশ্বাস করিয়াছি। রমেন বলিয়াছে—সীমা তাহাকে ডাকিয়াছিল। দরজা খুলিয়া দিয়াছিল। রমেন্দ্রের পক্ষ হইতে এইটির উপর সর্বাপেক্ষা অধিক গুরুত্ব দিবার চেষ্টা হইয়াছে। কিন্তু পুলিশ সকল লোকের সমক্ষে একটি লোহার শিক—যাহা দিয়া বন্ধ দুয়ারের দরজা খুলিয়াছিল—তাহা পাইয়াছে।

সীমা সর্বত্র এক কথা বলিয়াছে। সুতরাং জুরীদের সহিত এক মত হইয়া আসামী রমেন্দ্রকে দোষী স্থির করিয়া—”

রাগে যাবজ্জীবন কারাবাসের দণ্ড দিলেন জজ। বিচারে ছ মাস কেটে গেল। এ ছ মাস নিষ্ঠুর যন্ত্রণার মধ্যে কেটেছে সীমার। ইহুলে হোর্স্টেলে থাকা আর সম্ভবপর হয়নি। নিজেই থাকেনি সে। গ্রামে যাওয়াও অসম্ভব হয়েছিল। তাকে আশ্রয় দিবেছিলেন—সেই হেড-মিস্ট্রেস। বলেছিলেন—কোন মেয়ের এমন বিপদে যদি মেয়েরা আশ্রয় না দেয়—পাশে না

দাঁড়ায় তবে মেয়েদের মুক্তি কোথায়—গতি কোথায়? এতে যদি ইচ্ছার কতৃপক্ষ আমাকে না রাখেন—রাখবেন না। আমাকে শ্রামাক্ষরবাবু বলে গেছেন তোমার ক্ষুদ্র খরচ তিনি দেবেন। তুমি যেন না বলো না। এ অত্মরোধও করে গেছেন।

রায় হয়ে গেলে সংবাদটা তার কাছে এসে পৌঁছল পরদিন। সে এতদিনে ফুঁপিয়ে ফুঁপিয়ে কঁদতে শুরু করেছিল। কেউ তার কাছ দিয়ে যাননি। সাধনা দেয়নি। কি বলবে? মেয়েটির বর্তমান শূন্য হয়ে গেছে—নিজে হাতে শূন্য করে ও-ই মুছে দিয়েছে। কোথায় দাঁড়াবে? কি হবে?

হঠাৎ তার মাথায় কে হাত দিলে।

—সীমা!

চমকে উঠল সে। শ্রামাক্ষরবাবু।—ওঠ মা। কেঁদো না ওঠো!

আন্তে আন্তে উঠে বসল সীমা। শ্রামাক্ষরবাবু বললেন—এখানেই আমি শিবাক্ষরকে বলেছি। তোমাকে একটা চাকরি দেবে। তুমি মাথা উঁচু করে চাকরি করবে। তুমি সত্যকে কোনদিন অসম্মান করনি—এতটুকু বিকৃত করনি। তুমি সৎ—তুমি সত্যী। মানিহীন।

আশ্বস্ত হল সে।

দিন চারেক পর সে বসেছিল—শ্রামাক্ষরের ওখানে। কথা হচ্ছিল—এইসব কথাই। সে চলে যেতে চায় অল্প কোথাও। শ্রামাক্ষরবাবু বললেন—না—না। এইখানেই তোমাকে থাকতে হবে। পড়াতে পড়াতে পড়। আই এ পাশ কর—বি এ পাশ কর। এখানকার লোক তোমাকে মানুক—। তবে—তবে এখান ছাড়বে।

—সীমা রয়েছে?

—কে?

—আমি নেলি।

—কি?

—শোন না।

শ্রামাক্ষরবাবু ডাকলেন—তুমি এস না নেলি! কি ভয়? এস।

নেলি এসে দাঁড়াল। শ্রামাক্ষর বললেন—কি সংবাদ? গোপন?

সে হাসলে, উত্তর দিলে না। শ্রামাক্ষর বললেন—তাহলে তুমিই উঠে যাও।

সীমা উঠল। চলে গেল ঘরের দিকে। নেলি সঙ্গে গেল।

কয়েক মুহূর্ত পরে তিনি শুনতে পেলেন—সীমার উত্তেজিত কণ্ঠ—না—না—না!

বেগিয়ে এল সে। শ্রামাক্ষরবাবুকে বললে—আপনি বাবার চেয়ে বয়সে বড়। মানে তো বটেই। হয়তো স্নেহেও বড়। আপনার কাছে আমি নালিশ করছি, শুভেন্দুকে আপনি বারণ করুন। বারণ করুন। বুঝিয়ে বলুন। আমি বিয়ে করব না। তাকে ধন্যবাদ। সে আমাকে জ্ঞান করতে এসেছে। এই এত কাণ্ডের পর—। কিন্তু না। না।

বলে দুই হাতে মুখ ঢাকল। নেলি নিঃশব্দে চলে গেল। শ্রামাক্ষর দেখলেন কটকট

পাশ থেকে বেরিয়ে এল শুভেন্দু—তারপর ভাই-বোনে দুজনে চলে গেল। নেলিকে বলতে হয়নি কিছু—শুভেন্দু সবই শুনতে পেয়েছিল।

শ্রামাকঙ্কর চুপ করে বসে রইলেন—আকাশের দিকে তাকিয়ে।

কিছুক্ষণ পর সীমা উঠে একটা দীর্ঘনিশ্বাস ফেললে—তারপর একটু হেসে বললে—কেন বোঝে না বলুন তো?

শ্রামাকঙ্কর এরও উত্তর দিলেন না। সে উঠে চলে গেল। নতুন চন্দনপুর নতুন কাল—নতুন মানুষ। কোন লজ্জা কোন সঙ্কোচ তার নেই। পুরানো কালের বিশ্বাস সংস্কার বদলে গেছে পথঘাটের মত। তবে কেন—কেন থাকবে সেই পুরনো প্রেম—পুরনো বিয়ে।—কেন?—

## ২৪

পাঁচ বছর পর।

এই ক'বছরে অনেক জল সমুদ্র থেকে বাষ্প হয়ে উঠে গেছে এবং আবার মেঘ হয়ে পৃথিবীর বুকে জল ঢেলেছে। তার মধ্যেও পৃথিবীর অনেক পরিবর্তন হয়েছে। বিচিত্রভাবে পুরনো মানচিত্র পান্টাচ্ছে। আজকের সঙ্গে কালকের রেখার মিল থাকছে না। পৃথিবীর এলাকা বাড়ছে শূন্যলোকের মধ্য দিয়ে। স্পুটনিক লুনা-জেমিনী শূন্যলোক পরিভ্রমণ করে ফিরে আসছে। চাঁদে গিয়ে নামছে পৃথিবীর পাঠানো যন্ত্রযান। সেখান থেকে বার্তা আসছে ছবি আসছে।

মানুষের দেশগুলোর পুরনো সবকিছু মুছে যাচ্ছে। যেন বন্যা এসে, ঝড় এসে একেবারে ভাসিয়ে উড়িয়ে নিশ্চিহ্ন করে দিয়ে যাচ্ছে। চিরন্তন বলে বুকে আঁকড়ে ধরে থাকতে চাচ্ছে মানুষ, কিন্তু পারছে না।

ছোট চন্দনপুর ক্ষীতকায় হচ্ছে এক দিকে। অতীদিকে পুরনোকে আঁকড়ে ধরতে গিয়ে মানুষ মরছে। তবু ছাড়ছে না। এখনও ফাল দিয়ে জমি শেলাই করে এর জমি ওকে দেওয়া চলছে, বেনাম করা চলছে। এবারও বাউড়ীরা রথ টানেনি রথ বার হয়নি পথে।

পূজোর সংখ্যা বাড়ছে।

এখনও পূজো হচ্ছে। বাড়ীর পূজো নমো নমো করে হচ্ছে; বারোয়ারীতে ধুমধাম হচ্ছে। বাউড়ীরা মদ খাচ্ছে তা, হোক, তবু পান্টাচ্ছে—অত্যন্ত দ্রুত পান্টাচ্ছে। মেয়েদের ত্রিশ বছর পর্যন্ত বিয়ে হচ্ছে না। তারা এখনও নিজেরা স্বাধীন মতে বিয়ে করবার সাহস বুকে পারনি। চালের দাম, ধানের দাম, ডালের দাম, তেলের দাম, কাপড়ের দাম, জামার দাম বাড়ছে। তবু চলছে সব। সিনেমা এসে বসেছে। ভিড় হচ্ছে। আবার হাহাকার উঠছে। মিছিল হচ্ছে। ধান চাই চাল চাই। চাকরি চাই। জমি চাই। সব চাই।

ধনি উঠছে—ইনকিলাব—

—জিন্দাবাদ !

—ইনকিলাব

—জিন্দাবাদ !

—ইনকিলাব

—জিন্দাবাদ !

এরই মধ্যে একদিন চন্দনপুরে ফিরে এলেন শ্রামাকিন্ধরবাবু। সেদিন এসে চন্দনপুর পৌঁছলেন বেলা একটার। বিকেলবেলায় আন্তে আন্তে এসে বসলেন তাঁর সেই শখের বাঁধানো নিমতলায়। খবর পেয়ে অনেকে এসেছিল তাঁর খোঁজ নিতে।

এল গেল। গেল এল। ছেলে-মেয়ে। নবীন-প্রবীণ। এর মধ্যে বন্ধু সুরেশ্বর বসে রইল তাঁর পাশে।

শ্রামাকিন্ধর কিছুদিন আগে কলকাতায় এসে অজ্ঞান হয়ে গিয়েছিলেন। কাগজে বেরিয়েছিল। চিকিৎসক তাঁকে বিশ্রাম নিতে বলেছে। তিনি এখানে এসেছেন। সঙ্গে স্ত্রী এসেছেন। এসেছেন ভোরে। জিনিসপত্র এখনও গোছানো হয় নি। গোছানো হচ্ছে। আকাশ মেঘমেতুর। চুপ করে বসে আছেন। মধ্যে মধ্যে কথা বলছেন।

এরই মধ্যে একসময় গার্লস স্কুলের শিক্ষয়িত্রী ক'জন এল, সকলের সামনে কমলা। প্রণাম করে সে বললে—শরীর কি খুব খারাপ ?

—হ্যাঁ।

—ওদিকে অল্প সকলে টুকটাক্ প্রণাম করে চলেছে।

কমলা বললে—এখানেই থাকুন কিছুদিন।

—থাকব ! হয়তো বরাবর থাকব।

—তাই থাকুন ! তাই থাকুন।

শিক্ষয়িত্রীদের পেছনে পেছনে মেয়েরা এল দল বেঁধে। প্রণাম চলতে লাগল। তিনি প্রতি-প্রণাম জানিয়ে চললেন।

ডাকলেন—বড বউ ! এদের মিষ্টি দাও। যাও না, সব যাও।

সুরেশ্বর বললে—এই ভাবটা তুমি ছাড়।

—কোনটা ?

—এই—আর যাব না আর যাব না।

হাসলেন তিনি। কথাটা ঘোরাবার জন্তেই বললেন—কমলা, সীমার খবর কি ? তার খবর অনেকদিন পাইনি।

হেসে কমলা বলল—আপনার চন্দনপুরের বিদ্রোহিনী ঠিক আছে সে বেশ আছে। ভাগ্যও ভাল। বি-এ পাশ করেই বি-টিতে এ্যাডমিশন পেয়ে গেল। তবে একটু গোলমাল শুনছি। আমার এক বন্ধু ওখানে পড়ান। তিনি লিখেছেন—সাময়িক মিশনে বড় যাচ্ছে। নিবেদিতা



ছলে চান্স পেলে সন্ন্যাসিনী হয়ে যাবে—ওখানে চাকরিও করবে। ওর মতিগতিও তো ওই রকম। আপনার নেলির খবর জানেন তো? সে আই-এস-সি পাশ করেছে ফাস্ট ডিভিসনে। ওর দাদা ওকে মেডিকলে ভর্তি করেছে।

—খুব ভাল।

একটু বসে থেকে কমলা উঠে গেল।

এক সারি তিনখানা জিপ চলে গেল রাস্তা দিয়ে।

সুরেশ্বর বলল—তুমি শোও গিয়ে। আমি যাই।

—বসো—বসো। থাকতে কেউ আসেনি। ওই শোন!

—কি?

—শব্দ শুনতে পাচ্ছ না? জিন্দাবাদ!

১৯৬২-এর ইলেকশনের রব উঠেছে।

আকাশে সন্ধ্যা নামছে। কৃষ্ণপক্ষ পিতৃপক্ষ চলছে।

রাস্তায় আলো জ্বলল। কৃষ্ণপক্ষের অন্ধকার কাটিয়ে চাঁদ উঠলেই রাস্তার আলো নিভবে। ট্রেন আসছে। কলকাতার ট্রেনের প্যাসেঞ্জার আসবে।

—দাদাবাবু!

—কে? নসুবাবা?

—দাদাবাবু—তুমি কখন এয়েচো? নোকে বলে গেজেটে লিখেছে—তোমার খুব অসুখ। হেই মাগো! দেখ দিকি মিছে কথা!

—নারে, অসুখ হয়েছিল।

—এখন তো ভাল হয়েছ। আসতে পেরেছ। বাবাঃ!

হাসলেন শ্রামাক্ষরবাবু।

—এবার আমাকে একখানা খুব ভাল শাড়ী দিয়ো। পরে ভাড়া শুনিয়ে যাব। চন্দনপুরের ভাড়া। আমার বেরাই যে মুখচোরা! সি-সি: এই ছাকো!—সে যে—সে যে! সে যে বেরবে না ঘর থেকে। তাকে তুমি ডাক না কেন? তাহলে শুকসারী কথা শুনিয়ে যাই।

—সেটা আবার কিরে?

—হ্যাঁ, সে বলবে—কি আইন হ'ল কি পথ হ'ল—কিরকম এইসব বদল হল। আর আমি শোনাব রঙের কথা।

হঠাৎ শ্রামাক্ষরবাবুর দৃষ্টি পড়ল ফটকের দিকে। একজন পরিচ্ছন্ন মার্জিত রুটির পোশাক পরা কেউ দাঁড়িয়ে আছে। পড়ছে সত্ত্ব লাগান মারবেল ট্যাবলেটটা। বিদেশী কেউ। আগন্তুক এখানে। ওটা তো এবার তাঁর জন্মদিনে লাগান হয়েছে। এখানকার লোকের কাছে তো পুরনো। তিনি ডাকলেন—কে? আসুন ভেতরে আসুন!

ধীর পদে সলজ্জ হেসে দাঁড়াল একজন সবল সুন্দর জোয়ান ছেলে। তিনি মুহূর্তে চিনলেন।

—আরে শুভেন্দু!

—হ্যাঁ?

—কখন এলে?

—এই ট্রেনে।

—বসো। কতদিন পরে?

—ছ-বছর।

—বাড়ী যাওনি?

—না।

—কেন?

—আছে। কারণ আছে। নেলী গেছে, ফিরে এলে যাব।

শ্রামাকিঙ্করবাবু চুপ করে রইলেন। শুভেন্দু বললে—কাগজে আপনার অসুখের খবর দেখেছিলাম। কলকাতায় তখন ভিড় করতে যাইনি। ভেবেছিলাম আপনি সুস্থ হলে খবর নিয়ে যাব। পরে যেতামও। তা এখানে আজ নেমেই শুনলাম আপনি এখানে এসেছেন। তাই এলাম। দরজার চুকতে ট্যাবলেটটা দেখলাম। পড়ছিলাম। মাটি থেকে আকাশ ভাল?

হাসলেন শ্রামাকিঙ্কর।

—বলবেন না?

—বলবো না কেন? মৃত্যুর মত আকাশ ধুব। স্তবরাং মাটিকে জানার পর তাকে তো জানতেই হবে। হবে না?

—জানি না। বুঝি না।

—বয়স হলে বুঝতে অবশ্যই হবে। তাছাড়া স্পেস এক্সপ্লোরেশনের যুগে আকাশের দিকে তাকাব না বললে তো চলবে না।

শুভেন্দু হাসলে, বললে—দুটোকে এক করছেন যে?

শ্রামাকিঙ্কর বললেন—দুটো কি এক নয়?

—না। কিন্তু ও কথা থাক। বাইরে শুনছিলাম আপনি এখানে থাকবার জন্ত এসেছেন? সত্যি? রিটার্নারমেন্ট!

—হ্যাঁ।

—সে তো আরও কোন ভাল জায়গায় থাকলে পারতেন। এই পিছনে পড়ে থাকা গ্রামখানার কেন?

তার মুখের দিকে সবিস্ময়ে তাকালেন শ্রামাকিঙ্কর—কি হ'ল গ্রামের উপর চটলে কেন?

শুভেন্দু যেন ক্ষেপেছে, সে বললে—এ গ্রামের উপর সদয় হবার কোন কারণ আছে? আকাশকে জানতেই যদি হয় তো কোন তীর্থে গেলেই পারতেন!

শ্রামাকিঙ্কর বললেন—আকাশকে জানতে হলে আমাদের শাস্ত্রবিজ্ঞান মতে স্থির হয়ে

মাটিতে আসন পাততে হয়। এই চলমান ঘূর্ণমান পৃথিবীতে সকলেরই একটি স্থির বিন্দু আছে শুভেন্দু। ছেলের যেমন মায়ের কোল। জীবন সেখানে দোলার মধ্যেই স্থির। তার মধ্যেই ধ্যান-যুম। মা চলছে—মা দোলাচ্ছে তাকে। তবু স্থির। সেই স্থির বিন্দু হল আমার চন্দনপুর। এখানে বসে আমি দেখতে পাই পৃথিবী ঘুরছে। চলছে।

শুভেন্দু বলল—একটু ডিস্টার্ব করব?

—কি—?

—আর একজন ফটকের বাইরে দাঁড়িয়ে আছে।

—কে?

শুভেন্দু ডাকলে বাইরে যে দাঁড়িয়েছিল—এস। ভেতরে এস। বলতে বলতে একটু এগিয়ে গেল এবং সঙ্গে করে নিয়ে এল একটি মেয়েকে, বললে—প্রণাম করো।

শ্রামাক্ষরবাবু প্রশ্ন করলেন—কে?

—আমার বউ।

—বউ? বিশ্বয়ের সীমা রইল না শ্রামাক্ষরের।

—হ্যাঁ, বিয়ে করেছি আমি।

—বিয়ে করেছ? কবে?

—গত কাল বিয়ে হয়েছে—আজ এসেছি—। এই তো সন্ধ্যার ট্রেনে। এখনও বাড়ী যাইনি। রাস্তায় ঘুরছিলাম আপনার বাড়ীতে উঠলাম। নেলী বাড়ী গেছে। জানি না কি বলবেন বাবা।

নিরন্তর হয়ে রইলেন শ্রামাক্ষরবাবু। শুভেন্দু বলে গেল—আমরা একসঙ্গে চাকরি করতাম ইন্সুলে। আমি এম-এ দিলাম প্রাইভেটে ও বি-এ দিয়েছিল—। একটু সাহায্য-টাহায্য করতাম।

হাসলে শুভেন্দু।

শ্রামাক্ষর হেসে বললেন—গুড, ভেরী গুড।

বধূটি লজ্জায় মুখ ফেরায়নি! শ্রামাক্ষর তার দিকে তাকিয়ে ভাল করে দেখলেন—বেশ মেয়ে। শ্রামা দীর্ঘাঙ্গী মেয়ে। এমন মেয়েদের কলকাতায় সকালে বেশ সপ্রতিভভাবে সহজ সজ্জায় সেজে আপিসে ইন্সুলে কলেজে যেতে দেখা যায়। বিচিত্র কথা মনে হল তাঁর—সেই মেয়ে বউ হয়ে এল চন্দনপুরে। হরিবিষ্ণুর পুত্রবধূ আছে এম-এ পাশ। কিন্তু সে সেই পুরনো কালের সেই চৌধুরীদের বাড়ীর তাদের ভাগ্নেদের বাড়ীর বউয়ের মতো। তার বেশী কিছু নয়। এক গা গয়না পরে আভরণের ঝঙ্কার তুলে—সেটের বাস ছাড়িয়ে আলতা পারে জুতো পরে অল্প কালের বউদের সঙ্গে চলেছে।

শুভেন্দু বললে—এসে মনে হল ভুল করেছি।

শ্রামাক্ষর বললেন—কেন?

—আমরা রেজেক্ট্রি করে বিয়ে করেছি। ও কারস্থ।

—বসো, জল খাও। বসো, নতুন বউ বসো।

\*

\*

\*

জল খেয়ে তারা উঠল। শুভেন্দু ফিরেই যাচ্ছে। নেলী বাজী গিয়ে কথা বলে ফিরেই এসেছে। ওর মা বলেছে ফিরে যেতে। খবরটা নিয়ে পাড়াগ্রামে গোল করতে বারণ করেছে। বলেছে—একেই তো মাথার গোলমাল সারেনি। এরপর শুনলে তো মাথা ঠুকে হয়তো অজ্ঞান হয়েই যাবে।

শুভেন্দুর ভাইও তাই বলেছে।

নিঃশব্দে চুপি চুপি চলে যেতে হবে তাদের।

হেসে শুভেন্দু বললে—ওই ভাঙা ফটক দিয়ে আমরাই ঢুকব না জামাইবাবু।

শ্রামাকিন্দর হেসে বললেন—এস ভাই। কিন্তু একটা খবর জিজ্ঞাসা করতাম তোমাকে।

—কি খবর? একটু আগে কমলাদি তো বলছিল আপনাকে। আমি বাইরে দাঁড়িয়ে শুনছিলাম। সীমার খবর সীমার কথা লতা জানে। বলতে বাধা নেই। কমলাদি মোটা-মুটি বলেছে সত্যি খবর, তবে গেরুয়া রঙটা অকারণ চড়িয়েছে। সন্ন্যাসিনী সে কোন দিন হবে না।

—তবে?

—বিয়ে না করে ছেলেরা যেমন থাকে এমুগে তেমনি ভাবে মেয়েরাও তো বিয়ে না করে থাকবার কথা ভাবতে পারে? না পারে না? অথবা চলতে চলতে যদি আই-এ-এস করেন গার্ভিসের স্বামী মেলে। মন্দ কি?

হাসলে শুভেন্দু। তারপর বললে—তাকৈ অনেক বলেছি—অন্ততঃ তিনবারের উপর একবার চারবার। কিন্তু সে আমাকে ‘না’ বলে দিয়েছে।

আরও দেড় বৎসর পর।

শ্রামাকিন্দরবাবু সেই নিমগাছতলায় তাঁর স্থির বিন্দুটিতে বসে ছিলেন। শুভেন্দুদের বাজীতে শাঁখ বাজছে উলু পড়ছে।

শুভেন্দু ফিরে গিয়েছিল—সে আজ ফিরল; শুভেন্দুর বাপ শেষ শয্যা পেতেছে—আর খুব বেশীদিন নেই। মৃত্যুশয্যা ছেলে বউ নাতিকে দেখতে চেয়েছে চৌধুরী।

বিচিত্রভাবে চৌধুরীর মাথা যেন পরিষ্কার হয়ে গেছে। ডাক্তারেরা বলেছে—এমন হয়।

চৌধুরী আরও একটা বিস্ময়কর কাজ করেছে। সেই ফাট-ধরা পুরনো ফটকটা ভাঙিয়ে দিয়েছে।

বিস্ময়কর কিছু নয়। শ্রামাকিন্দর জানেন, বুঝতে পেরেছিলেন, চৌধুরীকে জিজ্ঞাসা করেছিলেন, চৌধুরী স্বীকার করেছিল। চৌধুরী সকলকে বলেছিল—আমি স্বপ্ন পেয়েছি। ঠাকুর আমাকে বলেছেন, ফটক ভাঙিয়ে দে। নইলে সর্বনাশ হবে। ভাঙিয়ে দে।

এমন আবেগের সঙ্গে বলেছিল চৌধুরী যে কেউ কোন প্রশ্ন তোলেনি, সম্মতি দিয়েছিল।  
অন্তরিকে ফটকটা আপনা-আপনি যে কোন মুহূর্তে ভেঙে পড়তে পারত। শ্যামাক্ষর একসময়  
একলা বিছানার পাশে বসে চৌধুরীকে প্রশ্ন করেছিলেন—একটা কথা জিজ্ঞাসা করব ?

—কি ?

—স্বপ্ন তুমি সত্যিই দেখেছ—? না—?

—না ? স্থির দৃষ্টিতে তাকিয়েছিল চৌধুরী বন্ধুর দিকে।

—না ভয় হচ্ছে—।

—হ্যাঁ, ভয়ই হচ্ছে। শুভেন্দু যেই ঢুকবে সেই সময়টিতেই যদি ছড়মুড় ক'রে—। বলো  
না কাউকে।

—না তা ভাল করেছ। বড্ড পুরনো হয়েছিল।

—ওঃ পুরানো বলে! ভাঙুক—। ভেঙে দিক।

শুভেন্দুর ভাই ঠিকেদারী করতে আরম্ভ করেছে, সেই ভাঙাল। অনেক কষ্টে অনেক  
কৌশলে। প্রকাণ্ড ফটকের খিলেনটা একটা বিপুল শব্দ তুলে গ্রাম কাঁপিয়ে মাটিতে পড়ল।

নস্রাবালা গান বেঁধেছে—

চন্দপুরের গুপ্ত ব্রজধাম

ভেঙে ভেঙে মিশল মাটিতে

হায়রে কপাল বাকী কেবল নাম

ও সব নিশানা হারিয়ে গেল—হায় রে আমার মন

কোথায় আমার তমাল কুঞ্জ কোথায় নিধুবন ?

হায় রে—!

বেঁধেছে ওই মাত্র, গেয়ে বেড়াতে পারে না। সেও শয্যা পেতেছে। সপ্তাহে সপ্তাহে  
কিছু কিছু সাহায্য পাঠান শ্যামাক্ষর। নস্র বলে পাঠায়—আর বেশী দিন বাকী নাই।  
দাদাবাবুকে বলো। কালের পালা শেষ। দাদাবাবুকে পালা নিকতে বলো। আর বলো  
ফটক ভাঙল, শুভেন্দুর অস্ত্রজাতের বউ এলো; বাউড়ীরা রথ টানতে পারে না ক্যানে? বলো  
তাকে বলো।

শ্যামাক্ষর ভাবছিলেন আর শুনছিলেন শাঁখের শব্দ, উলুর শব্দ।

সন্ধ্যাবেলা শুভেন্দু এলো।

সে খবর দিল—সীমা বিদেশে যাচ্ছে। হেসে শুভেন্দু বললে—বললাম, বিয়ে-টিয়ে করবে  
না? সে বললে, ভেবে দেখিনি। চিনতেই পারবেন না তাকে দেখলে।

শ্যামাক্ষরবাবু তাঁর সেই স্থির বিন্দুটিতে বসে দেখলেন সীমা এবং চন্দনপুর এক হয়ে গেছে  
—সীমার সঙ্গেই চন্দনপুর চলছে—চলছে—। আরও চলবে। আরও পালটাবে।

—বাবু!

কে এসে দাঁড়াল ।

—কে ?

—আমি ফটিক দাস ।

—ফটিক ? পুতুলওয়াল ফটিক —নম্বর বেয়াই ।

ফটিক বললে—বেয়ান নম্বোলা মারা গেল ।

চমকে উঠলেন শ্রামাকিঙ্কর—মারা গেল ?

—আজ্ঞে ই্যা । পালা শেষ হল তার ।



কবিতা



শ্রীমান সন্তোষকুমার ঘোষ  
পরম কল্যাণীনেষু

## এক

হঠাৎ যেন বর্ষারাত্রির রিমিঝিমি বর্ষণসিক্ত অন্ধকারকে পটভূমিকে রেখে প্রেতিনী এসে সামনে দাঁড়াল। একেবারে সামনাসামনি। দরজার ওপাশে বারান্দার উপর সে আর এপাশে ঘরের মেঝেতে দাঁড়িয়ে স্থাংস্তবাবু।

১৯৬০ সাল জুলাই মাস—আমাদের জীবন। আজ দু'দিন থেকে ঘনঘোর বর্ষা নেমেছে। আজ বিকেলবেলা থেকে বর্ষণ ধরেছে কিন্তু রিমিঝিমি বর্ষণের বিরাম নাই। শহরের পথঘাট জনহীন বললে বাড়িয়ে বলা হবে না। হাওড়া শহরের একটা দ্বিতীয় শ্রেণীর বড় রাস্তা। এ রাস্তার উপর আগের কালে দোকানপাট বড় একটা ছিল না কিন্তু স্বাধীনতার পর থেকে যেকালে কলকাতা বাড়ছে ক্ষীতকায় দৈত্যের মত সে-কালে তার ছোঁয়াচে হাওড়াও প্রায় তার সঙ্গে তাল রেখেই বাড়ছে। সেকালে হাওড়ার এসব রাস্তার উপরের লোকেরা কথায় কথায় বলত—কলকেতার চাল এখানে মেরো না।। এ হল হাওড়া। এখানে যা ইচ্ছে তাই চলে না। সমাজ আছে। এখনও শোনা যায় দু'চারজন প্রবীণ বা প্রবীণা বলেন—পাড়ায় কি আর সমাজ আছে না মানুষ আছে। বলব কাকে? এখন এই রাস্তাটার উপরের বাড়িগুলোর নিচের তলার ঘরগুলো ক্রমে ক্রমে দোকানে পরিণত হচ্ছে। সাইন-বোর্ড পড়েছে—তাব মাথায় আলো জ্বলছে। আজ দোকানগুলো এর মধ্যে বন্ধ হয়ে গেছে। আলো নিভেছে। রাস্তার আলোর কতকগুলো জ্বলছে কতকগুলো জ্বলছে না। ফলে রাস্তাটা আবছা আলো-আঁধারিতে থমথম করছে। সেই আবছা আলোআঁধারিকে পিঠেব দিকে রেখে দাঁড়িয়ে একটি মেয়ে। দরজা খুলতেই ঘরের আলো গিয়ে পড়ল ওপাশের বারান্দায়। বারান্দায় দাঁড়িয়ে ছিল মেয়েটি। মেয়েটিকে দেখে বিরক্তি এবং অস্বস্তির সীমা রইল না স্থাংস্তবাবুর! মেয়েটির চেহারার মধ্যেই ছাপ ছিল। মুখে চোখে চোটে বেশে ভূষায় একটা পরিচয় অত্যন্ত স্পষ্ট হয়ে ফুটে উঠেছে। সে পরিচয় ওঁই প্রেতিনীর পরিচয়। বেশ পরিপাটি করে পরা পরিচ্ছন্ন ফিতেপাড কাপড়ে, চিকনের কাজকরা সাদা টাইটহাতা ব্লাউজে, ব্লাউজের নিচে ব্রেসিয়ারের আভাসে, মুখের চারিপাশে খোলা চুলের রাশি অবিচ্ছিন্নভাবে ছড়িয়ে পড়ে থাকলেও সমস্ত কিছুর মধ্যে এমন একটা ছন্দবিশ্বাস পরিস্ফুট হয়ে রয়েছে যা বলে দেয় এ মেয়ে সধবা হোক বিধবা হোক এ মেয়ে স্বভাবে প্রেতিনী। আয়ত দুটি চোখের দৃষ্টিতে এবং চোখের কোল ঘিরে কালো একটি ছায়াবেটনী দেখলেই বোকা যায় যে, এ কালো ছায়াবেটনী বহু রক্তনীর অন্ধকারের কাজললতা থেকে আহরণ করা ছোপ। চোট দুটির উপরেও পড়েছে শ্রাণলার মত একটা কালো ছোপ। এ ছাড়াও মেয়েটিকে স্থাংস্তবাবু চেনেন। সত্যিই তার যে পরিচয় তা প্রেতিনীর পরিচয় ছাড়া কিছু নয়।

স্থাংস্তবাবু ওকে চিনেছেন।

দু'পা পিছনে সরে এলেন তিনি।

মেয়েটি কিন্তু নড়ল না। মুখখানা তার আশ্চর্যভাবে সক্রিয় হয়ে উঠেছে। স্বধাংগুবাবু বুঝতে পারছেন না কি বলবেন! বলবেন—কে তুমি? কেন তুমি এসেছ? কিন্তু তা' বলতে পারছেন না। মনে পড়ছে আর এক রাজির কথা।

মেয়েটি স্থিরভাবে দাঁড়িয়েই ছিল; বোধ করি স্বধাংগুবাবুর এতটুকু সম্মেহ অন্তগ্রহস্থচক কোন একটা কথার প্রতীক্ষা করছিল। তা' না পেয়ে শেষ পর্যন্ত নিজেই কথা বললে। বাঁ হাত দিয়ে মাথার ঘোমটাটা একটু সামনে টেনে দিয়ে বললে—আমি—।

বলতে গিয়েও বলতে পারলে না। থেমে গেল, কথা আটকে গেল।

স্বধাংগুবাবু অত্যন্ত তিক্তকণ্ঠে বললেন—বল। আমি—। ধরিয়ে দিলেন কথাটা।

মেয়েটি বললে—আমার নাম—।

স্বধাংগুবাবু আরও তিক্তকণ্ঠে বললেন—তুমি চাপা। ভাল নাম বোধ হয় রত্নমালা।

তাঁর কপালে সারি সারি কুঙ্কনরেখা জেগে উঠেছে কথা বলার সঙ্গে সঙ্গে।

মেয়েটি বললে—হ্যাঁ।

স্বধাংগুবাবু বললেন—এই রাত্রে কি দরকার তোমার? আজ যাও। কাল সকালে এস।

মেয়েটি ডানহাতে কাপড়ের আঁচল খানিকটা মুঠো করে ধরে মুখের উপর চেপে ধরলে। তাতে কান্নার শব্দ চাপা দেওয়া গেল কিন্তু চোখের জলের অস্তিত্ব গোপন করা গেল না। হুঁচোখের কোল থেকে বাঁধভাঙা জল নেমে আসছে।

স্বধাংগুবাবু বললেন—একি? কীদছ কেন তুমি?

এবার চাপা বললে—আমার বড় বিপদ বাবু! বড় বিপদ! এরপরই আকুল আতিতে হাত দুটি জোড় করে অতি কাতর করণ কণ্ঠে সে বললে—আমাকে আপনি বাঁচান!

আবার বিরক্ত এবং তিক্ত হয়ে উঠলেন স্বধাংগুবাবু। বললেন—কি বিপদ! সঙ্গে সঙ্গে মনে মনে তখন অনেক বিচার তাঁর হয়ে গেছে। এই মেয়েটির কোন্ বিপদ হতে পারে? এবং কোন্ বিপদ থেকে তিনি তাকে বাঁচাতে পারেন? এর উত্তর স্বতঃসিদ্ধ। কোন কেসে পড়ে থাকবে। ফৌজদারী কেস। যে জীবন সে যাপন করে তাতে কেসে পড়াই স্বাভাবিক। এবং তিনি অ্যাডভোকেট। হাওড়া কোর্টে ক্রিমিন্যাল সাইডে প্র্যাক্টিস তাঁর সুপ্রতিষ্ঠিত। সেসনস্ কোর্টে বড় বড় কেস—মার্জার কেস ডাকাতি দাঙ্গার কেসে তিনি আসামী পক্ষে থাকেন। এবং শতকরা ষাটটা কেসে তিনি জেতেন। স্বতরাং যে-বিপদে তিনি বাঁচাতে পারেন সে-বিপদ ওই ধরনের কোন কিছু ছাড়া আর কি হতে পারে। তিনি বললেন—কোন কেসে পড়েছ বুঝি? মেয়েটি আবার কঁদে উঠল।

স্বধাংগুবাবু আবার বললেন, এবার কণ্ঠস্বর রুতুর হয়ে উঠল, বললেন—এতদিন কিছু হয়নি এই আশ্চর্য! সঙ্গে সঙ্গে জিভ দিয়ে করুণাব্যঞ্জক একটি শব্দ করে আক্ষেপ প্রকাশ করলেন। সেটা আক্ষেপও বটে আবার তিরস্কারও হতে পারে।

চাপা মাটির মূর্তির মত দাঁড়িয়ে রইল। শুধু এই তিরস্কারের ফলে তার চোখের জল শুকিয়ে গেল; সে শুকনো চোখে শঙ্কিত দৃষ্টিতে তাঁর মুখের দিকে তাকিয়ে রইল।

সুধাংশুবাবু আবার তিরস্কার করলেন—জীবনটাকে নিয়ে কি করলে বল তো? এবার তাঁর কণ্ঠস্বর যেন অত্যন্ত কঠিন হয়ে উঠল। কিন্তু তৃপ্তি পেলেন তিনি। আজ বারো বছর এই তিরস্কার এই মেয়েটিকে করবার জন্য সুযোগ খুঁজছিলেন।

সুধাংশুবাবু বলে গেলেন—কি কেস জানি নে। তবে তোমাদের কেস—। খেমে গেলেন তিনি। প্রসঙ্গটা ছেড়ে দিয়ে বললেন—তুমি কাল সকালে এসো। আজ শনিবার। আজ সন্ধ্যাবেলা কোন কাজ আমি করি নে। তোমার অন্ততঃ জানা উচিত। এ পাড়ার তো সকলেই জানে এ কথা! অন্ততঃ বারো বছর তোমাকে আমি দেখছি। তুমি নিশ্চয় জান যে আমি শনিবারে কোন কাজ করি নে!

সুধাংশুবাবু—সুধাংশুমোহন চক্রবর্তী নামজাদা অ্যাডভোকেট। হাওড়া জজ কোর্টে সেনসস্ কোর্টে ঝারা প্রথমসারির আইনজ্ঞ তিনি তাঁদেরই একজন। হাওড়া জেলারই লোক, হাওড়া জেলা স্কুলেরই ছাত্র, বাপ ছিলেন নরসিংহ কলেজের অধ্যাপক—তিনি হয়েছেন উকীল। এককালে দেশের মুক্তি-আন্দোলনেও যুক্ত হয়েছিলেন কিন্তু সে কথা থাক। সে সব পুরনো কথা।

শনিবার সন্ধ্যা এবং রবিবার সকাল তাঁর ছুটি। পেশাগত কাজ থেকে ছুটি—মক্কেলের কাগজ-পত্র ছোঁয়া দূরের কথা তাদের সঙ্গে দেখাও করেন না। এই ছুটি বেলা তিনি মুক্ত বাতাসে নিশ্বাস নেন। তাঁর ক্লার্করা আসে কিন্তু তাদের সঙ্গে দেখা তিনি করেন না। শনিবার সন্ধ্যাবেলাটা একা থাকেন। ভাবেন, লেখেন। লেখা অভ্যাস আছে—প্রবন্ধ লেখেন। স্টেটসম্যান অমৃতবাজার পত্রিকায় রাজনৈতিক দার্শনিক বিষয়ে লিখে থাকেন ছদ্মনামে। কখনও কখনও বড বড বই নিয়ে একমনে পড়ে যান। তারপর তার উপর নিবন্ধ লিখে থাকেন। সন্ধ্যাবেলা বসেন—ওঠেন সেই রাত্রি বারোটায়। কাপ ছয়েক চা খেয়ে থাকেন আর সিগারেট পোড়ান চার ঘণ্টায় ষোলটা থেকে কুড়িটা। সাড়ে এগারটা থেকে স্ত্রী এসে তাগিদ দিতে থাকেন—ওঠো ওঠো।

উঠি উঠি করেও আধঘণ্টা কাটিয়ে ক্লক ঘড়ির বারোবার ঢং ঢং ঘণ্টার তাগিদে শেষ পর্যন্ত উঠে দাঁড়িয়ে আডামোডা ছাডেন।

আগের কালে অর্থাৎ প্রথম জীবনে—প্র্যাকটিসের যখন প্রথম এবং তাঁরা স্বামী-স্ত্রীতে যখন নবীন নবীনা তখন স্ত্রী বলতেন—আর কত বসে থাকব আমি? এখন বলেন—কাল কি তোমার কোর্ট নেই বলে অন্য কাজকর্মও নেই? বাগানে যেতে হবে না? বা গ্রামে যাবে না?

রবিবার সকালে তিনি গ্রামের বাড়িতে যান কোনদিন, কোন রবিবার যান তাঁর বাগানে। মাইল বিশেক দূরে বাগান বা চাষবাড়ি করেছেন সুধাংশুবাবু।

শনিবার সন্ধ্যায় সুধাংশুবাবু প্রফেশনাল কাজ করেন না এটা হাওড়ার লোকে জানে। তাঁর বাড়ির বাইরে ফটকের গায়ে বারান্দায় এসব বিশদভাবে বুঝিয়ে দেবার ব্যবস্থা আছে। আজ নেমপ্রেটের পাশে লেখা আছে—বাড়ি নেই। বারান্দার গায়ে একটা বোর্ডে লেখা আছে—শনিবার সন্ধ্যায় কোন কাজ হয় না।

চাপা বারো বছরেরও বেশী কাল এই পথ ধরে যাতায়াত করেছে। চাপার ঝা সামনে ওই

বাড়িতে, অধুনা মৃত নিত্যবাবুর বাড়িতে কাজ করত। এই রাস্তার উপর স্বধাংগুবাবুর পৈতৃক বাড়ি তাঁর খ্যাতি প্রতিষ্ঠার সঙ্গে ক্ষুদ্র থেকে বৃহৎ হয়েছে। দোতলা থেকে তেতলা হয়েছে। গ্যারেজ হয়েছে। গাড়ি হয়েছে।

চাপা বললে—শনিবার জেনেই আমি এসেছি।

বিন্ময়ের আর সীমা রইল না স্বধাংগুবাবুর। বললেন—শনিবার জেনেই এসেছ? কেন?

চাপা বললে—জেনেই নয়, জেনেও এসেছি। আমার যে উপায় নেই। কি করব?

ক্রুদ্ধ হয়ে স্বধাংগুবাবু কিছু বলতে গেলেন কিন্তু মেয়েটি বাধা দিয়ে বললে—কিছু মনে করবেন না। একটি মেয়ের বাড়ি। হয়তো সে খারাপ মেয়েই। বাইরে দাঙ্গাহাঙ্গামা। সেই সময় রাজিকালে কোন বিপন্ন পুরুষ যদি সেই মেয়ের বাড়ি আশ্রয় চায় তবে বুঝতে হবে নিতান্ত নিরুপায় হয়েই আশ্রয় চাচ্ছে। আশ্রয় দিলে মাহুঘটা বাঁচে। আর ক্ষতিও তাতে কিছু হয় না।

স্বধাংগুবাবুর অন্তরাঙ্গা রাগে একেবারে ক্রিষ্ট হয়ে ক্ষেটে পড়তে চাইলে; সর্বান্তে যেন জালা ধরে গেল। কিন্তু পরমুহূর্তেই নিজেকে সংবরণ করলেন তিনি। বললেন—মনে করিয়ে দিতে হবে না। সে কথা আমার মনে আছে। আমি ভুলি নি।

এবার এই কথায় সে-এক আশ্চর্য বিবল হাসি মেয়েটির মুখে ফুটে উঠল। মাত্র দুটি চৌকির তটপ্রান্ত-রেখাতেই তা আবদ্ধ। তার সঙ্গে তার দুই চোখে জল। গ্রীষ্মের সমুদ্রে ভাটির শেষতম মুহূর্তটিতে ক্লান্ততম ঢেউটি এসে লুটিয়ে গড়িয়ে পড়ার মতই এ হাসির চেহারা। অতদূরত তো বটেই তার সঙ্গে লজ্জাও অনেক। লজ্জিতভাবেই সে বললে—না, সে কথা আমি মনে করিয়ে দিতে চাই নি। সে আপনি ভাববেন না। আমার সে স্পর্ধা নেই। বারো বছর ধরেই তো আপনার সামনে দিয়ে গিয়েছি ওই ওঁদের বাড়ি—কোনদিন আপনার সঙ্গে কথা বলতে তো চাই নি। আমি যা তা' তো আমি জানি। সেদিন সেই বারো বছর আগে সেই রাত্রে সেই ক'ঘণ্টার জন্তে শুধু ঘরের মধ্যে বসতে দিয়েছিলাম—আমার সারাজীবনে সেইটুকুই একমাত্র পুণ্য। সে আমার থাক। আমি এমনি এসেছি—কত লোককে তো বাঁচান—।

স্বধাংগুবাবু একটা গভীর দীর্ঘনিশ্বাস ফেললেন।

বারো বছর আগের কথা। ১৯৪৮ সাল তখন। সারা দেশটা তখন জ্বলছে। ইংরেজ চলে যাচ্ছে। দেশ ভাগ হয়ে স্বাধীন হচ্ছে। বাংলাদেশ কেটে দু'ভাগ হয়েছে—পশ্চিমবঙ্গ আর পূর্ব পাকিস্তান; পূর্ববঙ্গে হিন্দুর বাড়ি জ্বলছে, লুট হচ্ছে, পুরুষেরা খুন হচ্ছে, মেয়েরা হারানো, পশ্চিমবঙ্গেও তাই। তবে মুসলমানের মেয়ে এখানে হারায় নি এটা বলতেই হবে।

কলকাতা হাওড়ায় সে আগুন পরিণত হয়েছিল রাবণের চিতায়। রাবণের চিতার আগুন অনিবার্ণ। ও নেভে না। এই তো পঞ্চাশ বছর আগেও লোকে বিশ্বাস করত সে আগুন আজও জ্বলছে। স্বধাংগুবাবুর বয়স তখন চৌত্রিশ। ১৯৬০ সালে অর্থাৎ আজ তাঁর পঞ্চাশ বছর চলছে। ষোল বছর আগে চৌত্রিশ ছিল। কথা চৌত্রিশ বত্রিশ 'ছত্রিশ নয়, কথা সে সময়ের স্বধাংগুবাবুর কথা। বয়স যতই হোক তখন তিনি নবীন এবং দীপ্ত। তখন প্রাকটিক

বলেছেন কিন্তু প্র্যাকটিস তখনও তাঁকে বাঁধতে পারে নি। তখনও তাঁর গা থেকে পলিটিক্যাল পার্টির ছাপ ওঠে নি, আটক-আইনে বন্ধ থাকলেও চেহারায় একটা যে ছোপ পড়ে সেটাও তখন সম্পূর্ণ মোছে নি। দেশ ভাগ হবার মাস ছয়েক আগে ছাড়া পেয়েছেন। এবং একটা অনিবার্য অভ্যুত্থান বা সশস্ত্র বিপ্লবের সংগ্রাম আসন্ন ধরে নিয়ে মনে-মনে তাতেই মেতে ছিলেন। হাওড়ার বার লাইব্রেরী বাংলাদেশে হাইকোর্টের বারের পরই গুরুত্বপূর্ণ বার। এখানে অনেক আইনজ্ঞ রাজনৈতিক নেতৃত্ব করে গেছেন। হাওড়া শহরও বাংলার রাজনৈতিক জীবন ও কর্মের জটিল এক কেন্দ্র। এক সেকালের ফরাসীদের এলাকা চন্দননগর ছাড়া হাওড়ার মত শক্ত ঘাঁটি এবং আশ্রয় বিপ্লববাদীদের আর ছিল না। আবার অগ্ৰদিক থেকে ই. আই. আর.—এখন ই. আর., বি. এন. আর.—এখন এস. ই. আর. এর টারমিনাস স্টেশন ও প্রধান স্টেশনের ইয়ার্ড হিসেবে ও তার সঙ্গে গঙ্গার ধারের জুট মিলগুলোর অস্তিত্বের জন্য হাওড়ার সাধারণ জীবন যেমন উত্তপ্ত তেমনি নিষ্ঠুর ও রুঢ়। আগুন এখানে সহজেই জলে ওঠে। ব্রাস্ট ফার্নেসের উগরে দেওয়া জলন্ত লোহার ময়লা, কিংবা বয়লাবের ধোঁয়ানো ছাই-ফেলা জায়গার মত অবস্থা।

দেশভাগের আগুন তখন জ্বলছে। সে প্রায় দাঁড়ানো করে জ্বল। রাজনৈতিক মতবাদে বামপন্থী স্বধাংসুবাবুর দল সে-আগুন নেভাবার প্রাণপণ চেষ্টা করেছেন, কিন্তু বাতাস যে আগুনকে শুকনো চাল-বস্তির উপর দিয়ে বইয়ে নিয়ে চলে মানুষ সেখানে ফায়ার ব্রিগেডের মত যান্ত্রিক ব্যবস্থা নিয়ে লড়াই দিয়েও তাকে রুখতে পারে না। তার উপর খড়ের চালের ঘরগুলো যদি গরীবের সংগ্রহ করা খড়কুটো ভালপাতার জালানিতে অথবা পাটে খড়ে বোঝাই থাকে তাহলে সে আগুনের সামনে মানুষকে ক্রমাগত পিছু হটতে হয়। হাওড়ার বস্তির কতক কতক জায়গায় উপমা ঠিক ওই খড়কুটো ভালপাতার জালানি বোঝাই খড়ের চাল-বস্তির মত। অপরাধ-প্রবণ একদল মানুষ, পুলিশের কালো খাতায় নাম লেখানো আসামী যারা, তারা এই সুযোগে সমাজের পরিজ্ঞানকর্তা সেজে বসে আপন আপন অঞ্চলে অবাধ কর্তৃত্ব চালিয়ে চলেছে তখন। হিন্দু মুসলমান দুই সম্প্রদায়ের মধ্যেই এমন অনেক পরিজ্ঞাতার অভ্যুদয় হয়েছে তখন।

এমন দিনে সে দিন; যে দিনটির কথা বললে চাপা; যে দিনের পর আর সে তার সামনে আসে নি; সেইদিন বিকেলবেলা নবীন স্বধাংসুবাবুর কানে এল একটা নিষ্ঠুর খবর। হাওড়ার উত্তর অঞ্চলে আজ একটা সুরক্ষিত মুসলমান পল্লী আক্রান্ত হবে। পল্লীটি কয়েকবার আক্রান্ত হয়েও ক্ষতিগ্রস্ত হয় নি। এবার আক্রমণকারীরা শপথ নিয়েছে আগামী কাল সকালে এই পল্লীটি কোনমতেই মাথায় চাল নিয়ে এবং বস্তির মধ্যে জীবনের স্পন্দন নিয়ে আর খাড়া থাকবে না। যা থাকবে তা খাপরা এবং খড়ের চালের ভস্মাবশেষ—ছাই আর কালো রঙেরা ভাঙা ঘরের দেওয়াল। মানুষগুলো মরবে—তাদের লাশ গঙ্গার জলে ভাসিয়ে দেওয়া হবে; যারা পালাবে তারা পালাক।

পল্লীটির কেন্দ্রে আছেন একজন পশ্চিমদেশীয় অবস্থাপন মুসলমান ব্যবসায়ী। এখানে তাঁর কয়েকটা প্রায় একচেটিয়া ব্যবসা আছে। দোতলা পাকা বাড়ি আছে এবং বাড়ির মধ্যে একটা বড় আয়রন-চেস্ট আছে যেটাকে তিনি টাকার নোটে বোঝাই করে রেখেছেন। মুসলিম দীর্ঘ আমলে

লীগের কর্তাদের সঙ্গে তাঁর খাতির ছিল অনেক—এখন পুলিশের সঙ্গে খাতির জমিয়ে রেখেছেন। এ ছাড়া অনেকে বলে ওই একচেটিয়া ব্যবসার খাতিরে অকস্মাৎ ধর্মমতের উর্ধ্বে উঠে রাজনৈতিক নেতাদের সঙ্গেও মেলামেশা করেছেন। বোমা মজুত করে রেখেছেন। লোকজনও রেখেছেন।

এ সবকেই আজ উচ্ছেদ করতে হিন্দুদের একটা অংশ বন্ধপরিকর। এ নাকি আজকের দিনে লজ্জার কথা। হার মানার লজ্জায় হাওড়ার মুখ কালো হয়ে গেছে। সেই লজ্জা মুছবার জন্তে সে বছরের সেদিনের আয়োজন কুরুক্ষেত্রে সপ্তরথী সমাবেশে চক্রবাহ রচনার মত একটা আয়োজন। টাকাকড়ি লোকজন পৃষ্ঠপোষক নেতা কিছুই অভাব ছিল না।

খবরটা যেন কোর্ট এলাকা থেকেই ফিসফিস করে এ কোণে ও কানাচে উচ্চারিত হচ্ছিল। সময়টা গুজবের সময়ও বটে। স্বতরাং সঠিক কোন সংবাদ পেতে দেরি হয়ে গিয়েছিল। কোর্ট-ফেরত স্বধাংশুবাবু কোর্টের পোশাক খুলেই বেরিয়ে গিয়েছিলেন তাঁদের আড্ডার দিকে।

আড্ডায় কর্মীরা গুম হয়ে বসে ছিল। করার যেন কিছুই নেই। কতকগুলো ব্যবসাদার সমস্ত উত্তোষের পিছনে দাঁড়িয়েছে; তাদের লক্ষ্য ওই মুসলমান ভ্রলোকটির ওই একচেটিয়া ব্যবসা। তার সঙ্গে যারা নেতা হিসেবে দাঁড়িয়েছে তাদের লক্ষ্য ওই আয়রন-চেস্ট এবং আরও একদল আছে যারা চোখ রেখেছে আগামী কাল যে বস্তিটা পোড়াবস্তি হবে সেইটের উপর। এদের সবার পিছনে আছেন বস্তির মালিক যিনি তিনি। গোটা পাড়াটা থেপেছে। বাইরে থেকেও লোক আসছে।

আজও মনে আছে মাথাটা বিম্বিম্ব করে উঠেছিল স্বধাংশুবাবুর। শেষ পর্যন্ত এই পরিণতি হবে ভারতবর্ষের মুক্তিযুদ্ধের? মনে পড়ছে রবি বলে একটি অল্পবয়সী ছেলে বলেছিল - দেশটা কি ক্যাসিন্ট হয়ে গেল স্বধাংশুদা?

স্বকৃত্য ভঙ্গ করে মেয়েটি বললে—আপনার কাছে সেদিন রাত্রে আমার কুৎসিত চেহারা আমি লুকোই নি। লুকুতে আমি পারতাম। কিন্তু আপনার জন্তেই আমি লুকুই নি। আপনার ক্ষতি হত, অনিষ্ট হত।

—হ্যাঁ, তা হত।

ছুরি কিংবা বোমা কিংবা লাঠি ডাঙার ঘায়ে জখম হতে হত। প্রাণান্ত হলেও হতে পারত। সেদিন রাত্রে তাদের দলের আড্ডায় বিপ্লবের ব্যাকরণ নিয়ে এবং ভারতবর্ষের এত পুণ্যের স্বাধীনতার তপস্যা নিয়ে আলোচনার মাঝখানেই বোমা কাটতে শুরু করেছিল। ক্ষুদ্রিরামের ফাঁসি, প্রফুল্ল চাকীর আত্মহত্যা, বিনয় বাদল দীনেশ, চট্টগ্রামের মার্টারদা সর্ব সেনের দৃষ্টাণ্ড কোন্ ভুলে এমনভাবে দাঙ্গাবাজ গুণ্ডাবাজদের বিক্রম ও প্রতাপের কাছে ম্লান হয়ে গেল সেই কথা হতে হতেই দমাদম বোমার আওয়াজ শুরু হয়ে গেল। বুঝতে বাকী থাকে নি বস্তিওয়াল। ব্যবসাদার এবং ধর্মাত্ম মানুষদের জোন্টের জেহাদ আরম্ভ হয়ে গেল। প্রথম শব্দেই চমকে উঠেছিল সকলে।

—আরম্ভ হয়ে গেল ?

একজন ঘড়ি দেখে বলেছিল—এই তো সব সাড়ে আটটা—এত সকালে—

—তার মানে পুলিশ একেবারে নিশ্চিন্ত করে দিয়েছে।

ওদিকে কোলাহল উঠেছিল। তার অর্ধেকটা পৈশাচিক হিংসার উল্লাসের কোলাহল আর অর্ধেকটা আতঙ্ক।

সকলেই প্রায় একসঙ্গে এক সংকল্পে উঠে দাঁড়িয়েছিলেন।

সংকল্প—এই ববর হৃদয়হীন পৈশাচিক আক্রমণকে বাধা দিতেই হবে। রাজনৈতিক চেতনায় সচেতন মন—দুর্ধর্ষ সাহস—নূতন যৌবন, তাঁরা বেরিয়ে পড়েছিলেন ঘর থেকে।

তখন আগুন জ্বলছে। এবং মানুষের সে বীভৎস-উন্নততা, হিংসার সে প্রচণ্ড ভয়াল রূপ বস্তুর চালের দাঁড়াউ আগুনের মত ভয়ংকর থেকে ভয়ংকরতর হয়ে উঠেছে। যে আগুন আলোর মুখে শিখা হয়ে জলে, অন্ধকারে পথ দেখায়, সেই আগুন ঘরের চালে লাগলে মানুষের ভয় হয়। সেই আগুন যখন এমাথা থেকে ওমাথা পর্যন্ত বিস্তীর্ণ হয় তখন দূর থেকেই তার আঁচে মানুষের দেহ ঝলসাঘ আত্মা সংবিস্ত হারায়। তাদেরও সংবিস্ত হারিয়েছিল সেদিন। ওদিকে তখন পাকাবাড়ি থেকে থেকে বহিষ্কৃত মুসলমানটি গুলি চালাচ্ছেন।

একজন শান্তিকামী বিশিষ্ট ব্যক্তি সেই গুলিতে আহত হয়েছেন। তাকে হাসপাতালে নিয়ে যাওয়া হয়েছে। এমনই অবস্থায় জন সাতেক—।

ঠ্যা, তাঁরা সাতজনই ছিলেন। সাতজনেই গিয়ে দাঁড়িয়েছিলেন পাড়াটার সামনে। মনে পড়ে চীৎকার উঠেছিল পাড়ার ভিতর থেকে “নাবায়ে তকদীর। আল্লা হো আকবর।” তার সঙ্গে ছেলেমেয়েদের ভয়ানক কান্নাও শব্দ শোন যাচ্ছিল। এদিকে বাইরে আক্রমণকারীর দল টেচাচ্ছিল। অর্থহীন ভাবে কয়েকটি অস্ত্র পবিত্র ধর্মের উচ্চারণ করে তার সঙ্গে বুকের কথা প্রকাশ করছিল, অকুতোভয়ে কুণ্ঠাহীন কর্ণে চীৎকার করে বলাচ্ছিল—মার মার মার। লাগাও আগুন। জালাও।

এঁরা সাতজনেই চীৎকার করে বলে উঠেছিলেন—না না—। শোন—শোন ভাই সব—

মুহুর্তে একটা বোমা এসে আছড়ে পড়েছিল সামনে। বোমা নয়, জ্বালাকার। প্রচণ্ড শব্দ কবে ফেটে ঠাইটা ধোঁয়ায় আচ্ছন্ন করে দিয়েছিল। গুণ্ডার দল কুৎসিত ভাষায় তাদের গালাগাল দিয়ে চীৎকার করে উঠেছিল—নিকাল শালারা এখান থেকে নিকাল।

আর একজন বলে উঠেছিল—দে, শালাদের ধরে হাত পা বেঁধে ওই আগুনে ফেলে দে।

তাদের দলের সব থেকে ছোট ছেলেটি এই মুহুর্তটিতেই সব থেকে মারাত্মক ভুল করে বসেছিল। তার জামার তলায় লুকানো ছিল একটা—জ্বালাকার নয় বোমা; সেই বোমাটা সে ছুঁড়েছিল ওই বক্তার দিকে নিক্ষেপ করে। কিন্তু হল বিপরীত। বোমাটা এমন ভাবে লাটল যে নাক সিঁটোরগুলো এসে লাগল তাকেই এবং দুটো একটা লোহার টুকরো ওদের দলের দু'একজনকে আহত করে দিলে। ছেলেটা নিজে রক্তাক্ত হয়ে সেইখানে লুটিয়ে পড়ে গেল। এরপর সে এক প্রেততাপ্ত। গুণ্ডার দল ক্ষিপ্ত হয়ে তাদের দলকে আক্রমণ করলে। সে আক্রমণের মুখে



দাঁড়িয়ে মরার মত সাহস ছিল কি ছিল না সে কথা সেদিনও ভাবেন নি, আজ অবস্মাৎ যেন ভেবে দেখতে ইচ্ছে হল একবার।

মন বলছে—হ্যাঁ, সাহস ছিল। কিন্তু অন্য সকলে সম্ভব অসম্ভব হিসেব করে বলেছিল—“লড়াই করা অসম্ভব। এবং এভাবে গুণ্ডার হাতে মরে কোন লাভ হবে না। আমরা মলে ওদের মনে এতটুকু দাগ কাটবে না।” সেই কারণেই সেদিন ঘুরে দাঁড়িয়ে ওই গুণ্ডাদের সঙ্গে লড়াইয়ে যা হতে পারত তার সম্মুখীন হয়ে দাঁড়াতে পারেন নি।

সেদিন তা দাঁড়ালে এই মেয়েটার সঙ্গে দেখা হত না। দেখা হয়ত হত কিন্তু তাকে ঠিক এইভাবে চিনতেন না! এ চেনা যে কত বড়—; কি বলবেন—? লজ্জার? দুঃখের?

যাক, ছুটে পালিয়েছিলেন সকলে। জখম হওয়া ছেলেটাকে নিয়ে পালানো খুব সহজ কথা ছিল না। কিছুটা দূর এসেই ছাড়াছাড়ি হয়ে গিয়েছিলেন সকলে। গোটা পাড়াটার রাস্তায় আলো তখন সব নিভে গেছে। নিভিয়ে দিয়েছে ওরা। বাড়িগুলির দরজা জানালা বন্ধ। তিতরেও আলোর আভাস ছিল না। রাস্তা জনহীন। পিছনে ছুটন্ত হিংস্র গুণ্ডার দল। গুণ্ডারা চোরাগোপ্তা গুণ্ডামি করে—সে সহ্য হয়ে গেছে মাস্তবের, সেখানে গুণ্ডাদের ধরা পড়ার ভয় আছে। আর এ হল গুণ্ডার অবাধ অধিকার। গুণ্ডামি হল এখানে বিশেষ অধিকার।

সুধাংশুবাবু ছুটছিলেন অন্ধকারের মধ্যে। বড় রাস্তা ছেড়ে সংকীর্ণ পথ ধরে এলাকাটা পার হয়ে আসতে চেষ্টা করতে গিয়ে বিপদে পড়েছিলেন। গলিটার ওমাথায় উঠেছিল কোলাহল—সেই আশ্বললন—

মার শালাদের—দে জালিয়ে।

থমকে দাঁড়িয়ে গিয়েছিলেন। কি করবেন? আবার পিছন ফিরবেন? কিন্তু যাবেন কোথায়? অতি সংকীর্ণ কোন গলিপথ—যে পথে মেথরেরা হাঁটে—এমন কোন পথও কি নেই?

নিঃসীম অন্ধকার আর ওই দাঙ্গার ছোট পাড়াটা তখন অন্ধকারের মধ্যে যেন দিকদিগন্তহীন হয়ে উঠেছে। এর মধ্যে তিনি অতল জলে তলিয়ে হারিয়ে যাবার মতই ওই অন্ধকারের মধ্যে হারিয়ে গিয়েছিলেন। হঠাৎ একপাশের একটা বাড়ির নোনাধরা ইটের দেওয়ালের গায়ের সাবেকী আমলের ছোট একটা জানালা খুলে গিয়েছিল। সুধাংশুবাবু অস্থম্ব করেছিলেন জানালার ওপাশে কেউ আছে! আর শুনতে পেয়েছিলেন একটি বাচ্চার কান্না। বুঝতে দেয়ি হয় নি, যে ওপাশে রয়েছে সে কোন মেয়েছেলে। তবুও সুধাংশুবাবু বলেছিলেন বা বলে ফেলেছিলেন—আমাকে একটু আশ্রয় দিতে পারেন? গোলমালটা একটু থামলেই চলে যাব!

গিসগিস করেই মেয়েটি বলেছিল—তুমি কে?

—নাম বললে কি করে চিনবেন? তবে আমি হিন্দু কিন্তু গুণ্ডার দলের হিন্দু নই। গুণ্ডারা আমাকে তাড়া করেছে। গলির দু'মুখে ঢুকে খুঁজছে।

শেষকালটার হঠাৎ নামটা বলে ফেলেছিলেন—আমার নাম সুধাংশু। আমি হিন্দু।

—সুধাংশু! সেদিন মনে হয় নি কিন্তু পরে মনে হয়েছিল শব্দটি উচ্চারণের মধ্যে বিস্ময় ছিল।

স্বধাংসুবাবু বলেছিলেন—হ্যাঁ। মিথ্যে বলি নি আমি। কিন্তু দরজাটা খুলে দেন তো দিন নইলে পাশ দিয়ে কোন রাস্তা বলে দিন। ওরা গলিটার দু'মুখ আগলেছে।

খুব দ্রুত উচ্চারণে চাপা গলায় গৃহমধ্যবর্তিনী বলেছিল—দরজার সামনে আসুন। এই ডাইনে দরজা।

ঘরের মধ্যে এ পর্যন্ত সেই কাঁতুনে ছেলেটা এক-ধরনের ঘ্যানঘেনে কান্না কেঁদেই চলেছিল—হঠাৎ সে এবার ককিয়ে উঠল। কে যেন বললে, সেও মহিলা, একটু ভারী গলায় বললে—ছেলেটাকে মেয়ে ফেল তুই, ছেলেটাকে গলা টিপে শেষ করে দে! এ তরফ থেকে বলেছিল—তুমি থাম তো! চেষ্টা না বেশী।

—ওকি—দরজা খুলছিস কেন? আজকের দিনেও কি তোর—

এবার মেয়েটি চেষ্টা বলে উঠেছিল—থাম বলছি মা তুমি থাম! দরজা খুলে না দিলে মানুষটাকে ওরা মেয়ে ফেলবে!

—ও মা—! তাই বলে তুই—। ও চাপা—চাপা—।

এদিকে দরজাটা খুলে গিয়েছিল। অন্ধকার দরজার মুখটায় ষ্ঠেতবন্দারতা মেয়েটিকে দেখতে পেয়েছিলেন স্বধাংসুবাবু। মেয়েটি বলেছিল—তুকে পড়ুন, দেরি করবেন না।

বাড়ির মধ্যে এসেও তিনি মেয়েটিকে চিনতে পারেন নি।

কেরোসিনের ডিবে আর একটা কালিপড়া হারিকেনের স্বল্প আলোয় মেয়েটিকে দেখে মনে হয়েছিল মেয়েটির প্রসাধন এবং সজ্জাবিলাস বেশ একটু অসংগত। এই বাড়িতে এই পরিবেশে যারা বাস করে তাদের পক্ষে এ বিলাস এ সজ্জা শুধু বৈমানানই নয়—মানে খুঁজতে গেলে একটা খারাপ অর্থই বার বার মনের মধ্যে গর্ত থেকে সাপের মত মুখ বাড়ায়।

তখন ওর বয়স ছিল বোধ করি বছর কুড়ি কি বাইশ, তার বেশী নয়।

মেয়েটি যে ঘরের জানালা থেকে কথা বলেছিল সেই ঘরেই সে তাঁকে এনে বসতে দিয়েছিল, বলেছিল—বসুন এইখানে।

হঠাৎ এতক্ষণে স্বধাংসুবাবুর মনে হয়েছিল মেয়েটিকে যেন তিনি চেনেন—অন্ততঃ দেখেছেন। জ্ঞ কখন করে মনে করতে চেয়েছিলেন কোথায় দেখেছেন।

ঘরখানার মধ্যে দুখানা তক্তাপোশ জোড়া দিয়ে তার উপর দুজনের বিছানা পাতা। দুজনের না, আড়াইজনের বিছানা—অর্থাৎ একজনের বিছানার পাশে একটি ছোট ছেলের বিছানা। বিছানায় শুয়ে একটা রুগ্ন ছেলে কেঁদেই চলেছে। বিরাম নেই—তার অসন্তোষের শেষ নেই, সে অসন্তোষ সে প্রকাশ করে চলেছে ওই কান্নার মধ্যে দিয়ে। ক্লান্ত তিক্ত—হয়তো তার সঙ্গে কোভাও ছিল কিন্তু সব কিছুকে ছাপিয়ে যা ছিল তা দুঃখ এবং করুণা ভিক্ষা। ছেলেটার বয়স হয়েছে—বছর চারেক হবে। কিন্তু এত দুর্বল যে উঠতে পারছে না।

মেয়েটি কিন্তু তাকাচ্ছেও না তার দিকে। সে বাইরে চলে গিয়ে ঘরের কোণের রাণীগঞ্জ টাইলের বারান্দাটার উপর ঘরের দিকে একেবারে পিছন ফিরে বসে নিশ্চিত হয়েছিল। স্বধাংসু

বাবু ভাবছিলেন—মেয়েটি কে ? দেখা মনে হচ্ছে, ই্যা, দেখেছেন তিনি । কোথায় দেখেছেন ? কোথায় ? ক্রমশঃ মনে হচ্ছিল যেন বেশ চেনা । কিন্তু কে ? হঠাৎ ছেলেটা যাকে বলে একেবারে ককিয়ে ওঠা সেই ককিয়ে কেঁদে উঠেছিল । সুধাংশুবাবু ব্রহ্ম হয়ে উঠেছিলেন । কিছু হল নাকি ছেলেটার ? এবং প্রত্যাশা করছিলেন মেয়েটি এবার এসে ছেলেটিকে তুলে নেবে । কিন্তু আশ্চর্য মেয়েটি চঞ্চল হয় নি । বাইরে সেই বয়স্ক মেয়েটি বলে উঠেছিল—দেখ কি হল ছেলেটার ? চাপা !

মেয়েটি তীব্র তীক্ষ্ণ জালাভরা কণ্ঠে জবাব দিয়েছিল—মরুক—মরুক আপদটা মরুক । আমি পারব না—তুই দেখ ! ওটাকে ছুঁতে ঘেরা লাগে আমার । সত্যিই সে নড়ে নি, যেমন বসে ছিল তেমনি বসেই থেকেছিল । এসেছিল সেই বয়স্ক মেয়েটি, মাথায় ঘোমটা টেনে কালীতে কালো লঠনটা হাতে নিয়ে ঘরে ঢুকে ছেলেটার কাছে এসে দাঁড়িয়ে বলেছিল—ও মাঃ—মরে যাই মরে যাই—ওরে ভেয়ো পিপড়েতে কামড়ে ধরেছে রে । চাপা আয় আয়—ছাড়িয়ে দে ছাড়িয়ে দে ।

আশ্চর্য মা ।

সেই গাল সেই একমাত্র গাল বর্ষণ করতে করতে এবার এসে ঘরে ঢুকেছিল—মরুক । মরুক । মরুক । মরে যা তুই । মরে যা ।

অবাক হয়ে সুধাংশুবাবু এই মেয়েটির দিকে তাকিয়েছিলেন । তিনি যেন ঠিক বুঝতে পারছিলেন না ।

মা বলেছিল —ওব অপরাধ কি বল ।

অপরাধ যে কি তা' বলে নি সেই বিবাক্তজিহ্বা মা ।

জ্বিলে তার আশ্চর্য বিষ । কামডাতে হয় না—জ্বিল থেকে যেন বিবাক্ত লাল ঝরে পড়ে, হয়তো ছিটিয়ে ছড়িয়ে পড়ে । সেই তিক্তমন এবং বিবাক্তজিহ্বা মা ছেলেটার কাছে এসে বলেছিল—কি হয়েছে ? ছেলেটা হাত তুলে দেখিয়েছিল । সে স্বল্প আলোতেও সুধাংশুবাবু দেখেছিলেন হাতের আঙুলে একটা ভেয়ো পিপড়ে কামড়ে ধরে বুলছে ।

লঠনটা কাছে এনে মা নিষ্ঠুর টানে সেটাকে এবং আলোতে দেখেত্তনে আরও একটা পিপড়েকে চি'ড়ে মাটিতে ফেলে নিজের পা দিয়ে পিষে মেরেছিল নিষ্ঠুর আক্রোশে ।

লঠনটা তুলে ধরে মুখ নামিয়ে যখন মেয়েটি ছেলেটার কোথায় পিপড়ে ধরেছে দেখছিল সেই সময় আলোব আভা বেশ উজ্জ্বল হয়ে তার মুখের উপর পড়েছিল । তার যে একটি অশোভন প্রসাধনবিলাসিতার ও বিলাসসজ্জার আভাস তাঁর এবাড়ি ঢুকবার মুখেই চোখে পড়েছিল এবার সেটুকু স্পষ্ট হয়ে উঠেছিল । সেটা আর সেটুকু বলে এতটুকু কিছু নয়, সেটুকু যেন অনেকটুকু ।

মেয়েটিকে ভাল দেখতে পান নি তিনি । এবার দেখলেন মেয়েটি পূর্ণযুবতী এবং আশ্চর্য একটি আকর্ষণ আছে তার, তার উপর তার কেশপ্রসাধনে এবং বিলাসসজ্জায় একটি ঘোষণা আছে ।

তবুও ঘরখানির মধ্যে বিপণি সাজাবার মত কোন আয়োজন নেই । একটা দৈন্ত ফুটে রয়েছে চারিদিকে । গৃহস্থঘরের পরিবেশ চারিপাশে অত্যন্ত স্পষ্ট । এর মধ্যে বেমানান একমাত্র সেই মেয়েটি নিজে । হঠাৎ চোখ ফুটল তাঁর ।

মেয়েটির বেশভূষায় প্রসাধনে বিলাসের ও লালসার যে ঘোষণাই থাক, মেয়েটির পরনের বেশভূষার রঙের ঔজ্জ্বল্য নেই। সিঁধিতে সিঁদুর নেই। কপালে টিপ নেই। সাদা সিঁধি ঘিরে একরাশি চুল নিয়ে যে পরিপাটী কেশপ্রসাধন সে করেছে তার কাছে সিঁদুর কুমকুম লিপস্টিক বিচিত্রিত অনেক মুখ লজ্জা পাবে। পরনে সাদা ব্লাউজ—সাদা জামি ফিতেপাড় শাড়ি।

ছেলেবেলা মনে পড়ল—মিনার্তায় শাস্তি কি শাস্তি নাটক অভিনয় দেখেছিলেন। তাতে বিধবা মেয়ে ‘ভুবন’ ভণ্টা হয়ে সাদা খান আর সাদা সায়্য ব্লাউজে যে অপূর্ব মোহিনী রূপ ফুটিয়ে তুলেছিল তাকে দেখে নায়ক মেয়ের বাপ চমকে উঠেছিলেন এবং বাড়ি ফিরে এসে স্ত্রীকে অর্থাৎ মেয়ের মাকে বলেছিলেন—“ভুবনের বিবি-রূপ দেখে এলাম। মেয়ের অলঙ্কার খুলতে সিঁধির সিঁদুর মুছতে কেঁদেছিলে তুমি। ভুবনকে এবার একবার দেখে এসে চক্ষু সাংক কর।”

সেই রূপের আভাস এখনও মেয়েটির সর্বাঙ্গে। সামনে দাঁড়িয়ে রয়েছে। ইচ্ছে হচ্ছে তাড়িয়ে দি। কিন্তু না, তা তিনি পারেন না। হ্যাঁ, তা তিনি পারেন না।

সেদিনও রাত্রে এ মেয়েটির উপর দারুণ ঝুণায় তিনি চলে আসতে চেয়েছিলেন। মনে পড়ছে -- ঠিক এই মুহূর্তেই—কেউ একজন সেই জানালা যে জানালাটা খুলে মেয়েটি তাঁকে দেখেছিল এবং তিনিও তাকে দেখে আশ্রয় চেয়েছিলেন সেই জানালায় ঢোকা দিয়েছিল কেউ। চমকে উঠে শঙ্কিত হয়েছিলেন তিনি।

তার চোখের সামনে একটু দূরে মা এবং মেয়ে পরস্পরের দিকে নিম্পলক নির্বাক হয়ে তাকিয়েছিল কয়েক মুহূর্ত। চারটি চোখের দৃষ্টি থেকেই যেন আতঙ্ক ডাক মারছিল।

টোকা বা শব্দ আরও জোরে পড়েছিল। মেয়ে এবার আতঙ্কান্নাকান্না ছেলেটাকে মায়ের কোলে দিয়ে বলেছিল—আরও জোরে কান্না এটাকে।

কান্নাতে হয়নি—ছেলেটা আপনিই কেঁদেছিল। ছেলেটাকে ভাল করে দেখেছিলেন এবার ; রোগা অযত্নশীর্ণ দেহ। দিদিমার কোল থেকে ভেঙে পড়ে বুঁকে মায়ের দিকে হাত বাড়িয়ে-ছিল। কান্নার চীৎকার ক্রুদ্ধ এবং উচ্চ হয়ে উঠেছিল।

মেয়েটি জানালার দিকে এগিয়ে যেতে যেতে থমকে দাঁড়িয়ে তাঁকে বলেছিল—আপনি একটু নেমে বসুন--এই তক্তাপোশের নিচানায়। একটু আড়াল দিয়ে বসবেন। আমি জানালা খুলব—ওরা দেখতে পেলে বিপদ হবে।

সুধাংশুবাবু তাই বসেছিলেন।

মেয়েটি জানালা খুলে বলেছিল—কি ? কি বলছ কি ? এই দাঙ্গার মধ্যে আমি বাড়ি থেকে পা বের করব না।

—নেহি নেহি। মালিক সাব বলিয়ে দিয়েছেন কুছ ডর না করবেন। কুছ ডর নেহি না। কোই হামলা হোগা তো হমি লোক দেখে গা।

—আচ্ছা।

—আউর সাহাব তিন-চার রোজ আসবেন না।

—আচ্ছা। বলে দরজা বন্ধ করে দিয়েছিল মেয়েটি।

বাইরের লোক দুটির আরও কিছু কথা এরই মধ্যে ছিটকে এসে পড়েছিল ঘরের মধ্যে।  
যার অর্থ—মালিক সাহাব শারোরার উপর শয়তান খুলী ছায়। দেখনা কায়সা এক গুরু  
কাজ করিয়েছে।

শেষ কথা শুনেছিলেন—হ্যাঁ, তবু বলতে হবে লোকটা জাঁদরেল বটে আর দিলওয়ার আদমী।  
কথাগুলো আশ্চর্যভাবে অর্থসম্বিত হয়ে উঠছিল তখন সেই মুহূর্তে তাঁর কাছে। তিনি তক্তা-  
পোশের ধারে গুঁড়ি মেয়ে মাথা নামিয়ে বসেছিলেন। প্রথমেই নাকে ভক করে একটা গন্ধ  
এসে পৌঁচেছিল। তারপরই চোখে পড়েছিল একটা বোতল।

গন্ধ মদের এবং বোতলও মদের। কিন্তু মূল্যবান বিলিভী মদের। ওদিকে কানে আসছিল  
ওই সব কথাগুলি। মেয়েটি বিচিত্রকপিণী হয়ে উঠছিল তাঁর কাছে। জানালা বন্ধ করেই মেয়েটি  
বলেছিল—এবার উঠুন। বসুন ভাল করে। আর কেউ আসবে না।

স্বধাংসুবাবু উঠে দাঁড়িয়ে বসেন নি, দরজার দিকে পা বাড়িয়ে বলেছিলেন—না, আমি এবার যাব।

—যাবেন? চমকে উঠেছিল মেয়েটি। তারপরই তার কপাল কুঁচকে উঠেছিল এবং  
বলেছিল—যাবেনটা কোথায়?

—বাড়ি—আমার বাড়ি এখান থেকে খুব দূর নয়।

—সে জানি। কিন্তু তা হলেও এখন যাওয়া যায় না। যাদের ভয়ে এখানে ঢুকেছেন তারা  
গলিতে রয়েছে।

—তা থাক। সে ব্যবস্থা আমি করব। তার জন্তে ভেবো না তোমরা।

মেয়েটির চোখের পাতা দুটো চকিতে বিস্ফারিত হয়ে যেন ঝলসে উঠেছিল, বলেছিল—অ।  
তার জন্তে ভাবতে হবে না মানে আপনার জন্তে। তা না হয় ভাবলাম না কিন্তু আমাদের  
জন্তে আমরা ভাবব তো! না—তাও পাব না!

—মানে?

—ওরা যখন দেখবে কি জানতে পারবে আপনাকে আমরা আশ্রয় দিয়েছিলাম তখন আমাদের  
হবে কি সেটা ভাবতে পারেন না পারেন না!

স্বধাংসুবাবু সেই মজপড়া সাপের মত মাথা নিচু করে বসে ছিলেন। রাত্রি দুটো পর্যন্ত বসে  
থাকতে হয়েছিল। তারা নিশ্চক হয়ে বসে ছিল। তিনি মাথা নিচু করে বসে ছিলেন। শুধু  
ওই ছেলেটা ক্রমাগত কেঁদে গিয়েছিল অশ্রাস্ত কান্না।

আর এই বিধাক্তজিহ্বা নিষ্ঠুর থেকে নিষ্ঠুর ক্রোধে বার বার বলেছিল—মর মর, তুই মরে যা।

স্বধাংসুবাবু স্বক চিত্ত নিয়েই অসহায়ভাবে মেঝের দিকে তাকিয়ে বসেছিলেন।

বাইরের গলিপথটাই একরকম দাঙ্গার কেন্দ্র, বস্তিটার দক্ষিণ সীমানার শেষ প্রান্ত। গলিটার  
ওমাথায় এমাথায় ইকাইকি চলছে। কখনও ছুটন্ত মানুষের পায়ে শব্দে ফিসফাস কথায়  
হাসিতে মধ্যরাত্রি চমকে চমকে উঠছে। কখনও তীব্র শব্দে সিটি বেজে উঠছে।

আর একটু ওপাশ থেকে ভয়ার্ত মানুষের সাড়া উঠছে।

স্বধাংসুবাবু ভাবছিলেন—মেয়েটি ঠিকই বলেছিল। বেশ হয়ে পড়লে বিশদ ঘটতে পারত।

রাজি তখন ছোটো বাজতে পনের মিনিট—তখন গল্পপথটা নীরব নিস্তর হয়ে এসেছিল, স্পষ্ট মনে হয়েছিল, এবার আক্রমণকারী আক্রান্ত হিংসা জোথ ভয় আতঙ্ক সব ক্লাস্ত হয়ে পড়েছে। তাঁর নিজের ভায়রীতে স্বরণীয় দিনের স্বরণীয় ঘটনা লিখে রাখেন। তিনি ঠিক এই কথাগুলিই লিখে যেতেছেন—আক্রমণকারী আক্রান্ত দু'দলই ক্লাস্ত হয়েছে—হিংসা জোথ তার সঙ্গে ভয় আতঙ্ক সব যখন ক্লাস্ত হয়ে পড়ে, তখন এক আশ্চর্য ঘুম আসে। সে ঘুমের তুলনা ঈশ্বরের করুণার সঙ্গে।

এইবার তিনি উঠবেন ঠিক করেছিলেন।

তাকিয়েছিলেন ওদের দিকে। মেয়েটির মা ঘুমুচ্ছে মেঝের উপর শুয়ে। বিছানাটা খালিই পড়ে আছে। মেয়েটি ঘুমুচ্ছিল বসে দেওয়ালে ঠেস দিয়ে। লণ্ঠনের আলো পড়েছিল তার মুখের উপর। মাথাটি ঈষৎ হেলে পড়েছিল পিছনদিকে। মেয়েটির সত্যিই একটা মোহ আছে।

কপালে দু'পাশে ঢলকো করে নামিয়ে পিছনে একটি এলো খোঁপা। পরনে ফিতেপাড় শাড়ি গায়ে সাদা ব্লাউজ। বোজা চোখে কাজলের রেখার আভাস। গলায় বিছেহার কানে টাপ হাতে চারগাছা করে চুড়ি। শুধু জেগে ছিল সেই ছেলেটা। কাঁহুনে ছেলেটা আর কাঁদছিল না। তার ঘুমন্ত মায়ের কোলে বসে আপনমনে লণ্ঠনের আলোতে খেলা করছিল।

সেই মেয়েই আজ তাঁর সামনে দাঁড়িয়ে।

১৯৪৮ সাল—আর ১৯৬০ সাল।

আজও দেখলেন সেই আভরণগুলি। কিন্তু বেশভূষার মধ্যে আজ আর প্রসাধন নাই পারিপাট্যও নাই তবে অভ্যস্ত ছাঁদ ছাড়ে নি তার বেশভূষা। চোখের পাতায় আজ আর কাজল নেই কিন্তু কোলে কোলে মর্গাস্তিক শোকের অসহনীয় দাহ বা হাহাকারের একটা কালো আভাস জেগে উঠেছে।

স্বধাংসুবাবু তার দিকে তাকিয়ে ছিলেন কিন্তু তাঁর মন চলে গিয়েছিল সেই অতীত কালে—এখন থেকে চৌদ্দ বছর আগে। এবং কয়েক মিনিটের মধ্যে মনের মধ্যে স্মৃতিস্মরণে সমস্ত ছবিগুলো পরের পর ভেসে গেল।

মেয়েটির সে রাত্রের ছবি আজও জ্বলজ্বল করছে।

বিধবা মেয়ের ওই প্রসাধন ওই পোশাক, ঘরের তক্তাপোশের তলায় মদের বোতল, সেই অন্ধকার এবং গোলমালের রাত্রিও জানালায় টোকা, তারপর সেই সব কথাবার্তা তার পরিচয়ের কোন একটু স্থানও গোপন রাখে নি। মেয়েটা পরিচয় দিতেও এতটুকু সংকোচ করে নি। পরবর্তীকালে স্বধাংসুবাবু চাঁপাকে ভাল করে না হোক—তাই বা কেন মোটামুটি বেশ চেনাই চিনেছেন। হিসেব করে দেখলে বলতেই হবে যে, ওই যে প্রথম রাজির সেই চেনা বা দেখা তাই পরবর্তীকালে বেশী করে সত্য এবং স্পষ্ট হয়ে উঠেছে।

না, পরের দিনই ওর আর একটা পরিচয় পেয়েছিলেন। এবং তাতেই সম্পূর্ণ হয়েছিল মেয়েটির পরিচয়।

পরের দিন সকালবেলা তিনি খবরের কাগজের উপর চোখ বুলাচ্ছিলেন—দেখছিলেন কাল রাত্রের হাওড়ার বস্তির ঘটনা সম্পর্কে কি রিপোর্ট বেরিয়েছে। শাক দিয়ে মাছ যেমন ঢাকা যায় না—মাছের চেহারা দেখা না গেলেও যেমন গন্ধে ধরা পড়ে তেমনিভাবেই একথা আজ প্রমাণিত যে পশ্চিমবঙ্গে জাতীয়তাবাদী সংবাদপত্রগুলি জাতীয়তাবাদের যে ফোড়ং দিয়ে সংবাদ-ব্যাঙ্গন পরিবেশন করেন তা থেকে হিন্দুদের তেলকাঁটার গন্ধ ওঠে। একটু চেঁচা করলেই কাঁটা বেরিয়ে পড়ে। ‘ঈং হি দুর্গা দশপ্রহরণধারিণী’র পূজোকে নামে সর্বজনীন করে তুললেও মিথ্যা এবং সাম্প্রদায়িকতার গোড়ামি থেকে মুক্তি এ জাত পায় নি। ঈশ্বর আল্লা তেরে নাম বলে ভজন গাইলেও অস্থিম সময়ে গান্ধীজী হায় রাম বলেই বিলাপ করেছিলেন।

সন্দেহটা তাঁর অমূলকও ছিল না। কাগজে সম্পন্ন মুসলমান ভদ্রলোকটির উপরেই প্রথম দোষ চাপানো হয়েছে। তিনি গুলি চালিয়েছিলেন এই খবরটাকেই বড় করে ধরে স্বকোশলে এই ধারণাই সৃষ্টি করা হয়েছে যে, গুলি চালানোই হল গতকালের বস্তি আক্রমণের প্রথম হেতু। এবং একমাত্র হেতু।

বিশেষ কিছু করতে হয় নি; শুধু মোটা হেডলাইনে ঘোষণা করেছেন—‘সাম্প্রদায়িক কলহে আগ্নেয়াস্ত্র ব্যবহার।’ ‘সংখ্যালঘু সম্প্রদায়ের জটনৈক ধনী কর্তৃক চৌদ্দ রাউণ্ড গুলি ব্যবহার।’ তারপর দেওয়া হয়েছে—‘দলবদ্ধভাবে উত্তেজিত অপরপক্ষ কর্তৃক বস্তির উপর নিষ্ঠুর আক্রমণ। গৃহে অগ্নিসংযোগ। সমস্ত বস্তুটি ভস্মীভূত।’

ক্রুদ্ধিত করে কাগজখানার ওই ছাপা লাইনগুলোর দিকে তাকিয়ে ছিলেন এবং গত রাত্রের সেই ভয়াবহতা স্মরণ করছিলেন। হঠাৎ নজরে পড়েছিল বাড়ির সামনের রাস্তাটা ধরে একটি মেয়ে চলে গেল। একটি গলিপথ ধরে মেয়েটি রাস্তার উপর পড়ল এবং হাত তিরিশেক সোজা হেঁটে গিয়ে ওপারের একটা গলিপথে ঢুকে গেল।

পরনে ফিতেপাড় শাড়ি—সাদা রাউজও আছে কিন্তু তা সাধারণ—তাতে কোন ফ্যাশন নেই; পিঠের উপর পড়ে আছে ভিজে একপিঠ চুল; তাতে চিরুনি দেওয়া হয় নি, চুলগুলি এখনও ভিজে; মেয়েটি সত্য সত্য করেই। পাশ থেকে মনে হল চিরুনি দেওয়া না হলেও কেশ-বিভ্রাসের একটি ছাঁদ অনেক দিনের পাট ও ইস্ত্রি করা জামার হাতা বা পেটালুনের পায়ের দাগের বা ভাঁজের মত কায়ম হয়ে গেছে। বুকখানা ধরক করে উঠেছিল তাঁর।

এই তো সেই মেয়ে। সেই কালকের রাত্রের মেয়ে।

চঞ্চল হয়ে তিনি উঠে দাঁড়িয়েছিলেন। কাগজখানা কেলে দিতে দিতেই কয়েক পা এগিয়ে এসে থমকে দাঁড়িয়ে গিয়েছিলেন।

এ কি করছেন তিনি! মেয়েটি ততক্ষণে উত্তরমুখে ওপারে গিয়ে পশ্চিমদিকের একটা ছোট রাস্তার মোড় ঘিরে অদৃশ্য হয়ে গিয়েছিল।

কিছুক্ষণ, বোধ করি মিনিট তিনেক পর তিনি নিজেকে আর সংবরণ করতে পারেন নি—

ক্রতপায়ে পথের উপর নেমে এসে, এগিয়ে গিয়ে, যে-রাস্তায় মেয়েটি মোড় ফিরেছে সেই রাস্তায় মোড়ে দাঁড়িয়েছিলেন। কিন্তু আর দেখতে পান নি। পশ্চিমমুখো রাস্তাটা প্রায় গজ পকাশেক গিয়ে একটা বাঁক বেঁকেছে—ততদূর পর্যন্ত রাস্তার মধ্যে তার আর কোন সন্ধান মেলে নি। রাস্তায় তখনও খুব লোকজনের সময় নয় এবং ওদিকটা একটু নির্জনও বটে। দুই রাস্তার মোড়ের উপর যে-বাড়িটা সেটা বর্ধিকু ধনীজনের বাড়ি, বাড়ির গেটে পাহারা আছে—গুর্খা দারোয়ান আছে—পালা করে পাহারা দেয়। সেই ফটকটার সামনে কলরব করছিল দাঙ্গায় বস্তি থেকে উচ্ছেদ হওয়া একদল মানুষ। অবশ্যই তারা সংখ্যাগরিষ্ঠ সম্প্রদায়ের লোক। এই ভোর-বেলা থেকে হতভাগোরা ক্ষুধা অনুভব করছে। ছেলেগুলো কাঁদছে চোঁচাচ্ছে—বয়স্কেরা কাতর-ভাবে বাড়িটার দিকে তাকিয়ে আছে—মধ্যে মধ্যে হাঁকছে—বাবু! বাবু! বাবু মশা—য়!

আজও মনে পড়ছে দুটো কুকুর কয়েকটা কাক দুটো গরু এবং ময়লা টব মাথায় করে একজন জমাদারগী চলে যাচ্ছিল; এ ছাড়া আর লোক ছিল না রাস্তাটায়। রাস্তাটা ছোট রাস্তাই বটে। আগে এ রাস্তায় সবটাই বস্তি ছিল—এখন এই মোড়ের দিকটা ভেঙে খান দুই তিন বড় বাড়ি তৈরি হয়েছিল কিছুদিন আগে। পর পর দুখানা বাড়ির মালিকেরা যুদ্ধের বাজারে কৈপে ওঠা বড়লোক।

এরই মধ্যে কোথায় যে গেল মেয়েটি, ভেবে পেলেন না তিনি। রাস্তার মোড় থেকে পর পর তিনখানা বড় বড় বাড়ি। তারপর রাস্তাটা আর রাস্তা নেই, একটা নোংরা গলিপথে পরিণত হয়েছে। তার দু'দিকেই বস্তি। এ সেই পুরনো কালের, বোধ করি মহারানী ভিক্টোরিয়ার আমলে প্রতিষ্ঠা করা বস্তি। বস্তির ভিতরের রাস্তাটা বারো মাস কাঁদা হয়ে আছে। মধ্যে মধ্যে দুর্গমতম জায়গায় ইট পাতা। মাথার উপর সূর্য এলে তবে কিছুক্ষণের জন্যে রোদদূর নামে। এখানকার বাড়িগুলো বা ঘরগুলো বাড়িও নয় ঘরও নয়—ঝুপড়ির মত একটা অন্ধকূপ। মাথা তুলে সোজা হয়ে দাঁড়াতে পারে মেয়েরা, পুরুষদের মাথা झুইয়ে থাকতে হয়। এবং এই বস্তিতে যারা থাকে তারা সম্পূর্ণ স্বতন্ত্র মানুষ। তাদের সঙ্গে তো এই মেয়ের কোন মিল নেই। এ বস্তিতে থাকে এদেশী ঘরামীর দল, কিছু রাজে-তার-কাটা ডাকাবুকে ছেলে, কিছু হিন্দুস্থানী মজুর আছে তারা মাটি কাটে, কিছু ওড়িয়া মজুর থাকে। একদিকের অংশটায় কিছু রাজমিস্ত্রী এবং মজুর-মজুরনী থাকত, তাদের এলাকার শেষে বিচিত্র সেই ইরানী বেদেরা এসে তাঁবু গেড়ে মধ্যে মধ্যে আড্ডা গাড়ত। এদের মধ্যে আরও আছে—খুনে গাঁটকাটা চোর, বে-আইনী গাঁজা অপিয়নের কারবারী। এরা এখানকার পাকা বাসিন্দে নয় তবে একটা করে লুকোবার আড্ডা পেতে রেখেছে।

এই মেয়ের কাল রাজে যে-চেহারাই দেখে থাকুন সে-চেহারার সঙ্গে বস্তির বাসিন্দেদের কোন মিল নেই। ওই বস্তিতে সে গেল কোথায়? বিশেষ করে আশ্চর্য লাগল এই যে, মেয়েটি স্নান করেছে এই সকালে এবং একখানি পরিচ্ছন্ন ফিতেপাড় ধুতি পরে বেরিয়েছে। যার মধ্যে শুচি-শুদ্ধতার একটি আভাস আছে। ওই বস্তিতে যারা থাকে তারা থাকে—তাদের কথা আলাদা কিন্তু যারা থাকে না তারা ওই বস্তিতে ঢুকলে বেরিয়ে এসে স্নান না করে মনে মনে অশুচির তা. র. ২০—২(ক)



অশান্তি অনুভব করবে। স্নান করে ওই বস্তির মধ্যে ঢোকা অসম্ভব তাতে তার সন্দেহ নেই।

এ মেয়ে কালকের সেই মেয়ে কিনা তাই নিয়ে কোঁতুহলের তাঁর অন্ত ছিল না। কেন যে সে কোঁতুহল জেমেছিল সে প্রশ্ন সেদিন করেন নি—আজ কিন্তু না করে পারলেন না।

না, তা নয়। কোন আকর্ষণ ছিল না।

শুধু কোঁতুহল। চকিতের মত মেয়েটির মুখের একপাশ দেখে তিনি চমকে উঠে বারান্দা থেকে নিচে রাস্তায় নেমে এসেছিলেন। ততক্ষণে মেয়েটি তাঁকে পিছনে ফেলে রেখে সামনে এগিয়ে গিয়ে চাটুক্ষেদের বাড়ি যে রাস্তায় সেই রাস্তায় মোড় নিয়েছে। তার পিছনটা দেখে মনে হয়েছিল, এ মেয়ে সেই মেয়ে। কাল রাত্রে আধো অন্ধকার ঘরখানা ও বারান্দার মধ্যে তাকে চলতে ফিরতে যতটুকু দেখেছেন তার সঙ্গে এ মেয়ের চলনের, পিছনদিকের আশ্চর্য মিল। তাই তাঁকে কোঁতুহলী করেছিল সেদিন। রাস্তার উপর নামিয়ে এনেছিল। রোমান্স কিছু ছিল না। তবে এ কথা ঠিক যে গতরাত্রে যে-পরিচয়টি তার পেয়েছিলেন সে-পরিচয়টা না পেলেই ভাল হত। এবং কোঁতুহলটা অহেতুকভাবে মাজা ছাড়িয়েছিল। আজও মনে রয়েছে তিনি ফিরে আসেন নি এগিয়েই গিয়েছিলেন। দু'পাশে তিনখানা বড় বাড়ি। সব থেকে বড় বাড়িটা পুরনো অনেক দিনের, তাদেরই বাড়ির সামনে খানিকটা জায়গা আছে, ফটক আছে, ফটকে দারোয়ান আছে। বাড়ির সামনে ভিথিরীর দল দাঁড়িয়ে আছে। বিপরীত দিকে পাকা বাড়ি দুখানা এবং অপেক্ষাকৃত নতুন। ওই বস্তু ভেঙেই এ দুখানা তৈরী হয়েছে দ্বিতীয় মহাযুদ্ধের পরে। এরা একই বংশের তিন শরিক। লোহালকড়ের ব্যবসা আছে কারখানা আছে। বস্তু আছে। নতুন বাড়ির মালিক যারা তারা অল্প অংশের শরিক কিন্তু তারা মডার্ন—যুদ্ধের সময় কন্ট্রাক্টরী করে নতুন ভাগ্য তৈরী করেছে।

বেশী দূর না, অল্প খানিকটা যেতেই হঠাৎ তাঁর ঠিক সামনেই ওই দুখানা বাড়ির দ্বিতীয় বাড়িটার দরজা খুলে মেয়েটি বেরিয়ে এসে থমকে দাঁড়িয়েছিল দাওয়া বারান্দার উপর। মেয়েটি বোধ হয় প্রত্যাশা করে নি যে, তিনি এতদূর এগিয়ে তাকে দেখতে আসবেন। সে থমকে দাঁড়িয়ে গিয়েছিল। শ্রীমতী মেয়ে। তখন বয়স বোধ হয় বাইশ-তেইশের বেশী ছিল না। পূর্ণ যৌবন তখন। কিন্তু সর্বাপেক্ষে অপুষ্টির শীর্ণতা ছিল। কিন্তু মুখে একটি সক্রিয় কিছুই আবদান ছিল। নারী পুরুষকে যে লাবণ্য দিয়ে আকর্ষণ করে সে লাবণ্যকে আরও যেন বেশী মিষ্ট করে তুলেছিল।

মনে পড়ছে আগের দিন রাত্রে তার যে কেশবিজ্ঞাস, তার যে ছন্দ সে তার স্নান করা এলো চুলের মধ্যেও জড়িয়ে এবং ছড়িয়ে ছিল। শুধু চুলে কেন, তার স্নান করা তেল-চকচকে কপালে, তার চোখের কোলেও কি কিছু ছিল না যাকে গতরাত্রে পরিচয়ের আভাস বলা চলে? ছিল, কিন্তু তাকে আজকের মত প্রেতিনীর পরিচয় বলে ধরে নেওয়া যেত না। মেয়েটির মুখ সেদিন মুহূর্তে বিবর্ণ হয়ে গিয়েছিল। যাকে বলে 'ন যযৌ ন তসৌ' তেমনি ভাবে দাঁড়িয়ে ছিল তাঁরই মুখের দিকে চেয়ে। তার ভাঁজকরা বা হাতের চোটের উপর একটা পিতলের খালান্ন কিছু ছিল। আধমিনিটখানেক লেগেছিল তার আত্মসংবরণ করতে। তারপরেই তার মুখখানা

লাল হয়ে উঠেছিল। জামবর্ণ মেয়ে—মাধবীর টকটকে কচি পাতায় রত হয়ে উঠেছিল মুখ-  
খানার রঙ। চোখের দৃষ্টি ফিরিয়ে ডান হাত দিয়ে বাঁ হাতের থালাখানাকে নামিয়ে কতকগুলো  
বাসী ফুল আর বেলপাতা একথানা শালপাতায় মুড়ে বাড়িখানার দক্ষিণে বস্তির পাশ দিয়ে গরু  
দুটোর দিকে ছুঁড়ে ফেলে দিয়েছিল। এবং সঙ্গে সঙ্গেই পিছন ফিরে গিয়ে বাড়ির ভিতরে ঢুকে  
দরজা বন্ধ করে দিয়েছিল। একসঙ্গে ছুটে এসেছিল গরু দুটো—ওদিক থেকে কুকুরটা এবং  
পথের কাক কয়েকটাও লাফ মেয়ে মেয়ে এগিয়ে এসেছিল।

এর পর ব্যাপারটা এবং মেয়েটির পরিচয় আর খুব অস্পষ্ট মনে হয় নি। মেয়েটি এ বাড়ির  
নয়—এ বাড়ির মেয়ে ওই ভাঙা একতলা বাড়িতে নিশ্চয় যাবে না, যাবার কথা নয়। ওইটেই  
হয়তো ওর বাড়ি। এ বাড়িতে সকালে এসেছে কাজ করতে। এ বাড়ির পূজোর বাসী ফুল  
ফেলা বোধ করি ওর প্রথম কাজ। পূজোর বাসী ফুল তাতে ভুল নেই, নইলে ফুলের মধ্যে  
জবা থাকত না এবং তার সঙ্গে বেলপাতা থাকত না।

হায় দেবতা, তোমার ভাগ্য! এবং তোমার শুচিতার কপাল!

ফিরে এসেছিলেন তিনি সেদিন। প্রায় নিঃসন্দেহ হয়েই ফিরে এসেছিলেন। তবুও স্থানান্তিত  
হতে লেগেছিল আরও কিছুদিন। কারণ সেদিন রাতে তার সেই আচরণ—যে-আচরণ অন্ততঃ  
সে তাঁর সঙ্গে করেছিল তার মধ্যে তো কোন গ্লানি ছিল না। তিনি তাকে বিপন্ন হয়ে  
আশ্রয় চেয়েছিলেন—সেও তাঁকে সেই আশ্রয়ই দিয়েছিল। কোন সংকীর্ণতা তার মধ্যে  
ছিল না। এবং সারাটা জ্ঞান—সে তো কম সময় নয়—রাত্রি সাড়ে দশটা থেকে প্রায় দুটো  
পর্যন্ত সাড়ে তিন ঘণ্টা। এর মধ্যে সে তাঁর দিকে কি একবারও অপরিচ্ছন্ন দৃষ্টিতে  
তাকিয়েছিল?—না। এবং পরের দিন সকালে ওই দাওয়ায় দাঁড়িয়ে তার ওই যে ফ্যাকাশে  
হয়ে যাওয়ার সবিনয় অপরাধ স্বীকৃতিকেও তিনি তো অপবিত্র অশুচি বলে মানতে পারেন নি।  
তিনি জানতে চেষ্টা করেছিলেন। কিন্তু পরের দিন সকালে আর মেয়েটিকে দেখতে পান নি।  
তিনি সকালে উঠে খবরের কাগজ হাতে তাঁদের বাড়ির বারান্দায় বসে রাস্তার দিকেই তাকিয়ে  
ছিলেন—কিন্তু সে আসে নি। দ্বিতীয় দিন তৃতীয় দিন পর বুঝতে পেরেছিলেন সে যায় না—  
তার বদলে যায় একটি আধবয়সী বিধবা মেয়ে। একটু লম্বাটে মাথায়, মাথার চুল ছোট করে  
ছাঁটা, পরনে ব্লাউজ সায়া নয় শুধু শেমিজ; শেমিজের উপর আধ-ময়লা থান-কাপড় পরে  
মেয়েটি ঠিক ওই সময়েই তাঁর সামনে দিয়ে গিয়ে ওই রাস্তায় ঢোকে। চতুর্থ দিন সন্ধ্যাওঁবাবু  
তাকে অহুসরণ করেছিলেন। এবং দেখেছিলেন এ মেয়েটিও ঠিক সেই বাড়িতে ঢুকে সর্ব-  
প্রথম পূজোর থালা হাতে বাসী ফুল বেলপাতা ওই সেই গরু দুটোর মুখে দিয়ে থালি থালা  
হাতে বাড়ি ঢুকেছিল গিয়ে। চিনতে বাকী থাকে নি এ বিধবা তারই মা। তার সঙ্গে আরও  
একটা ছোট সত্য তাঁর কাছে প্রতিভাত হয়েছিল যে, ওই গরু দুটো ওই ভোরে এসে ওই  
ফুল বেলপাতাগুলোর লোভেই এই বাড়িটার সামনে দাঁড়িয়ে থাকে।

দিন পনের পরে আবার একদিন সকালে দেখেছিলেন মেয়েটিকে। সেদিন আর তিনি উৎসুক  
হন নি। একবার মুখ তুলে দেখে আবার মুখ নামাতে চেষ্টা করেছিলেন খবরের কাগজের

উপর। কিন্তু তাও পারেন নি। বলে থেকেই আবার চোখ তুলে দেখতে চেয়েছিলেন সেই মেয়ে কিনা এবং সে গলির ভিতর মোড় ফিরল কিনা।

বিস্মিত হয়েছিলেন। মেয়েটি মোড়ে মোড় ফিরতে গিয়ে থমকে দাঁড়িয়েছিল এবং দৃষ্টি নিবদ্ধ হয়েছিল তার তাঁরই উপর।

তিনি মুখ ফিরিয়ে নিয়েছিলেন।

এরপর পর পর দিন তিন-চার এসেছিল মেয়েটি। রবিবার পড়েছিল একদিন—অর্থাৎ কোট ছিল না। সেদিন প্রায় বেলা বারোটোর সময় মেয়েটিকে ফিরে যেতেও দেখেছিলেন। যাবার সময় মেয়েটির দৃষ্টিতে সতর্কতার প্রচ্ছন্ন আড়ালে যৌবনের আহ্বান উঠেছিল যেন। বাঁকা চাউনির মধ্যে যেমন সে দেখেছিল কে তাকে অনুসরণ করছে—কে তার গা ঘেঁষে চলতে চেষ্টা করছে, তেমনি ছিল চৌকির কোণে ক্ষুরের ধারের মত হাসি। সেই রবিবার দিন বেলা চারটের সময় আবার এসেছিল ও একবার। এবং ঘণ্টাখানেকের মধ্যেই ফিরে গিয়েছিল।

আরও কিছুদিন পর পূর্ণ পরিচয় মিলেছিল।

বোধ হয় আরো মাস ছয়েক পর। একদিন ওই লম্বাখায়া বিধবাটি, সেদিন রবিবার, সেই সকালেই এসে তাঁর বারান্দার উপর উঠে দাঁড়িয়ে মাথার ঘোমটা একটু বাড়িয়ে দিয়ে বলেছিল—বাবু!

একান্ত অপরিচিতের মত তিনি বলেছিলেন—কি চাই?

হাত জোড় করে মেয়েটি বলেছিল—আমরা বড় গরীব বাবা। আমার এই কাগজটি যদি দয়া করে দেখে দেন। আপনি উকীল।

বিধবার মুখের দিকে তাকিয়ে স্থাংস্তবাবুর মায়া হয়েছিল—সঙ্গে সঙ্গে প্রত্যাশার একটি স্রোত পেয়েও তিনি খুশী হয়েছিলেন। হাত বাড়িয়ে কাগজখানা নিয়ে দেখেছিলেন। হাণ্ডা মুনসেফী আদালতের একখানা সমন। তার সঙ্গে খান পাঁচ-ছয় কাগজ জুড়ে একটা নালিশের আর্জির নকল।

কোন এক মৃত প্রণবকুমার চক্রবর্তীর ওয়ারিশন নাবালক পুত্র স্বপনকুমার ও তত্ত্ব অভিভাবিকা মাতা মৃত প্রণবকুমারের বিধবা পত্নী রত্নমালা দেবীর উপর পাঁচশো কয়েক টাকা কয়েক আনা ছাণ্ডনোট দরুন পাওনা বাবদ নালিশ করেছেন কোন এক বি. এন. মালিক—ম্যানেজিং ডিরেক্টর, বি. এন. মালিক অ্যান্ড কোং।

—কে? এই রত্নমালা কার নাম?

—আমার সেই হতভাগা মেয়ের নাম বাবু।

—কার?

—চাঁপার। তাকে দেখেছেন আপনি। অত্যন্ত যত্নসহকারে বললে কথা ক’টি।—স্বপন ওর সেই ছেলোট। ডাকনাম নীলু।

মনে পড়েছিল ডেরো পিঁপড়ের কামড়ে বিকৃত সেই কারায় পৃথিবী মাথান করা হাড়জিরজিরে ছেলোটায় কথা।

হঠাৎ প্রশ্ন করেছিলেন—তোমাদের নেবে কি? বাড়িটা কি তোমাদের? মানে প্রণবকুমারের?  
—বাড়িটা আমার স্বামীর ছিল বাবা—তা সেও তো বাঁধা দেওয়া আছে। প্রণবকুমারের নয়।  
প্রণবের কিছু ছিল না বাবা, কিছু রেখে যায় নি।

ইতিমধ্যে মক্কেল এসে পড়েছিল। স্বধাংগুবাবু বলেছিলেন—দেখ এখন তো আমার সময় হবে না। আর মামলার দিনও এখন দূরে। অল্প এক সময় আসতে হবে। বুঝেছ—

বিধবা বলেছিল—আমরা বড় গরীব বড় অসহায় বাবা—দয়া করে যদি কমসময় নিয়ে—

স্বধাংগুবাবু কথায় বাধা দিয়ে বলেছিলেন—দেখ সেদিন তোমরা আমার উপকার করেছ।  
সত্যিই উপকার করেছ—

—না না বাবা—

—থাম। যা বলছি, শোন। আমি নিজে তো দেওয়ানী মামলা করি নে। আমি সব শুনব—  
—শুনে যদি সামান্য ব্যাপার হয় তবে আমিই করে দেব। নেব না আমি কিছু। বুঝেছ। তবে  
জটপাকানো কেস হলে যাতে অল্প খরচে হয় সেইভাবে ব্যবস্থা করে দেব। তুমি সন্ধ্যাবেলা এস।  
ঠিক সন্ধ্যার মুখে।

উপকারের কিছু প্রত্যাশা করতে চেয়েছিলেন স্বধাংগুবাবু। সেদিনের রাত্রে সে উপকার  
তো অস্বীকার করা যায় না। সেদিন রাত্রে তাঁর সঙ্গীদের মধ্যে তিনজন মাথায় লাঠির আঘাত  
পেয়েছিল। একজন ছুরি খেয়েছিল হাতে। তাঁদের দলের সেই ছোট ছেলেটি যে প্রথম বোমা  
ছুঁড়েছিল সে নিজের বোমার লোহার টুকরোয় আহত হয়েছিল—তার উপর কেউ তার হাতখানা  
দুমড়ে ভেঙে দিয়েছিল—তাকে হাসপাতালে পাঠাতে হয়েছিল। তিনি এবং আর দুজন ফিরে-  
ছিলেন আহত না হয়ে, কোন আঘাত না খেয়ে।

এ ছাড়াও পরের দিন থেকে বিপ্লবপক্ষ, যাদের মধ্যে ধর্মাত্মক কুশিক্ষিত কুসংস্কারাচ্ছন্ন মানুষ  
বেশী, সেই সব মানুষদের তীব্র বিরোধিতার সম্মুখীন হতে হয়েছিল তাঁকে। তাঁর বাড়ির সামনে  
অনেক বোমা বা পটকা ফেটেছে; দেওয়ালে অনেক কুশীলী বিশীলী স্লোগান লেখা হয়েছে; ভয়ও  
অনেক দেখানো হয়েছে। রাস্তার লোকে মধ্যে মধ্যে টিটকারিও কেটেছে। তার জের আজ এই  
আর্ট ন মাসেও শেষ হয় নি। হয়তো বা আবার কোনদিন রাজনৈতিক কোর্শলে বা প্রয়োজনে  
সাম্প্রদায়িকতার আগুন আঁকির জলবে—এবং সেদিন আবার তাঁর বাড়ির সামনে তাণ্ডার  
পুনরাবৃত্তি হবে! এবং এখনও এদেশে অনেক মুসলমান আছে—এমন কি ওই বস্তিটার খানিকটা  
অংশেও এখনও আছে, সেখানেই আবার আক্রমণ শুরু হবে। এর মধ্যেও তিনি ওই মেয়ে দুটির  
উপকারকে এতটুকু খর্ব করে দেখতে পারেন নি। এদের সম্পূর্ণ ভিতরটা সেদিন তিনি  
দেখে এসেছেন এবং বাইরেটাও দেখেছেন পরের দিন থেকে—এরা ভিতরেও কালো এবং বাইরেও  
এরা মলিন এবং ভীক। এদেরকে নীতিগতভাবে স্নেহ কোনমতে হয়তো করা যায় না—কিন্তু  
এরা বড় দরিদ্র। শুধু অর্থনৈতিক দারিদ্র্যই নয়, কোথায় যেন একটা মনুষ্যত্বের দারিদ্র্যও এরা  
বড় দরিদ্র।

সেই কারণেই মমতা হয়েছিল এবং প্রত্যাশারও করতে চেয়েছিলেন স্বধাংসুবাবু। সে-সময় সে চলে গিয়েছিল এবং কথামত সন্ধ্যাবেলা আবার এসেছিল। এবার একলা আসে নি। সঙ্গে এসেছিল ওই মেয়ে। এবং সেদিনের সেই কাঁদুনে ঘ্যানঘেনে ছেলোটিকে কোলে করে নিয়ে এসেছিল। কোলে থেকেও সে কাঁদছিল। সেই খুনখুনে কান্না। এঁ্যা-এঁ্যা-এঁ্যা। এঁ্যা-এঁ্যা-এঁ্যা!—এঁ্যা—!

নিরন্তর একটা অভিযোগ যেন শূন্যমণ্ডলে বাতাসের প্রবাহের মত বয়ে চলেছে ওর জীবনে। আপিসঘরের একদিকে তখনও পর্বন্ত একখানা পুরনো কালের তক্তাপোশ পাতা ছিল, আর টেবিলের সামনে ছিল খানকয়েক চেয়ার। স্বধাংসুবাবু বলেছিলেন—বসো।

তারা ইতস্ততঃ করে ভাবছিল কোথায় বসবে।

স্বধাংসুবাবু বলেছিলেন—চেয়ারে বসো।

—না, আমরা এই মেঝের উপর বসি। বলেছিল মা।

—না না। ওই তক্তাপোশে বসো তাহলে। ই্যা বসো।

মেয়েটি বসেছিল। মা বসে নি। সে মেয়ের সেই রুগ্ণ ছেলোটিকে কোলে নিয়ে দাঁড়িয়েই ছিল। মেয়ে মাকে বলেছিল—বস্। উনি বলছেন তো বসতে। আমরা তো ছোটলোক নই।

মা এবার মেয়েকে সামনে করে তার পিছনে বসেছিল। আপিসঘরে একশো ওয়াটের বাল্ব জ্বলছিল। তার আলো পরিপূর্ণভাবে পড়েছিল মেয়েটির উপর।

আজও সেই মেয়ে এসে দাঁড়িয়েছে তাঁর সামনে। পিছনে তার বর্ষাকালের কৃষ্ণপঙ্কের অন্ধকার; সামনের রাস্তায় ইলেকট্রিক আলো আজ জ্বলছে না। জ্বলে না আজকাল—হয় বাল্ব যায়, নয় তার যায়, নয় আলোর সুইচ অন করার দায়িত্ব যাদের তারা জ্বালে না।

চাপা ওরফে রত্নমালা। বারো বছর পর তাঁর সামনে তাঁরই বসবার ঘরের আলোর সামনে দাঁড়িয়ে আছে। ঘরে আজ নিওন জ্বলছে। নিওনের স্বপ্নালু আলোর ছটায় ওই অন্ধকার পটভূমির সামনে ওকে আজ প্রেতিনী মনে হচ্ছে। বারো বছর পর আজ ওর বয়স চৌত্রিশ বা পঁয়ত্রিশ। পূর্ণ যৌবন ওর সারা অঙ্গে স্থির হয়ে দাঁড়িয়ে আছে। পদ্মফুলের মত দেখতে ও নয়—সে রূপ ওর নেই—তবে পূর্ণ প্রস্ফুটিত হয়ে পদ্ম যেমন প্রস্ফুটিত অবস্থায় বেশ কিছুদিন থাকে ওর লাবণ্য-যৌবনও তাই—যেন স্থির হয়ে দাঁড়িয়ে আছে।

কিন্তু সারা অঙ্গে সেই যৌবনরূপের ছন্দের মধ্যে এমন বিচ্যাস আছে যা পুরুষচিন্তকে প্রলুব্ধ করে; কিন্তু লোভকে যে সংযত করতে পারে তার কাছে মনে হয় অস্বাভাবিক। নারী যখন সারা অঙ্গে নিমজ্জনের সজ্জা চাপায় তখন তাকে নির্লজ্জা হতে হয়। এ মেয়ে অন্ততঃ আজ আঠারো বৎসর বিধবার আবরণের উপর দেহব্যবসায়ের বিজ্ঞাপন বহন করে চলেছে। সেই বিজ্ঞাপন-বহন-করা যৌবনবতী চাপাকে প্রেতিনী ছাড়া কি মনে হবে তাঁর!

ওঃ!

সেদিনের সেই ক'টা কথা যেন স্তব্ধ পৃথিবীর কোন এক নিশীথ রাত্রে এক কালো ইম্পাতের তৈরী নারীমূর্তির কণ্ঠ থেকে বেরিয়ে এসেছিল, অর্থাৎ মাহুঘের কণ্ঠস্বর বলে মনে হয় নি। সে

কথা ক'টা সুধাংশুবাবু আজও ভুলতে পারেন নি।—“বহন জাত যাবে না।”

বারো বছর আগে সেই সেদিন রাত্রে।

মনে পড়েছে মেয়েটিই এগিয়ে এসে তাঁর টেবিলের উপর আদালতের সমন আর্জির নকল এবং তার সঙ্গে দশটাকার একখানি নোট নামিয়ে দিয়েছিল।

দশটাকার নোটখানা আঙুল দিয়ে ঠেলে দিয়ে তিনি বলেছিলেন—ওটা রাখো।

মেয়েটি নম্রকণ্ঠে বলেছিল—আবারও দেব—

মাঝখানে বাধা দিয়ে তিনি বলেছিলেন—না।

মেয়েটি বিপন্নের মতই নোটখানা হাতে করে নিয়ে টেবিল ধরে দাঁড়িয়েছিল।

সুধাংশুবাবু বলেছিলেন—তক্তাপোশে গিয়ে বসো। হ্যাঁ, তারপর বসো তো বিবরণ! তোমার স্বামীর নাম? প্রণবকুমার চক্রবর্তী?

—হ্যাঁ।

—তিনি টাকা ধার করেছিলেন—

হঠাৎ মেয়েটা লেজে পা-দেওয়া সাপের মত ঝাপটা মেরে পিছন ফিরে ছোবল দেবার ভঙ্গিতেই ওর বাচ্চা ছেলেটাকে নিষ্ঠুরভাবে ঠালা মেরে সরিয়ে দিয়েছিল। এক মুহূর্তে কোথায় চলে গিয়েছিল তার বিনম্র মিষ্ট কণ্ঠস্বর, বিনীত কথার ভঙ্গি, রক্ততর আক্রোশভরা কণ্ঠস্বরে বলে উঠেছিল—দূর হ আপদ কোথাকার। সে কথাগুলো সত্যই অবিস্মরণীয়-রূপে নির্মম এবং নিষ্ঠুর। ছেলেটার অপরাধ—সে পিছনে দিদিমার কোল থেকে খুনখুন করতে করতে এগিয়ে এসে মায়ের পিঠ ধরে দাঁড়িয়েছিল। হয়তো বা কাঁধের উপর ফেলা আঁচল ধরে আকর্ষণও করে থেকেছিল। মা সেটুকুও সহ্য করে নি—তাকে ‘দূর হ আপদ’ বলে সাপের ছোবলের মত ছোবল দিয়ে দূরে ঠেলে দিয়েছিল। ব্যাপারটার ওজন ঠিক কতখানি তা’ বলা সহজ নয়। যা ঘটেছিল তা’ না ঘটলে ঠিক এমনভাবে মনে দাগ কাটত না। বছর চারেক বয়সের রম্য দুর্বল শিশু, মায়ের হাতের ঝাপটায় টলে পড়ে গেল এবং পড়ে গেল তক্তাপোশের উপর থেকে মেঝেতে। সঙ্গে সেই সেই-রাত্রে মত কঠিনতম প্রতিবাদ এবং তার সঙ্গে সম্ভবতঃ ককণতম অভিযোগ জানিয়ে চিৎকার করে উঠেছিল সে।

দিদিমা প্রায় উপুড় হয়ে পড়ে ছেলেটাকে জুড়িয়ে বুকে তুলে নিয়েছিল। সুধাংশুবাবু প্রায় আপনা-আপনি বলে উঠেছিলেন—আহ-হা। কিন্তু এই আশ্চর্য মা বলে উঠেছিল—মর মর মর। মরে যা তুই মরে যা!

মুহূর্তে বোমার মত ফেটে পড়েছিলেন সুধাংশুবাবু। এই নির্লজ্জা মেয়েটার এই নিষ্ঠুর হৃদয়-হীনতা তাঁর কাছে শুধু অসহ্যই মনে হয় নি—তার সমস্ত ক্রোধকে আকস্মিকভাবে একমুহূর্তে পুঞ্জীভূত করে একটা সংঘাতের উত্তাপে ফাটিয়ে দিয়েছিল। তিনি বলে উঠেছিলেন—এ—ই নির্লজ্জ মেয়ে কোথাকার।

দিদিমা ছেলেটাকে বুকে জুড়িয়ে ধরে পিঠে চাপড়ে চাপড়ে আদর করে থামাতে চাচ্ছিল। ছেলেটা তারস্বরে চৈচাচ্ছে। এই চিৎকার-করা তিরস্কারে মেয়েটি চমকে উঠে বিবর্ণ পাংশুমুখে

তাঁর মুখের দিকে ফিরে তাকিয়েছিল।

কিছুটা নিজে থেকে সংযত করে তিনি বলেছিলেন—এমনি করে তুমি ছেলেটাকে কৈলে দিলে ?  
ছেলেটা তখনও কাঁদছে তারস্বরে।

তিনি তাকে দোষ দেন নি। তার জীবনে বঞ্চনার আর শেষ নেই। এই মা বোধ হয় তাকে সন্তোষ বঞ্চিত করে রেখেছে।

মেয়েটা অকুণ্ঠিত কণ্ঠে তা স্বীকারও করলে।

স্বধাংগুবাবুর কথা শুনে মেয়েটা এবার স্থিরদৃষ্টিতে তাঁর দিকে তাকিয়ে থেকেছিল। তার স্থিরদৃষ্টির সম্মুখে স্বধাংগুবাবুর একবিন্দু অস্বস্তি অনুভব করার কথা নয় এবং তার পক্ষেও এই অভিযোগের সম্মুখে এমনভাবে স্থিরদৃষ্টিতে তাকিয়ে থাকাও সম্ভবপর বা স্বাভাবিক নয়। কিন্তু মেয়েটা বোধ করি অস্বাভাবিক। সে তাকিয়ে ছিল। যার জন্য স্বধাংগুবাবু তাঁর অভিযোগকে আরও জোরালো করে তোলার প্রয়োজন অনুভব করে বলেছিলেন—সেদিন রাত্রেও আমি দেখেছি তুমি ওই শিশুটার প্রতি অতি নিষ্ঠুর ব্যবহার কর—মর্যাদাসিকভাবে অভিসম্পাত কর।

মেয়েটি তার দৃষ্টি ফিরিয়ে নিয়ে কঠিন অথচ অহুচ্চ কণ্ঠে বললে—ও আমার পথের কাঁটা।

একটু থেমে বোধ করি ভেবে নিয়েই বললে—ও আপনি বুঝবেন না—ওই আমার বন্ধন। ও ছিঁড়লেই আমার মুক্তি। ওকে উপড়ে কেলতে পারলেই আমার পথ পরিষ্কার।

এর আর উত্তর খুঁজে পান নি স্বধাংগুবাবু। নির্বাক হয়ে গিয়েছিলেন। মেয়েটি এবার উঠে দাঁড়িয়ে মাকে বলেছিল—নে উঠে আয়।

মা সকাতরে বেশ ভয়ের সঙ্গেই অহুরোধ করেছিল মেয়েকে—চাঁপা!

—না। উঠে আয়।

মা উত্তর দিতে পারে নি। মেয়ে বলেছিল—তবে তুই থাক আমি চললাম। বলে মায়ের বুক থেকে কান্নায় ভেঙে পড়া ছেলেটাকে কাঁধের উপর কৈলে নিয়ে ঘর থেকে বেরিয়ে গিয়েছিল। আর দাঁড়ায় নি বা কোন একটা কথাও বলে নি।

মেয়েটির মা হাত জোড় করে বলেছিল—কিছু মনে করবেন না বাবা। আমার মেয়ে সম্পর্কে আমার বলবার মুখও নেই কথাও নেই। দিনরাত জ্বলছে বাবা, আগুনের মত জ্বলছে। বিশ্ব-ব্রহ্মাণ্ডের উপর আক্রোশ। সব থেকে বেশি ওই ছেলেটার উপর। হতভাগা অদৃষ্ট—এক বছর বয়সে বাপ খেয়েছে। অবহেলার শেষ নেই। তবু—।

বাইরে থেকে ডাক এসেছিল—মা! দাঁড়িয়ে থাকব কত?

স্বধাংগুবাবুই বলেছিলেন—আচ্ছা তুমি যাও। কোন দেওয়ানী উকীলের কাছে যেয়ো। সামান্য কেস বলেই মনে হচ্ছে। চিন্তার কোন কারণ নেই।

সকাতর দৃষ্টিতে মার্জনা শিক্ষা করে নিয়ে মা চলে গিয়েছিল।

পরের দিন সকালবেলা আবার বিধবাটির সঙ্গে দেখা হয়েছিল। সে চলেছিল ওই চাটুজ্জদের বাড়িতে। থমকে দাঁড়িয়ে নমস্কার করেও একটুক্ষণ দাঁড়িয়েছিল। তারপর চলে গিয়েছিল চাটুজ্জদের বাড়ি। কথাবার্তা বলতে বোধ হয় ভরসা করে নি। স্বধাংগুবাবুও ইচ্ছে হয় নি।

## দুই

এতবড় ঘটনাটা না ঘটলে হয়তো মেয়েটিকে তাঁর মনে থাকত না। একটা আবরণ পরে ওকে আড়ালে ফেলে দিত। নিত্য যে সব লোক তাঁর বাড়ির সামনে দিয়ে যাতায়াত করে—অথচ তিনি তাদের চিনেও চেনেন না—তাদের ভিড়ের মধ্যে মিশিয়ে যেত। কিন্তু ওর ওই দু'দিনের আচরণের মধ্যে এমন একটি ক্ষুদ্র মনের উত্তাপ ছিল যার ছেঁকা লাগার স্মৃতিটুকু তিনি ভুলতে পারেন নি। তার উপর এই মা অথবা ওই মেয়ে দুজনের কেউ-না-কেউ নিত্য ভোরবেলা তাঁর বাড়ির সামনে দিয়ে স্নান সেরে শুচিশুদ্ধ হয়ে চাটুজ্ঞেদের বাড়ি কাজ করতে গিয়েছে। আজ আর মা নেই কিন্তু মেয়ে আজও যায়। পরনে শোঁথিন সাদা ব্লাউজ পরিচ্ছন্ন ফিতেপাড় শাড়ি, ভিজ্ঞে এলো চুলে বিগত রাত্রির একটি বিলাসহৃদয়ের চিহ্ন তাঁকে মনে করিয়ে দিয়ে যায় বা মনে রাখিয়ে দেয়—ভুলতে দেয় না। আজ বারো বছর যাচ্ছে। ভোরবেলা যায়, ফেরে যখন তখন তিনি কোর্টে চলে যান, ছুটির দিন দেখেন এগারটায় ফেরে। এই বারো বছরে—হ্যাঁ বারো বছরই হল; দাদার ঘটনাটা ১৯৪৮ সালে আর আজ হল ১৯৬০ সাল। এই বারো বছরে আরও অনেক ঘটনা ঘটেছে। এবং ক্রমে ক্রমে মেয়েটার যে সব পরিচয় পেয়েছেন তাতে ওর এই প্রতিনিীত্ব সম্পর্কে স্থিরনিশ্চয় হয়েই একটি কঠিন বিরূপতা পোষণ করে আসছেন। ওর সেদিন রাত্রে করা উপকারটুকু তাঁর গলায় কাঁটার মত বিঁধে আছে। এবং এরপর যে সব আচরণ দেখেছেন তাতে বিস্মিত এবং ক্ষুব্ধ হয়েছেন তিনি। সেই ক্ষোভে এবং বিস্ময় বশতই ওকে জানতে চেয়েছিলেন। বিচিত্রভাবে জেনেও ছিলেন।

এক শিবেন ভট্টাচার্যের মেয়ে। শিবেন ভট্টাচার্যকে লোকে ভুলে গেছে। কিন্তু তাঁর প্রতিষ্ঠাকরা, দশীটি আয়রন ওয়ার্কস্ রয়েছে; শুধু রয়েছেই নয়, বিরাট একটি প্রতিষ্ঠানে পরিণত হতে চলেছে।

অল্পবয়সে অনেক টাকা হাতে পেয়েছিল শিবেন। পেয়ে একেবারেই মডান হয়ে উঠল। বাপ ছিলেন মোক্তার। কৃতী মোক্তার। তাঁর বাবা ছিলেন খাঁটি ভট্টাচার্য। গ্রাম থেকে হাওড়া শহরে এসে ওই পৌরোহিত্য করেই ভট্টাচার্যবাড়ির ভিত গেড়েছিলেন। দেশে জমিজেরাতও কিনেছিলেন।

শিবেন ভট্টাচার্যের এক ঘনিষ্ঠ বন্ধুজনের কাছেই জেনেছিলেন। নিত্যবাবু। ওই প্রথম ঘটনার বছর দেড় কি এক বছর আট ন্ন মাস পর নিত্যবাবু এসে তাঁর প্রতিবেশী হয়েছিলেন। এবং স্বধাংসুবাবু কোন ঔৎসুক্য প্রকাশ না করলেও নিত্যবাবুই নিজে থেকে 'হায় হায়' করে মেয়েটি সম্পর্কে কোনদিন আক্ষেপ, কোনদিন বা কটুভাষায় বিক্ষোভ প্রকাশ করে, মেয়েটির বাপ ওই শিবেন ভট্টাচার্যের কথা বলে যেতেন। বলতেন—সইল না। বুয়েচেন না, সইল না। ভট্টাচার্য বামুনের বংশ। একেবারে সেই ইতুলংক্রান্তির বামুনের ঘরের মত। বুয়েচেন না? নিত্যবাবুর মূল্যদোষ ছিল ওই 'বুয়েচেন না?' বুলিটি।

ইতুসংক্রান্তির ত্রতকথার দরিদ্র বাস্তুধের গল্পই বোধ হয় পুরনো বাংলাদেশের শতকরা



নিরানব্বইজন ব্রাহ্মণের গল্প। এক ছিল ব্রাহ্মণ আর তার ব্রাহ্মণী—আর দুটি ছেলে কি গণ্ডা দুয়েক ছেলেমেয়ে।

এক ছিল রাজা আর তার স্ত্রী দুয়ো দুই রানী—এ গল্প বোধ হয় এদেশের বামুনদের নয়। দু'দশ ঘর শ্রোত্রিয় ব্রাহ্মণ ছিল—তার জমিদার-টমিদার ছিল। বামুনের কপাল খুলল ইংরেজ আমলে।

নিত্যাব্যবস্থা ব্যাখ্যা বড় ভাল ছিল।

বলতেন—লক্ষ্মীর ব্রতকথায় আছে—এক ছিল পরমধার্মিক ব্রাহ্মণ, মহাতেজস্বী, এও বাংলা-দেশের সচরাচর ব্রাহ্মণদের গল্প নয়। বুনো রামনাথ অবিশিষ্ট একটা-আধটাই হয়। বিজেসাগর মশায়ের ঠাকুরদাদার মত গায়ের জোরওয়াল। রাগী মানুষও বেশী না। বাংলাদেশের ব্রাহ্মণেরা সেকালে ছিল নিরীহ দরিদ্র। যজ্ঞমান চরিয়ে সংসারযাত্রা নির্বাহ করত কোনরকমে। বৈশাখ মাস থেকে চৈত্র মাস পর্যন্ত মেয়েদের বারো মাসে তের ষষ্ঠী—সকল জনের জন্ম স্নানযাত্রা রথযাত্রা থেকে দোলযাত্রা মেড়া-পোড়া ইঁদ-পূজা মনসা-পূজা দুর্গাপূজা কালীপূজা—জগদ্ধাত্রী থেকে নবান্নে অন্নপূর্ণা চৈত্রে বাসন্তীপূজা—তার সঙ্গে ঘরে ঘরে জন্ম-মৃত্যু নিয়ে দশকর্মের কাণ্ডকারখানা নিয়ে মোটামুট ভটচাঁজ পণ্ডিতদের যে আড়া এই চাষের দেশে পাতা ছিল তাতে রোজকারের মাছ যা ধরা পড়ত তা' কম নয়।

নিত্যাব্যবস্থা কথা মনে পড়ছে—বলেছিলেন—আড়া বোঝেন তো? আড়া হল বাঁশের শলার ঘের, মাঠের জলনিকাশী নালা জুড়ে পেতে মাছ ধরবার একরকম ব্যবস্থা।

নিত্যাব্যবস্থা ব্যবসায় ছিলেন পাটের দালাল। শখে ছিলেন থিয়েটার এবং গান পাগল। তার সঙ্গে একটা নেশা জন্মেছিল—নাটক লেখার। নাটক লিখেও নাটক যখন অভিনীত হল না তখন তিনি প্রবন্ধ লেখা ধরেছিলেন। ইংরেজ রাজত্বের প্রথম কালে এদেশে যতগুলো বিদ্রোহ হয়েছিল তাই নিয়ে প্রবন্ধ লিখতেন বঙ্গীয় সাহিত্য পরিষৎ পত্রিকায়। ওই নাটকের সূত্র ধরেই নিত্যাব্যবস্থা সঙ্গে শিবেন ভটচাঁজের আলাপ হয়েছিল।

—বলি কি বলুন? বুয়েচেন না, কপাল ছাড়া কি বলব? শিবেনের মেয়ে! এ্যা! শিবেন বাপের টাকা পেয়ে 'দধীচি আয়রন ওয়ার্কস' খুললে। দধীচি নাম শুনেই বুঝতে পারছেন যে তার সঙ্গে বজ্রের মঞ্চ আছে। মানে বজ্র তৈরী হবে। মানে অস্ত্র। ১৯২৪-২৫ সাল। তখন স্বদেশীর উক্তাপে সারা দেশ তেতে উঠেছে। বোমার খোল তৈরী হবে। ছোরা তৈরী হবে। ক্রমে ক্রমে বাড়ানো হবে। আর একটা টাটা তৈরী হবে। আর কল্লনা একটা থিয়েটার মানে স্টেজ প্রতিষ্ঠা করবে। তখন শিশিরকুমার ভাড়াটা থিয়েটারে নেমেছেন। এখন এমন একটা থিয়েটার গড়বে যেখানে শুধুই যাকে বলে আগুনের মত নাটক প্লে হবে। আমার সঙ্গে ঘনিষ্ঠ আলাপ সেই জন্তেই। আমি মশাই বারণ করেছি কিন্তু শোনে নি। বলেছি—উম্মাদের মত খরচ করো না। সে বলত—নেভার মাইণ্ড। আমার ঠাকুরদা ছিল পুজুরী বামুন। বাবা হয়েছিলেন মোক্তার।

মেয়েটি সামনে বারান্দায় দাঁড়িয়ে রয়েছে।

ঠোট দুটি যেন কাপছে।

চোখের দুই কোণে দু'ফোঁটা জল নিটোল হয়ে জমে উঠেছে এই মুহূর্তে।

হাত দুখানি জোড় করেছে।

নিত্যাব্যুর কথা কানে বাজছে।—ভট্টাচার্য বামুনের বংশ। সইল না।

তিনি নিত্যাব্যু নন—ও কথাটা মানেন না। কিন্তু প্রকৃতির পরিহাস বটে। তাকে অস্বীকারের পথ নেই।

প্রপিতামহ (মেয়েটির) পেশায় ছিলেন যজ্ঞমানসেবী ব্রাহ্মণ। হাওড়া আমতা লাইনে গ্রামাঞ্চলে বাড়ি ছিল। ইংরেজ আমলের প্রথম দিকে হাওড়ায় এসেছিলেন বংশের শালগ্রাম শিলাটিকে নিয়ে। তাঁর দৌলতে সত্যনারায়ণ থেকে দশকর্ম পর্যন্ত যে ডেকেছে তার বাড়ি গিয়ে ক্রিয়াকর্ম করে হাওড়ায় একখণ্ড জমি কিনে বাড়ি করেছিলেন। একতলা পাকা দালান একখানি—খাপরার চালের রান্নাঘর ভাঁড়ারঘর তার সঙ্গে একখানা গোয়ালঘর পর্যন্ত করেছিলেন তিনি। তার সঙ্গে দেশেও ঘর করেছিলেন—জমি কিনেছিলেন। ছেলেকে এন্ট্রান্স পাস করিয়েছিলেন। মধুসূদন ভট্টাচার্যের ছেলে হরিহর ভট্টাচার্য এন্ট্রান্স পাস করে হয়েছিলেন মোক্তার।

কৃতী মোক্তার হয়েছিলেন। ভাল ইংরিজী লিখতেন, প্রয়োজন হলে ইংরিজীতে সওয়াল জবাব করতে পারতেন। ফৌজদারী আইন খুব ভাল বুঝতেন। তার সঙ্গে ছিলেন হিসেবী লোক। এক টাকা উপার্জন করে আগে আট আনা একটা চাবিহারানো কাঠের বাক্সের ডালার ফুটো দিয়ে ফেলে জমিয়ে রাখতেন। হিসেব করে তিন ছেলের জন্তে তিনখানা বাড়ি তৈরি করিয়েছিলেন হাওড়া শহরে। তাও এক জায়গায় নয়, একখানা শালকেতে একখানা হাওড়ায় এবং তৃতীয়খানা শিবপুরে।

জায়গাজমি বাড়ি সব ঠিক ঠিক হিসেব মিলিয়ে করেছিলেন হরি মোক্তার। বোধ করি কল্পনাও করেছিলেন, ছেলেরাও তাঁর পদাঙ্ক অনুসরণ করে মোক্তারী বা ওকালতী অর্থাৎ আইন ব্যবসায় করবে। যার জন্তে প্রতিটি বাড়িকে দু'ভাগে ভাগ করে তৈরী করিয়েছিলেন, যার সামনের ভাগটা খানিকটা বাগান নিয়ে বৈঠকখানা বা আপিসবাড়ি হতে পারত অন্যায়সে এবং তার পিছনের অংশটায় ছিল বসতবাড়ি। একতলা করে তিনি দিয়ে গিয়েছিলেন বসতেন—ছেলেরা দোতলা তুলবে। এসবের জন্ত হরিহর ভট্টাচার্য হরিহর এবং ভট্টাচার্য থেকে প্রমোশন পেয়ে হয়েছিল শুধু হরি মোক্তার। লোকে হরিহর ভট্টাচার্য আর বলত না, বলত হরি মোক্তার। বড়ছেলেকে ন' পরীক্ষার ইন্টারমিডিয়েট পাস করিয়েও গিয়েছিলেন তিনি। কিন্তু তারপর আর আশ্ব ছিল না। সামান্য তুচ্ছ হেতু, জুতোর কাঁটা উঠে পায়ের ফুটে ছোট ক্ষতের সৃষ্টি করে, দিন তিন-চারের মধ্যে ধুইকায়ে মারা গিয়েছিলেন। অন্য দুটি ছেলের একটি তখন বার দুই বি-এ ফেল করেছে। ছোটটি আই-এ পড়ছে।

এই ছোট ছেলের নাম শিবেন।

এবং ছোট ছেলেরই মেয়ে রত্নমালা—ভাকনাম চাঁপা ।

১৯২৪-২৫ সালে শিবেন পড়ত কলকাতার সিটি কলেজে । বাপ মারা যেতেই পড়া ছেড়ে বিষয়-সম্পত্তির ভাগ বুঝে নিয়ে নিজের উন্নতি এবং দেশের উন্নতির জন্ত ছোট একটা লোহার কারখানা খুলেছিল । দধীচি আয়রন ওয়ার্কস্ । বজ্রের খোল তৈরী হবে !

কল্পনা ছিল, একদা সে টাটানগরের মত এক শিবনগরের পত্তন করবে । ১৯২৪-২৫ সাল । গান্ধীজী এসেছেন—চিন্তরঞ্জন প্র্যাকটিস ছেড়ে সর্বভ্যাগী দেশবন্ধু হয়েছেন । আজকের নেতাজী—সেদিনের বাংলাদেশের তরুণ নায়ক স্মৃতিচন্দ্র আই-সি-এস চাকরি পেয়েও সে-চাকরি প্রত্যাখ্যান করে দেশবন্ধুর পাশে দাঁড়িয়েছেন । কলেজের ছেলেরা তখন একদফা কলেজ বয়স্কটের পালা শেষ করে আবার নতুন করে বিশ্ববিদ্যালয় এবং কলেজে গিয়ে ঢুকছে । এই সময়ে পিতৃহীন শিবেন ভট্টাচার্য বাপের শাসন থেকে মুক্তি পেয়ে নতুন করে কলেজ ছেড়ে দিল এবং পত্তন করলে এক লোহার কারখানার । নামটা হয়েছিল জ্বর । দধীচি আয়রন ওয়ার্কস্ । কল্পনা ছিল বজ্র তৈরী করবে । কোথা দিয়ে কোন্ যোগাযোগে কার সঙ্গে শিবেনের নাকি বিপ্লবীদের সঙ্গে আলাপ হয়েছিল—তাদের জন্তে বোমার খোল তৈরী করবার গোপন অভিপ্রায় থেকেই এই নামটা মাথায় এসেছিল । কিন্তু সে থাক, সে কোনদিন হয় নি ।

যে-চরিত্র ও যে-জীবন থেকে এমন কল্পনার উদ্ভব হয়, যে-ভাবনা যে-সংকল্প থাকলে মানুষ এমন স্বপ্ন দেখে এবং একে সম্ভবপর করে তোলে তা শিবেনের ছিল না ।

শিবেন ছিল অতি সাধারণ আবেগসর্বস্ব সেকেলে বাঙ্গালীর ছেলে । দেশোদ্ধারের পাঠ বা ভাবনা সেকালে শিক্ষিতদের মধ্যে সকলজনই কিছু-না-কিছু গ্রহণ করত । বঙ্কিমচন্দ্রের আনন্দ-মঠ বন্দে মাতরম্ থেকে তখন শরৎচন্দ্রের আমল পর্যন্ত সাহিত্যে, গিরিশচন্দ্র দ্বিজেন্দ্রলাল ক্ষীরোদ-বাবুর নাটকে, দৈনিক সংবাদপত্রে সর্বত্রই ছিল এর ছোঁয়াচ । বিশ্ববিদ্যালয়ের শিক্ষার স্রোত ছিল মূল উৎস সে বোধ হয় না বললেও চলে, কিন্তু শিবেনেব স্বদেশ ও স্বাধীনতাপ্রীতির মূল উৎস ছিল সেকালের থিয়েটার । কলকাতার রঙ্গমঞ্চে এমন কোন নাটক সেকালে অভিনীত হয় নি যা শিবেন দেখে নি । এবং সে-দেখা একবার হয়েই ক্ষান্ত হত না । দুবার তিনবার, ক্ষেত্রবিশেষে একখানা নাটকের অভিনয় সে আট-দশবারও দেখেছে । প্রথম মহাযুদ্ধের পর দুখানা নাটক কলকাতায় খুব চলোছিল । একখানা মোগল পাঠান, একখানা দেবলাদেবী । ওই বই দুখানা দর্শবার করে দেখেছিল । তখন বাপের আমল—পড়ত ইঙ্কলে, কোনরকমে বারো আনা হাতে এলেই চলে যেত থিয়েটারে । বসত আট আনাও সাঁটে, খেতো আনা দুই তিনের, আর গঙ্গা পারাপারের দুটো পয়সা—বাস । যাতায়াতের জন্ত সে ট্রামে চড়ত না ; বিভিন স্ট্রীট থেকে গঙ্গার কোন ঘাটে এসে খেয়ানোকায় এক পয়সা দিয়ে চলে যেত ওপারে ।

শিশির ভাড়া আসতেই মঞ্চে হল নবজীবন সঞ্চার । ওদিকে পিতৃবিয়োগ ঘটে শিবেন হল কাচা পয়সার মালিক । আই-এ পড়ে, বয়স আঠারো পার হয়েছে, স্বতরাং নাবালক বলে কোন বাধানিষেধ আরোপ কেউ করে নি, করতে পারে নি । এবং তিন ভাই মিলেই ভাই ভাই ঠাই ঠাই নানাটি সমস্রমে মেনেও নিয়েছিল তারা । বাপও ব্যবস্থাদি নানারকম করে গিয়েছিলেন—

বাড়ি নগদ টাকা উইলে লিখিতভাবে বন্টন করে দিয়ে গিয়েছিলেন।

বাপের শ্রাদ্ধ ইত্যাদি চুকে যাওয়ার পাঁচ-ছ দিন পর পড়েছিল প্রথম শনিবার, সেদিন সে জনতিনেক বন্ধু নিয়ে ছুটাকার সীটের টিকিট কেটে শিশিরবাবুর আলমগীর নাটক দেখে এসেছিল।

আলমগীর নাটকখানি বোধ হয় দশবারেরও বেশিবার দেখা। আলমগীরবেলী শিশিরকুমারের প্রথম প্রবেশ, সেই ঈষৎ কুঁজো হয়ে বাঁ হাতখানা পিঠের উপর রেখে দাড়িতে হাত বুলোতে বুলোতে “মন্দ কি! দাভিকা কাশ্মীরী বাঈয়ের দজ্জটা চূর্ণ করে দেওয়া যাক না” থেকে শেষ বক্তৃতা—“হে কবি, বছর যাক যুগ যাক, বহু শতাব্দী চলে যাক,—শতাব্দীর পারে একদিন তোমার তুলিকামুখে আলমগীরের এই মিলন-অভিলাষ—হিন্দু-মুসলমানের মিলন-অভিলাষ মুখর হোক। এস ভাই, জগতের অলঙ্কার এই চিরজাগ্রত সত্যপ্রিয় ( ভীমসিংহের ) সম্মুখে এই রহস্যময় গুহামধ্যে পরস্পরকে হিন্দু-মুসলমানে একবার আলিঙ্গন করি।” পর্যন্ত বহু স্থান সে স্বর স্বর নকল করে মুখস্থ বলে যেতো। সীতা নাটক তার আগাগোড়া কণ্ঠস্থ ছিল। যখন তখন সে বলে উঠত—কার কার কার করে কণ্ঠস্বরে!—

ডি এল রায়ের ‘চন্দ্রগুপ্ত’র—কি বিচিত্র এই দেশ সেলুকস!—এই প্রথম দৃশ্যটা গোটাই সে একলাই বিভিন্ন চরিত্রের বিভিন্ন স্বরে অভিনয় করতে পারত।

কণ্ঠস্বর কর্কশই ছিল তবু স্বদেশী গান সে খুব ফিলিংস্ দিয়ে গাইত। কণ্ঠস্বর কর্কশ হলেও স্বরে তার দখল ছিল। স্বর ঠিক রেখেই গাইত। তার দধীচি আয়রন ওয়ার্কস্-এর উদ্বোধনের দিনে সে একটা অস্থান করেছিল—হাওড়া শহরেরই বিশিষ্ট নাগরিক, বড় একটি কারখানার মালিক এবং আরও কয়েকটি ব্যবসার অংশীদার রায়বাহাদুরকে এনে অস্থানটির পৌরোহিত্য করিয়েছিল—সে অস্থানে সে কটি ছেলেমেয়েকে সঙ্গে নিয়ে নিজে উদ্বোধন সংগীত গেয়েছিল।

বঙ্গ আমার জননী আমার ধাত্রী আমার আমার দেশ—

...

...

...

আমরা ঘুচাব মা তোর দৈন্ত

মাস্থ আমরা, নহি তো মেঘ!

সেদিন অস্থান সমাপ্ত হয়েছিল রীতিমত হোমযজ্ঞ যথাবিধি শেষ করে তবে। সে হোমযজ্ঞ করেছিলেন বিখ্যাত পণ্ডিত পরমনিষ্ঠাবান ব্রাহ্মণ শেখর স্মৃতিরত্ন মশায়। রায়বাহাদুর মন্ত একটি বক্তৃতা লিখে এনেছিলেন। তাতে তিনি কলকারখানার কি আশ্চর্য অভ্যুদয় ইউরোপ আমেরিকায় এবং তার তুলনায় কি দৈন্ত আমাদের তার বিবরণ ছিল।

নিত্যাবু বলেছিলেন রায়বাহাদুর তাঁর ভাষণে নাকি প্রত্যাশা করেছিলেন যে হাওড়ার এই তরুণ যুবকটি এককালে এই দধীচি আয়রন ওয়ার্কস্ থেকে বজ্রের মত মজবুত এবং শক্তিশালী যন্ত্রপাতি উৎপাদন করে বাংলাদেশ তথা ভারতবর্ষের মুখোজ্জ্বল করবে—সঙ্গে সঙ্গে সম্পদ বৃদ্ধি করে সমৃদ্ধিশালী করে তুলবে।

সবশেষে বলেছিলেন—“শিবান্তে সন্ত পহানঃ।”

রায়বাহাদুর ছিলেন ওই চার্টার্ডবাড়িরই বড়কর্তা।

সন্ধ্যায় ছিল খাওয়াদাওয়া। বন্ধুদের খাইয়েছিল—তার সঙ্গে আত্মীয়স্বজনেরাও ছিল। রাত্রি একটু গাঢ় মানে নটা নাগাদ একটু গানবাজনার আসর বসিয়েছিল শিবেন। গান সেকালের মডার্ন গান। তার মধ্যে স্বদেশী সংগীত ছিল না। ররীন্দ্রসংগীতও তখন সাধারণ জীবনে আসন পাতে নি। আজকালকার মত সাধারণ ঘরের মেয়েরা তখন গান শেখে নি; শিখলেও আসরে গাইবার কথা কল্পনা করতে পারত না।

এসব বিবরণ তাঁকে বলেছিলেন তাঁর বাড়ির সামনের প্রতিবেশী বর্তমানে মৃত নিত্যরঞ্জনবাবু। প্রতিবেশী তিনি ছিলেন না—নতুন করে হয়েছিলেন দশ বছর আগে। নিত্যরঞ্জনবাবু সেদিনের দ্বীচি আয়রন ওয়ার্কস্ ওপনিং আসরে উপস্থিত জনেদের মধ্যে একজন। এসব কথাগুলি সেই নিত্যবাবুই বলেছিলেন স্মৃতিস্বাবুকে। বলেছিলেন—আজ থেকে অর্থাৎ ১৯৬০ সাল থেকে বারো বছর আগে ১৯৪৮ সালের শেষের দিকে। মনে পড়তে বলেছিলেন—আরে তখন আপনার এট একাল তো না। তখন এখানকার এই স্থনীতি মিত্তির স্থচরিতা সরকার-টরকার কোথায় মশায়? তখন আপনার ইন্দুবালা আঙুরবালা দাসীদের আমল। কাজী সাহেব তখন খুব পপুলার। এক্ষেত্রে মাতিয়ে ভাসিয়ে দেয়। “কে বিদেশী মন উদাসী” গানখানা কি গাওয়াই না গেয়েছিল মশাই সেদিন। বুয়েচেন না? কি বলব আপনাকে—মানে হাতের তালি আর ঘাড় নাড়ায় যাকে বলে মাতন তাই লেগে গেসল। অবশ্য ‘রঙ’ ছিল। মানে কিছু ড্রিংকের ব্যবস্থা ছিল। ভাল ড্রিংক। ছোট ঘরের বস্তু না। অভিজাত দ্রব্য। আর যে মেয়েটা সেদিন গাইতে এসেছিল তার গলাও ছিল আর দেখতেও ততো মেয়েটি ভাল ছিল।

একটু থেমে একটু একটু হেসে নিয়ে বলেছিলেন—শিবেনের চোখ ছিল। কানও ছিল। নিজে বাজাতে পারত ভাল। সেদিন আসর পাতলা হয়ে এলে বাঁয়া তবলা নিজেই টেনে নিয়ে বাজাতে আরম্ভ করেছিল। তখন লীলা, মানে সেই মেয়েটি আর কি, সে গান ধরেছিল বৈকিয়ে। বৈকিয়ে বোঝেন তো? বাজনদারের সঙ্গে তালের পাল্লায় আড়ি দিয়ে। অর্থাৎ ঠকাবার মতলব আর কি! রসের পাল্লা। মেয়েটার সঙ্গে শিবেনের তখন পরিচয়াদি হয়েছে। দু’চার রাত্রি ওর বাড়িও গিয়েছে এসেছে। পরিচয় ছিল। আসরে এসে শিবেনের কারখানার পত্তনটপ্পন দেখে ওর প্রতি তার বেশ প্রকটা হয়েছে। স্মৃতরাং ভোজ-বাজির খেলায়, যাকে বলে সেই একদিনেই বীজ ফেটে অল্পর থেকে ভালপালা-মেলা গাছ গজানোর মতো অল্পরাগের ম্যাজিক বৃক্ষ তা বেশ ছত্রছায়া মেলে বড় হয়ে উঠেছিল। কল্পনা করেছিলেন শিবেনের কল্পনার খিয়েটারের বীজটিও একদা ঠিক এইভাবেই রাতারাতি রূপ নিয়ে একেবারে ফুলফোটা গাছ হয়ে গজিয়ে থাকবে। সকালে উঠে দরজা খুলেই দেখবেন বাড়ির সামনের দেওয়ালে তার নাটকের পোস্টার পড়েছে।

খিয়েটারটার নাম পর্বস্ত ঠিক হয়ে গিয়েছিল।

বলে বলে বিড়ি টানতে টানতে নিত্যবাবু বলেছিলেন—শিবেনের এই মেয়ে হল। এর নাম হল রত্নমালা; খিয়েটারের নামও রাখা হবে ঠিক হল রত্নমালা নাট্যালয়। নিত্যবাবু বলেছিলেন—ওর আদর কত ছিল! বিয়েতে টাকা খরচ করেছিল কত! দেখে দেখে পিতৃমাতৃহীন বুদ্ধিমান ব্রাইট ছেলে দেখে বিয়ে দিয়েছিল। প্রণব চক্রবর্তী নাম ছিল। আমি সন্ধান দিয়েছিলাম। বিয়েতে আমি খেটেছি, পেটের উপর লুচির ধামা নিয়ে পরিবেশন করেছি। কোন আবদারের কথা বাবাকে বলতে না পারলে আমাকে ধরত। আজ সেই মেয়ে—। একটা গভীর দীর্ঘনিশ্বাস ফেলেছিলেন নিত্যবাবু। একটু চুপ করে থেকে খানিকটা উদাস হয়ে উঠে বলেছিলেন—মশায় আমাকে চিনতে পারলে না। ইচ্ছে করে, বুয়েচেন না, ইচ্ছে করে।

স্বধাংসুবাবু অবিশ্বাস করেন নি নিত্যবাবুর কথা।

এ মেয়ে তা পারে।

তাকেও চিনতে পারত না; প্রায়ই তো যেত এই পথে; চাটুজ্জবাড়ির কাজে ওর মা না গেলেও ও যেত। ইদানীং অর্থাৎ সে-সময় সেই ১৯৫০-৫১ সালে তার সেই রত্ন খ্যানখেনে ছেলেটা কাঁদতে কাঁদতে অথবা হাত পা ছুঁড়ে মাকে গালিগালাজ দিতে দিতে পিছনে পিছনে যেত। তিনি তাকিয়ে দেখতেন কিন্তু মেয়েটি কোনদিন তাকাতো না। কত দিন বর্ষার সময় সকালবেলা অকস্মাৎ বৃষ্টি নেমেছে, এ পথটার উপর এক তাঁর বাড়িতে গাড়িবান্দা আছে, সেখানে অনেক লোক আশ্রয় নিতো কিন্তু ও কোনদিন আশ্রয় নেয় নি।

বিচিত্রচরিত্র মানুষ নিত্যরঞ্জনবাবু। পাটের দালালি করতেন। একটু প্রগল্ভ মানুষ ছিলেন। কিন্তু খারাপ মানুষ ছিলেন না। তার উপর খানিকটা সাহিত্যবাতিকগ্রস্ত লোক ছিলেন। হৃদয়ের গড়নটাও ছিল কোন গভীর উপসাগরের মত। ভারী দুঃখের সঙ্গেই সেদিন বলেছিলেন—শিবেন ভট্টাচার্য মহাসমাদরের মেয়ে তুই—তুই আজ চাটুজ্জবাড়ি খেটে খাস, এতে কি কেউ খুশী হতে পারে? না এর জন্তে আমরা কেউ দায়ী? তোকে দেখে আমি ছুটে গেলাম। তার উপর তোর ছেলে—। আমাকে বললে কি জানেন? বললে—আপনাকে আমি ঠিক চিনতে পারছি না। মাফ করবেন আমাকে। আমার ছেলেটার অপরাধ ক্ষমা করবেন। ও মরেও না—আমিও খাল্লাস পাই নে। আমি মশায় হতবাক হয়ে গেলাম।

সেদিন নিত্যরঞ্জনবাবু দীর্ঘকাল পর বন্ধুকজাকে দেখে ‘আরে আরে’ বলে নিজে থেকে ছুটে গিয়েছিলেন ওর সঙ্গে কথা বলতে। তাঁর অর্থাৎ স্বধাংসুবাবুর সঙ্গে তাঁর মাত্র দশ-পনের দিনের পরিচয়, তাতেও তাঁর সামনে এমন একটি দুর্নামযুক্ত মেয়েকে চেনেন একথা প্রকাশ করতে তাঁর সংকোচ হয় নি।

রাস্তার ওপারে তাঁর বাড়ির সামনে ওই যে ওই বাড়িখানা বিক্রি হয়েছিল এবং নিত্যবাবু

সেখানে কিনেছিলেন। কেনার সময় দিন দুই আলাপ করে গিয়েছিলেন। তারপর বাড়িটা সংস্কার করাতে শুরু করে নিত্য সকালে আটটা নটার সময় এসে হাজির হতেন। রাজমজুর লাগত, তাদের তদারক করতেন। তাঁর সঙ্গে দেখা হলে তাঁকে ‘নেবার মশায়’ বলে নমস্কার করে কুশল জিজ্ঞাসা করতেন। রৌদ্রের উত্তাপ বর্ষার স্বল্পতা সম্পর্কে মতামত প্রকাশ করতেন। স্বধাংসুবাবুর বেশ লাগত, উপভোগ করতেন তিনি। সেদিন এসেছিলেন বেশ ভোরবেলা। পাঁচটা বেজেছে। রাস্তায় লোকজন কম। খবরের কাগজওয়ালাদের সাইকেলের ঘণ্টা বাজছে, ছুটছে। বিয়েরা বাড়ি বাড়ি কাজ করতে যাচ্ছে। জমাদারদের নর্দমা ঠেলা হয়ে গেছে। নিত্যবাবু এসে এমনি সময় সেদিন হাজির হয়েছিলেন।

স্বধাংসুবাবুই সেদিন নিত্যবাবুকে এত সকালে দেখে বলেছিলেন—আজ এত সকালে নেবার মশায় ?

—টয়েস স্মার, এত সকালেই বটে, বুয়েচেন না। কাল রাত্তিরে একজনের বস্তা চারেক সিমেন্ট দিয়ে যাবার কথা ছিল। বিশ্বাসী আদমী, বুয়েচেন না। বলেছিল—ভাববেন না—মাল ঠিক পৌঁছে যাবে। বালির গাদার মধ্যে পাবেন। তাই ছুটতে ছুটতে আসছি।

একমুখ হেসে ফেলেছিলেন স্বধাংসুবাবু।

মনে পড়েছিল খ্যাকশিয়ালীর ইংরিজী হল ফক্স। এবং বিশেষণ হল স্লাই। মানে চতুর। “A sly fox met a hen.” হেসে মুখে বলেছিলেন—তা মিলল ?

নিত্যবাবু বলেই চলেছিলেন—Yes yes yes. একেবারে অক্ষরে অক্ষরে কথা রেখেছে। জানেন, এ লোকগুলোকে যে যা বলবে বলুক—চোর ডাকাত গুণ্ডা অ্যান্টিসোমাল কথা উঠেছে আজকাল—তা যাই বলুক এরা যা কথা দেয় তার খেলাপ করে না। নে—ভা—র। ভত্রলোক—দে—র চেয়ে অ—নে—ক—। হঠাৎ থেমে গেলেন নিত্যবাবু। বলে উঠলেন—আ—রে ! বলে হনহন করে বেরিয়ে গেলেন তিনি। চলে গেলেন রাস্তা পার হয়ে ওপারে। স্বধাংসুবাবু দেখলেন সেই মেয়ে সেই চাপা যাচ্ছে। সেই সত্ত্ব জ্ঞান করে ভিজে চুল পিঠে ফেলে—সুপরিচ্ছন্ন না হোক মোটামুটি পরিচ্ছন্ন একখানি কাপড় পরে মুখ নিচু করে তির্যক দৃষ্টিতে আশে-পাশে দৃষ্টি রেখে সে চলেছে ধীর পদক্ষেপে।

নিত্যবাবু এই মেয়েটিকে দেখেই সবিস্ময়ে আরে শব্দটি উচ্চারণ করে বেরিয়ে গেলেন এবং হনহন করে গিয়ে ওই মেয়েটির কাছে দাঁড়ালেন। কয়েকটা কথা বললেন। চাটুজ্জবাড়ির দিকে আঙুল দিয়ে কি দেখালেন। তারপর একবার কপালে হাত দিলেন। মেয়েটি একটু পিছিয়ে গিয়ে যেন নিতান্ত অপরিচিতের মত জ্রুজ্ঞনের মধ্যে যে প্রশ্ন তুললে তার অর্থ হল—আপনি কে ?

হঠাৎ এই মুহূর্তটিতেই ঘটল অপ্রত্যাশিত ঘটনা। একটা ইটের টুকরো এবং কিছু বালি কেউ ছুঁড়লে এবং সেটা এসে খপ্ করে নিত্যবাবুর পিঠে পড়ল, পড়ল কিছুটা আশেপাশে। অতর্কিত এই আঘাতে—যদিও আঘাত তাতে কিছু ছিল না তবুও নিত্যবাবু “আরে বাপরে” বলে চীৎকার করে উঠলেন এবং পরমুহূর্তটিতেই নিত্যবাবু আঃ-উঃ ভুলে গিয়ে বালি-কাদার দাগ লাগা জামার

পিছনদিকটা সামনে টেনে এনে চোখের সামনে ধরে হতভম্বের মত দেখতে লাগলেন। মেয়েটির মুখ ফ্যাকাশে হয়ে গেল। পরমুহূর্তেই চোখে আগুন জ্বলে উঠল। নিত্যবাবু তখন পিছনের দিকে তাকিয়ে সন্ধান করছিলেন এই কর্মের দৃষ্টিভঙ্গিটিকে কে। তাঁর সঙ্গে সঙ্গে স্বধাংসুবাবুও তাকালেন সেদিকে। তাঁরা স্থানীয় বাসিন্দা। শহর হলেও ঠাইটা বাজার নয় হাট নয়; এখানে একটা অতিকীর্ণ সমাজশৃঙ্খলা আছে। এবং সে শৃঙ্খলা এই স্থানীয় বাসিন্দাদেরই বাঁচিয়ে রাখতে হয়। যুগটা বিচিত্র যুগ শুরু হয়েছে। স্বধাংসুবাবু রাজনৈতিক চেতনাসম্পন্ন নতুন যুগের মানুষ। নতুনের এই অসহনীয় অশোভন অভ্যাসের অবশ্যজ্ঞাবিষয়ের কথা জানেন। এই নতুন জীবনশ্রোতকে ভগীরথের মত শীথ বাজিয়ে সমুদ্রসঙ্গমে আনতে পারলে সৃষ্টি হবে মুক্তি-তীর্থের—আর সে শ্রোত বিপথগামিনী হলে হবে কীতিনাশা—একথা তিনি জানেন। তবুও মস্তানীর জন্ম পীড়া অমুভব না করে পারেন না।

দৃষ্টিভঙ্গিটিকে আবিষ্কার করতে দেরি হল না বা কষ্ট করতে হল না। যে এই দৃষ্টি করেছে সে পালিয়ে গেল না অথবা নিত্যবাবুর পিঠে কাদাবালির মূঠে লেগেছে বলে কোন সংকোচও অমুভব করলে না। সে যেন আরও কোন প্রবলতর আবেগে ভাল-মন্দ সবকিছু সম্পর্কে জ্ঞানশূন্যের মত ওই ফুটপাথ ধরে এগিয়ে আসছিল।

একটা ছেলে। চিনতে দেরি হয় নি; এ সেই ছেলেটা। ওই মেয়েটার সেই ছেলেটা। সেই অহরহ খুনখুনে কান্না-কাঁদা ক্যাকলাসের মত রোগা সিঁটকে পাকানো চেহারার কটা চুল কটা চোখ ঘষা উজ্জ্বল তামার পয়লার মত গায়ের রঙ সেই ছেলেটা। ছেলেটা আগের থেকে একটু বড় হয়েছে—একটু শক্ত-সমর্থও হয়েছে। তার সেই চোখে হাত দিয়ে অসহায় এঁ্যা-এঁ্যা কান্নারও চেহারা পালটেছে। কান্নার স্বরটা আর অসহায় নয়—তাঁর সঙ্গে কোভের ঝাল মিশেছে।

ছেলেটা দ্বিতীয়বার আক্রমণের উত্তোগ করছিল। নিত্যবাবুকে নয়—নিত্যবাবুর সামনে তার মা তখন ঘুরে দাঁড়িয়েছে। তার চোখের দৃষ্টিতে তিক্ততার শেষ নেই, জালায় সে চোখ নিম্পন্দক হয়ে উঠেছে—যেন ছেলেটাকে পুড়িয়ে ছাই করে দিতে চাইছে। ছেলেটা তখন দ্বিতীয়বারের জন্ম কুড়িয়ে নিলে একটা ইটের টুকরো। নিজের ঠোঁটের উপর দাঁতের খামচা কেটে মায়ের দিকে তাকালে।

স্বধাংসুবাবু এবং নিত্যবাবু একসঙ্গে চীৎকার করে উঠেছিলেন—ফ্যাল ফ্যাল—এই ছেলে ফ্যাল—

সেই মুহূর্তেই তার মা তার সকল লজ্জা সংকোচকে ছুঁড়ে ফেলে দিয়ে তীক্ষ্ণ তীব্র কণ্ঠে বলে উঠেছিল—মর মর—তুই মরে যা। তুই মরে যা। তুই মরে যা।

এবার ছেলেটা পালিয়েছিল। মায়ের ভয়ে নয়। সম্ভবতঃ স্বধাংসুবাবুর ভয়ে। স্বধাংসুবাবুর একটা পরিচয় ছিল ও অঞ্চলে।

সেদিন তাঁর কোর্ট ছিল না। হয়তো রবিবার ছিল। বা কোর্ট ছুটি ছিল।

নিত্যবাবু তাঁরই বাড়িতে ভিতরে গিয়ে জামাটা খুঁসে কলে কাদাটুকু ধুয়ে শুকতে দিয়ে তাঁর



বলবার ঘরে এসে ঢুকেছিলেন, বাইরে থেকে কথা বলতে বলতেই আলছিলেন—যেন না বলে আর থাকতে পারছিলেন না। নিত্যবাবুর কথার প্রতি সেন্টেন্সেই কয়েকটা করে ‘বুয়েচেন না’ শব্দ থাকত, সেই বলেই ঢুকেছিলেন—বুয়েচেন না স্বধাংগুবাবু, অদৃষ্টের চেয়ে বলবান কিছু নেই মশায়। বুয়েচেন না, এই যে চামড়াঢাকা কপালখানা এইটেই হল সব। একেবারে মোক্ষম কথা—বুয়েচেন না। ওই যে মেয়েটা আর ওই যে ছেলেটা—বুয়েচেন না—তার একে বারে প্রকৃষ্ট প্রমাণ।

স্বধাংগুবাবু একটু আত্মহাসিত বিষয় অহুভব করেছিলেন। নিত্যবাবু ওদের জানেন অথচ ওদের পরিচয় তাঁর জানা হয় নি। ওর সে পরিচয় যত অপরিচ্ছন্ন এবং অপবিত্র হোক, ওদের বিশেষ করে ওই মেয়েটির কাছে তিনি উপকৃত। অযাচিতভাবে সে উপকার করেছে, তিনি নিশ্চয়ই। সেটা যেন একটা কাঁটার মতই বিঁধে রয়েছে তাঁর মনে। এবং বলেছিলেন—কে বলুন তো মেয়েটি? চেনেন? চাটুজ্জের বাডি কাজ করে, না?

নিত্যবাবু বলেছিলেন—বুয়েচেন না, হতভাগা মেয়ে। আমার চেনা মানে আমার বন্ধুর মেয়ে। আমার বন্ধু শিবেন ভট্টাচার্য, বুয়েচেন না—এককালে হাওড়ার নামকরা ছোকরা। আমার বন্ধু। বলতে গেলে একগেলাসের ইয়ার। আমরা সেকালে, বুয়েচেন না, একটা দল ছিলাম। শিবেন আমি এবং আরও পাঁচ-সাতজন। আমাদের লক্ষ্য ছিল বেঙ্গলকে ইণ্ডাস্ট্রিয়াল প্রভিন্স করে তুলব। ফ্যাক্টরী বানাব। তখন আপনার প্রথম মহাযুদ্ধের পর। বিপ্লবীদের কথা শুনে রাড বয়েল করে ওঠে। তাদের মত তো প্রাণট্রাণ দিতে পারি না, তবে সাহায্য করতে পারি। আর তখন চাটুজ্জেরা কারখানা গড়ে তুলেছে, ১৯১০/১২ সালে ছোট একটা কারখানা ছিল—একটা পুরনো বয়লার, একটা ইঞ্জিন, দুখানা লেদ, তার থেকে যুদ্ধের ক’বছরে যাকে বলে মিলিয়নেয়ার। আরও সব বেশ কয়েকজন আরম্ভ করে ভালই করছে। মধ্যে মধ্যে স্তর পি-সির কাছে যেতুম। তিনি উৎসাহ দিতেন। ঘুমি মেয়ে খোঁচা মেয়ে যেন মাহুধকে জাগিয়ে দিয়ে বলতেন—কল-কারখানা গড়ে তোল। হঠাৎ স্বযোগ এসে গেল। শিবেনের বাবা মারা গেল। হাতে অনেক টাকা এসে গেল। তাই দিয়ে পুস্তন হল দধীচি আয়রন ওয়ার্কসের। শিবেনের বাবা ছিলেন খুব পসারওয়াল মোস্তার। তিন ছেলে।—বেশ গুছিয়ে কথা বলতেন নিত্যবাবু। শিবেনের জীবনের কথাগুলি—ওই কারখানা পুস্তনের কথা, শিবেনের দরাজ হাতের কথা—এই মেয়ের সমাদরের কথা বলে গেলেন। তারপর চুপ করলেন নিত্যবাবু। যেন হঠাৎ চুপ করে ভাবতে লাগলেন। বোধ করি ভাবতে লেগেছিলেন—তারপর কি?

বেশ কিছুক্ষণ চুপ করে থেকে স্বধাংগুবাবু বলেছিলেন—তারপর?

—তারপর?

—হ্যাঁ।

—তারপর বুয়েচেন না, ওই কপাল। ফেল পড়ল দধীচি আয়রন ওয়ার্কস্। কিনলে ওই চাটুজ্জেরাই। ওই রায়বাহাদুর। বুয়েচেন না! এখন ওদের বাড়িতেই চাকরি করছে শিবেনের বউ। মধ্যে মধ্যে মেয়েটা একটিনি করে। শিবেনের দধীচি আয়রন ওয়ার্কসে একটাও বজ্র তৈরী হয় নি। খানকতক ছোরা তৈরী হয়েছিল। চা-বাগানের প্রনিং নাইফের

অর্ডার নিয়ে তার সঙ্গেই তৈরী করেছিল। কারদিগে যেন দিয়ে ছিল। তারপর—।

আবার চূপ করে গিয়েছিলেন নিত্যবাবু।

সুখাংশুবাবু আবার বলেছিলেন অর্থাৎ কথা বলার ছলেই প্রশ্ন করেছিলেন—এত বড় ব্যাপারটা ফেল পড়ে গেল! পর্বত মুখিক প্রশ্নবই করেই দেউলে হয়ে গেল।

—তাই হল। পর্বতের মুখিক প্রশ্নবই বটে। কি যে হয়েছিল তা বলতে পারব না তবে সাংঘাতিক কিছু। জালজালিয়াতি কিছু করেছিল শিবেন। প্রথমটা কারখানা করে ২৫/২৬ সাল থেকে কারখানা ভাল চালাতে পারে নি, অর্ডার ছিল চা-বাগানের অর্ডার। ওই চাটুজ্জের রায়বাহাদুরই ওঁর ছোট অর্ডারগুলো দিয়ে ওকে সাহায্য করতেন। ৩৪/৩৫ সালে হঠাৎ বাড়ি কারখানা চাটুজ্জেরদের কাছে মর্টগেজ দিলে। মোটা টাকা নিয়ে এক সিনহার সঙ্গে জুটে একটা ব্যাঙ্ক করলে। ওদের সবার পিছনে ছিল এক মালিক। বুয়েচেন না! সে অগাধ জলের মাছ। লোকটা দালাল। জাপানী ফার্মগুলো তখন বেশ মজবুত করে ভিত গাডছে। তারা নোহা মানে পিগ্‌ আয়রন কিনবে—তার অর্ডার পাইয়ে দেবে বলেছে। ব্যাঙ্কেও টাকা রাখবে বলেছে। শিবেনের কারখানা ফাঁপতে লাগল। আমি নাটক লিখলাম। নতুন রত্নমালা স্টেজের প্রায় হয়ে গেল। হঠাৎ ব্যাঙ্কটা ফেল পড়লো, বেধে গেল জাপানী যুদ্ধ। জাপানীরা বললে, ‘দিস টাইম উই গো বাট নেক্সট টাইম নট গো!’ ব্যাঙ্ক বন্ধ হওয়ার সঙ্গে সঙ্গে ব্যাঙ্কের ম্যানেজিং ডিরেক্টর দিব্যি জেলে চলে গেল। তার গেল না কিছুই। আর শিবেনের সব গেল। বাড়িঘর কারখানা মর্টগেজ ছিল—লিখে নিলে ওই চাটুজ্জেরা। কিছু টাকা দিয়েছিল চাটুজ্জেরা—সেও বহু অপমানের টাকা।

মাথা নিচু করে সত্য সত্যই লজ্জিত বেদনার সঙ্গে নিত্যবাবু বলেছিলেন—শিবেন কাপুরুষের মধ্যে বোধ হয় ওয়ার্ল্ড কাপুরুষ। শিবেনের বউ ছিল সুন্দরী—১৯৪০/৪১ সালেও সে যুবতী ছিল। চাটুজ্জেরদের বাড়ির বড়ছেলে—সে মারা গেছে—তার কাছে নাকি বিক্রি করে’ছিল শিবেন। চাটুজ্জের গিন্নী কথাটা জানতে পারে। সেই ভদ্রমহিলাই এর জন্তে শিবেনদের বসতবাড়ির পিছনদিকের খানিকটা ছেড়ে দিয়েছেন। এ চাকরিও সেই তাঁর চাকরি। শুনেছিলাম যতকাল শিবেনের বউ বাঁচবে ওদের বাড়ির ঠাকুরঘরের কাজ করে খেতে পাবে।

—কিন্তু এই মেয়েটি?

—সেই মায়ের কাছেই গেল বোধ হয়। আর আমাকে বলে গেল আপনাকে তো চিনি নে।

—না, তা নয়। জিজ্ঞাসা করছি—

—আমি সঠিক জানি নে সুখাংশুবাবু। বুয়েচেন না। তবে একাল তো সর্বনাশের কাল আশ্বঘাতের কাল—।

চূপ করে গিয়েছিলেন নিত্যবাবু।

সুখাংশুবাবু বুঝতে পেরেছিলেন, মুখে আর কিছু বলেন নি। তাকিয়ে ছিলেন সামনের দিকে। মনে পড়েছিল সেই রাজির কথা। এবং ওর এই শুচিন্মাত রূপের মধ্যে রাত্রে ও যে রূপে ও ছন্দে রূপসী ও ছন্দময়ী হয়ে দাঁড়ায় তার আভাস সকালবেলায় জলা আলোর মত জেগে থাকার কথা মনে পড়েছিল।

নিত্যাবাবু হঠাৎ বলেছিলেন—শুনেছি she is the cause of her husband's death ; she sold herself,—আরও অনেক কথা শুনি। এর আগে আমি সেসব বিশ্বাস করতাম না। কিন্তু আজ দেখলাম she is a dangerous woman. ওইটে ওর ছেলে মশায়।

এর পরও আছে। এই মেয়েটির আর অনেক পরিচয় নৈমিত্তিক খুঁটিনাটির মধ্যে তাঁর কাছে এসে জমা হয়েছে। নদী যেমন বয়ে যাবার সময় বাকের মুখে খড়কুটো পলিমাটি রেখে যায়, তেমনিভাবেই ও সেসব পরিচয় রেখে গেছে।

নিত্যাবাবু এরপর বাড়ি সম্পূর্ণ করে গৃহপ্রবেশ করলেন। স্থায়ী প্রতিবেশী হলেন। চার-পাঁচ দিন পরই একদিন এসে বললেন—জানলেন আর, শিবেনের জীকে আমার বাড়ি রান্নার কাজের জন্ত রাখলাম। বুয়েচেন না? মা'টা মেয়েটার মত না! হ্যাঁ। নাক চোখ ঘুরায় না। বেশ বিনয়টিনয় আছে। আমি মশাই দাঁড়িয়ে ছিলাম বারান্দায়, শিবেনের স্ত্রী দাঁড়াল। চাটুজ্জে-বাড়ি থেকে ফিরছিল। আমাকে বললে—চিনতে পারছেন? বললাম—তা পারব না কেন। তবে ভয় হয় বাপু। সেদিন তোমার মেয়ে যে অপ্রজ্ঞতটা না আমাকে করলে! ওঃ, বললে, আপনাকে তো আমি চিনি না!

বললে—ও এমনি বটে। তবে কি বলব বলুন—সবই তো জানেন। বিস্তর দুঃখে পাথর হওয়ার মত এমনি হয়ে গেছে।...আপনাকে ওরা খুব চেনে। খুব সম্মান করে।...রান্নার লোক চাই তা বললাম—মেয়ে কি করে? চাটুজ্জেবাড়ির কাজ তুমি কর। ও সেই কাজেই মধ্যে মধ্যে যায়। তা ওকে দাও না আমার বাড়ির রান্নার কাজে। বললে—ওকে শুধিয়ে বলব। তা' কাল সন্ধ্যাবেলা বলে গেল আমার বাড়ির কাজ ও নিজে করবে। মেয়ে করবে চাটুজ্জের কাজ।

বললাম—সেই ভাল তাই কর।

এরপর থেকে ভোরবেলা মা এবং মেয়ে দুজনেই আসত একসঙ্গে—ওপাশের ওই নিত্যাবাবুর ফুটপাথ ধরে হাঁটতো তারা আর পিছনে খানিকটা দূরে আসতো সেই ছেলেটা। সেই পাঠুকে ঠুকে হাত ছুঁড়ে ছুঁড়ে একটা ছুরোধ্য গর্জন মেশানো কান্নার মত শব্দ করতে করতে আসতো সে।

মেয়েটির মা ঢুকত নিত্যাবাবুর বাড়িতে। মেয়ে চলে যেত চাটুজ্জেবাড়ি। মেয়েটির মা-দ্বিমা নিত্যাবাবুর বাড়ি ঢুকবার সময় বলত—নীলু আর—আমার সঙ্গে আর। নীলু!

নীলু ঢুকপাত করত না। সে সেই একভঙ্গিতে চলত মায়ের পিছনে পিছনে। মা সাধারণতঃ পিছন ফিরে তাকাতেই না। চলে যেত সামনে। বড় রাস্তার মোড় থেকে গলিপথে ঢুকে যেত। তারপর আর দেখতে পেতেন না স্থাংস্তাবাবু। তবে কোন কোন দিন কোর্টে বের হবার সময় দেখতে পেতেন ছেলেটা নিত্যাবাবুর বারান্দায় গুয়ে ঘুমিয়ে পড়েছে কখন। কোনদিন বা নিত্যাবাবুর বাড়িতে সংগৃহীত কোন একটা ছেঁড়া বই খুলে দেওয়ালে ঠেস দিয়ে বসে আছে। কোন কোন দিন দেওয়ালে মাথা ঠুকত। আর একটা খেলা করত সে। এখানকার কুকুরদের সঙ্গে আলাপ জমিয়ে খেলা করত। দু'তিনটে দেশী কুকুর তার সামনে উপু হয়ে বলে থাকত—

ছেলেটা তাদের সঙ্গে কথা বলত ।

কোন কোন দিন মা দিদিমার দিকে বালি ঢেলা ছুঁড়ত ।

অবাক হয়ে তাকিয়ে দেখতেন স্বধাংগুবাবু । শুধু অবাক নয়, মনে মনে একটা অপরিমেয় ঘৃণা, তার সঙ্গে আরও কিছু, হয়ত মার্জনাহীন ক্রোধ, মেঘের মধ্য লুকনো বিদ্যুৎপুঞ্জের মত আবার্তিত হত । দিব্যদৃষ্টিতে দেখতে পেতেন একটা উগ্র পাপের মূর্তি যেন তিল তিল করে প্রতিদিন গড়ে উঠছে ।

এক এক দিন এই মা— ;

এ কি মা ? রাক্ষসী হয়তো । অথবা প্রেতিনী !

মনে একটা ছবি ভেসে উঠল । খোঁচাখাওয়া অথবা ঢিলখাওয়া সাপিনীর ক্রুদ্ধ আক্রোশে ফণা তুলে উঠে দাঁড়ানোর মত ওই ছেলেটার দিকে ঘুরে দাঁড়াত ।

বাল্যকালে এই হাওডাতেও সাপ দেখেছেন স্বধাংগুবাবু । মানুষকে দূরে রেখেই সাপ চলে যেত মাথা নিচু করে । পিছনে পায়ের শাড়া উঠলে গতি ক্রততর করত । কিন্তু কোন কোন দিন ফৌস করে ফণা তুলে ঘুরে দাঁড়াত । নিম্পলক সাপিনীর দৃষ্টি । চেরা জ্বিত লকলক করত ।

ঠিক তেমনিভাবেই এই প্রেতিনী অথবা সাপিনী মা এক এক দিন হঠাৎ ঘুরে দাঁড়াতে এবং তিরক্ত কটু কণ্ঠে সোচ্চারেই বলে উঠত—মর মর তুই মর—তুই মরে যা ! আমি খালাস পাই !

ছেলেটাও থমকে দাঁড়াতে । সেও ক্রুদ্ধ দৃষ্টিতে তাকিয়ে থাকত মায়ের দিকে । ঠোট ছোটো নডত অথবা কাঁপত । দিদিমা এসে হাত ধরত ; না—ধরতে চেষ্টা করত । ছেলেটা ধরা দিত না । ছুটে পালিয়ে যেতো । তারপর এ মেয়ে চলে যেতো চাটুজ্জবাড়ি—এর মা ঢুকত নিত্যবাবুর বাড়ি ।

এরপর ছেলেটার মুখ ফুটল । সেও বলতে শুরু করলে—তুই মর তুই মর—তুই মরে যা । তারপর তার সঙ্গে যুক্ত হল—হারামজাদী গুল্লোরের বাচ্চা— ! তারপর কোথা থেকে শিখলে—কুস্তি, কুস্তার বাচ্চি কুস্তি ।

না । এ গালটা স্বধাংগুবাবু ছেলেটার মুখে শোনেন নি । নিত্যবাবুকে বলেছিল মেয়েটির মা ছেলেটার দিদিমা । সেদিন সকালে ছেলেটা দিদিমার সঙ্গে এসেছিল কপালে ব্যাণ্ডেজ বেঁধে । ব্যাণ্ডেজ তখনও কাঁচা রক্তে ভিজ়ে ভিজ়ে ছিল । ছেলেটার পদক্ষেপ ঠিক ছিল না, টলছিল । মা চলে গেল চাটুজ্জবাড়ি—দিদিমা ছেলেটাকে নিত্যবাবুর বারান্দায় শুইয়ে দিয়ে কাজে লেগে-ছিল । সেদিনটাও ছিল কোন ছুটির দিন । বাড়িতে বসে স্বধাংগুবাবু তাঁর রাজনৈতিক কর্মী বন্ধুদের সাথে কথা বলছিলেন, হঠাৎ একটা গোলমাল উঠেছিল নিত্যবাবুর বাড়িতে ।

স্বধাংগুবাবু বারান্দায় বেরিয়ে দেখতে পেয়েছিলেন ছেলেটার উপর খুঁকে পড়ে দিদিমা কাঁদতে কাঁদতে ডাকছে—ওরে নীলু রে—ওরে ! ওরে ভাই রে সোনা রে !

নিত্যবাবু নার্ভাস হয়ে গিয়েছিলেন । কি করবেন ভেবে পাচ্ছিলেন না । ছেলেটা অজ্ঞান হয়ে গিয়েছিল । কপালের ব্যাণ্ডেজটা তখন কেমন করে খসে বা খুলে পড়েছে এবং খানিকটা জায়গায় খানিকটা রক্ত পড়ে জমে রয়েছে । স্বধাংগুবাবুই ডাক্তার ডেকেছিলেন । মোড়ের

মাথাতেই ভাক্তার আছে। ভাক্তার এসে দেখে শিউরে বলেছিল—এ যে অনেকখানি কেটেছে।  
যেন কেউ কি হুতে করে কুপিয়ে দিয়েছে মনে হচ্ছে।

কুপিয়ে দিয়েছিল এই রাক্ষসী অথবা প্রেতিনী মা।

কথাটা প্রকাশ করে দিয়েছিল দিদিমা। দিদিমা বলেছিল—কি করব বলুন। তখন অনেকটা  
রাত্রি। টাপা গিয়েছিল গিনেমা দেখতে। ফিরে এল। এসে, নিজের খাবারটা গরম করে  
নিচ্ছিল। শীতের দিন তো। উনোনে ঘুঁটে দিয়ে চাটু চড়িয়েছে ছেলে এসে বসল ঝগড়া  
করতে। এ বলে তুই মর—ও বলে তুই মর। এরই মধ্যে ছেলেটা মুখ খারাপ করে গাল  
দিয়ে বললে—কুন্তি কাঁহাকা, কুন্তার বাচ্চি কুন্তি! এই হাতে ছিল খস্টি, সেই খস্টি বসিয়ে দিলে  
মাথায়, লাগল কপালে, এতখানি কেটে গেল। ভকভক করে রক্ত পড়েছিল তখন। তখন  
আবার ঝাকড়া পুড়িয়ে করালী করে লাগানো হল, তারপর উঠোনে গাঁদা গাছ হয়েছে তা থেকে  
পাতা বেঁটেও ভাল করে বেঁধে দেওয়া হয়েছিল। হঠাৎ কিরকম আবার রক্ত পড়ছে। অজ্ঞান  
হয়ে গিয়েছে—দুর্বল হয়েছে তো!

স্থানান্তরবাক্যে কথাগুলো বলেছিলেন নিত্যবাবু।

ছেলেটা ভুগেছিল কিছুদিন। মরত, মরাই হয়তো স্বাভাবিক ছিল, কিন্তু গরীব এবং দুর্ভাগা  
যারা তাদের পক্ষে স্বাভাবিক রেহাইটা মেলে না। সেখানে উন্টোটা হয়।

এরপর ছেলেটাকে দেখা যেতো না।

নিত্যবাবুই বলে ছিলেন ছেলেটা স্থলে ভর্তি হয়েছে।

দেখা যেতো মধ্যো মধ্যো। শনিবার দিন নটা বাজলেই ছেলেটা এসে দাঁড়াতো নিত্যবাবুর  
বাড়ির দরজায়—বাড়ির চাবি নেবে।

রবিবার কোন কোন দিন আগের থেকে প্রচণ্ডতর আক্ষেপ বা বিক্ষোভের সঙ্গে পা টুকে  
হাত ছুঁড়ে মায়ের সঙ্গে ঝগড়া করতে করতে আসত।

একদিন মাকে মারলে ঢেলা ছুঁড়ে। তাঁর সামনে। ওই রাস্তার উপর। সেদিন ওদের এই  
পথে যাওয়া-আসার ছকে খানিকটা ওলোটপালোট হয়েছিল। ছেলেটা সেদিন রাগ করে হনহন  
করে চলে যাচ্ছিল, তার পিছনে ছিল দিদিমা; সে তাকে ডাকছিল—নীলু ফের, ফিরে আয়।  
নীলু!

নীলু পিছন ফিরেই বলছিল—না না।

—নীলু!

—না!

এবার তীক্ষ্ণ কণ্ঠস্বর ধ্বনিত হয়ে উঠেছিল—নৌ—লু!

সঙ্গে সঙ্গে ছেলেটা, সাপের মত না, বাঘের মত ঘুরে দাঁড়িয়ে দাঁতে খামচ কেটে একমুহূর্তের  
মধ্যে কুড়িয়ে তুলে নিয়েছিল একটা ইটের টুকরো। এবং সমস্ত শক্তি একত্রিত করে মাকে  
লক্ষ্য করে ছুঁড়েছিল সেই ঢেলাটা। সে তাঁর চোখের সম্মুখে ঘটেছিল। ছেলেটার সে ঢেলা  
ছোঁড়ার ছবিটা চোখের উপর ভাসছে এই মুহূর্তে। ঢেলাটা লক্ষ্যভ্রষ্ট হয় নি। সজোরে এসে

লেগেছিল নীলুর মায়ের হাঁটুতে। সে জোর আঘাতের একটা শব্দ উঠেছিল। সেটাও আজ মনে পড়ছে। মেয়েটি দুই হাতে হাঁটু ধরে বসে পড়েছিল। নীলুর মায়ের মা ছুটে গিয়েছিল মেয়ের কাছে।

যত সে “চাপা চাপা” বলে নাম ধরে ডেকেছিল ততই এ মেয়েটি ঘাড় বেঁকিয়ে মুখখানা যথাসাধ্য বুকের মধ্যে গুঁজে লুকিয়ে মাথা নেড়ে জানিয়েছিল—না না না। ডাকিস নে ডাকিস নে ডাকিস নে। তার অর্থ এ ছাড়া আর কি হতে পারে তা কোনদিন স্বধাংগুবাবু ভেবে দেখতে চান নি।

ঘটনাটা তো খুব কিছু অস্বাভাবিক নয়।

এরকমটা ওই ধরনের জীবন যাদের তাদের পক্ষে অত্যন্ত সাধারণ ও স্বাভাবিক। খালি পায়ে যারা চলে তারা প্রমত্ত হলে হুঁচোটের আঘাতটা তাদের প্রাপ্য।

ওদিকে তখন চাপার চারদিকে ভিড় জমে গিছিল। তাঁর মনে আবার প্রশ্ন জেগেছিল—আঘাত গুরুতর হয় নি তো ?

ইতিমধ্যে প্রতিবেশী নিত্যবাবু বেরিয়ে এসেছিলেন। এবং কি হল কি হল বলে ছুটে গিয়েছিলেন ওই ভিড়ের মধ্যে। এবং নিত্যবাবুই তার হাত ধরে তাকে ভিড় থেকে বের করে এগিয়ে নিয়ে চাটুজ্জদের পথটায় পৌঁছে দিয়ে এসেছিলেন।

স্বধাংগুবাবু তখনও দাঁড়িয়ে ছিলেন। তিনি কিছুক্ষণ ওই ছেলেটিকে দেখেছিলেন। পিঙ্গল চোখ পিঙ্গল চুল শব্দ শীর্ণ দেহ। তারপর কখন যে নিত্যবাবু আসার সঙ্গে সঙ্গে তার দিকে দৃষ্টি ফিরিয়েছিলেন তা খেয়াল ছিল না কিন্তু এরই মধ্যে ছেলেটা কোথায় চলে গিয়েছিল। সবশেষে সেদিন একটা আক্ষেপ হয়েছিল তাঁর—মনে পড়ছে মনে হয়েছিল যেন কোন অদৃষ্ট বিচারকের আদালতের পিওন এসে তাঁকে বলে যাচ্ছে—এর কাছে তোমার দেনা আছে শোধ করছ না কেন ?

রবিবার হলেও কয়েকজন মজ্জেল এসে গিয়েছিল। তারাও ক’জন দাঁড়িয়ে ছিল তাঁর কাছেই। ক’জন আগিসঘরে গিয়ে বসেছিল। তিনি তখনও ভাবছিলেন।

কি জানি কেমন করে এই ছেলে এবং এই মা মেয়েটিকে নিয়ে তাঁর চিন্তা ভাবনা তাঁর সারা অন্তরময় ছড়িয়ে পড়ছিল। শুধু অন্তরময় কেন সারা দেশময়। একটা সহানুভূতি সেদিন অনুভব করেছিলেন এই হতভাগিনীর জন্তে।

কি হয়ে গেল সব ?

ওই মেয়ে—ওই তো যেন চারিদিকে ! গত মহাযুদ্ধের সময় থেকে। ওঃ ! ইংরেজ আমেরিকা লাখে লাখে তাদের সৈন্যবাহিনী নামিয়ে দিলে। দেশের খাতিভাওয়ার লুঠ করে ছুষ্ট্রাপ্য করে দিলে, হাওয়ায় নোট উড়িয়ে দিলে। ময়দানে বসে গেল দেহের বিক্রির হাট।

যারা বাজারে এসে পা দিল তারা আর ফিরে গেল না। দেশ স্বাধীন হল কি হল না কে জানে—হিন্দু ধরলে ছুরি মুসলমান ধরলে ছুরি—মারলে পরস্পরের বুক—রক্ত ঝরল—সে রক্ত আজও ঝরছেই ঝরছেই। দেশ ভাগ হয়ে গেছে তবু ঝরছে। এখন আর হিন্দু মুসলমান বিরোধের

প্রয়োজন নেই—তোমার সঙ্গে আমার—তোমার সঙ্গে তার কিংবা তার সঙ্গে তার বিরোধ হলে সে বিরোধের মীমাংসা পৃথিবীর আদিম মীমাংসার পথে। খানিকটা রক্তপাত। পথে যেখানে দুজনে চলা যাবে না তখন একজনকে যেতে হবে।

ঠিক এই সময়েই চাপাকে চাটুজ্জ্বের গলিতে অথবা দোরে পৌঁছে দিয়ে ফিরে আসছিলেন নিত্যবাবু। তাঁকে দাঁড়িয়ে থাকতে দেখে নিজের বাড়ি না ঢুকে নিত্যবাবু ফিরে দাঁড়িয়ে বলেছিলেন— দেখলেন কাণ্ডটা !

তিনি বলেছিলেন—আমি সবটাই দেখেছি। আর শুধু আজকের ঘটনা নয় রোজই দেখি। হঠাৎ আজ—

—পাখা গজায় নি এতদিন। আজ গজালো। একেবারে মস্তান হয়ে গেল।

একটু থেমে ভেবে নিয়ে বলেছিলেন—দিদিমাই ওর মাথা চিবিয়ে খেয়ে দিলে।

তিনি কোন উত্তর দেন নি।

এই হতভাগিনী মা-টির উপর করুণা করতে চেয়েও কোনমতেই এতটুকু করুণা তাঁর মনে সঞ্চারিত হয় নি। করুণা তো কেউ কাউকে করে না—করুণা আপনা থেকে সঞ্চারিত হয়। শুক হৃদয় আপনা-আপনি সজল হয়ে ওঠে। তার কারণ থাকে। এ মেয়েটির পক্ষে সে কারণ নেই। এর জন্তে তা হয় নি।

## তিন

তারপর অনেক দিন চলে গেছে।

নিত্যবাবু নেই। তিনি গত হয়েছেন। এ মেয়েটির মা সেও নেই, মারা গেছে। মেয়েটি আছে। তার কিন্তু কোন পরিবর্তন হয় নি।

এই অনেক দিনে বয়স তার বেড়েছে—চেহারায় কিছুটা যেন ভারী দেখায় কিন্তু তাতে তার ওই যে প্রেতিনী রূপ তার এতটুকু ইতরবিশেষ হয় নি। বয়ঃ প্রেতিনীত্বের মধ্যে যে একটি মোহ বা মোহিনীত্ব থাকে তা যেন বেড়েছে।

আজও চাটুজ্জ্বের বাড়ির কাজটা সে রেখেছে। সে কাজ সে করে। ভোরবেলা সে যায়। সেই স্নান করে শুচিস্নাত হয়ে শৌখিন সাদা ব্লাউজের উপর ফিতেপাড় শাড়ি পরে যায় এবং আসে।

স্বধাংসুবাবুর সঙ্গে দেখা হয় না। স্বধাংসুবাবুও আর ভোরবেলা রাস্তায় এসে দাঁড়ান না। তবে যেদিন দাঁড়ান সেদিন ঠিক দেখতে পান সেই মেয়ে চলেছে সেই মনোহারী কেশবিন্যাসছন্দটি বজায় রেখে—সেই চুলের রাশির উপর আধঘোমটা টেনে মাথাটি একটু হেঁট করে চলেছে। আজকাল আর ছেলেটাকে দেখেন না। সে আর তার পিছনে পিছনে হাঁটে না। তবে তার কথা অনেক শোনেন।

পড়া ছেড়েছে। নেশা করে। আরও অনেক কিছু করে।

বোমা ফাটার শব্দ হলে ছেলেটার কথা ওঠে।

হুঁদলে মারামারি হলে একদলে-না-একদলে ও থাকেই। মধ্যে মধ্যে পুলিশে ধরে নিয়ে যার আবার ছেড়ে দেয়। মোট কথা সে তার জীবনক্ষেত্র তৈরি করে নিয়েছে। মায়ের পিছনে সে আর হাঁটে না। বছর তিনেক থেকে হাঁটে না। মা এখন একলাই হাঁটে।

লোকে বলে—। লোকে অনেক কথা বলে।

যা বলে তার প্রতিটি অক্ষর সত্য না হলেও যা বলে তার অর্থ সত্য—সে সুধাংশুবাবু জানেন। তাঁর চোখের উপর ভেসে উঠছে খাটের তলায় খালি মদের বোতল গড়িয়ে পড়ে ছিল। ভর্তি বোতলও ছিল।

সেই মেয়ে চোখে জল নিয়ে এই সন্ধ্যায় তাঁর সামনে এসে দাঁড়িয়েছে। সুধাংশুবাবু এখন অনেক বড় হয়েছেন। পুরনো বাড়ি সংস্কার করে নতুন হয়েছে। আর একটা তলা উঠেছে। পাশের দিকে বেড়েছে। গাড়ি হয়েছে। এ অঞ্চলের লোকেরা তাঁর জীবনের গতিবিধি স্বভাব অভ্যাস সব কিছুর খবর রাখে। সপ্তাহের এই শনিবারের সন্ধ্যাটি তাঁর একান্তভাবে নিজস্ব। মিটিং-টিটিং হলে যান, রাজনীতির সঙ্গে যোগ তাঁর আছে। সেখানে কোন স্বার্থ তাঁর নেই কিন্তু একটা আদর্শ তাঁর আছে। এ ছাড়াও নানান প্রতিষ্ঠানও তাঁকে ডাকে। কখনও কখনও সিনেমা থিয়েটার দেখার নিমন্ত্রণও আসে। এ সন্ধ্যায় কারুর সঙ্গে তিনি দেখা করেন না—এ কথাটা বাইরে বোঝেও লেখা আছে।

চাপার ;—

হ্যাঁ, চাপাই ওর ডাকনাম—ভাল নাম রত্নমালা।

চাপার চোখের কোলে-কোলে জলের ধারার দাগ দুটি চিকচিক করে উঠল এই মুহূর্তটিতে। মধ্যে মধ্যে নতুন জলের ফোঁটা গড়িয়ে এলেই ঘরের আলোর ছটা প্রতিকলিত হয়ে উঠছে। মিনিট কয়েকই দাঁড়িয়ে আছে। এমনই ভাবে হাত জোড করে মাটির পুতুলের মত দাঁড়িয়ে আছে। কথা বলতেও সাহস করে নি। তিনিও কথা বলেন নি। বিশ্বয়ের আর তাঁর অবধি ছিল না।

প্রথমই মনে হয়েছে এই প্রেতিনী তাঁর দোরে এসে দাঁড়াল কেন?

প্রথমই একবার মনে হয়েছিল দরজার পাশা দুখানা জোরে ঠেলে দিয়ে ওর মুখের ওপরই বন্ধ করে দেন। কিন্তু পারেন নি। কথাটা মনে হবার সঙ্গে সঙ্গেই মনে পড়েছিল বারো বছর আগে সাম্প্রদায়িক দাঙ্গার সেই বীভৎস এবং ভয়ানক রাত্রে অন্ধকার গলিপথের উপর দরজা খুলে দিয়ে তাঁকে একটি মেয়ে, সে-মেয়ে এই মেয়ে, বলেছিল তাড়াতাড়ি ঘরের মধ্যে চলে আসুন। তাড়াতাড়ি।

তারপর গভীর রাত্রি পর্যন্ত যতক্ষণ না দাঙ্গার আশ্ফালন এবং বীভৎসতা স্তব্ধ হয়েছিল ততক্ষণ তাঁকে ঘরের মধ্যে লুকিয়ে রেখে বাইরে বসে থেকেছিল।

আজও পর্যন্ত তার বিনিময়ে কোন দাবি সে করে নি। পরিচয়ের দাবিও না। একবার একটা মামলার কাগজ নিয়ে এসেছিল—টাকাপয়সা দেনাপাওনার পেটি কেস—কিন্তু সেক্ষেত্রেও বিলী



কাণ্ড ঘটেছিল। উপকারের প্রত্যাশা কর তা সে যতটুকুই হোক তার সুযোগ দিতে এসেও এই উক্ত দর্পিতা মেয়েটি দেয় নি। হাত পেতেও হাত গুটিয়ে যেন প্রত্যাখ্যান করেছিল। আজ সে হাত জোড় করে দাঁড়িয়ে রয়েছে। চোখে জল টলমল করছে। তিনি বিশ্বাস করতে পারছেন না। বুঝতে পারছেন না কি করবেন। স্তব্ধ হয়ে দাঁড়িয়ে আছেন হয়তো তিন মিনিট হয়তো তার থেকে বেশী। দাঁড়িয়ে দাঁড়িয়ে সবিস্ময়ে ভাবছেন। মনে পড়ছে পিছনের কথা।

এ স্তব্ধতা ভঙ্গ সেই কবলে প্রথম ভীত ও যত্ন কণ্ঠে সে তাঁকে ডাকলে—একান্ত দীনজনের মতই ডাকলে—বাবু।

সে কি তবে ভিক্ষাপ্রার্থিনী? অর্থ? অর্থ চাই?

হিন বা চার পা। গলায় সোনার বিছেহার চিকচিক করছে। কানে টাপ রয়েছে। হাতে তিন বা চারগাছি করে বরফি চুড়ি রয়েছে।

তিনি অত্যন্ত নীরস কণ্ঠেই বললেন—এত রাতে? কি প্রয়োজন তোমার? বল।

মেয়েটির চোখের কোল জলের উজ্জ্বল ভরে উঠল। কিছু বলতে গিয়ে প্রথমটা পারলে না। গরুর বললে—আমাকে বাঁচান, বাবু, আমার--আমার—

কণ্ঠস্বর তার দ্বিতীয়বার স্তব্ধ হয়ে গেল। মুখের উপর কাপড় চাপা দিয়ে সে ছুঁ করে কেঁদে উঠল।

সুধাংশুবাবুকে স্পর্শ করল সে বেদনার ছোয়াচ। একটু সন্দেহ হয়েই তিনি বললেন—কেদো না, বল কি বলছ?

একটু অপেক্ষা করে বললেন—কি হয়েছে? সঙ্গে সঙ্গে মেয়েটির চরিত্র এবং তাঁর ফৌজদারী আদালতে খ্যাতির সঙ্গে যোগাযোগ করে একটু বক্রহাসি না হেসে পারলেন না। বললেন—কি কেসে পড়েছ? ঘরে মদ বেরিয়েছে? না—। কি? কি হয়েছে বল।

এবার কোনমতে আত্মসংবরণ করে চাপা বললে—আমার নীলু—আমার নীলুকে আপনি বাঁচান বাবু। লোকে বলছে, আমিও জানি আপনি পারেন।

—নীলু? মানে? মনে পড়ল না প্রথমটা।

—আমার ছেলে। আমার নীলু।

—ও হ্যাঁ হ্যাঁ—।

মস্তান—।

আশ্চর্য! আরবা ভাষা পারসী ভাষা তুর্কী ভাষা যারা এনেছিল এদেশে, এদেশের ভাষার সঙ্গে মিশিয়ে উর্দু ভাষা যারা তৈরি করেছিল তারা বাংলাদেশে বক্তব্যের খিলজীর নবদীপ অধিকার থেকে পলাশীর যুদ্ধ উধুয়ানালা বক্সারের যুদ্ধ পর্যন্ত কর্মদিন রাজত্ব করে নি—তারা এই পাঁচ ছ'শো বছরে দিয়েছে অনেক কিন্তু এই মস্তান শব্দটি এবং মস্তানী রূপটি তাদের রাজত্বকালে বাংলাদেশে চালু হয় নি—হঠাৎ এককাল পরে শব্দটি এবং শব্দের বাস্তবরূপটি আরব্যউপত্যকার কোন বোটলের ছিপি কাটিয়ে তার ভিতর থেকে বেরিয়ে এসে দাঁড়িয়েছে।

১৯৬০ সাল এখন—এখন বারো তেরো থেকে চব্বিশ পঁচিশ বছর পর্যন্ত সব মানুষই যেন

মস্তান হয়ে গেছে।

একজন পনের ঘোল বছরের ছেলে যখন কোন বাড়ির মধ্যে ঢুকে অত্যন্ত সহজ কণ্ঠে বলে—  
মাসীমা, সতু কোথায়? একবার ডেকে দেবেন!

তখন মাসীমা বিবর্ণ হয়ে যান নির্ধাক হয়ে যান। মাসীমা সতুর মা। তিনি জানেন রামুর  
হাতে ছুরি আছে। এবং সে ছুরি সতুর বুকে বা পেটে বসিয়ে যখন দেবে তখন একবারও হাত  
কাঁপবে না।

১৯৬০ সাল পর্যন্ত রামমোহন থেকে স্বভাষচন্দ্র পর্যন্ত মহা-আবির্ভাবের সব পুণ্য ফুৎকাবে  
উড়ে গেছে। কোন্ মহাশূণ্ডে ধুলো হয়ে উড়ে হারিয়ে গেছে; তার উপর—

মনে পড়ল নীলুর এবং নীলুর মায়ের এবং নীলুর মাতামহের ইতিহাস। জন্মগত পাপ  
ছেলেটার রক্তের মধ্যে কীর্তিনাশার কুটিল ধ্বংসের প্ররুতিতে আবর্তিত হচ্ছে।

আশ্চর্য কি?

একটু বিষন্ন হাসির রেখা ঠোঁটের কোন এক কোণে ফুটে উঠল আপনাআপনি। জিজ্ঞাসা  
করলেন—কিন্তু মারলে কেন? কারণটা কি? টাকাকড়ি ছেনতাই? না জুয়োটুয়ো—?

—না না। বাবু কারণ আমি—।

নিজের কপালে হাতের তালু দিয়ে আঘাত করে মেয়েটি বললে—আমি তার কারণ।  
আমার জন্তে—

—তোমার জন্তে? বিশ্বাসের আর সীমা রইল না স্বধাংগুবাবুর।

মেয়েটি বললে—হ্যাঁ, আমার জন্তে। ওই বরেন মল্লিক ছিল—। খেমে গেল মধ্যপথে।  
আকস্মিকভাবে।

৭৮শ্বরে স্বধাংগুবাবু বললেন—হ্যাঁ—। ওই বরেন মল্লিক ছিল—। কি ছিল? বল।

—ছিল—

কঠিন স্বরে স্বধাংগুবাবু বললেন—হ্যাঁ—। কি ছিল তাই বল। মনে মনে বললেন—বুঝেছি।  
তুমি প্রেতিনী সে প্রেত। তা স্বীকার করতে এখনও তোমার লজ্জা!

মনে মনে অকারণে নিষ্ঠুর হয়ে উঠছিলেন তিনি।

তবু সেই একটি রাজের কথা তিনি কিছুতেই ভুলতে পারছিলেন না। আবার তিনি কিছুটা  
কোমল হবার চেষ্টা করে বললেন—বল। আদালতের ব্যাপার—এখানে না বললে তো চলবে না!

একটা গভীর দীর্ঘনিশ্বাস ফেলে মেয়েটি বললে—কি বলব তাই ভাবছি। কি ছিল? এক  
বিচিত্র জাতের হাসি হেসে বললে—সে-কালে শুনেছি কেনা দাস-দাসী ছিল। বরেন মল্লিকের  
কাছে আমি ছিলাম তাই। আমাকে সে কিনেছিল। নগদ টাকা শুনে দিয়েছে। দলিলে সই  
করিয়ে নিয়েছে।

—দলিলে সই করিয়ে নিয়ে সে কিনেছিল তোমাকে? চমকে উঠলেন স্বধাংগুবাবু। টাপার  
কথার মধ্যে এতটুকু অস্পষ্টতা ছিল না—এবং স্বধাংগুবাবু একজন বড় অপরাধ আইন বিশেষজ্ঞ—  
তিনি বহু বিচিত্র প্রথা ও ঘটনার কথা জানেন তবু তাঁর প্রশ্নের মধ্যে বিশ্বাস প্রকাশ না পেয়ে

পারলে না। এবং সে বিশ্বয় অনেক বিশ্বয়। এমন কোন কথা তো তাঁর প্রতিবেশী নিত্যবাবুর কাছে তিনি শোনেন নি। না! কোন আত্মসই সে তো দেয় নি।

চাঁপা স্পষ্ট ধীর কণ্ঠস্বরে উত্তর দিলে—একবার নয় দু'বার। প্রথমবার বাবার সামনে দু'হাজার টাকার নোটের গোছা আমারই হাতে তুলে দিয়েছিল। বাবা বলেছিল—নে মা নে, আমাকে বাঁচা। নইলে আমাকে জেলে যেতে হবে। পুতুলের মতই আমি নিয়েছিলাম। মল্লিক বলেছিল—বাবাকে দাও ও গুনে নিক আর শোন—এ ছাড়াও তোমাকে গহনা দেব—পোশাক-আশাক কাপড়চোপড় দেব। তবে কোনদিন আমার জীব দাবি করতে পাবে না। গহনাও সে আমাকে দিয়েছিল। সেও বাবা বেচেছে মা বেচেছে সে বেচেছে। আমি? আমিও বেচেছি। একটুক্কণের জন্তু চূপ করলে চাঁপা, তারপর দেওয়ালের দিকে তাকিয়ে বলে গেল—কোন কথা! আজ আপনাকে কাছে গোপন করব না। সেদিন যেদিন দু'হাজার টাকায় প্রথম বিক্রি হলাম, সেদিন ওই লোকটার কথা শুনে আমার শরীর যেন কাঠ হয়ে গিছিল, হাত পা ঠাণ্ডা হয়ে আস-ছিল—আমার গলাও যেন বন্ধ হয়ে গিয়েছিল। মনের মধ্যে কোন বলবার কথা খুঁজে পাই নি—হারিয়ে গিয়েছিল। আমি কোন কথা বলি নি বলতে পারি নি। শুধু বসেই ছিলাম। বাবা আমার হাত থেকে নোটের গোছাটা টেনে নিয়ে কখন একসময় নিঃশব্দে ঘর থেকে বেরিয়ে চলে গিছিল। তারপর—

দু'হাতে মুখ ঢাকলে চাঁপা।

স্বধাংসুবাবু নির্বাক হয়ে গেলেন। শুধু নির্বাক নয়, যেন নড়াচড়ার শক্তিও তাঁর ছিল না।

এত বড় অপরাধ, আইনের উকীল, তিনি জানেন ভূমি আর নারী এই নিয়েই যত অনর্থ ঘটে পৃথিবীতে। ভূমির চেয়েও বোধ হয় নারীর হাট বেশী বিকৃত। বাপ বিক্রি করে কন্যাকে, মা বিক্রি করে কন্যাকে, স্বামী বিক্রি করে স্ত্রীকে, ভাই বিক্রি করে বোনকে, নারী নিজেকে বিক্রি করে নিজেকে।

পঞ্চপাণ্ডবের জ্যেষ্ঠ মহাভারতের জ্যেষ্ঠ ধার্মিক এবং মহৎ জন যুধিষ্ঠির জ্যোপদীকে পাশার জুয়াখেলায় পণ রেখে হেরেছিলেন।

অনেকক্ষণ পর স্বধাংসুবাবু বললেন—এস ভিতরে এস। বস ওই চেয়ারে। বল তোমার ছেলের কেসের কথা!

—আমার নীলু—।

দু'চোখ থেকে দুটি জলের ধারা আবার গড়িয়ে এল। চেয়ারের উপর বসে হাত দুখানি কোলের উপর রেখে বলতে আরম্ভ করেছিল।—আমার নীলু—বলেই কিন্তু থেমে গেল। থেমে গেল বলা ঠিক হল না; কণ্ঠস্বর রুদ্ধ হয়ে গেল, সঙ্গে সঙ্গে চোখের পাতা দুটি আপনি বন্ধ হল এবং দুটি জলধারা গড়িয়ে পড়ল দুটি চোখ থেকে।

—নিজেকে একটু শক্ত কর। ভেঙে পড়লে চলবে না। শাস্ত হয়ে আস্তে আস্তে বল। শুধিয়ে

পরিষ্কার করে বল।

—আমার নীলু আমার গরুড়।

—গরুড়? কি বলছ?

—পুরাণের গরুড়ের কথা বলছি। তার মা বিনতার দাসীত্ব মোচন করেছিল অমৃত এনে। মল্লিকের বৃকে পেটে ছুরি মেরে তাকে কেলে দিয়ে নীলু পালিয়ে যাবার সময় আমাকে বলেছিল—যা এবার তুই খালাস। ইচ্ছে করে তোকেও শেষ করে দি। তা থাক। তুই মা। এর পর কিন্তু তুই যদি এ পাপ করিস তাহলে আমি বেঁচে থাকলে তোর রক্তে আমি চান করব।

আমি পাথর হয়ে গেলাম। কাঁপতে কাঁপতে পড়ে গেলাম ফুটপাথের উপর। নীলু ছুরি উচিয়ে ছুটে ঢুকে গেল গলির মধ্যে। মল্লিকের রক্তে আমার কাপড়চোপড় লাল হয়ে গেল। লোকজন জমে গেল; পুলিশ এল, গলিটার ওদিক থেকে কতকগুলো লোক নীলুকে ধরে নিয়ে এল—তারা ধরেছে নীলুকে।

আপনি দেখেছেন সে গলি।

আমার কাছে এসে আমাকে ফুটপাথের উপর রক্তমাখা অবস্থায় পড়ে থাকতে দেখে নীলুবললে—যাঃ, তুই এবার নিষ্কণ্টক। আমার ফাঁসি হবে। আর কেউ তোর পথ রুখে দাঁড়াবে না।

তারপর বললে—এরপরও যদি তুই এ-পাপ করিস তবে তোর যেন কুষ্ঠ হয়। যদি না হয় তবে ফাঁসি গিয়ে প্রেত তো আমি হবই। সেই প্রেত হয়ে ভগবানের বৃকে গিয়ে ছুরি বসাও আমি। তারপর মরা ভগবানটাকে টেনে নিয়ে গিয়ে কবর দিয়ে দেব নরকের পাকের মধ্যে!

শিউরে উঠলেন স্থাংগুবাবু।

চাপা বললে—পাপ কার তা' আমি জানি না। তবে পাপের পাক আমি সর্বান্তে মেখেছি। আপনি একদিন স্বচক্ষে দেখে এসেছেন আমার সে পাক-মাখা চেহারা। প্রতিদিন সন্ধ্যায় এমনি সেজে আমাকে বসে থাকতে হত। আর যে লোকটা সেদিন জানালায় টোকা মেরে কথা বলেছিল—যাকে ফিরিয়ে দিয়েছিলাম সেই লোকটাই মল্লিক। সেদিন সেই দাঙ্গার অবস্থা বলেই সে ফিরে গিছিল। নাহলে সে কেরবার মাগুধ ছিল না। সে একটা জন্তু। নিষ্ঠুর জন্তু। সাপের মত। কুমীরের মত। আমার বাবা টাকার জন্তে বিক্রি করেছিল আমাকে; সে আজকের কথা নয়। কুড়ি বছর আগে। তখন আমার বয়স বোল। আজ পনের বছর ধরে ওই অজগরটা ওই কুমীরটা আমাকে তিল-তিল করে গিলেছে। কঠিন জীবন আমার, আমি মরি নি।—সে কৈঁদে ফেললে এতক্ষণে। স্থাংগুবাবু একটু নড়েচড়ে বসলেন।

বহুদর্শী মাগুধ তিনি। অনেক অপরাধী বেঁটেছেন—অনেক অপরাধ দেখেছেন; তিনি জানেন সত্য এবং ভাবাবেগ সূর্যের আলো এবং রঙিন চশমার মত অথবা আলো এবং রঙিন কাগজের মত। রঙিন বালুকের বিচিত্র খেলার রক্তমঞ্চে পর্দার উপর ঘনঘোর মেঘপুঞ্জ ভেসে যায়; দূরে পাহাড়ের মাথা থেকে মিথ্যা নদীর জলপ্রপাত ঝরে পড়ে, মিথ্যা স্বর্ষোদয় সূর্যাস্ত দিন রাত্রির মাঝার সৃষ্টি করা যায়। সে হয়তো রক্তমঞ্জের সত্য, নাটকের সত্য সম্পূর্ণ স্বতন্ত্র একটা

ঘটনাবর্ত। তার পটভূমি আছে, ঘটনার ঘাত-প্রতিঘাত আছে, অকৃত্রিম দিন-রাত্রিতে একটা কাল আছে; অনেক হাসি-কান্নার আবেগও আছে। কিন্তু সে আবেগ চাঁপার আজকের আবেগ নয়। চাঁপার আবেগ আজ রঙ্গমঞ্চের রঙিন আলোর মায়াবিলম্ব হয়ে উঠে থাকলে বিশ্বাসের কিছু নেই। তাছাড়া নারী যখন দেহকে আঁকড়ে ধরে তখন সে ছলনাময়ী। মিথ্যাবাদিনী।

স্বধাংগুবাবু বাধা দিয়ে বললেন—দাঁড়াও। একটা প্রশ্ন করব।

চাঁপা চুপ করলে এবং স্বধাংগুবাবুর মুখের দিকে তাকিয়ে রইল। স্বধাংগুবাবু বললেন—পনের বছর আগে তোমার বাবা মল্লিকের কাছে দু'হাজার টাকা নিয়েছিল—পনের বছর তুমি এহ মল্লিকের রক্ষিতা হয়ে আছ—

দুই হাতে মুখ ঢাকলে চাঁপা।

স্বধাংগুবাবুর মুখখানা কঠিন হয়ে উঠল। তিনি বললেন—তুমি বলছ এতদিন তার কাছ থেকেও তুমি তার প্রতি অমুরাগিণী ছিলে না? তোমার আসক্তি ছিল না?

মুখ ঢাকা হাত দুখানা সরিয়ে নিয়ে ভুরু কপাল কুঁচকে বোধ করি ভেবে নিলে চাঁপা।

স্বধাংগুবাবু বললেন—সব তোমার ইচ্ছার বিরুদ্ধে হয়েছে, এই কথা বিশ্বাস করতে বল?

চাঁপা মুখ নত করলে এবার, তারপর বললে—না, তা বলব না। সংসারে দেহের একটা কামনা আছে—পেটের ক্ষিদের মত একটা ক্ষিদেও আছে। অভ্যাসেরও একটা আকর্ষণ আছে। কিন্তু এই তো সব নয়। দেহের পরে মন আছে। দেহের ক্ষিদে মিটে গেলে মন কেঁদেছে, দেহকে তিরস্কার করেছে। প্রতিজ্ঞা করতে বলেছে—কতবার প্রতিজ্ঞা করেছে—আর যাব না আর যাব না আর যাব না। সে চেষ্টাও করেছে। যাই নি। বাড়ি থেকে বের হই নি। বাড়ির দরজা বন্ধ করে থেকেছি। তারপর শুরু হয়েছে অদৃশ্য অঙ্গগরের পাকের চাপ।

আপনার মনে আছে? একবার মা আর আমি দেনার জন্তে নালিশের সমন নিয়ে আপনার কাছে এসেছিলাম? ওই মল্লিকই নালিশ করেছিল। এ টাকা নিয়েছিল আমার স্বামী।

স্বধাংগুবাবুর মনে পড়ে গেল আর একটি সম্ভাব্য কথা। তাঁর আপিসঘরে চৌকির উপর সামনেই বসেছিল এই চাঁপা। সেও প্রায় বারো বছর আগে। তখনকার চাঁপা ছিল তরুণী। মনে পড়ছে তার পিঠ ধরে তাকে আকর্ষণ করতে চেষ্টা করেছিল সেই রুগ্ন ছেলেটা। মাথার চুলগুলি পিঙ্গল কোকড়ানো, চোখের তারাও পিঙ্গল, গায়ের রঙ তেমনি পিঙ্গলাভ গৌর; দুই হাত দিয়ে মায়ের মাথার কাপড় ধরে টেনেছিল; সঙ্গে সঙ্গে এই মা ফণাতোলা সাপের ছোবল মারার মত তার ডান হাতের ঝটকা দিয়ে ছেলেটাকে যেন ছোবলই মেরেছিল। ছেলেটা টাল সামলাতে পারে নি—তক্তাপোশের উপর থেকে মুখ ঠুকে পড়ে গিয়েছিল মেঝের উপর। আত্ননাদ করে কেঁদে উঠেছিল ছেলেটা। সঙ্গে সঙ্গে স্বধাংগুবাবু ফেটে পড়েছিলেন নিষ্ঠুর ক্রোধে, বলেছিলেন—এই নির্লজ্জ নষ্ট মেয়ে কোথাকার!

মেয়েটা চকিতের মত দপ্ করে জলে উঠে তাঁর দিকে তাকিয়েই যেন নিভিয়ে ফেলেছিল নিজেকে। এবং পরক্ষণেই বাইরের দিকে পা বাড়িয়ে মাকে বলেছিল—বেরিয়ে আয় এখান

থেকে মা ।

সেদিনও স্বধাংগুবাবু তাকে বিচার করবার সময় সুবিচার করেন নি । মেয়েটির ওই আচরণের জন্য তাকে নষ্ট বলার হেতু ছিল না । সে কথাটা যেন আপনা থেকে আজ স্পষ্ট হয়ে উঠল । হয়তো ওই বেদনা দুঃখে আহত মেয়েটির আজকের মাতৃরূপটিই আজকে তা মনে করিয়ে দিল । শুধু তাই নয়, স্বধাংগুবাবু আজ যেন সত্যি বাস্তবের চেয়ে কিছু বেশী অন্তর্ভব করছেন এই মুহূর্তে । মনে পড়ল চাঁপার নাম রত্নমালা ।

ওর স্বামী ছিল—তার নাম ছিল প্রণবকুমার চক্রবর্তী । সে তখন বিধবা কিন্তু সারা অবয়বে ছিল স্বৈরিণীর পরিচয় ।

সেদিন চাঁপার জীবনের পাপের ছাপ গোপন ছিল না । তবে তার সঙ্গে একটা দর্পিত ঔদ্ধত্য ছিল । আজও সে পাপের ছাপ মোছে নি । অনেক চোখের জলে সে নিজেকে ধুয়েছে ; তবু মোছে নি । কিন্তু সে ক্ষোভ তার নেই । ক্ষোভ তার মুছে গেছে ।

চাঁপা বললে—রূপ আমার ছিল, তখন আমার অল্প বয়স—বয়স কত হবে ? ষোল বছর । সত্ত্ব বিয়ে হয়েছে । বছর ঘোরে নি । মা বাপের একমাত্র মেয়ে । বাপ তখনও একটা ক্যাক্টরীর মালিক । জীবনে অনেক সাধ স্বপ্ন । যুদ্ধের ঝড়ে সে-সব উড়ে গেল । আমি উড়ে গেলাম না—ভেসে গেলাম না—না খেয়ে মরলাম না—বিক্রি হয়ে গেলাম । দেহ বিক্রি করে দিলে বাপ—দেহ থেকে আত্মাকে পৃথক করতে পারলাম না তাই আত্মাও বিক্রি হল আমার ।

### চার

বাবা ছিল বিচিত্র মানুষ । ফাঁকা শূন্য মাটির কলসীর মত মানুষ । বিয়াল্লিশ সালে যুদ্ধের বাজারে যখন সকলে লাভ করলে তখন বাবার হল দেনা । তার একটা কারণ হল সে সময় যে স্বদেশী আন্দোলন হয়েছিল সেই আন্দোলনের জন্য মিলিটারী কন্ট্রাক্ট নেয় নি । তার উপর চাটুজ্জবাবুদের কাছে কোন একটা কন্ট্রাক্টের মাল দেয় নি বলে খেসারতের দায়ী হয়েছিল ।

বাবার কথা হয়তো জানেন । বাবা সেকালের লোক । মদ খেতো, থিয়েটার-পাগল ছিল, চরিত্রদোষও ছিল কিন্তু তার সঙ্গে আশ্চর্য ভাবে স্বদেশীপাগলও ছিল । বিয়াল্লিশ সালে সাইক্লোন হয়ে বাংলাদেশ ভাসিয়ে দিয়েছিল উড়িয়ে দিয়েছিল—সারা কলকাতা শহরে মেদিনীপুরের আর চব্বিশ পরগণার মানুষেরা এসে ফ্যান আর এটোকাটা ভিক্ষে করে বেড়াচ্ছিল—পথের ধারে পড়ে মরছিল যখন, তখন বাবা আমার মাস কয়েক—তা মাস ছয় সাত একটা লঙ্গরখানা চালিয়েছিল ।

থাক ।

এসব বলে আজ কি লাভ ?

কোন লাভ নেই । থেমে গেল চাঁপা ।

স্বধাংগুবাবু বললেন—বল । আমি শুনছি ।

চাঁপা একটা দীর্ঘনিশ্বাস কেলে বললে—নিজে আমি নিজেকে বিক্রি করি নি আপনি এইটুকু

বিশ্বাস করুন। এ দেশের সে-কালকে আপনি জানেন না—সে-কালে আমার মত অনেক মেয়ে ইচ্ছার বিরুদ্ধে বিক্রি হয়ে গেছে। হয়তো সকল কালেই হয়। কিন্তু এই যুদ্ধের কালের মত এমন করে মা বাপের সংসারের পেটের দায়ে হাট বসিয়ে মেয়ে কখনও বিক্রি হয় নি। তাদের কার কি হয়েছে তা আমি জানি না। আমি আমার কথা বলছি। তাদের হয়তো অধিকাংশই মরে খালাস পেয়েছে। কত জনে এটাকেই জীবনে সহিয়ে নিয়েছে। দিবা ঘর বাহির বজায় রেখেছে। কোন জালা নেই কোন সংশয় নেই। শুধু আমিই মরতে পারি নি, মরি নি; বেঁচে থেকেও সহিয়ে নিতে তো পারি নি। আজও পাপের পক্ষে ডুবে আছি। সেই পাকের রসই আমি নিঃশী পান করি। আমার সারা দেহ মন জলে যায়। একটু খেমে তারপর বললে যেদিন বাবা আমাকে বেচলে, হুঁহাজার টাকার নোট মল্লিক আমার হাতে দিলে, বাবা আমার হাত থেকে নিয়ে বেরিয়ে এল, আমি পঙ্ক হয়ে বসে রইলাম ঘরের মধ্যে, ঘরের আলোটা নিভে গেল। এরপর আমাকে বিশ্বাস করুন আমার দেহে মনে সত্যিই আগুন জ্বলল; আমি বাবাকে বললাম—বাবা আমাকে বাঁচাও—আমাকে বাঁচতে দাও। বাবা বেতমারা কুকুরের মত ছুটে পালাল। একদিন নয় দশদিন বলেছি—শেষে একদিন পাথর ছুঁড়ে মেরেছি বাবাকে। কপালটা ফেটে গেছিল তার। সে রক্ত আমাকেই আবার ধুয়ে মুছাতে হয়েছিল। বাবা আমার অভাবে লোভে দুঃখে জানোয়ারের অধম হয়ে পড়েছিল। মা ছিল অদ্ভুত মানুষ। সব অদ্ভুত বলে মেনে নিত। বাবা বোকা অদ্ভুতের খেলার পুতুল।

বিয়ে হয়েছিল। স্বামী ছিল। তাকে প্রথমটা বলতে পারি নি। শেষে তাকে ধরলাম। স্বামীকে বললাম—তুমি বাঁচাও। বাবা আমাকে বেচেছে—তুমি আমাকে ওর হাত থেকে খালাস করো।

চাপা একটা গভীর দীর্ঘনিশ্বাস ফেলে নীরবে ‘না’ বলার ভঙ্গিতে ঘাড় নাড়লে। জানালে, ‘পারলে না’ বা ‘করলে না খালাস’, অথবা ‘হল না’।

বললে—এরা না সেই স্বামী না সেই পুরুষ। কীচকের হাত থেকে দ্রোপদীকে ভীম রক্ষা করেছিলেন কীচকে মেরে। আমি আমার স্বামীর পায়ে ধরে কেঁদেছিলাম, বলেছিলাম—তুমি বাঁচাও। কিন্তু আমার—; কি বলব?

প্রশ্ন করে মেয়েটি কিছুক্ষণ শূন্যদৃষ্টিতে তাকিয়ে রইল। তারপর বললে—বাবা আমাকে ছুঁড়ে নরককুণ্ডে ফেলে দিয়েছিল—আমার স্বামীর দিকে আমি হাত বাড়িয়ে ডাকলাম, বললাম—আমাকে বাঁচাও; সে আমাকে বাঁচাতে এসে বুকে একখানা পাথর চাপিয়ে একেবারে এই দুঃসহ পঙ্কুগুটার পাকগোলা জলের তলায় পাকের উপর শুইয়ে দিয়ে গেল। আজও সেই সেইখানেই শুয়ে আছি আজ বোল বছরের উপর। আশ্চর্য, মরি নি। মরণ তো এমনি এতে হয় না মরতে হয়—কিন্তু সে মরতে আমি পারি নি। এর জন্তে এত ঘেন্না নিজেকে করি যে কি বলব আপনাকে। একটু চুপ করে থেকে সে বললে—আমার বাবাকে অত্যন্ত ঘৃণা করি। আপনাকে কত বলব কলঙ্কের কথা লজ্জার কথা ঘেন্নার কথা; বাবার কলঙ্ককথা বলে শেষ হয় না—বাবা মদ খেতো, চরিত্রহীন ছিল—তার সঙ্গে দেশ দেশ করত—গরীবকে দেওয়ার নামে টাকা উড়িয়ে

বড়লোকগিরি করত। এই তো সব নয়; আমাকে বেচার আগেই বাবা আমার মাকে পাঠিয়েছিল চাটুজ্জবাড়ি; সেখানে চাটুজ্জবাড়ির বড়ছেলে মায়ের সর্বনাশ করেছিল। ছেলের মৃত্যুর পর চাটুজ্জ গিন্নী জানতে পারে ঘটনাটা। তার থেকেই চাকরি দিয়েছিল মাকে। তার পুজোর ঘর ঠাকুরের আসন পরিষ্কার করাতো। শুধু পেটের ভাতটা তাতে হতো। তার বেশী কিছু না। সংসারে অম্মের জন্তে মাহুষ কি যে না পারে, না করে তা জানি না আমি। নিজেকে বেচেছি আবার মায়ের চাকরিটা তাও নিয়েছি। মায়ের পর আমি নিয়েছিলাম সে কাজ। নিত্য যেতাম সকালে আপনার বাড়ির সামনে দিয়ে সে আপনি দেখেছেন।

একটা দীর্ঘনিশ্বাস ফেললেন সুখাণ্ডবাবু।

মনে হল কথাটা ইঙ্গিতে নিত্যবাবু যেন বলেছিলেন।

চাঁপা বললে—কিন্তু বাবার থেকেও আমি বেশী ঘৃণা করেছিলাম আমার স্বামীকে। সে আমার স্বামী। আপনি বিশ্বাস করুন ব্যভিচারে আমার প্রবৃত্তি ছিল না, অলংকার আভরণ সাজসজ্জা এতেও আমার লোভ ছিল না, আমার রূপ ছিল, তখন আমার সন্ত-যৌবন, নতুন জোওয়ান—সেও তখন নবযৌবনে, নারীর উপর তার লোভ ছিল—কিন্তু সে ওই রাক্ষসটার হাত থেকে আমাকে উদ্ধার করতে পারে নি। দুজনে আমরা পরামর্শ করেছিলাম—তাকে আমি তাতিয়েছিলাম, বলেছিলাম—তুমি ওকে খুন কর। ছোরা কিনবার টাকা তাকে আমি দিয়েছিলাম। ছোরা কিনেও সে এনেছিল। গিয়েও সে ছিল। কিন্তু খুন করে প্রাণ নেওয়ার বদলে সে টাকা নিয়ে গিয়ে এসেছিল চোরের মত। কম টাকা নয়—তাকেও দু'হাজার টাকা দিয়ে বলেছিল—ব্যবসা কর। আরও সাহায্য করব আমি। কি হয়েছিল শুনুন।

আমার স্বামীর নাম প্রণব চক্রবর্তী। অবিকল নীলু।

একটু হেসে চাঁপা বললে—ভুল বলছি—নীলু অবিকল তার মত। ওই গায়ের রঙ ওই কটা গোরবর্ণ কটাসে চুল, ওই খয়ের কটা চোখের তারা, ওই মুখ ওই সব।

খেমে গেল চাঁপা। হঠাৎ যেন তার ভেতর থেকে কেউ বা কিছু তাকে থামিয়ে দিলে। থমথম করে উঠল তার মুখ।

চাঁপা বলেছিল তার রূপ ছিল।

মিথ্যে বলে নি। তা ঠিক। কিন্তু সে রূপের উপর বিচিত্রভাবে কিছু যেন ছায়া পড়েছে। একটা মানির আস্তরণ পড়েছে। সেই আস্তরণ ভেদ করে বিভ্রান্তমকের মত কিছু খেলে গেল। সেটা হয় ক্রোধ নয় ক্রোধ অথবা একটা নিদারুণ কোন আক্ষেপ।

তারপর বললে—তার সঙ্গে নীলুর চেহারার এত মিল বলেই নীলুকে আমি তার জন্মকাল থেকে চোখে পাড়ি নি। তাকে ঘেরা করে এসেছি—তার মৃত্যু কামনা করেছি। মায়ের কাছে ছেলের যা পাওনা তার, বলতে গেলে, কিছুই দিই নি। অহরহ কেমনভাবে মর মর বলে তাকে অভিসম্পাত দিয়েছি সে আপনি নিজে জানেন। কাছে আসতে চাইলে কিভাবে তাকে কুকুর বেড়ালের মত আঘাত করে তাড়িয়ে দিতে চেয়েছি তাও আপনি দেখেছেন।



নীলুর কপালে নাকে মাথায় পাঁচ-ছ'টা কাটার দাগ আছে। তার মধ্যে আমার নিজের হাতের আঘাত আছে তিন-চারটে। বাকি দু'তিনটে সেও আমারই অবহেলার অথবা ঠেলার কি হাতের ঝটকায় পড়ে গিয়ে কেটে গিয়ে দাগ রেখে গেছে। কত আঘাতের কত চিহ্ন যে নীলু আপন সঙ্কণে নিজেই মুছে ফেলেছে তার আর হিসেব নেই।

স্বধাংগুবাবু বললেন—তুমি যা বলছিলে তাই বল। তোমার স্বামীকে তুমি সমস্ত বলেছিলে এবং ছদ্মনে ঠিক করেছিলে যে, ওই মল্লিককে সে মানে প্রণব খুন করবে, কিন্তু সে তাকে খুন করতে গিয়ে আরও দু'হাজার টাকা নিয়ে ফিরে এসেছিল। বল কি হয়েছিল। তার আগে দাঁড়াও, কতদিন আগের ঘটনা? যেদিন তোমার বাবা তোমাকে বেচে দু'হাজার টাকা নিয়ে এসেছিল, তার কতদিন পর? ই্যা। বিয়ের কতদিন পর এ ঘটনা ঘটেছিল? মানে তোমার বাবা তোমাকে এমনভাবে বেচেছিল? যখন বিক্রি করে তখনই বা সে কোথায় ছিল? মানে তোমার স্বামী? দেশ কোথায় ছিল তার? তাদের অবস্থাই বা কেমন ছিল? সংসারে স্ত্রী কতটা ভয়ী বিক্রির হাজার লক্ষ কোটি নজীর আছে কিন্তু তার পিছনেও থাকে নানান কারণ। মদ মাহুশ খায়, নেশার লোভেও খায়, নিদারুণ শোকেও খায়, আবার ডাকাতি খুন করবার আগেও খায়।

মা-বাপ নেই, কলেজে পড়ে এমনি দেখেই বাবা আমার স্বামীকে পছন্দ করে বিয়ে দিয়েছিল। সে নাকি লেখাপড়ায় ভাল ছিল। ইচ্ছে ছিল, আমি তার এক মেয়ে, মেয়ের বিয়ে দিয়ে জামাইকে ঘরে রাখবে; জামাই ছেলের মতই তার সব দেখবে—ঘরসংসার কারখানা চালাবে।

কারখানা তখনও চলছিল। তখনও বাবা বুঝতে পারে নি যে ভিতরে ভিতরে সর্বনাশ তার হয়ে গেছে।

চৌদ্দ বছরে আমার বিয়ে হয়েছিল। আমার স্বামী তখন আই-এস-সি পরীক্ষা দিয়েছে। খুব ধুমধাম করে বিয়ে হয়েছিল। বিয়ের তিন মাস পরে রেজাল্ট বের হল। খুব ভাল করে পাস করেছিল জামাই। বাবা তাকে প্রেসিডেন্সী কলেজে ভর্তি করে দিয়েছিল। থাকত হোস্টেলে। রবিবারে ছুটিতে আসত, থাকত, চলে যেত। এক বছরের মধ্যে সব উলটে গেল পালাটে গেল; ওই বিয়াল্লিশের ঝড়ে যেমন সারা দেশটা ভেসে গিছিল উড়ে গিছিল তখনই হয়ে গিছিল তেমনি-ভাবে আমাদের সংসার অবস্থা সব ভিত্তরস বাড়ির মত ভেঙে পড়েছিল—মাথার উপরের চাল উড়ে যাওয়ার মত উড়ে গিয়েছিল।

তবে বিয়াল্লিশ সালে নয়, দু'বছর পরে বাবার উপর ঝড়টা এল—১৯৪৪ সালে হঠাৎ একদিন বড়ি ওয়ারেন্ট এসে হাজির হল। আদালতের লোক পুলিশ বাবার নামে বড়ি ওয়ারেন্ট দেখিয়ে বাড়ি ঘিরে ফেলল। ওদিকে কারখানাতেও তালা চাবি দিয়ে সীল করে পাহারাওলা বসিয়ে দিয়েছে। বাবা কোনরকমে একশো টাকা ঘুস দিয়ে বেরিয়ে পালাল।

সে অনেক কথা।

গহনাগাঁটি বিক্রি করে টাকা দেওয়া হল। বাড়ি বন্ধক পড়ল চাটুজ্ঞদের কাছে। মা অনেক

সেবা করে এল চাটুজ্জদের ঠাকুরের চাটুজ্জদের বুড়ো কর্তার ; কিন্তু তার ভাতের মিষ্ট না । অবশেষে বাবা একদিন আমাকে বেচলে । ১৯৪৪ সালে ।

আমি সর্বাঙ্গে একটা জ্বালা নিয়ে ফিরে এসেছিলাম । তিন দিন খাই নি । উপোস করে পড়ে ছিলাম । মা পুতুলের মত মাথার কাছে বসে ছিল । বাবা থিয়েটারে অ্যাকটিং করে যারা শোক করে, তাদের মত বুক চাপড়ে হায় হায় করলে । তিন দিন পর মল্লিকই এল, এসে আমার সামনে দাঁড়াল ।

সেদিন সে রাজ্যের জিনিসপত্র নিয়ে এসেছিল । গহনা শাড়ি ব্লাউজ খাবারদাবার—সে যেন একটা নতুন বিয়ের পরের তত্ত্বজ্ঞানী ভারভারোটা । সেন্ট পাউলার সো সাবান—সে ধরে ধরে সাজানো জিনিস ।

ইচ্ছে হয়েছিল পায়ের লাখি মেয়ে সব ছুঁড়ে ফেলে দি—ভেঙে চুরমার হয়ে যাক । কিন্তু পারি নি । কেন শুভুন !

লোকটা আমার সামনে দাঁড়াবামাত্র আমার ভয়ের আর শেষ ছিল না । বুকের ভিতরটা যেন কাঁপছিল । মনে পড়ে গেল দু'হাজার টাকা সে আমার হাতে গুঁজে দিয়েছিল । বাবা টাকাটা আমার হাত থেকে নিয়ে আমাকে তার কাছে রেখে চলে গিয়েছিল বেরিয়ে ।

লোকটা আমাকে ভোগ করেছিল বুদ্ধির মত । রাস্কসের মত । আমার চেতনা ছিল না—আমি বোবা হয়ে গিয়েছিলাম । তারপর সে আমাকে গাড়ি করে এনে ওই আমাদের গলির মোড়ে, যে মোড় দিয়ে আপনি সেদিন ঢুকে পড়েছিলেন, যে মোড়ের মাথার মল্লিক খুন হয়েছে সেই মোড়ে নামিয়ে দিয়ে গিয়েছিল । মোড়ে বাবা দাঁড়িয়ে ছিল, আমার হাত ধরে বাড়ি নিয়ে গিয়েছিল । মনে পড়ছে লোকটা আমাকে বলেছিল—তোমার বাবা তোমাকে বেচেছেন আমাকে । তুমি এখন আমার ।

তখন আমার বয়স ষোল তো পৌঁছয় নি । আমি বোবার মত শুধু শুনেইছিলাম । এ কাল হলে হয়তো বলতে পারতাম, বলতাম মাহুঘ টাকার বিক্রি হয় না । মাহুঘ কেনা-বেচার কাল চলে গেছে । কিন্তু সেকালে সে বোধও জন্মায় নি সাহস তো হয়ই নি ।

তাই তিন দিন উপোস করে আছি যখন তখন সেই লোক, যে লোক সেদিন দু'হাজার টাকা আমার হাতে দিয়ে আমার অবশ বিবশ অসাড় দেহখানাকে ছিনিমিনি খেলার নজীর মনে পড়িয়ে দিয়ে আমাকে কিনেছে বলে মুখের কথা দলিল আমার সামনে ধরলে, তখন আমার মনে হল আমার বুঝি উপোস করে কি বিষ খেয়ে মরারও অধিকার নেই । লোকটা বোবা আমাকে দিয়ে যে মৌন সম্মতির সই বা টিপটাপ দিয়ে নিয়েছে তা আমার অস্বীকার করার সব জোর একমুহুর্তে হারিয়ে গেল ।

তার চোখের দিকে তাকিয়ে আমি কেঁপে উঠলাম ।

‘—একটু জল দেবেন, আমি একটু জল খাব ।’

চাঁপা অভ্যস্ত সংকোচের সঙ্গে কথা ক'টি বললে ।

সুখাণ্ডবাবু একেবারে যেন আচ্ছন্নের মত বসে গুনছিলেন । চাঁপা চুপ করতেই এবং কথা কয়টার অর্থ তাঁকে বাস্তবে এই ১৯৬০ সালের জুলাই অর্থাৎ শ্রাবণের রিমিকিমি বর্ষণে ভিজে ভিজে এই রাজ্যের অস্তিত্বে সচেতন করে তুললে । এবং সঙ্গে সঙ্গে ঘরের দেওয়ালের ক্লক ঘড়িটার পেণ্ডুলামের শব্দ স্পষ্ট হয়ে উঠল ।

চাঁপার মুখখানার উপর তাঁর দৃষ্টিও এতক্ষণে সচেতন হল । সত্যিই চাঁপার একদা রূপ ছিল । আজও আছে—নেই তা নয় । তবে আজকের রূপ বাসী ফুলের মত । গন্ধেও তার সেই এক পরিচয় । বিকৃত এবং বাসী । চাঁপার মুখের উপর চোখের কোল থেকে চিবুক পর্যন্ত দুটো দাগ আলোর ছটায় চকচক করছে । যতক্ষণ এই কথা সে বলছে ততক্ষণ সে নিরন্তর আত্মসংবরণের চেষ্টা করে ধীরে ধীরে কথা বলেছে এবং এরই মধ্যে-মাঝে কেঁদেও চলেছে । চোখ থেকে জল গড়িয়ে এসেছে, গড়িয়ে ঝরে পড়েছে, চাঁপা তা মুহূর্তে চেষ্টা করে নি ; হয়তো তাঁর মতই তারও এ সম্পর্কে কোন সচেতনতা ছিল না ।

তিনি একদিকে গুনছিলেন অগ্নিদিকে তিনি বিচার করছিলেন মেয়েটির কথার সত্যাসত্য ।

মেয়েটি ?

মেয়েটি অকপট সত্য বলে যাচ্ছিল তার সাক্ষী ওই দুটি জলধারার চিহ্ন । সেও নিজেকে বিচার করে কথা বলছিল ।

সুখাণ্ডবাবুর টেবিলের উপর পুঁতির ঝালর দেওয়া নেটের ঢাকনি ঢাকা কাচের গ্লাসে জল ছিল, গ্লাসটি তিনি নিজের হাতে তুলে বাড়িয়ে ধরলেন ।

—থাও ।

মেয়েটি বললে—এই গ্লাসে থাব ?

—থাবে ।

কিন্তু মেয়েটি তা খেলে না, গ্লাসটি হাতে নিয়ে বাইরে গিয়ে গ্লাসটা উচু করে ধরে মুখ তুলে আলগোছে ঢেলে জল খেয়ে নিলে, তারপর খসে পড়া ঘোমটাটি আবার মাথা ঢেকে বিগ্ৰস্ত করে নিয়ে এসে সামনে বসল । জলের গ্লাসটি টেবিলের তলায় রেখে দিলে ।

বাইরের দিকে তাকিয়ে সুখাণ্ডবাবু চুপ করে বসে ছিলেন । তাঁর কাছে এই মুহূর্তে সব হারিয়ে গেছে । চোখে কিছু দেখছেন না—মনে কিছু ভাবছেন না । কানের কাছে শুধু শেষ কথা কয়টা ধ্বনিত হচ্ছে এবং এই হতভাগিনী মেয়েটার বলা কাহিনী, যে-পর্যন্ত সে বলেছে, তারই প্রভাব তাঁর চেতনা ও বুদ্ধিকে আচ্ছন্ন করে ফেলেছে । সামনে বারান্দার বাইরে পথের উপর বর্ষার রাজি নিঃশব্দ পদসঙ্কারে মধ্যরাত্রির দিকে এগিয়ে চলেছে ; রাস্তার ইলেকট্রিক আলোর পোস্টে বাল্ব নেই, কেউ চুরি করেছে অথবা মিউনিসিপ্যালিটির যারা আলো দেয় তারাও দেয় নি । পরের পোস্টটার আলো থেকে একটু আলোর আভাস অন্ধকার শূন্য-মণ্ডলে জেগে রয়েছে, তাঁর ঘরের ভিতরের কিছুটা আলো বারান্দা পার হয়ে গিয়ে তার সঙ্গে মিশেছে, সেই সংযোগস্থলের আভাসিত শূন্যমণ্ডলে দেখা যাচ্ছে টিগিটিপি বৃষ্টি পড়ছে ।

রাস্তা নির্জন হয়ে গেছে। তিনি প্রতীক্ষা করে রয়েছেন চাঁপা মেয়েটির কথা তখনবার জন্ত।

১২৪২।৪৩।৪৪ সালের কথা মনে পড়ছে।

১২৪২ সালে তিনি নতুন উকিল। মনে পড়ছে সে সময়কার কথা। ১২৪৩ সালের পূজা সাহিত্যে লেখাগুলো আজও বেঁচে আছে। মঞ্চস্তর উপস্থাসের গীতা বলে মেয়েটির ঠিক এই কথা। প্রবোধ সান্যালের অঙ্কার গল্পের সেই কটি মেয়ের বিলাপের মত সঙ্করণ আক্ষেপের সঙ্গে চাঁপার এই কথাগুলির এতটুকু গরমিল নেই। সেই সময়ের বাংলাদেশের এই সব হতভাগিনী-দের মর্মান্তিক বিলাপ এবং সহস্রমুণ্ড রাবণের মত কালোবাজারী অর্থশক্তিতে বলীয়ান মানুষের সে অত্যাচার নিষ্ঠুরতম সত্য বলেই, এই মুহূর্তে স্মৃতিশ্রাবুর মনে পড়ছে। চিত্রায় জয়নাল আবেদিন সাহেবের কালো কালিতে আঁকা ছবিগুলো মনে পড়ছে। শুধু সাহিত্য শিল্প কেন, তাঁর নিজের ওকালতির ইতিহাসে তাঁর সেরেস্তায় খাতার পাতায় পাতায় এমনি ছোট বড় কেসের কথা আছে।

চাঁপা মিথ্যা বলে নি। তার কাহিনীর সত্য ইতিহাসের পাতা খুলে দিয়েছে।

মনে পড়ল গ্রামাঞ্চল থেকে যারা বেরিয়েছিল পেটের জ্বালায় তাদের যারা মরেছে তারা বৈচেছে—যারা আছে যাদের যৌবন ছিল রূপ ছিল তারা আর ফেরে নি। এবং সেই যে সেদিন যুদ্ধের দ্যুতসভায় দুঃশাসন দ্রৌপদীর বস্ত্রাকর্ষণ করেছিল তার পালা আজও শেষ হয় নি।

চাঁপা এবার কথা বললে—এবার শুরু করলে সে।

একটা গভীর দীর্ঘনিঃশ্বাস ফেললেন স্মৃতিশ্রাবু। তার চিন্তার প্রবহমানতা খণ্ডিত হল। ছেদ পড়ল।

চাঁপা বললে—যতবার চেষ্টা করেছি সাহস আনতে চেয়েছি বুকের মধ্যে ততবার যেমনি ওই লোকটা সামনে এসে দাঁড়িয়েছে অমনি ভেঙে বসে পড়েছি। মনের সাহস চলে গেছে দেহের শক্তি চলে গেছে—আমি যেন হয়ে পড়েছি সাপের মুখে ধরা পড়া ব্যাঙের মত। আমাদের গলিটার নর্দমায় একটা খুব মোটা জলটোঁড়া সাপ আছে—সেটা রোজই প্রায় ব্যাঙটাকে কামড়ে ধরে মাথা উঁচু করে চলে যায় আমাদেরই উঠোনের মাঝখান দিয়ে। উঠোনের কোণে জঙ্গলের মধ্যে তার একটা গর্ত আছে। সেখানে গিয়ে সেটাকে নির্বিবাদে গেলে। আমি দেখেছি তার গেলা। ব্যাঙটা যদি বা কাতরায় কিন্তু হাত পা ছোঁড়ার বাধা দেবার শক্তি তার থাকে না। মধ্যে মধ্যে কোন একটা পা হয়তো ধরধর করে কাঁপে।

হেসে চাঁপা বলে—জানেন লোকে বলে, মায়ের কাছে গুনেছি,—মা পাভাগাঁয়ের মেয়ে, বলে সাপে যখন ব্যাঙ ধরে তখন ব্যাঙটা যে ক্যা-ক্যা শব্দে কাতরায় তাতে বলে—কড়ি নে। কড়ি নে। তার মানে হল সাপটা হল গত জন্মের পাণ্ডনাদার আর ব্যাঙটা হল ওই গত জন্মেরই দেনাদার। পাণ্ডনাদারের দেনা দেয় নি। তাই এ জন্মে পাণ্ডনাদার হয়েছে সাপ ও হয়েছে ব্যাঙ! থাক। এখন যা বটেছিল বলি শুধুন। আমার স্বামীর কথা।

মাস চারেক পর একদিন এই লোকটাই জ্বরাক্রম থিয়েটারের টিকিট কিনে আনলে। আমার

স্বামী তখনও কিছু জানে না। সে তখনও হোস্টেলে থাকে। খরচ ওই মল্লিকই দিত। শ্রীরামসে সেদিন হচ্ছিল 'পাণ্ডবের অজ্ঞাতবাস'। শিশিরকুমার ভাড়াড়ী করবেন 'ভীম'।

—কোথা থেকে যে কি হয়! কি থেকে যে মানুষ কি পায়! সে এক আশ্চর্য হাসি হাসলে চাপা। হেসে বললে—দ্রোণদী ভীমকে কীচকের কথা বললে ভীম তাকে আশ্বাস দিলে—তারপর কীচককে বধ করলে। আমার বুকের ভেতর আশ্বাস জলে উঠল। মনে হল এই তো আমি উপায় পেয়েছি। যুধিষ্ঠিরের উপর ঘেরা হল—অর্জুনকে বলতে হচ্ছে হল তুমি ওই বৃহন্নলা হয়েই থাক আজীবন!

• একটু থেমে সে বললে—আজও আমি ভীমের ভক্ত। মহাভারতে আমার কাছে ভীমের চেয়ে বড় বীর নেই—বড় মানুষ নেই।

—মনে আছে সপ্তাহের মাঝখানে বৃহস্পতিবারে পাণ্ডবগৌরব দেখতে গিয়েছিলাম। শুক্রবার তাকে চিঠি লিখলাম—নিশ্চয়ই আসবে কাল। না এলে আমাকে আর বেঁচে থাকতে দেখতে পাবে না। কিন্তু শনিবার সে এল না, এল পরের দিন রবিবার। শনিবার কোথায় গিছিল। চিঠি পৌঁচেছিল সন্ধ্যার ডাকে। তখন আর হোস্টেল থেকে আসবার উপায় ছিল না। শনিবার রবিবার লোকটার ডাক আসত না। ও দু'দিন তার অল্প আড্ডা ছিল। সে সব নাকি নাচগানের আসর।

সারাদিন মনের সঙ্গে যুদ্ধ করে অনেক কষ্টে সাহস সঞ্চয় করে চিঠি লিখে তার হাতে দিয়ে বললাম—পড়ে দেখ।

চিঠিতে লিখেছিলাম—যদি আমাকে মরতে বল তবে তুমিই আমাকে মার, খুন কর। নয়তো বিব এনে দাও—তুমি গুলে তুলে দাও আমি থাই—নয়তো মহাভারতের ভীমের মত তুমি গুলে খুন করে আমাকে বাঁচাও।

সারারাত সেও বোবা হয়ে বসে রইল আমিও বোবা হয়ে বসে রইলাম। যখন রাত্রি শেষ হয়ে এল—ক্লক বাড়িতে ঢং ঢং শব্দে চারটে বাজল তখন আর আমি থাকতে পারলাম না, লজ্জার সব বাধাবন্ধন টেনে ছিঁড়ে ছুঁড়ে ফেলে দিয়ে তার দুটো পা জড়িয়ে ধরে বললাম—বল আমি কি করব। কে আমাকে বাঁচাবে? আমি কি এমনি করেই মরব জীবন প্রাজীবন?

সে আমাকে—।

একটু থেমে আবার বললে—দু'হাতে সমাদর করে বুকে তুলে নিয়েছিল। তরল দিয়ে বলেছিল—কোন ভয় নেই। এ বাঁচানোর দায় আমার। আমিই বাঁচাব তোমাকে।

আমি বলেছিলাম—আমাকে ঘেরা করছ না তুমি?

—না। তারপর খুব জোর করে বলেছিল—আমি একালের মানুষ রক্তা। একটু থেমে মেয়েটি বললে—জীবনে কতকগুলো কথা মনে থেকে যায় কাটা দাগের মত। সে রাজ্যের কথা আমার ডেমনি ঘেন কাটা দাগ হয়ে বসে আছে। অন্ধরে অন্ধরে মনে আছে। সারারাত্রি দুজনে বোবার মত পড়ে থাকার পর ভোরবেলা এসব কথা হয়েছিল। ভোরবেলাতে সে হঠাৎ

আমাকে সমাদর করে বুকে জড়িয়ে ধরে রেখেছিল। সোমবার সকালে উঠেও সে চলে যায় নি। সারাদিন শুধু এই নিয়েই কথা বলেছিল। অনেক কবিতা মুখস্থ ছিল তার। সত্যকাম জাবাল আর তার মা জাবালকে নিয়ে কবিতা গুনিয়েছিল আমাকে। মহাত্মার ভাষায় গল্প বলেছিল। আর গল্প বলেছিল কলেজে পড়া নেপালী ছেলে ‘খড়গবাহাদুরের’ কথা। খড়গ-বাহাদুর নেপালী মেয়েদের নিয়ে ছিনিমিনি খেলা বন্ধ করবার জন্ত—তাদের যুবতী মেয়ে কেনার গোপন ব্যবসা বন্ধ করবার জন্ত একজন ধনী ব্যবসাদারকে খুন করে গিয়ে থানার ধরা দিয়ে বলেছিল—আমাকে ফাঁসি দাও। আমার স্বামী বলেছিল—তুমি আমার স্ত্রী—তোমাকে কিনে তোমাকে যে শয়তান ভোগ করেছে তাকে খুন করে আমি গিয়ে বলব—দাও আমাকে ফাঁসি দাও!

সারাটা দিন নানান জল্পনা করেছিলাম।

সোমবার রাত্রিতেও সে আমাদের বাড়িতে ছিল। বিকেলে আমার কাছে টাকা নিয়ে কলকাতায় গিয়ে ছোরা কিনে নিয়ে ফিরে এসেছিল। সেটা একটা স্প্রিং-দেওয়া ছোরা। অনেকখানি লম্বা। ডগাটা ছুঁচলো আর ডগার দিকটার দু’দিকেই ধারালো। পরামর্শ করে ঠিক হয়েছিল পরের বৃহস্পতিবার আবার থিয়েটার দেখতে যাব। বাবাকে বলব—বাবা তাকে বলবে। এদিন তার সঙ্গে একলা যাব। সে তাতে খুশীই হবে। থিয়েটার শেষে সে আমাকে নামিয়ে দিতে আসবে এখানে। ওই গলির মোড়ে নামিয়ে দিলে আমি বলব আমাকে একটু দাঁড়িয়ে যাও। বাবা যদি থাকে দাঁড়িয়ে তাহলেও তাকে ডাকব। সে ছোরা নিয়ে গলিতে অপেক্ষা করে থাকবে। গলিতে ঢুকবামাত্র সে তার বুকে ছোরা বসিয়ে দেবে।

তারপর কি হবে তা ভাবি নি। কি হবে এ চিন্তা আসে নি। শুধু এই মহাপাপ এই নরকের জ্বালা এই নির্ভর অত্যাচার থেকে রক্ষা পাব এইটাই মনের মধ্যে বড় হয়ে উঠেছিল। দেশে তখন আকাশের বাতাসের মধ্যে দিয়ে তুফান বয়ে গেছে, দুর্ভিক্ষের জ্বালা ছড়িয়ে পড়েছে, যারা অভাবী, যারা মরছে, যারা ডুবছে, যাদের বাড়িঘর মানসম্মত সর্বস্ব হারানো ছাড়া আর কিছুই আশ্রয় দিতে চাচ্ছে—তাতে যা হয় হোক। আমরা দুজনে সন্ত বিয়ে হওয়া ছেলে এবং মেয়ে—তার বয়স সবে উনিশ, আমার বয়স বোলতে আমি পা দিয়েছি—আমাদের দুজনেরই বুকে জলছে আগুন। কি হবে তা ভাবি নি, ভাবতে চাই নি, সে ভাবনা মনে আসে নি। তবু মোটামুটি ঠিক হয়েছিল খুন করে সে পালাবে। প্রথম আমি বলব একটা গুণ্ডা লোক তাকে খুন করে পালিয়েছে—আমার গলার হার ছিঁড়ে ফেলে দেব গলির উপর। বলব—আমার হার ছিঁড়ে নিচ্ছিল দেখে সে তাকে বাধা দিয়েছিল, গুণ্ডাটা তাকে ছুরি মেরে পালিয়েছে।

আর ধরাই যদি পড়ি তাহলে আমি বলব সত্য কথা।

সেও বলবে—আমার স্ত্রীর সত্যিকার যে নষ্ট করেছে—যে শয়তান আমার স্ত্রীকে টাকার জোরে হরণ করেছে তাকে আমি খুন করেছি। রাবণ সীতাকে হরণ করেছিল—রাম তাকে বধ করেছিলেন। আমিও আমার স্ত্রীর সত্যিকার হরণকারীকে বধ করেছি।

সে যেন পাগল হয়ে গিয়েছিল।

আমিও পাগল হয়ে গিয়েছিলাম। পাণ্ডবদের অজ্ঞাতবাস দেখে এসেছিলাম—ঠিক যেন জ্রোপদীর উত্তেজনায় উত্তেজিত হয়ে উঠেছিলাম। সারা রাত্রি সারা দিন ঘুম হয় নি। কিন্তু—

একটা গভীর দীর্ঘনিঃশ্বাস ফেলে চাপা। এবং চূপ করে গেল কিছুক্ষণের জন্য। মুখে উপর চোখের জলের দাগ দুটো আবার চিকচিক করে উঠল। এরই মধ্যে একটু আশ্চর্য হাসি হেসে চাপা বার দুয়েক 'না'-এর ভঙ্গিতে ঘাড় নেড়ে বললে—হয় আমার কপাল, নয়তো নিতান্ত কাঁচা কাজ হয়েছিল। খুন করা যে কতটা কঠিন তা বুঝি নি। কিংবা—

চূপ করে গেল চাপা।

একটু চূপ করে থেকে বললে—হয়তো সেই ছিল নিজে অত্যন্ত ভীক! অত্যন্ত ভীক। আমার চোখের সামনে নীলু তো তাকে মারলে। ঠিক যেমন করে মারবার কল্পনা করেছিলাম—যেখানটায় মারবার কথা হয়েছিল ঠিক সেইখানটায় নীলু তার পেটে বুকে ছুরি মারলে—পড়ে গেলে মুখে লাগি মারলে।

আবার চূপ করে গেল।

স্বধাংসুবাবু বললেন—তুমি সেই দিনের কথা বল। থিয়েটার থেকে ফেরার পথে তোমার স্বামী কি করলে? ভয়ে পালিয়ে গেল?

—না। ছুরি তুললে। কিন্তু মল্লিক থপ্ করে তার হাত ধরে ফেলল। হাতখানা ভাব আগে থেকেই কাঁপছিল এবার ধরার সঙ্গে সঙ্গে ছুরিখানা খসে মাটিতে পড়ে গেল। ঠিক গলির মোড়ে গ্যাস পোস্টটার নিচে। আমি দেখলাম মুখখানা সাদা হয়ে গেছে তার। বাবা চাপা গলায় চীৎকার করে উঠল—প্রণব! প্রণব হাউমাউ করে কেঁদে উঠেছিল।—ছেড়ে দিন—আমাকে ছেড়ে দিন। আমি চলে যাব। আর কখনও আসব না।—ও-ও—আমাকে—। আর আমি শুনি নি। ভয় বোধ হয় আমিও পেয়েছিলাম। আমিও অজ্ঞান হয়ে পড়ে গিছিলাম।

সেই দিন রাতে আমি আবার বিক্রি হলাম।

এর আগেকার বিক্রি করেছিল বাবা। এবার প্রাণের দায়ে বিক্রি করলে স্বামী। তার সঙ্গে আমি নিজে বিক্রি করলাম নিজেকে।

আমাদের বাড়িতে আমারই শোবার ঘরে বসে নিজের হাতে আমার স্বামী লিখলে—সে এবং আমি ষড়যন্ত্র করে আমার রূপ-র্যোবনের লোভ দেখিয়ে এ বাড়িতে এনে তাকে খুন করার প্লান করেছিলাম। তাতে সই করিয়ে নিলে আমার স্বামীর, আমার; সাক্ষী রইল আমার বাবা আর তার ড্রাইভার।

আর সঙ্গে সঙ্গে তাকে দিয়ে গেল নগদ দু'হাজার টাকা। বললে—এসব কুরো না। লাভ হবে না। টাকা নিয়ে ব্যবসা করো। আমার অধীনে সাবকণ্ট্রাই তোমাকে দেব আমি। এভাবে বদ মতলব করো না। আমাদের দক্ষিণ অঞ্চলে গরীব লোকেরা ছোট আতের বা হাতের

বুড়ো আঙুলের নখে রেখে ডান হাতের বুড়ো আঙুলের নখ দিয়ে টিপে উকুন মারে। তেমনি ভাবে নখের চাপে মরে যাবে।

হেসে বললে। তোমার বউ তোমারই থাকবে। থাকল। আমরা একটু-আধটু আনন্দ করব চলে যাব। এর জন্তে এত ফৌসফৌসানি কেন হে ?

সে রাত্রে সারারাত সে মুখ গুঁজে পড়ে রইল। মড়ার মত। নড়লে না কথা বললে না। আমিও উপুড় হয়ে পড়ে রইলাম। আমি কাঁদলাম সারারাত। সে খাটের উপর আমি মেঝের উপর মুখ গুঁজে।

সকালবেলা সে উঠে কোন কথা না বলে চলে গেল। আমি দেখেও দেখলাম না। বাবাও বোবা হয়ে যাওয়া দেখলে। মা কাঁদলে আর দেখলে। বলতে কিছু পারলে না।

সেও বেরিয়ে গেল ঘাড় হেঁট করে। এ কথাও বলতে পারলে না যে তোমাদের মেয়ে রইল আর আমি আসব না।

এক মাস আর এল না। বাবা যেতেও পারলে না তার হোস্টেলে। বাবা পারলে না লজ্জায়। আমাকে মা বললে—চিঠি লেখ। কিন্তু আমি লিখলাম না। আমার লজ্জা হল না, ঘেন্না হল।

ঘেন্না তখন জন্মেছে। একতলা থেকে দোতলার মত ভারী ইমারত হয়ে গড়ে উঠেছে। ঘেন্নার একতলাটা ওর ভীকৃতার জন্ত। ওর সেই হাউ হাউ কান্নার জন্ত। ও যে বলেছিল, আমাকে ছেড়ে দিন আমি চলে যাব—কখনও আসব না।—তার জন্ত। ওর ওপর দোতলা ইমারত গড়ে উঠল তার পরের দিন, ও চলে যাবার সঙ্গে সঙ্গে। হুঁহাজার টাকা যেটা মল্লিক ওকে দিয়েছিল গতরাত্রে সেটা ও নিয়ে গেল সঙ্গে করে—এই খবরটা ফাঁস হবামাত্র একতলা ঘেন্নার ইমারত দোতলা হয়ে উঠল। সেটা তিনতলা হয়ে উঠল আরও এক মাস পর। আমাদের বাড়িতে নিলজ্জ লোকটা পাকাপাকি বাস করতে এল। মল্লিকই ব্যবস্থা করে দিলে। বললে, পড়ে কি হবে। আমার আগাগে সাবকন্ট্রাক্ট নিয়ে কাজ করুক।

আমার মধ্যে তখন নীলু এসেছে। বুঝতে শুরু করেছি তার সাড়া। সারা শরীর মন ঘেন্নায় ঘিনঘিন করে উঠেছিল—রাগে মন হয়ে উঠেছিল তপ্ত কড়াইয়ের মত ; কেউ কিছু বললে তাকে উত্তাপে ঝলসে দিতাম—নিজে জ্বলতাম—দেহে যেন মনে হত কেউ লকা বেঁটে মাথিয়ে দিয়েছে।

বার বার প্রতিদিন মনে মনে বলেছি ছেলেটা যেন গর্তেই মরে যায়—ওকে পেটে নিয়েই আমি মরি। কিংবা ভূমিষ্ঠ হতে হতে মরে যায়। কার ছেলের মা হব আমি ? ওই রাক্ষস মল্লিকের ? না এই অক্ষম ভীকু অপদার্থ আমার ওই স্বামী ওই গোলামটার ? হায় হায় হায়, ছ'মাস পর নীলু জন্মালো—তখন ওর বাবা মরেছে আমার বাবা মরেছে। ছেলেটা জন্মের মুহূর্ত থেকে অবিকল বাপের মত দেখতে। কটা চুল কটাসে রঙ চোখ দুটো তখন খয়রা রঙের ছিল না নীল রঙের ছিল।

মুখের দিকে তাকিয়ে আমার আর ঘেন্নার আক্রোশের অন্ত রইল না।



বাপ আর স্বামী মরবার পর মল্লিক আমাকে বলেছিল—আমি বাড়ি ভাড়া করি তুমি সেখানে গিয়ে থাকবে চল। কেন এখানে কষ্ট করবে!

আমি তা যাই নি।

আমাকে সে স্বথ সম্পদ দিতে চেয়েছে—আমার তা পছন্দ হয় নি। তার উপর আমার সে ঘেরা কোন দিন যায় নি। তাকে আমি ভয় করতাম। সে আমাকে কিনেছিল। আমার আর আমার স্বামীর সই করা একখানা কাগজ তার কাছে ছিল। স্বামীর সই করা টাকা ধারের দলিল সে বছর বছর আমাকে দিয়ে সই করিয়ে নিয়েছে।

আমি এতটুকু মিথ্যে বলি নি বাড়িরে বলি নি। বিশ্বাস করতে হয় করবেন নইলে করবেন না। আমি পাপিনী এ কথা কেউ না-জানা নয়। পাপের কোন সাক্ষ্য নেই, সে সাক্ষ্যই আমি গাইছি না। শুধু এইটুকু বিশ্বাস করুন যে, সারা সংসারের উপর আমার ঘেরা। ঈশ্বরের উপর ঘেরা—মানুষের উপর ঘেরা—নিজের উপর ঘেরা—মা বাপের উপর ঘেরা—মল্লিক আমার শত্রু কিন্তু সব থেকে বেশী ঘেরা আমার ওই অন্ধর ভীক কাপুরুষ স্বামীর উপর। তার ছেলে বলে নীলুকে আমি জন্মদিন থেকে ঘেরা করে এসেছি। একটা কথা বলি—জন্মের পর কতদিন কতবার যে মনে মনে চেয়েছি—মরে যাক ওটা মরে যাক আমার আপদ যাক। কতদিন ভেবেছি ছেলেটার মুখের উপর একটা বালিশ চাপিয়ে কিছু তার চাপিয়ে দি। কিন্তু পারি নি আমার মায়ের জন্তে—আর পারি নি ওই মল্লিক লোকটার জন্তে। কেন জানি না সে এর বিরোধী ছিল। বলত—মহাপাপ। আমার সর্বনাশ করে তার পাপ হয় নি কিন্তু ছেলেটাকে মেরে ফেললে মহাপাপ হবে এ কথা যে কতদিন বলেছে তার ঠিক নেই। বলত—খবরদার! খবরদার! মহাপাপ হবে। এ যেন কখনও করো না।

চুপ করে গেল চাঁপা।

অনেকক্ষণ চুপ করে রইল। বেশ কিছুক্ষণ। বাড়ির ভিতর থেকে তাগিদ এল। স্বধাংসু-বাবু বললেন—মকেলের কথা শুনছি। দেরি হবে।

বাইরে বৃষ্টিটা চেপে এল কিছুক্ষণের জন্ত। স্বধাংসুবাবু রত্নমালাকে ভাল করে দেখলেন। তার অবয়বের ভাঁজে ভাঁজে বিশেষ করে এলানো চুল বিশৃঙ্খল হয়ে পড়ে থাকার মধ্যেও যে-একটি ছাঁদ রয়েছে এবং চোখে ও মুখে যে-একটি কিছু রয়েছে তাতে সে প্রেতিনী। তিনি বারো বছর আগে তাকে দেখেছেন,—তারপর তার ইতিহাস শুনেছেন। তার ছেলে নীলু, তাকে তিন-চার বছরের শিশুকালে অবহেলা অবজ্ঞার মধ্যে ডেয়ো পি\*পড়ের কামড়ের যন্ত্রণার কান্দতে দেখেছেন। এই মায়ের সেদিনের কণ্ঠস্বর তাঁর কানে বাজছে। “মর। মর। মরে যা আপদ মরে যা!” সঙ্গে সঙ্গে মনে পড়ল সকালবেলা চার-পাঁচ বছরের ছেলেটা কান্দতে কান্দতে চলেছে পিছনে পিছনে। মনে পড়ল সাত-আট বছরের ছেলেটা পা হুকতে হুকতে হাত ছুঁছুতে ছুঁড়তে চলেছে। তার সঙ্গে বিচিত্র এক কান্না—আঁ! আঁ! আঁ! তার পরেই মনে পড়ল নিহঁর আকোশে ঢেলা ছুঁড়লে ঢেলাটা লাগল মায়ের হাঁটুতে মা পা ধরে বসে পড়ল। এসবের অর্থ যেন বদলে যাচ্ছে আজ! চাঁপা যেন তার সর্বস্ব লুপ্ত হওয়া, হাহাকারভরা জীবনের আবরণ উন্মোচন করছে।

মন তাঁর এখনো প্রশ্ন করছে—এ সত্য ? যা বললে তা সত্য ?

তাঁর পেশা ওকালতী। ওকালতীর দেওয়ানী মামলা তিনি করেন না। ক্রিমিনাল কেস নিয়েই তাঁর ওকালতী। একসময় রাজনৈতিক দলের বিরোধাত্মক আন্দোলনে অভিযুক্ত কর্মীদের স্বপক্ষে দাঁড়াতে গিয়ে তিনি প্রতিষ্ঠা পেয়েছেন। ভাষাতি মামলার অভিযুক্তদের খুনের মামলার আসামীর পক্ষ সমর্থন করেছেন তিনি। এও খুনের মামলা। এর যে আসামী নীলু, সাধারণের মধ্যে তার যে পরিচয় তাতে সে এখানকার একজন বিখ্যাত মস্তান। তার এই মা—তার ইতিহাস সে শৈরিণী। সে নির্হরা। তার সাক্ষী তিনি নিজে।

এ মামলা তিনি অর্থের জন্য নেবেন না।

একদিন একটি ক্ষুদ্র উপকার মেয়েটি করেছিল। তরুণ ক্ষুদ্র নয়—বৃহৎ। তাঁর প্রাণটা যেতে পারত সেদিন।

মায় ওই মেয়েটি এতক্ষণ ধরে যা বললে—

পুরাণের চরিত্রের মত পুণ্য চরিত্রবল ওর নাই। ও পতিতা। কিন্তু অপহৃত নিগৃহীতা বন্দিদের মতই একটি করুণ সত্য আছে যা সমাজ শোনে নি শুনতে চায় না।

তার একটা আবেদন তাঁর সামনে দাঁড়িয়েছে।

হঠাৎ চাপা দেখলে স্বধাংসুবাবু তার দিকে নিম্পলক দৃষ্টিতে তাকিয়ে আছেন। সে এ দৃষ্টির সম্মুখে এতটুকু সংকোচ অনুভব করলে না। বললে—বলতে গিয়ে টোট দুটি তার কঁপে উঠল, —আমার নীলুকে আপনি বাঁচান। লোকে বলছে আপনি পারেন।

-- তার আগে একটি কথা জিজ্ঞাসা করব।

--বলুন।

—আদালতে তোমাকে পুলিশ সাক্ষী মানবেই। মানতেই হবে। তুমি আমার কাছে যা বললে যেমন অকপটে বললে তেমনভাবে বলতে পারবে ? স্বীকার করতে পারবে ? হয়তো বিলী প্রশ্নও করতে পারে। সরকার পক্ষ পারে আমিও পারি। সত্য উত্তর দিতে পারবে ?

মেয়েটি আন্তে আন্তে বললে—পারব।

স্বধাংসুবাবু বললেন—তাহলে তোমার ছেলের কেস আমি নিলাম। তাকে বাঁচাতে চেষ্টা আমি করব। কি হবে তা জানি না। আজ আমি উঠব। বাকিটা পরে শুনব। পুলিশ মামলা দায়ের করলে চার্জশীট দেখে সব জেনে নেব তখন।

—তাহলে আজ আমি যাই !

—এই রাতে—

—আমি পারব। পাড়ার বুটেওয়ালী বুড়ী আমার সঙ্গে এসেছে। একটু দূরে ওই পান বিড়ির দোকানে বসে আছে।

ডুইংকমের খোলা দরজা পার হয়ে সেই বর্ষারাত্রে স্বপ্নালোকিত আবছারার মধ্য দিয়ে সে একলাই চলে গেল। পানবিড়ির দোকানটা একটু আগে। একটা বাকের মাথায়।

একটা দীর্ঘনিশ্বাস ফেললেন স্বধাংসুবাবু।

## নীচ

মহামাণ্ড বিচারপতি এবং জুরি মহোদয়গণ! এই এক নুশংস এবং কুৎসিত হত্যাকাণ্ডের বিবরণ আপনাদের সমক্ষে বিভিন্ন সাক্ষীর সাক্ষ্য সহযোগে উপস্থাপিত করা হয়েছে। আন্ত-পূর্বিক সংঘটনের মধ্যে এতটুকু কোথাও ছিন্ন নেই।

ডকে দাঁড়িয়ে ওই যে তরুণ আসামী—বয়সে তরুণ আকারে অবয়বে যে কোন ভদ্রসন্তানের মত কিন্তু প্রকৃতিতে সে নিষ্ঠুর ক্রুর উদ্ধত ভয়হীন; যে অঞ্চলে সে বান কবে সে অঞ্চলে তার ডাকনাম 'টাইগার'। এর ব্যাখ্যা নিম্নয়োজন। যে নামকরণ করেছিল সে ভুল করে নি।

বাঘের মতই সে হিংস্র এবং নিষ্ঠুর। পুলিশের খাতায় তার বিবরণ আজ তিন বছর ধরে লেখা হচ্ছে। প্রথম বৎসর মাসে একবার—দ্বিতীয় বৎসরে মাসে দুই বা তিনবার এবং এই তৃতীয় বৎসরে সাত মাসে আরও বেশীবার রেকর্ড করা হয়েছে। পাড়ায় পাড়ায় ঝগড়া, দলে দলে ঝগড়া, দলবদ্ধ হয়ে পাড়াতে আগন্তুকদের সামান্য অজুহাতে আক্রমণ করা, রাত্রির অন্ধকারে ছেনতাই, এমন কি সাম্প্রদায়িক দাঙ্গাতেও ইদানীং এ পাড়ার যারা সামাজিক নিরাপত্তা ও শৃঙ্খলাকে বিপন্ন করে; মহামাণ্ড বিচারপতি, এইকালে 'মর্জান' বলে উর্দু শব্দটি বাংলা শব্দ-ভাণ্ডারের অন্তর্ভুক্ত হয়ে গেল, সমাজ এমন কি রাষ্ট্রের অবস্থাকে যারা সঙ্কটাপন্ন করে তুলেছে সেই এক কুখ্যাত মস্তানদের সে প্রধান। সার্বজনীন পূজার চাঁদা আদায়ে জবরদস্তিতে, বিসর্জনের সময় অগ্নি পাড়ার পূজোর উদ্বোধনাদের সঙ্গে সামান্য অজুহাতে ঝগড়া বাধিয়ে সে এই অঞ্চলের পক্ষে একটা বিভীষিকা হয়ে উঠেছিল। হাতবোমা তৈরি করার দক্ষতায়, বোমা ছোঁড়ায় তার কথা লোকে শ্রদ্ধা উচ্চারণ করে। বোমা তৈরি করতে গিয়ে একবার বারুদ জ্বলে গিয়ে গোটা ডানহাতখানা জ্বলম্বল হয়েছিল। হাসপাতালে ছিল এক মাস। বোমা ছোঁড়ার অপরাধে পুলিশ তাকে বারোবার আ্যারেস্ট করেছে কিন্তু সাক্ষী কেউ দিতে চায় নি বলে, ছেড়ে দিতে বাধ্য হয়েছে। ছুরি মারার জন্য পুলিশ ওকে সন্দেহ করেছে কয়েকবারই। কিন্তু সেখানেও প্রমাণ-ভাবে গায়ে হাত দিতে পারে নি। ধরে নিয়ে গেছে—তাকে পুলিশী জিজ্ঞাসার সামনে এনেছে। কিন্তু তার ধাতু বিচিত্র ধাতু। যে উত্তাপে ইম্পাত গলে সে-উত্তাপের মধ্যেও ও অনমনীয় থেকেছে। এবং সে স্বীকারও করেছে যে এই খুন সে করেছে। এক্ষেত্রে বার বার আসামীর তরুণ বয়সের দিকে বিচারক ও জুরি মহোদয়গণের দৃষ্টি আকর্ষণ করা হয়েছে। আমি দৃষ্টি আকর্ষণ করব ওর মার দিকে। সে এই মামলার প্রধান সাক্ষী। আপনারা দেখেছেন আসামীর মাকে।

তার কপালে একটা কাটা দাগ আছে বিচাবক সেটা দেখবেন। সেটা ওর মায়ের কপালে এই ছেলে তার নিজের হাতে আঘাত করে চিরদিনের মত একটা শিলালিপি এঁকে দিয়েছে। একখানা ভাঙা খালার কানা দিয়ে মেরেছিল কপালে। তাকেও হাসপাতালে থাকতে হয়েছিল কয়েক দিন। ঘটনাটা ঘটেছিল ওদের বাড়ির ভিতর—মেয়েটি অজ্ঞান হয়ে পড়েছিল। অজ্ঞান অবস্থাতেই তাকে হাসপাতালে স্থানান্তরিত করা হয়েছিল। হাসপাতাল কর্তৃপক্ষ শঙ্কিত হয়ে-

ছিলেন—কারণ পেনেটের অবস্থা ভাল ছিল না। প্রচুর রক্তপাত হয়েছিল। এবং তাঁরাই খবর পাঠিয়েছিলেন পুলিশে। পুলিশ এখানেও সন্দেহ করেছিল এই তার টাইগার নামধারী মানুষের অবয়বে জন্তর মত সন্তানটিকে। মা তখন একথা স্বীকার করে নি কিন্তু এখানে অর্থাৎ এই মামলায় স্বীকার করেছে যে ও আঘাত ওর ওই ভয়ঙ্কর হিংস্র প্রকৃতির জন্তর মত পুত্রটির। ওই সে আসামীর কাঠগড়ায় দাঁড়িয়ে রয়েছে। ওর ওই পিঙ্গলবর্ণাভ দৃষ্টি, ওর এই তরুণ বয়সেও এই তরুণ মুখের রেখায় রেখায় নির্মম কাঠিন্য আর অকুটিভঙ্গীতে, ওর দেহের কঠিন নিষ্ঠুর গড়নের মধ্যে এমন একটা কিছু রয়েছে যা —

এবার সুধাংশুবাবু উঠে দাঁড়ালেন—আপত্তি করবেন তিনি। কিন্তু তার আগেই জজসাহেব বললেন—আপনি, আমার বোধ অসুখায়া সীমানার বাইরে যাচ্ছেন; ওর এই অল্পবয়সের যে-সব ঘটনার ইতিহাস দিলেন তার উল্লেখ করলেন তার প্রয়োজন ছিল। কিন্তু ওর চেহারা নিয়ে এর সঙ্গে জড়ান—এর অর্থ দাঁড়াচ্ছে যে, *he is a born criminal, crime is in his blood.* কিন্তু আমার মতে জোর করে এটা আরোপ করা হচ্ছে।

সরকার পক্ষের অ্যাডভোকেট তাঁর বক্তব্য নিবেদন করছিলেন।

কোর্টে ভিড়ের আর শেষ ছিল না। ভিতর থেকে বাইরের বারান্দা পর্যন্ত লোকেরা দাঁড়িয়ে শুনেছে। রুদ্ধশ্বাসে শুনেছে।

হাওড়ার টাইগারের বিরুদ্ধে খুনের অভিযোগে মামলা হচ্ছে। ভ্রষ্টা মায়ের সন্তান। মায়ের উপপত্যিকে খুন করেছে। বরেন মালিক অর্থাৎ মল্লিক আজ ষোল-সতের বৎসরের উপর—নিখুঁতভাবে গণনা করলে আজ সতের বছর কয়েক মাস এই মেয়েটিকে তাঁর রক্ষণাবেক্ষণে রেখেছিলেন। লোকে বলে সংসারটাই সে পোষণ করত একরকম। কেউ কেউ বলে টাইগারের উদ্ভবও ওই বরেন মল্লিক থেকে। সুতরাং এর মধ্যে কোথাও যেন আছে প্রকৃতির সেই বিচিত্র খেলা বা লীলা, যার অমোঘ ঘাতে প্রতিঘাতে ‘পিতা পুত্রহত্যা করে, পুত্র পিতৃহত্যা করে’ প্রকৃতিরও অন্তরালবর্তিনী এক বহুস্তময়ীর অভিপ্রায় পূর্ণ করে; অথবা সমস্ত ঘটনাটির মধ্যে আছে এক আশ্চর্য নাটক যা অতিপুরাতন হয়েও আজও পুরানো হয় নি বা হবে না।

ডকের মধ্যে দাঁড়িয়ে আছে হাওড়া শহরের টাইগার। আসামী নীলু।

ম্যাজিস্ট্রেট কোর্ট থেকে সেনসন্স সোপর্দ হয়ে দায়রা আদালতে বিচার বসতে প্রায় পাঁচ মাস সময় গেছে। এই পাঁচ মাসে নীলুর চেহারা যেন আশ্চর্যভাবে বদলে গেছে। সরকার পক্ষের উকীল যা বললেন তার সঙ্গে এতটুকু মেলে না। নীলু এই বিচার মাথায় করেও জেল-খানার মধ্যে নিয়মিত শাস্ত জীবন যাপনের সুযোগে দেখতে যেন আর এক নীলু হয়ে উঠেছে!

পিঙ্গল বর্ণ আর নেই, তার মধ্য থেকে ফুটে উঠেছে একটি স্বর্ণাভ দীপ্তি। শরীর তার সবল এবং কঠিন—তাকে ঢেকে একটি প্রসন্ন পুষ্টির প্রলেপ পড়েছে। চোখের কোলে চারিপাশে ছিল একটি কালো ঘের—সে ঘেরটি আর নেই। সযত্ন মার্জনার কেউ যেন আঁচল দিয়ে সে দাগ মুছে দিয়েছে। মুখে তার অল্প অল্প দাড়িগোঁফ বেরিয়েছে। চুল তার কটাসে অর্থাৎ পিঙ্গল। দাড়িগোঁফগুলি পিঙ্গল নয় স্বর্ণাভ। চোখ দুটি তার বড় জন্ম থেকেই। তার বৃষ্টি

বয়সের সঙ্গে হয়ে উঠেছিল উগ্র রুঢ় এবং হিংস্র ; সে দৃষ্টি এই ক'মালে আশ্চর্য এক উদাসীনে উদাসীন হয়ে উঠেছে। কোন উবেগ নেই কোন চঞ্চলতা নেই। ভকের মধ্যে যেন শূন্যদৃষ্টিতে অথবা গভীর এক আত্মমগ্নতার মগ্ন হয়ে দাঁড়িয়ে রয়েছে। হয়তো সপ্তাহালের সব কথা তার মনে পৌঁছুলেও সচেতন মনে পৌঁছোচ্ছে না। মাথার চুলগুলি দীর্ঘ এবং বিশৃঙ্খল ; তৈলহীন রুক্ষ ; গায়ে একটা রঙচঙে হাওয়াই সার্ট পরনে একটা চোড়া প্যান্ট। পরিষ্কার নয় ; জামাটা ক'জায়গায় ছিঁড়েও গেছে। ক্রফেপহীন ভক্তির প্রতিই দৃষ্টি আকর্ষণ করতে চেয়েছিলেন গভর্ণমেন্ট প্রীডার।

সরকারী উকীল তৎক্ষণাৎ বললেন—আমি আমার মন্তব্য প্রত্যাখ্যান করছি ইণ্ডিয়ানার। তবে আমার বক্তব্য হচ্ছে এই আসামী হাওড়া শহরে টাইগার নাম অর্জন করেছে তার এই বোল বৎসরের জীবনের যে গৌরবে সে গৌরব তার মস্তানীর গৌরব।

মহামাণ্ড বিচারক, মানুষ জন্তর বা জীব ও প্রাণীর মতই দেহধারী জীব। কিন্তু জীবজীবনের জৈব ধর্মের নির্দেশ তার জীবনসত্য নয়। কাম ক্রোধ লোভ ক্ষুধা তৃষ্ণাকে সে সম্পূর্ণরূপে অস্বীকার করতে পারে না এ কথা বৈজ্ঞানিক বাস্তব সত্য কিন্তু মানবধর্মে তা থেকেও অধিকতর সত্য যে এই জৈব বিধানগুলিকে সে আপন আনন্ডাধীনে এনে মনুষ্যত্ব উপনীত হয়েছে। মানুষ এইখানেই জন্ত থেকে পৃথক।

বর্তমান মামলায় যে হত্যাকাণ্ডের ঘটনা আপনার এবং জুরি মহোদয়গণের সামনে উপস্থাপিত করা হচ্ছে তাতে দেখতে পাবেন যে, স্থগিত প্রবৃত্তিতাড়িত হয়ে মনুষ্যধর্মের প্রথমতম বা প্রাথমিক সত্য বা বিধানকে কুৎসিতভাবে দুই পায়ে ছেঁটে-মেড়ে ধুলোয় লুটিয়ে দেওয়া হয়েছে।

যিনি হত হয়েছেন থাকে হত্যা করা হয়েছে সেই ব্যক্তির নাম ছিল বরেন মল্লিক ; ১৯৬০ সাল থেকে সতের বছর আগে একটি যুবতী এসে আত্মবিক্রয় করেছিল এবং সেই ক্রয়বিক্রয়ের ঘটনার সাক্ষী ছিল তার বাপ এবং তার স্বামী।

ঘটনাটি অসামাজিক। মনুষ্যত্বসম্মত নয়। কিন্তু জৈব প্রবৃত্তির গতি এবং মানুষের মনের নির্দেশের সঙ্গে দৃষ্টসংকুল মনুষ্যত্বের বা মনুষ্যধর্মের যে-পথ সে-পথে এই ধরনের পতন ও খলন-গুলি নিঃসন্দেহে বিরোগান্ত কিন্তু অস্বাভাবিক নয়। এমন ঘটে থাকে। অতীতকালে ঘটেছে বর্তমানেও ঘটছে। ভবিষ্যতেও ঘটবে। তাছাড়াও এক্ষেত্রে আরও একটি কথা আছে। স্বামী ও পিতার সাক্ষাতে যেখানে একটি যুবতী নিজেকে বিক্রি করে সেখানে এমন কোন কারণ আছে যা নিষ্ঠুরতম বাস্তব সত্য। যা অলঙ্ঘনীয় বা অপরিবর্তনীয়, মাননীয় বিচারক মহোদয়, তার থেকেও বেশী কিছু। প্রকৃতির নির্দেশ। আজ সতের বৎসর ধরে এই মল্লিক এই যুবতীর সঙ্গে নরনারীর মধ্যে ঘনিষ্ঠতম সম্পর্ক-স্থাপন করে এই দুঃস্থ সংসারটিকে প্রতিপালন করে আস-ছিল। সর্বোপরি এই যুবতী মেয়েটি তার সঙ্গে অর্থাৎ এই মল্লিকের সংসর্গে আসবার এক বছর পর এই বালকের জন্ম। সুতরাং বলি এই মল্লিকই এই হত্যাকারী বালকের—

—না—না—না—না।

পর পর চারটে 'না' শব্দের প্রচণ্ড থেকে প্রচণ্ডতর ধ্বনিতে দায়রা আদালতের প্রকাণ্ড ঘরখানা

চমকে উঠল।

চীৎকার করে উঠল আসামীটি। সমস্ত জনতা নিবিষ্ট মনে গভর্নমেন্ট প্রীজারের এই বক্তৃতা শুনছিল। তারা কোঁতুহলে আকৃষ্ট ছিল, বক্তব্যের জটিল অর্থ অনুধাবনের জন্য নিবিষ্ট-চিত্ত হয়েছিল। অত্যন্ত আকর্ষকভাবে এই ক্রুদ্ধ প্রচণ্ড এক দৃষ্ট চীৎকারে চমকে উঠল তারা। তরুণ কৈশোরের ভাড়া চেরা কর্তব্যে সবল বুকের চীৎকার।

বিচারকও চকিত হয়ে আসামীর দিকে তাকালেন। সে দুই হাতে মুঠো করে চেপে ধরেছে ডকের বেটেনীর কাঠখানা। চোখ দুটো তার জ্বলছে। মনে হচ্ছে সে যেন হাঁপাচ্ছে।

জজসাহেব তার দিকে সবিস্ময়ে তাকালেন। তাঁর ক্রুদ্ধ দুটি কুঁচকে উঠল। তিনি প্রশ্ন করলেন—কি? কি না? বল, তুমি কি বলছ?

একজন কনস্টেবল এবং একজন কোর্ট সাবইন্সপেক্টর ছুটে এসে কাঠগড়ার সামনে দাঁড়াল। রুচিব্যয়ে ধমক দিয়ে বললে—চুপ! চুপ!

মাথাটা ঝাঁকিয়ে দিয়ে বড় বড় শিকলাভ রক্ত চুলের রাশিতে নাড়া আগিয়ে সে বললে—না না। আমি চুপ করব না।

কোর্ট চঞ্চল হয়ে উঠল। উকীল মোক্তার কর্মচারী জনতা সমস্ত লোকের মধ্যে একটা গুঞ্জন জাগল—একটা নড়াচড়ার চেউ জাগল। শুধু জজসাহেব একটি শৈর্ষপূর্ণ ধীরতার সঙ্গে বলে রইলেন। তাকালেন তরুণ আসামীটির দিকে। টেবিলের উপরে রাখা কাঠের হাতুড়ি দিয়ে ঠুঁকে শব্দ করে তাঁর দিকে দৃষ্টি আকর্ষণ করে জনতাকে স্তব্ধ হতে বললেন। অল্পক্ষণ গভীর কণ্ঠে বললেন—চুপ! চুপ! তারপর আসামীর দিকে তাকিয়ে বললেন—বল তুমি কি বলছ? কি না? বল?

উত্তেজিত কণ্ঠে জ্বলন্ত দৃষ্টিতে পাবলিক প্রসিকিউটরের দিকে তাকিয়ে সে বলে উঠল—হজুর জজসাহেব—যে মল্লিক খুন হয়েছে—হজুর—।

বুকে ছুবার ভানহাতের চাপড় দিয়ে যেন আশ্বাসন করেই বললে আমি তাকে খুন করেছি হজুর—আমি। আমি তাকে খুন করেছি হজুর। তিনবার ছোরা মেরেছিলাম তাকে। পেটে, বুকে—তারপর পড়ে গেল—তখন পিঠে।

খেমে গেল আসামী। যেন কি বলবে সে খুঁজে পাচ্ছে না। চোখ দুটো শুধু দম্পদ্প করছে জ্বলন্ত আগুনের মত।

পাবলিক প্রসিকিউটর তার এই কথা-হারানো বিভ্রান্তিকর অবস্থার সুযোগে বললেন—রক্তের সম্পর্ক ছিল না কিন্তু সম্পর্ক ছিল—বিধবা রত্নমালা নিহত মল্লিকের রক্তিতা ছিল—

—না! আবার চীৎকার করে উঠল আসামী!—না না!

—মল্লিকের লোক এসে রত্নমালাকে নিয়ে যেতো না? মল্লিকের গাড়ি দাঁড়িয়ে থাকত না সন্ধ্যা রাত্তার? রত্নমালা সেজেগুজে বেরিয়ে যেতো না?

—না, রক্তিতা সে ছিল না। সে তার কেনা বাঁদী ছিল। হজুর জজসাহেব, এইকালেও মাদ্রাস বিক্রি হয়। বাপ মেয়ে বিক্রি করে হজুর—আমী স্ত্রী বিক্রি করে হজুর—আর হতভাগিনী

ওই বিক্রি হওয়া মেয়েটা কেনা বাদীর মত, চিরকাল জঙ্ক-দানোয়ারের মতই খেটে মরে যায় তবু তার গলার বাঁধন খোলে না। দড়ি দিয়ে সে বাঁধা থাকে মরণকাল পর্যন্ত। মরে গেলে দড়ি-গাছাটা খুলে নিয়ে ভাগাড়ে ফেলে দেয়। তেমনি করেই আমার ওই মা—

এইখানে এসে হা-হা করে কেঁদে ফেললে দুর্দান্ত ছেলেটা।

—কে বললে এসব কথা তোমাকে? তুমি কেমন করে জানলে?

—সুনেছি আমার ওই হতভাগিনী মায়ের কাছে।

—মা তোমাকে বলেছে এইসব কথা?

—হ্যাঁ হজুর—মায়ের কপালে একদিন একখানা কানাতাড়া খালা দিয়ে মেরেছিলাম। কেটে বসে গিয়ে অনেক রক্ত পড়েছিল। সেই দিন বলেছিল—তবে শোন তোকে আজ সব বলে যাই। আমার নিজের ইচ্ছেতে আমি ওই পাপ করি নে। আমার বাপ আমাকে বিক্রি করে ছিল। দু'হাজার টাকা সে নিয়েছিল। এই লোকটাই আমার হাতে দিয়েছিল টাকা। আমি মাটির পুতুলের মত বসে ছিলাম—আমার হাতে লোকটা ধরিয়ে দিয়েছিল দু'হাজার টাকার নোটের গোছা। আমি মাটির পুতুলের মতই বসে ছিলাম। একসময় বাবা সেগুলো টেনে নিয়ে পকেটে ভরে ঘর থেকে বেরিয়ে চলে গিয়েছিল। ওই ঘরখানার মধ্যে ওই লোকটার কাছে আমাকে ফেলে দিয়ে।

হজুর, আমার বাবা প্রণব চক্রবর্তী—সে ঠিক আমার মতই দেখতে, সেও—সেও—; শুদ্ধ হয়ে গেল এই প্রচণ্ড ছেলেটি। দুই হাতে তার চুলের মুঠো ধরে কাঠগড়ার রেলিঙের উপর কনুই রেখে মাথা হেঁট করলে।

কিছুক্ষণ পর বললে—বাবার কাছে মা নাকি বলেছিল—তুমি আমাকে বিধ এনে দাও। আমি মরি। বাবা বলেছিল—না, লোকটাকে আমি খুন করব। কিন্তু ছুরি তুলেও ছুরি মারতে পারে নি—হাত থেকে পড়ে গিছিল। লোকটা বাবাকে ধরে ফেলে তার কাছ থেকেও বিক্রির একটা দলিল লিখিয়ে নিয়েছিল। মাকেও তাতেই সই করিয়েছিল। সে কাগজখানা তার কাছে ছিল। বাবাকে এরপর আরও দু'হাজার টাকা দিয়ে একটা ধারের দলিল লিখিয়ে নিয়েছিল।

হজুর—জজসায়েব—বাঁচতে আমি চাই নে। মরতে আমার ভয় নেই। আমাকে ফাঁসি আপনারা দিন। আমি খুন ওই লোকটাকে করেছি। খুন করেই আমি পালিয়েছিলাম, ওইটে আমার দোষ হয়েছে। তবে ভোরবেলাতেই এসে আমি ধরা দিয়েছি থানায়। ফাঁসি যাবার জন্তেই ধরা দিয়েছি। উকীলবাবু বলছিল আমি মস্তান। হ্যাঁ হজুর, আমি মস্তান। ওই ওই আমার মায়ের জন্তে! হজুর—

হজুর, সারা জীবনে আমার বয়স বোল বছর হল—এই বোল বছরে কোন দিন কখনও আমাকে আমার ওই মা,—

হজুর, ওকে আমি রাঙ্কসী বলে ডাকতাম ছেলেবেলায়। এই দেখুন আমার কপালে একটা মন্ত কাটা দাগ। ওই মা আমাকে খুঁস্তি দিয়ে মেরেছিল। আমার মনে আছে হজুর—রক্ত পড়েছিল অনেক—আমার দিদিমা ভয় পেয়ে কেঁদেছিল আমিও ভয় পেয়েছিলাম কেঁদেছিলাম। মা বলেছিল মর মর তুই মরে যা! ছেলেবেলা আমার পাচড়া হয়েছিল—আমার কষ্টের শেষ ছিল না। সর্বাস্থে তার দাগ। কখনও মা আমার মলম লাগিয়ে দেয় নি ভাল কথা বলেনি। সকালবেলা কাজে যেত—আমি কাঁদতে কাঁদতে পিছনে পিছনে যেতাম—পথে হাঁচোট খেয়েছি, পড়ে গিয়ে টোট কেটেছে হাঁটু ছড়েছে—কখনও হাতে ধরে তোলে নি কখনও আহা বলে নি।

ওই একটা কথা—মর মর মর—তুই মরে যা তুই মরে যা।

হজুর পাঠশালায় গেলাম—ছেলেরা ক্লেপাতে আরম্ভ করলে। বলত—বাবার নাম কি রে? বুঝতে পারতাম না প্রথম প্রথম। তারপর বুঝলাম। আবাব বলত—তুই চক্রবর্তী কি করে হলি রে? তুই তো মল্লিক নাকি?

দিদিমা যতদিন ছিল ততদিন কিছু আদরযত্ন পেয়েছি হজুর—তারপর সে মরার পর দুনিয়া আমার তেতো ছিল—এবার বিষ মিশল বিষাক্ত হল। ইন্সুল ছাড়লাম—মস্তান হলাম।

উকীলবাবু বললেন মস্তান। হ্যাঁ হজুর, মস্তানদের সর্দার হলাম আমি। সিগারেট বিড়ি আরও নেশা শিখলাম। মাহুম মারতে শিখলাম। মন খুব খুলী হল। মাকেও মারতে ধরলাম। প্রথম চড়চাপড়। চড় খেয়েও মা গাল দিত—তুই মর তুই মর।

সঙ্গে সঙ্গে আবাব চড় মেরেছি আমি।

আবাব বলেছে—মর মর।

আবাব মেরেছি।

আবাব বলেছে—মরে যা তুই মরে যা।

—ফের বলছিস? বলে আবাব চড় মেরেছি।

ফের বলেছে—হ্যাঁ আবাবও বলছি, তুই মরে যা! চণ্ডালের সস্তান চণ্ডাল তুই। তুই মরে যা আমি খালাস পাই।

আমি এবার ভয় পেয়ে হার মেনে চলে গিয়েছি ঘর থেকে। পথে গিয়ে কোন ফিরিওলাকে কি অন্য কোন মস্তানের সঙ্গে ঝগড়া করে মাথা কাটাফাটি করে হাওড়া স্টেশনের ফুটপাথে কি গঙ্গার কোন ঘাটে গিয়ে বসে থেকেছি—সারা দিনরাত ঘুমিয়ে কাটিয়েছি। ঘরে মা গাল দিয়েছে—মায়ের বেদনা বুঝি নি বুঝতে চেষ্টা করি নি—বাইরে গাল খেয়েছি তাই নিজে গাল দিয়ে মস্তানী করে ফিরেছি। মনে ছিল লজ্জা—হজুর এমন লজ্জা আর হয় না। এর চেয়ে মরণ ভাল এর চেয়ে নরক ভাল—এর চেয়ে খুন হওয়া ভাল খুন করা ভাল। নিজেই নিজেকে জিজ্ঞাসা করতাম—আমি চক্রবর্তী না মল্লিক? আমি কি?

বলতে বলতে থেমে গেল দুর্দান্ত ছেলোটি।

সমস্ত কোর্ট রুমটা ধমধম করছিল। মাহুমেরা রুদ্ধশ্বাস হয়ে শুনছে। একটা স্ট্রচ পড়লেও শোনা যায়। মাথার উপরে কয়েকটা চডুইপাখী উড়ে উড়ে বেড়াচ্ছিল। একটা মিনিট স্তব্ধতা  
তা. দ্র. ২০—৫(ক)



যেন অনেক কয়েক মিনিট দীর্ঘ মনে হল। তবুও তাকে প্রশ্ন কেউ করলেন না—তারপর ?

জঙ্গসাহেবও স্তব্ধ হয়ে তার মুখের দিকে তাকিয়ে ছিলেন—তীর হাতে পেনসিল ছিল একটা, অকস্মাৎ সেটা হাত থেকে খসে টেবিলের উপর এবং টেবিল থেকে গড়িয়ে মাটিতে পড়ে গেল।

সেই শব্দে সজাগ হয়ে উঠল ছেলেটি। বললে—হজুর, একদিন মায়ের বাস্ক খুললাম। মায়ের জিনিসপত্র ছিল না কিন্তু ট্রাক ছিল তিনটে। যত বাজে ভাঙা ফুটো জিনিস ভর্তি থাকত। একটা বাস্কের দরকার ছিল। বোমা তৈরি করেছিলাম—সেগুলো নিয়ে যাবার জন্তে বড় বাস্কেরই দরকার ছিল। খড় গ্যাকড়া নিচে দিয়ে আরও খড় গ্যাকড়া দিয়ে প্যাক করে তার ওপর খানকতক কাপড় বই দিয়ে এক জায়গা থেকে অন্য জায়গায় নিয়ে যাবে। বড় একটা হাঙ্গামা আছে। দলে দলে হাঙ্গামা হজুর। বাজারে বাস্ক কেনার হাঙ্গামা ছিল। তাই বাড়ির বাস্ক একটা খালি করে নিয়ে যাব ঠিক করেছিলাম। আমার মা সে-দিন—।

—সন্ধ্যার পর। মা বাড়ি ছিল না। একটা বাস্ক খালি করে ফেললাম। হজুর, তার মধ্যে পুরনো ছেঁড়া একটা গরম কোট ছিল। কতগুলো কাগজ ছিল। একটা সিগারেটের কেস ছিল। পুরনো কমান ছিল। হজুর, সব শেষে ছিল—একখানা ফটো। অনেকটা ফ্যাকাশে হয়ে গেছে।

হজুর, আলোতে ছবিখানা দেখলাম, দেখে আমি চমকে উঠলাম। এ কে? এ কে? চেয়ারে বসে? আর পাশে দাঁড়িয়ে?

চিনতে পারলাম হজুর।

মাকে চিনলাম আগে। বিয়ের কনে আমার মা। মাথায় মুকুট গায়ে গয়না পরনে দামী শাড়ি। তারপর চিনতে বাকী রইল না চেয়ারে যে বসে তাকে। সে আমার বাবা প্রণব কুমার চক্রবর্তী। দেখলাম হজুর—অবিকল আমি।

আমার সব ভুল হয়ে গেল। আমি ভুলে গেলাম আমাকে ট্রাক নিয়ে যেতে হবে। আমি ভুলে গেলাম। ছবিটা নিয়েই বসে রইলাম আলোর সামনে। কালীপড়া একটা লঠন। তারই আলোতে অবাক হয়ে দেখলাম। আমি শুনেছিলাম—দিদিমা মাঝে মাঝে বলত—আমি বাবার মত দেখতে। মা আমাকে দেখে হয় মুখ ফিরিয়ে নিত নয় বিরক্ত হত—তার চিহ্ন ফুটত তার মুখে। আমি এ ছবি কখনও দেখি নি। বাবা যখন মারা যায় তখন আমি এক বছরেরও নই। সেদিন এই ছবি দেখে আমার যে কি হল তা বলতে পারব না। মনে হল আমি যেন রাজা হয়ে গিয়েছি। মনে হল ছবিখানা নিয়ে সারা হাওড়ার পথে পথে দেখিয়ে আসি—চীৎকার করে বলে আসি—দেখ আমার বাবার ছবি দেখ।

দলের লোক ডাকতে এল—তাকে ট্রাকটা দিয়ে দিলাম—আমি গেলাম না। বললাম—যাব না আজ। আমাকে ডাকিস নে। খুনোখুনি হয়ে যাবে। পালা। সে চলে গেল। আমি ক্যাপার মত ঘরে ঘুরতে লাগলাম। ঠিক এই সময় এল আমার মা।

মাকে আমি রাঙ্কসী বলতাম। বলতাম তার ওপর রাগের জন্তে—যেভাবে সে মায়ত তার

জন্তে । পরে আর একটা চেহারার জন্তেও বলতাম । সে যে সাজ করে ওই একটা লোকের সঙ্গে বেরিয়ে যেত সপ্তাহে একদিন করে রাত্রে তার জন্তে । সে ঘরে তালা দিয়ে বাইরে যেত । আমার তো ঠিক ছিল না কিছু । আমি ঢুকতাম পাঁচিল টপকে । তারপর ঘরের চাবি খুলে নিতাম—সে চাবি আমার কাছে থাকত । ঘরের তালা খুলে মা ওই সাজে ঢুকতেই আমার মাথায় আগুন জ্বলে গেল । আমি গিয়ে সামনে দাঁড়িয়ে বললাম, কোথায় গিয়েছিলি ?

মা চমকে উঠে আমার মুখের দিকে তাকিয়েছিল ।

আমার রাগ চড়ে চড়ে উঠেছিল—বললাম—বল, আজ তোকে বলতে হবে । কেন তুই যাবি এমনভাবে ? তোর লজ্জা নেই তোর হায়া নেই ?

মা আমাকে ঠেলা দিয়ে বলেছিল—সরে যা—সরে যা নীলু—আমার মাথায় খুন চড়িয়ে দিস নি ।

আমি সরি নি । পথ দিই নি ঘরে ঢুকতে ।

\* মা বলেছিল—নীলু ! সর আমি চান করব ।

—হজুর, বাইরে থেকে এসে মা চান করত । সে সেই বোধ হয় গোড়া থেকেই । আমি আজন্ম দেখে আসছি ।

আমি বললাম—না । আগে তোকে বলতে হবে কেন তুই আমার বাবার মুখে আমার বংশের মুখে এমন করে কালাঁ মাখিয়ে দিবি ? আমার বাবা মরে গিয়েছে সে কি তার—

মা আমার কথায় বাধা দিয়ে বলেছিল—তোর বাবাকে আমি ঘেন্না করি তোদের বংশকে আমি ঘেন্না করি । আর তুই ? তোকে পেটে ধবে আমার লজ্জার শেষ নেই । অথও তোর পরমায়ু—তুই হয়ে হয়েই মরিস নি ।

আমি ঠাস করে এবার মায়ের মুখের উপর চড় কষিয়ে দিয়েছিলাম ; শুধু চড় মারাই নয় হজুর ; ছেলেবেলা থেকে মায়ের উপর অহরহ রাগ করে থেকে থেকে মেজাজ আমার রাবণের চিতার মত জ্বলে—আমার বাবাকে আমার বংশকে গাল দেওয়া আমার সঙ্ক হয় নি । শুধু চড়ই মারি নি খারাপ কথা বলে গালও দিয়েছিলাম ।

মা স্তম্ভিত হয়ে গিয়েছিল । হজুর, মায়ের সঙ্গে সমানে মারপিট করেছি—মা মারলে আমিও মেরেছি—হাতে কামড়ে দিয়েছি, ঢেলা ছুঁড়েও মেরেছি কিন্তু এমনভাবে কখনও গালে চড় মারি নি ।

কিছুক্ষণ গালে হাত দিয়ে আমার মুখের দিকে সাপের মত তাকিয়েছিল মা । আমি মনে করেছিলাম মা ভয় পেয়েছে—মা এবার বলবে—আর করব না । আমি ভাবছিলাম গুলে গলা টিপে মেরে ফেললে কি হয় !

অন্যাসে তখন আমি খুন করতে পারতাম । আমিই মায়ের হাত ধরে তাকে ঘরে টেনে এনে বাইরের দরজা বন্ধ করে দিয়েছিলাম—তারপর বলেছিলাম, বল কেন তোর পাপে আমার চৌদ্দপুরুষ নরকস্থ হবে ? বল ?

মা বলেছিল—আমি যেদিন মরব সেদিন তোকে ডেকে সব বলে যাব । আর তুই যদি

মরিষ তব—

আমি তখন মরীয়া । আমার হাতের কাছেই পড়েছিল একখানা কানাভাড়া রেকাবি সেই-  
খানা তুলে নিয়ে মায়ের কপালে মারলাম—ভাবলাম না কি হবে ! রেকাবির ধারটা কপালে  
খণ্ড করে বসে গেল । বললাম—সীতা মাঝিনী আমার—হারামজাদী—কুস্তার বেটা কুস্তি—

কথা আমার শেষ হল না—শেষ করতে পারলাম না আমি—মায়ের কপাল থেকে গলগল  
করে রক্ত বের হয়ে গড়িয়ে মুখখানাকে ভয়ংকর করে তুললে । আমি বোবা হয়ে গেলাম ।  
চেয়ে রইলাম মুখের দিকে ।

মা বাঁ হাত দিয়ে সেই রক্ত নেড়ে আঙুলে মেখে চোখের সামনে ধরে দেখে আস্তে আস্তে  
বললে—মামের মত স্বামী পেলে আমিও সীতা হতে পারতাম নীলু । তোমার বাপ রাম ছিল না  
রে ! রাবণ সীতাকে হরণ করে নিয়ে গিয়েছিল—রাম সমুদ্র বন্ধন করে রাবণকে বধ করে  
তারপর সীতার অগ্নিপরীক্ষা নিয়েছিল । তোমার বাবা রাম ছিল না—আমাকে কুস্তার বেটা  
বললি—আমার বাবা কুস্তার চেয়েও অধম জীব ছিল । অর্থের জন্তে বড়লোক লম্পটের পা  
চেটেছে—তাদের কাছে স্ত্রী কণ্ঠা বিক্রি করেছে । আমাকে যখন বিক্রি করলে আমার হাতে  
নগদ দু'হাজার টাকার নোটের গোছা ধরিয়ে দিয়ে বাবা নির্লজ্জের মত পাষাণের মত সেই টাকা  
আমার হাত থেকে টেনে নিয়ে পকেটে পুরে বেরিয়ে গেল । ঘরের দরজাটা মল্লিক বন্ধ করে  
দিয়ে— ।

হুকুম, মা আমার হাউহাউ করে কেঁদে উঠল একবার । বললে—ওরে নীলু, আমাকে সেকালে  
দাসী বাঁদী যেমন বিক্রি হত তেমনি করে বিক্রি করলে প্রথমে বাপ । আমি তখন বোল  
বছরের মেয়ে—আমি কি করব ? অসহায় অবলার মত পড়ে রইলাম—লোকটা আমাকে  
৬ রাক্ষসের মত গোঁড়াসে গিললে— ।

তোমার বাবাকে তখন আমি দু'হাত বাড়িয়ে ডেকেছিলাম—তুমি স্বামী—তুমি আমাকে  
বাঁচাও বাঁচাও । বলেছিলাম—ভীষ্ম যেমন দ্রৌপদীকে কীচকের হাত থেকে বাঁচিয়েছিল  
তেমনি করে বাঁচাও । শুধু বাঁচানো নয় তুমি শোধ নাও । তুমি ওকে খুন কর । করে যদি  
কানি যেতে হয় যাবে—তুমি ভেবো না—আমি বিষ খেয়ে মরব । কিন্তু তোমার বাবা কাপুরুষের  
অধম কাপুরুষ—আমাকে উদ্ধার করতে এসে ছুরি তুলে কাঁপতে লাগল থরথর করে, ওই রাবণ  
তার হাত ধরলে, ছুরিটা পড়ে গেল । তোমার বাপ তার পায়ে গড়িয়ে পড়ে বললে—আমাকে  
ক্ষমা করুন । আমাকে ছেড়ে দিন । ওই আমাকে বলেছিল— । তোমার বাপ আমার দিকে  
দেখিয়ে দিবেছিল ।

আমি মাটির পুতুলের মত অবশ হয়ে গিয়েছিলাম—চোখেও রোষ হয় পাতা পড়ে নি—  
মায়ের মুখের দিকে তাকিয়ে শুধু শুনেই গিয়েছিলাম—মায়ের কাছে লিখিয়ে নিয়েছিল—আমাকে  
আপনি কিনিলেন—তার দাম দিলেন আমার বাবাকে আমার স্বামীকে । আমি চিরদিন কেনা  
হইয়া রহিলাম । বাবা লিখে দিয়েছিল—আমার স্ত্রী রত্নমালাকে বেক্কার আপনাকে বিক্রয়  
করিলাম এক দুই হাজার টাকা সুকিয়া পাইলাম । তারপর বাবা নিজে নাকি নিয়ে যেত

মাকে সঙ্গে করে ।

কপাল থেকে রক্ত ঝরে ঝরে মুখ ভিজিয়ে বুক ভিজিয়ে দিয়েছিল—কথো কথো খানা খানা হয়ে জমেও উঠেছিল—সেদিকে তারও খেয়াল ছিল না আমারও ছিল না । সব বলা শেষ করে মা বলেছিল—ওরে নিজেকে কমা করতে পারি না সেই বাপের মেয়ে বলে । সেই স্বামীর দ্বী বলে । তোকে কমা করতে পারি নি ওই কাপুরুষ বাপের ছেলে বলে । তুই পেটে না এলে আমি হয়তো মরতাম মরতে পারতাম । তোকে কোন দিন রেহ করি নি কিন্তু তোমার জন্তেই মরতে পারি নি ।

বলতে বলতে মা ঢলে পড়ে গিছিল । রক্তাক্ত হয়ে দুর্বল হচ্ছিল সে খেয়াল ছিল না । তারও ছিল না । আমারও ছিল না । যখন পড়ে গেল তখন মা বললে—নীলু, তুই লোকজন ডাক রে—তাদের সামনে বলব আমি নিজে রাগ করে কানাতাড়া রেকাবিখানা নিজের মাথায় বসিয়ে দিয়েছি ।

হুজুর, আমি সেদিন প্রতিজ্ঞা করেছিলাম এর শোধ আমি নেব । আমার মা । হুজুর, লোকে আমাকে মন্তান বলে—যার মায়ের উপর এমন অত্যাচার হয়—যার চারিদিকে কোন আনন্দ নেই আশা নেই সে মন্তান না হয়ে কি করবে ? উপায় কি তার ? মায়ের কাছে সব কথা শুনে অবধি আমি ঘুরেছি—পাগলের মত ঘুরেছি । তারপর ছোরা নিয়ে তৈরী হয়ে সেদিন দাঁড়ালাম ওই গলির মোড়ে ।

বলতে ভুলেছি হুজুর, মাকে হাসপাতালে দিতে হয়েছিল । মা লোকেদের কাছে বলেছিল নিজের কপালে সে নিজেই তাড়া রেকাবি বসিয়েছে—হাসপাতালে বলেছিল এমন কাটা নিজের হাতে হয় না । লোকজনে বলেছিল—তাহলে ওর ছেলেই মেয়েছে । তাও লেখা আছে পুলিশের খাতায় । তারপর মা বাঁচল—হাসপাতালে সাতদিন থেকে কিরে এস । এসে বললে—নীলু, তুই চলে যা । আমি তোকে টাকা দিচ্ছি, এই বাড়ি বিক্রি করে টাকা দিচ্ছি তুই চলে যা কোথাও ।

আমি মাকে কিছু না বলে চলেই গেলাম । চলে গেলাম না, লুকোলাম কাছেপিঠেই । বুকে আঙুন জলত অহরহ । সন্ধ্যা-সন্ধ্যাদের সঙ্গে ঝগড়া হল । তাদের আমি ছাড়লাম, তারা আমাকে ছাড়লে । ছোরাখানা নিয়ে তাকে তাকে ধাক্কা দিলাম । জানতাম মা সপ্তাহে একদিন যায় । ঠিক করেছিলাম প্রথম দিনেই রান্নাশেখা আমি বধ করব । আর এক দিন এক বারও সে আমার মায়ের গায়ে হাত দেবে তার থেকে আমার মৃত্যু ভাল । কিন্তু তা পারি নি হুজুর । সে আমার আপলোস । এত আপলোস আমার বাক্স দাহামশায়ের কাজের জন্তেও হয় নি । প্রথম দিন গাড়ি এল কিন্তু সে এল না ।

দ্বিতীয় দিন গলির মুখে অন্ধকারে দাঁড়ালাম ।

একটা লোক নেমে ভিতরে গিয়ে মাকে জেঁকে আনলে ।

রান্নাশেখা নামলে । এগিয়ে এলে বললে—এস ।

আমি লাফিয়ে পড়লাম । পেটে ছুরি ঢালানোর মত । তারপর বুকে বাঁকিয়ে অনাবিলে ।

লোকটা পড়ে গেল। যে লোকটা মাকে ডাকতে গিছিল সে ভয়ে ছুটে পালাল। গাড়ির তিতর থেকে ড্রাইভারটা চীৎকার করে উঠল। মা বলে উঠল—নীলু!

বললাম—হ্যাঁ। এই তোকে খালাস করে দিলাম। এরপরও যদি এই পাপ তুই করিস তবে তুই যা বলেছিল সব মিথ্যে আর তার জন্যে তোর কুঠ হবে জেনে রাখিস। যদি না হয় তবে ফাঁসি যাব আমি—আমি মরা দৈবরূপে নরককুণ্ডের পক্ষে পুঁতে দেব চিরদিনের মত।

আমাকে ফাঁসির হুকুম দিন।

আমি খুন করেছি। আমার মাকে যে টাকার জোরে জন্তু-জানোয়ারের মত কিনেছিল তাকে খুন করে আমার মাকে আমি খালাস করেছি।

ঠিক এই মুহূর্তে একটা গুরুতর কিছু পড়ে যাওয়ার সঙ্গে সারা আদালত ঘরটা চকিত হয়ে উঠল। কি পড়ল? আসামীও চুপ করলে এবং সেই দিকে তাকালে যেদিক থেকে শব্দটা উঠেছিল।

উঠেছিল সামনের দিক থেকেই।

একটি অতি বিচিত্র হাসি ফুটে উঠল তার মুখে।

মা।

তার মা চেয়ারে বসেছিল—সে অজ্ঞান হয়ে পড়ে গেছে। কোর্ট অ্যাডজার্নড হল সেদিনের মত।

### ছয়

“মানুষের প্রতি কি মানুষের অত্যাচার করার অধিকার আছে? প্রশ্ন নিশ্চয়োদ্ভূত। এ অধিকার নাই। তবু অত্যাচার ঘটে। মানুষ মানুষের উপর সজ্ঞানেই অত্যাচার করে। তাহার প্রতিবিধানের জন্য দেশে আইন আছে কাহুন আছে শাসন আছে শৃঙ্খলা আছে তবু অত্যাচার হয়। এবং বহু ক্ষেত্রে সে অত্যাচারের প্রতিকার হয় না। আইন অসহায়ভাবে দুর্বল হয়ে মাথা নত করে। মানুষের অত্যাচারবোধ নীতিবোধ সমস্ত কিছুকে মানুষেরই প্রবৃত্তি সন্ন্যাসের মত বিধাক্ত দৃশ্যে বিনষ্ট করে। আইন শৃঙ্খলার লোহার বাসরঘর নির্মাণ করে মানুষ অত্যাচারনীতির লব্ধিদরকে বাঁচাতে চেষ্টা করে। কিন্তু স্বেচ্ছাপ্রমাণ ছিন্নপথে কালনাগিনী প্রবেশ করে লব্ধিদরের প্রাণ হরণ করছে যুগ যুগ ধরে। মানুষ অসহায়ভাবে মেনে নেয় এবং এই সন্ন্যাস প্রবৃত্তিকে মাথা নত করে স্বীকার করে নিতে বাধ্য হয়। মধ্যে মধ্যে ব্যতিক্রম ঘটে। বর্তমান ঘটনাটি তার একটি প্রকৃষ্ট প্রমাণ।

আসামী নীলু চক্রবর্তীর জীবন নিষ্ঠুর অভিশাপে অভিশপ্ত জীবনের একটি বিরল দৃষ্টান্ত।

জন্মের বোধ করি প্রথম মুহূর্ত থেকে সে তার মাতৃস্নেহ থেকে বঞ্চিত, সম্ভবতঃ ঠিক বলা হল না—মাতৃস্নেহের ঝরা তিলে তিলে সে দহত। সমাজে সে চরমতম অপমান অপমানিত, লাঞ্ছনা লাঞ্ছিত। এক কামার্ত নরপিশাচের কুটিলতম অত্যাচারে অত্যাচারিত।

পাবলিক প্রসিকিউটর বলেছেন সাক্ষীদের দ্বারা তিনি প্রমাণিত করেছেন যে আসামী কুখ্যাত একজন মস্তান। হানীয় লোকেরা তার নামকরণ করেছে টাইগার। অর্থাৎ হিংস্র স্বাধীনতার মধ্যে সর্বাপেক্ষা শক্তিশালী এবং হিংস্র স্বাধীন।

হয়তো তাই।

এ সম্পর্কে আসামীপক্ষের অ্যাডভোকেট বলেছেন—হয়তো তাই। যার মায়ের অপমান হয় ধনী ব্যক্তিচারীর কলুষিত ধারার নীচে, যে বালকের জীবনে কোন সম্মান নেই সমাদর নেই সে যদি সত্যিই প্রাণবন্ত হয় তবে বাঘের মত হিংস্র হয়ে নিষ্ঠুরভাবে বর্তমানের সব কিছুকে ভেঙে চূরে চূর্ণ করে না দিয়ে তার পথ কোথায়? যাকে কেউ স্বীকার করে না তাকে আপন শক্তিতে স্বীকার করাতে হয়, সকল অত্যাচারকে রোধ করতে হয়।

মানুষের কাছে সকল অত্যাচারের চরম অত্যাচারে—মায়ের অপমান।

আসামীপক্ষের অ্যাডভোকেট বলেছেন—সারা দেশের অবস্থা এবং দেশের তরুণদের অবস্থা বিবেচনা করে বলতে ইচ্ছে করে যে এই বালক এবং তার মা তার প্রতীক।

এ কথা স্বীকার করতে আমরাও ইচ্ছা হয়। এবং বলতে আমি বাধ্য যে এই বালকের মায়ের উপর যে কুটিল এবং করুণাতীতরূপে কুৎসিত অত্যাচার হয়েছে, আইনসংগতভাবে তার প্রতিকার হয়তো পেতে পারত কিন্তু এর শোধ নেবার অধিকার তার ছিল না। এ কথাও সত্য যে, বিচিত্র মানুষের সমাজের অতীত-কালের প্রভাবে ওই মিথ্যা দলিলে সই করিয়ে নিয়ে এই নারীর উপর যে অত্যাচার হয়েছে এবং যে অত্যাচারের মুখে অসহায়ভাবে তার পিতা ও তার স্বামী তাকে সমর্পণ করেছে তাতে তার এই পুত্রটি এইভাবে নিজের জীবনপথে ফাঁসিকেই স্থির পরিণাম জেনেই অত্যাচারীকে হত্যা করেছে; সে দুর্দান্ত, প্রাণবন্ত—তার পক্ষে বোধ হয় এই ছিল স্বাভাবিক। দেশের আইন এতে সম্মতি না দিলেও এই প্রাণের বিনিময়ে প্রাণ দিতে উচ্চতর হত্যাকারী পুত্রটিকে মানুষ শ্রদ্ধা ও প্রশংসার দৃষ্টি দিয়েই মনোলোকে অভিষিক্ত করবে।

আমি মহামান্য হাইকোর্টের কাছে এই বালকের সকল অপরাধের মার্জনায় জন্তু সুপারিশ করছি।”

দায়রা বিচারের রায়খানা পড়ছিলেন, স্বধাংগুবাবু। স্বধাংগুবাবুর সেই বসবার ঘরে। সেই রাত্রিবেলা। সামনে দাঁড়িয়েছিল সেই চাঁপা—সেই রক্তমালা।

প্রেমিনী নর, বমতায় বেমতায় জল-টলমল দুই চোখ নিয়ে স্বধাংগুবাবুর সামনে দাঁড়িয়ে ছিল—মা। ফোটা ফোটা অশ্রু বয়ে পড়ছিল।

সকল গানি সকল বন্ধন থেকে মুক্ত মা।

স্বধাংগুবাবু প্রসন্ন এবং গভীর শ্রদ্ধার সঙ্গে তার মুখের দিকে তাকালেন।

উৎসর্গ

ভার্যশঙ্করের শেষ রচনা হুগার বাংলার  
সকল বাঙালীর হাতে তাঁর শেষ  
অভিপ্রায় অক্ষুসারে তুলে দেওয়া হল ।

—প্রকাশক

# একটি কালো মেয়ের কথা

(ওনার বাংলা)

‘ক্যাটস-আই’ বলতে যা বোঝায় ঠিক তাই। অবিকল বেড়ালের চোখের মত। সাদা-কেন্ডের মধ্যে খয়েরী রঙের গোল ঘেরের মধ্যে মণি দুটো ঠিক কালো নয় দীর্ঘ নীলচে। এবং বেড়ালের চোখ যেমন আলোর নিম্নত হয়ে আসে ও অন্ধকার হলেই জলজলে হয়ে অলে ওঠে এর চোখ দুটোও ঠিক তেমনি, কড়া কথা হলেই প্রদীপ্ত হয়ে উঠছিল। পিছলাত গোল তারা দুটোর মধ্যে মণি দুটো যেন আলোর ছটা পাওয়া কালো পাখরের মত মনে হচ্ছিল।

চেহারাতে লোকটা কিন্তু বেড়াল নয়।

খাড়া নাক, লম্বা ধরনের মুখ; হাড়ে মাসে পেশীতে পাকানো শরীর, প্রায় শোনে ছ’ফুট লম্বা, বুকের ছাতিখানা এতখানি প্রশস্ত, গায়ের রঙ তামাটের চেয়েও কালো কিন্তু কানের পেটীর ফাঁকে ফাঁকে—গলা এবং চিবুকের ভাঁজের রেখায় এককালের ফর্সা রঙের চিহ্ন শেওলাধরা পুনো বাড়িব খামের মাথার পাজের-কাজের সাদা ফালির মত চোখে পড়ে।

মাথার চুলগুলো নোংরা, রুক্ষ,—তার রঙ খুলায় ঢাকা পড়লেও কালোই বটে, তবে ডগাগুলি লালচে। এবং তা মেহিদীর রঙের অবশেষ নয়।

পূর্ববাংলায় পশ্চিম-পাকিস্তানী সৈন্তবাহিনীর অত্যাচারে ভয়াবহ হয়ে লক্ষ লক্ষ শ্রাবণ এবং কৃষ্ণবর্ণ মানুষের মধ্যে তাকে কোন রকমেই পূর্ব-পাকিস্তানী বলে মেনে নেওয়া যাক্ছিল না।

পশ্চিম-পাকিস্তানী?

পাঞ্জাবী? সিন্ধি? বালুচ? অথবা গিলগিট অঞ্চলের লোক? দীর্ঘকাল বাস করছে পূর্ব-পাকিস্তানে—আজকের বাংলাদেশে? এমন লোক অনেক আছে আজ বাংলাদেশে। বেহার ইউ-পি অঞ্চল থেকে যেসব লোকেরা ভিটেমাটি ছেড়ে পূর্ব-পাকিস্তানে বাস করছে তাদেরও কেউ হতে পারে।

পূর্ববাংলা থেকে পালিয়ে-আসা লক্ষ লক্ষ মানুষের সঙ্গে লোকটি সীমান্ত অতিক্রম করে এদেশে এসে চুকেছে। অনুমান করতে পারেনি তার চোখ দুটো এমন যেমানান ঠেকবে। কয়েকজন উৎসাহী বুদ্ধিমান তরুণ তাকে গুপ্তচর সন্দেহ করে ধরে এনে পুলিশের হাতে দিয়েছে।

সঙ্গে একটি রুগ্ন কালো মেয়ে। অরে বেহঁশ মেয়েটির চলবার শক্তিও ছিল না, ওই লোকটি তাকে একরকম বয়ে নিয়ে এসেছে। এই মেয়েটির জন্ত এবং পুলিশের তৎপরতার জন্তই বলতে হবে—সে পাকিস্তানী গুপ্তচর সন্দেহে ধরা পড়েও নির্হৃতম নির্বাসনের হাত থেকে বেঁচে গেছে। দিন কয়েক হল গুপ্তচর সন্দেহে দু’তিনজনকে ধরে লোকেরাই তার



পিটিয়ে বেরে ফেলেছে। বর্ডার এরিয়ার পুলিশ অত্যন্ত সক্রিয় এবং সচেতন ছিল। লোকটি একটি গাছতলায় পীড়িত মেয়েটিকে শুইয়ে দিয়ে একটু বিশ্রাম করছিল। পশ্চিমবঙ্গের কয়েকটি বুদ্ধিবান অন্নবয়সী সনাতনসেবী-কর্মী ওর ওই চৌধ এবং আকার অবয়ব দেখে সন্দেহবশে কিস্কাস শুরু করতেই ওদের ভাগ্যক্রমে পুলিশ এসে পড়েছিল। পুলিশের দৃষ্টিও মুহূর্তে সন্ধিহ হয়ে উঠেছিল। সঙ্গে সঙ্গেই তারা ওদের জীপে তুলে নিয়ে এসেছে খানায়।

\* \* \*

মনের সঙ্গেই অস্পষ্ট থেকে স্পষ্ট এবং শক্ত কঠিন হয়ে উঠেছিল।

মাথার এতখানি লম্বা, রক্ত চুলের ডগার দিকটার পিছলানাস, এমনি দুটো চোখ।  
প্রশ্ন করলেন অফিসার—তুমি তো পশ্চিম-পাকিস্তানী? নয়?

টেবিলের সামনে দাঁড়িয়ে বাঁ-হাতের বুড়ো আঙুলটা তার উপর রেখে বললে—না।  
আমি পশ্চিম-পাকিস্তানী নই।

এবার প্রশ্ন করবার ভঙ্গিটিকে একটু তীক্ষ্ণ এবং রুঢ় করে তুলে অফিসার বললেন—  
তুমি বলছ তুমি পূর্ব-পাকিস্তানী?

সে বললে—না, তাও নই।

—তুমি পাকিস্তানীই নও?

—না সাহেব। তা কি বলতে পারি। আজ চব্বিশ বছর পাকিস্তানের রুটি নিমক খেয়েছি—ডাল ভাত খেয়েছি—আমি পাকিস্তানী নিশ্চয়ই। তবে আমি পূর্ব-পাকিস্তানী কি পশ্চিম-পাকিস্তানী নই; আমি পাকিস্তানী। পশ্চিম পাকিস্তানে অনেকদিন থেকেছি, উর্দু খুব ভালো জানি। পূর্ব-পাকিস্তানে দশ বছর রয়েছি। এখন এদেশের মানুষই হয়ে গিয়েছি।

একটু খেমে থেকে হেসে আবার বলছিল—ভাত ছাড়া রুটি আর রুচে না মুখে—মাছ ছাড়া ভাত খাওন যায় না; ই তাশের তাবায় কথা কইলি পর কোন্‌ মানুষ কয় যে আমি এই তাশের ছাওয়াল না—

তার কথা শেষ হবার পূর্বেই পাশে সববেত লোকদের মধ্য থেকে একজন উদ্ভূত ভঙ্গি বৈধ হারিয়ে কয়েক পা এগিয়ে এসে তার গালে ঠাস করে একটা চড় বসিয়ে দিয়ে রুঢ়বরে ধমক দিয়ে উঠল—Shut up you বদমাশ কাঁহাকা! চালাকি পেয়েছ? না?

সকলেই চমকে উঠেছিল। কেউ ঠিক প্রস্তুত ছিল না এর জন্যে। নইলে সকলেই মনে মনে উত্তপ্ত হয়ে উঠেছিল ওই লোকটির উপর। সকলেরই মনে হয়েছিল লোকটা বাংলাদেশের তাবাকে ভেঙিয়ে কথা বললে।

ভরুগটি বিতীর্নবারও হাত তুলেছিল—কিন্তু লোকটি থগ করে তার হাতখানা ধরে ফেলে বললে—কি চালাকি করলাম? মারলেন কেন আমাকে?

সঙ্গে সঙ্গে হুচীপতন-শব্দ শোনার মত নিশ্চকতা ঘরখানার মধ্যে ধনধন করে উঠল। পরমুহূর্তেই হয়তো একটা বিস্ফোরণের মত উচ্চনাদী একটা কিছু ঘটতে পারত কিন্তু থানা

অফিসারটি আশ্চর্য ভিপ্রভার সঙ্গে ছদ্মনের মাঝখানে হাত বাড়িয়ে খুঁজে পকেট প্রায় মাথা দিয়ে বললেন—Please, please, please.

আবাতকারী ভঙ্গিটিকে বললেন—আপনি সরে আছেন। আপনারা বাইরে যান।

লোকটি চূপ করে দাঁড়িয়েই ছিল। তার সেই পিঙ্গল চকুতারা কা ছটি অস্থির দীপ্তিতে বেন কপে কপে কৈপে কৈপে উঠছিল।

যে চড় মেরেছিল সে-ই হোক বা অভ কেউ হোক এবার নির্ভর আক্রোশে এবং ঘৃণার সঙ্গে বলে উঠল—He is a spy.

লোকটি প্রায় কিশোর মত ঝাঁকি দিয়ে ঘুরে দাঁড়াবার চেষ্টা করলে কিন্তু পারলে না; ততক্ষণে ছদ্মন কনস্টেবল তার দুইপাশে সরে এসে তার দুই হাত চেপে ধরে দাঁড়িয়েছে। লোকটা বুক ফাটিয়ে চীৎকার করে উঠল। প্রতিবাদ জানিয়ে বললে—No. No. No ! I am not a spy—I can never be a spy—No. I hate it—I hate it.

—Search কর ওকে।

দুই হাত তুলে দাঁড়িয়েছিল সে—আর একজন তার পোশাক-পরিচ্ছদে হাত পুরে খুঁজে খুঁজে দেখছিল। গারে একটা ছেঁড়া শার্ট। বুকপকেটে একটা ডটপেন, একখানা ছোট নোট বই। নিচের পকেটে সন্তানারের ছ'প্যাকেট সিগারেট দেশলাই একটা লাইটার।

তল্লাসীর সময় লোকটি হাত তুলে প্রায় চকল ভঙ্গিতে দাঁড়িয়েছিল এবং আপনমনেই কথা বলেই বাচ্ছিল—না, আমি স্পাই নই। বিশ্বাসঘাতক গুপ্তচর traitor spy বড় ঘৃণিত জীব। আমি স্পাই নই। আমি মুসলমান নই আমি হিন্দু নই, পাকিস্তানে আমার জন্ম নয়; ধর্ম আমি কৃষ্ণান। আমার জন্মস্থান কলকাতা। আমার বাবা ছিলেন Anglo-Indian—আমার মা ছিলেন বাঙালী কৃষ্ণান—মায়ের বাবা ছিল 'বিশ্বাস'। তালতলার বাড়ি ছিল আমার মায়ের বাবার। ওই বাড়িতে আমি জন্মেছি। আমার বারো বছর বয়স পর্যন্ত আমি তালতলার বড় হয়েছি। আমার বাবা ছিল রেলের Yard Officer—মা ছিল আমার P. G. Hospital-এ নার্স। এলিফট রোডে রিপন স্ট্রীটে ফ্রি ইন্সুল স্ট্রীটে মৌলানীতে খুঁজলে আমার চেনা লোকদের নিশ্চয় পাওয়া যাবে। ১৯৪৭ সালে দেশভাগের সময় my father wanted to go England or Australia or South Africa—but. কিন্তু হয়নি—হয়ে ওঠেনি। আমার বাবা adopted Pakistan, করাচীতে বাবা রেলইয়ার্ডে চাকরি পেয়েছিল; মা পেয়েছিল রেলওয়ে হাসপাতালে চাকরি। বাবা আমাকে রিপন ইন্সুলে পাঠিয়ে দিয়েছিল। বাবা চেয়েছিল আমি তাল লেখাপড়া শিখে England চলে যাই। কিন্তু—

একটানা এতগুলি কথা লোকটি বলে গেল—এমনভাবে বলে গেল এবং তার কণ্ঠস্বরের মধ্যে এমন কিছু সাহসের মন এবং কলরবক স্পর্শ করা কিছু ছিল, যার অভ মন-খারোজক সব্বিকৃতিত সতর্ক ভীতবুদ্ধি মানুষ তাদের কপালে ছুড়তে কঠিন সংশয়ের কুকুরেরা বিরোধ

মুখু বিশ্বয়ের সঙ্গে শুনে গেল। অবিশ্বাসবশে বা অসহিষ্ণু হয়ে একটা প্রতিবাদও করলে না।

বরং একজন কেউ যেন নিরাশ হয়ে বললে—দূর দূর। যত সব বাজে কথা—

সঙ্গে সঙ্গেই একজন বাধা দিয়ে বললে—চুপ কর। শোন না কি বলছে।

‘কিন্তু’ বলে লোকটি দুই হাতের তালুই উণ্টে দিয়ে বললে—মজি খোদার আর নলীবের কের—কোথায় বা ইংল্যাণ্ড কোথায় অস্ট্রেলিয়া কোথায় সাউথ আফ্রিকা, আমি সেই পাকিস্তানেই রয়ে গেলাম। বা হঠাৎ হার্টফেল ক’রে যারা গেল, বাবা আবার বিয়ে করলে শুকনো চেহারার নির্ভর মেজাজের এক আধবুড়ী খাস মেয়সাহেবকে and I was left alone, a forsaken child. সারি দুনিয়ামে সেরা কোই নেহি থা। অবশ্য child তখন আর আমি নই। বয়সে পনের পার হচ্ছি—দুনিয়ার একটা আলাদা টান মনকে টানতে শুরু করেছে। জিন্দগীর অনেক মন্দ জিনিস গোপনে গোপনে জেনেছি। স্বাভাৱে মিশন থেকে বেরিয়ে পালাতে গিয়ে ধরাও পড়েছি দু-চারবার। গানের গলা ছিল—সিনেমার গান শিখেছি। উর্দু গান ভাল লাগছে। গজল গাই। এসব ফাদারদের অজানা ছিল না। এর উপর বাবা হঠাৎ চলে গেল England—আমার খরচের জন্তে এক পরস্যাও দিয়ে গেল না। তবুও মাসচারেক ফাদাররা কিছু বলেনি। পাঁচমাসের সময় আমি মিশনের electric জিনিসপত্র চুরি ক’রে ধরা পড়লাম।

পড়াশোনায় ভাল ছিলাম না। বৌক ছিল গানে আর ইলেকট্রিসিটির কাজে। খুটখুটে ছেলে থাকে বলে এক ধরনের, যারা নিজেরাই খুটখাট করতে করতে কাজ শিখে ফেলে। আমি সে পালা শেষ করে মিশনে যে মিস্ত্রী ইলেকট্রিকের কাজ করত তার আশেপাশে ঘুরঘুর করতে করতে তার assistant হয়ে গিছিলাম প্রায়। কাজকর্মও ভালই শিখে ফেলেছিলাম। বাবা চলে গেলে মিশন টাকার তাগাদা না করলেও আমার নিজের অভাব হয়ে পড়েছিল। সিগারেট খাই—সিগারেটের পরস্যা জোটে না; সিনেমা এলে যেতে পারি না। একখানা সাবান চাই—জোটে না। অগত্যা ইলেকট্রিক বাঘ খুলে প্রাগ খুলে হুইচ খুলে নিরে বাজারে বিক্রী করতাম। হঠাৎ ধরা পড়ে গেলাম একদিন। আমার সীটটার নীচে আমার হটকেস খুলে দেখলে ফাদারেরা। সেই তল্লাসীতে ওরা পেলে খানকতক উর্দু সিনেমা সাপ্তাহিক—যার মধ্যে সিনেমা-স্টারদের তসবীর আছে। আরও আছে উলফ বেয়ের ছবি। আর সেই ছবির উপরে উর্দু গানের লাইন লেখা। যার মানে খুব খারাপ; লেখা আমারই—না বলবার উপায় ছিল না। ওইসব খারাপ লাইনগুলো লিখে উর্দুতে নই করেছিলাম ‘আওয়ারা’ বলে। রাজকাপুরের ‘আওয়ারা’ ছবিটার গল্প শুনে খুব ভাল লাগত। কিন্তু তার পরেও লিখেছিলাম—আওয়ারা ‘ডেভিড’। উর্দু খারাপ গানের লাইনগুলো আমার নিজের তৈরী। উর্দুতে গজল বানাবার বৌক আমার তখন খুব।

এরপর মিশনের রেকর্ডর আমাকে বললেন—তোমার জিনিস সব ওছিয়ে নাও। এবং মিশনের যে কটকটা বড় রাতার উপর সেই কটকটা খুলে দিয়ে বললেন—Try your luck now, আমরা তোমাকে আর রাখতে পারব না। আমি লজ্জিত যে English

language, English culture তোমার ভাল লাগল না।

আমি তবু পাইনি, বেরিয়ে এসেছিলাম। ঠিক করেছিলাম electric মিস্টার কাছ ক'রেই থাক। তার সঙ্গে গান আছে। গাইয়ে হিসেবে নাচ করতে পারলে কথাই নেই। কোনক্রমে যদি ছ'চারখানা গান রেকর্ড করতে পারি।

একটা দীর্ঘনিশ্বাস ফেললে সে।

অফিসার বললেন—দাঁড়াও।

এবার সে অফিসারের দিকে তাকালে। অফিসার টেপ রেকর্ডার থেকে ফুরিয়ে-বাওয়া টেপের রীলের চাকাটা খুলে নতুন টেপ পরানো চাকী পরিয়ে নিচ্ছিলেন। লোকটি এতকণে এ সম্পর্কে সচেতন হল। অফিসার যে কখন টেপ রেকর্ডারের মাইক্রোফোনটা টেবিলের উপর রেখেছিলেন সে সম্পর্কে সে কিছুই জানতে পারেনি। একটু হেসে সে শুধু বললে—ওঃ, you have not believed me!

আরও একটা দীর্ঘনিশ্বাস ফেলে সে টেবিলের কোণটা ধ'রে বললে—I am not a spy—আমি স্পাই নই। Spying আমার বিচারে শুণার সাবিল—পাপ। It is a sin.

অফিসারটি বললেন—আমরা তো তোমাকে ইতিমধ্যে কোন শাস্তি দিইনি।

সে বললে—কি বললেন?

অফিসার বললেন—তোমাকে তো spy ব'লে ধরে নিয়ে এর মধ্যেই কোন লাঞ্ছনা তো দিইনি। Have we put you to any torture?

সে বললে—না—তা বলতে পারব না।

অফিসারটি বললেন—কিন্তু আমাদের কতকগুলো কর্তব্য আছে—কতকগুলো আইন আছে, নিয়ম আছে।

খাড়া নেড়ে স্বীকার করলে সে। অদ্ভুত স্বরেই একরকম বলেও ফেললে—হ্যাঁ তা আছে।

অফিসার বললেন—বস ওই টুলটার উপর।

পালের খালি চেয়ারগুলোর দিকে তাকিয়ে দেখে নিয়ে সে টুলটার উপরেই বসল।

অফিসার বললেন—বল, তারপর বল।

একটা সিগারেট খাব?

নিশ্চয়। ওই তো তোমারই সিগারেট রয়েছে।

একটা সিগারেট ধরিয়ে খানিকটা ধোঁয়া ছেড়ে সে আবার একটা দীর্ঘনিশ্বাস ফেললে। বললে—সামান্য কথানা বহু হাতে বেরিয়ে পড়েছিলাম খোলা করাচীর পথে। তবু আমি পাইনি। তবু পাবার মত মনের গড়ন আমার নয়। My father was never kind to me. My mother—She was a queer sort of woman. কথার কথার তার ছিল কান্না। হাসপাতাল থেকে এসে রোগীর অন্তে কীদত। আমার বাবা বেশী বদ খেলে বা কীদত; বাবা কড়া কথা বললে কীদত। You see—এক-একটা দুঃখের ছবি দেখে এক

তিন-চারদিন ধরে কান্ড, দীর্ঘনিঃশ্বাস ফেলত। আবার জন্তে কারা তো লেগেই ছিল। আমি বয়ে বাছি—তার জন্তে তো কান্ডই, আবার আমি রাগ করলেও না কান্ড। She was very strange, আমি তার হসিস পাইনি কখনও and I did not like her. আমার প্রাণ হাঁপিয়ে উঠত।

একটা দীর্ঘনিঃশ্বাস ফেলে সিগারেটে একটা লম্বা টান দিলে।

অফিসার বললেন—তুমি শক্ত মনের গড়নের লোক। এখন তোমার কথা বলে চল।

—হ্যাঁ—বলছি। পথে বেরিয়ে পড়েছিলাম সাহস ক'রে, তাতে ঠকলার না। Screwdriver, tester, কতকগুলো পাভ রেক নিয়ে Electro mechano বলে একটা দোকানের সামনে বলে থাকতাম। জনকয়েক মিল্লীর সঙ্গে আলাপ হল। আমি কাজ জানি—কাজ ভাল ক'রে বস্তু ক'রে করি—তা ছাড়াও আমার জীবনের আর একটা মূলধন ছিল। আমি ভাল গজল গাইতাম। তাছাড়া নিজে উর্দু গজল তৈরী করতে পারতাম। সেগুলো কিছুটা ভালগার ছিল বলে মিল্লী class-এর লোকেরা পছন্দ করত। সঙ্গে সঙ্গে আমাকেও। ওদের সঙ্গে আমি মিশে গেলাম। চেহারাতে West Pakistani লোকের সঙ্গে মিল ছিল। গায়ের রঙ চোখের চেহারা চুলের রঙ প্রায় একরকম—তাছাড়াও লম্বার আমি ওদেশের মানুষের সমান ছিলাম। আরও ছিল—মেজাজের গড়ন, সম্পূর্ণ না হলেও, কতকগুলো জায়গায় অনেকটা একরকমই ছিল। আবার গরমিল ছিল এই মেজাজেই। মধ্যো মধ্যো আমার মায়ের এই ভিজে ভিজে ঠাণ্ডা ঠাণ্ডা মুন কেমন ক'রে আমার মনে ছড়িয়ে পড়ত।

অফিসার বললেন—এত বাড়িয়ে বলো না। Facts বল—

সে বললে—Mr. Officer—তাই বলতে আমি চেষ্টা করছি। নাহলে সে সময়কার ঘটনা বলতে গেলে সে আর ফুঝবে না। আমি বলতে চাচ্ছি—অল্পদিনের মধ্যেই আমি ওদেশের মানুষদের একজন হয়ে গিছিলাম। ওদের ভাষা বলতাম ওদের মত। ওদের গান গাইতাম ওদের মত। আমার খানকর গান রেকর্ড হয়েছিল। কিন্তু bad luck, আমার গান লোকে পছন্দ করেনি। ওই গান গাইবার জন্তে একটা নামও নিয়েছিলাম আমি। কারণ একজন Anglo-Indian-এর উর্দু গান পছন্দ না করতে পারে। এক বুড়োর কাছে থাকতাম। তার মরা ছেলের নাম ছিল মনহর। নামটা সেই আমাকে দিয়েছিল।

—I see—কি নাম সেটা?

—মনহর।

—পাকিস্তানে রেকর্ড করেছিল H. M. V. ?

—হ্যাঁ। খোঁজ ক'রে দেখতে পারেন।

—তারপর বল।

—গায়ে কিছু হয়নি কিন্তু electric-এর কাজে আমার পথ খুলে গিছিল। হুঁবছরের মধ্যে electric engineering সম্বন্ধে লেখোওয়াও বই কিনে পড়ে শুনে পরীক্ষা দিয়ে একটা ডিগ্রীও যোগাড় ক'রে নিয়েছিলাম। কাজ তখন চারিদিকে। পাকিস্তান নতুন স্বাধীন দেশ।

ছবিয়ার তার খাতির অনেক। কারণে আজব জিন্দা সাহেবের নামে সারা ছবিয়া ইনি খুলে  
মাথা বোঁদায়। England America থেকে শুরু করে সব দেশই তাকে ঠাণ্ডা বোঁদায়—  
গর বোঁদায়—কলকারখানার সরঞ্জাম বোঁদায়—লড়াইয়ের সরঞ্জাম বোঁদায়। পবিত্র  
দেশ একটা, তাকে নতুন করে গড়ে তুলতে হবে। নয়া জম্বানা—নয়া জিম্বাবুয়ে—নয়া মুক্ত।  
পাকিস্তান। বড় বড় শহর কিছুটা ভেঙেচুরে—কিছুটা পুরনো শহরের পাশে নতুন করে  
আরও বড় modern শহর তৈরী হচ্ছে। দশবিশতলা মোকাম। বড় বড় এরোডোর।  
বহুরে বহুরে নতুন কিসমের হাওয়ারাই জাহাজ এসে নামছে এরোডোরে। কলকারখানা  
বসছে। পাটের কল—লোহার কারখানা—আরও শও রকমের হাজার কারখানা তৈরী  
হচ্ছে। মালিক সব খান সাহেবেরা, নবাবজাদা—পীরজাদা—জারগীরদারেরা। রেডিয়োতে  
গান হচ্ছে, ক্লাবঘরে নাচ হচ্ছে। বড় বড় কনফারেন্স হচ্ছে। আবার নবাবজাদা পীরজাদাদের  
বাড়িতে বাইরা নাচছে। জলসা-জলুসের কানাই নেই। লাহোর থেকে করাচী পর্যন্ত  
প্রকাণ্ড চওড়া সড়ক তৈরী হয়েছে। সেই সড়কে সকালে শহরের কাজ সেয়ে আদীরেরা  
বকবকে মোটরে চড়ে নাচগান মহকিলের ইন্তেজার নিয়ে চলেছে ওদের বাড়িতে, সন্ধ্যাবেলা  
মহকিল হবে। কারখানা opening হচ্ছে—বড় বড় রিসেপশন দেওয়া হচ্ছে, সেখানে  
আলো জালাতে হচ্ছে, বাইক চালাতে হচ্ছে। আমি সারা পশ্চিম পাকিস্তান ঘুরে বেড়াচ্ছি  
ইলেকট্রিক মিট্রী হয়ে—করাচী থেকে লাহোর। সারা পাকিস্তানে ইলেকট্রিসিটি ছড়িয়ে  
দেওয়ার কাজ শুরু হয়েছে। ন'বছর কাজ করলাম একটা বড় ইলেকট্রিক ইঞ্জিনিয়ারস  
কার্বে। ১৯৫২ সাল থেকে ১৯৬২ সাল পর্যন্ত। পুরো ন'বছর কাজ করলাম। আমার  
নিজের ধর্ম তুললাম—ইংরেজী ভাষা তুললাম—নাম পর্যন্ত তুলে গেলাম। তুলে গেলাম  
নয়—বদলে গেল—বদলে ফেললাম নিজেই।

ছিলাম ডেভিড আর্মস্ট্রং, হয়ে গেলাম মনহর আলি, কোম্পানীর খাতার আমার ওই  
নামই লেখা হয়ে গেল—আমিও ওই নাম সই করতেই আরবী হয়ে। বাইনের খাতার  
ওই নাম সই দিয়েছি। উর্দুতে রিপোর্ট পর্যন্ত দিয়েছি কোম্পানীকে। I wanted to be a  
West Pakistani. আট বছর সেই চেষ্টা করেছিলাম। তারপর হঠাৎ 'পি'টী বদল  
দয়া'—সব বদলে গেল। পশ্চিম পাকিস্তান থেকে এলাম পূর্ব-পাকিস্তানে। এখানে এসে  
আবার আবার একবার সব বদলানো। I may say I was reborn. Yes it was  
rebirth. আমি পূর্ব-পাকিস্তানে এসে একেবারে এদেশের মানুষ হয়ে গেলাম।

অকিসারটি বাধা দিয়ে বললেন—মিস্টার আর্মস্ট্রং—না মনহর—কি বলব তোমাকে ?

—বা আপনার ইচ্ছে হয়। Whichever you like. আমি আর্মস্ট্রংও বটে, মনহরও  
বটে।

—ভাল—তুমি ওদেশে ওদেশের মানুষ হয়ে গিয়েছিলে—আবার ওদেশের মানুষ কি  
ক'রে হলে ? What do you mean by it ?

হেসে মনহর বললেন—হানে আমি ঠিক আমি না। আমি পটনার কথা বলছি।

A fact. একদিন one morning I felt that I was a বাংলা East Pakistani. বাংলার জলে রোদে বাতাসে আমার রঙ পুড়ে তামাটে হতে শুরু করলে ভাল ভাত বাছ লক্ষ্য বড় ভাল লাগল—বাংলা বুলি শিখে গেলার—তাটিয়ালি গান শিখলাম—বাঁশের বাঁশী আর দোতারা বাজাতে শিখলাম—আমনার নিজের চেহারা দেখে শেখ আমিনুর রহমানের সঙ্গে এমন মিল দেখতে গেলার যে নিজেই অবাক হয়ে গেলার। মনে হল আমরা দুজনে চাচাতো ভাই। জাকরউল্লা খাঁ আমার উপর খুব 'রঙ' হয়ে গিয়ে বললে—ইয়ে তুহ ক্যা কর রহে হো? ইয়ে ক্যা তুহারা বেচাল? আমি—

—হঁ। হঁ। Stop, stop please. ইনস্পেক্টার বাধা দিলেন।

লোকটি মুখ তুলে তাকালে জিজ্ঞাস্য দৃষ্টিতে, তাকিয়ে জিজ্ঞাসা করলে—Yes sir!

—Who is this Jafarulla Khan?

—I beg your pardon. I did not tell you about Jafarulla. I forgot to tell his name.

—হ্যাঁ। কে? জাকরউল্লা খাঁ?

জাকরউল্লা খাঁ লাহোরের এক দেউলে-পড়া খানদানী ঘরের ছেলে। রইস আদমী—বহুৎ বড়া দিল—দেনা করে বাই-বাড়িতে মুঠো ভ'রে টাকা উড়িয়ে দেয়। মদ খায় শিকার করে—ক্রিকেট খেলতে বাইরের দল এলে করাচী যায়, আবার লাহোরে আসে—আবার রাওয়ালপিণ্ডি যায়। আমার সঙ্গে দোস্তি হয়েছিল—বাক্য বলে by chance, সেই by chance; যে কোম্পানীতে আমি চাকরি করতাম সেই কোম্পানীর সে ছিল অফিসার। লাহোর পিণ্ডির পথের ধারে electric lineএর কাজ হচ্ছে, সেখানে একটা তাঁবু খাটিয়ে মালপত্র নিয়ে আমি chargeএ রয়েছি, একদিন বেশ খানিকটা রাত্রে আমি বসে সিগারেট খাচ্ছি আর গজল গাইছি—জাকব সাহেবের কার এসে থামল। আমি তাবিনি—আমাদের কোম্পানীর কেউ এসেছে, আমি গান গেয়েই গিয়েছিলাম, জাকব সাহেবের সেই গান ভাল লেগেছিল। And he took a fancy on me. সেরাত্রে আমার ওখানেই সে হন্ট করেছিল। সারারাত্রি গানবাজনা খানাপিনাতে কেটে গিয়েছিল। সকালে উঠে বাবার সময় বলেছিল—কোনদিন আমার গরীবখানার তোমাকে পেলে খুলী হব। সেই দোস্তি আমাদের আরও জমে উঠল পূর্ব-পাকিস্তানে এসে। ১৯৬০ সালে—তখন জেনারেল আরব খান সারা পাকিস্তানে জঙ্গীশাহী কারেন করতেন, সবস্ত Indian border জুড়ে বজবুত রিলিটারি খাঁটি তৈরী হচ্ছে। পাকিস্তান-কাশ্মীর বর্ডারে জোর কাজ চলছে, সেই সময় পূর্ব-পাকিস্তান জুড়ে হিন্দুস্থান বর্ডারে খাঁটি তৈরীর কাজ শুরু হয়ে গেল। জাকরউল্লা বতলব করলে সে নিজের কোম্পানী ক'রে ঠিকার কাম নিয়ে পূর্ব-পাকিস্তানে আসবে। আমাকে বললে—মনস্থর তুমিও চল। বাবে?

—পূর্ব-পাকিস্তান?

—হ্যাঁ। বহুৎ আমাদের দেশ—বহুৎ বজা মুচবার দেশ।

—আরারের দেশ? সে তো হলো দেশ। তুনেহি নদী নদী আর কবী। আর সাপ বাঘ বিলু—নদীতে নাকি গভীর গভীর কুমীর হাঙ্গর বিকুবিবু করছে। তার উপর হাজারো বেমারীর দেশ। গরীবের দেশ—

—হবে অনেক। তকদীর বদলে বাবে, নলীব খুলে বাবে। চল না। বাঘ সাপের ভয় করো না—সে সব শহরে থাকে না, আর নদীতে আমরা লকে ঘুরব গীনারে ঘুরব। আমরা শহরে থাকব। প্রেসিডেন্ট হকুম করেছেন শহরগুলো জেলে সাছো। আর গরীবের দেশ বলা না। পরসা ওদেশে আছে। এই তো, আমার জানা সৈয়দ ইয়াকুব আলি খাঁ—মির্জা নাদের হোসেন—ওখানে গিয়ে ব্যবসা করে লাখো লাখো টাকা রোজগার করে কিরে এসেছে। মস্ত বড় বিজনেস চলছে। খালি হাতে পারে গিয়ে বছর বেতে না যেতে you can earn more than enough. ওখানকার সরকারে বড় বড় অফিসার সবই এখানকার আদমী। এখান থেকে বারা বার they get their ready help.

একটু খামল লোকটি। সম্ভবতঃ সেকালের সেই দিনটি অরণের আকর্ষণে অতীত থেকে উঠে এসে তার সামনে দাঁড়িয়েছিল, সে তারই দিকে তাকিয়ে দেখছিল। একটা সিগারেট ধরিয়ে কয়েকবার টান দিয়ে নিয়ে সেই কথাই সে বললে—বললে—আমার সেদিন সেই মুহূর্তে কলকাতার কথা মনে পড়েছিল—ভালভলার গলিগুলো—করণোরেশন স্ট্রীট—ওখানকার আমাদের অ্যাংলোপাড়া রিপন স্ট্রীট—এলিট রোড—মনে পড়ে গিছিল। আমরা অ্যাংলোরা বাঙালী-বারুদের ভাল চোখে দেখতাম না। আমাদের enemy মনে করতাম।

জাকরউল্লা বলেই চলেছিল ওখানকার কথা। প্রেসিডেন্ট জেনারেল আয়ুব খাঁ গোটা দেশটাকে বহুত মজবুত মুঠিতে ধরেছেন—ওদেশের লীডারদের জবরদস্তি দাবিয়ে রেখেছেন। একদিকে দোস্তি করেছেন চীনাদের সঙ্গে অস্ত্রদিকে দোস্তি আমেরিকা ইংল্যান্ডের সঙ্গে; চীনারা ওদেশে দলে দলে আসছে—শহরে শহরে ছড়িয়ে পড়ছে—বিজনেস খুলছে। ওদের সঙ্গে পাকিস্তানের মুশমন হিন্দুস্তানের আধা লড়াই লেগেছে। এখন একটা মণ্ডকার সময়। বহুত মিলিটারি কনট্রোল পাওয়া বাবে। আমার জানা লোক আছে সেক্রেটারিয়েটে। আমি বাব। তুমি চল আমার সঙ্গে। Working Partner হিসেবে চল।

জাকরউল্লা একা নয়; পশ্চিম-পাকিস্তানের fortune-hunter বারা তারা দলে দলে আসছিল East Pakistan.

আমি জাকরউল্লা সঙ্গে আসিনি। আমি বাসহুয়েক পরে এলাম। East Pakistan Rifles-এর জন্তে নতুন নতুন military truck lorry wireless van আসছিল—চারিদিকে রব—কখন হিন্দুস্তানের সঙ্গে লড়াই বাবে তা কেউ বলতে পারে না। হকুমো ওবেলার বাধবে—এ বললেও কেউ চরকে উঠবে না; আমি এলাম ওই wireless vanগুলোর সঙ্গে। এখানে এসে পৌঁছে দিয়ে চালু ক'রে দিয়ে ছুটি। লোভনীর ছিল টাকার অভাব।

করাচী থেকে গ্রেসে এসেছিলাম চিটাগং। ওখানে আমেরিকান আইজিএ এসেছিল—আহা—যোবাই হুদের সরকার। সেখান থেকে আমার ফাঁপ হয়ে এসব খালি দেশ পাকিস্তান



বশোর, রাজসাহী, রংপুর, মুন্সিগঞ্জ—আরও অনেক জায়গার—আমি এই করেকটা জায়গায় ঘুরেছিলাম। এবং কেটে গেল প্রায় আরও আট মাস।” এই আট মাসের মধ্যে কখন যে আমি এই পূর্ববাংলার মাহু হইয়ে গেছি তা আমি বুঝতে পারিনি। I could not feel even. I did not know that I was changing. আজও বলতে পারব না how it happened—how it became possible !

একটু থেমে একটু ভেবে নিয়ে সে বলেছিল—The language—ওদেশের ভাষার কথা শুধু বলতে পারি,—পূর্ববাংলার ভাষার সঙ্গে কলকাতার দেখা আমার মাটির ভাষার সঙ্গে এর খুব তফাৎ ছিল না। আমার মা বাংলা বলত তালতলার বাড়িতে; কেউ দরজার কড়া নাড়লে জানালার মুখ রেখে জিজ্ঞাসা করত—কাকে চান? কি বলছেন, বলুন। মনে পড়ে গেল। চাটগাঁয়ে নামার একদিন পর East Pakistan Rifles-এর ডাক্তারের কোয়ার্টারে গিছিলাম, অর হয়েছিল; কোয়ার্টারের বন্ধ দরজার কড়া নাড়তেই পাশে জানালা খুলে দেখা দিচ্ছেছিল একটি মেয়ের মুখ। ডাক্তার সাহেবের মা আমাকে জিজ্ঞাসা করেছিলেন—কারে চান?

মুহূর্তে কি ক’রে যে সেই ছেলেবেলায় মায়ের কথা বলা মনে পড়ে গিছিল বলতে পারব না—তবে আমি স্থানকাল হারিয়ে প্রায় বোবা এবং অন্ধ হয়ে গিছিলাম। ভয়েমহিলা আবার প্রশ্ন করেছিলেন—কি কইছেন? কন?

চট্টগ্রামে বেশীদিন থাকিনি। চলে এসেছিলাম ঢাকাতো। ঢাকা শহরের বড় রাস্তায় বেরিয়ে যেন অবাক হয়ে গেলাম। পথের মাহুয়ের কলরবের মধ্যে থেকে যেন সেই কলকাতার ভাষার স্বনি শুনতে পেলাম। মনে হল—এদের ভাষা আমি সব বুঝি। ঢাকা রেডিয়োর প্রোগ্রামের মধ্যে ওই যে rural programme সে যে কি ভাল লাগল কি বলব। একটি মেয়ে একটি পুরুষ বগড়া করত শুনে আমার দিল মশগুল হয়ে যেত। বড় রাস্তায় গ্রামোফোন রেডিয়োর দোকানে রেকর্ড বাজত; আমি দাঁড়িয়ে দাঁড়িয়ে শুনতাম। হরের সঙ্গে গলা বেলাতাম। উহু’ গজলের আমি খুব ভক্ত। বলতে গেলে উহু’ গজলের টানেই উহু’ ভাষাটাকে আমি শিখেছিলাম। এখানে এসে ভাটিয়ালী শুনে সেই নেশা ধরে গেল। গান জানি, গলা আছে—হর শিখতে দেরি লাগল না। ভাবা শিখতেও না। ‘কোথায় বাবে’ আর ‘কনে বাবা’ ‘কইরা মইরা’ আর ‘ক’রে ম’রের তফাৎ কতটুকু? এ তফাৎ ভরাট করে নিজেই বা কতকণ লাগে? তবে লোকেরা নিজেদের মধ্যে কথা কইলে বুঝতে ধাঁধার পড়তাম—কষ্ট হত; কিন্তু গানের ভাষা শিখতে কোন কষ্ট হল না। ভাটিয়ালী হয়ে নেশা আছে—তার গানেও আছে।

প্রথম গান শিখেছিলাম একজন মুশকিল-আগান ককীরের কাছে। পূর্ব-পাকিস্তানে পৌঁছবার দু’মাসের মাথায়। বড় একটা লাইকোন হয়ে গেল। পূর্ব-পাকিস্তানে বড় হয়। মল বড় বাবের সঙ্গে ওদেশের আসমান-অবীনের কেমন একটা সম্পর্ক আছে। বড় এসে সব জড়বড় করে বিয়ে দার। সেন্সারও দিয়ে বেল। কনবাড়ি উড়ল, পাঁচশালা তাল; উপড়ে

পড়ল, বাছবছরও কম মরল না। সেই সঙ্গে উপড়ে পড়ল ইলেকট্রিক তারের পোস্ট, টেলিগ্রাফের টেলিকোনের তার হিঁড়ল—বজ্রার আনঅকল ডুবে রইল ক'মিখ করে। এর জন্তেই আমি লোকদেরও ভাক পড়েছিল। আমি আবার লোক বই—ওদের ঠিকের কাজ করছিলাম, আমাকেও ওরা পাঠিয়েছিল। একদিন একটা নদীর বাটের উপর ইলেকট্রিক পোস্ট পুঁতে লাইন বেরানত করছি, একজন মুশকিল-আসান ফকীর বাটের উপর একটা গাছতলার পাতা পান বিড়ি মুড়ি তেলভাজার দোকানে এসে, মুশকিল-আসান কর পীর। পীর গাজী। বলে গান আরম্ভ করলে। লোকটার গলা ভারী ভাল। আর গানটাও বড় ভাল লাগল।

মুশকিল-আসান করেন দয়াল গাজী পীর—

এ কোন্ সর্বনাশা তুফান আইল—ভাবল হুথের নীড়—

ও দয়াল গাজী পীর—

আসমান জমীন জুড়ে তুফান গর্জায়—

কে করল শুনা আরা—কার জান যায়—

ক্যাতেতে গচিল ধান—গাভীর বাটে শুকায় কীর—

দয়াল গাজী পীর—

ভারী ভাল লেগেছিল—আমি কাজ ফেলে দিয়ে তার কাছে এসে তার সঙ্গে আলাপ ক'রে বলেছিলাম—গানটা শেখাবে আমাকে? আমার রং তখনও এমন কালো হয়নি—তখনও আমি বাংলা ঠিক বাঙালীর মত উচ্চারণ করতে পারি না, কলকাতার শেখা বাংলা এবং বাংলা বলা কলকাতার জিত ঠিক আর বজায় ছিল না। পশ্চিম-পাকিস্তানী উর্দু চানটোনগুলো এমনই আমার দুরন্ত হয়ে গিয়েছিল যে বাংলা কথা বলতে গেলেই ধরা পড়ত—লোকটা উর্দু-বলা মুন্ডের লোক।

ফকীর তাই বোধহয় আশ্চর্য হয়ে গিয়েছিল এবং বলেছিল—আপনি আবারো ভাষের বাংলা বুলির গান শিখাবেন?

বলেছিলাম—হ্যাঁ।

—বাংলা বুলি তো আপনি বেশ কইতি পারেন দেখি।

—হ্যাঁ তা পারি, এখন তুমি গানটা শিখাও।

সেই আমার বাংলা গান শেখার হাতেখড়ি। দিনকয়েক পরেই গানের সুরটা মনে রইল—গানটা ভুলে গেলাম। ওই ক'টা লাইন মনে থেকে গেছে। দ্বিতীয় গান শিখেছিলাম প্রিয়াদের ডেকে। ওই মিলিটারি হুকুমেই বাজিলাম খুলনা থেকে বরিশাল; ডেকের উপর একদল ছোকরা—হালআবলের বঁকালাই ছেলে—যানে গৌকসাড়ি কাবানো—বিষ্টি-বিষ্টি চেংরা; তারা সব ডেকের উপর আসল পেতে হারমোনিয়ম বাঁশের বাঁশী নিয়ে বুঝে গাইছে। আমিও তাদের একপাশে ব'সে গেলাম। ভারী মিঠা লাগল গানখানা। আর হল—এই নদীরই কোন জাটে কোন জাড়া বেন গানখানা গাইছে—সেই গান শিখে এই

হোকরা গাইছে গানখানা। গানখানা আমার মনে আছে—

আমি কান্দি কান্দি হইলাম অন্ধ, ও সোনা বন্ধ রে—

ওরে তোমার লাগিয়া বন্ধ তোমার লাগিয়া

দিন ফুরাইয়া আইসে রাত্রি—ও রাত্রি ফুরায় আগিয়া আগিয়া—

সোনা বন্ধ রে তোমার লাগিয়া—

আমার কান্নার জলে আঁধাঢ়িয়া নদী ভরি ছকুল ছাপায়—

ম্যাধে ঢাকা আকাশের পারা মোর মনো হৃৎকু ক'রে

হায় হায় রে—করে হায় হায়—

পরান বান্ধিতে চাহি বাঁধা নাহি বায় গো—

পড়িছে ভাঙিয়া হায় গো পড়িছে ভাঙিয়া—

সোনা বন্ধ রে তোমার লাগিয়া।

আমি ওদের সঙ্গে ভাব ভরিয়ে নিয়েছিলাম উর্দু গজল গেয়ে। বিজা গালিবের গজল গেয়েছিলাম। ওদের গাইয়ে ছোটো গালিবের গজলটা লিখে নিয়েছিল—আমি লিখে নিয়েছিলাম সোনা বন্ধুর গানখানা। লিখেছিলাম আরবী হরফে—ওরা দেখে বলেছিল—বাংলাভাষা এমন বলতে পারেন—বেশ বলেন মোটামুটি, কিন্তু লিখতে পড়তে শেখেন না কেন?

ওই ব্যাক্স প্রিমার থেকে নেমেই বরিশালে লুখানা বই কিনেছিলাম। বর্ণপরিচয় আর হস্তলিপি শিক্ষা। ডট পেন ফাউন্টেন পেন ছিল। একসারসাইজ বুক কিনেছিলাম কয়েকখানাই। এবং সেইদিনই সন্ধ্যাবেলা আটশ বছর বয়সে অ আ ই ঈ ঋ ক্স করতে আরম্ভ করেছিলাম।

কিছুদিন পর আমার চাকরি গেল।

চাকরি অবশ্য পাকা চাকরি আমার ছিল না। কাজ ভাল জানতাম বলে কন্ট্রাক্ট বেসিসে কাজ পেয়েছিলাম। সেটা চলে গেল। কারণটা তুচ্ছ। ওখানে পার্টস কিনে এ্যাসেম্বল করে আমি ট্রানসিস্টার রেডিও তৈরী করে দি়েছিলাম পলটনের লোকদেরই ছ'চারজনকে। আমার নিজের ব্যবহারের জন্তে একটা ছোট ট্রানসিস্টার তৈরী করেছিলাম—সেটা বন্ধলে পকেটের মধ্যে রাখা যায়। একজন ক্যাপটেন সেটা দেখে আমার হাত থেকে ছিনিয়ে নিয়ে আমাকে E. P. R. ব্যারাক থেকে ভাড়িয়ে দিলে।

আমি প্রথমটা ভেবেছিলাম চলে যাব এসব দেশ ছেড়ে। মানে East Pakistan West Pakistan India ছেড়ে চলে যাব England South Africa Australia কি যেখানে হোক। কিন্তু গেলাম না। দেশটা বড় আপন আপন মনে হয়েছিল। শান্তিষ্ট রোগা মাখার খাটো মাছবুড়ি; দেখতে বেশ একটু কালোই; কিন্তু তবু কি সুন্দর। কচিপাতার বলমলে খাটো খাটো গাছের মত। বারা লেখাপড়া শিখছে তারা ইম্পাতের ছুরির মত বারালো বকবকে শানানো। সাধারণ মাছদেরা আরও আশ্চর্য। মাঝিমাঝা চাবীখুঁচি কান্না-ছুতোয়

—এরা ওই গাঁয়ের বড়। ডলার ছাড়া সেলে থাকে—জালে ফুল বরাদ্দ। বড়ের ফুলানে ওদের বিক্রয় দেখা যায়। ওরা সে কি লড়াই-ই করে। ওদের বেশী ভাল লেগেছিল। ঢাকা রেডিওর পল্লীগ্রামের আসর না শুনে আমার দিন বেত না। আমি ওদের কয়েক থেকে গেলাম। ওই রেডিও ট্রানসিস্টার তৈরী ক’রে বিক্রী করবার কাজ নিয়ে থেকে গেলাম। পশ্চিম-পাকিস্তানে আমার কেউ ছিল না—এখানেও কেউ ছিল না আমার; পাকিস্তানে ছিলাম ৪৭ থেকে ৬২ সাল পর্যন্ত পনের বছর। এখানে তখন মাত্র বছর দুই হয়েছিল, তবু এক উর্দু গজল ছাড়া অন্য কিছু হারালো বলে কোন আপসোস আমার হয়নি। আর হিসেবেও আমি ঠিকিনি। আমার রেডিও ট্রানসিস্টার ভালই বিক্রী হল। আমার টাকা কিছু ছিল—তাই দিয়ে ঢাকাতে একটা ছোট দোকান খুললাম। রেডিও-ট্রানসিস্টার—তার সঙ্গে গ্রামোফোন আর রেকর্ডের দোকান; তার সঙ্গে মাইক্রোফোন ভাড়া ব্যবস্থা। মিটিং-এ কালচারাল ফাংশন-এ মাইক ভাড়া দিতাম। দিতাম সত্য। কাজী নজরুলের রবীন্দ্রনাথের গান শুনে শুনে ইচ্ছে হল এই গানও শিখব। তার হৃবিধেও হয়ে গেল—একটি বাঙালী হিন্দু মেয়েকে ভালবেসে ফেললাম। একটি ফাংশনে মেয়েটি নজরুলের গান গেয়েছিল—আমি মাইক নিয়ে গিছলাম। খুব ভালো কিছু নয়—তবে গান মেয়েটি মোটামুটি ভাল গেয়েছিল—কিন্তু সেজন্তে নয়, অল্প কারণে মেয়েটিকে ভাল লাগল। মনে হল বড় চেনা চেহারা। কচিগাতার মত তার গায়ের রঙ—চোখ দুটি বড় বড়—আর একরাশ চুল। ক’দিন পর আমার দোকানের সামনে দেখলাম সে দাঁড়িয়ে গান শুনছে। একখানা গজলের রেকর্ড বাজাচ্ছিলাম। তাকে আদর ক’রে ডেকে দোকানে বসিয়ে গান শোনালাম। সে কয়েকখানা বাংলা রেকর্ড শুনতে চাইলে। আমার কাছে ছিল না। বললাম, কাল আসবেন—শোনাবো। এনে রাখব। সেদিন ওকে দেখতে দেখতে হঠাৎ মনে হল ওর চেহারার সঙ্গে আমার বারের বাপের বাড়ির আমার মামার বাড়ির মেয়েদের বেশ আশ্চর্য মিল। আমার ভাল লাগাটা বেশ গাঢ় হয়ে উঠল।

মাসকয়েক পর আমরা বিয়ে করলাম।

ছায়া—মেয়েটির নাম ছায়া; একটা দাদার সময় বাপ মরে গিয়ে মিশনারীদের আলয়ে কোনমতে ইন্সুলের পড়া শেষ করে একটা প্রাইমারি ইন্সুলে চাকরি করত, প্রাইভেট পড়াত—গানে বাতিক ছিল, বিনা ফিতে ফাংশনে গাইত। I loved her and she loved me. আমি বাংলা জানতাম—She corrected my mistakes. আমাকে বাংলা গান শেখালে। উর্দু গজলে আমার দখল ছিল—নজরুল ইসলাম সাহেবের গান শুনলেই ভুলতে পারতাম। ছায়া আমাকে রবীন্দ্রনাথের গান শিখিয়েছিল। একটা গানের দল করেছিল ছায়া। বাবু দিয়েছিল ‘খস্কার’। ফাংশনে গাইতে যেতাম। আমি আমার গলা বেশাতার তাদের সঙ্গে। কোরাসে আমার ভারী গলার effect খুব ভাল আসে।

অনেক কথা কিন্তু সে থাক।

ছায়া আমাকে বাংলা গান শেখালে—বাংলা শেখালে—বাংলাকে ভালবাসিলাম।

কলকাতা আমার বসবাস। সেটা গড়ে গেছে ইংরেজরা—কিন্তু বাংলাদেশের কলকাতা ঠিকই আছে। পূর্ব-পাকিস্তানও সেই বাংলাদেশ। এপার আর ওপার।

কথাগুলি ছাড়া বলত আনাকে। আনাকে দেখাতো।

সেই Anglo-Indian sentiment যে কেনন করে কয়লা দিয়ে বসেমেজে পরিষ্কার করা ডকতকে পরিষ্কার একখানি মেটে হয়ে গেল তা আমি বলতে পারব না। তবে গেল।

—Wait! অফিসার বললেন—ওয়েট। একটু থামুন আপনি।

—আজ্ঞে ?

—একটু থামুন।

—থামব ?

—ই্যা।

—বলুন ?

—বান—দেখুন—মেয়েটি কি চাচ্ছে।

প্রায় চমকে উঠে লোকটি ঘুরে দাঁড়াল।

ওপাশের ঘরখানা অফিসারের সামনের দিকে; বাবখানের দরজাটা দিয়ে আবখানারও বেশী খানিকটা দেখা যায়। লোকটির সঙ্গে ছিল একটি আন্দর কালা মেয়ে। মেয়েটি অস্থির—অরে প্রায় বেহাশ। খানার ওদের আনার পর, ওই ঘরটার আড়াল দেখে, একখানা চাদর গোছের কিছু পেতে তার উপর ওকে শুইয়ে দিয়েছিল লোকটি। মেয়েটি অস্থিরতার মধ্যে বোধ করি এপাশ ওপাশ করতে গিয়ে গড়িয়ে প্রায় দরজার সামনে এসে পড়েছে।

উঠে এসে সে ঘেঁষের উপর চিং হয়ে পড়ে আছে—হুপাশে হুপানা হাত পড়ে রয়েছে আধর্তাজ অবস্থায়। মাথার কণ্ঠ চুলগুলি বিশৃঙ্খল হয়ে পড়ে রয়েছে মুখের চারিপাশে, পরনের কাপড়খানা খুলে গেছে—পরনের সায়া এবং ব্লাউজটা কোনরকমে তাকে আবরিত করে রেখেছে। তাও ব্লাউজটা তার হেঁড়া এবং ব্লাউজটার হেঁড়া অংশ দিয়ে দেখা যাচ্ছে মেয়েটির স্তন; পূর্ণমুখতী জননীর স্বেদনমিত একটি নিটোল স্তন। এবং স্তনবৃত্তমুখে সেই মুহূর্তে কয়েক কোঁটা হুপ আপনা থেকে বেরিয়ে এসে কোঁটা বেঁধে টলটল করছে। হেঁড়া ব্লাউজটা চটচট করছে, হুপে ভিজেছে এবং শুকিয়েছে। বুকের অনাবৃত অংশটাতে বরেনগড়া হুপ এবং খুলো বিশেষ করে রয়েছে।

মেয়েটির বয়স কত তা আন্দাজ করা কঠিন। ছোটখাটো আকার আরতনের একজাতের মেয়ে আছে; হাড় পড়ন—ধারালো গড়নের নাক—পাতলা ঘোর কালো চোঁট—ছোট ছোট চোখ—ঘন ভুরু ঘন চুল—হাত-পায়ের তলা পর্বত কালো। চুলের নিচে মাথার চামড়া—সেও কালো।

বাংলাদেশে সে পশ্চিমবঙ্গ এবং পূর্ববঙ্গ দুই বলেই এমন কালো মানুষ আছে। মেয়েটা বেহাশের মত পড়ে রয়েছে, নাহলে কথা বলত যদি তা বলে দেখা যেতো দাঁতগুলি খুব স্ববর্ণিত এবং মাড়ির রংও কালো। লালচে নয়। কিন্তু এরা বিরল। এবং অল্পসংখ্যক

যাই আছে—আরা ছোট ছোট জাত বলে বার। পরিচিত জানের মধ্যেই আছে। মেয়েটা তাদেরই একজন।

লোকটি ব্যস্ত হয়ে ওথরে গিয়ে মেয়েটির মাথার গোড়ায় গিয়ে মাথাটি কোলে তুলে নিয়ে কপালে হাত বুলিয়ে চুলগুলিকে বিস্তৃত করে দিয়ে ডাকলে—নাঝমা! নাঝমা! এরে নাঝমা!

মেয়েটির কপালের চামড়া এবং ভুরু নড়ে উঠল উত্তরে—বারেকের সঙ্গে চোখ চাইবারও চেষ্টা করলে।

লোকটি বললে—তেঁটা পাইছে? পানি খাবি? পানি?

মেয়েটি চোখ মেলে এবার বললে—হঃ। পানি।

ওদেরই একটা বদনা ছিল ওথরে মেয়েটির মাথার শিরে। সেই বদনাটা টেনে নিয়ে লোকটি ওর মুখের গোড়ায় নলটি ধরে বললে—নেঃ, ধা। পানি। নাঝমা।

আন্তে আন্তে জল ঢেলে দিল মেয়েটির মুখে, বৈশাখের মাটির তৃষ্ণা মেয়েটির বুকে—ঢক্ ঢক্ করে জল খেয়ে তার তৃষ্ণা হল না। অধীর হয়ে হঠাৎ উঠে বসে ওর হাত থেকে বদনাটা নিজের হাতে নিয়ে বদনার নলটা মুখের কাছে ধরলে। খানিকটা জল তার মুখে গলার পড়ে গেল। তারপরই ফুরিয়ে গেল জল। বদনাটা ঠক ক'রে নামিয়ে দিয়ে মেয়েটা আবার উপুড় হয়ে মেঝের উপর শুয়ে পড়ে ডুকরে উঠল—আমারে ক্যান নিয়া আইলা রে—আমারে ক্যান নিয়া আইলা আপনে? আঃ আঃ—আমার চাঁদ মাটির তলার রইছে—আমার বুকের দুধ ফাইটা ফাইটা বারাইচে—আঃ—আঃ।

—নাঝমা! নাঝমা! এমন কইরা কঁাদে না নাঝমা। ইটা ধানা। আমরা ইপার বাংলা হিন্দুস্তানে আইলা গেছি। আমরা কিরা বায়ু। আবার কিরা বায়ু আমাগো ভাশে। তর চাঁদ আবার আইব তর কোলে—। নাঝমা।

মেয়েটি একবার ঈশ্বরকে ডেকে উঠল—তার আন্নাতারলাকে—এক ধরনের প্রাণকাটানো অহুযোগ আছে, সেটা শিখতে হয় না—শেখানোও যায় না—একেবারে শিখেই মানুষ জন্মায়; প্রাণকাটানো দুঃখ বধন মানুষের বুকে বাজে তখন সে অহুযোগ বেরিয়ে আসে আপনা থেকেই। তার স্বর আলাদা, তার স্বর আলাদা—তার সব আলাদা। সেই বুককাটানো অহুযোগ বেরিয়ে এল মেয়েটির মুখ থেকে। সে ছাদের দিকে মুখ তুলে দুটো হাত মেলে ধরে বলে উঠল—হার আন্না—হার খোদা—তুমি একটা বিচার করলা না আন্না। হার আন্না—।

লোকটি তার মাথার কপালে হাত বুলিয়ে দিয়ে চুলগুলি সরিয়ে বিস্তৃত করে দিলে। তারপর তাকে মুহূর্ত আকর্ষণ ক'রে ওই ময়লা চাদর পাতা বিছানার উপর তাকে শুইয়ে দিয়ে বললে—এমন কইরো না নাঝমা। এমন কইরা কারে ডাকো? তারে ডাইকা কি আইব? চূপ দাও। শোও। ঘুসাইয়া দাও। ঘুসাইলি পর ভাল আইব।

মেয়েটির দেহে মনে ক্রান্তির আর শেষ ছিল না। লোকটির কথার উপুড় হয়ে শুয়ে

পঞ্চম হাতের উপর রাখা রেখে। লোকটি একটা কাপড়ের খুঁটলি রাখার নিচে বাসিনের মত করে ভাঁজে দিয়ে বললে—ওটার উপর রাখা রাখ।

—ইনস্পেক্টর বললেন—ওটা বের করুন। ওটা কি?

—ভিকের খুলি।

—ভিকের খুলি? কার?

—হ্যাঁ। ওটা নাজহার।

—নাজহার ভিকের খুলি?

—হ্যাঁ। নাজহার ভিকে করত। ভিকেই ছিল ওর পেশা।

ইনস্পেক্টর একটু বিস্মিত হয়েই তার মুখের দিকে তাকিয়ে রইলেন। লোকটি ভিকের খুলিটা ওর রাখার তলা থেকে বের করে নিয়ে দেখালে। সেটা সত্যিই আমাদের বাংলাদেশের ভিকের খুলি।

লোকটি ঘেরোটিকে জল দেবার জন্ত এঘরে আসবার সঙ্গে সঙ্গেই ইনস্পেক্টর টেনরেরকর্ডারের রাইফ্রোফোন রিসিভারটা হাতে করে এঘরের দরজায় এসে দাঁড়িয়েছিলেন। প্রতিটি কথা তাঁকে ধরতে হবে।

লোকটি বললে—এর মধ্যে সের করা চাল আছে। একটা ঠোঙার একপোতাক ছুন আছে, খানিকটা শুড় আছে। আর ইটা ওটা—

—বের করুন।

লোকটি বের করে রাখতে লাগল। তিনটে ঠোঙা—একটাতে ছুন, একটাতে শুড়, একটাতে মুঠো-দুই চিনি—কয়েকটা আনু—কয়েকটা কাঁচালক্ষা—একটা ছোট জাকড়ার খুঁটলিতে রাখা কিছু মুড়ি কিছু চিড়া। এছাড়া প্রান্তিকের তৈরী কয়েকটা খেলনা ছিল। একটা পুতুল একটা বাঁশী একটা ঝুমঝুনি আর একটা-দুটো ভেঙে টুকরো টুকরো হয়ে যাওয়া খেলনার কতকগুলো টুকরো ছিল তার মধ্যে। ছোট ছেলের গায়ের দুটো রঙীন জামাও ছিল সবসঙ্গে পাটকরা। একখানা শাড়ি একটা সাদা—এবং এই কাপড় সাদার তাঁজের মধ্যে একখানা বই।

ইনস্পেক্টর বললেন—বই? কি বই ওটা?

মনসুর বললে—একখানা ইংরিজী বই। A Treasury of Modern Asian Stories.

—আপনার?

—হ্যাঁ। পরকণ্ঠেই বললে—না—আমার ঠিক নয়। এমন আমার। এটা জাকরউল্লার ওখানে পেরেছিলেন—জাকরউল্লা আমাকে গড়তে দিয়েছিল। সঙ্গে চলে এসেছে—ফেলে দেবার কথাও মনে হয়নি।

—যেখি ওখানা?

বইখানা নিয়ে ইন্সপেক্টর বলাচি উল্টে একবার দেখে নিয়ে ইন্সপেক্টরের বেণের  
তলার পুরে বললেন—Then this girl is not your wife—বার কথা আপনি বলছিলেন ?

লোকটি বললে না। আমার স্ত্রী ছাড়া সারা গেছে সে আজ অনেকদিন হল।  
আড়াই বছর হবে।

—এ কে ? দেখে তো আপনার সঙ্গে কোন সম্পর্ক থাকতে পারে বলে মনে হয় না ?

—না। নাজমা ওর বাপের সঙ্গে গান গেয়ে ভিক্ষা ক'রে বেড়াতো। তিব্বতীয়  
মেয়ে। এই বোলাচি ওরই। আপনি ধরেছেন ঠিক। ও আমার কেউ নয়।

—আপনার কেউ নয় ?

—না। তবে আমি ওকে চিনি অনেকদিন থেকে। ঢাকা শহরের পথে ভিক্ষা করত  
বাপের সঙ্গে। বাপ ছিল প্রায় অন্ধ ; একটা চোখে একটু একটু দেখতে পেতো। জন্ম-গাইয়ে  
ছিল। গলাটা মোটা থাকলেও বড় ভাল গলা ছিল। দোতারা বাজিয়ে গান করত। মেয়েটি  
তখন খুব ছোট—বারো-তেরো বছরের মত বয়স তখন, দেখাতো আট-দশ বছরের মেয়ের  
মত। পরনে একটা সাদা গায়ে একটা চিলেচালা ব্লাউজ পরে বাবার গলার সঙ্গে গলা  
মেশাতো। গানে আমার নেশার কথা তো বলেছি, সেই নেশার টানেই আলাপ করেছিলাম  
খানিকটা যেচে। বাপের নাম ছিল রহিম। শক্তসব্বর্থ বড়সড় চেহারার মানুষ। মিস্তি  
দরাজ গলা। মেয়েটাকে ওর মেয়ে বলে মনেই হত না। চেহারাতে কোন বিল ছিল না।  
পরে শুনেছিলাম—মেয়েটার মা ছিল পূর্ববাংলার বেদের মেয়ে ; সারা নৌকোর নৌকোর  
ঘোরে—সাপ ধরে—ওষুধ বিক্রী করে। রহিম যৌবনকালে কেড়ে নিয়েছিল বেদেরের একটা  
মেয়েকে। মেয়েটি রহিমকে ভালোবেসেছিল। নাজমা তার পেটের মেয়ে।

—দাঁড়ান, দাঁড়ান।

—বলুন ?

—She is in no way related to you then ? তা হ'লে হঠাৎ পথে দেখা  
হয়েছে—এবং আপনি ওকে চিনতেন—ও ঢাকার পথে ভিক্ষা করত, এই তো ? আপনি  
তো ওকে এই রূপে অবস্থায় প্রায় কাঁধে বয়ে নিয়ে এসেছেন—হেঁটেছেন তো অনেকটা।

—হ্যাঁ তাই। But there was a relation—ছিল না বললে ভুল হবে। ঢাকাতে  
আমার বাড়িতে নিচেরতলার একটা চালার ওরা থাকত। আমার একটা affection ছিল।  
ওর ওই আশ্চর্য কালো রঙ আমার খুব ভাল লাগত বলে আমি বলতাম—তোর মত স্নান  
কালো মেয়ে আমি দেখিনি। তিব্বতীয় মেয়ে, বারো-তেরো বছরেই অনেক কিছু বুঝত।  
আমার কথা শুনে সে লজ্জা পেত, মুচকে মুচকে হাসত, বার সাধারণ ভাবে লজ্জা পাওয়ার  
থেকেও বেশী কিছু মানে আছে। আমি কিন্তু এর মধ্যে খারাপ মানে খুঁজে বের করতে  
চাইতাম না। এত স্নান স্নান-অস্তার বিচার করে সারা আমি তো ঠিক তাদের মত মানুষ  
নই। মোট কথা আমার মনের মধ্যে একটি রমণীর কোণে ওকে বসতে দেবার একটি  
আসন গড়া হয়ে গিয়েছিল, মেয়েটা সেটা বুঝত। এবং সেই কারণেই মুচকে মুচকে হাসত।



সে একবার খুব বর্ষা,—একটা সাইক্লোন আফের হুর্বোণ, সেই হুর্বোণে এসে আমার দোকানের বারান্দার এক কোণে জড়সড় হয়ে বসেছিল—আমি বলেছিলাম—রহিম, নাজমাকে নিয়ে ভেতরে গিয়ে বস।

রহিম বলেছিল—সাহেব—কি ভাত কি খাবার কিছু থাকলে নাজমাকে দাও। ওর বহুত ভুখ লেগে থাকবে। কিছু খায়নি।

সেই ওরা চুকেছিল। নাজমা নিয়ে একটা কাজ করত—বাড়ির উঠোনটা বাইরের দরজাটা ভোরবেলা উঠেই ঝাঁট দিত।

অত্যন্ত সহজ ঘটনা। উপরে উচুতে জল ঢাললে নিচের দিকে গড়িয়ে বাগ্‌হার মত ঘটনা। আমার দোতটোত যারা তারাও কোন দোষ দেখেনি। তারা বলত—জোটালে ভাল।

শুধু দোস্তরা কেন—আমার সঙ্গে ছায়ার আলাপ হল; আমরা দু'জনে দু'জনকে ভালবাসলাম and we married together—ছায়া আমার বাসায় এল, আমরা বাসার মধ্যে সংসার গড়ে তুললাম। মেয়েটা ছায়ার বরাত খাটত, কথা শুনত, গল্প শুনত। ছায়াকে গান শোনাতে। ছায়া বোধ হয় ওকে আমার থেকেও বেশী ভালবেসেছিল।

ছায়াকে বিয়ে করে সংসার গড়তে চেয়েছিলাম বললাম; যে বাড়িটার আমার দোকান ছিল সেই বাড়িটা ছিল ছোট একটা বাড়ি আর পুরনো আমলের বাড়ি, তবে বড় রাস্তার ওপর, সেই বাড়িটা কিনে মেরামত-টেরামত করিয়ে নাম দিয়েছিলাম—The Nest—বাংলাতেও নাম দেওয়া হয়েছিল—‘বাসা’। তখন ৬৪ সাল চলছে।

সারা পূর্ববাংলার বাংলাভাষা বাংলাভাষা বাংলাভাষা ধ্বনিত আকাশবাতাস ছেয়ে গেছে। তাই বাংলাভাষায় নাম না দিয়ে ছায়ার ভূষ্টি হয়নি। তাই নাম দেওয়া হয়েছিল ‘বাসা’।

একজন পাকিস্তানী অফিসার একদিন জিজ্ঞাসা করলেন—ইংরিজী নাম রয়েছে, বাংলা নাম রয়েছে, উর্দু নাম কই?

অফিসারটির সঙ্গে আমার দোস্তি ছিল। তাঁকে আমি একটা ছোট ট্রানসিস্টার তৈরি করে দিছিলাম। নানান বিষয়ে তিনি আমাকে সাহায্যও করতেন। তিনি নিজে থেকে একটা উর্দু ট্যাবলেট তৈরী করিয়ে আমায় দিয়ে গিছিলেন। নিজেই নাম দিয়েছিলেন ‘গরীবখানা’।

তিনি আমাকে সাবধানও করে দিয়েছিলেন—বলেছিলেন—তুমি বেছে বেছে একটা বাঙালী হিন্দু মেয়েকে কেন বিয়ে করলে? তুমি খৃস্টান মেয়ে বিয়ে করতে পারতে? বাংলাভাষা আর আওয়ারী লীগ করা একটা মেয়ে পছন্দ করলে শেষে?

থাক। যে কথা বলছিলাম তাই বলি।

এই আমাদের নতুন বাড়িতেও ছায়া নাজমাকে আর রহিমকে ভেঁকে থাকতে দিয়েছিল আমাদের নিচের ডলার।

রহিম বতাবে একটু নোংরা ছিল, তাবাক খেতো, মাখার লম্বা চুলে জবজবে ক'রে ডেল দিত, তাবাকের গুলে ঘর নোংরা হত ; তাবাকের একটা গন্ধও উঠত—দেওয়ালে ঠেস দিয়ে বসে মাখা রাখলে দেওয়ালে দাগ হত, নাজমা এতখানি নোংরা ছিল না। কিন্তু পুরো একালের মত পরিচ্ছন্ন সে হত না। হলে ওদের গান গেয়ে ভিক্ষের ব্যবসারে কড়িই করত ; কিন্তু তাতেও ছাড়া অসন্তুষ্ট হয়নি ওদের উপর।

নাজমার বয়স বাড়ল—নাজমা বড় হল। তার মুখের হাসি চোখের চাউনির রকম বদলালো—আমরা ভাবছিলাম—এবার ওদের বলব—ওরা অস্ত্র কোথাও জায়গা দেখে নিক। নয়তো মেয়েটার বিয়েটিয়ে দিয়ে ওকে স্বপ্নরবাড়ি পাঠিয়ে রহিম থাকে তো থাক। হঠাৎ একদিন না বলতেই সেই ব্যবস্থা করলে নাজমা। নাজমা একদিন একটা ছেলের সঙ্গে পালালো। রহিমকে এই অবস্থায় আর চলে যাওয়ার কথা বলতে পারলাম না।

কিছুদিন পর ছাড়া নিজেই মারা গেল। পাতানো ঘর সাজানো সংসার ফেলে সে চলে গেল।

চুপ ক'রে গেল মনসুর আলি—কিংবা ডেভিড আর্স্ট্রং। ঠোট ছোটো থরথর ক'রে কাঁপতে শুরু করল। চোখের কোণে-কোণে জল ভ'রে উঠল।

কমাল দিয়ে চোখের জল মুছে আরও একটুকুণ সময় নিয়ে সংবরণ করে নিলে নিজেকে মনসুর। তারপর বললে—সেদিন রাত্রে, যানে ছায়াকে কবর দিয়ে এসে বাড়িতে যখন ফিরে এলাম তখন ওই রহিম ছাড়া আমার পাশে কেউ ছিল না। ওই প্রায়-অন্ধ রোগা দুর্বল লোকটি যে আমাকে কি সাহসনা দিয়েছিল সে আর কি ক'রে বলব। সে বলা যায় না।

ওঃ। একটা দীর্ঘনিঃশ্বাস ফেললে মনসুর আলি।

\* \* \* \*

মেয়েটি এরই মধ্যে ঘুমিয়ে পড়েছিল। মধ্যে মধ্যে একটা ক'রে কাঁপা-কাঁপা দীর্ঘনিঃশ্বাস পড়ছিল। মনসুর তার দিকে তাকিয়ে রইল কিছুক্ষণ, তারপর বললে—জানি না মেয়েটা বাঁচবে কিনা। অর যে কি লাহনটা না হইছে। অঃ, চোখে না দেখলে কান্নার বিশ্বাস হবার কথা নয়। আমিই বিশ্বাস করতাম না। অঃ, তারির মধ্যেও কালনাগিনীর মত দংশে শোষ নিয়েছে। একটা ছেলে, ছ'মাসের ছেলে, ওই মায়ের মত কুচকুচে কালো—আর কি সে হাসত। খলখল করে হাসত—

ইনস্পেক্টর বললেন—চলুন ওখানে চলুন। মেয়েটি ঘুমুক।

এখানে এসে ইনস্পেক্টর চেয়ারে ব'সে লোকটিকে বললেন—মেয়েটি আপনার কেউ না জ্ঞা হ'লে ?

—হ্যাঁ। ও আমার, বিচার করে দেখতে গেলে—কেউ না। আপনাকে তো বলেছি—ওর বাপের সঙ্গে ও আমার বাড়ির নিচেরতলার একটা ফালতু জায়গায় থাকত ; একটু-আধটু কাজকর্ম করত ; আর ওর বাবার হাত ধরে পথে পথে ভিক্ষে করত। মেয়েটার গলা ছিল ভারী মিষ্টি।

—সে-সব বলেছেন আপনি এর আগে।

—Yes sir—I have already said that—

—আপনি ওই চেয়ারটার বহন।

—Thank you. চেয়ারখানা একটু খুলিয়ে নিয়ে চেয়ারে বসে বললে—এখান থেকে ওকে দেখতে পাব। আজ ক’দিন প্রবল জ্বর তুগছে। ছোটখাটো রোগা কাঠামোর চেয়ারা তাই ওকে কাঁধে খুলিয়ে আনা সম্ভবপর হয়েছে।

ইনস্পেক্টর বললেন—আমি ডাক্তারের ব্যবস্থা করছি। ভাববেন না আপনি। আপনি বতকণ আমাদের হোপাজতে রয়েছেন ততকণ আমরা ব্যবস্থা করব।

—আমাকে কি arrest করেছেন spy বলে? কিন্তু spy আমি নই। ওই শব্দটাকেই আমি ঘৃণা করি। I hate the word, I despise the idea.

—আপনাকে arrest আমরা ঠিক করিনি। তবে সন্দেহ আমাদের রয়েছে: This black beggar girl and you—দুজনে এমন একটা বিসদৃশ pair or match—যাই বলুন। মোটকথা নিঃসন্দেহ না হয়ে আমি আপনাদের ছেড়ে দেব না।

—I can swear by the name of God—ভগবানের নামে শপথ ক’রে বলতে পারি—বাইবেল হাতে নিয়ে I can swear—এ ছাড়া আমি কি ক’রে বিশ্বাস করাব—

—Don’t be excited—ওতে তো কাজ হবে না।—আপনি বসুন—আমি আপনাকে জিজ্ঞাসা করি, আপনি উত্তর দিন। তাতে কাজ সহজ হবে। এ আপনি বলেই বাচ্ছেন—narrating your story—কিছুটা বিশ্বাস হচ্ছে—সহজ সরল, মধ্য মধ্য মনে হচ্ছে এটা Arabian nights-এর ঘটনা হ’লে ভাল হত।

একটা দীর্ঘনিশ্বাস ফেলে লোকটি বললে—আরব্য উপক্কারের ঘটনার বত ঘটনা কোনটা মনে হল আপনার—জিজ্ঞাসা করতে পারি?

—That you are an Anglo-Indian. আপনার নাম ডেভিড আর্মস্ট্রং—আপনি মনস্তর আলি হয়ে গেছেন—

লোকটি বললে—আমার একটা passport আছে—আমার পকেট থেকে ওটাই নিয়ে দেখুন। ওতেই আমার ছবি আছে—আমার নাম আছে। অবশ্য দশ বছর আগের পাসপোর্ট, আমি গিয়েছিলাম ‘কাররো’। তখন আমি পশ্চিম-পাকিস্তানে সব থেকে বড় ইলেকট্রিক কোম্পানীতে কাজ করি; নবাবজাদা জাকরউল্লা খাঁর নাম করেছি, you remember—

ইনস্পেক্টর পকেট থেকে সিগারেট বের ক’রে মুখে পুরে প্যাকেটটা ওর দিকে বাড়িয়ে দিলেন। এবং দেশলাই জ্বলে ওর সিগারেট ধরিয়ে দিয়ে নিষেধটা ধরিয়ে নিয়ে বললেন—Yes I remember him—নবাবজাদা জাকরউল্লা খাঁ। খুব বড় দিল, খেয়ালী বেজাদ—

মুখের ধোঁয়া ছেড়ে লোকটি বললে—ওরা একটা বতর জাত। শরত্কানের জাত।

They belong to no religion, they belong to no particular nation. They are a class of Princes Kings Nawabs Sultans Rajas —

ইনস্পেক্টর বললেন—ওসব কথা থাক। আপনি passport-এর কথা বলছিলেন।

—হ্যাঁ। Company-র একটা বড় consignment আসছিল electric goods-এর একখানা জাহাজে England থেকে; হরের ক্যাবলের বগড়ার জাহাজখানা আটকেছিল আরবেরা। অনেক লেখালেখি করে মাল অস্ত্র জাহাজে আনবার ব্যবস্থা হয়েছিল, company sent জাকরউল্লাহ and me. সেই সময়ের পাসপোর্ট—দেখুন ছটো নামই আছে। সেদিন চেহারা আমার ছিল West Pakistani-এর মত,—ইউরোপীয়ান বললেও I could easily pass.—আজ আমার রঙটা পুড়ে গেছে,—ভানুর চেয়েও less bright—তবুও চেষ্টা করলেই আবারে খুঁজে পাবেন।

—তা পাচ্ছি। ইনস্পেক্টর পাসপোর্টখানাই দেখছিলেন। ওর দিকে মুখ তুলে তাকিয়ে দেখে ওই কথা বলে বললেন—কিন্তু এমন বিজিরী পোড়া রঙ কি করে হল আপনার? পূর্ববাংলার জলবাতাসে?

সিগারেটে টান দিয়ে সে ঝড় নাড়লে, কথা বললে না। ঝড় নেড়ে জানালে, না।

—তা হ'লে?

—বছর কয়েক আমি ফকীর সন্ন্যাসীর মত কেবল পথে ঘুরেছি। ছায়া মারা গেল। ছায়া আমার কাছে যে কি ছিল তা আপনাকে বোঝাতে পারব না—আপনিও বুঝতে পারবেন না। দু-বছরের মধ্যে এই মেরে দুটি আবারে আশ্চর্য রকমের বাঙালী করে ছেড়ে দিয়েছিল। এই মেরেটি politics-এর সঙ্গে জড়ানো ছিল।

—You also became a member of the Awami League?

—গোপন করব না। প্রয়োজনও নেই। আওয়ামী লীগ কিন্তু বদবন্ধ মুজিবর রহমানের আওয়ামী লীগ নয়। মোলানা ভাসানী সাহেবের চীনাংশী আওয়ামী লীগের সঙ্গে ছায়ার বোঁগ ছিল। ছায়া বেঁচে থাকলে আমি নিশ্চয় ভাসানী সাহেবের দলে বোঁগ দিতাম। কিন্তু ছায়া মারা গেল। আমি সে প্রচণ্ড আঘাত খেলার জীবনে। সেই আঘাতে সব, যেন সারা ছনিয়াটাই রঙ-চটা টিনের খেলনার মত হয়ে গেল। রঙ-চটা স্রীং-কাটা খেলনার মোটরেক্স মত ঘূরায়ীল অচল হয়ে গেল। আমি দোকান তুলে দিয়ে বাড়িটা একজনকে ভাড়া দিয়ে সারা পূর্বপাকিস্তান ঘুরে বেড়াতে লাগলাম পারে হেঁটে।

একটুকু খেবে থেকে সে বললে—জানেন আমাদের দুজনের মধ্যে একটা বিষয় ছাড়া কখনও বগড়া হয়নি। সেটা হল কে আগে মরবে? ও বলত আমি,—আমি বলতাম—নেতার, আমি। বগড়ার মীনাংসা হত না—কেউ কারুর কাছে হার মানতাম না তবে তার থেকেই যে কথা উঠত সেটাতে আমাদের দুজনেই একমত ছিলাম। ছায়াও বলত, আমি ওরই কাছে শিখে বলতাম—‘বনবাসী সন্ন্যাসী হইব’।

H, M, V-র রেকর্ডে মিসির ভাষ্যকার লীলা নাটক আছে। আবার

collection-এ সেটা ছিল। ছায়া রেকর্ডের খুব ভাল কলেকশন করেছিল। ছবিবে হয়েছিল—আমার gramophone, gramophone record-এর দোকান ছিল। সেই সীতা নাটকে ছিল কথাটা ‘প্রিয়ার প্রেমের লাগি বনবাসী সন্ন্যাসী হইব’। আমরা দুজনেই বরবার কথা নিয়ে ঝগড়া করে বলতাম—‘বনবাসী সন্ন্যাসী হইব’। সেইটে আশ্চর্য ভাবে সত্য হল আমার অন্তরে। ছায়া বার গেল। একটা আশ্চর্য দৃষ্টি এবং হৃদয় হৃদয়প্রণে আমরা যখন বিভোর হয়ে—স্বপ্নটা সত্য হবে বাস্তবে প্রত্যাশার নানান আরোহণ করছি তখনই হঠাৎ সব স্বপ্ন ভেঙে দিয়ে ছায়া চলে গেল। হাসপাতালের বারান্দার সেক ডেলিভারির খবর আসবে বলে প্রতীক্ষা করছি—ডাক্তার বলেছেন, সব নর্যাল কোন আশঙ্কা নেই। আমি উৎকণ্ঠাবশে সিগারেট খাচ্ছি। সিগারেটের পর সিগারেট—সিগারেটের পর সিগারেট গোটা রাত্রি কেটে গেল। ভোরবেলা খবর পেলাম—ছেলে-মা দুজনেই মৃত। কাউকে বাঁচানো যায়নি।

পৃথিবী বিবর্ণ হয়ে গেল—আমার সাঁজানো ঘর-দোর—আমার কাম-কারবার সব হয়ে গেল ফুটো টিনের পাত্রেয় মত। জীবনের সঞ্চয় সব গলে পড়ে গেল মাটিতে। তোমার প্রেমের লাগি বনবাসী সন্ন্যাসী হইব কথা তখন ঠিক মনে পড়েনি—কিন্তু সত্যিসত্যিই সব পাট ভুলে দিয়ে প্রায় সন্ন্যাসী ফকীরই হয়ে গেলাম।

সব বিষাদ হয়ে গিয়েছিল,—কিছু ভাল লাগছিল না—আমি এখানকার কারবারটা ভুলে দিয়ে প্রথমটা চলে গেলাম লাহোর। লাহোর থেকে ইসলামাবাদ, সেখান থেকে করাচী। কিন্তু ভাল লাগল না, ফের ফিরে এলাম ঢাকা। ঢাকার কারবার ভুলে দিছলাম, মালপত্র বেচে দিছলাম জলের দরে—কিন্তু বাড়িটা বেচিনি। বাড়িটা ছিল; ভাড়া দিয়ে গিয়েছিলাম,—নিচেরতলার একটা দিক ভাড়া দিইনি, খালি রেখেছিলাম। ওখানটার রহিম থাকত একপাশে বারান্দার এক কোণে। ঘরটা ট্রানসিস্টরের, তা থেকেও I earned lot. টাকা ছিল—বোল বছর বয়স থেকে আমি উপার্জন করেছি, একলা মাছুষ; এবং আমি অমিতব্যয়ী ছিলাম না। এবং চাকরির সময় মাইনে আমি ভালই পেতাম। তারপর যে ব্যবসা করেছিলাম—রেডিও-ট্রানসিস্টরের, তা থেকেও I earned a lot. টাকা ছিল—ভাছাড়া ইলেকট্রিসিটির যুগে একটা ফু-ড্রাইভার আর একটা টেস্টার পেলেই যে-কোন শহরবাজারে বসে দিনে আট-দশ টাকা রোজগার আমার পক্ষে কঠিন ছিল না। আমি উড়ে উড়ে বেড়াতে লাগলাম। বাসা ভেঙে বাওয়া পাখি যেমন এ-ডাল ও-ডাল এ-গাছ ও-গাছ করে বেড়ায় তাই করে বেড়াতে লাগলাম।

কতবার ভেবেছি চলে যাই অন্য দেশে। কাজ আমি—যে-কোন দেশের ভাল বেকানিকের সমান কাজ করতে পারি—; আমার আবার ভাবনা কি? কিন্তু পারিনি। এই পুনর্পাকিস্তানের ভিতরেই ঘুরে বেড়াতে লাগলাম। শিলেট গিয়ে কতবার ডাউকী নদীর বাটে দাঁড়িয়ে ওপারের খালিয়া অরণ্য চেরানুগ্নী হিলের কুন্ডল অকলগুলির দিকে তাকিয়ে

থেকেছি। শুধিকের পাহাড়ের অপরূপ রূপসী মেয়েদের কথা ভেবেছি—ভেবেছি ওপারে চলে  
বাই কিছ বাইনি। যেতে পারিনি। চিটানং কজবাড়ীয়ে থেকেছি, বরিশাল অকলে  
দুরেছি,—ঘোরার নেশাতে গেরেছিল। একবার ইচ্ছে হয়েছিল নৌকোর ক'রে দুইখ  
দেশটা। দুরেছিলাম। নৌকোর ক'রে পদ্মা মেঘনা পার হয়েছি। তুফানের কাপটা  
থেকেছি; নৌকোর কাঠ আঁকড়ে ধরে বসে থেকেছি। বরিশাল দাবার পথে গিরারে বসে  
নদীর আঁকাবাঁকা চেহারা দেখেছি; জল আর মাটির মাঝামাঝি দেখেছি। হৃদয়বনে  
একবার শিকারীদের সঙ্গে গিয়ে বাঘ-বাঘিনী ছইকে দেখেছিলাম—তাদের সে কামড়াকামড়ি  
জাপটাজাপটি দেখেছিলাম, জোয়ারের ফুলে ওঠা জল আর মাটির ওই মাঝামাঝি খেলা যেন  
তাই মনে হয়েছিল। এরই মধ্যে এই দেশটাকে এমন করে ভালবেসে ফেললাম যে এই  
আমার সব থেকে ভালো দেশ, এর থেকে ভালো দেশ আর নেই। আর এই দেশই আমার  
দেশ। মনে হত বরিশালের মত উর্বর মাটির অকলে খানিকটা জমি নেব—একটা বাংলা  
করব। ইলেকট্রিসিটি পাই ভাল, না পাই একটা জেনারেটর তৈরী ক'রে বসাব। তা থেকে  
আলো জ্বালাব। ছোট ট্রাকটর কিনে চাষ করব। তার সঙ্গে পোলট্রি করব।

আর শুনতাম গান।

এদেশের আশ্চর্য মিষ্টি ভাটিয়ালী গান। একালের composer আছে একদল,  
তারা নিজেরা গান লিখে হর দিয়ে গায়, সে গান নয়। পুরনো কালের গান। বাঁটি নৌকোর  
মাঝিরা গায়। আর গাঁওগাঁওলার গাইয়েরা দোতার বাজিয়ে গেয়ে ভিখ রাগে।

এসব গান ছাড়া আমাকে গেয়ে শোনাতে। এই গানটা ছিল তার প্রতিদিনকার  
গান। বিছানায় শুয়ে সে আমার হাত ধরে ওলওল ক'রে গাইত—

আজি হ'তে তোমায় বহু ছাইড়া নাহি দিব—

নয়ানের কাজল কইরা নয়ানে ধুইব।

বসন কইরা অঙ্গে পরব মালা কইরা গলে—

সিন্দুরে মিশাইয়া তোমায় পরিব সিঁহালে।

ছই অজ বুচাইয়া এক অজ হইব

বলুক বলুক লোকে, বল তাহা না শুনিব—

রোজ শুনতাম। নৌকোর মাঝিরা নৌকো ঘাটে লাগিয়ে গান গায় বারা তাদের  
ডেকে আনত—আমি শুনতাম। লিখে নিতাম। এখানে গান কলেকশনের খাতা  
করেছিলাম। মৌলানা ভাসানী সাহেব সেখানে নিজে বলেছিলেন—এখানে ছাপাবেন তিনি।

ইনস্পেক্টর বাধা দিলেন—দাঁড়ান।

—Yes.

—You knew Moulana Bhasani ?

—Yes Sir. I know him—he knows me—

—মৌলানা সাহেবকে কেমন ক'রে জানলেন ?

—বলেছি গোঁড়াই নে, আমার ছী ছায়া মৌলানা সাহেবের দলের সভ্য বাবে party-member না হ'লেও খুব বনিষ্টভাবে পরিচিত ছিলাম। ওদের দলের কালচারাল কাংশানে ওকে না হলেই চলত না।

—আপনি ?

—What do you mean sir ?

—ওদের দলের সঙ্গে আপনি কতটা জড়িত ?

—সম্পর্ক সামান্যই—তবু মৌলানা সাহেবকে আমি খুব শ্রদ্ধা করি। আশ্চর্য মাহুদ।

—সামান্য মানে কতটুকু ?

—সামান্য মানে সামান্যই। তিনি আমাকে জানেন, স্নেহ করেন—আমি শ্রদ্ধা করি। দলের সঙ্গে সম্পর্ক নেই। সভ্য বা সমর্থক কোনটাই নই।

—তা হ'লে কোন্ দলের সঙ্গে আপনার সম্পর্ক ?

—কোন দলের সঙ্গেই না।

—তা হ'লেও কোন্ দলের রাজনীতি আপনার ভাল লাগে ?

একটু ভেবে নিয়ে লোকটি বললে—তাই বা কি ক'রে বলি ? মৌলানা ভাসানী এবং শেখ মুজিবুর রহমানের মতকেই আমার ভাল লাগে।

—ভোট কাকে দিয়েছেন এবার election-এ ?

—ভোট আমার দেওয়া হয়নি। নাম ভোটার লিস্টে ছিল না।

ইনস্পেক্টর চুপ করে গেলেন। একটা সিগারেট ধরিয়ে বাইরের দিকে চেয়ে রইলেন। লোকটি বলেই চলল—বলেছি তো চাকাত্তে বাড়িটা আমার আছে—একখানা ঘরও রেখেছি কিন্তু আসলে আমি ঘুরেই বেড়িয়েছি। একবার নৌকোর নৌকোর ঘুরেছি, একবার ট্রেন-বাসে ঘুরেছি, একবার পায়ে হেঁটে ঘুরেছি। সব চেয়ে ভাল লেগেছিল—নৌকোর নৌকোর ঘুরতে। নদীনালা খালবিল, নারকেল-অপুরির গাছের মাথাগুলি, খালের ঘাটে ঘাটে বউ-বিশের জটলা—

—আচ্ছা—; কথার মাঝখানে ওকে ধামিয়ে দিয়ে অফিসার বললেন—আচ্ছা একটা কথার জবাব দিন তো।

—বলুন—

—You are not a Purba Pakistani. You are neither a Musalman nor a Hindu. You do not belong to any political party. You voted for none. You are an Anglo-Indian—তা হ'লে আপনি পাকিস্তান ছেড়ে পালিয়ে আগছেন কেন ? একটু ভেবে উত্তর দেবেন। Just think. আপনাকে কোন কারণেই ওদের দাবির কথা নয়।

লোকটি হিরদৃষ্টিতে অফিসারের মুখের দিকে তাকিয়ে রইল। অফিসারটিকেই দৃষ্টিভ্রম প্রেরণ সভ্য সামনে রেখে তার উত্তর খুঁজতে লাগল। একটা নীর্থনির্বাণ কেলে সে

ওই ঘরের দিকে তাকালে ।

সেই আশ্চর্য কালো মেয়েটি শেকড়হেঁড়া লতার দক্‌ দান হয়ে গিয়ে খেন দুটিয়ে পড়ে আছে ।

অফিসার বললেন—For that girl ?

—না—চাকা থেকে বখন আমি বের হই ওদেশ থেকে পালাব ব'লে তখন ও ছিল না আমার সঙ্গে ।

—চাকা থেকে কবে বেরিয়েছেন ?

—২৬শে তারিখ শেষ রাজ্জে ।

—২৬শে শেষ রাজ্জে ?

—২৬শে শেষ রাজ্জে । চব্বিশ ঘণ্টা সশস্ত্র সৈনিকদের অটোমেটিক রাইফেল লাইট মেশিনগান চালিয়ে নিরস্ত্র যাহুযদের হত্যা করা দেখে—সদর রাস্তার উপর চুলের মুঠোর ধ'রে বেরোনেট গায়ে ঠেকিয়ে naked half-naked young এমন কি women aged about forty-fifty—এদের টেনে এনে রেপ করেছে । একটা অঙ্ককার ঘরে ভাঙা জিনিসপত্রের মধ্যে বসে থেকে একটা কঁাক দিয়ে চোখে দেখেছি । তারপর আর পারিনি । আমার চোখের সামনে রহিম, ওই কালো মেয়েটির বাপ,—সে প্রায় অন্ধ, আমার বাড়ির বারান্দাতেই থাকত, সে চোখে তো বিশেষ কিছু দেখেনি, শুধু রাইফেল মেশিনগানের গুলির শব্দ, মর্টারের শব্দ, যাহুযের কান্না চীৎকার শুনে পাগলের মত হয়ে গিয়েছিল । ২৫শে রাজ্জি থেকে ২৬শে শেষরাজ্জি পর্যন্ত তিনজন যাহুয আমার ।

অফিসারটি মুখ তুলে তাকালেন—বাধা দিয়ে বললেন—one minute—.

লোকটিও মুখ ফেরালে অফিসারের দিকে ।

অফিসার বললেন—তিনজন যাহুয কে কে ?

লোকটি বললে—আমি, রিস্টার সেন আর রহিম—যানে ওই নাজমা মেয়েটির বাপ । আপনাকে নিশ্চয় বলেছি, এগার-বারো বছরের কি চৌদ্দ-পনের বছরের নাজমার হাত ধ'রে রহিম ভিক্ষে করত । গান গাইত । ওর কাছে আমি অনেক গান শিখেছি—ওদের অনেক গান আমার টেপ করা আছে । আমার দ্বী ছায়া ওদের আমার থেকেও বেশী ভালবাসত । সেই ওদের বাপ-বেটাকে ব্যক্তিগত নিচের তলার থাকতে দিচ্ছি ।

—হ্যাঁ । মেয়েটি বললেন গালিয়ে গিচ্ছি—

—হ্যাঁ । একটা সাইকেলের চাকাওয়াল, গাড়িতে বনিহারী জিনিস ফিরি ক'রে বেড়ায় এমন একটা ছেলের সঙ্গে । পথে দেখা হত ওদের, বাপ অন্ধ ছিল—সে মেয়ের বিয়ে দিতে ঠিক রাজী ছিল না । So she left her father and went with him ; রহিম কোথায় বাবে, এখানেই থেকে গিচ্ছি । আমার বাড়ির উপরতলার নতুন তাক এসেছিল দিল্লি কাগজের আপিস । ছোট একটা চৌরাস্তাও বটে । ওখানে হাত পেতে ব'লে থাকত । শেষ দিকটার আগিৎ থেকে ধরেছিল । আগিৎয়ের কোঁকে বিনোদ, আর নারে যাবে গান



গাইত।

আমি তোমার নাম লইয়া কান্নি

দয়াল শুরু হে—।

এ ভব দরিদ্রা পার করতি কেবা আছে আর

চারিদিক দিগন্তে শুরু আছারের আশ্রি!—

ওই একটা গান গাইত বেশী। দিগন্ত-ওয়ারা থেকে কিছু বাংলাদেশের গান শিখিয়েছিল—

তাও গাইত। ২৫শে রাতে আমি যখন মিটিং শুনে ফিরে এলাম তখনও সে বাড়ির মধ্যে বসে

ওই গানটা গাইছিল। আমি ডাকলাম—সে দরজা খুলে দিলে। এর পর এল মিস্টার সেন।

অফিসার জিজ্ঞাসা করলেন—মিস্টার সেন কে?

আর্দ্রতার তার দিকে তাকালে। অফিসার প্রশ্নটিকে বিশদ করে বললেন—কি নাম তাঁর? তিনি আপনার সঙ্গে জুটলেন—মানে—এমন একটা দিনে এতটা রাতে?

Mr. Sen বাঙালী, কিন্তু East Pakistani নন—Indian. তবে ওদের বাড়ি পার্টিশনের আগে ওদেশেই ছিল। একটা আশ্চর্য চীন দেশের উপর।

—পুরো নামটি কি?

—Mr. Sen—Mr. K. Sen, বোধহয় কনক সেন। Mr. Sen একজন Journalist.

পাকিস্তান থেকে খবর সংগ্রহ করতে গোপনে মধ্যে মধ্যে আসতেন। আমার সত্যাপ্রহ চলার প্রথম দিকে এসে ঢাকার বাইরে দেশবাসী ঘুরছিলেন। তারপর President ইয়াহিয়া খাঁ শেখ মুজিবুর রহমান সাহেবের সঙ্গে আলোচনা করতে ঢাকা আসতেই ফিরে এসেছিলেন। আমার বাড়িতে কাগজের আগুন ছিল, ওই কাগজের লোকদের সঙ্গে গুরু আলাপ ছিল। যেসব বাঙালী মুসলমান লেখকেরা East Pakistan-এ বাংলাদেশ নয়া জমীনা গড়বার স্বপ্ন দেখতো দিগন্ত কাগজখানা ছিল তাদের। Young men of East Pakistan; তাদের নতুন স্বপ্ন—নতুন বিশ্বাস—নতুন মন। গৌর-বাড়ি কামার—মোস্তা-মৌলানাদের নাগালের বাইরে এরা উদ্ভূত বলে না,—হিন্দু কি কুস্তান এ নিয়ে কেপে ওঠে না। বলতে পারেন এই আওয়ামী লীগওয়ালাদের দল কেউ লেখে কেউ ছবি আঁকে কেউ কলেজে পড়ায় কেউ ইন্সুলে—কলেজে ইন্সুলে পড়া ছেলের দলও আছে এদের মধ্যে। গাইয়ের দল আছে, ড্রামাপাটি আছে; এরা সব আশ্চর্য মানুষ। ওদের সঙ্গে ওই জন্তেই আমার আলাপ হয়েছিল। ছায়াও ওদের জানতো চিনতো। ওদের হাতে বাড়িটাও তাড়ায় ছেড়ে দিয়েছিলাম এই কারণে। দিগন্ত আগুনে এদের আড্ডা বসত।

Mr. Sen-এর সঙ্গে এদের খুব একটা ভাল understanding ছিল; গভীর intimacy—, Mr. Sen East Pakistan-এ এলেই এখানে আড্ডা দিতে আসতেন। শরীরে শক্তপোক্ত হুসাইনী মানুষ; an adventurer বলতে পারেন—dare-devil youngman; এদেশে মানে East Pakistan-এ যখনই কিছু ঘটেছে তখনই ঠিক এসে গেছেন এদেশে। এদেশের ভাষা বলতে পারেন গাঁওগাঁওলার চাবীভূমির মত। হিন্দু-মুসলমান চেহারা দেখে

চেলা যায় না। কোরানের বয়েং আনেন। তবু কিছুকে করেন না। মরায় থলার হা-হা ক'রে হালেন। Extreme leftism দারা করে তারা আজকাল এক ধরনের দাফিনৌক-রায়ে, সেইরকম দাফিনৌক রাধেন। He is a political man, এটা বিস্মিত—কিন্তু সেটা যে সঠিক কি তা বলতে পারব না। দিগন্তের এরা আওয়ারী লীগের লোক; এদের সঙ্গে গভীর intimacy থাকলেও—এদের সঙ্গে এক ছিলেন না। সেই প্রথমবারই শুনেছিলাম—দিগন্তের editor হুস-উল-হসেন ওর দলের একটি ছেলেকে বলেছিলেন—তুমি Sen-এর সঙ্গে খুব বেশী বোস্তি করতে যেয়ো না মেহেদী,—তুমি ছেলেমানুষ। Sen পাকা লোক। Sen আমাদের বন্ধু বটে কিন্তু পার্টির লোক নয়। তা ছাড়া ভিন্নদেশী। এই হলেন মিস্টার সেন—মিস্টার কে মানে কনক সেন। ওঁকে দেখে ভাল লেগেছিল আমার—

অফিসারটি বাধা দিয়ে বললেন—থাক—চিনেছি—কনক সেনকে আমরা চিনি। ওর সঙ্গে আপনার আলাপ কত দিনের?

লোকটি বললে—ছায়ার যত্নের পর দিগন্তের জন্তে বাড়িটা ভাড়া দিয়ে আমি সারা পুর্বাংলাটা ঘুরতে বেগিয়েছিলাম—প্রথমবার ট্রেনে-বাসে ঘুরেছিলাম, সেবার ফিরে ঢাকার এসে মাস-দুই ছিলাম—সেই সময় একদিন টেপরেকর্ডার বাজাচ্ছিলাম। রেকর্ড ক'রে এনেছিলাম গ্রাম থেকে—ভদ্রলোক দিগন্ত আপিস থেকে শুনে পেয়ে আমার নিচের তলার ঘরের দরজা ঠেলে ঢুকে পড়ে বলেছিলেন—খুব চমৎকার গান তো। একেবারে গ্রামের গন্ধ মাখানো। একটু শুনব। আপত্তি করবেন না তো?

ঘণ্টাখানেক গান শুনে চলে গিছিলেন। I liked him. Pleasing manners. আর ছিল একটা magnetic attraction. আমার নিজের তৈরী করা ছোট পকেট transistor দেখে ছেলেমানুষের মত ধরেছিল—এটা আমাকে বিক্ৰী করুন। ছাড়েননি, ভালো দাম দিয়ে কিনে নিয়েছিলেন। সেইবারই ২১শে ফেব্রুয়ারী বাংলাভাষা নিয়ে যে সব অস্থূর্তান হয়—সে সময় একবার দেখা হয়েছিল। তিনি খুব ব্যস্ত ছিলেন। কথাবার্তা হয়নি। তারপর এবার এই দেখা। ২৫শে মার্চ রাজিবেলা—

আমি একটু জল খাব। A glass of water please।

২৫শে মার্চ রাজিবেলা। কত রাজি তখন তা ঠিক খেয়াল ছিল না আমার; আমার হুঁশ ছিল না। এবং বড়িও নেই আমার। একজন নৌকোর মাঝিকে বড়িটা দিয়ে দিয়েছি। আর কিনিনি। আমার ঠিক দরকারও ছিল না। আমি তখন বড়ির চলার তালে ছন্দে যে দিনরাজি এবং ঘুনিয়া চলে তার বাইরে বাস করতে চেষ্টা করছিলাম।

২৫শে বিকেল বেলা থেকেই সারা ঢাকা শহর একেবারে আগুন দেওয়া বোরবাজীর মত পলভেতে জলতে জলতে বোমটার দিকে এগুচ্ছে। শোনা গেছে চট্টগ্রাম নাকি জলছে। এখানে প্রেসিডেন্ট খান সাহেবের সঙ্গে বন্ধবন্ধু শেখ সাহেবের কথা হচ্ছে। চব্বিশ দিন ধরে অহিংস সত্যাগ্রহ আন্দোলন চলছে। মার্চ ১৫ আন্দোলন। একটা দুর্ভাগ্য প্রকৃত কল্যাণী

অন্ত যেন পছন্দ পক্ষাভ্যন্ত হয়ে গেছে। সারা অকের কোন একটা স্থানেও কোনও শব্দ নেই—চোখ দুটো মেলে চেয়ে আছে—দেখছে কি দেখছে না ভাব বলা যায় না। শুধু খানখান পড়ছে এই পর্বত। বাইবেলে সমুদ্র বিদীর্ণ হয়ে বাগ্‌য়ার কথা আছে। আমার কাছে এ লত্যাগ্রহ তেমনি একটা miracle মনে হয়েছিল।

এর অন্তেই আটকা পড়ে গেছলাম। নৌকোতে নৌকোতে সারা দেশটা ঘুরে ঢাকার এলেক্সান্দার West Pakistan বাব ব'লে। টাকাপরসা কম হয়ে গিছিল—বাড়িতাড়ার টাকা আদায় করে লাহোর ইসলামাবাদ করাচী বাব—আমার সংগ্রহ করা টেপ থেকে একটা সিরিজ রেকর্ড বের করাবার ইচ্ছে ছিল এবং যে কোন সুযোগে ইরোরোপ গিয়ে এগুলো হাজির করারও idea ছিল। কিন্তু এসেই পড়লাম যে ঢাকার সে টাকা আমি কখনও দেখিনি। ঢাকার সে এক আশ্চর্য চেহারা।

নৌকোর পোস্টারে পোস্টারে ঢাকা শহর যেন নৌকো-ছাপ ছাপানো কাপড়ের তৈরী হাওয়াই শার্ট পরেছে। মেয়েছেলে হয় যদি ঢাকা শহর তা হ'লে ওই নৌকোর ছাপ ছাপানো শাড়ি পরে জুসে বাবার অস্ত্র তৈরী হয়ে বসে আছে। আর দম বন্ধ করে রয়েছে।

পাকিস্তান সরকার অচল হয়ে গেছে। ঢাকা ঘুরছে না। ব্যবসা বন্ধ, বাণিজ্য বন্ধ ; —সব থেকে আশ্চর্য লাগল—হাইকোর্টের জজ প্রেসিডেন্টের হুকুম মানেনি। সারা পাকিস্তানের মানুষের জীবন চলছে কিন্তু সরকার অচল হয়ে গেছে।

অফিসারটি বলেন—দেখুন ওসব আমরা এবং সবাই-ই জানি—আপনার কথা বলুন। আমার প্রশ্ন হল—আপনি হিন্দু নন—আওয়ামী লীগপন্থী মুসলমান নন—you do not belong to any political party—আপনি পালিয়ে এলেন কেন? আপনি Christian—আপনি Anglo-Indian—আপনার উপর Pakistan-এর শক্ততা থাকার কথা নয়—

—Yes Mr. Officer—পাকিস্তানের আক্রোশ আমার উপর থাকার কথা নয়, বোধহয় ছিলও না। ছাত্রকে যখন বিয়ে করি তখন একবার পুলিশের নজর আমার উপর পড়েছিল। কিন্তু ছাত্রা যারা যাবার পর সেটা তারা উঠিয়ে নিয়েছিল। You are right ; and—এবং আমারও কোন political inclination ছিল না। কিন্তু এবার ঢাকায় এসে যা দেখলাম বা শুনলাম তা আশ্চর্য। আমারও যেন নেশা ধরে গেল।

একটু হেসে ভেতিড আর্মস্ট্রং বললে—দেখুন একটা কথা বলিনি, বলার প্রয়োজনও মনে করিনি এবং বলবার বড় occasion আসেনি। সেটা হল এই যে, আমি বাউগলের বড় ঘুরেছি তিনবার East Pakistan-এর মধ্যে—আমি মদ একটু বেশী-বেশী খেতে অভ্যস্ত হয়েছি। আমি Anglo Indian—আপনি জানেন—মদ আমরা বাড়িতেই খেতে শিখি। মদ আমাদের খাত-পানীদের শামিল। ঢাকায় এবার এসে এবং ঢাকার নতুন নতুন চেহারা রকমকম দেখে এমন যেতে যেতাম যে মদ কিনে রাখতে তুল হত, সভাসমিতিতে গিয়ে বক্তৃতা শুনতাম—অদের নেশা ছেড়ে যেত, উঠে এসে বাবার সময় হত না, যেতাম না। সভা থেকে এসে মদ খেতাম আর মনে মনে বক্তৃতার কথাগুলো আওড়াতাম। কারুর বক্তৃতা বেশী

ভাল হলে সেদিন আবার বেশী করে মদ খেতাম।

News-এর সময় হ'লেই রেডিয়ো খুলে বলতাম—হাতে গেলান থাকত।

২৫শে মার্চ রাজি তখন কত। মশটা কি এগারটা। বিকেলবেলা বেলা তিনটে থেকে মিটিং শুনেছি। পুরানা পল্টনে মিটিং ছিল অমিক কেভারেশনের—তারপর সরকারী কর্মচারীদের মিটিং। মিটিং-এর পর মিটিং শুনে পথে পথে বেড়িয়েছি—সন্ধ্যাতে কিরে এসে মদ খেয়েছি আর ভেবেছি দেশ স্বাধীন হচ্ছে। ইরাকিরা বা শেখ মুজিবর রহমানের কাছে হার নেনে মিটমাট ক'রে কিরে যাচ্ছে।

রাত্তার ছপাশে দাঁড়িয়ে পূর্বপাকিস্তানীরা খনি দিচ্ছে—বাংলাদেশ জিন্দাবাদ। বাংলাভাষা জিন্দাবাদ। তাদের হাতে বাংলাদেশের নয়া ঝাণ্ডা। জুলফিকার আলি ভুট্টো বাড় হেঁট করে কিরে যাচ্ছে।

কানে বাজছে শেখ মুজিবর রহমানের সেই আশ্চর্য কণ্ঠ—“যে যবে তোমরা দুর্গ গড়ে তোল। বা পাও হাতের কাছে তাই নিয়ে যুদ্ধ কর। আমাদের সংগ্রাম চলছে—চলবে। আমাদের সংগ্রাম মুক্তির সংগ্রাম—আমাদের এ সংগ্রাম স্বাধীনতার সংগ্রাম।”

মদ খেয়ে আমি এই বক্তৃতা সেদিন চীৎকার ক'রে বলছিলাম ঘরের মধ্যে। ২৫শে মার্চ রাজি তখন অনেক। Mr. Officer, আমি যে কখন সেদিন বাংলাদেশের একজন মানুষ হয়ে গেছি তা আমি নিজে বুঝতে পারিনি।

তুই আমি কেন—ওই কানা রহিম—ভিকে ক'রে খায়—ও লোকটার কাছে democratic right-এর কোন দাবি ছিল না; East Pakistan, West Pakistan-এর বগড়া নিয়ে ওর মাথাব্যথা ছিল না; আওয়ামী লীগ, মুসলিম লীগ, জামায়েতউল্লাহ নিয়ে বাছাবাছি করেনি; সেও দেখলাম ঠিক আমার মত ওই সব মানুষদের দলের মানুষ হয়ে গেছে—যারা জয়বাংলা বলে চীৎকার করছে, বঙ্গবন্ধু মুজিবর জিন্দাবাদ বলে চোঁচাচ্ছে।

Mr. Officer, আমার চোখের সামনে সারা বাংলাদেশের ছবিটা ভাসছিল—আমি তো তিন-তিনবার ঘুরেছি এই দেশটার বুক মাড়িয়ে, সেই দেখা ছবিটা যেন নতুন হয়ে ভেসে উঠল আমার মনে। এরা নিষ্ঠুর রকমের গরীব। পরনে লুঙা—খালি গা খালি গা—গায়ের শামলা রঙ পুড়ে কালো হয়ে গেছে, বুকের পাঁজরা বেরিয়ে আছে, চোখের কোলে কালি পড়েছে; ছিটেবেড়ার ঘর, ভিনের চাল, বছরে বছরে সাইক্লোন এসে উড়িয়ে নিয়ে যায়, চাপা পড়ে ওরা মরে, নদীর বস্তার গ্রাম ডোবে—মাছুষ ডোবে, গরু-বান্দুর ভেসে যায়; এদের বাঘে খায়, লাগে কাটে; এরা ধান ফলার, পাট ফলার—

—থাক না। অফিসার বললেন—ও কথাগুলো বাদ দিন; তবে I take it যে সেদিন বক্তৃতা শুনে ইমোশনালি লক লক লোকের শাবিল হয়ে গেছিলেন।

—হ্যাঁ, ঠিক তাই। দিল্লি আগিলে তালচাষি বন্ধ ক'রে ওরা সকলে চলে গেছে। সবাই ওরা ব্যস্ত ছিল। গোটা ঢাকা শহরটাই তাই। মুজিবর রহমান একরকম বুদ্ধি declare ক'রে দিয়েছেন। লোকে প্রত্যাশা করছে President খান সাহেব কথার দাবি রাখবেন,

মুসলমান হয়ে মুসলমানের সঙ্গে বেরাদারির মান রাখবেন। মুনিয়ার কাছে অবাবদ্বিহি করতে হবে তো।—

ইমস্‌পেক্টর বললেন—এসব আমার জানি। Nobody denies all these facts, আপনাদের কি হল—কি করলেন তাই বলুন।

—গোটা ঢাকা শহর খমখম করছিল। শহরটা নটা বাজতে বাজতে যেন কেমন একটা চেহারা নিলে। দোকানপাট বন্ধ, বাড়িঘর বন্ধ। একটা অস্বাভাবিক নিস্তব্ধতা। মনের মধ্যে বত উত্তেজনা তত যেন তরও তার সঙ্গে রয়েছে। ওই বাড়িখানাতে নিচের তলার উঠানের এক কোণে সেই শুদোম ঘরটার মধ্যে বসে কিছু করবার নেই বলে শুধু মদই খেলান।

রাজিটাকে অস্বাভাবিক রকমের নিস্তব্ধ মনে হচ্ছিল। মধ্যে মধ্যে কোন দূরান্তর থেকে অনেক মাহুকের চীৎকারের আওয়াজ ভেসে আসছিল।

রহিম মধ্যে মধ্যে ভাড়িটাড়ি খায় কালেকশ্বিনে—সে সেদিন আমার কাছে মদ চেয়ে খেয়েছিল—বলেছিল—শরাব খানিকটা দিবেন সাহেব, কলিজার ভিতরটা ক্যামন য্যানো ফং ফং করত্যাছে, জোর পাইত্যাছি না।

আমার ছোট্ট রেডিয়োটো খুলে শুনছিলাম রেডিয়োর খবর। মধ্যে মধ্যে কলকাতার খবর, মধ্যে মধ্যে ঢাকার। তখনও আশা—President-এর কোন ঘোষণার খবর বোধহয় এই বুঝি announced হল। এরই মধ্যে কড়া নড়ল বাইরের দরজার। দিগন্ত আপিসের নিচেরতলা উপরতলা ছুতলায় কেউ-একজন ঘুরে কড়া নেড়ে তালাচাবি দেখে নেমে এসে নিচের তলায় উঠানের মুখে যে দরজাটা সেই দরজাটার দ্বাকা দিলে।

কে রইছেন? কেউ আছেন? শুনছেন?

আমরা উত্তর দেব কি দেব না ভাবছি—রহিমের রেঁয়া-ওঠা কুহুরটা চীৎকার করতে আরম্ভ করেছে, এমন সময় উঠানের ঘেরা পাঁচিলটার মাথার উপরে উঠে বণ ক'রে লাফিয়ে পড়লেন মিষ্টার সেন।

আমিও আশ্চর্য হয়ে বললাম—আপনি মিষ্টার সেন।

উনি বললেন—হ্যাঁ। দিগন্তের এরা কেউ নেই?

বললাম—না তো,—ওরা সেই বেরিয়েছে, এখনও ফেরেনি।

—শহরের রাস্তার মোড়ে মোড়ে মিলিটারি পোষ্টিং হয়েছে দেখছি। গভর্নমেন্ট বিল্ডিংয়ের সামনে মিলিটারি পাহারা বসে গেছে। হ্রাক হ্রাক ট্রুপ্‌স্ বাচ্ছে। মিলিটারি জীপ ঘুরছে। ব্যাপারটা ঠিক ভাল মনে হচ্ছে না।

—ভাল মনে হচ্ছে না? মানে, কি বলছেন আপনি?

আমার কথা শেষ হয়নি তখনও, একখানি ভারী হ্রাকজাতীর গাড়ি আশপাশের বাড়িগুলোর বরজা-আনালা নড়িয়ে দিয়ে খুব জোরে চলে গেল।

সের ছুটে গিয়ে দরজাটার মুখে গিয়ে দাঁড়াল। কীক দিয়ে দেখবার চেষ্টা করলে

কিছু বোধহয় দেখতে পেলো না। ভাবনার মধ্যে চূপ ক'রে দরজার হুককোর হাত দিয়ে দাঁড়িয়ে রইল। ভাবছিল।

বাইরে আর একথানা গাড়ি চলে গেল প্রচণ্ড শব্দ ক'রে।

সেন এবার দরজাটা খুলে। যুথ বের ক'রে উঁকি মেয়ে দেখতে চেষ্টা করলে। আবার গেল একথানা গাড়ি। আওয়াজ শুনেই বোকা গেল জীপগাড়ি বাচ্ছে। হইসিল বাজতে লাগল। এখানে ওখানে সেখানে। বেন একটা ইশারা, একটা নির্দেশ ছড়িয়ে দেওয়া হচ্ছে।

সেন দরজাতে দাঁড়িয়েই বললে—এ কি হল ?

উত্তর এল একটা বোমা ফাটার আওয়াজে। তারই প্রায় সঙ্গে সঙ্গে টু-টু-টু শব্দে মেশিনগানের আওয়াজ বেজে উঠল। তার সঙ্গে রাইফেল।

ঠাৎ সেন ছুটে পালিয়ে এল—দরজাটা বন্ধ করবার সময় বোধহয় ছিল না,—দরজাটা খোলা রেখেই পালিয়ে এল। ওদিকে বাইরে এসে থামল একটা ট্রাক।

ফট ফট ফট শব্দে গুলি ছুটে গেল চারিদিকে। সেন আমাকে বললে—পালিয়ে আস্থন !

—পিছনের ওই গলিপথ ছাড়া আর পথ কোথায় ?

পিছনে খুব সৰু একটা গলিরাস্তা। আগে এপথে বাড়ুদাররা ময়লা পরিষ্কার করবার জন্ত যাতায়াত করত এখন স্নয়েরেজ হয়েছে—তার পাইপ পাতা হয়েছে। মালুমজন বড় চলে না। সেই পথেই সেন রহিমকে গাঁজাকোলা ক'রে তুলে নিয়ে খিড়কির বহকাল বন্ধ দরজাটা ভেঙে বেরিয়ে গেল। আমি তার পিছনে।

ওদিকে বাড়ির বাইরের দিগন্ত আগিসের বন্ধ দরজায় লাথির পর লাথি পড়ছে। দরজা ভাঙছে। কয়েক সেকেন্ড পরেই দরজা ভেঙে পড়ার শব্দ হল। তারপরই ভারী জুতোর শব্দ। বাড়ির ভিতরটা ঘুরে দেখলে। গলিটাতেও টর্চ ফেললে। আমরা লুকিয়েছিলাম গলিটার একটা বাকো।

ওরা দিগন্ত আগিসের কাগজে ফানিচারে পেট্রোল ছিটিয়ে আগুন দিয়ে চলে গেল।

আমরা বসে রইলাম গলিতে।

চারিদিকে তখন শুধু গুলি গুলি আর গুলি। মেশিনগান রাইফেল চারিদিকে বেমন ইচ্ছে ছুঁড়েই বাচ্ছে, ছুঁড়েই বাচ্ছে এদিকে ওদিকে—কোথার উপরে একটু আলো দেখা বাচ্ছে কোন জানালায় সেদিকে গুলি ছুটছে।

চীৎকার চীৎকার চীৎকার। মালুম কাতরাচ্ছে কাদছে, আন্না আন্না আন্না।

কোন দিকে কেমন ক'রে যে সেই নরকের অন্ধকার দিয়ে গড়া রাস্তাটা পার হবে মালুম তা বলতে পারি না। বোকা হয়ে গিছলাম—নড়বার শক্তি ছিল না। চিন্তা করবার শক্তি নেই। সেনের দিকে আমি বিস্ময়িত দৃষ্টিতে তাকিয়ে আছি—সেন তাকিয়ে আছেন আমার দিকে—চোখে পলক পড়ে না—চোখের তারার একটা প্রস্র- এক প্রস্র—এ কি !

রহিম অজ্ঞান হয়ে গেছে— একটু একটু গৌ গৌ শব্দ বের হচ্ছে মুখ দিয়ে। সেন হঠাৎ বললেন—লোকটা হঠাৎ চোঁচিয়ে উঠলে মুখ চেপে ধরবেন। সদর রাস্তা থেকে শোনা গেলে ওরা খুঁজে এসে ঢুকবে।

কুহুরটা একপাশে পড়ে ধরধর করে কাঁপছে।

ওদিকে গুলি সবানে চলছে।

হুইসিলের শব্দ উঠছে।

ট্রাক আসছে বাচ্ছে। বিরাম নেই। বাতাস কাঁদছে কাতরাচ্ছে।

—বাঁচাও বাঁচাও বাঁচাও।

—ছেড়ে দাও, ছোড় দো, ছোড় দো।

—দোহাই আল্লাকো কসম খোদাকা—

ভারপয়ই চলে গুলি। টু টু টু টু টু।—লাইট মেশিনগান—স্টেনগান। সঙ্গে সঙ্গে খেঁষে যায়।

এরপর একবার যেন থামল। মানে গুলি থামল। হেঁটে চলাফেরা আরম্ভ হল। ওদিকে আমার বাড়ির সামনেটা দিগন্ত আপিসটা পুড়ছে। আগুনের আঁচ লাগছে। তবে নিভে আসছে।

সেন নিজের হাতবড়িটা দেখলেন—রেডিয়াম দেওয়া আছে কাঁটার। বললেন—তিনটে পার হয়ে গেছে।

ভয়ে এতক্ষণ পদুর মত ছিলাম। এখন ভয়টা কাটিছিল। এখানে এইভাবে—হে দৈব—কতক্ষণ থাকা যায়। অসহনীয় মনে হচ্ছিল। লোকগুলো অনবরত চলাফেরা করছে। ভারী বুটের শব্দ উঠছে। আমি আঁতে আঁতে এগিয়ে গেলাম। সেন বারণ করলেন।—না। যাবেন না।

কিন্তু আমি কাওয়ার্ড নই। আমার মধ্যে অসহিষ্ণু সাহসিকতা জেগে উঠেছে। না—বেপরোয়া ভাব নয়। অসহিষ্ণু সাহসিকতা। তখন কাছে জল নেই, মদ নেই, ছিগারেট পর্বত ফুরিয়ে গেছে। রহিমের জ্ঞান ফিরেছে—খুনখুন করে কাঁদছে। সেনের কথা আমি শুনলাম না—এগিয়ে গেলাম হামাগুড়ি দিয়ে, শেষটা শুয়ে শুয়ে। গলির মুখে ছায়াছন্ন দিকটার গা ঘেঁষে শুয়ে মুখ বাড়িয়ে দেখলাম রাস্তার আলো জলছে না, রাজি অন্ধকার, তার মধ্যে অনেকগুলো টর্চের আলো ঘুরছে। আমার চোখেও তখন অনেকক্ষণ অন্ধকারে থেকে অন্ধকারের মধ্যেও দেখার একটা ক্ষমতা এসেছে।

দেখলাম—চৌমাথার মোড়টার অসংখ্য মানুষ মরে পড়ে আছে। ধান সাহেবের জওয়ানেরা সেই লাশগুলো টেনে টেনে ট্রাকে তুলছে। পায়ে দড়ি বেঁধে টেনে নিয়ে আসছে—মৃতদেহ বলে এতটুকু সম্মান নেই, মধ্যে মধ্যে কোন লাশ যদি কিছুতে আটকে থাকে তা হলে টাননেওয়াল। ঘুরে গিয়ে প্রথমই মরা লোকটার মুখে লাগি মেরে—ভারপয় খাতে বা যেখানে আটকেছে সেখান থেকে ছাড়িয়ে নিচ্ছে। ভক্তিত বিশ্বয়ে দেখছিলাম।

ঠাকটা চলে গেল লাশ-বোঝাই হয়ে । কিছু লাশ তখনও কিন্তু পড়ে রইল ।

আমার পায়ের উপর ইশারা জানিয়ে সেন বললেন—পিছিয়ে আছেন । আর না ।  
যাত্রি শেষ হয়ে আসছে । কখন হয়তো নজরে পড়ে যাবেন ।

পিছিয়ে এসেছিলাম ।

\* \* \*

২৬শে সকাল হল । কাক কোকিল মোরগ পশুপাখি যেমন ডাকবার তেমনি ডাকল ।

সেন আমার মনকে সজাগ করবার জন্তে সেদিন কথাটা বলেছিলেন—Mr. Officer,  
আমি পল্লুর মত হয়ে গিছিলাম ।

আমি coward নই । বলেছি তো একবার, বাঘশিকারীর সঙ্গে বনে মাচার উপর  
সারারাত্রি একলা বসেছিলাম । বাঘটা আমি মারিনি কিন্তু বাঘটা লাক মেরেছিল আমারই  
মাচার সামনে । She was a tigress—জাফরউল্লা খাঁ সাহেব তার বাচ্চাটাকে মেরেছিল  
একটু আগে ; বাঘিনীটা কিছুক্ষণ পর এল বাচ্চা খুঁজতে,—she was furious—

অফিসারটি বললেন—নিজের কথাই আছেন । নিরর্থক বাজে কথা বাড়িয়ে লাভ  
কি ?

লোকটি বললে—Excuse me please. আমি ভুলে যাচ্ছি ; নিজেকে ঠিক control  
করতে পারছি না । তবে নিরর্থক বাজে কথাও নয় Mr. Officer.—নাহলে আজ মুহূর্তে  
এইখানে spy বলে সন্দেহভাজন হয়ে কৈফিয়ত দিতাম না আমি, আমি কোন ক্রীড়ান  
মিশনে গিয়ে অনায়াসে নিরাপদ আশ্রয় পেতে পারতাম । হয়তো এই ঘটনার পর চলে যেতে  
পারতাম ইউরোপ বা আমেরিকা বা Australia. তা আমি বাইনি । আমি coward নই—  
আমি traitor-ও নই । যে বাবা আমাকে নিঃসহায় নিঃসম্বল ফেলে রেখে চলে গেছে  
তার great grandfather-এর দেশে, তার প্রতি আমার কোন ভালবাসা ছিল না—নাই-ও ।  
কিন্তু my mother—আমার মা ছিল এদেশের মেয়ে ।

—আপনি কি মনে আঘাত পেয়েছেন Mr.—

—I am Mr. Armstrong—David Armstrong.

—আঘাত পেয়ে থাকলে আমাকে মাফ করবেন । কিন্তু যদি সেই সঙ্গে বলি যে  
কিছু কিছু এমন অপ্রিয় কর্তব্য আছে যা পালন করতে গেলে sentiment-কে বাঁচানো যায়  
না । বলুন তারপর—

—সেন ভদ্রলোকটি আপনাকে সকাল হুজ্জে মনে পড়িয়ে দিয়ে বলেছিলেন কিরে  
আসতে ।

বিস্টার আরষ্টং বললে—কাক-কোকিল ডাকছিল—মোরগ ডাকছিল—হুটো-একটা  
কুকুরও ডাকছিল—কিন্তু সে ঠিক কুকুর যেমন ভাবে ডাকে তেমন ভাবে ডাকা নয় ; কুকুরেরা  
কাঁদে জানেন—তেমনি ভাবে যেন কেঁদে ককিয়ে উঠছিল ভয়ে । তারই মধ্যে নিস্তকতা অথ  
ক'রে একটা হুটো রাইফেলের শব্দ ।



সেনের কথায় সবিৎ কীরেছিল আমার। পিছিয়ে গলির মধ্যে এসে বে একটা বাঁকের  
বোড় ছিল সেইখানে কীরে এসেছিলার।

সেন বলেছিলেন—গলিতে নয় আর। বাড়ির ভিতরে চলুন। দেখে শুনে লুকোবার  
নত জায়গা একটা করে নেব।

ওদিকে সামনের দিকে দিগন্ত কাগজটার আগিসে লাগানো আগুন তখন নিতে  
এসেছে।

কলে জল পড়ছিল, শব্দ উঠছিল।

জল পড়ার শব্দ শুনে মনে হয়েছিল গলা পর্যন্ত তুষার যেন শুকিয়ে কাঠ হয়ে রয়েছে।

কলে হাত পেতে জল খেয়ে নিয়েছিলার। পিছনে এসেছিল রহিম।—পানি—  
পানি—

সেন এসে দাঁড়িয়েছিলেন। ওয়াটার বটল, মদের বোতল নিয়ে। বলেছিলেন—জল  
ভরে নিয়ে কল বন্ধ ক'রে দেব। জল পড়ার শব্দ শুনে মনে হবে বাড়িতে লোক আছে।

দরজা বন্ধ করতে দেননি সেন। বলেছিলেন—না—তাহলে সন্দেহ হতে পারে কেউ  
আছে ভেতরে। থাক খোলাই থাক।

আমরা আশ্রয় নিয়েছিলার ওই ঘরটার মধ্যে। খুব যত্ন ক'রে আড়াল তৈরী  
করেছিলার। রহিমকে নিয়েছিলার ঘরের মধ্যে। আমাদেরই সে জড়িয়ে ধরেছিল। রহিমের  
হুকুরটাকে জড়িয়ে দিতে চেষ্টা করেও পারিনি—সেটা গিয়ে ঢুকে বলেছিল পাইখানার মধ্যে।

সেনের কাছে খাবার ছিল। আমার ঘবে ছিল খানকয়েক বিস্কুট, খানিকটা চিনি,  
ছানা। গভাকালের বাসী কটি। তাও হেঁড়া। খেয়ে পড়েছিল যা তাই। সেনের কাছে ছিল  
ছানা। পাঁউরুটি, কিছু বিস্কুট। আর ছিল কয়েকটা লজেন্স। সেন লজেন্স খান। সব  
সময় কাছে রাখেন।

সকাল হয়ে এল, ঘর অন্ধকার, বন্ধ বাইরের জানালাটার কয়েকটা জোড় আর  
কাটাছুটো দিয়ে আলোর রেখা দেখা দিল।

আন্তে আন্তে গিয়ে একটা ফুটোয় চোখ রাখলাম।

খুব ছোট বয়স, মাঝারি একটা চৌমাথার উপর ছিল আমার বাড়িটা। চৌমাথার  
একটা লম্বা ফালি দেখা যাচ্ছিল।

হে ঈশ্বর।

মূলোতে আর রক্তে পিচের রাস্তার উপর কালো একটা স্তর পড়েছে—থুথুথু করছে।  
লাশ পড়ে আছে তখনও। পনের-বিশজনের মৃতদেহ তো বেহুই। হাত-পা ছড়িয়ে পড়ে  
আছে। নানা ভজিতে মরে সেই ভজিতেই পড়ে আছে। কেউ মূখ খুঁড়ে খাড় ভাঁজে  
পড়েছে। কারুর মাথাটা পড়েছে ড্রেনের মধ্যে, পা দুটো উপর দিকে উঠে আছে।  
কাপড়চোপড়গুলো তখনও লাল টকটক করছে। তারই উপর পড়েছে সূর্যের আলো।

হঠাৎ আবার হুইসল বেজে উঠল দূরে, সঙ্গে সঙ্গে চৌবাধা থেকেও বাজল। ওই আনালার ফুটো দিয়ে দেখা যাচ্ছিল না কোথায় দাঁড়িয়ে আছে বারো হুইসল বাজিয়ে উত্তর দিচ্ছে।

দূরে মিলিটারি ট্রাকের সাড়া জাগল।

সঙ্গে সঙ্গে আবার টু টু টু টু। কট-কট-কট-কট। হুম-হুম-হুম। শব্দ বেজে উঠল।  
'মেশিনগান রাইফেল চলছে—গ্রেনেড ছুঁড়ছে।

সেন বললেন—আবার আরম্ভ হল। সরে 'আত্মন।

মিথ্যে বলেননি সেন। উপরতলার পোড়া দিগন্ত আগিসের দেওয়ালে বুলেট এসে বিঁধছে। বর বর ক'রে পলস্তারা খসছে। হুমদাম শব্দে চাঙর খসছে। একটা বুলেট এসে আমরা যে একতলা অংশটায় ছিলাম তারই ছাদের আলসেতে বিঁধল।

রহিম বু-বু শব্দ ক'রে উঠল ভয় পেয়ে।

হাহা হিহি শব্দে কারা হাসছে। হাসির সঙ্গে সঙ্গে বাজছে মোটরের শব্দ। খান সাহেবের সৈনিকপুরুষেরা হাসছে।

আমি সরে এলাম।

রহিম বললে—সাহেব।

উত্তর দিলাম—চেজাস না রহিম। শুনছিস না বন্দুকের শব্দ? কান্না?

অপরাধীর মত রহিম বললে—হায় আন্না—

আমি বললাম—কি বলছিস রহিম। আস্তে বস। তোকে আমি বকছি না। রাগ করিনি। বলছি আস্তে বস। শুনতে পাবে বাইরে থেকে।

—আজ কি আর ফজর আইব না সাহেব?

—সে কি? ফজর তো হয়ে গেছে রহিম।

—হয়ে গিছে তো ইসব খামভেছে না কেন?

—কাক-কোকিল ডাকছে মোরগ ডাকছে শুনতে পাচ্ছিস নে?

—তা হ'লি ওরা অখনও এমন কইরা কি করত্যাছে?

—মাহুয মারছে রহিম—বারে পাচ্ছে তারেই গুলি করছে।

কৈদে উঠল রহিম। সে কান্না বিচিত্র কান্না। খুনখুন শব্দে চাপা কান্না তার বুক ঠেলে বেরিয়ে এল। সেন তার মুখ চাপা দিয়ে বললেন—চুপ।

আবার চলতে লাগল গুলি, গ্রেনেড আর মাহুযের চীৎকার।

আ-আ-আ। আ-আ। কথা নাই শুধু চীৎকার রব।

আবার বৃকে গাঁথা হয়ে আছে। মধ্যে মধ্যে দু'একটা কথা—বাপ্পে—হায় আন্না—হে ভগবান—ওরে না রে। গেলাম। বাঁচাও। ও।

এমন একটা গৈশ্যচিক দিন কেউ কখনও কোনকালে দেখেনি—এ আমি বিস্ময় বলতে পারি।

সেন হঠাৎ বললেন—আপণাণের বাড়িগুলো ভেঙে ভেঙে চুকে দেখছে। দেখছে নয়  
গুলি করছে। আরছে। লুঠ করছে। হে ভগবান—

কথা বলতে বলতে হঠাৎ খেমে গিয়ে সেন বলে উঠলেন—হে ভগবান—

অিজ্ঞাসা করলাম—কি হল ?

—বাড়ি থেকে টেনে টেনে মেয়েদের বের করে আনছে। বুকের কাপড় টেনে ছিঁড়ে  
দিচ্ছে। আঃ—উলজ ক'রে দাঁড় করিয়ে দিচ্ছে—

আমি এগিয়ে গেলাম। বললাম—সরুন তো, দেখি কাদের বাড়ির সর্বনাশ করলে।

আমার প্রতিবেশীর মধ্যে তিনটে বাড়ি ছিল হিন্দুর। ওদের মেয়েদেরও মোটামুটি  
চিনি আমি। ছায়ার সঙ্গে ওদের পরিচয় ছিল। আনালার একটা ছিদ্রতে চোখ লাগিয়ে  
শিউরে উঠলাম। সে এক নির্ভর আতঙ্ক—অবিখ্যাত ভয়ঙ্কর; সে একটা নারকীয়  
পৈশাচিকতা।

মনে হল একদল প্রেত প্রেত-তাণ্ডব শুরু করেছে—নরকের অন্ধকারের উপর দিনের  
আলো পড়ে নরকে কি ঘটে তাই দেখাচ্ছে।

আঠারো-বুড়ি কি বাইশ-তেইশজন মেয়ে,—উলজ অর্ধ-উলজ হয়ে কুঁকড়ে কোনরূপে  
নিজের দেহটাকে নিজের দেহ দিয়ে ঢাকতে চাচ্ছে। কয়েকটা মেয়ে ছিঁড়ে কেড়ে নেওয়া  
কাপড়টার একটা দিক তখনও হাতে বুকের উপর চেপে ধরে আছে। সব থেকে বীভৎস  
একটা পিশাচ একটা মেয়েকে রাস্তার উপরই ফেলে তার কাপড়চোপড় ছিঁড়েছে মেয়েটি  
চেঁচাচ্ছে, পিশাচটা তার মুখে চাপড় মারছে। আর একটা পিশাচ একটা পূর্ণ উলজ মেয়েকে  
লাথি বেরে রাস্তার উপর ফেলে দিয়ে তার উপর কাঁপিয়ে পড়ল।

ক'টি মেয়ে—তারাত সম্পূর্ণ উলজ—মাথার চুলগুলো বিশৃঙ্খল বিস্তৃত,—তারা বধাসম্ভব  
কুঁজো হয়ে নিজেকে ঢেকে হাত জোড় করে ভিক্ষা করছে। একটি মেয়ে হাঁটু গেড়ে বসে  
হাত জোড় করেছে। গুনতে পাচ্ছিলাম তাবা মিনতি করছিল—তোমাদের পারে ধরি  
বাঁচাও—ছেড়ে দাও—আম্মার দোহাই—

ওদিক থেকে ছুটে এলো ছুটো পিশাচ—তারা এদের উপর কাঁপিয়ে পড়ল।

আমি আমার মাথার চুল হাতে টেনে ধরে কোন ভক্তির মত একটা বোবা চীৎকার  
করে উঠতে চেয়েছিলাম।

আমার পিঠে হাত রেখেছিলেন মিষ্টার সেন।

আমি তাঁর দিকে তাকাতো সেন বলেছিলেন—সরে আসুন—ভুলে যান আপনি বেঁচে  
আছেন,—চোখ বন্ধ করে কানে আঙুল দিয়ে মুখ ভাঁজে পড়ে থাকুন।

আমি বলেছিলাম—না, আমি বেরিয়ে গিয়ে সারনে থাকে পাব তাকে বেরে ফেলব।  
তারপর ওরা আমাকে মেয়ে ফেলুক।

সেন বলেছিলেন—না।

—কিন্তু আমি যে পাগল হয়ে যাব—

—সে কি আনিই বাব না ?

হঠাৎ আমার পালাবার কথা মনে হয়েছিল।—চলুন—তা হ'লে পালিয়ে যাই—

—পালিয়ে ?

—হ্যাঁ। এখানে থাকলেও তো মরতে হবে।

ছুজনেই ছুজনের মুখের দিকে চেয়ে বসে রইলাম—কিন্তু পালাবারও কোন পথ সামনে কল্পনা করতে পারলাম না। একটা ভয় একটা অসহায় দুর্বলতার মধ্যে বেন ডুবে যাচ্ছিলাম।

এরই মধ্যে হঠাৎ বাইরে উঠানে জুতোর শব্দ উঠল। চার-পাঁচজন মানুষের জুতোর শব্দ।

খটখট শব্দে দাপিয়ে বেড়ালো খানিকক্ষণ। আমরা নিঃশ্বাস রুদ্ধ করে বসে রইলাম। সেন রহিমের মুখ চেপে ধরলেন। রহিম প্রায় অস্বস্তি। একটা চোখ একেবারে নেই। একটা চোখে অল্প অল্প দেখে; সেই একটা চোখের সে-দৃষ্টি আমি ভুলতে পারব না। সেন খুঁকে পড়ে কানের কাছে মুখ এনে বলেছিলেন—চু—প—

স্থির হয়েই পড়েছিল রহিম, নড়েনি।

হঠাৎ আমাদের ঘরটার দরজার কাছে এসে একজন একটা ভয়ানক চীৎকার করে উঠল—আয় বাপ—উ—কা ?

—সাপ—

—নেহি—

রহিম রোঁয়া-ওঠা কুকুরটার ওই রোঁয়া-ওঠা রোগ সারাবার জন্ত সাপের খোলস একটা কুড়িয়ে এনেছিল কাল বিকেলে। সেটা রাখা ছিল পাঁচিলের উপর ঝুলিয়ে, কখন যে সেটা উঠানে আমবা যে ঘরে লুকিয়েছিলাম—তার সামনে এসে পড়েছিল কেউই তা জানতাম না। মানে আমরা কেউ খেয়াল করিনি, এদেশে যারা থাকে তারা সাপকে ওদের মত গ্রাহ্য করে না—ভয় করে না। আমরা হয়তো দেখেও দেখিনি। হয়তো পাঁচিলের উপর থেকে আমারই গায়ে ঠেকে খসে পড়েছে—আমি গ্রাহ্য করিনি।

তবে সাপের খোলসটা বেশ বড় রকমের ছিল।

আমরা ঘরের ভিতর থেকেই শুনতে পেলাম—তিন-চারজনে প্রায় সমস্বরে বলে উঠল—আরে বাপ—

—এ—ত—না বড়—।

—কাঁহা ছায় উ ?

—কে জানে ?

বলতে বলতেই ঘরের মুখটার এসে দাঁড়াল এবং বলল—বিলকুল আধিরাত্রী—

একটা পা চৌকাঠের এপারে পড়ল। কে একজন বললে—নেহি জী—

সঙ্গে সঙ্গে চিৎ পড়ল ভিতরে। ঘুরল ভিত দেওয়ালে। একজন বললে—টুটুটুটু

চিহ্নবিহীন—

একজন বললে—বরবাদ হো গয়া সব—

আর একজন বললে—ই তো আধবর কা আগিল হার। উ তো আলা দিয়া  
হরা—উ লোক ভাগ গিয়া হোগা—

—কাঁহা বায়েগা? রাত্তাকে পর খতম হো গয়া হোগা।

—একজন বললে—আরে দূর কোই অগুয়ং মিলি নহি—

—চলো—চলো—

আবার একবার চারিদিকে আলো ফেললে। আমরা কতকগুলো ভাঙা লোহার  
আসবাবের তলার পড়েছিলার মতের মত।

ওরা চলে যাওয়ার পরও অনেকক্ষণ আমরা কেউই কথা বলিনি। মনে হচ্ছিল বুঝি  
অনন্তকাল ধরে এইভাবে বোবার মত কালার মত কানার মত পক্ষাঘাতগ্রস্তের মত পড়ে আছি।

হঠাৎ একসময় আবার গুলির শব্দ, আর তাবও থেকে বেশী উঠেছিল মেয়েদের  
গলার আর্তনাদ।

They were shrieking—it was terrible. কোন কথা নেই, শুধু চীৎকার এর  
আগেও তারা করছিল, when the brutes were—. I have told what happened.  
তখন ভেবেছিলাম এই শেষ, এরপর আর নেই।

কিছু না। এরপর আরও ছিল। আমরা ধারণা করতে পারিনি। এবার ওরা  
গুলি ক'রে এবং বেয়নেটিং ক'রে they killed those women.

রহিম জিজ্ঞাসা করেছিল—সাহেব, কি অইত্যাছে সাহেব? সাহেব?

সেন তার মুখে একটা ধাপ্পড় মেয়ে বলে উঠেছিলেন—তোকে আমি মেয়ে ফেলব  
রহিম—তুই চুপ কর।

এরপর সারাটা দিন আমরা নিখর নিষ্পন্দ হয়ে পড়ে রইলাম। মধ্যে মধ্যে চুপেছি—  
তন্দ্রা এসেছে, আবার গুলির শব্দে মর্টার কামানের শব্দে চমকে সে তন্দ্রা ভেঙে গেছে।  
পরস্পরের দিকে তাকিয়ে থেকেছি। কথা বলতে পারিনি। কথা খুঁজে পাইনি।  
সারাদিনের মধ্যে খানিকটা রুটি আর চিনি ছাড়া আর কিছু খাইনি। কষ্ট ধাবারের জন্তে  
হয়নি। কষ্ট হয়েছিল drinks-এর জন্তে। একটু মদ হ'লে হয়তো জোর পেতাম, মদের  
থেকেও বেশী কষ্ট হয়েছিল সিগারেট-বিড়ির জন্তে। রহিমটা আশিং ধার—খানিকটা আশিং  
ওর ছিল—সেটা ও সবটাই ২৫শে রাত্রি থেকে সন্ধ্যা পর্যন্ত ধরে একটা সেলসেস হাক-  
অ্যান্ড-নির্বোধের মত বিসিয়েছিল।

বাইরে সারা শহরে মিলিটারি ডেইকলুসের চলাফেরার শব্দ। গুলির শব্দ।  
ট-ট-ট-ট। লাইট মেশিনগান, হেভি মেশিনগান। অটোমেটিক রাইফেল। মর্টার।

চ্যাক চলার শব্দও পেরেছিলাম। সে একটা নেভাল—আই বীন খোনাটে কন-খন-  
কন-খন শব্দ কানে শুনে শরীরটা শিউরে ওঠে, মস্তক আর্তনাদ করে উঠতে চায়—প্রাণপণে

নিজের মুখ নিজে চেপে ধরি। বাইরের আর্ন্তনাদের মধ্যে বড় ঈর্ষ্যের দাব—হার আরা  
হার আরা, হে ভগবান—তত জন্মের বড় উ—আ—হা চীৎকার।

সেন একবার কঁদেছিলেন।

জিজ্ঞাসা করেছিলেন—আপনি কঁদছেন ?

সেন বলেছিলেন—হ্যাঁ। ছেলেটা মেয়েটা আর স্ত্রীকে যেন হঠাৎ মনে পড়ে গেল।  
মনে হচ্ছে আর দেখা হবে না। এখান থেকে বেরুতে আর দেবে না এরা।

জিজ্ঞাসা করেছিলেন—আপনার কেউ নেই আপনার জন ?

বলেছিলেন—না। এখন আমি সম্পূর্ণ একা।

\*

\*

\*

বাক্সি তখন প্রায় শেষরাত্রি—

হ্যাঁ, ২৬শে মার্চ শেষরাত্রি ; সেন তাঁর বাড়ি দেখে বলেছিলেন দুটো। বেশ কিছুক্ষণ  
যেন সব থেমে এসেছিল—কাল থেকে দিনরাত্রি মানুষজন সব পাগল হয়ে গিয়েছিল। বাক্সি  
বগটা-দেড় কি দুই সবে যেন ছেদ পড়েছে। মধ্যে-মাঝে দুটো কি একটা কি পর পর তিন-চারটে  
শটের আওয়াজ হচ্ছিল।

সেন অঙ্ককারের মধ্যেই বাড়ি দেখে বলেছিলেন—দুটো।

আমি বলেছিলাম—খামল মনে হচ্ছে—

কথা শেষ হতে না হতে পর পর দুটো রাইফেলের গুলির আওয়াজ হল, আমাদেরই  
সদর দরজাতেই একটা বুলেট এসে বিঁধল, আর একটা কিছু পড়ার শব্দ হল, তার সঙ্গে একটু-  
খানি চীৎকার। চীৎকার ঠিক হয়েছিল কিনা তা ঠিক বলতে পারব না। মনে হচ্ছে রহিম  
আঃ বলে চোঁচিয়ে উঠেছিল। কানা রহিম কখন যে এরই মধ্যে এই কিছুক্ষণ শান্ত নিস্তক রাত্রির  
ভরসা পেয়ে বাড়ি থেকে বেরিয়ে পড়ে কোথাও হোক পালিয়ে যাবার কল্পনার হামাগুড়ি দিয়ে  
বেরিয়ে পড়েছিল তা আমরা জানতে পারিনি। কিন্তু বেরিয়ে সে পড়েছিল—একটা চোখে  
সে একটু-আধটু দেখতে শেত। পথে সেদিন আলো ছিল—মিলিটারি লোকেরা নিজেদের  
পরজাই আলিয়ে রেখেছিল। রাত্রি শান্ত হওয়ার আভাস পেয়ে আর বাইরের আলোর  
আশ্বাস পেয়ে যেই বেরিয়ে দাঁড়িয়েছে দরজার সামনে, আর দুদিক থেকে দুটো রাইফেল গর্জে  
উঠেছে।

রহিম পড়ে গেল। রহিমের কুঁকুরটাও বোধহয় ওর সঙ্গে বেরুতে চেয়েছিল—সেটা  
আর্ন্তনাদ করে উঠল—সঙ্গে সঙ্গে আর একটা গুলি। বাস, সব নিস্তক।

না। সঙ্গে সঙ্গে কয়েকখানা বুটপরা পা এসে বাড়ির উঠানে দাঁড়িয়ে কয়েকটা গুলি  
হুঁড়লে। দেওয়ালের পলকতার খসে পড়ল। দুটো বুলেট আমাদের লুকোনো ঘরের  
দেওয়ালে বিঁধল। বাড়ির চারিপাশে আবার খুঁজলে। পাইখানা বাথরুম কলের জুকনো  
চৌবাচ্চা একটা কলস-রাখা চোরকুঠরী। তবুও ওই সাপের খোলসটা দেখে আমাদের  
ঘরটার হুকল না—গাল দিতে দিতে বেরিয়ে চলে গেল।

কিছু নেই বাড়িটার। না জিনিসপত্র না মাছব না ঔরং।

বললে—ছোকরী ছোকরী। বাংগালীন ছোকরী কালী কালী, লেকেন আচ্ছা আচ্ছা হয়। একঠো নেহি। বিলকুল ভাগ গয়ি।

আমরা বোবা হয়ে বসেছিলাম।

ভাবছিলাম—এর পর?

আমি ভাবছিলাম আমি এখান থেকেই টেঁচিয়ে বলব—ময় বাংগালী নেহি হ', ময় হিন্দু ভি নেহি, মুসলমান ভি নেহি, ময় ক্রীশ্চান হ'। পাকিস্তানী ক্রীশ্চান; মুখে যানে দো।

ঠিক সেই একই সময়ে সেনও ঠিক এক কথাই ভাবছিলেন। ভাবছিলেন চলে বাংবার কথা।

না গিয়ে উপায় নেই—এখানে থাকলে মরতেই হবে।

হঠাৎ সেন উঠে দাঁড়ালেন। আমি জিজ্ঞাসা করলাম—কি?

সেন বললেন—পালাব। এখানে বাঁচা অসম্ভব।

জিজ্ঞাসা করলাম—কোথায় যাবেন?

—ঢাকার বাইরে—শহর থেকে দূরে—যেখানে হোক।

তারপর আমার মুখের দিকে তাকিয়ে জিজ্ঞাসা করলেন—আপনি কি করবেন?

কোন চিন্তা-ভাবনা করলাম না, করতে ইচ্ছে হল না; গত কালকের আজকের মত দুটো রক্তাক্ত প্রেতভাণ্ডবে বীভৎস এবং ভয়ঙ্কর দুটো রাত্রি একটা গোটা দিন এই আরশোলা-ইহুর-পিঁপড়ে ভর্তি অন্ধকার একটা ঘরে রুদ্ধভাবে কাটানোর পর এসবের থেকে দূরে কোথাও পালাবার কথায় কোন চিন্তা-বিবেচনার কথা আসবে কি ক'রে, কোন্ পথে? আমি সঙ্গে সঙ্গে বললাম—কিন্তু পালাব কোন্ দিকে? কি করে?

সেন বললেন—এর মধ্যেই বেঝতে হবে। না হয় মরব। এত লোক তো মরল—আমরা মরতে এত ভয় করব কেন। রিক্স নিয়ে বেরিয়ে পড়তে হবে। এবং এই ঘণ্টাখানেকের মধ্যে। মানে তোর হবার আগে।

•

•

•

পেরেছিলাম তা।

তিনটের পর একটা সময় এসেছিল, বোধ করি প্রেতভাণ্ডব করে ওরাও তখন রক্ত হয়ে পড়েছিল। তাছাড়া এ অঞ্চলটাকেও যুদ্ধের অঞ্চল বলে মনে হচ্ছিল। যে বাড়িগুলো লুণ্ঠ করবার তা লুণ্ঠ হয়ে গেছে; আগুন লাগাতেও বাকি নেই। এসব বাড়ির ঘেরেদেও বোধ করি আর কেউ অবশিষ্ট নেই।

তখনও ছ'চারটে লাশ পড়েছিল এখানে ওখানে হতরাং রক্ত না হয়ে আর কিছু করবার ছিল না। তবে দূরত্বের থেকে বেশিগানের শব্দ উঠছে। বাতাসে বেন আজকের আঁচ রয়েছে। এরই মধ্যে রাত্রি তিনটের পর একটা লরি এসে দাঁড়াল। শিউরে উঠেছিলাম। আবার বুঝি আরম্ভ হবে নতুন ভাণ্ডব! হে ঈশ্বর!

আতঙ্কিত হয়ে বিকারিত চোখে সেন এগিয়ে গিয়ে আনালার হুটোকে চোখ রাখলেন। আমি নিঃশ্বাস বন্ধ করে অপেক্ষা করে পিছনে বসে রইলাম। মিনিট-দুয়েক পর গাড়িটা চলে যাওয়ার শব্দ হল। সেন আনালার থেকে সরে এসে বেরিয়ে গেলেন বর থেকে।

আমি তাঁর পিছু পিছু গেলাম আর ক্রমাগত প্রশ্ন করলাম—মিস্টার সেন? সেন? সেন?

সেন শুধু বললেন—চুপ। চুপ করুন। চুপ—

বাইরের দরজায় উঁকি মেরে বাইরেটা দেখে ফিরলেন। আমাকে বললেন—চলুন। এই চাল। যে-কোন মুহূর্তে আবার গাড়ি আসতে পারে। বলে নিজের একটা ঝোলা আর একটা ব্যাগ তুলে নিলেন। আমিও নিলাম আমার চমিশ বন্টার ঝোলাটা তুলে। আরও একটা হাতব্যাগ।

সেন বললেন—ভারী জিনিস নেবেন না।

বেরিয়ে পড়লাম বাড়ি থেকে বাইরে রাস্তার উপর। রাস্তার আলো জ্বলছে। রাস্তার উপর এখানে ওখানে ডেড বডি পড়ে আছে। মেরে-পুরুষ। মেরে কম। গলির মধ্যে দুটো উলঙ্গ নারীদেহ পড়েছিল। গুলি করে মেরেছে। পাশ কাটিয়ে আসতে হল। আকাশের দিকে তাকিয়ে আছে।

আমরা গলিপথ ধরে চলছিলাম। মধ্যে মধ্যে রাস্তার এপার থেকে ওপারে গিয়ে আবার গলিতে চুকছিলাম। বড় রাস্তার কোথাও যতদেহ কোথাও রক্ত—কোথাও রাস্তার ধারের বাড়ি পুড়ছে।

ঠিক ছিল না কোথায় চলেছি। মাথার মধ্যে সব বেন গোলমাল হয়ে গেছে। পুরনো পৃথিবী, শান্ত পৃথিবী, বিশ্বাসের পৃথিবী, নিরাপদ পৃথিবী বাক্যে জানতাম সে পৃথিবীই বেন হারিয়ে গেছে।

সেন হন হন করে চলেছিলেন। আমিও চলেছিলাম।

মোরগ ডাকল কাক ডাকল কোকিল ডাকল একসময়।

থরকে দাঁড়ালেন সেন। বললেন—কোথায় এসেছি বলুন তো?

পুরনো শহরের কোন একটা অংশ।

হাঁ হাঁ করছে। এদিকটার আলো নেই। মানে রাস্তাতে ইলেকট্রিক নেই। তোরবেলাতেও থরথর করছে অন্ধকার। সেই অন্ধকারের মধ্যে চোখে পড়তে লাগল বাতাসের মূখ। গলি থেকে বাতাসের মূখ বাড়ছে। ভার্য বাতাস। ছ'চারজন বাইরে এল—আবার ভিতরে চুকল। আবার বেরিয়ে এল। তাদের বগলে পোঁটলা, কাঁধে জিনিসপত্রের মোট। ওরাও পালাচ্ছিল।

আরগাটা বুড়ীগলার বাটের কাছাকাছি।

বাটে কেঁরি নৌকোর চড়ে ওপারে গিয়ে যে বেনিকে পারে পালাবে।

বাটের ওপরে এখানে ওখানে ছড়িয়ে ছড়িয়ে দলে দলে লোক জমে রয়েছে। সামান্য



কখন চমকে উঠছে। ঘেরেরা কাঁদছে।

সেন আমাকে বললেন—আপনি কোথায় যাচ্ছেন?

বললাম—ঠিক তো করিনি। মনেও কিছু নেই। কোন বিশনে বাগরার কথাটা মনে ছিল না তা নয় কিন্তু ভাল লাগছিল না। মনে করতেও না।

সেন একটু চুপ করে থেকে বললেন—আপনি বোধহয় ভুল করলেন। আমারও খেয়াল হয়নি।

—কি? বুঝতে পারলাম না সেন কি বলছেন।

সেন বললেন—আপনি আমাদের মত এদের মত চলে যাচ্ছেন কেন? আপনার তো কোন আশঙ্কার কারণ নেই। আপনি হিন্দু নন—আপনি এদেশের মুসলমান নন—

আমি বলেছিলাম—মিস্টার সেন—তার থেকে মরা ভাল। আমার মা বাঙালী, আমি ক্রীশ্চান; আনোয়ারদের বিরোধী নই বলে আনোয়ারদের মিত্র হিসেবে ওদের কাছে প্রাণ বাঁচাতে চাইনে আমি। তার থেকে বরং আমি কোন ক্রীশ্চান বিশনে গিয়ে আশ্রয় নেব।  
They will save me.

সেন আশ্রয় করেছিলেন আমার আইডিয়া। বলেছিলেন—সেটা ভাল হবে। এ আপনি ভাল আইডিয়া করেছেন।

কিন্তু নদী পার হয়ে ওপারে এসে সব গোলমাল হয়ে গেল। এই যেরেটির সঙ্গে বিচিত্রভাবে জড়িয়ে পড়লাম।

ও-ঘরের দিকে হাত বাড়িয়ে অফিসারটি বললেন—ওর সঙ্গে?

—হ্যাঁ। নাজমার সঙ্গে। রহিমের মেয়ে নাজমা। আশ্চর্য রকমের কালো মেয়ে নাজমা। তাই দু'বছর আড়াইবছর পরেও ওকে দেখে চিনতে কষ্ট হয়নি।

অসংখ্য লোক—বেশির ভাগ গরীব আর মধ্যবিত্ত; এরা দলে দলে ঢাকা ছেড়ে পালাচ্ছে। এদের পাড়ায় হানা দিয়েছে ইরাহিয়া খাঁয়ের মিলিটারির দল, পাড়া পুড়ে গেছে; হেতি বেশিনগানের গুলিতে আর মর্টারের explosion এ ভেঙে গেছে; বারা সামনে পড়েছে তারা মরেছে গুলিতে, মেয়েদেরও মেরেছে। তবে তাদের জুর্ভোগ অনেক বেশী—চরম লাহনার পর বেরনেট বিঁধে দিয়েছে বুকে কি পেটে। ছেলেগুলোকে শূঁতে ছুঁড়ে দিয়ে বেরনেটে পেরে নিয়ে খেলা করেছে তারা। বারা বেঁচেছে তারা পালাচ্ছে। ঢাকার আর কিছু নেই। ইউনিভারসিটি কামান-মর্টার দেগে ভেঙে দিয়েছে। প্রফেসরদের কোয়ার্টারে কোয়ার্টারে হানা দিয়ে টেনে বের করে এনে গুলি করে মেরেছে। গার্লস হোস্টেল থেকে মেয়েদের ঠাকে তুলে নিয়ে এসে তাদের চরম লাহনা করে শেষে গুলি করে মেরেছে। বাঙালী পুলিশ বাঙালী ই-পি-আরদের ২৫শে মার্চরাতে ব্যারাকে হানা দিয়ে মিথিচারে গুলি করে মেরেছে। আওয়ামী লীগ লীগারদের বাড়ির উপর ট্যাঙ্ক চালিয়ে দেবে ভাব বটেছে। আওয়ামী লীগের লোকেরাও ভৈরী হচ্ছে। তারা লড়াই দেবে—।

ভুলছিলাম বাড়ির বাড়ির, সেনও বাড়িরেছিলেন পাশে। ঢাকা থেকে বেরিয়ে এসে

তিনি বত বদলেছেন—তিনি এ লড়াই দেখবেন। ওই বাড়িটার মধ্যে থেকে আবার বুঝতে পারিনি যে প্রতিরোধ গড়ে উঠছে। বুঝতে পারিনি এখনও পৃথিবীতে নিখাস নেবার বাতাস আছে। বাহুবীর স্বতদেহ—রক্তে আর হুলোতে কর্দমাক্ত পথ ছাড়া আর কিছু দেখবার আছে। নদীর এগারে এসে বুঝলাম—আছে। তাই শুনছিলাম।

সেন এরই মধ্যে ঠিক করেছিলেন তিনি যাবেন চট্টগ্রাম হুমিরা হয়ে শিলেট বরমনসিংহের দিকে।

আমি ভাবছিলাম—বাই না ওর সঙ্গে।

হঠাৎ কেউ ‘বড় ভাইসাহেব’ বলে ফুঁপিয়ে কেঁদে উঠল আমার সামনে—একেবারে কোলের কাছে।

কে? চমকে উঠলাম। সামনে দেখলাম আশ্চর্য কালো মেয়ে। আমার মুখের দিকে তাকিয়ে আছে; নরুণে চেরা লম্বা দুটি চোখ থেকে জল গড়িয়ে পড়ছে দরদরধারায়; মাথার রুখু করকরে চুলগুলো বিশৃঙ্খল হয়ে ছড়িয়ে আছে; কোলে একটা দুমস্ত শিশু। আমার সামনে দাঁড়িয়ে কঁদছে। দেখতে দেখতে মনে হয়ে গেল একটা কোঁতকময়ী চকলা আশ্চর্য কালো মেয়েকে।

রহিমের মেয়ে—নাজমা।

ছায়া রহিমকে ডাকতো—রহিমচাচা।

রহিম ছায়াকে বলতো মা। নাজমাকে নাজমাই ডাকত ছায়া। নাজমা ছায়াকে ডাকতো ‘দিদি’ বলে, আমাকে বলতো ‘বড় ভাইসাহেব’।

আপনাআপনি আমার মুখ থেকে নামটা তার বেরিয়ে এল—তার মধ্যে ছিল অনেক বিষ্ময়। সবিস্ময়ে বললাম—নাজমা!

হা-হা ক’রে নাজমা কেঁদে উঠল।

\* \* \*

নাজমার স্বামী গুলি খেয়ে মরেছে। একটা বস্তির মধ্যে একখানা ছোট ঘরে ছিল ওদের বাসা। সেটা গুড়ে ছাই হয়ে গেছে। তবে ছেলেটাকে বুকে চেপে ধরে সেই হিংস্র অন্ধকারের মধ্যেও সে বাড়ি থেকে বেরিয়ে পড়ে নদীর ধারে পৌঁচেছিল কোনমতে। তার ছেলেটা বেঁচেছে—সে ঝেঁচেছে। কাল সারাদিন লুকিয়েছিল নদীর ধারে। রাতে পাড়াটা দেখে এসেছে। উঠানে স্বামীর দেহটা পড়ে আছে; নাজমা বললে—ছাতিভার গুলি চুক্য। পিঠ পালে বাইরিয়া গেছে—রক্তে সব ভাইয়া গেছে। চাপ বাঁধিছে।

ফুঁপিয়ে ফুঁপিয়ে কঁদতে লাগল।

বললে—আমি কার কাছে যামু,—কোথা যামু আমি?—বড় ভাইসাহেব আপনি বলে ডান।

এই ক’বটা আগে রহিম পালাতে গিয়ে গুলি খেয়ে মরেছে—কথাটা ওকে বলতে পারলাম না। কোন অবাবও খুঁজে পেলার না। ওকে নিয়ে কি করব? কিন্তু ও

আমাকে ছাড়লে না।

সেন বললেন—ঈশ্বরটাই তো আমি না ভাই ডেভিড—তবে ওকে তোমার কাছে ঈশ্বর চাপিয়ে দিলেন একথা বলতে আমার একটুও সন্দেহ হচ্ছে না।

ওই কথাটাই যেন আমিও বলতে চাচ্ছিলাম আমার আশ্রিত। একজন ক্রীষ্টানের যে ঈশ্বরবিশ্বাস থাকে সে বিশ্বাস ঠিক আমার নেই। চার্চে আমি বাইনি দীর্ঘদিন। এবার ঢাকায় ফিরে এসে একদিন গিয়েছিলাম। তার আগে মাসকয়েক বাইনি। নৌকোতে ঘুরছিলাম তখন।

হঠাৎ লোকটি ইংরেজীতে বলতে আরম্ভ করলে—You see I am not a Saint—I don't believe in things like others. নিজস্ব ওই করুণা ভিক্ষার মধ্যে আমার অনেক কিছু আশ্রিত কর। উচিত ছিল, কিন্তু তা করিনি—করতে পাবিনি। I didn't like it. ওই মুহূর্তে আমি আর এক মানুষ ছিলাম বোধহয়।

তা ছাড়া ঢাকার বাইরে এসে নদীর এপারে দাঁড়িয়ে মনে হচ্ছিল পুরনো পৃথিবী সব একেবারে মুছে যাবনি। তাই সেনের ওই কথাটা শুনে মনে হল ঠিক এই কথাটা তো আমি আমার আশ্রিতকে বলতে চাচ্ছি। সেই মুহূর্তে ঢাকার বাইরে নদীর এপারের ঘাটে দাঁড়িয়ে মনে কবতে পাবছিলাম না যে গোটা দেশটা অলে উঠবে কেপে উঠবে।

সেন বললেন—তা হ'লে আমি রওনা দিলাম ভাই। তুমি এক কাজ কর, একেবারে ইন্ট্রিয়বে গিয়ে কিছুদিনের জন্তে থেকে যাও। ওকে পার তো কোন একটা খেটে-খাওয়া কাজকামে লাগিয়ে দিয়ো। ও খাটবে খাবে—তুমিও তোমার কাজ দেখে নিয়ো। তোমার জু-জাইভার, টেক্সটার-বস্ত্রগুলো সঙ্গে এনেছ তো?

সেন চলে গেলেন। আমি ভেবেচিন্তে পথ ধরলাম নদীর ধারে ধারে গোয়ালন্দে দিকে।

I had some money—two thousand and five hundred. অর্থের ভাবনা ছিল না। ভাবনা ছিল নিজস্ব।

এমনই একটা আশ্রিত কালো মেয়ে এবং তেমনি আশ্রিত তার ছোটখাটো চেহারা। যেন একটা বালিকা মেয়ে। কিছুক্ষণ ভালো ক'রে দেখলে কিন্তু blood boils in your veins. তার বোঁবন যেন উপচে পড়ছে।

আমার মত cat's eye চোখওয়ালা, তামাটে গায়ের রঙওয়ালা, হ'ফুটের কাছাকাছি লম্বা একটা লোকের পিছন পিছন এই আশ্রিত কালো খাটো মেয়েটিকে দেখে সকলেই একটু একটু আশ্রিত না হয়ে পারেনি।

না-হলে পথটার বিশেষ বিষয় হয়নি। তখনও সারা দেশটার বুকের ওপর যে হাওয়া বইছে যে হাওয়ার নিঃশ্বাস নিলে দেহমন চনচন করে ওঠে, মাঠে চাবী তখনও হাল বইছে, দেখা হলে জব্বাংলা বলছে; বাজারে জায়গায় চায়ের দোকানে লোকজন বসে মুঠি তুলে শপথ নিচ্ছিল—They will fight to the last; ইনসিষ্টারে ক্যালকাটা রেডিয়ো স্টেশনের

প্রোগ্রাম বাজছে। ঢাকা রেডিও কেউ শোনে না। কারুর ঘরে বাজলে তার বিপদ আছে।

ঢাকার ২৫।২৬শে তারিখের বীভৎস নারকীয় তাণ্ডবের কথা বিস্তারিত করে বলছিল রেডিওতে।

এরই মধ্যে লোকের প্রশ্নের মুখোমুখি দাঁড়াতে হচ্ছিল—কোথেকে আসছেন?

—ঢাকা। বলতে ভয় পায়নি। লুকোবার প্রয়োজনও মনে হয়নি। এরপর প্রশ্ন করেছে—কোথায় যাবেন?

তাও সত্য বলেছি—পালায়ে বাইত্যাছি, কোথা যামু ক্যামন কইরা কই করেন?

—নাম কি আপনার?

এবার মিথ্যে বলেছি—বলেছি মনশুর। আমি ক্রীশ্চান, নাম ডেভিড আর্মস্ট্রং বলতে সাহস করি না।

তারপর জিজ্ঞাসা করেছে—ও কে? এই কালো মেয়েটি? এমন কালো ভো দেখা যায় না। ওর সঙ্গে আপনার সম্পর্ক কি?

আপনাআপনি মুখ থেকে বেরিয়ে এসেছে—আমার স্ত্রী। সেকথা ওকে আমি বলিনি। তবে ও শুনেছে দু-চারবার, কিন্তু কোন ভাবান্তর হয়নি। ওর বাচ্চাটিকে কোলে করে চুপ করে বসে থেকেছে। এক-আধবার বড় সংকোচের সঙ্গে আমার দিকে তাকিয়েছে, মুখে একটু বিষম হাসি ফুটে উঠেছে।

লোকে ঠিক বিশ্বাস করেনি আমার কৈফিয়ৎ। এই ধরনের কালো মেয়ে সাধারণ গৃহস্থবরের মেয়ে নয়। আশ্চর্য কালোর এই জাত দেখা যায় ওই বেদেটেদেদের মধ্যে—হিন্দুদের একেবারে নিচু জাতের মধ্যে। লোকে সন্দেহ করে তাকিয়ে থাকত আমাদের দিকে। নাজমার ছেলেটা অনেক কত্রে রক্ষা করত। ছেলেটার রঙ ওর মায়ের মত কালো নয়। চোখ তার আমার মত কচাঁসে না হলেও গায়ের রঙ যেন ফরসা ছিল। নাজমা তার ছেলেটাকে আমার কোলে তুলে দিয়ে আমার কাছে সরে এসে গা ঘেঁষে বসত।

নাজমাকে আমি সময় বুঝে অনেক সময় বলেছি—ভয় করিস না নাজমা। তোর নেকা দিয়া ঘর বসন্ত কইরাইয়া তবে আমার দায় শায অব। তরে আমি এমনি ছাইড়া দিয়া চইলা যামু না। তু জন্মস না।

ও বলত—কে আমারে নিকা করবে বড় ভাইসাধ?

বলতাম—ক্যান? তুই কালো, তাই কস ই-কথা?

ও বলত—তাও কই। তা ছাড়া আমার এই চাঁদটার কি অইব কও? পরের ছাণ্ডাল সবচেয়ে আমার মতুন কালী মাইয়া কে ঘরে লইবে, ক্যানে লইবে? নিকা করলি—আমার ছাণ্ডালভারে সে মাইয়া ক্যালাবে। তা থিকা—আমারে একটা পাট কাম ঠিক কইরা দিয়ো আমি থাইটা থামু। আমার চাঁদভারে আমার বাঁচাইতেই অইব। ও মরলি আমি বাঁচুম না।

রাজ্যের রূপ একটা আছে। আশ্চর্য রূপ। মিষ্টার অফিসার, আপনার চোখ আছে—আপনি সে রূপ দেখছেন—কিন্তু ওর বনের চেহারাটা আরও সুন্দর। ছেলেটাকে কোলে ক'রে দোলা দিয়ে ঘুমপাড়ানী গান গাইত। সে যে কত মিষ্টি তা বলতে পারি না। ওর মিষ্টি গলার কথা আমার অজানা ছিল না। ওর বাণের হাত ধরে ঢাকার রাস্তার ভিত্তে করত সে গান শুনেছি—ওর গলার গান আমার টেপে রেকর্ড হয়ে আছে। ওকে সাবধান ক'রে বলতাম—রাজমা এমন কইরা গান গাইল না। লোকেরা শুনলি কি জানি ভয়ে হিনাইরা নিবে।

সবল বোকা মেয়েটা লজ্জা পেয়ে বলত—ধ্যেং।

আমার গঞ্জে শক্ত হয়েছিল ওকে বোঝানো যে ওর রূপ আছে।

মিষ্টার অফিসার, দিনের পর দিন আমি যত ভাবতাম—এ বোকা আমি নামা কি ক'রে ততই যেন ওকে আমি আঁড়ে ধরেছি নিজেই। ভয় হয়েছে ও না আমাকে ছেড়ে চলে যায় অস্ত কাকুর সঙ্গে—কিংবা হঠাৎ কোনখানে দশদিন থাকতে থাকতে বলে বসে, তুমি এবার চইলা বাও বড় ভাইসায়ের—আমি এইখানে রইরা গ্যালাম গিরা।

ঘরের প্রতি রাজমার বড় টান।

প্রায়ই গল্প করত ওর জীবনের অল্প ক'দিনের ঘরের। যে জোয়ান ছেলেটিকে ভালবেসে সে তার ভিকাজীবী বাপকে ছেড়ে তার সঙ্গে চলে গিয়ে ঘর বেঁধেছিল ঢাকার আর এক প্রান্তে—সেই পুরুষের বিশেষ করে সেই ঘরের। তাদের আরও অনেক আশা ছিল। অনেক আশা, অনেক প্রত্যাশা। তারা শহরে রোজগার ক'রে নিয়ে গ্রামের দিকে যাবে। সেখানে কিছু জমি কিনবে—বাড়ি তৈরী করবে, হালগরু কিনবে; তার ছাওয়াল বড় হবে—তাকে পাঠশালে দেবে। সে পড়বে—ইস্কুলে পড়বে, কলেজে পড়বে।

এমনি গল্প করত। আমি ওর মুখের দিকে তাকিয়ে থাকতাম অবাধ হয়ে। I will not conceal Mr. officer—আমি গোপন করব না যে এইভাবে এই আশ্চর্য কালো মেয়েটির একটু প্রত্যাশা আশায় উজ্জল মিষ্ট হাসি মুখের দিকে তাকিয়ে থাকতে থাকতে আমি—; আমার বুকের মধ্যে একটা কিছু যেন তোলপাড় করে উঠেছে। আমি চকল হয়েছি। I could understand that it was desire,—that eternal desire of a man; সঙ্গে সঙ্গে নিজেকে তিরস্কার করেছি।

সেনের কথা মনে পড়েছে। সেন বলেছিল—আমি ঈশ্বরে বিশ্বাস করি না ডেভিড, কিন্তু এই মুহূর্তে ওই মেয়েটিকে দেখে আমার মনে হচ্ছে—এর দার তোমাকে ঘাড়ে নিতে হবে, এটা হল ঈশ্বরের নির্দেশ।

আমারও মনে হয়েছিল, এই কথাটাই যেন আমি আমার আমিকে বলতে চেয়েছিলাম।

পথের পর পথ পিছনে ফেলে সামনে চলছিলাম। কোথায় গিয়ে ওকে নিরাপদ দেখতে পারব! চলছিলাম নারায়ণগঞ্জ ফেলে সামনের দিকে, গোয়ালন্দ্রের দিকে। মধ্যে কীচান বিশপ পেরেছিলাম কয়েকটি। সেখানে গিয়ে আশ্রয় চেয়েছিলাম।

আমার পুরনো শানপোটে আমার হবির সঙ্গে আনাকে মিলিয়ে, ~~আমার~~ আমার পর কথা ভবে ~~আমি~~ বলেছিল—surely, তোমাকে আমরা অবশ্যই আশ্রয় দেব, but—

নাওয়ার দিকে আঙুল দেখিয়ে বলেছিল—She is not a Christian, She is a Muslim girl—তাকে তো আশ্রয় দিতে পারব না।

আমি বলেছিলাম কি বলছ তুমি কাদার। এই একটি বিশয় যেয়েকে তোমরা আশ্রয় দেবে না?

কাদার বলেছিলেন—তুমি জান না কি হচ্ছে দেশের মধ্যে। ঢাকার চিটামংএ কুমিল্লার বড় বড় শহরে হাজার হাজার men women children মেশিনগানের গুলিতে—

আমি অসহিষ্ণু হয়ে বলেছিলাম—আমি চোখে দেখেছি কাদার। দিনের আলোর ঢাকার রাস্তার উপর mothers sisters daughters were dragged in—and—

কাদার উপরের দিকে তাকিয়ে দৈবরূপে ডেকেছিলেন। অর্ধেক চিহ্ন এঁকে শুচি হয়েছিলেন। তারপর বলেছিলেন—ওরা যে মুহূর্তে জানতে পারবে যে ঢাকা থেকে পালানো একটি মুসলিম যেয়েকে আমরা আশ্রয় দিয়েছি সেই মুহূর্তে ওরা অপবাদ দেবে যে আমরা একটি মুসলিম যেয়েকে ক্রীড়ান করছি। তারপর—

আমি চুপ করেই থেকেছিলাম। কি বলব এর পর? আশ্রয় তো কাদার নিখে করেননি।

কাদার বললেন—এখন Pak soldiers চারিদিকে ছুটে বেড়াচ্ছে, gates of hell have been thrown open and devils are out—শহর থেকে গ্রামাকলের দিকে যাওয়া করছে। I would advice you to find out a shelter somewhere.—তুমি জান না মুসলিম লীগ people and জামেত-উল্লাহ people are working as informers. তোমাকে দেখলে তারা ধরিয়ে দেবে and—

\*

\*

\*

হঠাৎ ধরা পড়লাম। ধরা পড়লাম আমি।

লাহোর অকলে একটা বড় ইলেকট্রিক কোম্পানীতে চাকরি করতাম। সেই কোম্পানীতে এক নবাবজাদা অফিসারের সঙ্গে আলাপ হয়েছিল। উর্দু গজলে আমার খুব শখ ছিল; একদিন একটা নিঃসঙ্গ স্টোর আপিলে রাতে গজল গাইছিলাম আমি—নবাবজাদা জাকিরউল্লাহ খাঁ হঠাৎ এসে পড়েছিল সেদিন এবং আমার সঙ্গে ডেকে আলাপ করে সারারাত সে এক মহকিল জুড়ে দিয়েছিল। আমার লোক, দিলদারিয়ার আতুরী, আমার উপরওয়ালার হয়েও আমার গান শুনে বলেছিল—দেখ নোকরি আমরা কখনও করিনি। বোকার আদরই রাখতাম। এককালে কেনা নোকর গোলায় বাকী থাকত আমাদের। কাকর উপর বেজাজ খুল হ'লে তাকে খোঁসনা দিয়ে জায়গীর দিয়ে দিয়েছি, অমিন দিয়েছি। আজ উরোজ চলা গিয়া। অমিন জায়গীর আর নেই। लेकिन বেজাজ আছে। বেজাজ উপর খুল হয়ে গেছে বেজাজ। তুমি খুব ভাল গজল গেয়েছ। পরান থেকেই আমি থেকে

ঠিক আছে সেই ক্ষেত্রে তুমি দোষ হ'লে আমার।

এরপর অনেকবার দেখা হয়েছে। নবাবজাদা হামেশা হামেশা হুসাইন বেগম বলে এক বারিএর বাড়ি যেতো—আমি লাহোর গেলেই সে আমাকে নিয়ে যেত হুসাইন বাড়ি।

Of course I was quite a different person then. তখনও জীবনে বা মারা যাওয়ার কথা ছাড়া কথা পাইনি কোন। সে-ও খুব বেশী নয়, কারণ my mother was a nurse by profession -নিজে নার্স ছিল, আমি মাতৃস্ব হয়েছিলম একটি মুসলমান আয়ার কোলে। বাবা রেলের চাকরে, তা ছাড়া সাদা চামড়ার মাতৃস্ব—ওদের হাট' একটু বতর বরনের, আমি বলেছি আমার মায়ের মৃত্যুর পরই সে একটি আবহুড়ী বাঁটি ইংরেজ বেরেকে নিয়ে করে ইংল্যান্ড চলে গিয়েছিল—never thought anything about me; একটা ছড়ি পাখর হাতে নিয়ে লুকতে লুকতে হঠাৎ ফেলে দিয়ে চলে বাবার মত আমার কেলে চলে গিছিল। তার উপর আমার প্রথম বোবন। বড়ো জীবন—wild life সম্পর্কে আমার আকর্ষণ ছিল।

ইনসপেক্টর বললেন—Please be brief।

—Brief। হাসলে একটু লোকটি।—আচ্ছা। একটা কথা বলে নিই শুধু, সেটা এই যে ছাত্রা আমার জীবনে এসে আমাকে পাঠে দিছিল। And then this girl—ওই নাজমা।

\*

\*

\*

নাজমাকে নিয়ে গোরালন্দ ছাড়িয়ে কানুখালি রতনদিয়া বলে একটা আধা টাউনে আমি একটা বাসা ক'রে নিঃশাস ফেলতে চেয়েছিলম। আরগাটা যেন অপেক্ষাকৃত শান্ত বনে হয়েছিল। বাজারে আরগা; ক'রে খাবার—কাজ-কাম পাবার যেন সুবিধে ছিল। একদিকে শহর গজিয়েছে, অন্য দিকটা পাড়াগাঁ।

এখানে চারিদিকটা যেন অপেক্ষাকৃত শান্ত।

এপ্রিল মাস পড়ে গেছে তখন। এপ্রিলের প্রথম সপ্তাহ। মারা দেশটা মার খেয়ে মুহম্মান হয়ে পড়েছে, তবুও ভেঙে মুখ খুঁড়ে পড়েনি।

মারা দেশ জুড়ে পশ্চিম-পাকিস্তানী সেনাবাহিনী ছড়িয়ে পড়েছে। গ্রাম জলছে মাতৃস্ব মরছে জলি খেয়ে, সব থেকে বেশী লাহন। মেয়েদের, তাদের ঘরে ফেলবার আগে দল বেঁধে পশুর মত তাদের উপর পাশবিক অত্যাচার করছে। পথের ধারে নদীর ঘাটে এদের মধ্যে উল্লস নারীদেহ আকাশের দিকে তাকিয়ে পড়ে আছে। মারা দেহ রক্ত-গুলোতে মিশানো কাদার কর্নাক হয়ে গেছে; কান্নার বুকে জলির ছিন্ন, কান্নার পেটটা কালিরে দিয়েছে। সে দুঃখ বীভৎস, সে দুঃখ ভয়ঙ্কর। নাজমা আমাকে মধ্যে মধ্যে জড়িয়ে ধরে কঁদে উঠে বলত—বড় ভাইসাহেব, আমার কি আইব ?

যেহেতুই বিঁধে ঘেরে ফেলা শিকারের পড়ে আছে নারীদেহের পাশে।

একতাল রক্তাক্ত নান্ন।

নাথবা তার ছেলেটাকে বুকে চেপে ধরে হুঁপিয়ে হুঁপিয়ে কাঁদত।

ভদিকে উত্তেজনা উত্তাপ বৈশাখের ছপুনের গরম বাতাসের মত উঠেবেদ বিকেলবেলা ধস ধরেছে।

মার্শাল ল চলছে ২৬শে ভোরবেলা থেকে।

২৭শে খবর রটেছিল—মার্শাল ল অ্যাডমিনিস্ট্রেটর টিকা খাঁ গুলিতে মারা গেছে। একটি মেয়ে রৌশনারা বুকে হাইন বেঁধে ট্যাকের সামনে কাঁপিয়ে পড়ে ট্যাক ধ্বংস করেছে।

নানান্ গুজব নানান্ খবর। খবর রটেছিল—চিটাগং থেকে মুক্তিযোদ্ধা লিবারেশন আর্মি আসছে ঢাকার দিকে। ২৪নং ফিল্ড কোর্সের মেজর দৌলতপুরে আহত হয়েছে। পাক বন্ডার সারা ত্রিভু উড়িয়ে দেবে কি দিয়েছে বলেও গুজব রটেছিল।

ঢাকা রেডিও বন্ধ। রাজশাহী রেডিওও বন্ধ। চিটাগং-শিলেট-রংপুর কোন রেডিও চালু নেই তখন।

কলকাতা রেডিওর খবরের অস্তে লোকেরা উদ্‌গীত হয়ে থাকে। কলকাতা রেডিওতে একদিন মুজিবনগরে বাংলাদেশ গভর্নমেন্ট তৈরীর খবর শুনলাম।

আমার ট্রানজিস্টারটা ঝোলায় মধ্যে পোরাই ছিল। এমন হৃদয় ছোট জিনিসটি বের করতে সাহস হয়নি। লোকেরা এমনিই আমাকে এবং নাজমাকে পাশাপাশি দেখে সন্দেহের দৃষ্টিতে তাকাত্তে। তার উপর এই চোখে-ধরা এমন জিনিসটিকে বের করতে সাহস হয়নি।

নিভাত নির্জনে সময় স্বযোগ পেলে খবর ধরে শুনতাম।

এর পরই জোয়ারের পর ভাটির মত উলটো স্রোত বইল। লোকেরা আশা করেছিল—যে বিপ্লব ঢাকার সেদিন আরম্ভ হয়েছিল সেই বিপ্লব চারিপাশ থেকে in waves চলে আসবে—এই কিছুদিন আগের সাইক্লোনের মত। এবং West Pakistani troops movement, military operation উড়িয়ে ভাসিয়ে ব্যর্থ করে দেবে। কিন্তু তা হল না। সপ্তাহ ছ'রকের মধ্যে হাজারে হাজারে Pak soldiers মেশিনগান অটোমেটিক রাইফেল নিয়ে মিলিটারি ভেহিকল্‌স চড়ে শহরগুলোকে ছেড়ে ফেললে। হাজারে হাজারে লোক মরল—mothers daughters and sisters were raped in open day-light, then they were shot and killed, কামান বর্টার চালিয়ে university ভাঙলে—বড় বাড়ি ভাঙলে। বস্তি পোড়ালে। সেখানেও সেই এক ইতিহাস।

লোকেরা পালাতে লাগল। আগরতলা, আসাম, পশ্চিমবঙ্গ—হিন্দুস্থান। আমরা তখনও ঠিক করিনি বাংলাদেশ ছেড়ে কোথাও যাব কিনা। কালুখালি রক্তনিয়ার কাছাকাছি এসে বাজার ছেলেটা অহুবে পড়ল। নাজমা নিজের তর পেরে যেন এলিয়ে পড়বার পূর্বসূর্যে কাঁপছিল হুখানা দুর্বল পায়ের উপর দাঁড়িয়ে। ছেলেটার গায়ে বেশ উত্তাপ।

রক্তনিয়া কালুখালির বাজারের একপাশে একখানায় ঘরে প্রথম সপ্তাহখানেক থাকব



কেনে একটুকরো বালা নিয়েছিল।

ভারতীয় দেবদাস—এখানে ক'রে খাবার বেটে খাবার পথ আছে। ব্যালি থেকে বের ক'রে মিলার আবার বয়সপাতি। যে বাড়িটা ভাঙা নিয়েছিল, তাকে ছুটো বস ছিল, শাকসে ছিল একটি বারান্দা; সেই বারান্দার দেওয়ালের পায়ে খড়ি দিয়ে লিখে মিলার—Mr. D. Armstrong—Electrical Engineer—ইংরিজী বাংলা দুইভেই লিখল। দিনলোকের পর আরবী হরকেও লিখল। কখন চেষ্টা বেন ক্রিতে আরম্ভ করেছে।

বলতে বিধা নেই—বনে মনে লজ্জার আর শেষ ছিল না।

তা আমি স্বীকার করেছিলাম। কারণ আমি বাঁচাতে চেয়েছিলাম ওই ঘেরটিকে।

ওকে বলেছিল—নাহা, তুই বেন আর নিজের নাম নাহা বলবি নে। কেউ জিজ্ঞেস করলে বলবি—তোর নাম নাহা। নাহা আর্মস্ট্রং।

ওর খুব আশ্চর্য মনে হয়েছিল। জিজ্ঞেস করেছিল—বলব নাহা—? নাহা —। কি?—আর্মস্ট্রং শব্দটা প্রথমটা বুঝতেই পারেনি বেচার।

—নাহা আর্মস্ট্রং। মুখস্থ কর। রপ্ত ক'রে নে।

—হ্যাঁ দিদির বোন?

—না। তাও না। ছায়ার কেউ না। তুই শুধু নাহা। ছায়া মরবার পর তাকে আমি বিয়ে করেছি।

অবাক হয়ে সে আমার মুখের দিকে তাকিয়েছিল।

আমি কারণটা তাকে বুঝিয়ে দিয়েছিলাম। বলেছিলাম—দেখ, তুই মূলতঃ মেরে আমি ক্রীতদাস, আর আমার তুই কেউ নস, এ জানতে পারলে হয়তো গণ্ডগোল বাধবে রে। আমার তো দেখছি গভীর ধারণা হয়ে আসছে। লীগের পাওয়ার আনতেউলেনার দালালেরা তো চারিদিকে বেড়াচ্ছে—কে জানে কোন্ ক্যান্সাদ বাধার? কখন এসে বলবে—ও মেরে আমরা কেড়ে নিয়ে বাব। তবে তুই যদি যেতে চাস—কেউ যদি তাকে নেকা করে—

বার বার শিউরে উঠে নাহা বলেছিল—না-না-না-না বড় তাইসাহেব। না। আমার চান্দরে অরু কুর-বিরালের মতুন ছাক ছাক কইরা খেদাইতে চাইবে—যেদা করবে—হয়তো বা হাইনাই ক্যানবে।

\* \* \* \*

মতুন ঘরে আসতেও নাহার ভয় ছিল।

কিলের ভয় কাকে ভয় তা বলতে পারি না, নাহাকেও জিজ্ঞাসা করেছিলাম—সেও বলতে পারেনি—বোকার মত আমার মুখের দিকে চেয়ে থেকেছিল। শেষে বলেছিল—আমি আমি না—কইবারে পারব না বড় তাইসাহেব—তবে ক্যানন ব্যারো ভয় লাগে—ভয় লাগে।

ভয় আমারও লাগত। ভয় লাগত আমার আনাকে।

নাভনার মধ্যে আশ্চর্য একটা কি আছে। ওর আশ্চর্য কালো রং—ওর ডই আশ্চর্য বোবন। সেন আমাকে বলেছিলেন ইব্রের নির্দেশে এ দার এসে আবার উপর বর্তেছে।

আমি সারা জীবনে বাইবেল গোটাটা পড়িনি। তবু বাইবেল একখানা আমার কাছে থাকে। নাভনাকে সঙ্গে নিয়ে চলতে চলতে মনে হল বাইবেল পড়ি। আমি পড়তাম। নাভনাকে বলেছিলাম—নাভনা, আমাকে ডাকতে ছুঁলি নে, নানাজ যেন একবার ক'রে পড়িস। নানাজ নাভনা ঠিক পড়তে জানত না তবে হাঁটু গেড়ে বসে একবার চোখ বুঁজে আমা দয়া কর বলে ডাকত। বিপদের মধ্যে যখন কলকিনারা পাওয়া যায় না—তখন এ ছাড়া কোন পতি থাকে না। তবে এর ভরসাও যখন করা যায় না তখন আর কারুর ভরসা বা কিছু ভরসাই থাকে না।

সেই ভরসাকে রাখার করে একখানা বাড়ির একটা অংশ, একটা কুঠরী, একটুকরো রাস্তাবন, ভিতরে বাইরে ছোটো বারান্দা ভাড়া নিলাম। নাভনার নাম হল মারা। মারা আর্মস্ট্রং।

একটা গোটা দিন মুখস্থ করলে নাভনা।

মারা আর্মস্ট্রং, মারা আর্মস্ট্রং, মারা আর্মস্ট্রং। আর্মস্ট্রং, আর্মস্ট্রং, আর্মস্ট্রং, আর্মস্ট্রং।

পথ ছেড়ে ঘরভাড়া নিয়ে বাসায় ঢুকতে নাভনার ভয় হয়েছিল। ঘরে ঢুকে কিস্ত সে “আঃ বাঁচলাম” বলে স্বস্তির নিঃশ্বাস ফেলে বারান্দার উপর গুয়ে পড়েছিল। অহুহ, অর-হওয়া ছেলেটাকে টেনে নিয়েছিল কোলের কাছে। প্রায় ঘণ্টা-তিনেক ঘুমিয়ে তারপর উঠেছিল। দিনচারেকের মধ্যেই ছেলেটা সেয়ে উঠল, কিন্তু মাহুঘের দেহ মাহুঘের মন ওই বাড়িখানির উঠানটুকু বেয়েটুকু ঘরখানার চালের ছাউনিকে একেবারে ছুঁতে বাড়িরে অড়িয়ে পরল যেন।

বাড়িওয়ালারা ছিল বড় ভালো মাহুঘ। অনেকটা মৌলানা ভাসানী সাহেবের মত দেখতে। মৌলানা ভাসানী যদি বিশ্ববিখ্যাত না হতেন তাহলে বলতাম—মাহুঘটাও এমনি ঘরনের। শেখ আকাস করিৎকর লোক—হিন্দুওয়াল আদমী। হজ ক'রে এসেছেন, নান হয়েছে—হাজী আকাস।

পশ্চিমবঙ্গের লোক ; দেশ ছেড়ে এখানে এসে শক্ত হয়ে চেপে বসে নিজেকে গড়ে তুলেছেন। পশ্চিমবঙ্গে চাব ছিল—ছদ্ম-সম্পত্তি ছিল। বেচেবিনে এখানে এসে ধান-চালের ব্যবসা করেছিলেন—তার সঙ্গে ইটখোলা। বাজারের পেনদিকে অবা একসারি ঘর তৈরী করিয়েছিলেন—ভাড়া খাটতো। ধান বিশেষ সাইকেল-রিকশা আছে—সেগুলি ভাড়ায় খাটে। আমাকে ঘরভাড়া দিয়েছিলেন ডেকে।

শরুরে ঢুকবার মুখে পাছের ভালার বলেছিলাম আমরা। নাভনার ছেলেটা নড়িয়ে পড়েছিল হঠাৎ—অর তখন অনেকটা; বেহঁশ ছেলে কোলে নিয়ে কাঁদছিল নাভনা। হাজীসাহেব ইটখোলা দেবে রিকশার কিনছিলেন। ছেলে কোলে নিয়ে নাভনাকে কাঁদতে

দেখে রিকুশা থেকে নেমে জিজ্ঞাসা করেছিলেন—কি হয়েছে বাচ্চা ?

আমি ভয় পেয়েছিলাম।

বাবা বলেছিল—আবার চান্দরে বাচান। কি হয়েছে দেখুন।

হাজীসাহেব দেখেওনে বলেছিলেন—সমির দোবটা খুব জোরালো মালুম হচ্ছে। অরও অনেকটা। কিন্তু তোমাদের বাড়ি কোথায়? বাবে কোথায়?

কৈকিয়ৎ বা দিয়েছিলাম তা অসত্য মিইনি। অসত্য বলবার কারণও কিছু ছিল না। সৎ-অসত্যের যেটুকু মামলা সে হল নাজমাকে নিয়ে। নাজমার ঘর নিয়ে।

হাজীসাহেব বলেছিলেন—আপনি বলছেন আপনি ক্রীশ্চান, তাই-ই হবেন। কিন্তু এই কালো বেরেটা?

পরকণ্ঠে বলেছিলেন—থাক, ও বা—ও তাই। তবে আমি একটা কথা শুকে শুধিয়ে নেব।

নাজমাকে বলেছিলেন—ওগো মেয়ে, তোমার ছেলের তো অনেকটা অর। তুমি আমার বাড়ি বাবে? তুমি তো মুসলমান, ও ক্রীশ্চান, আমি মুসলমান। দেখ বাবে?

নাজমা ভয় পেয়ে গিয়েছিল। আমাকে জড়িয়ে ধরে বলেছিল—না।

হাজী হেসে বলেছিলেন—তাহলে একখানা ঘর আমি দিচ্ছি—তাড়া ক'রে কদিন থাকুন; ছেলেটি সারুক তারপর বাবেন যেখানে বাবেন।

নাজমার খোকা চান্দরে অর হচ্ছিল। আমরা ঘরের সবতার পড়লাম। হাজীসাহেবও বললেন—সেই ভালো ডেভিড সাহেব। এখনই আর কোথাও যেতে চেষ্টা ক'রো না। সারা পূর্বপাকিস্তানে এরা দোজখের আগুন জ্বালে দিয়েছে। ঢাকা চট্টগ্রাম কুমিল্লা নওরাখালি শিলেট বৈমনসিংহ রংপুর রাজশাহী বরিশাল খুলনা যশোর সমস্ত শহরে শহরে পাকিস্তান ফৌজ পৌঁছে গিয়েছে, বালবাচ্চা বুড়ো জওয়ান ছাওয়ারাল মেয়ে একাকার করেছে, বা মারি বোন বেটীদের ইচ্ছাগুলোতে মিশিয়ে দিয়েছে দিনের আলোতে—

আমি বলেছিলাম—ঢাকার সে-সব আমি নিজের চোখে দেখেছি। নাজমাও দেখেছে ওর নসীব আর খোদাতালার দোরা সেরাত্রে ও লুকুবার জায়গা পেয়েছিল আর বা সোলজাররা জায়গাটা খুঁজে পায়নি। তাই তো পালাচ্ছি।

—কিন্তু পালিয়ে বাবে কোথায়?

নাজমা বলেছিল, আমি বলিনি। বলেছিল—কোন গাঁওয়ে—কোন নদীর চরে কোন জঙ্গলের ধারে যেখানে ছুঁখের ভাত হুঁখে-শাড়িতে খেতে পারে বাছুর, রাতে ছ'চো বুঁজাতে পারে।

হাজী বলেছিলেন—তখন কোন গাঁও তো আর কোথাও নেই বেটা। আমার জা নেই। কিন্তুরানে অনেক বাছুর বাচ্চা। ই—সেখানে পৌঁছালে এইসব শরতাদের সিপা বরকন্দাজদের নাগালের বাইরে বাতরা বাবে বটে—সেখানে বাছুরেরা নাকি খুব ঘরঘর না থেকে নিজে বটে কিন্তু সেখানে বাতরারও অনেক মেহনৎ, অনেক তকলিক, অনেক বি

আবার সেখানে গৌহেত তো সেই তাঁর তলায় ভিজে মাটিতে গাছের তলায় মনরখানার খালা পেতে খেতে হবে। তার থেকে থাকো এখানে। আমরা বাঁচলে তোমরা বাঁচবে। আমরা চার ছেলে, তারা আওয়ারী লীগের লোক। বতকণ আমরা থাকব—ততকণ তোমাদের ভয় নাই।

\* \* \* \*

শেখ আকাস হাজীসাহেব চিরকালের সেই বিচিত্র মাহুব—বাদের বৈচিত্র্য চিরকাল ঘরে পুনরাবৃত্তি সত্ত্বেও পুরানো হয় না ময়লা হয় না মলিন হয় না—দান কমে না।

ইন্সপেক্টর হেসে বললেন—Please, bare facts only।

—কেন? কি বেশী বলেছি বলুন?

ডেভিড আর্কট্ট একটু উক হয়ে উঠল।

ইন্সপেক্টর বললেন—আচ্ছা, আচ্ছা, আপনি বলুন।

—আমি সত্যিই বলছি। মিথ্যা ইমোশন সৃষ্টি করে আপনাদের প্রভারণা করতে চেষ্টা করলে, আপনারা নিশ্চয় ধরতে পারবেন এবং আমাকে শাস্তিও দেবেন। কিন্তু এই সত্যটুকু না বললে দেখুন আমাকে কমা করবেন না।

হাজী শেখ আকাস দেশের পার্টিশনের সময় ওদেশে গিয়ে আজও আকোপ করেন। মুরশিদাবাদে বাড়ি ছিল। হিন্দু বন্ধু ছিল অনেক। কিন্তু সে-সব কথা থাক। হয়তো বেশী হয়ে যাবে।

এখানে কৃতী লোক। এখানে এসেও এই ক'বছরের মধ্যে স্মৃতিষ্ঠিত মাহুব হয়েছেন। কতকগুলো ব্যবসা ধুলেছেন এবং সব ব্যবসায়ীদের তিনিই হলেন প্রাণপুরুষ। সারা বাজারে হাজীসাহেবের উপকার পায়নি এমন লোক খুব কম। মাহুবের অস্থখ-বিস্থখে বিপদে-আপদে এমন বন্ধু আর মেলে না। তাঁর কামে-কারবারে ইটখোলায় রিকশার ব্যবসায় চাল কেনাবেচার একশো দেড়শো লোক নিমক খেয়ে খাটে। অন্ততাবে তাঁর কাছ থেকে ক'রে ধার আরও অনেক লোক।

ছয় ছেলে হাজীসাহেব শেখ আকাসের।

শেখ আসাহুজা, আনাহুজা, ইরফান, ইরসাদ, ইকবাল আর এবাদৎ। তিন মারের ছয় ছেলে।

আসাহুজা রাজশাহীতে উকীল।

আনাহুজা ইন্সুল-মাল্টার।

ইরফান কলেজে পড়ে।

ইরসাদ ইকবাল বাংলার সঙ্গে কারবারে খাটে। ওরা কলেজ পর্বত পড়া ছেলে। আর এবাদৎ ইন্সুলে পড়ে। তরুণী কনিষ্ঠা পদ্মীর সন্তান। এখানকার বাজারে মাহুবের মিছিলের সামনে থেকে কাঁপা বয়ে বেড়ায়।

আসাহুজা এখানে আওয়ারী লীগ থেকে পার্কিস্তানী নির্বাচনে ছিটকেছেন।

হাজীসাহেবের বাড়িতেই আত্মরানী লীগের আড্ডা। বাড়ির দারনেই একাঙা উল্লু বাঁধের মাঝার বাংলাদেশের ক্যাণ্ড উড়ছে।

ব্রোজ একবার ক'রে ঘোঁষ নিয়ে যেতেন হাজীসাহেব। সে বখন হোক। তাঁর সঙ্গে আরও ভালবাসা জবল ট্রান্সিস্টার নিয়ে। আমার ছোট ট্রান্সিস্টারটা দেখে হাজীসাহেবের ছেলেমাহুদের মত লোভ হয়েছিল। ওটা আমি নিয়ে তৈরী করেছি শুনে আমার উপর তাঁর খুশীর আর শেষ ছিল না। তাঁর ছিল একটা দামী ব্যাটারী সেট। ভাল করে অ্যাডজাস্ট করতে পারতেন না। আমি অ্যাডজাস্ট করে লগুন মকো শুনিয়ে দিয়েছিলাম।

হাজীসাহেব সেদিন বললেন—ডেভিড সাহেব, খারাপ খবর আছে। খান সিপাইরা ঠাকুরতিল হয়ে চড়িয়ে পড়ছে। চাটগাঁ হুবিলা শীলেট রাজশাহী রংপুর—সব একেবারে পুড়িয়ে তোলেন যুদ্ধে গোলা মেরে ভেঙে উড়িয়ে দিয়েছে। যশোর খুলনা বরিশাল সব এক হাল। ইবার ছোট শহর হাটগঞ্জের পালা।

আমি রেডিয়োর খবর জানতাম। কলকাতা রেডিয়ো দ্ববেলা তিনবেলা বাংলা ইংরিজী হিন্দী খবরের মধ্যে পূর্ব পাকিস্তানের খবর দিয়ে যাচ্ছে।

হাজীসাহেব বললেন—ফরিদপুরের খবর আজ আইসাছে এই সকালবেলা। খবর ভারী খারাপ।

আমি ভয় পেয়ে তাঁর মুখের দিকে তাকিয়ে রইলাম। কি বলছেন হাজী সাহেব? সাহস করে জিজ্ঞাসা করলাম—আমাকে কিছু কইত্যাছেন নাকি?

হাজী একটা দীর্ঘনিঃশ্বাস ফেলে বললেন—না কইরা আর উপায় নাই ডেভিড সাহেব। হাজী আকাসের জিন্দগীতে এমন কথা কখনও কইতে হয় নাই হে ডেভিড। তোমারে বরখানা তাদা দিবার সময় নিজে থিক্যা ডাইকা আইনা বইলাছিলাম—ভরভর কিছু কইরো না ভাই, তুমি এই বরে থাক। তোমার পোলাটার অহুধ শক্ত অহুধ—এ নিয়া পথে বেরাইলে বিপদ হবে। হাজী আকাস লোকজনেতে ডাইকা ঠাই দিয়া কখনও কারে কর নাই আর তোমারে ঠাই দিতে পারছি না।

আমি হাজীসাহেবের মুখের দিকে তাকিয়েছিলাম—তাকিয়েই রইলাম। তিনি যে সঠিক কি বলছেন বুঝতে পারছিলাম না।

হাজীসাহেব এবার বললেন—খবর খারাপ ডেভিড সাহেব, রাজবাড়ী থেক্যা আমাদের লোক আইতাছে, খান পন্টন ফরিদপুর থেক্যা রাজবাড়ীর কাছ বরাবর আইনা গেছে। সঙ্গে আছে মিলওয়ারা জাকরউরা পাঞ্জাবী বানবরের বাজা। রাজবাড়ীর শহরে আজকা কইরা সব অকলটাকে মোজা বানাইয়া দিছে। মুসলিম লীগের হুলালডলান—যারা এতদিন ভয়েভয়ে চুপ কইরা ছিল, শাহুকের মতন খোলায় মথিা নিজেদের গুটাইয়া চুকাইয়া মরার মত পক্যা ছিল, তারা ইবার হুত বার কইরছে।

ভারগরই দাঁড় বেড়ে বলেছেন—না, আরুতাহের শাহুক নয়, কৈচো নয়, বিহে-কাকড়াও নয় ডেভিড সাহেব—সে লাল।

নিম্নের আলোর বাহুরের সাড়ার বুড়ো কেউটে বরিশের রক্ত গর্ভের মধ্যে এই লোকটা চূপ বেরে উঠিয়ে পড়েছিল। বাহুরের হাঁক ভাকে সাড়ার সে গর্ভাভেদ সাহস করেছে। এবার রাজি বেবে এসেছে। এবার সে বেরিয়ে এসেছে গর্ভ থেকে। এখন কণা তুলে গর্ভাভে ভর করেছে। রাজবাড়ী কালুখালি পাংশা অকলে সে এক মস্ত বাবের কর্তৃক তৈরী করেছে। বাবা নাকি আওরায়ী লীগের লোক। সেই কর্তৃক অহুয়ারী এই অকলটার খান সিপাহীরা তাদের হাঁকে চড়ে জীপে চড়ে নদীতে লকে চেপে এসে খাঁটিতে খাঁটিতে বেবে তাদের উৎখাত করে দিয়ে বাবে। সে বা করছে, সে নাকি বড় ভয়ঙ্কর, বড় নিষ্ঠুর।

আমি বললাম—আমি দেখেছি। চাকার প্রথম রাজি প্রথম দিন একটা অক্ষুণ্ণে গর্ভের মধ্যে ভর্যাত ভক্তর মত লুকিয়ে থেকে চোখ বেলে চেয়ে চেয়ে দেখেছি। গলা থেকে একটা ভর্যাত চীৎকারও বের হয়নি। তবে বোবা হয়ে গিয়েছিলাম।

হাজী বললেন—না, তার খিক্যাত গাঁয়ে তাদের জালিমি আরও ভয়ঙ্কর ডেভিড সাহেব।

গাঁয়ের বাড়িঘর তো টিনে-ছাওয়া ঘর, কাকর বা খড়-ছনের চাল। গোলা বেরে ভাঙতে হয় না। মিলিটারি হাঁক গ্রামে এসে ঢোকে—সাধারণ গরীব বাহুরেরা তাদের ঘরে খিল দিয়ে বসে থাকে। আমাদের মত যারা লড়াই দেবার জন্তে কসম খেয়েছে—আজ্ঞার নাম নিয়ে দাঁড়িয়েছে, তারা হয়তো সরে যায়। আড়ালে যায়। আর যারা বেইমান, যারা সাপ, যারা শয়তান তারা পাকিস্তানী বাঙা উড়িয়ে বেরিয়ে গিয়ে পাকিস্তান জিন্দাবাদ আওরাজ তুলে খান সিপাহীদের সালাম বাজিয়ে নামতে বলে। সিপাহীদের সব প্রথমে দেখিয়ে দেয় তারা বাংলাদেশের তরফের লোকেদের বাড়ি, তারপর আরম্ভ হয় শয়তানী খেল। লুঠ করে যথাসর্বস্ব—ঘরে টেনে বের করে আনে মেয়েছেলে বালবাচ্চা কানার্বোড়া বুড়োবুড়ী সব।

—তারপর ?

—হার আজ্ঞা—হার খোদা। কি বলব তোমাকে ডেভিড সাহেব, বা-বাগের সামনে বেটার উপর, খামীর সামনে জীর উপর, ছেলের সামনে মায়ের উপর সে অত্যাচার—

—চাকাতো এ-ও চোখে দেখেছি হাজীসাহেব।

—দেখেছ ? দেখবে বৈকি ডেভিড, শয়তানের শয়তানীর রকম হয়তো অনেক রকম, কিন্তু সেই অশেষ রকমই তো সর্বত্র ঘটবে—সেই অনেক রকমই যে তার জুলুম, জালিমিরই একরকম। বাবার সময় ঘরগুলো আঙন লাগিয়ে পুড়িয়ে ছাই করে দিয়ে বাচ্ছে। রেখে বাচ্ছে এক-একটা সিপাহীরা খানা। আমাদের এ চাকলাটার খানা বলেছে রাজবাড়ীতে। রাজবাড়ীর লাগোয়া জাকির রাইস দিলে হবে তার আসল বেড-কোয়ার্টার। শয়তান জাকির বা তবু পালিয়ে গিয়েছিল করিমপুর। শুনেছি সে ফিরে এসেছে সিপাহীদের সঙ্গে। জাকির বায়ের সঙ্গে আমাদের বগড়া পুরনো বগড়া। সে এবার আমাদের উপর পৌঁছাবে, হাটবে না।

হাজীসাহেব সবশেষে বললেন—তোমাকে আমি থেকে আজ্ঞা দিয়েছি। তোমাকে

সব থেকে আগে বলতে এসেছি ভেতিড সাহেব—তুমি তুমি ভেবে ঠিক করে নাও কি করবে।

আমি ভাবছিলাম—কি করব ?

হাজীই বললেন—পালাতে চাও তো এখনও সময় আছে, তোমরা চলে বাও।

জিজ্ঞাসা করলাম—কোথায় পালাব ?

—কোথায় পালাবে ? দেখ, তুমি ক্রীষ্টান—তুমি আধা সাদা মানুষ। তোমার তো কোন ভয়ের কথা নয়। তুমি নিজের পরিচয় দিলেই তোমাকে ছেড়ে দেবে। বড় জোর ধরে রাখবে কি ঢাকা-ঢাকা কোথাও পাঠিয়ে দেবে। মারতে তোমাকে পারে না এমন বলছি না। হুনিয়াতে মানুষ যখন আদোয়ার হয়ে হাতিয়ারের দাঁত-নখ নিয়ে খুনখারাপী খেলায় মাত্ত তখন কোন কাছনের ধার সে ধারে না। তবু তোমার একটা খুঁটি আছে ধরে দাঁড়াবার। তবে ওই কালো মেয়েটাকে তোমার সঙ্গে দেখলে—তোমারও বাঁচোয়া থাকবে না, ওরও না। তুমি ক্রীষ্টান ও মুসলমান—এইটাই হবে বড় গুনাহ। প্রমাণও নেবে না তোমার সঙ্গে ওর কি সম্বন্ধ—তোমাকে গুলি করে মেরে ফেলবে—তারপর—

সমস্ত দীনহুনিয়া যেন চোখের সামনে মুছে যেতে লাগল। মনে হল অন্ধকার হয়ে যাচ্ছে সব। আমার নিজের অন্তে ঠিক নয়। এই নাজমার অন্তে। নাজমা আমাকে এমন করে জড়িয়ে ধবেছে এই কয়েকটা দিনের মধ্যে যে ওকে ছেড়ে চলে বাবার কথা ভাবলে সারা দেহমন একটা নিষ্ঠুর যন্ত্রণা অনুভব করে। সারা বুকটা উষ্মেগে আশঙ্কার হুঃখে টনটন করে ওঠে।

আমরা ঘরের মধ্যে বসে কথা বলছিলাম। বাইরে দাওয়ার উপর হাজীসাহেবের চারজন লোক বসে আছে। একটা সাইকেল-রিকশা খাড়া আছে, একজন সাইকেল-চড়া ছেলে অপেক্ষায় বয়েছে। তাদের কথাবার্তা শুনতে পাচ্ছি এদিকে। আবার ভিতর দিকে দাওয়ার উপর বসে নাজমা ভয়ে ফুঁপিয়ে ফুঁপিয়ে কাঁদছে—তার সে কান্নাও শুনতে পাচ্ছি।

হাজীসাহেব বললেন—একটা পথ আছে ভেতিড সাহেব—

বললাম—বলুন—

উনি বললেন—আমরা আমাদের মেয়েছেলেদের সবিয়ে দেব এখান থেকে। কেবল পুরুষেরা থাকবে—আমরা লড়াই দেব। মরতে আমাদের অনেককে হবে। মরব। তুমি চাও তো তুমি আমাদের সঙ্গে থেকে লড়াই কর। নাজমাকে আমাদের বাড়ির মেয়েদের সঙ্গে পাঠিয়ে দিতে পার—ও তাদের সঙ্গে থাকবে।

আমি বলেছিলাম—আমি একবার ওকে জিজ্ঞাসা করি।

হাজী বলেছিলেন—শোন, আমাদের এই যে শেখ বংশ, এদের গোড়াকার কথাটা বলি শোন। নাজমাকে বলো। আমাদের বাড়ি বহুকাল ধরে মুর্শিদাবাদের উত্তরে—লালগোলা ভগবানগোলায় ওদিকে। তখনও আমরা শেখ নই। আমরা—বতদুর আনি ভেতিড, আমরা তখন কারয় ছিলাম জাতে। বস্তবড় গৃহস্থ। তখন মুর্শিদাবাদে নবাব মুর্শিদকুলী খাঁ স্থাবাদার। আমার সাত-আট পুরুষ আগে—আমার পূর্বপুরুষেরা তখন হুই

তাই। বড় ভাই নবাব দরবারে যোক্তারি করত। দেশের জমিদার রাজাদের কাজ করত যোক্তার উকিলেরা, এ হল ভাই। নবাব দরবারের উজীরনাজির পেশকার থেকে কাছুনগো-আবীন-গোমস্তাদের সঙ্গে আলাপ রাখত। তাদের টাকাকড়ি দিয়ে কাজ উদ্ধার করে নিত। নিজেরা জমিদারদের কাছে কাজ হিসেবে ঠিকে করে কাজ নিত। সেই টাকার কিছু দিত নবাবী আমলাফরলাদের—কিছু দিত জমিদারদের কর্মচারীদের—আর বাকিটা থাকত তার নিজের। রোজগার তার ভালই ছিল, দেশেও খাতির ছিল; কৌটাতিলক কাটত, মালাজপ করত। আর শুনি—কোন্ লোকের হোন্ ভাল জমিটি নিতে হবে কীকি দিয়ে—সেই কথা ভাবত মালা জপতে জপতে।

ছোট ভাই ছিল আলাদা রকমের মানুষ। বাবরি চুল ছিল—লম্বা-চওড়া পুরুষ পুরুষ ছিল—ধর্মেকর্মে মতি ছিল না, লেখাপড়াও ভাল শেখেনি, শখ ছিল লাঠি তলোয়ার খেলায়—হুস্তিতে সঁতারে। সব থেকে বেশী শখ ছিল সঁতারে আর নৌকো ছিপ নিয়ে বাইচ খেলায়। নিজের নৌকো ছিল ছিপ ছিল। আর শখ ছিল চাষের বলদে—ঘোড়ায়—আর দুধালো উঁইবার।

মেলামেশাতেও রুচি ছিল আলাদা।

মেলামেশা ছিল এক নৌকোওয়ালা সর্দারের সঙ্গে। কাছেই ছিল নৌকোওয়ালা মাল্লাদের একখানা গাঁও। এরা রাজমহল থেকে ভগবানগোলা লালগোলা মুন্সিাবাদ পর্যন্ত নৌকো বাইত। ভাড়া খাটত। এরা খুব দুর্ব্ব। নৌকো বাইচ নিয়ে এদের সর্দারের সঙ্গে আলাপ ছিল খুব জমাট। এরা চাবীও ছিল খুব ভালো। তবে ধর্মে ছিল এরা মুসলমান। ছোট ভাই এদের সর্দারের সঙ্গে ঢোলক কঁাসী বাজিয়ে গানের আসর বসাতো নৌকোর আর গাঙের বুকে ঘুরত। লোকে মল বলত কিন্তু যে শোনে না শুনবে না তাকে শোনায় কে? বড় ভাইয়ের সঙ্গে ভাত আলাদা—ভিন্ন ভাতে বাপ পড়শী—তার কথা বলবারই বা এখতিয়ার কি? বড় ভাই ভয়ও করত ছোটকে। তার উপর সোনার সঙ্গে সোহাগার পানের মত তার পরিবারটিও ছিল ওই আশ্চর্য মেজাজের। ছেলেপুলের মা। ধর্ম-অধর্ম মানত না। স্বামীর কথাই ছিল কোরান-হাদিস।

এই সর্দার নৌকোওয়ালা হঠাৎ মারা গেল। গাঙের দহেই ডুব দিয়েছিল কি একটা পড়ে-বাওয়া জিনিস তুলতে, উঁইবার সময় বড় একটা মাছের চুঁ লেগেছিল বুকে। তাইতেই মারা যায়। মরবার সময় একবার জ্ঞান হয়েছিল—সেই সময় বলেছিল—আমার শেরিনা যেটিকে তুমি দেখো।

শেরিনা সর্দারের একমাত্র বেটি। মা-মরা মেয়ে। আরও দুটো বিবি তার ছিল—কিন্তু তাদের পোলাপান কেউ ছিল না। এই শেরিনাকে নিয়ে দুই বিবি চেষ্টা করছিল আপনাপন বাপের গোষ্ঠীর কারুর সঙ্গে বিয়ে দিতে। তারা বাই হোক, সর্দার তাদের ‘পছন্দ’ করত না। তারে নিয়ে বখশ দুই বিবি আর গাঁয়ের লোক বড়বড় পাকাচ্ছে—তখন এই কায়স্থবাবু একদিন এসে শেরিনাকে নিয়ে চলে গেল নিজের বাড়ি। একটা দালা হয়ে



গিয়েছিল—দাকার লাশ ফেলে দিয়েছিল আমার পূর্বপুরুষ। এখিকে সর্দারের গ্রামে রটল—  
শেরিনাকে লুণ্ঠ করে নিয়ে গেছে রক্ষিতা করে রাখবে। ওখিকে তার নিজের গ্রামে লোকেরা,  
কথাটা লুকে নিয়ে বললে—তোমার জাত গেল।

কথাটা লুকে ধরে নিয়েছিল সেই মোক্তারসাহেব—কোঁটা-ভিলকধারী বড় দাদা।

ছোট কথা বললে—কুছ পরোয়া নেহি বাবা। যো হি আন্না ও হি ভগবান। যো  
সত্যনারায়ণ ও হি সত্যপীর। ধরম মাহুয়ের এক—দিলকো সাজা রাখনা। রান রহিম  
না জুনা করো তাই দিলকো সাজা রাখো জী। সর্দার ছিল দোস্ত, ওর বেটি আমারও  
বেটির মত। আমার দিল বুটা নেহি। সাজা আদমী আমি। ওকে রক্ষিতা রাখব  
আমি? আরো বাবা রান কহো—লা-ইলাহি-ইল্লালা। হুনিয়ার বেইমানদের তুমি সাজা  
দিয়ে।

বলে সে চলে এসেছিল গ্রাম থেকে। ভগবানগোলায় ছিল ওর একটা চাষবাড়ি।  
সেইখানে বাস করছিল—মুসলমানও হয়ে গিয়েছিল।

সর্দারের মেয়ের সাদী দিয়েছিল—খুব ভাল পায়ে খুব ভাল ধরে।

ডেভিড সাহেব—এই যে মাজা সর্দারের বেটি—যার ভার নিয়ে আমার পূর্বপুরুষ জাত  
দিয়েছিল এই মাজা সর্দারকে, নিজের জাত দিয়েছে তবু তাকে ফেলে দেয়নি।

হাজীসাহেবের এই কাহিনী আমি অবাক হয়ে শুনছিলাম।

হাজীসাহেব বললেন—নাঈমা বেটিকে তুমি আমার বাড়ির মেয়েদের সঙ্গে দিতে পার।

আকাস হাজী যে বংশের ছেলে—সে বংশে জাত আর বাত এক কথা।

বলেই হাজীসাহেব উঠলেন। বেরিয়ে চলে গেলেন।

আমি নাঈমাকে বললাম—নাঈমা, হাজীসাহেব ভাল কথা বলেছেন—তুমি ওঁদের  
বাড়ির মেয়েদের সঙ্গে যাও।

নাঈমা আমার দুটো হাত জড়িয়ে ধরে হা-হা করে কেঁদে উঠল। বললে—না-না-না  
বড় ভাই, ভাইলে আমি মরে যাব মরে যাব। তার ছেলেটাকে বুকে জড়িয়ে ধরে তার সে  
কান্নার আর যেন শব্দ ছিল না। বাইরে চারিদিকে শোরগোল উঠেছে। বাইসিক্লে চড়ে  
লোকজন প্রচণ্ডবেগে ছুটেছে। বাইসিকলের খন্টার মধ্যে একটা আশ্চর্য ব্যক্ততা এবং আতঙ্ক  
যেন ছুটে উঠেছে।

নাঈমার সামনে আমি নির্বাক হয়ে বসে ভাবছিলাম—কি হবে? কি করব?

কতক্ষণ পর তা ঠিক জানি না। তবে অনেকক্ষণ পর। হঠাৎ আমার হাজী  
সাহেবের গলা শুনলাম।—ডেভিড। ডেভিড।

বেরিয়ে এলাম।—কি বলছেন?

—কি বলব? কি ঠিক করলে? এখিকে হু'পহর গড়িয়ে গেছে। ভাবছি রাজির  
কথা। রাজিতে যদি শরতাসের সিপাহীরা আসে তা হলে মহা বিপদ হবে। হুমিয়ে থাকবে

নাহব, বাঁচবার জন্তে উঠে দাঁড়াবার সময় পাবে না, কিছু কিছু লোক সম্ভব আগেরই বেরিয়ে যাবে গ্রাম থেকে বাজার থেকে। আমাদের মেয়েদের পাঠাব রাত একপ্রহর হলোই। নাজমা বাবে? বল?

—আমি বললাম—নাজমা বাবে না হাজীসাহেব। ও কেবলই বলছে—ও মরে যাবে—ও মরে যাবে। আমাকে ছেড়ে ও যাবে না।

—কিছু করবে কি?

—ভাবছি—

—ভাববার সময় খুব নেই ডেভিড। আজ রাত্রি কিংবা কাল বেলা একপ্রহর পর্যন্ত এখানে এসে পড়বে খান সিপাহীরা, সে খবর আমি পেয়েছি—তাতে কোন ভুল নেই। আর আমার উপর তাদের কঠিন আক্রোশ। লীগওয়াল আবু তাহের—সে আমার জাতি, জাতির চেয়ে বড় হুশমন কেউ হতে পারে না ডেভিড।

একটা দীর্ঘনিঃশ্বাস ফেলে বললেন আবার—আবু তাহের আসবে, তার সঙ্গে আসবে সেই পাঞ্জাবী মিলওয়াল জাফর। সে যে কি ভীষণ না দেখলে কেউ বোঝাতে পারবে না না মুখের কথায়।

একটু থেমে থেকে আবার বললেন—আমাদের মেয়েদের দলের সঙ্গে তোমাকে যেতে দিতে কেউ মত করবে না। বিশ্বাস-অবিশ্বাসের প্রশ্ন আছে ডেভিড।

বলেই বললেন—ভাল মনে পড়েছে। তুমি নাজমাকে নিয়ে বিপদে পড়বে। গ্রাম অঞ্চলে তোমার ওই চোখ ওই গায়ের রং দেখে পাঞ্জাবী মনে করবে। খান সিপাহীরা এই কালো মেয়েকে দেখে ওকে হরতো—

—ওকে বাঁচানো মুশকিল হবে ডেভিড। এদেশের মেয়েদের উপর এদের যত লালসা তত বেশী। তুমি শুনেছ রেডিয়োতে—চট্টগ্রামে একজন খান সিপাহীদের কর্নেল সাহেব কি বলেছে? একজন ইউরোপীয়ানকে বলেছে—এদেশটার এই বিপ্লব দমনের নামে পুরুষগুলোকে মেরে ফেলা হবে—তখনই হবে স্মৃতির জিন্দগী। এদেশের বেত্তরা ছোকরীদের আয়রা বাঁদী করে রাখব। আমাদের উপপত্নী হবে এরা।—একটু জল আন তো ডেভিড। একটু জল।

মুখে চোখে মাথায় জল দিলেন হাজীসাহেব। তারপর বললেন—শোন ডেভিড, আজই মৌলভী সাহেবকে ডেকে নাজমার সঙ্গে তোমার সাদী একটা দিয়ে দিতে চাই। না-হলে তুমি নাজমাকে বাঁচাতে পারবে না। যেটি বললে কেড়ে নেবে—বোন বললেও নেবে, হরতো না বললেও নেবে। এক তোমার স্ত্রী বলে তুমি ওকে বুকে জাপ্টে ধরে রাখতে পারবে।

হাজীসাহেব আশ্চর্য নাহব। সেইদিনই মৌলবী ডাকিয়ে আমার কলমা পড়িয়ে নাজমার সঙ্গে আমার বিয়ের কাজ সেরে দিতে চেয়েছিলেন। তারপর বলেছিলেন, তোমাকে আমাদের দলের সঙ্গে পাঠাতে পারছি না—এটাতে আমার হুশের শেষ নেই। কিন্তু কি

করব ?

একটা গভীর দীর্ঘনিঃশ্বাস ফেলেছিলেন ।

তখন রাজি হয়েছে ; গ্রাম থেকে সরে বাগরার পালা শুরু হয়ে গেছে । গ্রামের চারিপাশে ঘাঁটিতে ঘাঁটিতে আগরামী লীগের ছেলেরা পাহারা দিচ্ছে । পরনে মুজি, গায়ে একটা গেঞ্জি, কোমরে গামছা বাঁধা—হাতে বস্তুর বা শড়কী বা লাঠি । কারুর কোমরে দা-ও গৌজা ।

শুনলাম এ পাহারা চলে গেছে মাঠের মধ্য দিয়ে বড় রাস্তার ধার পর্যন্ত ; এদিকে নদীর ঘাট পর্যন্ত । খান সিপাহীদের কোন সন্ধান পেলোই—বাগীর ইশারা ছুটে আসবে বাতাসে বাতাসে গ্রাম পর্যন্ত । গ্রামের মধ্যে যারা সন্দেহভাজন তাদের বাড়ির চারিদিকে পাহারা পড়ছে । তারা যেন বের হাতে না পারে । নিরাপদ বেদিকটা—সেদিক দিয়ে গরুর গাড়ি চলছে দু-চারখানা—অধিকাংশই চলছে পায়ে হেঁটে । কোমরে মাথায় বোঁচকা পুঁটলি নিয়ে চলছে মেয়েরা—পুরুষেরা কাঁধে বাঁক বয়ে নিয়ে যাচ্ছে । কতকগুলো সাইকেলরিকশা যাচ্ছে আর আসছে খানিকটা দূর অবধি রাস্তার লোকজনদের নিয়ে—মাঠের পায়েইটা পথের মুখে নামিয়ে দিয়ে আসছে ।

হাজীসাহেব বসে আছেন নিজের দাওয়াতে । সামনে লম্বা বাঁশটার মাথায় তখনও আগরামী লীগের বাংলাদেশের ঝাণ্ডা উড়ছে । হাজীসাহেবের পাশে বসে আছে মেজ ছেলে আমাজুজা । এই সন্ধ্যাতে এসে পৌঁচেছে রাজশাহী থেকে । রাজশাহী কলেজ-ইন্সুল ভেঙে ভুঁড়িয়ে দিয়েছে প্রায় । যা ঢাকার ঘটেছে—তাই ঘটেছে এখানেও । কলেজে পড়ত হাজীসাহেবের ছেলে ইরফান—সে নেই । গুলি খেয়ে মারা গিয়েছে । বড় ছেলে আমাজুজা—উকীল এবং আগরামী লীগের সভ্য হিসেবে এবার নির্বাচনে জিতেছে তাকে অ্যারেস্ট করে নিয়ে গেছে—কিন্তু বেঁচে আছে কি নেই তার কোন স্বিরতা নেই । মেজ ছেলে আমাজুজা ইন্সুলমার্টারী করত, সে কোনরকমে পালিয়ে এসেছে । নৌকায়—পায়ে হেঁটে—খানিকটা বাসে—কোনরকমে এই সন্ধ্যাতে এসে পৌঁচেছে ।

সে বলছিল—হাজীসাহেব শুনছিলেন ।

—রাজশাহীর ই পি আর-এর সিপাইরা নিজের বন্দুক নিয়ে পালিয়ে বাংলাদেশের খাতায় নাম লিখিয়েছে । একজন বড় পুলিশ অফিসারকে গুলি করে মেরেছে পাক সিপাইরা ।

হাজীসাহেব বললেন—ইরফান গুলি খেয়ে মরল—মরণের সময় কেউ তোরা কাছে ছিলি ?

আমাজুজা কথা বলতে পারলে না ।

হাজী বললেন—না । হুথ আমার নেই । আমি মুসলমান—খোদার নাম নিয়া সব দিব বলে—বাঙালী আমি, বাংলাদেশের জন্তে লড়াইয়ে নেমেছি—সব দিব বলেছি । হুথ আমার নেই । আটপুরুষ আগে আমরা হিন্দু ছিলাম—তাইদের ভগ্নদের হুশমনিতে জাভ হারাইয়াছিলাম । প্রতিজ্ঞ করেছিল । আমরা দেশ ছেড়ে চলে এসেছিলাম, এসেছিলাম

ভগবানগোলায়। পলাশীতে যে লড়াইয়ে নবাব সিরাজুদ্দৌলার হার হল—সে লড়াইয়ে সিপাহসালার বীরজাকর বেইমানি করে লড়াই বন্ধ করে কোম্পানিকে ছিড়িয়ে দিলে—নবাবী সিপাহীরা গুলি খেয়ে মরল গোলা খেয়ে মরল। তাতে মোহনলাল বীরমদন মরেছিল—তার সঙ্গে আমাদের বংশের শেখ মনজুর হোসেন সাহেব জ্ঞান দিয়েছিলেন; তাঁর সঙ্গে ছিল তাঁর বিশবছর বয়সের নওজোয়ান ছেলে মমতাজ হোসেন। সেও মরেছিল। ছেলে বধন মরে—তখন পাশে ঘোড়ার পিঠে চড়ে বাপ তলোয়ার হাতে লড়ছে এক ফিরিঙ্গীর সঙ্গে। ছেলে তাকে ডেকে বলেছিল—বাপজান—আমি বাচ্ছি।

বাপ বলেছিল—বেহেস্তে যাবে। ভয় করো না।

বলতে বলতে একটা গুলি এসে বিঁধেছিল তার বুকে।

আমি ভাবছিলাম আমি এবার উঠব। উঠব এবং রওনা হব, রওনা হব কোন নিরুদ্দেশ উদ্দেশে। বনে-জঙ্গলে কিংবা কোনো নদীর চরে, ময়মনসিং জেলার ওদিকে গেলে পাহাড় আছে, বরিশাল-খুলনার দিকে গেলে হুল্লরবন আছে। সেইখানে কোন নির্জনে এই নাজমা মেয়েটাকে একটা কুটির গড়ে দিয়ে বলব—তোর চান্দাকে নিয়ে তুই এখানেই থাক নাজমা; আচ্ছা তোকে তোর ছাওয়ালকে দয়া করুন। তুই যখন বলবি বড়ভাই তুমি এবার যাও, তখন আমি চলে যাব।

ডেভিড আর্মস্ট্রং ভারতীয় পুলিশ অফিসারটির দিকে তাকিয়ে কি যেন ভেবে নিলে। তারপর বললে—

সে-রাজির অঙ্ককার সে এক আশ্চর্য অঙ্ককার বলে মনে হচ্ছে! সে-অঙ্ককার যেন সাধারণ রাজির অঙ্ককার নয়, সে অঙ্ককার স্বয়ং অন্ত যাওয়ার সঙ্গে নেমেছে আবার স্বর্ষোদয়ের সঙ্গে কেটে যাবে—শেষ হবে। মনে হচ্ছিল এ অঙ্ককার যেন কোনদিন পোয়াবে না।

আধাগ্রাম আধাশহরটা সেই অঙ্ককারে ভয়ে যেন বোবা হয়ে গিয়েছিল—আতঙ্কে যেন আড়ষ্ট হয়ে গিয়েছিল। তারই মধ্যে—লাঠি শড়কী রামদাও কয়েকটা—তা বোধহয় পনেরটা হবে, বন্দুক নিয়ে একদল অল্পবয়সী জওয়ান ঘোরাফেরা করছে—পাহারা দিচ্ছে। বাকী লোকেরা ভয়-পাওয়া লোক। তারা গায়ে বেঁধে এ ওর কাপড় কি হাত ধরে চলেছে নিঃশব্দে। রাজিটা ছিল অঙ্ককার, আকাশে ছিল মেঘ। আলো জালা ছিল বারণ। ওই অঙ্ককারের মধ্যে দল বেঁধে মানুষজনদের নিঃশব্দ চলার সেই কালো কালো চলন্ত ছবিগুলি কেমন যেন মনকে ভরে আচ্ছন্ন করে ফেলছিল।

মসজিদের সামনে চাতালে হাজীসাহেব বসেছিলেন। তাঁরই কাছে আমি বসেছিলাম। নাজমাও ছিল তার ছেলেকে নিয়ে। হাজীসাহেব চেয়েছিলেন আমার সঙ্গে নাজমার একটা বিয়ে গোছের কিছু ষটিয়ে দিতে। নাজমা শুনে আমার দিকে বোবার মত ক্যালক্যাল করে তাকিয়ে খেকেছিল। বুকে চেপে ধরেছিল তার বাচ্চাটাকে—চাঁদকে। আমি লজ্জিত হয়েছিলাম। ঠিক এইটে যেন সে বরদাস্ত করতে পারছিল না। হাজীসাহেবকে বলেছিলাম—হাজীসাহেব; আপনি আমার কাছে হজরত-তুল্য লোক। আপনি আমাকে ওই হুকুম

করবেন না। নাজমা আমার কাছে নাজমা। বহেন বলেন বহেন, বেটি বলেন বেটি, বা বলেন বা—বা বলেন তাই। ওকে ওর ছেলেকে কোন নিরাপদ জায়গায় পৌঁছে দিয়ে আমি খালাস হব।

হাজী বলেছিলেন—আমি তোমার বাপের বয়সী কি তার থেকেও বড় ডেভিড। তোমাকে আমি আশীর্বাদ করছি। তোমার ভালো হোক বেটা। তবে তোমার নসীব আর খোদার হাতি।

নাজমা সেই তখন থেকেই এসে বসে আছে আমারই ঠিক পিছনে আমার আমার খুঁট ধরে। চাঁদ তার কোলে ঘুমুচ্ছে। সে চুপে।

হাজীসাহেব এরই মধ্যে বলছিলেন—কোন কালের গল্প। কলেজে পড়া ছেলে ইরফান ওলি থেয়ে মারা গেছে, বড় ছেলে রাজশাহীর উকীল আমানুল্লাহ—সে ধরা পড়েছে। পাকিস্তানী খান সিপাহীর দল তাকে অ্যারেস্ট করেছে, তাকে ধরিয়ে দিয়েছে জমায়ের-ইসলামের কে এক আখতার হোসেন। কথা শুনেই হাজী বললেন—আমি মুসলমান—খোদার নাম নিয়া সব দিব বলে লড়াইয়ে নেমেছি। দুখ আমি করব না।

বলতে বলতে মনে পড়েছিল তাঁর বংশের পুরনো কথা। এমন মনে পড়ে। অতীত গৌরব তো ভোলা যায় না। মনে পড়েছিল—সেই দুশো চব্বিশ বছর আগের পলাশীর যুদ্ধে তাঁর পূর্বপুরুষ মনজুর হোসেন আর তাঁর ছেলে মনতাজ হোসেনের গ্রাণ দেওয়ার কথা। লড়েছিলেন নবাব সিরাজউদ্দৌলার তরফে। দ্বিতীয় ছেলে আমানুল্লাহ সে বাপের কাছে বসেছিল, অনেকটা কেমন যেন পাথর-হয়ে-যাওয়া ঠিক নয়, পাথর হয়ে যাচ্ছে এমন মাহুঘের মত। মাহুঘটা কাঠ হয়ে বসেছিল—শুধু ঘন ঘন নিঃশ্বাস পড়ছিল বলেই একেবারে পাথর হয়ে গেছে বলছি না।

আমানুল্লাহ বাপকে বাধা দিয়ে বললে—বাবা!

হাজীসাহেব বললেন—কি?

আমানুল্লাহ বললে—ওসব কথা থাক বাবা!

—কেন রে? শুনে মনে জোর পাস না? কর্তাদের কথা?

আমানুল্লাহ বলে উঠল—রাজশাহীর আমাতে ইসলামের পাণ্ডাও তো শুনি আমাদের চাচাটাচা কি হন। আখতার হোসেন সাহেব।

—চাচা হন আমানুল্লাহ—, আখতার আমার তাই—আখতারের দাদো আর আমার দাদো এক বাপের ছাণ্ডাল—বা ভিন্ন। আমার দাদোর বা এদেশের বেটি। আর আখতারের দাদোর বা হল আখ্রা শহরের এক পড়ন্ত খান সাহেবের বেটি। করক তো খুব বেশী নয়; আমার দাদো আর আখতারের দাদো একসঙ্গে এক উঠানে খেলা করত। তফাত আখতারের সঙ্গে আমার ছ'পুরুষের।

—সেই আখতার হোসেন সাহেবই দাদাকে ধরিয়ে দিয়েছে। রাজশাহী প্রথমেই এসেছিল আমাদের কাবেজে। তখন আমাদের একদল, আমরা বলেছিলাম—লীগ আর

আমাদের ইসলামের হুশনদের খতম করে দাও। ওদের রেখো না। কেউ শুনলে বা আমাদের কথা। সবাই ডাবলে—ইয়াহিয়া টিকা খাঁ ক'দিনের মধ্যে ডেকে মিটমাট করবে। এখন। এখানে আপনারা তাহের মিসাকে বাঁচিয়ে রেখেছেন। কিন্তু তাহের মিসা আপনাদের বাঁচতে দেবে না।

হাজী বললেন—ইরফান গুলি খেয়েছে। আসাফুল্লাকে গ্রেপ্তার করে প্রাণে রেখেছে, না—বল আমিন ঠিক ক'রে বল। আমার মনে লাগে কথাটা তুই বলতে পারছিল না।

চীৎকার করে উঠল আসাফুল্লা—হাঁ—হাঁ—হাঁ—তুমি যারে ভাই কও। বল আমাদের চাচা হয়—সেই তারে মারাইছে। চোখে দেখেছে যে লোক সেই আমারে বলে গেছে।

—আসান নাই?

—না। নাই। বন্দুকের গুলি মেরে শেষ হয় নাই, বেরনেট দিয়া খুঁচা খুঁচা মারছে। বড়দাদা নাই।

—চুপ দে আমিন। অরে তাদের যা এখনই শুনবে। শুনলি পর সি কাদলে—কালুখালির ঘাটমাঠ ফেটে চৌচির হয়ে যাবে রে। চুপ দে বাপ। চুপ দে।

Mr. Officer—জীবনে এত বড় দুঃখ আর এমন অগৎ-জোড়া থমথমে অন্ধকার আমি দেখিনি। এর আগেও বটে এর পরেও বটে একলা রাজি জেগে বসে থেকেছি। আমার ছাী ছায়ার যুত্মর পর দু'বছর প্রায় সে উদাসী বিবাগী হয়ে ঘুরেছি। পায়ে হেঁটে নোকোর তখন কত রাজি একলা জেগে বসে কাটিয়েছি, এরপরও এই ক'দিনের মধ্যে নাজমাকে নিয়ে গাছতলায় পথের ধারে কোন গ্রামের মসজিদের চাতালে—কোন ভাঙা পোড়াবাড়িতে কোন ইকুলঘরের দাওয়ার কাটিয়েছি রাজি। নাজমা ঘুমিয়েছে আমি জেগে থেকেছি। আকাশে মেঘ উঠেছে, বিদ্যুৎ চমকেছে, বাতাস দিয়েছে, আমি বসে কাটিয়েছি। কিন্তু মনে বুকে এত দুঃখ কখনও অনুভব করিনি—রাজিকে এত দীর্ঘ কোনদিন মনে হয়নি।

হাজীগাহেব আমাকে বলেছিলেন—ভোরবেলা তোমাকে আমি পথ ধরিয়ে দেব। তুমি ঘুমিয়ে নাও।

কিন্তু ঘুম আমার আসেনি। দীর্ঘকণ অন্ধকারের মধ্যে থেকে তখন অন্ধকারের মধ্যেও চোখে বেশ দেখতে পাচ্ছিলাম। দেখছিলাম ওই বুদ্ধকে। বুদ্ধ প্রায় আপনমনেই কথা বলে যাচ্ছিলেন। বলছিলেন অবশ্য আসাফুল্লাকে। কিছুকণ পর পর ইরসাদ ইকবালও এসে বসেছিল। আর ছিলাম আমি আর নাজমা। নাজমা ঘুমোচ্ছিল।

হাজী বলছিলেন—আখতার ধরিয়ে দিয়েছে আসানকে, নিজে দাঁড়িয়ে থেকে গুলি করিয়েছে বলছিল—তা বোঝহয় ওর ভাই করারই কথা রে। সেই দাদাদের আমল থেকে এই আক্রোশ। আমাদের দাদোর বাবার নাম মহম্মদ ওসমান সাহেব। আমার দাদোর মাকে সাদী করেছিলেন—তিনি ছিলেন এই দেশের মেয়ে, মত বড় জোতদার ছিলেন

যেন অনেক কয়েক মিনিট দীর্ঘ মনে হল। তবুও তাকে প্রশ্ন কেউ করলেন না—তারপর ?

জজসাহেবও স্তব্ধ হয়ে তার মুখের দিকে তাকিয়ে ছিলেন—তার হাতে পেনসিল ছিল একটা, অকস্মাৎ সেটা হাত থেকে খসে টেবিলের উপর এবং টেবিল থেকে গড়িয়ে মাটিতে পড়ে গেল।

সেই শব্দে সজাগ হয়ে উঠল ছেলোট। বললে—হজুর, একদিন মায়ের বাস্ন খুললাম। মায়ের জিনিসপত্র ছিল না কিন্তু ট্রাঙ্ক ছিল তিনটে। যত বাজে ভাড়া ফুটো জিনিস ভর্তি থাকত। একটা বাস্নের দরকার ছিল। বোমা তৈরি করেছিলাম—সেগুলো নিয়ে যাবার জন্তে বড বাস্নেরই দরকার ছিল। খড গ্রাকডা নিচে দিয়ে আরও খড গ্রাকডা দিয়ে প্যাক করে তার ওপর খানকতক কাপড বই দিয়ে এক জায়গা থেকে অন্য জায়গায় নিয়ে যাবে। বড একটা হাঙ্গামা আছে। দলে দলে হাঙ্গামা হজুর। বাজারে বাস্ন কেনার হাঙ্গামা ছিল। তাই বাড়ির বাস্ন একটা খালি করে নিয়ে যাব ঠিক করেছিলাম। আমার মা সে-দিন—।

—সন্ধ্যার পর। মা বাড়ি ছিল না। একটা বাস্ন খালি করে ফেললাম। হজুর, তার মধ্যে পুরনো ছেঁড়া একটা গরম কোট ছিল। কতকগুলো কাগজ ছিল। একটা সিগারেটের কেস ছিল। পুরনো কমাল ছিল। হজুব, সব শেষে ছিল—একখানা ফটো। অনেকটা ফ্যাকাশে হয়ে গেছে।

হজুর, আলোতে ছবিখানা দেখলাম, দেখে আমি চমকে উঠলাম। এ কে ? এ কে ? চেয়ারে বসে ? আর পাশে দাঁড়িয়ে ?

চিনতে পারলাম হজুর।

মাকে চিনলাম আগে। বিষের বনে আমার মা। মাথায় মুকুট গায়ে গয়না পরনে দামী শাড়ি। তারপর চিনতে বাকী রইল না চেম্বারে যে বসে তাকে। সে আমার বাবা প্রণব কুমার চক্রবর্তী। দেখলাম হজুব—অবিকল আমি।

আমার সব ভুল হয়ে গেল। আমি ভুলে গেলাম আমাকে ট্রাঙ্ক নিয়ে যেতে হবে। আমি ভুলে গেলাম। ছবিটা নিয়েই বসে রইলাম আলোব সামনে। কালীপড়া একটা লঠন। তারই আলোতে অবাক হয়ে দেখলাম। আমি শুনেছিলাম—দিদিমা মাঝে মাঝে বলত—আমি বাবার মত দেখতে। মা আমাকে দেখে হয় মুখ ফিরিয়ে নিত নয় বিরক্ত হত—তার চিৎর ফুটত তার মুখে। আমি এ ছবি কখনও দেখি নি। বাবা যখন মারা যায় তখন আমি এক বছরেরও নই। সেদিন এই ছবি দেখে আমার যে কি হল তা বলতে পারব না। মনে হল আমি যেন রাজা হয়ে গিয়েছি। মনে হল ছবিখানা নিয়ে সারা হাওড়ার পথে পথে দেখিয়ে আসি—চীৎকার করে বলে আসি—দেখ আমার বাবার ছবি দেখ।

দলের লোক ডাকতে এল—তাকে ট্রাঙ্কটা দিয়ে দিলাম—আমি গেলাম না। বললাম—যাব না আজ। আমাকে ডাকিস নে। খুনোখুনি হয়ে যাবে। পালা। সে চলে গেল। আমি ক্যাপার মত ঘরে ঘুরতে লাগলাম। ঠিক এই সময় এল আমার মা।

মাকে আমি রাঙ্গুসী বলতাম। বলতাম তার ওপর রাগের জন্তে—যেভাবে সে মারত তার

জন্তে । পরে আর একটা চেহারার জন্তেও বলতাম । সে যে সাজ করে ওই একটা লোকের সঙ্গে বেরিয়ে যেত সপ্তাহে একদিন করে রাতে তার জন্তে । সে ঘরে তালা দিয়ে বাইরে যেত । আমার তো ঠিক ছিল না কিছু । আমি ঢুকতাম পাঁচিল টপকে । তারপর ঘরের চাবি খুলে নিতাম—সে চাবি আমার কাছে থাকত । ঘরের তালা খুলে মা ওই সাজে ঢুকতেই আমার মাথায় আগুন জ্বলে গেল । আমি গিয়ে সামনে দাঁড়িয়ে বললাম, কোথায় গিয়েছিলি ?

মা চমকে উঠে আমার মুখের দিকে তাকিয়েছিল ।

আমার রাগ চড়ে চড়ে উঠেছিল—বললাম—বল, আজ তোকে বলতে হবে । কেন তুই যাবি এমনভাবে ? তোর লজ্জা নেই তোর হায়া নেই ?

মা আমাকে ঠেলা দিয়ে বলেছিল—সরে যা—সরে যা নীলু—আমার মাথায় খুন চড়িয়ে দিস নি ।

আমি সরি নি । পথ দিই নি ঘরে ঢুকতে ।

• মা বলেছিল—নীলু! সর আমি চান করব ।

—হজুর, বাইরে থেকে এসে মা চান করত । সে সেই বোধ হয় গোড়া থেকেই । আমি আজন্ম দেখে আসছি ।

আমি বললাম—না । আগে তোকে বলতে হবে কেন তুই আমার বাবার মুখে আমার বংশের মুখে এমন করে কালী মাথিয়ে দিবি ? আমার বাবা মরে গিয়েছে সে কি তার—

মা আমার কথায় বাধা দিয়ে বলেছিল—তোর বাবাকে আমি ঘেন্না করি তোদের বংশকে আমি ঘেন্না করি । আর তুই ? তোকে পেটে ধরে আমার লজ্জার শেষ নেই । অথও তোর পরমাধু—তুই হয়ে হয়েই মরিস নি ।

আমি ঠাস করে এবার মায়ের মুখের উপর চড় কষিয়ে দিয়েছিলাম ; শুধু চড় মারাই নয় হজুর ; ছেলেবেলা থেকে মায়ের উপর অহরহ রাগ করে থেকে থেকে মেজাজ আমার রাবণের চিতার মত জ্বলে—আমার বাবাকে আমার বংশকে গাল দেওয়া আমার সঙ্গ হয় নি । শুধু চড়ই মারি নি খারাপ কথা বলে গালও দিয়েছিলাম ।

মা স্তম্ভিত হয়ে গিয়েছিল । হজুর, মায়ের সঙ্গে সমানে মারপিট করেছি—মা মারলে আমিও মেরেছি—হাতে কামড়ে দিয়েছি, ঢেলা ছুঁড়েও মেরেছি কিন্তু এমনভাবে কখনও গালে চড় মারি নি ।

কিছুক্ষণ গালে হাত দিয়ে আমার মুখের দিকে সাপের মত তাকিয়েছিল মা । আমি মনে করেছিলাম মা ভয় পেয়েছে—মা এবার বলবে—আর করব না । আমি ভাবছিলাম ওকে গলা টিপে মেরে ফেললে কি হয় !

অন্যায়ালে তখন আমি খুন করতে পারতাম । আমিই মায়ের হাত ধরে তাকে ঘরে টেনে এনে বাইরের দরজা বন্ধ করে দিয়েছিলাম—তারপর বলেছিলাম, বল কেন তোর পাপে আমার চৌদ্দপুরুষ নরকস্থ হবে ? বল ?

মা বলেছিল—আমি যেদিন মরব সেদিন তোকে ডেকে সব বলে যাব । আর তুই যদি



ময়িস তব—

আমি তখন মরীয়া। আমার হাতের কাছেই পড়েছিল একখানা কানাতাড়া রেকাবি সেই-  
খানা তুলে নিয়ে মায়ের কপালে মারলাম—ভাবলাম না কি হবে! রেকাবির ধারটা কপালে  
থপ্ করে বসে গেল। বললাম—সীতা শাবিত্রী আমার—হারামজাদী—কুস্তার বেটা কুস্তি—

কথা আমার শেষ হল না—শেষ করতে পারলাম না আমি—মায়ের কপাল থেকে গলগল  
করে রক্ত বের হয়ে গড়িয়ে মুখখানাকে ভয়ংকর করে তুললে। আমি বোবা হয়ে গেলাম।  
চেয়ে রইলাম মুখের দিকে।

মা বাঁ হাত দিয়ে সেই রক্ত নেড়ে আঙুলে মেখে চোখের সামনে ধরে দেখে আস্তে আস্তে  
বললে—রামের মত স্বামী পেলে আমিও সীতা হতে পারতাম নীলু। তোর বাপ রাম ছিল না  
রে! রাবণ সীতাকে হরণ করে নিয়ে গিয়েছিল—রাম সমুদ্র বন্ধন করে রাবণকে বধ করে  
তারপর সীতার অগ্নিপরীক্ষা নিয়েছিল। তোর বাবা রাম ছিল না—আমাকে কুস্তার বেটা  
বললি—আমার বাবা কুস্তার চেয়েও অধম জীব ছিল। অর্থের জন্তে বড়লোক লম্পটের পা  
চেটেছে—তাদের কাছে স্ত্রী কণ্ঠা বিক্রি করেছে। আমাকে যখন বিক্রি করলে আমার হাতে  
নগদ দু'হাজার টাকার নোটের গোছা ধরিয়ে দিয়ে বাবা নির্লজ্জের মত পাষাণের মত সেই টাকা  
আমার হাত থেকে টেনে নিয়ে পকেটে পুরে বেরিয়ে গেল। ঘরের দরজাটা মল্লিক বন্ধ করে  
দিয়ে—।

হুজুর, মা আমার হাউহাউ করে কেঁদে উঠল একবার। বললে—ওরে নীলু, আমাকে সেকালে  
দাসী বাদী যেমন বিক্রি হত তেমনি করে বিক্রি করলে প্রথমে বাপ। আমি তখন ষোল  
বছরের মেয়ে—আমি কি করব? অসহায় অবলার মত পড়ে রইলাম—লোকটা আমাকে  
• রান্সের মত গোত্রালে গিললে—।

তোর বাবাকে তখন আমি দু'হাত বাড়িয়ে ভেঙেছিলাম—তুমি স্বামী—তুমি আমাকে  
বাঁচাও বাঁচাও। বলেছিলাম—ভীম যেমন দ্রোপদীকে কীচকের হাত থেকে বাঁচিয়েছিল  
তেমনি করে বাঁচাও। শুধু বাঁচানো নয় তুমি শোধ নাও। তুমি ওকে খুন কর। করে যদি  
ফাঁসি যেতে হয় যাবে—তুমি ভেবো না—আমি বিধ খেয়ে মরব। কিন্তু তোর বাবা কাপুরুষের  
অধম কাপুরুষ—আমাকে উদ্ধার করতে এসে ছুরি তুলে কাঁপতে লাগল ধরধর করে, ওই রাবণ  
তার হাত ধরলে, ছুরিটা পড়ে গেল। তোর বাপ তার পায়ে গড়িয়ে পড়ে বললে—আমাকে  
ক্ষমা করুন। আমাকে ছেড়ে দিন। ওই আমাকে বলেছিল—। তোর বাপ আমার দিকে  
দেখিয়ে দিয়েছিল।

আমি মাটির পুতুলের মত অবশ হয়ে গিয়েছিলাম—চোখেও বোধ হয় পাতা পড়ে নি—  
মায়ের মুখের দিকে তাকিয়ে শুধু শুনেই গিয়েছিলাম—মায়ের কাছে লিখিয়ে নিয়েছিল—আমাকে  
আপনি কিনিলেন—তার দাম দিলেন আমার বাবাকে আমার স্বামীকে। আমি চিরদিন কেনা  
হইয়া রইলাম। বাবা লিখে দিয়েছিল—আমার স্ত্রী রত্নমালাকে খেছায় আপনাকে বিক্রয়  
করলাম এবং দুই হাজার টাকা বুঝিয়া পাইলাম। তারপর বাবা নিজে নাকি নিয়ে যেত

মাকে সঙ্গে করে ।

কপাল থেকে রক্ত ঝরে ঝরে মুখ ভিজিয়ে বুক ভিজিয়ে দিয়েছিল—মধ্যে মধ্যে থানা থানা হয়ে জমেও উঠেছিল—সেদিকে তারও খেয়াল ছিল না আমারও ছিল না । সব বলা শেষ করে মা বলেছিল—ওরে নিজেকে ক্ষমা করতে পারি না সেই বাপের মেয়ে বলে । সেই স্বামীর স্ত্রী বলে । তোকে ক্ষমা করতে পারি নি ওই কাপুরুষ বাপের ছেলে বলে । তুই পেটে না এলে আমি হয়তো মরতাম মরতে পারতাম । তোকে কোন দিন স্নেহ করি নি কিন্তু তোর জন্তেই মরতে পারি নি ।

বলতে বলতে মা চলে পড়ে গিছিল । রক্তক্ষয়ে দুর্বল হচ্ছিল সে খেয়াল ছিল না । তারও ছিল না । আমারও ছিল না । যখন পড়ে গেল তখন মা বললে—নীলু, তুই লোকজন ডাক রে—তাদের সামনে বলব আমি নিজে রাগ করে কানাতাড়া রেকাবিথানা নিজের মাথায় বসিয়ে দিয়েছি ।

হজুর, আমি সেদিন প্রতিজ্ঞা করেছিলাম এর শোধ আমি নেব । আমার মা । হজুর, লোকে আমাকে মস্তান বলে—যার মায়ের উপর এমন অত্যাচার হয়—যার চারিদিকে কোন আনন্দ নেই আশা নেই সে মস্তান না হয়ে কি করবে ? উপায় কি তার ? মায়ের কাছে সব কথা শুনে অবধি আমি ঘুরেছি—পাগলের মত ঘুরেছি । তারপর ছোরা নিয়ে তৈরী হয়ে সেদিন দাঁড়লাম ওই গলির মোড়ে ।

বলতে ভুলেছি হজুর, মাকে হাসপাতালে দিতে হয়েছিল । মা লোকেদের কাছে বলেছিল নিজের কপালে সে নিজেই তাড়া রেকাবি বসিয়েছে—হাসপাতালে বলেছিল এমন কাটা নিজের হাতে হয় না । লোকজনে বলেছিল—তাহলে ওর ছেলেই মেরেছে । তাও লেখা আছে পুলিশের খাতায় । তারপর মা বাঁচল—হাসপাতালে সাতদিন থেকে কিরে এল । এসে বললে—নীলু, তুই চলে যা । আমি তোকে টাকা দিচ্ছি, এই বাড়ি বিক্রি করে টাকা দিচ্ছি তুই চলে যা কোথাও ।

আমি মাকে কিছু না বলে চলেই গেলাম । চলে গেলাম না, লুকোলাম কাছেপিঠেই । বৃকে আগুন জ্বলত অহরহ । সঙ্গী-সাথীদের সঙ্গে ঝগড়া হল । তাদের আমি ছাড়লাম, তারা আমাকে ছাড়লে । ছোরাখান্না নিয়ে তকে তকে থাকতাম । জানতাম মা সপ্তাহে একদিন যায় । ঠিক করেছিলাম প্রথম দিনেই রাক্ষসকে আমি বধ করব । আর এক দিন এক বারও সে আমার মায়ের গায়ে হাত দেবে তার থেকে আমার মৃত্যু ভাল । কিন্তু তা পারি নি হজুর । সে আমার আপসোস । এত আপসোস আমার বারা দাদামশায়ের কাজের জন্তেও হয় নি । প্রথম দিন গাড়ি এল কিন্তু সে এল না ।

দ্বিতীয় দিন গলির মুখে অন্ধকারে দাঁড়লাম ।

একটা লোক নেমে ভিতরে গিয়ে মাকে ডেকে আনলে ।

রাক্ষসটা নামলে । এগিয়ে এসে বললে—এস ।

- আমি লাকিয়ে পড়লাম । পেটে ছুরি চাললাম । তারপর বৃকে বাঁদিকে ডানদিকে ।

লোকটা পড়ে গেল। যে লোকটা মাকে ডাকতে গিছিল সে ভয়ে ছুটে পালাল। গাড়ির ভিতর থেকে ড্রাইভারটা চীৎকার করে উঠল। মা বলে উঠল—নীলু!

বললাম—হ্যাঁ। এই তোকে খালাস করে দিলাম। এরপরও যদি এই পাপ তুই করিস তবে তুই যা বলেছিস সব মিথ্যে আর তার জন্যে তোর কুষ্ঠ হবে জেনে রাখিস। যদি না হয় তবে ফাঁসি যাব আমি—আমি মরা ঈশ্বরকে নরককুণ্ডের পাঁকে পুঁতে দেব চিরদিনের মত।

আমাকে ফাঁসির হুকুম দিন।

আমি খুন করেছি। আমার মাকে যে টাকার জোরে জঙ্ক-জানোয়ারের মত কিনেছিল তাকে খুন করে আমার মাকে আমি খালাস করেছি।

ঠিক এই মুহূর্তে একটা গুরুভার কিছু পড়ে যাওয়ার শব্দে সারা আদালত ঘরটা চকিত হয়ে উঠল। কি পড়ল? আসামীও চুপ করলে এবং সেই দিকে তাকালে যেদিক থেকে শব্দটা

উঠেছিল সামনের দিক থেকেই।

একটি অতি বিচित्र হাসি ফুটে উঠল তার মুখে।

মা।

তার মা চেয়ারে বসেছিল—সে অজ্ঞান হয়ে পড়ে গেছে। কোর্ট অ্যাডজোর্নড হল সেদিনের মত।

### ছয়

“মানুষের প্রতি কি মানুষের অত্যাচার করার অধিকার আছে? প্রশ্ন নিশ্চয়োজন। এ অধিকার নাই। তবু অত্যাচার ঘটে। মানুষ মানুষের উপর সজ্ঞানেই অত্যাচার করে। তাহার প্রতিবিধানের জন্য দেশে আইন আছে কাহুন আছে শাসন আছে শৃঙ্খলা আছে তবু অত্যাচার হয়। এবং বহু ক্ষেত্রে সে অত্যাচারের প্রতিকার হয় না। আইন অসহায়ভাবে দুর্বল হয়ে মাথা নত করে। মানুষের অত্যাচারবোধ নীতিবোধ সমস্ত কিছুকে মানুষেরই প্রবৃত্তি সরীসৃপের মত বিধাক্ত দংশনে বিনষ্ট করে। আইন শৃঙ্খলার লোহার বাসরঘর নির্মাণ করে মানুষ অত্যাচারনীতির লবীন্দরকে বাঁচাতে চেষ্টা করে। কিন্তু স্ফটীপ্রমাণ ছিত্রপথে কালনাগিনী প্রবেশ করে লবীন্দরের প্রাণ হরণ করছে যুগ যুগ ধরে। মানুষ অসহায়ভাবে মেনে নেয় এবং এই সরীসৃপ প্রবৃত্তিকে মাথা নত করে স্বীকার করে নিতে বাধ্য হয়। মধ্যে মধ্যে ব্যতিক্রম ঘটে। বর্তমান ঘটনাটি তার একটি প্রকৃষ্ট প্রমাণ।

আসামী নীলু চক্রবর্তীর জীবন নিষ্ঠুর অভিশাপে অভিশপ্ত জীবনের একটি বিরল দৃষ্টান্ত।

জন্মের বোধ করি প্রথম মুহূর্ত থেকে সে তার মাতৃস্নেহ থেকে বঞ্চিত, সম্ভবতঃ ঠিক বলা হল না—মাতৃরোষের দ্বারা তিলে তিলে সে দম্ব। সমাজে সে চরমতম অপমানে অপমানিত, লালনায় লালিত। এক কামার্ত নরপিশাচের কুটিলতম অত্যাচারে অত্যাচারিত।

পাবলিক প্রসিকিউটর বলেছেন সাক্ষীদের দ্বারা তিনি প্রমাণিত করেছেন যে আসামী কুখ্যাত একজন মস্তান। স্থানীয় লোকেরা তার নামকরণ করেছে টাইগার। অর্থাৎ হিংস্র স্বাপনদের মধ্যে সর্বাপেক্ষা শক্তিশালী এবং হিংস্র স্বাপন।

হয়তো তাই।

এ সম্পর্কে আসামীপক্ষের অ্যাডভোকেট বলেছেন—হয়তো তাই। যার মায়ের অপমান হয় ধনী ব্যাভিচারীর কলুষিত ধাবার নীচে, যে বালকের জীবনে কোন সম্মান নেই সমাদর নেই সে যদি সত্যিই প্রাণবন্ত হয় তবে বাঘের মত হিংস্র হয়ে নিষ্ঠুরভাবে বর্তমানের সব কিছুকে ভেঙে-চুরে চূর্ণ করে না দিয়ে তার পথ কোথায়? যাকে কেউ স্বীকার করে না তাকে আপন শক্তিতে স্বীকার করাতে হয়, সকল অত্যাচারকে রোধ করতে হয়।

মানুষের কাছে সকল অত্যাচারের চরম অত্যাচারে—মায়ের অপমান।

আসামীপক্ষের অ্যাডভোকেট বলেছেন—সারা দেশের অবস্থা এবং দেশের তরুণদের অবস্থা বিশ্লেষণ করে বলতে ইচ্ছে করে যে এই বালক এবং তার মা তার প্রতীক।

এ কথা স্বীকার করতে আমারও ইচ্ছা হয়। এবং বলতে আমি বাধ্য যে এই বালকের মায়ের উপর যে কুটিল এবং কল্পনাশীলরূপে কুৎসিত অত্যাচার হয়েছে, আইনসংগতভাবে তার প্রতিকার হয়তো পেতে পারত কিন্তু এর শোধ নেবার অধিকার তার ছিল না। এ কথাও সত্য যে, বিচিত্র মানুষের সমাজের অতীত-কালের প্রভাবে ওই মিথ্যা দলিলে সহি করিয়ে নিয়ে এই নারীর উপর যে অত্যাচার হয়েছে এবং যে অত্যাচারের মুখে অসহায়ভাবে তার পিতা ও তার স্বামী তাকে সমর্পণ করেছে তাতে তার এই পুত্রটি এইভাবে নিজের জীবনপণে ফাঁসিকেই স্থির পরিণাম জেনেই অত্যাচারীকে হত্যা করেছে; সে দুর্দান্ত, প্রাণবন্ত—তার পক্ষে বোধ হয় এই ছিল স্বাভাবিক। দেশের আইন এতে সম্মতি না দিলেও এই প্রাণের বিনিময়ে প্রাণ দিতে উত্তম হত্যাকারী পুত্রটিকে মানুষ শ্রদ্ধা ও প্রশংসার দৃষ্টি দিয়েই মনোলোকে অভিব্যক্ত করবে।

আমি মহামাণ্ড হাইকোর্টের কাছে এই বালকের সকল অপরাধের মার্জনার জন্য সুপারিশ করছি।”

দায়রা বিচারের রায়খানা পড়ছিলেন, সুধাংশুবাবু। সুধাংশুবাবুর সেই বসবার ঘরে। সেই রাত্রিবেলা। সামনে দাঁড়িয়েছিল সেই চাঁপা—সেই রত্নমালা।

প্রেতিনী নয়, মমতায় বেদনায় জল-টলমল দুই চোখ নিয়ে সুধাংশুবাবুর সামনে দাঁড়িয়ে ছিল—মা। ফোটা ফোটা অশ্রু বয়ে পড়ছিল।

সকল মানি সকল বন্ধন থেকে মুক্ত মা।

সুধাংশুবাবু প্রসন্ন এবং গভীর শ্রদ্ধার সঙ্গে তার মুখের দিকে তাকালেন।

আজমীর মধ্য বসে একথানা ক'রে রুটিও আঁকরা খেয়েছিলেন।

নাঁজমা দেখতে ছোট, কয়াগড়নের কালো ঘেঁরে—কিন্তু তার বুকে কি অফুরন্ত দুঃখ। আর ওর ছেলেটা, চাঁদ ওর নাম—ছেলেটাও শান্ত। ছেলেটা এর মধ্যেও হাসছিল। বেরিয়েছিলাম সেখান থেকে সন্ধ্যার মুখে। সঙ্গে একটা-টর্চ ছিল—তার ব্যাটারি ফুর হয়ে এসেছিল। সেইটেকে ভরসা করেই বেরিয়েছিলাম। ওদিকে তখন আঙন ঘোঁরা কোলাহল কমে এসেছে। মনে হল—যে সিপাহীর দল এসেছিল এখানকার বিদ্রোহ-বিপ্লব দমন করতে, তারা কাজ শেষে চলে গেছে।

ভরসা ক'রে বেরিয়ে পড়লাম। নাঁজমাকে বললাম—নাঁজমা ভয় পাসনে যেন। ভয় পেলে আর কুলকিনারা মিলবে না।

নাঁজমা বললে—না বড়ভাই, ভয় আমার নাই। চল তুমি।

হঠাৎ জিজ্ঞাসা করলাম—ধরাই যদি পড়ি নাঁজমা?

নাঁজমা বলেছিল - সে আমার নসীব—আর কি কম?

\* \* \* \*

কার নসীবের নির্দেশ তা জানি না। ধরা পড়ে গেলাম আধবন্টার মধ্যে। খানিকটা মাঠে মাঠে পায়-চলা পথে চলে মনে হল দিগদিগন্ত হারিয়ে গেছে। অন্ধকার রাত্রি—দূরে দূরে গ্রামে আলো দেখা যাচ্ছে—কিন্তু সেদিকে চলতে সাহস নেই। চলছিলাম নিঃশব্দে। খুঁজছিলাম একটা অন্ততঃ গাছতলা। এক সময় মনে হল গাছতলা যেন পেলাম। ওই দূরে একটা গাছতলা। গাছতলাটার দিকে আসতেই হঠাৎ টর্চের আলো মুখের উপর পড়ল। কেউ যেন টর্চের আলো ফেললে মুখের উপর। জিজ্ঞাসা করলে—কে? কে তোমরা?

আমি কিছু বলবার আগেই সে বললে - তুমি .ক? তুমি তো এদেশের লোক নও! এই চেহারা এই চোখ এই চুল এই রং।

লোকটার দিকে তাকিয়েছিলাম আমি। আলো তার মুখের উপর না পড়লেও মুখখানা দেখা যাচ্ছিল। দেখলাম এ দেশেরই লোক। মনে হল রাজাকার-টাকাকার দলের কেউ হবে। কিংবা মুসলীম লীগ। মাথার টুপিতে চাঁদভারা বসানো ছিল।

পরিচয় আমি গোপন করলাম না। বললাম—আমি একজন পাকিস্তানী ক্রীড়ান—আমার বাবা ইংরেজ ছিলেন—মা ছিলেন দেশী ক্রীড়ান।

আমার পাসপোর্টটাও দেখালাম।

তারা কিন্তু নিষ্ঠুর হাসি হাসছিল। তার অর্থ ঠিক বুঝতে পারছিলাম না। কিন্তু বুঝতে দেয়ি হল না—আমাদের সব কিছু সন্ধান ক'রে সব কেড়ে নিয়ে রুমালে বেঁধে কোমরে ঝুঁঙলে—তারপর দাঁত মেলে বিচিত্র কামার্ত হাসি হেসে হুঁহাত বাড়ালে নাঁজমার বুকের কাপড়ের দিকে।

কীধকারা নাঁজমাকে তো চোখেই দেখছেন—ওর যৌবন সবুজ যৌবন। হ্যাঁ।

এ কয়দিন আর দিকে তাকিয়ে—বার বার ওই ঘোবনের দিকে তাকিয়েছি আবার ভেবেছি। কেন? এমন উদ্ধত ঘোবন—

ও যখন ওর ছেলোটাকে কোলে করত—তখন এর উত্তর পেতাম। উদ্ধত ঘোবন নয় নাজমার—সবুজ ঘোবন। তার সব সবুজি ওই ছেলোটার ভেত্রে।

আমি চীৎকার করে উঠলাম—না।

নাজমাও চীৎকার করে উঠল। তাবাহীন একটা চীৎকার। ঠিক এই মুহূর্তে তীব্র আলো জলে উঠল। মোটরের শব্দ উঠল।

আমরা অন্ধকারে বুঝতে পারিনি—গাছতলাটা একটা গাড়ি চলাচলের সরকারী রাস্তার ধারের একটা গাছতলা। আলোটা জলে ওঠার সঙ্গে সঙ্গে রাইফেলের আওয়াজ হল। পর পর তিনটে-চারটে। বাতাসে শিস কেটে গুলি বেরিয়ে গেল আমাদের কিছুটা দূর দিয়ে।

এরা চীৎকার করে উঠল—পাকিস্তান জিন্দাবাদ।

গুলি বন্ধ হল। গাড়িটা গোঙাতে গোঙাতে এসে দাঁড়াল। একটা মিলিটারি জীপ—তার সঙ্গে আরও একখানা জীপ। গাড়ি থামল—আলো নিভল না। সে আলো পরিপূর্ণভাবে আমাদের উপর এসে পড়েছিল। নাজমা আমাকে জাপটে ধরে ফুঁপিয়ে কেঁদে উঠল।

আমি আমার ঈশ্বরকে ডাকলাম—ক্রাইস্টকে ডাকলাম, আব্রাহামকে ডাকলাম—পরগছর রত্নকে ডাকলাম—হিন্দুর ঈশ্বরকেও ডাকলাম। নাজমাকে বাঁচাও। জীবনের মধ্যে একটি ভিথিরীর মেয়ে, কালো মেয়ে—একটি মজুর আদমীর ছাী—আমাকে বড়ভাই বলে—আমাকে সজ্জন জেনে আমাকে জড়িয়ে ধরেছে আত্মরক্ষার ভিত্তি। আমি দুর্বল—আমি অসহায়—তোমরা বাঁচাও তাকে। তোমরা বাঁচাও।

এরই মধ্যে একটা খুব ভারী গলার আওয়াজে কেউ আমাকে জিজ্ঞাসা করলে—কেয়া নাম তুমহারি? তারপরই বললে—Hallo—are you not David Armstrong? Motor mechanic David? গজল গানে-বালা ডেভিড নেহি হো তু?

আমি অবাক হয়ে গিছলাম। তবু আমার খুব হয়েছিল—মনে পড়েছিল চাকার ২৫শের রাজিকালের কথা। তবুও বিশ্বাসের শেষ ছিল না। মিলিটারি জীপ থেকে নেমে এমন বন্ধুত্বপূর্ণ কণ্ঠস্বরে আমার সঙ্গে আমার নাম ধরে ডেকে কথা বললে কে?

আমি কিছুটা আতঙ্ক হয়ে জিজ্ঞাসা করলাম—আপনি কে? আপনি—আপনি—

উত্তর পেশাম—পছান্ডে নেহি? I am Zaffar Mahammad Jaffarulla Khan of Lahore? Look at my face—

তারপর একসঙ্গে একরাশি প্রশ্ন।

তুমি এখানে কোথা থেকে এলে? এখানে তুমি কি করছ?—তুমি এখানে কি কর? এমনধারা চেহারা হয়েছে কেন? আরে তুমি কি এই ছোটো আদমীদের সঙ্গে জড়িয়ে পড়েছ নাকি?

আরে—এ কে? এটা—এই ছোকরী? এই কালো মেয়েটা? আ—হা। এ

তো বহুত আছা—খুবহরতী ছায়া।—আরে ডেভিড, কাঁহাসে এইসা চীজ তুমি জুটাবা হো ?  
কার্বারের লালসা তার কথাগুলো থেকে বেন বরে বরে পড়ছিল। আমাকে নাজমা  
সজোরে জড়িয়ে ধরলে।

\* \* \* \*

জাকরউল্লা খাঁ—সেই জাকরউল্লা খাঁ। যে জাকরউল্লা খাঁ পাকিস্তান ইলেকট্রিসিটি  
বোর্ডের একজন অফিসার ছিল। যে আমার গজলগান শুনে দোস্তি করেছিল। যে আমাকে  
নিরে এই পূর্ব পাকিস্তানে আসতে চেয়েছিল। আমি ওর সঙ্গে আসিনি—তালো লাগেনি।

সেদিন সেই মুহূর্তে আমি লজ্জিত বোধ করেছিলাম।

জাকর খাঁ বলেছিল—ভাগ্যিস আমার চোখে পড়েছিলে তুমি। না হলে তোমাকে  
হয়তো এরা গুলি ক'রে মেরে দিয়ে তবে কথা বলত। কালো কালো এই বাঙালীগুলোর মধ্যে  
ইংরেজী শিখে যারা কার্যদে আজমের পাকিস্তানকে বরবাদ করে দিতে চায় তাদের কুত্তার  
মত গুলি ক'রে মারতে কসম খেয়ে লড়াইয়ে নেমেছি আমরা। Thank your star David  
—নিঃসন্দেহে তুমি ভাগ্যবান।

গাড়িগুলো হাজিসাহেবের গ্রামে ঢুকছিল। এসে খামল মসজিদের সামনে। ছড়িয়ে  
পড়ে রয়েছে গুলি খেয়ে মরা বেরনেটের খোঁচায় মরা মানুষ। এই গাঁয়ের মানুষ। মেয়ে-  
পুরুষ, বাপ-ছেলে, বুড়ো-বুড়ী।

জাকর খাঁ নেমেই বললে—সেই শরতানকে—কুত্তাকে হারামীকে মিলেছে ? হাজী  
শেখ আকাসকে ? নেই মিলা ?

—নেই মিলা।

কুৎসিত গালাগালি দিলে জাকর খাঁ।

পাকিস্তানের ছশমন—ইসলামের হকুমৎ না-মানা লোক শরতান হাজী শেখ আকাস।  
এখানে ধানচালের কারবার নিয়ে জাকর খাঁ মিলওয়ালার সঙ্গে ছশমনি করে হাজী আকাস।  
এখানে আওয়ামী লীগের বাঙা উঁচা করে এই হাজী শেখ আকাস। তাকে পাওয়া যায়নি ?

—খোঁজা হয়েছে ভাল ক'রে ? খোঁজ ভাল ক'রে। মূর্খা হোক আর জিন্দা হোক—  
বের কর তাকে। ভাল ক'রে খুঁজে দেখ। টর্চলাইট ফেলে দেখ। সার্চলাইট জ্বলে—  
আলো ফেলে খোঁজ।

—দেখ ভাল করে আওয়ামী লীগের কোন লোকের বাড়ি খাড়া আছে কি না ;  
পোড়ার হাত থেকে বেঁচেছে কিনা। দেখ। দেখ—

ছোটো মড়া টানতে টানতে নিয়ে এল একজন স্থানীয় লোক—ইয়ে দেখিয়ে—ইয়ে ছায়া  
হাজীকে ববলে বেটা আমীন—আবাহুজা শেখ—আর ইয়ে ছায়া এক লেড়কা—ইরশাদ—

ভাল ক'রে দেখলে জাকর খাঁ। তারপর ছোটো লাখি বেরে সরিয়ে দেবার ভঙ্গি ক'রে  
বললে—বুচ্চা কো মিলনা চাহি।

—ওদের বাড়ির ঔরংরা কোথায় ?

—তাদের আগেই সরিয়ে দিয়েছে—

—আঃ !

আমি পাথর হয়ে যাচ্ছিলাম। অবশ, পদুর যত বসেছিলাম জাকর খাঁর সামনে। জাকর খাঁ একটা গোটা মুরগী রোস্ট নিয়ে প্রচণ্ড কুখায় এবং উজাসের উৎসাহে খাচ্ছিল। তার সঙ্গে ছইকি।

হাজীসাহেবের গ্রাম থেকে বাইল তিনেক দূরে একেবারে নদীর কিনারায় জাকরউল্লা খাঁয়ের রাইস মিল, তার সঙ্গে আরও ব্যবসার সারিবন্দী আপিস। পাশেই হুন্দর বাংলো। বাংলোর মাথায় পাকিস্তানী ক্যাগ উড়ছিল, সামনে বারান্দায় জাকরউল্লা খাঁ খাচ্ছিল। আমিও বসেছিলাম। না, আমিও খাচ্ছিলাম। আমার সামনেও খাবার ছিল। কিন্তু আমি দেখছিলাম জাকর খাঁকে।

জাকর খাঁ মোটা হয়েছে। রঙ কিছু ময়লা হয়েছে কিন্তু মেদবৃদ্ধি হয়েছে। চিবুকের নিচে মাংসের একটা থলি যেন ঝুলে পড়েছে। মদে মুখটা ধমধম করছে। হা-হা ক'রে হাসছে। মধ্য মধ্য আক্রোশে দাঁতে দাঁত ঘষছে। আক্রোশ হাজী আক্বাসের উপর।

জাকর খাঁ পান্জাব থেকে পূর্ব পাকিস্তানে এসেছিল, দৌলৎ আর দৌলতখানা গড়বার জমিনের সন্ধানে।

—পূর্ব তরফ কি দক্ষিণ তরফ চলে যেয়ো।

জাকর খাঁ বলছিল আমাকেই। বলছিল—আমার বাপ দাদা এঁরা বলতেন - এক জায়গায় জায়গীর টুকরো টুকরো করো না। চলে যেয়ো ছড়িয়ে পড়ো। আমার পূর্বপুরুষ সামাদ খাঁ এসেছিলেন নাদির শাহের সঙ্গে। শাহ নাদির সারা বালুচিস্তান সারা পশ্চিম পান্জাব হিন্দুস্তানের বাদশার কাছ থেকে কেড়ে নিয়ে জায়গীদার বসিয়ে দিয়ে গিয়েছিলেন। সামাদ খাঁর জায়গীর বাড়িয়ে গিয়েছিল তার ছেলে। শাহ আবদালী দিল্লীর বাদশাকে হারিয়ে নিজের সীমানা যখন বাড়িয়ে নিলে তখন সামাদ খানের ছেলের জায়গীরেরও সীমানা বাড়ল। তারপর যত ছেলে বেড়েছে তারা চলে এসেছে পূর্ব তরফ। কালা ছোট্ট আদমীদের এই মুহূর্তে আমরা ইসলাম এনে এদের জাভ দিয়েছি মান দিয়েছি। এদের বাড়িঘর বানাতে শিখিয়েছি। ডেভিড, ভোমরা এসে আমাদের বাদশাহী স্থলতানীর হুখের ঘর ভেঙেছিলে। আজার মেহেরবাগী ইংরেজ চলে যেতে বাধ্য হয়েছে। কিন্তু আপসোস কি জান, ভোমরা বেধরমী কাম কি করেছে জান ! আমাদের বাদশাহী আমাদের ফিরিয়ে দিয়ে যাওনি। এই উত্তর-পশ্চিমে খানিকটা আর এই পূর্ব দিকে খানিকটা দিয়ে বাকিটা দিয়েছে ওদের—ওই হিন্দুদের।

জাকরউল্লা মুরগীর রোস্টটা পুরো খেয়ে নিয়ে কানায় কানায় পরিপূর্ণ মদের গ্রাসটি তুলে নিল এবং নিঃশেষে গ্রাসটি শেষ ক'রে সিগারেট ধরিয়ে বললে—তুমি তো খাচ্ছ না ডেভিড ?



আমি উত্তর দিতে পারলাম না। গলার ভিতরটা আমার বেন বন্ধ হয়ে আসছিল একটা ভয়ে; জাকরউল্লাহ মধ্য দেখতে পাখিলার ঢাকার ২৫শে রাজির সেই তীব্র বৃত্তের একজন মিলিটারি অফিসারকে। কি বলব তাই ভাবছিলাম মনে মনে।

জাকরউল্লাহ খাঁ এখানে একজন বিশিষ্ট ব্যবসাদার মিলওয়াল। পাক্সাব থেকে যে সব ব্যবসাদারেরা এসে পূর্ব পাকিস্তানে সমস্ত ব্যবসায়কে নিজেদের করায়ত্ত করেছেন জাকর খাঁ তাঁদেরই একজন। ধানচালের ব্যবসারে তিনি তৃতীয় কি চতুর্থ প্রধানজন। এ অঞ্চলে মুসলীম লীগ জামাতে ইসলামের দ্বারা সমর্থক আছেন, প্রধান আছেন তাঁদের পৃষ্ঠপোষক তিনি। এখানে যে পাকিস্তানী সিপাহীরা এসেছিল এবং আগুন জালিয়ে সব ছারখার ক'রে দিয়ে সাধারণ হতভাগ্য মানুষদের নিবিচারে খুন ক'রে অঞ্চলটার উপর পাকিস্তানী ঝাণ্ডা উড়িয়ে দিয়ে চলে গেল তার সমস্ত ছকটা তিনি তৈরী করেছিলেন লীগ সমর্থক আবু তাহের এবং আর ক'জনের পরামর্শ নিয়ে। প্রথম অভ্যুত্থানের সময়ই তিনি তাঁর জী-পুজাদের নিয়ে ঢাকা চলে গিয়েছিলেন। ঢাকাতে তাঁর বাড়ি আছে। এতদিন পর পাকিস্তানী সিপাহীদের নিয়ে তিনি ফিরেছেন পাকিস্তানী জেহাদ নিয়ে। এখানকার যে দখল বেদখল ক'রে দিয়েছিল এখানকার রাজীসাহেবরা, সেই দখল উদ্ধার করলেন আজ। পাকিস্তানী ফৌজের অল্প কয়েকজনকে রেখে বাকিরা চলে গেছে। এখন জাকর সাহেব নিজের মিলের বাংলোর মধ্যে বিজয়ীর মন নিয়ে উল্লাসে হা-হা ক'রে হাসছেন। এখন কি ক'রে বলব—মিস্টার খান এ আমার ভাল লাগছে না।

আমি জানি যে মুহূর্তে বলব সেই মুহূর্তে তাঁর টেবিলের পাশে যে চেয়ারটা রয়েছে তার উপর চামড়ার বেষ্টনমত যে রিভলভারটা রয়েছে সেটা তাঁর হাতে উঠবে। এবং পরমুহূর্তেই সেটা গর্জে উঠবে, আমার বুকে বিঁধবে বুলেটটা। আমিতে ব্যবহার হয় এ রিভলবারগুলি—৪৫ বোরের।

জাকর খাঁ নিজে হাতে মদের গ্রাস তুলে এগিয়ে দিয়ে বললেন—খাও। আজ এ আমার একটা রাজ্য জয় মিস্টার ডেভিড। সত্যি সত্যি একটা রাজ্য জয় করেছি। ছোট্ট আদমী ওই শেখ আকাস—ও বলে হজ ক'রে এসেছে—ইনসান্না। পরগণার রহুল নিশ্চয়ই খুব খুশী হননি। ওই আকাসকে আজ খতম করেছি। ওর বাড়ি ভেঙে চুরমার ক'রে দিয়েছি; ওর ছেলেরা বোধহয় সবগুলো মরেছে। ওদের ঔরংদের পাইনি। পাব। জরুর পাব। এখন এ ইলাকা হল আমার নিজের জায়গীর, নিজের রাজ্য। তোমার বহৎ নসীবের জোর ডেভিড যে তুমি আমার চোখে পড়েছ। না হলে ওরা তোমাদের খতম ক'রে দিত।

এবার আমি বললাম—আপনাকে বহুত বহুত সালামত আর অনেক অনেক ধন্যবাদ মিস্টার খান তার জন্ত। এবার আর একটা প্রার্থনা করব।

—কি বল ?

—আমাদের এইবার ছেড়ে দেন—আমরা কোথাও নিরাপদে গিয়ে—

—নিরাপদ। হা-হা ক'রে অটহাস্ত ক'রে উঠল জাকরউল্লাহ খাঁ। নিরাপদ কোথায়

ভেঁটিড ? গোটা পুরব পাকিস্তানের বাটি রক্তে ভিজ়ে বাবে । বারা এখান থেকে আমাদের উচ্ছেদ করতে চার—বারা আমাদের তাড়াতে চার তাদের একজনকে আমরা বাঁচিয়ে রাখব না । এতটুকু একটা বাচ্চাকেও না । আমার কাছে থাক ভেঁটিড । Enjoy the rest of the days of your life. আমি তোমাকে একটা ভাল চাকরি দেব । And তার সঙ্গে একটি হারেম । A very good harem. অবশ্যই এ দেশের মেয়েদের দিয়ে । They are very good—very very good girls. উপভোগ করবার মত এমন আর হয় না । These black girls—

আর এক গ্রাস পূর্ণ ক'রে মদ ঢেলে, নিয়ে জাকর খাঁ বললে—তোমাকে একটা গল্প বলি । আমার পূর্বপুরুষ এদেশে এসেছিলেন নাদির শাহের সঙ্গে । বাবার সময় আমার পূর্বপুরুষ নবাব হয়ে বসলেন সিদ্ধুনের ধারে । সেখানে তাঁর হারমে ছিল একশোও বাদী । গোলাম বাদীর হাট থেকে ব্যবসাদারেরা তাঁর কাছে বেছে বেছে বাদী নিয়ে আসত । তাঁর ভাল লাগত ওজরাটওয়ালী গোরালিন । লেকেন তার রঙ ফরসা হলে তিনি পছন্দ করতেন না । আমার বংশের আর এক আমীরের ভন্তে আফ্রিকার লোক যেত বাদী আনতে । তাঁর ভাল লাগত হাবসী লেড়কী ।

আমি স্তম্ভিত হয়ে গিয়েছিলাম । স্তম্ভিত হয়ে শুনছিলাম । আমি এ্যাংলো ইণ্ডিয়ানের ছেলে । ষোল-সতের বছরে বাপ আমাকে পাকিস্তানে ফেলে দিয়ে চলে গেছে ইংল্যান্ড । আমি অনেক দেখেছি Mr. Officer. Naked life আমি দেখেছি । কিন্তু জাকর খাঁর মত ভালগার মানুষ আমি দেখিনি—এত কুৎসিত এত ভয়ঙ্কর আর কাউকে আমি দেখিনি । দাঁত মেলে হাসছিল, মধ্যে মধ্যে কাঠি দিয়ে দাঁত খুঁটছিল আর কথা বলছিল ।

—I like Bengali girls—black Bengali girls. আমি এখানে আজ ক'বছরই হল এসেছি । এখানে আমার এক আশ্চর্য হারেম আছে । কালো গরীব মেয়েদের নিয়ে আমার সে হারেম । এদের হারমে রাখি কেন জান ? যখন ওদের দিকে তাকাই তখন মনে হয় আমি ওদের যুদ্ধ ক'রে জয় ক'রে এনেছি ।

আমি তোমাকে এমন একটা হারেম ক'রে দেব । যদি black girls না চাও তুমি ফর্সা রঙের মেয়ে পাবে । অনেক পাবে । Lakhs of educated young men মরবে ভেঁটিড —তাদের girls থাকবে । তাদের আমরা পাব ।

আমি বোবা হয়ে গিয়েছিলাম । বোবা হয়ে তার মুখের দিকে তাকিয়েই থেকেছিলাম শুধু । মনের মধ্যে চিন্তার আকারেও কিছু ছিল না ।

বলেই বাচ্ছিল জাকর খাঁ । বলছিল—I don't like them—these educated modern Bengali girls ; তুমিও চাও না জানি । তোমার choice খুব ভাল, I have liked your girl—

এতক্ষণে একটা electric current বেন আমাকে সারা অস্তিত্বকে নাড়া দিয়ে নির্ভর চাবুক মারার মত আঘাত দিয়েছিল । আমি চীৎকার করে উঠেছিলাম—Mr. Khan—

জাকর বলেছিল—কি ?

আমি বলেছিলাম—না।

—কি না ?

—ওর গায়ে তুমি হাত দিয়ে না জাকর খাঁ। না। না।

হা-হা-হা শব্দে হেসে জাকর খাঁ ভেঙে পড়েছিল।

Mr. Officer—রাজির সঙ্গে সঙ্গে নরক যেন চোখের সম্মুখে বিদ্যুত হয়ে উঠেছিল।

জাকর উজ্জা খাঁর বাড়ির এদিকে ওদিকে জোরালো আলো জলছিল। নিরাপত্তার অস্ত্রেই আলো জালিয়ে রাখা হয়েছিল। সেই আলোর দেখা যাচ্ছিল অনাধা অসহায় কয়েকটা মেয়েকে নিয়ে ধানবিছানো বাঁধানো উঠানটার উপর কতকগুলো পিশাচের অকল্পিত পৈশাচিকতা।

আর আমি ছিলাম বারান্দায় একটা ধানের সঙ্গে দড়ি দিয়ে বাঁধা। সামনে টেবিলের উপর রাখা ছিল সেই ৪৫ বোরের রিভলবারটা। আর সামনে ঘরের মধ্যে মেঝের উপর পড়েছিল উলঙ্গ অনাবৃত একটি মেয়ে। নাজমা। হতচেতন। চুলগুলি এলিয়ে পড়েছে, হাত দুটো অসাড় হয়ে পড়ে আছে।

কিছুটা দূরে চাঁদ পড়ে আছে—নিখর, নিষ্পন্দ। আমারই চোখের সামনে ছেলেটার গলায় পা দিয়ে ওকে হত্যা করেছে জাকর খাঁ। তারপর আমারই চোখের সামনে নাজমাকে বিবস্ত্র করে কুটিল উল্লাসে ওকে ধর্ষণ করেছে।

নাজমা কয়েকবার মাহুশকে ডেকে জেঁধরকে ডেকে আর চীৎকার করেনি। চীৎকার করেনি নয়, চীৎকার করতে পারেনি। ও অজ্ঞান হয়ে গেছে।

জাকর খাঁ উলঙ্গ হয়ে দাঁড়িয়ে আছে। হাতে একটা মদের গ্লাস। কি ভয়ঙ্কর যে তাকে দেখাচ্ছিল তা আমি অরণ্যই করতে পারি। বলতে পারি না। বর্ণনা করে বোঝাতে পারি না।

আমার চোখের সামনেই সে আবার ঝাঁপিয়ে পড়ল নাজমার উপর।

ঠিক এই সময়েই—বোধহয় মিনিটখানেকের মধ্যেই রাইফেলের গুলির আওয়াজ পেলাম। সঙ্গে সঙ্গেই সমস্ত আলো নিভে গেল।

চীৎকার করে উঠল একদল মাহুশ। আকাশ বিদীর্ণ-করা চীৎকার। কি ক্রোধ সে চীৎকারের মধ্যে, কি প্রচণ্ড উল্লাস সে চীৎকারের মধ্যে সে বলতে পারব না। চমকে উঠেছিলাম। চমকে উঠেছিলাম ওদের ধ্বনি শুনে। বাংলাদেশ জিদ্দাবাদ!

ধ্বনি শুনে একটা জন্তর মত চীৎকার করে উঠেছিল জাকর খাঁ।

গাঢ় অন্ধকারে তখন সব ঢেকে গেছে। জাকর খাঁর চীৎকার চিনেছিলাম ওর বর্বর গলার আওয়াজ শুনে। অন্ধকারের মধ্যে উলঙ্গ দানবটা খুঁজছিলাম সেই রিভলবারটা। আমি খুঁটিতে বাঁধা হয়েই অন্ধকারের মধ্যে দাঁড়িয়ে ছিলাম। নাজমা সেই পড়েই ছিল।

এরই মধ্যে ছায়ামূর্তির মত মালুবেরা এল।

পূর্ব পাকিস্তানের সাধারণ মুসলমান নওজোওয়ান। খালি পা, পরনে লুঙ্গি—কারও খালি গা, কারও গায়ে গেঞ্জি, কারও একটা খাকিরঙের হাকহাতা কামিজ। তাদের সর্বাঙ্গে রয়েছে এবাদৎ। বোল বছরের ছেলে। হাতে রাইফেল। দিনের বেলা এরা পালিয়ে গিয়েছিল। সন্ধ্যা থেকে আবার একত্রিত হয়ে দল বেঁধে রাত্রির অন্ধকারে এগিয়ে এসেছে। এসেছে শোধ নিতে।

এখন আক্রোশে ডেকে এনেছেন এদের হাজীসাহেব নিজে।

হাজীসাহেব গুলি করে মারলেন জাফর খাঁকে।

জাফর খাঁ একটা ভয়ঙ্কর হিংস্র পশুর মত চীৎকার করলে মরবার সময়। পর পর চারটে গুলির পরও সে চীৎকার করেছিল।

\* \* \* \*

Mr. Officer, হাজীসাহেব লোক সজে দিয়ে অনেকটা দূর এগিয়ে দিয়েছেন আমাদের। আমার আসবার কোন ইচ্ছা ছিল না, কারণ ছিল না। আমি এসেছি কেবল ওই নাজমার জন্তে।

নাজমা বাঁচতে চায়। তার চাঁদ মরেছে। সে এখনও আশা করে, বড়ভাই তুমি আমার ঘর গড়্যা দিবা, আমার নিকা দিয়া দিবা। আমার চাঁদ আবার ফিরে আসবে। পাগল হয়ে গেছে নাজমা।

হাজীসাহেব আমাকে বলেছেন—ডেভিড সাহেব, তুমি নাজমারে নিয়া যাও উপার বাংলায়। ইপার বাংলায় যখন বাংলাদেশের ঝাণ্ডা উড়বে তখন তারে নিয়া তুমি এস এখানে।

আমি অনেক কষ্টে নাজমাকে বয়ে এনেছি এখানে।

আমি স্পাই নই। স্পাই শব্দটাকে আমি ঘৃণা করি। আমি নাজমাকে নিয়ে এসেছি। ও একটি আশ্চর্য কালো মেয়ে—ওকে আমি ভালবাসি। ওকে আমি আবার ওদেশে ফিরে নিয়ে যাব।

## হুতপার তপস্কা

(এগার বাংলা)

কি? হুত নেই? হুতের কাপড়জামা, একটা ছোট হাতব্যাগ পাওয়া গেছে। আর পাওয়া গেছে একসঙ্গে পাঁচটি হুতদেহ; মুখ-চোখ কুপিয়ে বিকৃত করা; গলিত শব; একটা আলগা মাটি-চাপা-দেহ গর্তের মধ্যে যেমন-তেমন করে চাপা দেওয়া হয়েছিল।

আসানসোলার কাছে একটা কলিয়ারিতে ইউনিয়ন নিয়ে ঝগড়া শেষ পর্যন্ত দাঙ্গার পরিণত হয়েছিল—মাহুস মরেছে কতজন, তার সঠিক হিসেব কেউ বলতে পারে না, পুলিশও না; পাঁচটি পাওয়া গেছে, কতজন কত পরিত্যক্ত পিটের গর্তে নিক্ষিপ্ত হয়েছে, কতজনের দেহ ট্রাকে তুলে কিছুদূরে জঙ্গল বা নদীতে ফেলে দেওয়া হয়েছে—তাই বা কে বলবে।

হুতপা যেন পাথর হয়ে গেল।

এক হাতে চায়ের কাপটা সে ধরে ছিল, সেই কাপটা সে ধরেই রইল—চোখ দুটি ঈষৎ বিস্ফারিত হয়ে নিম্পলক হয়ে গেল। নীরব, তবে নিম্পন্দ নয়—নিঃশ্বাস পড়ছিল। তার সে চেহারা দেখে মাহুসের অন্তরাঙ্গা কেমন যেন আনচান করে ওঠে। যে দেখে সে ভয় পেয়ে যায়।

হুতপার বড়বউদি ঘরের দরজা খুলেই তাকে এইভাবে দেখে আতঙ্কিত হয়ে ডেকে উঠল—ঠাকুরঝি—ঠাকুরঝি!

হুতপা বিহ্বলের মত শুধু সাড়াই একটা দিলে—এঁয়া! হাত থেকে কাপটা পড়ে গিয়ে ভেঙে গেল। তারপর যেন টলতে লাগল।

হুতপার বড়বউদি ঘরের ভিতরে হুতের দাশগুপ্ত সাহেবকে ডাকলে—বাবা! ঠাকুরঝি—

দাশগুপ্ত সাহেব প্রবীণ মাহুস, বয়স ষাটের কোঠায়, পেশায় আইন ব্যবসায়ী—ব্যারিস্টার মাহুস। প্র্যাকটিস অবশ্য বিশেষ একটা কিছু নয়; আবার নেহাত কিছু নয় তাও নয়। তবে পণ্ডিত বলে খ্যাতি তাঁর ভারত-ছোড়া। নূতন কালে রাজনীতি শাস্ত্রের যত আধুনিকতম তত্ত্ব—সে সম্পর্কে তাঁর মতামতের মূল্য অনেক। কেরালা থেকে দিল্লী এবং দিল্লী থেকে কলকাতা পর্যন্ত ধারা রাজনীতি করেন, তাঁরা তাঁকে সমীহ করেন—প্রতিটি মন্তব্যকে খুঁটিয়ে বিচার করে দেখেন। তিনি কোন দলভুক্ত নন এবং সকল দলকেই তিনি বক্রোক্তি করে বিদ্ধ করে থাকেন।

দাশগুপ্ত ঘরের মধ্যে বসে একজন পুলিশ অফিসারের কাছে সমস্ত বিবরণ শুনছিলেন। উদ্রলোক এসেছেন আসানসোল থেকে; যেসব পুলিশ অফিসাররা নিজেরা কেস ইনভেস্টিগেট করেছেন, ইনি তাঁদের একজন। ইনস্পেক্টর হুদীর বোস। একখানা চিঠি নিয়ে এসেছেন

তিনি। চিঠিখানা তাঁরা হুতর যে ব্যাগটা পাওয়া গেছে, তারই মধ্যে পেয়েছেন। চিঠিখানা ফুলফুলে কাগজে লেখা চিঠি; দীর্ঘ চিঠি। চিঠিখানা হুতর লিখেছে বা লিখছিল হুতপাকে। বিশ-পঁচিশ পৃষ্ঠার চিঠি। বার বার ছেদ টেনে শেষ করতে চেয়েছে, কিন্তু পারেনি, আবার লিখেছে। চিঠিখানা শেষ করেছিল লেখক কয়েকবারই এবং ঠিকানার আয়তায় হুতপার নাম-ঠিকানাও লিখেছিল। কিন্তু তারপরও আবার পুনশ্চ দিয়ে আবারও লিখেছে। তাতেও শেষ হয়নি মনে হয়েছিল বলে আবারও লিখেছিল—এতেও তৃপ্তি হয়নি বলে চতুর্থবার দু-তিন লাইন লিখেছিল।

সেই চিঠির ঠিকানা ধরেই ইনস্পেক্টর এখানে এসেছেন।

দাশগুপ্ত সাহেব প্রথম সংবাদটা শুনে, ডেকেছিলেন বড় পুত্রবধূকে। এত বড় মানুষটা—এত পাণ্ডিত্য, এত স্থিরতা—সব যেন একমুহূর্তে একটা আচমকা দমকা বাতাসে আলো নিভিয়ে দেওয়ার মত এক বিপুল বিহ্বলতার অঙ্ককারের মধ্যে মিশিয়ে গিয়েছিল।

অসহায় বালকের মত দাশগুপ্ত সাহেব বলেছিলেন—বউমা, এ আমি কি করব বল তো? কি ক’রে আমি হুতপার কাছে মুখ দেখাব বল তো?

বউমা বলেছিল—এর আর আপনি কি করবেন বাবা?

—মা, আমি যে ভুলতে পারছি না—আমার জন্মদিনের জন্তে—

বাধা দিয়েছিল পুত্রবধূ।—না বাবা। আপনার জন্মদিনে আপনি হুতপাকে আসতে বারণ করেছিলেন। আপনার সে-পত্র আমি দেখেছি। সে না এলেই পারত।

দাশগুপ্ত বললেন, সেই তো বলছি মা, আমি বাট বছরের বেশী বয়সের বৃদ্ধ—আমার জন্মদিনের জন্তে—ছি—ছি—ছি।

ইনস্পেক্টর স্থধীর বোস চুপ ক’রে বসেই ছিলেন। তিনি এবার কথা বলবার সুযোগ করে নিয়ে বললেন—মিসেস মুখার্জীকে—I mean হুতপা দেবীকে একবার ডাকুন। এই যে চিঠিখানা—এখানা তো আমি এখন আপনাদের দিয়ে যেতে পারব না, এখানা এখন আমাদের ফাইলে থাকবে। উনি একবার পড়ে নেবেন বলেই চিঠিখানা আমি নিয়ে এসেছি।

দাশগুপ্ত বললেন—বড় নির্ভর চিঠি, হুতর নির্মম হয়ে পত্রখানা লিখেছে। এতটুকু মমতা হয়নি।

দুটো কনুই টেবিলের উপর রেখে দুই হাতে নিজের মাথা চেপে ধরেছিলেন দাশগুপ্ত সাহেব। তারপর বলেছিলেন—বউমা।

—হুতপাকে ডাকতে বলছেন?

—হ্যাঁ মা। এ সংবাদ তো দিতেই হবে তাকে।

একটা গভীর দীর্ঘনিঃশ্বাস ফেলে বড় বউ বললে—এ বিয়ে দিতে আমরা সে সময় বার বার বারণ করেছিলাম বাবা।

দাশগুপ্ত সাহেব বললেন—হুতপা আমাকে বলেছিল—বাবা, হুতরকে আমি ভালবাসি। তার জন্যে আমি সব সহ্যে পারব। সব সহ্যে। তুমি যদি না বল বাবা,

তা হলে আমি বিয়ে করব না। নয়তো তোমার পরে—আমি তার ঘরে চলে যাব। সে বলেছে, আমার জন্তে সে অপেক্ষা করবে। তা ছাড়া—

—থাক সে-সব কথা মা—ভুল ভুলই। মাহুব ভুল করবেই।

বড় বউ বাইরে যাবার জন্তে পা বাড়িয়ে বললে—হ্যাঁ, বিয়েটা আমাদের উপর, মানে তাই-ভাষ্যদের উপর, তাদের বাপেদের গুটির উপর রাগ ক'রে করে ব'সেছিল—সে আমাদের অজানা নয়। আপনিও তাতে প্রভাব দিয়েছিলেন।

বড় বউ কথা শেষ করতে-করতেই দরজাটা ঠেললে, যাতে কথাশেষের সঙ্গে সঙ্গেই সে বেরিয়ে যেতে পারে। কারণ খবরকে যে খোঁচাটা সে দিয়েছে, তার উত্তরটা যাতে তাকে না সুনতে হয়।

দাশগুপ্ত সাহেব মধ্য মধ্য ক্ষিপ্ত হয়ে ওঠেন। বিশেষ ক'রে এই ধরনের খোঁচা খেলে। থাক সে কথা। বড় বউ অমিতা দরজা খুলেই থমকে দাঁড়িয়ে গেল। দরজার ওপাশেই কাপ হাতে দাঁড়িয়েছিল স্ততপা। মুখখানা বিবর্ণ হয়ে গেছে, দৃষ্টি বিক্ষারিত নিম্পলক, মাহুবটার চেতনা আছে কি নেই বোঝা যায় না।

সে চেহারা দেখে তার অন্তরাঙ্গা আনন্দান করে উঠল। সে আতঙ্কিত হয়ে ডাকলে—ঠাকুরঝি—ঠাকুরঝি।

এবার অমিতা ডাকলে খবরকে—বাবা! ঠাকুরঝি—

চমকে উঠলেন দাশগুপ্ত—কে? স্ততপা?

—হ্যাঁ। বোধহয়—

—কি? কি বোধহয়?

অমিতা স্ততপাকে জড়িয়ে ধরলে। স্ততপা একটা বিহ্বল সাড়া দিলে—এঁ্যা।

দাশগুপ্ত সাহেব বুদ্ধির ব্যাপারে মস্তিস্কের ব্যাপারে আজও স্তরের ধারের মত শাপিত বুদ্ধির অধিকারী, কিন্তু দেহ ভেমন সমর্থ নেই, তবু তিনি এগিয়ে এলেন—স্ততপার পিঠে হাত দিয়ে তাকে ডেকে বললেন—স্ততপা। মা।

স্ততপা সামলেছে তখন, বললে—বাবা।

কণ্ঠস্বর ক্ষীণ এবং কাঁপছে কাঁপানো তারের সুরের মত।

দাশগুপ্ত বালকের মত ছুঁই হাতে মুখ ঢেকে বসে পড়লেন।

স্ততপা ইনস্পেক্টর বোসের দিকে দৃষ্টি ফিরিয়ে একটা গভীর দীর্ঘনিশ্বাস ফেলে বললে—চিঠিখানা দেখি।

•

•

•

চিঠিখানার প্রথম ছত্রই, নির্ভরতম কথা কুটিলতম লক্ষ্যভেদে তীক্ষ্ণতম আঘাত। 'স্ততপা, ডাইভোর্স সমাজে চালিত হয়েছে, আইনের জোরে বলবৎ হয়েছে—তবুও ডাইভোর্সের এখনও একটা যন্ত্রণা আছে, লোকলজ্জার একটা আলা আছে আমাদের দেশে। সে যন্ত্রণা এবং আলা থেকে তোমাকে অব্যাহতি দেবার জন্তে পথ খুঁজতে খুঁজতে হঠাৎ পথ পেয়ে গেছি।

সেই সংবাদটা জানাচ্ছি তোমাকে অত্যন্ত আনন্দের সঙ্গে। একটা মারাম্মক হানাহানি খুনোখুনির মধ্যে এসে পড়েছি। ইচ্ছে করেই এসেছি। এখানে এই কলিমারির ইউনিয়নটা এ অঞ্চলের মধ্যে সব থেকে important Labour Union. তার দখল নিয়ে লড়াই হবে। এবং—, থাক্ সে-সব কথা। সে-সব কথার আগে একটা কথা মনের মধ্যে ঘুরপাক খাচ্ছে।

আমাদের বিয়েটা একটা মারাম্মক ভুল, এই কথা তোমার দাদারা বউদিদিরা একবারো বলেন। তোমার বাবা বলেন কিনা ঠিক জানি না। তবে মনে মনেও যদি কথাটা কচলান, তাতেও দোষ দেব না। আমার মা তো তার অখুণীর কথা গোপন করতেন না। কিন্তু ভুলটা কার? আর ভুলটাই বা কি?

ভুলটা তোমারও বটে, আমারও বটে, আমাদের অভিভাবকদেরও বটে; তবে বিবাহ করেছি আমরা—ভুল আমাদেরই।

তবে এ ভুল চিরকাল, মানে সেই আদিকাল থেকে করে আসছে মানুষ। রাজার ছেলে ঘুঁটেকুড়ুনীকে বিয়ে করেছে, রাজকন্তে রাখাল ছেলেকে ভালবেসেছে—সব বাধা-বিস্ময়ক দিয়ে ঠেলে বেড়ি ভেঙে প্রাসাদের উপর থেকে লাফিয়ে পরিধার জলে পড়ে ওই রাখাল ছেলের পাশে দাঁড়িয়েছে।

রাজার ছেলে রাজার মেয়ের বেলাতেও ভালবাসার পথ মন্ডন ছিল না। সংযুক্ত-পৃথীরাজের বিয়ের ব্যাপারটা ভেবে দেখ; চৌহান রাজবংশই শুধু ধ্বংস হয়নি, গোটা ভারতবর্ষ মুসলমানদের পায়ের তলায় এসে গেল। এখানে সংযুক্তার রূপের জন্ত যুদ্ধ হয়নি, সংযুক্তার পিতৃপক্ষ ওই তার কজা পৃথীরাজকে ভালবেসে বিয়ে করেছিল বলে—মুসলমানদের ডেকে এনেছিল। হুজুদা-হরণ কুশ্মিনী-হরণ এসব পুরাণের কথা।

সামাজিক যুগে, বড়লোকের ছেলে গরীব লোকের মেয়ে, বড়লোকের মেয়ে গরীব লোকের ছেলের বিয়ে অজস্র হয়েছে এবং তার ট্রাজেডিও মানুষের মুখে মুখে রয়েছে। গল্প-উপন্যাসে রয়েছে।

তবে তোমার বাবা তো বড়লোক, মানে ধনী লোক নন! ব্যারিস্টার হলেও আয়টাও তো খুব বেশী নয়।

ভুল আমার ওখানেই হল।

দেশে সমাজতান্ত্রিক আদর্শকে খাড়া করা হল। সামন্তরাজারা গেল, জমিদারদের জমিদারী গেল, কদর বাড়ল ওণী লোকদের। বামুন বৈদ্য কায়স্থ গন্ধবণিক স্বর্ণবণিক সদগোপ মাহিন্দ্র নবশাখ এসব বেড়াগুলোও শুকনো শাক আড়ার পুরনো বেড়ার মত ঝড়ে-বৃষ্টিতে ধাক্কায় খসে পড়ল, ভেঙে গুঁরে পড়ল।

তোমার মনে আছে বিয়ের আগে তোমাকে একখানা চিঠি লিখেছিলাম—তাতে লিখেছিলাম তুমি আমাকে ভালবাস, আমি তোমাকে ভালবাসি। এর মধ্যে—এই বাধীন ভারতবর্ষে, সমাজতান্ত্রিক সমাজ যে ভারতবর্ষের আদর্শ—সেখানে বামুন-বডি প্রমুখা কি প্রমুখ



নাকি ? আমার মাকে মানতে হবে, আমি তাঁকে মানাবো ।

কিন্তু ভুলটার সামনে ঝাঁড়িয়ে ভুলটা করে ফেললাম ।

ভুলে গিছলাম তোমার দাদারা আলাদা পার্টির-লোক । আমি অন্য পার্টির ছেলে ।  
তোমার দাদারা বউদিদিরা যে পার্টির মেম্বার, সে পার্টির সঙ্গে আমাদের পার্থক্য মারাত্মক ।

অবশ্য তখনও তুমি পার্টির মেম্বার ছিলে না—স্টুডেন্টস ক্রফ্টে ওদের সমর্থক ছিলে ।  
এবং তোমার বাবা পার্টির মেম্বার ছিলেন না । তুমি আমাকে আকর্ষণ করেছিলে, কিন্তু তাঁর  
উদারতা এবং স্নেহ আমাকে উৎসাহিত করেছিল । এত উদার তিনি ! বোধ করি সেই  
কারণেই তিনি এ বিয়েতে অমত করতে পারেন নি । তুমি—তুমিই আমাকে বলেছ—বাবার  
কাছে বলেছিলে—বাবা আমি যে ওকে ভালবাসি ! নাই বা হল ও দাদাদের পার্টির লোক ।

আর একটা কথা বলব—বলতে হবে, না বললে আমি অকৃতজ্ঞ হব—তোমার বাবা  
আমাকে সত্যি ভালবাসতেন ।’

\* \* \*

না । কোথাও এতটুকু সত্য গোপন করেনি, একবিন্দু মিথ্যাও ছুড়ে দেয় নি ।  
কিছু আড়াল দিতে চায়নি ।

ব্যারিস্টার বি-বি-ডি,—বিজয়ভূষণ দাশগুপ্ত ব্যারিস্টার হিসেবে বড় নন—তাঁর  
আয়টায় প্রথম শ্রেণীর কেন, দ্বিতীয় শ্রেণীরও অনেকজনের পরে । তবে রাজনীতি শাস্ত্রের  
তত্ত্ব হিসেবে তাঁর খ্যাতি ভারত-জোড়া তো বটেই, আংশিক ভাবে বিশ্বব্যাপ্ত বলা যায় ।  
সোসালিজম থেকে কম্যুনিজম পর্যন্ত সকল ইজমের আধুনিকতম আকারপ্রকার ভাবভঙ্গি  
সম্পর্কে তাঁর মতামত রাশিয়া চীন পর্যন্ত বিস্তৃত । ভারতবর্ষের স্বাধীনতা লাভের অনেক  
আগে থেকেই এদেশের পলিটিক্যাল পার্টিগুলি তাঁর মতামতের জন্ত উদ্গ্রীব থাকত, তাঁর কাছে  
মতামতের জন্ত আসত ; স্বাধীনতার পর তাঁর ওজন বেড়েছে, এখন বামপন্থী বিদেশী  
রাষ্ট্রের যেসব আগন্তুকবৃন্দ ডেলিগেশন দলভুক্ত হয়ে আসেন—তাঁরা বি-বি-ডি’র সঙ্গে দেখা  
ক’রে যান । তিনি নিজে কোন দলভুক্ত নন—সকল দলকেই কিছু কিছু সাহায্য তাদের  
প্রয়োজনের সময় করেও থাকেন । সেখানে ফেরান না তিনি কাউকেই ; তবে একটি  
রাজনৈতিক দলকে সাহায্য কিছু বেশী করেন—কারণ তাঁর দুই ছেলে এবং পুত্রবধূরা ওই  
পার্টির সভ্য । সভ্য-সংখ্যা কম, কিন্তু তারা প্রতিটিজনই মডার্ন বিশিষ্ট ইন্টেলেকচুয়াল ।

কত্কা হতপা—তাঁর সব থেকে প্রিয় সন্তান—মা-মরা মেয়ে—সে-ও এই পার্টির  
ছাত্রক্রফ্টে স্থল থেকে কলেজ পর্যন্ত পাণ্ডাগিরি করেছে । হঠাৎ সে পাণ্টে গেল । হঠাৎ  
তার দৃষ্টি রাজনৈতিক দিগন্ত থেকে পিছলে এসে বা সরে এসে আবদ্ধ হল হতভম্ব উপর ।

হতভম্ব মুখোপাধ্যায় ।

হতভম্ব তাই লেখে । লোকেরা অবশ্যই মুখার্জী বলে । হতভম্ব সংশোধন করে দেবার  
চেষ্টা অনেক করেছে—কিন্তু পারেনি । যে কেউ তাকে জিজ্ঞাসা করত—আপনি হতভম্ব  
মুখার্জী ? সে বলত—না । মুখোপাধ্যায় ।

হুতপাই জিজ্ঞাসা করেছিল এবং ওই উত্তর পেয়ে বলেছিল—মুখার্জীতে দোবটা কি ?

হুতপত বলেছিল—বায়ুন কারেত বজ্রদেব আত্মক জাত বেরে দিয়ে গেছে ইংরেজ পদবীতে বিলিভী জ চুকিয়ে। বন্ধোপাধ্যায় মুখোপাধ্যায় চট্টোপাধ্যায় ব্যানার্জী মুখার্জী চ্যাটার্জী করে, বহুকে বোস বাহু ভোস করে, গুপ্তকে গুপ্টা করে, রায়কে রে করে। স্বাধীনতার পর ওগুলো সংশোধন করা প্রয়োজন বলে আমি মনে করি।

হুতপা বলেছিল—মানে জাতটা কিরিয়ে আনতে চান। আপনি তো খুব চীপ স্টাণ্ট-হাণ্টার দেখছি।

—জাত আমি কিরিয়ে আনতে চাই, কিন্তু স্টাণ্ট-হাণ্টার আমি নই।

—জাত মানেন আপনি ?

—মানি না। জ্ঞানানালিটিতে আমি ইণ্ডিয়ান, জাতিতে আমি ভারতীয় এটা ভুলব কি ক'রে ? হিন্দু মুসলমান কৃচ্চান—এ জাত আমিও ঠিক মানি না, এ জাতের থাক উঠিয়ে দেবার আন্দোলন করলে আমাকে ভলেটিয়ার পাবেন—কিন্তু ভারতীয় জাতিষ ওঠাতে গেলে যে স্বাধীনতাকে আবারও জলে ডোবাতে হবে। জ্ঞানানাল থেকে ইন্টারজ্ঞানানাল হওয়া আমার ঘাতে ঠিক নয় না।

হুতপা তার মুখের দিকে একরকম অবাক হয়ে তাকিয়ে থেকেছিল।

হুতপতর তখনও কথা শেষ হয়নি, সে বলেই চলেছিল—ওই ভারতীয় জাতিষ অল্পবায়ী আমি মুখোপাধ্যায়, মুখুজ্যেও বটে। কিন্তু মুখার্জী নই।

হুতপা এবার বলেছিল—আপনি হিন্দু মুসলমান কৃচ্চান জাত ঠিক মানেন না বললেন। মানেন না ? ঠিক মানেন না কেন বললেন ?

হুতপত বলেছিল—আমার মা আছেন। তিনি মানেন তো। তাই বলছি—ঠিক মানি না। তবে পৈতে আমি রাখিনে এবং ঠাকুর দেবতা সংস্কার এসব মানিনে—তা আমার মা জানেন।

হুতপা বলেছিল—আপনার মায়ের খুব প্রশংসা করেছিল আমার বাবা। আপনার থেকেও বেশী।

—মিস্টার দাশগুপ্ত ? আপনি তো হুজিত দাশগুপ্তের বোন ? ব্যারিস্টার বি. বি. দাশগুপ্তের মেয়ে ?

—হ্যাঁ। আপনি, আপনার মা আমার বাবার খুব বড় করেছিলেন। বাবা বলছিলেন—বাংলাদেশের এইটি আমি ঠিক জানতাম না। আমার অজানা ছিল। হয়তো না জেনে এ দেশ সম্পর্কে যা লিখেছি তাতে মনে হচ্ছে আমার রিমার্কসের মধ্যে আমি ভুল করেছি। বেশ কিছু ভুল করেছি।

হুতপত বলেছিল—আমরা অবশ্য এমন কিছু করেছি বলে মনে করিনে। ওর উপযুক্ত বড় আমরা করি এমন সাধ্যও আমাদের ছিল না। কিন্তু উনি আমাদের সেই অকিঞ্চিৎকর বড় যে পরিতোষের সঙ্গে গ্রহণ করেছিলেন, তাতে আমরা আশ্চর্য হয়ে গিচ্ছাম। কিন্তু

আমাকে খুঁজছিলেন কেন ? আমাদের কথা বলতে দেখে কলেজের ছেলেরা বেশ কৌতূহলী হয়ে উঠেছে।

হৃদয় জানিয়েছিল—বাবা আপনাকে দেখা করতে অস্বস্তি করেছেন। বলেছেন—আমি ভেবেছিলাম সে নিজেই আসবে। বাই হোক, তুই তাকে বলিস আমি দেখা করতে বলেছি—এলে আমি খুব খুশী হব।

বি. বি. দাশগুপ্ত একরাত্রি এবং একদিনের একবেলা—হৃদয়ের আতিথ্য গ্রহণ করেছিলেন। এবং খুবই খুশী হয়ে এসেছিলেন।

বর্ধমানের কাটোয়া সাবডিভিশনে গঙ্গার ধারে সর্বানন্দপুর একখানি প্রাচীন গ্রাম। বিখ্যাত বৈদ্যবাসুদেবী ত্রীখণ্ডের কাছেই। বড় গ্রাম নয়, ছোট গ্রাম। এই গ্রামেরই ওরা অধিবাসী ছিলেন একদা। মানে দাশগুপ্তরা। মুখুজ্যেরাও এই গ্রামের বাসিন্দে। এখান থেকে বিজয় দাশগুপ্ত মশায়ের পিতামহ ডাক্তারী পাস করে রেলের ডাক্তারী চাকরি নিয়ে বেরিয়ে গিয়েছিলেন। রিটারার করে বাড়ি করেছিলেন কলকাতায়। দেশে ফেরেননি। দেশে তখন ম্যালেরিয়ার প্রবল আক্রমণ চলছে। বিজয়বাবুর বাবাই প্রথম কুলবিড়া চিকিৎসা-বিজ্ঞা ছেড়ে আইন-ব্যবসায় গ্রহণ করেন। বিজয়বাবুর বাবা এখানে সম্পত্তি করেননি, তবে এখানকার বাড়িখানি মেরামত করিয়েছিলেন এবং বাড়িতে যে পূজা ছিল, তার ভিত্তি বিশেষ ব্যবস্থা করেছিলেন। জীবনের একটা সময়—সেটা তাঁর খুব চলতির সময়—সে-সময় বছর বছর পূজো উপলক্ষে গ্রামে আসতেন। সে সময় বিজয়বাবু ক'বছর এসেছিলেন। তখন তাঁর বয়স আট-নয়। তের-চৌদ্দ বছর পর্যন্ত এসেছিলেন। তারপরই বাবা মারা যান। বাবার মৃত্যুর পর আর বিজয়বাবু দেশে আসেননি।

যাক সে-সব কথা। সে-সব অনেক ইতিহাস। বিজয়বাবু খ্যাতিলাভ করেছেন, নিজের জীবনকে নিজের উপলব্ধি সত্যপথে ও মতে চালিত করেছেন। পূজো উঠিয়ে দিয়েছেন, এখানকার জমি-জেরাত জ্ঞাতীদের দান করে দিয়েছেন। সে অনেক অনেক কথা।

বহুকাল পরে হঠাৎ ১৯৬১ সালে বর্ধমানে আইনজীবী সম্মেলনে সভাপতিত্ব করতে এসে বর্ধমান-কাটোয়া লাইনের টার্মি-বৈকা নড়বড়ে ঝরঝরে ছোট লাইনের গতি দেখে দেশের কথা মনে পড়ে গেল।

বুড়ো বয়সে বোধ করি মাহুঘের মায়া বাড়ে।

ইচ্ছে হয়েছিল তাঁর একবার সর্বানন্দপুর গিয়ে বাপ-পিতামহের জন্মস্থান পুরুষ-পুরুষান্তরের বাস ভিটেখানি দেখে আসেন।

কনফারেন্স-শেষে তাঁর চাকরকে সঙ্গে নিয়ে টিকিট কেটে চেপে বসেছিলেন ছোট লাইনের গাড়িতে।

অস্বস্থি ছিল অনেক এবং সে-সবের অনেক কথাই তাঁর মনেও এসেছিল। কিন্তু সে-সবকেই প্রায় ভিনি, কড়া গৃহস্থানী যেমন ক'রে জোর ক'রে চুকে পড়া অব্যাহিত জনকে বাড়ি ধরে বের করে দেয় বাড়ি থেকে, তেমনি ক'রেই জোর ক'রেই হটিয়ে দিয়েছিলেন।

কিছু গ্রামে পৌঁছে মনে হল ভুল করেছেন। যে ভাবনা-চিন্তাগুলোকে অবাহিতজনের মত দূর করে দিয়েছিলেন, তারা সদর দরজা থেকে হটে গিয়ে গিছনের দরজা দিয়ে একেবারে বাড়ির ভেতর ঢুকে চেপে বসে আছে। বিজয়বাবুর পৈতৃক বাড়িতে একজন দারোয়ান থাকত— আর জমি-জেরাত দেখাশুনা করত তাঁর জ্ঞাতিরা—তাদের খবর তিনি পাঠিয়েছিলেন। দারোয়ানটি বরদোর পরিষ্কার করিয়েও রেখেছিল, বালতিতে জলও তুলিয়ে রেখেছিল, তার বেশী কিছু তার অনুমান বা কল্পনার মধ্যে আসেনি। প্রথমেই বিজয়বাবুর অস্থবিধে হয়েছিল চা নিয়ে। তাঁর জ্ঞাতিটির বাড়ি থেকে যে চা এসেছিল সে চায়ের কাপে চুমুক দিয়েই তাঁর ইচ্ছে হয়েছিল জিত থেকেই ফেলে দেন; কিন্তু জ্ঞাতিটির সামনে তা পারেননি। মনকে প্রাণপণে শক্ত করে গলাধঃকরণ করেছিলেন এবং একটা বমির ভাবকে চেপে ধরেছিলেন। এমনই ক্ষেত্রে এসে উপস্থিত হয়েছিল স্বত্বত। কলেজে পড়ে। তখনও আই-এ, বি-এ, এম-এর কাল, বি-এ পড়ছিল স্বত্বত। সর্বানন্দপুরের স্বরেশ মুখোপাধ্যায়ের ছেলে। স্বরেশ মুখোপাধ্যায় প্রথম যৌবনে একটা কনস্পিরেসি কেসে জড়িয়ে পড়ে বছর দশেকের জন্তে আন্ধারানে গিয়েছিল; ফিরে এসে পৈতৃক পঁচিশ-ত্রিশ বিঘে জমি নিয়ে চাষ অবলম্বন করেছিল। তার সঙ্গে করত কংগ্রেস কর্ম। বিয়াল্লিশ সালেও জেলে গিয়েছিল। জেল থেকে বেরিয়ে এসে বেশী দিন বাঁচেনি। তারই ছেলে এই স্বত্বত। গান্ধীজীর নির্দেশে বিনোবাজী যেদিন ব্যক্তিগত সত্যাগ্রহ করে পদযাত্রা শুরু করেন, সেইদিন স্বত্বতর জন্ম। তাই তার বাবা সেইদিন, প্রায় বলতে গেলে জন্ম-মুহূর্তে নাম রেখেছিল স্বত্বত।

স্বত্বতর মা প্রভাময়ী শহরের মেয়ে এবং প্রথম যৌবনে স্বামী যখন কনস্পিরেসি কেসের আসামী হয়ে জেলে যান, তখন তিনিও দেশের কাজে দীক্ষা নিয়েছিলেন। তবে তাঁর কাজ ছিল সমাজসেবা, চরকা আর গান্ধীজীর বাণীপ্রচার। স্বত্বত তাঁর হাতে মানুষ। ভাল ছেলে বলে নাম ছিল স্বত্বতর। স্বত্বতকে তার মা প্রভাময়ীই পাঠিয়েছিলেন খোঁজ করতে। এখানে তাঁর অস্থবিধে কি হচ্ছে দেখতে।

প্রায়-ভর্তি চায়ের কাপটাকে নামিয়ে রেখে চূপ ক'রে দাঁড়িয়েছিলেন বিজয়বাবু। কেউ বিশেষ লক্ষ্য করলে না। শুধু বিজয়বাবুর খাস খানসামা শিবু বেয়ারা চকল হয়ে উঠল। এবং বিজয়বাবুর কাছে এসে মৃদুস্বরে কিছু জিজ্ঞাসা করলে উত্তরে বিজয়বাবু ঝাড় নেড়ে বললেন—না। সমস্তটা অনুমানে বুঝলে স্বত্বত। এবং মিনিট দশেকের মধ্যেই একটি ট্রের উপর একটি ভর্তি টি-পট একখানা প্লেটে বরের তৈরী কীর-নারকেলের কয়েকটি মিষ্টি, আর খানকয়েক ক্রীমক্যাঁকার বিস্কুট সাজিয়ে উপরে একখানি ধবধবে ঢাকনা ঢাকা দিয়ে নিয়ে এসে নামিয়ে দিল বিজয়বাবুর সামনে একখানা চেয়ারের উপর।

বিজয়বাবু ভুরু কঁচকে জিজ্ঞাসা করেছিলেন—এ কি? এ কেন?

একটু হেসে স্বত্বত বলেছিল—আমার মা পাঠিয়ে দিলেন তৈরি করে। চা নয়—কফি।

—কফি? বিস্মিত হয়েছিলেন বিজয়বাবু।

—হ্যাঁ।

উপস্থিত বারা ছিল তাদেরই একজন বললে—ওর মা প্রভাময়ী দেবী আমাদের সারা গ্রামের মা-ঠাকরুণ।

—অ। তা উনি কফি খান নাকি?

স্বত্বত বলেছিল—না। মা চা-ও খান না। তবে গ্রামে তো মাঝে-মধ্যে প্রায়ই ইনি-উনি আসেন—আজ এটা কাল ওটা—তাই চা-কফিটকি রাখতে হয়।

—কিন্তু আমার তো আর দরকার নেই—

—একটু মুখে দিন। মা সমাদর করে পাঠিয়েছেন আপনাকে—

হেসে বিজয়বাবু বলেছিলেন—মিষ্টিগুলো কি কেনা না বাড়ির তৈরী—কীর-নারকেলের তৈরী কীরপুলি মনে হচ্ছে—

—মায়ের নিজের হাতের তৈরী।

—তা হ'লে একটা খাব। অনেকদিন কীরপুলি খাইনি।

একটা নয় চারটে কীরপুলির সাড়ে তিনটে খেয়ে কফিতে চুমুক দিয়ে বলছিলেন—  
বাঃ। তারপর কফিটা শেষ করে—আবার আধকাপ টি-পট থেকে ঢেলে নিয়েছিলেন।

এরপর দ্বিতীয় দফা—সন্ধ্যাবেলা আলো নিয়ে।

আলো একটা ছিল। আলো-অন্ধকার একটা হারিকেন। সেইটের দিকে তুচ্ছ কুঁচকে তিনি তাকিয়ে আছেন—হাতের বইখানার পাতা বাতাসে ওপ্টাচ্ছে—এমন সময় একটা হাজাক লণ্ঠন হাতে ঝুলিয়ে নিয়ে স্বত্বত এসে হাজির হয়েছিল। হাজাক লণ্ঠনটা টেবিলের উপর নামিয়ে দিয়ে লালচে চিমনী হারিকেনটা সরিয়ে দিয়েছিল।

বিজয়বাবু পরম স্নেহভরে কথকিং আবেগের সঙ্গে বলে উঠেছিলেন—You are an angel from Heaven, my boy. তুমি দীর্ঘজীবী হও—ভগবানের আশীর্বাদ তোমার উপর ঝরে পড়ুক।

স্বত্বত তাঁকে প্রণাম করেছিল। তিনি বলেছিলেন—তুমি আমাকে প্রণাম করছ কি হে? তোমরা যে ব্রাহ্মণ, আমরা বৈদ্য—

স্বত্বত বলেছিল—আপনি এ যুগে সত্যিকারের একজন ঋষি, আপনাকে প্রণাম করব না?

এর উত্তরে হয়তো বিজয়বাবু তর্ক এবং যুক্তি দিয়ে অনেক পাণ্ডিত্যপূর্ণ বাগবিত্তার করতে পারতেন—ইদানীং এটা তাঁর একটা স্বভাবের মধ্যে না হোক অভ্যাস হয়ে গিয়েছিল—আজ কিন্তু তিনি চূপ করে গিয়েছিলেন—কতটা অভিভূত হয়ে গিয়েছেন এবং মিষ্ট লেগেছিল ছেলেটির এই প্রণামটি।

এরপর পরদিন ভোরবেলা স্বত্বত আবার ট্রেতে সাজিয়ে বিস্কুট-চা এনে হাজির করেছিল—তখনও বিজয়বাবু বিছানায়। শীতকাল, দরজা বন্ধ—স্বত্বত টেবিলের উপর ট্রে নামিয়ে ভাবছিল—এমন সময়ে বাইরে এসেছিলেন বিজয়বাবু। ট্রে উপরের পেয়লা পিরিচ টি-পটের টুংটাং শব্দ তাঁর কানে গিয়েছে। শিবু বেয়ারাকে স্বত্বত বলছিল—তুমি যে

বললে সাহেব খুব ভোরে ওঠেন। পাঁচটায়—

শিবু বললে—হাঁ তো। সে তো উঠেন। কিন্তু কাল রাতে সারারাত সাহেব ঘুমালেন না।

—দু'তিনটে ঘেড়ে ইঁদুর বড় আলিয়েছে হে—বলে বেরিয়ে এসেছিলেন বিজয়বাবু।—  
 ঘুমিয়ে পড়েছিলাম শেষরাতে। কিন্তু এই ভোরে তুমি চা নিয়ে এসেছ। তোমাদের ঋণ  
 শোধ হ'বায় নয়। তা হোক—ঋণী হয়েই থাকব। বস, চা খাওয়া থাক। চালো।

চা ঢালতে ঢালতে স্বত্ৰত বলেছিল—আমি চা খাইনে।

—কি মুশকিল! আমার জন্তে খাও অন্তত। আমার যে ভারী সন্কোচ লাগছে  
 স্বত্ৰত। দেখ তো, তোমরা চা খাও না অথচ এই ভোরবেলা উনোন ধরিয়ে আমার জন্তে চা  
 করেছ। খাও—এক কাপ চা খাও—for my sake!

এরপর দু'গুরবেলা তাঁকে স্বত্ৰতদের বাড়িতে খেতে হয়েছিল। প্রভাময়ী দেবী নিজে  
 এসে তাঁকে নেমস্তন্ন ক'রে গিয়েছিলেন। বলেছিলেন—খেয়ে যাবেন। নাহলে সারাদিন  
 ভারী কষ্ট পাবেন। এখানে আটটায় চড়ে বর্ধমান—সেখান থেকে হাওড়া যেতে সেই বিকেল-  
 বেলা হবে। তার থেকে সাড়ে দশটার খেয়ে যাবেন—আমি রান্না চড়িয়ে দিয়ে এসেছি—ওরই  
 মধ্যে মাছের ঝোল তাত ক'রে দেব আমি।

প্রত্যাখ্যান করেননি বিজয়বাবু। তবে বলেছিলেন—আপনার হাতে বখন খাব  
 তখন কিন্তু নিরামিষ খাব। আমার মা অল্পবয়সে বিধবা হয়েছিলেন—নিরামিষ খেতাম  
 ছেলেবেলা তাঁর পাতে। বেশ একটু স্বভোর ঝোল খাব। মাষকলাই বাটা ফেটিয়ে তারই  
 পোরের ভাজা।

প্রভাময়ী হেসে ফেলেছিলেন। বলেছিলেন—তাই হবে। তবে তার সঙ্গে মাছের  
 ঝোল করে দেব। মাছ রাঁধার কথা বলছেন—তা সে তো আমি রাঁধি। স্বত্ৰত তো  
 মাছ খায়!

\* \* \*

স্বত্ৰপা পড়ছিল স্বত্ৰত লিখেছে—

‘তোমার বাবা সত্যিই ঋণিতুল্য মানুষ। তুমি আমাকে জানালে তিনি আমার  
 সঙ্গে দেখা করতে চেয়েছেন। তাঁর সঙ্গে দেখা হলে তিনি আমাকে বলেছিলেন—আমি  
 ভেবেছিলাম তুমি কলকাতায় এসে আমার সঙ্গে দেখা করবে। স্টেশনে তো আমি তোমাকে  
 বলেছিলাম আসবার জন্তে। কিন্তু এলে না কেন?’

আমি চূপ করে ছিলাম—সত্যি উত্তরটা মুখে আটকেছিল।

উনি বলেছিলেন—বড়লোক কম্প্লেক্স? কিন্তু আমি তো বড়লোক নই। আর  
 বড়লোক তো নেই এখানে! দু-দশটা আছে জীর্ণ বৃদ্ধ অথর্ব অতিকার জন্তর মত পড়ে, তারা  
 বাবার প্রতীক্ষায় রয়েছে। তা হলে? বিলেতফেরত বলে—জাতটাত—! না, তাও তো  
 না—তুমি আমার পায়ে হাত দিয়ে প্রশাম করেছ। তবে? তারপর বলেছিলেন—তুমি

কটিশে পড়—আমার মেয়েও কটিশে আই-এ পড়ে। আমি তাকে বলব, সে তোমার সঙ্গে করে নিয়ে আসবে।’

স্বত্বকে বিজয়বাবু কলকাতায় এসে তাঁর বাড়ি আসতে বলেছিলেন। কিন্তু স্বত্ব আসেনি। বিজয়বাবু কিন্তু তার জন্ত উদ্গ্রীব হয়ে ছিলেন। শুধু সৌজন্তের খাতিরেই বলেননি; তিনি ওকে জানতেও চেয়েছিলেন।

ছেলেদের বলেননি। দুই ছেলেই রাজনীতিতে একেবারে পাকাল মাছের মত পাকের ভেতরের জীব হয়ে পড়েছে।

বড়ছেলে ব্যারিস্টার এবং পলিটিকাল ক্ষেত্রে পার্লামেন্টারি-রাজনীতির আসরে ঘোরেন—ছোটছেলে বিলেতে থেকে ফোক আর্ট ফোক সংএ বিশেষ শিক্ষা নিয়ে এসেছে। নিজে স্বাধীনভাবে কাজও করে—আবার পার্টির কালচারাল ফ্রন্টেও কাজ করে। এখন তার সঙ্গে লক্ষ্য—সিনেমার মিউজিক ডিরেক্টরিতে। ছোটবউ পার্টির মেয়ে, গাইতে পারে, আর্টিস্ট হিসাবে নাম ছিল, পার্টির প্রচার-নাট্য করে বেড়াত। এ বাড়ির ছোটছেলের সঙ্গে বিয়ে হবার আগে আর একজনের সঙ্গে বিয়েও হয়েছিল, কিন্তু বিজয়বাবুর ছোটছেলের সঙ্গে আলাপ হবার পর, সে বিয়ে ভাইভোর্স হয়ে বাতিল হয়ে গেছে। বড়বউ গিন্নীবান্নী মামুষ এবং স্বামীর টানে তিনিও পার্টি করেন।

তিনি অর্থাৎ বিজয়বাবু তাতে আপত্তির কিছু দেখেন না, তবে এক্ষেত্রে মুশকিল হয়েছে এই যে, এই ধন্দর-পর্য ছেলেটি মোটামুটি তাঁর ছেলেমেয়েদের পার্টির লোক নয়। ছেলে-বউয়েরা অল্প পার্টির লোককে তো বরদাস্ত করতে পারবে না। এটা কেমন ওদের স্বভাব—হয় তুমি আমার সঙ্গে আছ, আমার মিজ, নয়তো তুমি শুধু পরই নও, তুমি শত্রু। মাঝখানে কিছু নেই। কেবল মেয়ে স্বতপা তখনও পর্যন্ত পার্টি-সাপোর্টার—পার্টী-মেম্বার তখনও হয়নি; নিজে বিজয়বাবু বাধা দিয়েছিলেন, বলেছিলেন—আরো কিছুদিন যাক না রে। মনটা আর একটু শক্ত হোক।

একটু চুপ করে থেকে বলেছিলেন—দেখ, পার্টি-মেম্বার হলেই তো আমাকে ভুলে যাবি।

হু-তিনটে ঘটনা ঘটেছিল যার জন্ত একথা তিনি বলেছিলেন। সে-সব ঘটনাগুলো তার অবিদিত ছিল না।

দুটো ছোটবউদিকে নিয়ে। একটা বড়দাকে নিয়ে।

এর মধ্যে একটার কথা এ বাড়ির সকলের মনেই বেন ছুরারোগ্য ক্ষতের মত জীবনের সঙ্গী হয়ে আছে। ছোটবউ মামুরীর সেদিন একটা নাটকের ফাইনাল রিহার্শাল। বিজয়বাবু বিকেলবেলা ঠাঁৎ খুব অস্থির হয়ে পড়েছিলেন। বুকে অস্বস্তি, তার সঙ্গে ব্যথা। এ্যানজাইনা আছে ওঁর। ওমুধপজ্ঞও সঙ্গে থাকে তাঁর। সেদিন বাড়িতে কেউ নেই তখন। স্বতপা বড়ভাই বড়বউদির সঙ্গে বড়বউদির বাপের বাড়ি গেছে হালিশহর; ছোটভাই স্বজিত, ওই যে-

নাটকের রিহাসালে বাবার জন্ত তখন ছোটবউ তৈরি হচ্ছিল—সেই নাটকের ব্যবহার জন্ত তখন স্টেজে চলে গেছে। এই সময় ঘটল ব্যাপারটা।

বিজয়বাবু সেদিন অস্থব্ধ সম্পর্কে শঙ্কিত হয়ে পড়েছিলেন। তিনি শিবু খানসামাকে বলেছিলেন—ছোটবউমাকে গিয়ে বল—আমার মনে হচ্ছে অস্থব্ধটা এবার সম্ভবত শক্ত। ডাক্তার যতক্ষণ না আসে ততক্ষণ যেন উনি না যান। বাড়িতে কেউ নেই—

ছোটবউ কথা শোনেনি। তার ড্রেস রিহাসালে খানিকটা দেরি করতেও সে পারেনি—চলে গিছিল। বলেছিল—ওরে বাপু! আর আমার এক মিনিট দেরি করবার উপায় নেই।

শিবু বলেছিল—আজ্ঞে না। সাহেব বলছেন—ছোটবউমা যেন না যান।

—না যান। না যান কি? দেখছ না আমি বেরিয়েছি! বাবু কি যত ব্যস্ত হচ্ছে তত ছেলেমানুষ হচ্ছেন। আমি বরং ডাক্তারবাবুকে বলে দিচ্ছি ফোনে—তিনি যেন একজন নার্স সঙ্গে নিয়ে আসেন।

বড়ছেলে অজিতের সঙ্গে একটা ঘটনা ঘটেছিল—সেটা অস্ত্র ধরনের। বিজয়বাবুর কাছে একটি পলিটিক্যাল পার্টির নেতা আসা-যাওয়া করছিলেন কিছুদিন ধরে এবং চাঁদা হিসেবে টাকাকাড়িও নিয়ে যাচ্ছিলেন। বড়ছেলের পলিটিক্যাল পার্টির বিরোধী পার্টি। শুধু ভোটের ক্ষেত্রেই বিরোধটা সীমাবদ্ধ নয়, আদর্শের ক্ষেত্রে সে বিরোধ সম্ভবতঃ অধিকতর তীব্র। এই নেতাটি একদিন বিজয়বাবুর বাড়িতে এসে তাঁর দেখা না পেয়ে ফিরে যাচ্ছিলেন। ফেরার পথে গেটের মুখে দেখা হয়েছিল অজিতের সঙ্গে। অজিত বাইরে থেকে বাড়ি ফিরছিল। পরস্পরের পরিচিত ব্যক্তি। অজিত দাশগুপ্ত তাঁকে ব্যঙ্গ করেছিল। যে ব্যঙ্গটা করেছিল সেটা শুধু মর্যাদিকই নয়, তারও চেয়ে অধিকতর লজ্জাজনক।

কথাটা বিজয়বাবুর কানে উঠেছিল। কানে উঠেছিল ঠিক না; তিনি খোঁজখবর করে জেনেছিলেন। এই বৃদ্ধ মাননীয় ব্যক্তিটি কয়েকদিন না আসার জন্ত খোঁজ করেছিলেন। ওদিকে দুই ছেলেই তখন এই চাঁদা দেওয়া নিয়ে আপত্তি তুলেছে। বিচক্ষণ লোকেরা মন্দ বলেছে। বিচক্ষণ লোক অবশ্য তারাই, যাদের বিচক্ষণ বলে গণ্য করে তাদের পার্টি। তারা অজিত-হজিতকে ঠাট্টাও করে। সে ঠাট্টা, তাদের চামড়া শক্ত হলেও, জালাকর রসায়ন মাখানো লোহার ফলায়ুক্ত তীরের মত বিদ্ধ করত। হতরাং তারা পুত্রের অধিকারকে বড় ক'রে যতখানি জোরালো করা যায় জোরালো ক'রে নিয়ে এসে দাঁড়িয়েছিল, বলেছিল—এভাবে-আপনি চাঁদা দিতে পাবেন না। ওই লোকটাকে ভিক্ষে দিতে চান দিতে পারেন; একজন ভিক্ষুককে ভিক্ষা হিসেবে—

বিজয়বাবু মধ্যপথেই বলেছিলেন—না।

বড়ছেলে চমকে উঠেছিল—কি না?

বিজয়বাবু বলেছিলেন—তোমাকে কথা বলতে নিষেধ করছি। এ সব কোন কথাই বলবার অধিকার তোমাদের নেই। আমি বাপ, তোমরা ছেলে—তবুও নেই। তুমি অজিত,



সেদিন ওকে কতকগুলি অপ্রিয় কথা তোমার অধিকারের বাইরে অবাস্তব উপহাসের ভঙ্গীতে বলেছে—সেও আমি শুনেছি। আশা করি অতঃপর আর এরকম ঘটনা ঘটবে না।

এর ফলে সংসারটাই ভিনটুকরো হয়ে দাঁড়িয়েছিল। বড়ছেলে বড়বউ, ছোটছেলে ছোটবউ এবং বিজয়বাবু ও মেয়ে স্তপা। পুরনো ঠাকুরদার তৈরি বাড়িখানাকে অদলবদল করে নিয়ে তিনটে আলাদা দরজাও করে নিয়েছিলেন।

এই সব কারণেই বিজয়বাবু মেয়েকে বলেছিলেন—পার্টী-মেসার হলেই তো আমাকে ভুলে যাবি। আর পার্টী-মেসার হয়েই বা করবি কি?

স্তপা বাপের কথা মেনেছিল। পার্টী-মেসার হতে চেষ্টা করেনি। চায় নি। ছোটবউদি মাধুরী বার বার বলা সঙ্গেও চেষ্টা করেনি। বড়বউদি অমিতা মেমসাহেব মেজাজের লোক এবং বড়লোকের কন্যা। স্বামীর প্রতিষ্ঠার জন্ত তাঁর আগ্রহের আর শেষ নেই। তাঁর ভাইয়েরাও তাঁর স্বামীর পলিটিক্যাল পার্টীর সমর্থক। বউদিদিরাও। অমিতা পার্টী-মেসার ছিলেন না—এখন হয়েছেন; স্বামীর তাগিদে হয়েছেন। তিনি স্তপাকে পার্টী-মেসার হতে বারণও করেননি, হতেও বলেননি। বরং বাবার কথাই শুনে বলেছিলেন। বলেছিলেন—বাবা যা বলেন তাই তুমি কর স্তপা। ছেলেরা পার্টী করতে গিয়ে ওকে মধ্যে মধ্যে দুঃখ দেয়, তুমি ওর একটি মেয়ে—তুমি আর ওদের সঙ্গে যোগ দিও না।

স্তপা পার্টী-মেসার হয়নি, কিন্তু ওদেরই ভাবনায় ভাবাবৃত্ত ছিল। এবং এদেরই সঙ্গে ছিল ওর সকল প্রীতির বন্ধন।

\* \* \*

নিজের গ্রাম সর্বানন্দপুর থেকে ফিরে এসে বিজয়বাবু সেই কারণেই স্তপাকে বললেন—ইয়ারে, তোদের কলেজে বি-এ ক্লাসের স্ত্রুত মুখার্জী বলে কোন ছেলেকে চিনিস? ইকনমিকসের ছাত্র। বেশ ব্রিলিয়ান্ট ছেলে। আর খদ্দর পরে। তোদের অপোজিট ক্যাম্পের ছেলে। তবে কংগ্রেস নয়।

এক ডাকেই চিনেছিল স্তপা। স্ত্রুত মুখার্জীর নাম সে শুনেছে—হুঁচরবার দেখেছেও। তবে আলাপ নেই। কিন্তু কেন? জিজ্ঞাসা করেছিল—তাকে কি করে চিনলে তুমি বাবা?

বিজয়বাবু বলেছিলেন—ভারি ভালো ছেলে রে, ভারি ভাল ছেলে। সর্বানন্দপুরে গিয়ে যেসব অসুবিধের পড়েছিলাম—ওঃ। কবিরা গ্রামেব ছবি আঁকেন—কিন্তু আসল গ্রাম বা—, ওরে বাপরে। চারে চুমুক দিয়ে না পারি গিলতে না পারি ফেলতে—সে আমার মারাত্মক অবস্থা। অথচ চায়ের জন্তে এবল তুফা। এই সময় ছেলেটি এল, গরম কফি-ভাতি টি-পট দুধ চিনি কাপ নিয়ে।

সবস্ত বিবরণ ব্যক্ত করেছিলেন বিজয়বাবু স্তপার কাছে। সব বলে বলেছিলেন—ছেলেটির মা যেমন, ছেলেটিও তেমন। ওকে আমি বলেছিলাম—বড়দিনের বছরের পর এখানে এসে যেন আমাদের সঙ্গে দেখা করে। আমার মেয়ে স্তপা—সে আই-এ ক্লাসে

পড়ে ঝটিশে। তাকে আমি বলব—সে তোমাকে নিয়ে আসবে। ও অবশ্য কথা দেয়নি—  
তবে I expected him. এলে আমি খুব খুশী হই। তুই তার খোঁজ ক'রে বলবি—আমি  
তাকে ডেকেছি। সঙ্গে ক'রে নিয়ে আসবি।

\* \* \*

‘হুতপা, আমি তোমাকে চিনতাম। কিন্তু বিখ্যাত বি বি ডি-র কথা বলে চিনতাম  
না। তোমার মডার্নিজমের মধ্যে এমন একটা বিশেষ কিছু ছিল—যার অন্তে মুখদৃষ্টিতে  
তাকিয়ে দেখতে হত প্রত্যেকটি ছেলেকে।

ছেলেদের থেকে মেয়েরা বোধ করি বেশী দেখত তোমাকে।

তোমরা জোরদার পার্টির ছাত্রফণ্টের সভ্য সব। তোমাদের চলার সঙ্গে উর্ধ্বগগনে  
মাদল বাজত, পায়ে তলায় ধরণীতল উতলা হত, তোমাদের দাপাদাপি—এসব আমাদের  
ভাল লাগত না। বিশেষ করে আমার নিজের। তবুও তোমার প্রতি আমার একটা  
আকর্ষণ ছিল। শুধু আমার কেন—সব ছেলেরাই তোমাকে দেখত। সেটাই ওই  
মডার্নিজমের মধ্যে বিশেষ কিছু। একটি শালীনতা—একটি—কি বলব—রাজহুসার মত  
ভাব! বুঝেছ? প্রথম দিন তোমাকে দেখে—আমায় ডেকে কথা বলছ বলে একটু  
আবোল-তাবোল বকেছিলাম। ওই যে মুখার্জী-মুখোপাধ্যায় সংবাদ; ওইটে। বোধহয়  
নিজেকে একটু স্মার্ট, নিজের একটুখানি পৌরুষ দেখাবার হাঙ্গামা চেষ্টা করেছিলাম আপনার  
অজ্ঞাতসারে।

থাক্।

তোমার সঙ্গে তোমাদের বাড়ি গেলাম।

তোমার বাবা খুব খুশী হলেন—আমিও হলাম। এমন একটি মানুষ—জ্ঞানের একটা  
সমুদ্র। বিশেষ ক'রে রাজনীতি-বিজ্ঞানের মধ্যেও কোথায় একটি আশ্চর্য জাতুমীপা আছে,  
জিজ্ঞাসা আছে তাঁর—যার সম্বন্ধ পেয়ে অভিভূত হয়ে যেতাম। ওটা আমার মধ্যেও ছিল  
কিনা। ছিল বলেই তো তোমার দাদাদের সঙ্গে এক হয়ে যেতে পারিনি। ওই পার্টির  
স্রোতে গা ভাসাতে পারলে তো সকল সংশয় সকল সমস্যা মিটে যেত। এমন বিরোগান্ত  
পরিণতিতে এসে পৌঁছতে হত না।

ওই দেখ অকারণ বেশী বকছি। অকারণ হয়, তোমার আর আমার কথা—সে যে  
যে-কাহিনীর শেষ নেই—সেই কাহিনী।

তোমাকে আমি জন্ম করলাম।

তোমার রাজনৈতিক মতামত তোমার দাদাদের বউদিদিদের সঙ্গে এক—সে না  
হও তুমি পার্টি-মেম্বর। এটা আমি তো জানতাম। আর আমি তোমার দাদাদের পার্টির  
সব থেকে বড় শত্রু যে পার্টি সেই পার্টির মেম্বর না হলেও—ওই পার্টির মতই ছিল আমার  
জীবনমত্যা এবং ওই পার্টির গতির ধারাই ছিল আমার চলার হ্রস্বগতি। এদিক দিয়ে তুমি  
উত্তর মেরু, আমি দক্ষিণ মেরু, তোমার সঙ্গে আমার কোন মিল নেই—দিন আর রাজির

মত আমরা পরস্পরের বিপরীত—তোমার সঙ্গে আমার মিলন হয় না—হতে পারে না—এ কল্পনা অবাস্তব—অসম্ভব—এর ফল বিষময়—বিষময় হতে বাধ্য, তবুও তোমাকে জয় করবার জন্ত ব্যাকুল হলাম আমি। ওটা জীবন। জীবন জীবনের সঙ্গে মেলে, কিন্তু নারী-পুরুষের দেহ ধরে মিলতে হয়।

তোমার বাবা একদিন বলেছিলেন—এক থেকে দুই হয়েই তো সব হল না। বিরহ-মিলন মান-অভিমান চাই, দেহে দেহে এক হওয়া চাই। তাই পুরুষকে দেখলেই নারীদেহে নারীবুকে দোলা লাগে—নারীকে দেখলে পুরুষ চমকে জেগে ওঠে।

আমি তেমনি ক’রে জেগেছিলাম এবং মনে মনে জয় করবার স্বপ্ন করেছিলাম তোমার মনকে; আর হাত বাড়িয়েছিলাম—‘প্রাণ্ডলভ্যে ফলে লোভাং উদাহরিব বামন’—তোমার হাতখানি ধরবার জন্ত। কিন্তু হাত বাড়িয়ে কোন নারীর হাত টেনে নিয়ে নিজের মুঠোতে চেপে ধরা—করায়ত্ত করা তো সহজ নয়। তুমি বিখ্যাত বি বি ডি-র কন্যা, ব্যারিস্টার অজিত দাশগুপ্ত এম এম এল এ-র বোন, একটা এত বড় পলিটিক্যাল পার্টির স্টুডেন্ট ফ্রন্টের একজন উৎসাহী অতি-আধুনিক সমর্থনকারী; তার হাত চেপে ধরে ‘তুমি আমার’ বলা তো সহজ নয়। এ এক পুরাকালে পারতেন কৃষ্ণ-অর্জুনের মত বীরেরা—আর একালে পারে যারা মস্তান তারা। স্ত্রীরা তোমার দিকে আমার হাত বার বার প্রসারিত হতে চাইলেও প্রসারিত হতে দিইনি। মন মনের পথে এগিয়েছিল—তোমার মনকে জয় করতে চেষ্টা করেছিলাম। একটা সস্তা পথ ছিল ইউনিয়নের পথ, কিন্তু তুমি যে ছাত্রফ্রন্টে কাজ কর—তার বিরোধী ফ্রন্ট আমার ফ্রন্ট। আমি ছিলাম আমার ছাত্রফ্রন্টের লাভার। কিন্তু আমার ফ্রন্টটা ছিল দুর্বল। ফ্রন্ট দুর্বল হলেও আমি দুর্বল ছিলাম না। আমি বক্তৃতা করতে উঠলে হাততালি পড়ত। তুমি শুনতে খুব মন দিয়ে—কারণ তোমার সঙ্গে আলাপের পর যখন থেকেই আমাদের মধ্যে চুষক-লোহার খেলা শুরু হয়েছে—তখন থেকেই আমি ছাত্রসভায় বলতে উঠে সর্বাগ্রে তোমাকে খুঁজতাম এবং তোমাকে প্রথম সারিতেই পেতাম।

কলেজে তোমার সঙ্গে কথা কওয়া সহজ ছিল—তুমিও সে সম্পর্কে সজাগ ছিলে, আমিও ছিলাম।

আর একটা পথ তোমার বাবা আমাকে দেখিয়ে দিয়েছিলেন। সেটা হল—আমার পরীক্ষা জীবনে কৃতকার্যতার পথ। বলেছিলেন—সর্বাগ্রে তুমি ভাল ক’রে পড়াশুনাটা শেষ কর। তুমি ত্রিলিঙ্গাট ছেলে, কিন্তু ম্যাট্রিক আই-এতে খুব ভাল রেজাল্ট কেন হয়নি তা ঠিক ধরতে পারিনি। মনে হয়, পড়াশুনো তুমি মন দিয়ে করনি। পলিটিক্স করেছে বেশী। এ অত্যন্ত সস্তা পথ স্ত্রীত।

ওর কথার মধ্যে তোমাকে জয় করার পথের যেন নির্দেশ পেয়েছিলাম। বি-এ পরীক্ষার ইকনমিকসে ফার্স্ট ক্লাস ফার্স্ট হলাম। যখন বের হলে—আমি ইউতিভারসিটি থেকে ছুটে গেলাম তোমাদের বাড়ি তোমার বাবাকে প্রণাম করতে—তোমার সামনে উজ্জল মুখে মাথা উচু করে দাঁড়াতে। তোমার চোখে মুখে দৃষ্টি প্রদীপের মত জলবে—আমি জানতাম। আমার

রং কালো হলোও তুমি আমার সবল হৃদয় দেহলাবণ্যে মুগ্ধ ছিলে আমার অজানা ছিল না। মনে মনে তারানকরের 'কবি' উপন্যাসখানার সেই একটা লাইন তুমি মধ্য মধ্য আঙুলে : "কালো যদি মন্দ তবে কেশ পাকিলে কালো কানে।" ওটা তুমি লেখকের প্রশংসা করতে না, নারিকারও না, আমি জানি—তুমি আমার প্রশংসা করতে। ভেবেছিলাম তোমাকে বলব কথাটা সেদিন। 'তোমার ভালবাসি' কথাটা বলব—তার ভূমিকা রচনার অস্ত বলব। কিন্তু আমি গেলাম তোমাদের বাড়ি—তুমি তখন বেরিয়ে এসেছ ইউনিভারসিটি আমার খবরের জন্তে। তোমার বাবাকে প্রণাম করলাম, তিনি বললেন—Congratulations! কিন্তু এখানে শেষ করলে হবে না। সামনে এম-এ। ভেবেছিলাম বলে ফেলি তোমার কথাটা। কিন্তু তোমার মত জানিনি বলে বলতে পারিনি। দেখা হয়েছিল পথে। আমি ফিরছিলাম তোমাদের বাড়ি থেকে। তুমি ইউনিভারসিটিতে আমার না পেয়ে ঠিক ধরেছিলে আমি তোমাদের বাড়ি এসেছি এবং যথাসম্ভব দ্রুত বাড়ি ফিরেছিলাম। আসছিলে ট্যাক্সিতে। আমাকে বাস-স্টপে দাঁড়িয়ে থাকতে দেখে—গাড়ি থামিয়ে আমাকে ডেকে গাড়িতে তুলে নিয়েছিলে।

ট্যাক্সিতেই আমি তোমাকে বলেছিলাম—তোমার সঙ্গে কথা আছে আমার।

তুমি বলেছিলে—কি কথা?

কোন বিধা-সঙ্কোচ না ক'রে সটান বলেছিলাম—ভালবাসি।

বোধ করি এইভাবে না বললে বলতে পারতাম না।

তুমি বলেছিলে—আমারও কিছু কথা আছে। সেইটেই আগে—

বলেছিলাম—বল। বুকটা ধক্ ধক্ করে উঠেছিল।

তুমি বলেছিলে—ভালবাসি। আমি আগে।

আমি বলেছিলাম—আমি আগে।

• • • • •

এরপর ছ'বছরের পূর্বরাগ—সে তো তোমারও মনে আছে, আমারও মনে আছে। কফি হাউস—ইউনিভারসিটি ক্যান্টিন—ভিক্টোরিয়া মেমোরিয়াল—ফ্র্যাঙ্ক—চৌরঙ্গীর পশ্চিম দিকের ফুটপাথ ধরে হাঁটা, এসব থাক্।

ওসব ছাড়িয়ে মনে পড়ছে বাধার কথা, বিয়ের কথা। তোমার দাদা—তোমার বউদি—তোমার ছোড়দা—ছোটবউদি—তোমাদের পার্টিফ্রন্ট—বার বার অরণ করিয়ে দিয়েছিল যে, তোমার আমার মেলা হয় না।

তোমার বড়দা আমাকে ডেকে বলেছিলেন—দেখ হে, তুমি যেন একটু বেশি বাড়াবাড়ি করছ। হুতপার সঙ্গে মেলামেশায় তুমি মাজা টাজা ছাড়িয়ে বাছ। তোমাকে একটু সাবধান করে দিচ্ছি।

তোমার ছোটবউদি বলেছিল—হুতপাবু, আপনি বেশ ভাল বক্তৃতা করেন। আমাদের ড্রামা-পার্টিতে আসুন না। আমরা আপনাকে অর্জুনের পার্ট দেব—মানাবেও খুব

ভাল ; আমি হুতরা-হরণ নাটক লিখেছি ; হুতরার রোলে আপনি যদি বলেন তো হুতপাকে নামাতে পারি ।

তারপর বলেছিল তোমার ছোটবউদি—সোজাহুজি বলা বাক্যে বলে তাই—পারবেন ? যদি না পারেন—তা হলে সরে দাঁড়ান । বুঝেছেন ?

তোমার বাবাও আমাকে ডেকে বলেছিলেন—দেখ, তোমাকে আমি সত্যই স্নেহ করি, কোনরকম অপ্রিয় কথা বলতে অত্যন্ত অশান্তি অনুভব করি । অনেকদিন আগেই এটা বলা আমার উচিত ছিল । সেটা হল হুতপাকে নিয়ে । তোমরা দুজনে দুজনের দিকে একটু বেশি এগিয়ে গেছ । এতে অবশ্য বাধা থাকা উচিত নয় । তুমি ব্রাহ্মণ আমরা বৈষ্ণব এ বলেও থাকা উচিত নয়—সেটা নেই সেও আমি অনুমান করতে পারি । তোমার মাকে আমি দেখে এসেছি । তোমাকে দেখছি । কিন্তু একালে আর একটা জাতই বল আর থাকই বল—সেটা তৈরি হয়ে গেছে । সেকালে রায়বাহাদুর খণ্ডরের কংগ্রেসী জামাই হলে ব্যাপারটা ট্র্যাজেডির সৃষ্টি করত । কংগ্রেসী বাপের স্ত্রীরী মেয়ে রায়বাহাদুরদের বাড়ি এসে কষ্ট পেয়েছে, বাপের সঙ্গে দেখা করতে পায়নি—এমন সব ঘটনা ঘটে গেছে । বড়লোক গরীবলোকের কুটুম্বিতের ট্র্যাজেডির মতই । কিন্তু এখন সেগুলো আরও নানান চেহারা নিয়েছে । পার্টির ব্যাপার । দেখ, আমি কোন পার্টির লোক নই ; তবু কিছুটা পরোক্ষ সমর্থন অভিত-স্বজিতদের পার্টির উপর আছে এ মানতেই হবে । হুতপাকে আমিই পার্টি-মেম্বার হতে দিইনি ; নাহলে ও ওই পার্টিরই মেম্বার হয়ে যেত এবং হয়তো বা সেক্ষেত্রে তোমার সঙ্গে তার কোন হুততাই হত না । জানি না হুতপা ঠিক কতটা বদলেছে, কিন্তু সবটা বদলেছে কিনা সেইটেই কথা । এবং সেটা—মানে সবটা বদলানো—বোধহয় অসম্ভব । হুতরাং—

অনেকক্ষণ চুপ করে ছিলেন তোমার বাবা । তারপর বলেছিলেন—দোষ সম্ভবতঃ আমারই । আমারই সাবধান হওয়া উচিত ছিল ।

আরও অনেকক্ষণ পর বলেছিলেন—তুমি এদের পার্টিতে আসতে পার না বলে শুনেছি ।—তা হলে আমার মনে হয়—তোমাদের দুজনের তোমাদের আলাদা আলাদা পথে চলে যাওয়াই ভাল ।

\* \* \* \*

কথাগুলো খুব বিচক্ষণতার কথা । কিন্তু তুমিও শোননি—আমিও শুনিনি ।

আজ গোপন করব না । আপত্তি মা-ও কম করেননি । অনেক অনেক অনেক আপত্তি । মাকে সেদিন নতুন ক'রে নতুন চেহারায় দেখলাম । আমার মা—আমাদের বাড়িতে মুসলমান কুশান হরিজন নেতারা ধারা এসেছেন—তাদের এঁটো কাপ দিয়া হাতে করে ভুলে নিয়েছেন । আমি সকলের সঙ্গে বলে ধেয়েছি—আপত্তি করেননি । গরীব-দুঃখী—সে আচণ্ডাল পর্যন্ত—অস্থখে পড়লে তাদের শিয়রে গিয়ে বসেছেন । সেই মা আমার তোমাকে বিয়ে করবার কথা বলতে বলেছিলেন—সে কি রে ।

এতে আমিও কম আশ্চর্য হইনি । এ কি ? মা এ-স্বরে কথা বলেন কেন ? এত

বিশ্বের এতে কি আছে ?

অনেক তর্ক, অনেক তর্কের গভীর বাইরে থাকে সোজা কথা বললে ঝগড়া-বিবাদ—  
তাই। শেষ পর্যন্ত মা না খেয়ে পড়ে রইলেন—আমিও রইলাম। বেলা তখন তিনপ্রহর—  
তিনটে বেজে গেছে, ঠাকুরের ভোগ হয়নি তখনও ; পুজুরী পূজা ক'রে চলে গেছে। মা তখন  
উঠে বললেন—আমার ঠাকুরের কি হবে ?

বলেছিলাম—কেন ? যেমন আছে তেমনি থাকবেন ঠাকুর।

বলেছিলেন—তোর বউ ? থাকতে দেবে ঠাকুরকে ?

আমি তোমার কথা ভেবেছিলাম স্ততপা। ভেবেচিন্তেই বলেছিলাম—বেশ তো মা,  
ঠাকুরের পূজার ব্যবস্থার অস্ত্রে আমি সব সম্পত্তিটাই লিখে দিচ্ছি।

মা বলেছিলেন—তা দিলি। ঠাকুরের পূজা হল—কিন্তু আমার বংশের কে করবে ?  
বাদের মেয়ে তারা যে মতে বিশ্বাস করে, তাতে তো ঠাকুর-দেবতা নেই, ঈশ্বর নেই।

আমি বলেছিলাম—আমি তোমাকে কথা দিচ্ছি মা, তোমার পর ঠাকুরের পূজা আমি  
করব। আমি যেদিন না থাকব—সেদিন পুজুরী করবে।

আমি তোমাকে এসব কথা একটি একটি ক'রে খুলে বলেছিলাম। আমার বিশ্বাস,  
তুমি নিশ্চয়ই ভুলে যাওনি। কারণ বিস্ফারিত দৃষ্টিতে আমার মুখের দিকে তাকিয়ে আমার  
কথা শুনেছিলে। আমি তোমাকে সব কথা বলে বলেছিলাম—তোমার রাজনৈতিক মত  
তোমার জীবন-বিশ্বাস, মানে আন্তিক্যবাদ নাস্তিক্যবাদ যাই হোক, আমার নিজের সে-সব বাই  
হোক, যত পৃথক হোক—সে তোমার তোমার, আমার আমার। আমরা জীবনে মিলতে  
চলেছি—ভালোবাসাকে সম্বল করে—ভালোবাসাতে বিশ্বাস রেখে—তা নিয়ে কখনও আমরা  
সংশয় প্রকাশ করব না।

যদি পরস্পরকে সহ্য করতে না পারি—তাহলে আমরা পৃথক হয়ে যাব।

তুমি সেদিন একটা দীর্ঘশ্বাস ফেলে তোমার দীর্ঘশ্বাসের স্তব্ধতা ভঙ্গ করে বলেছিলে—  
থাক স্তব্ধ ; এ বোধহয় না হওয়াই ভাল। আমি চললাম। উঠে চলে গিছলে তুমি।

পরের দিন তুমিই এসেছিলে আগে। এসে বলেছিলে—তোমার সব শর্তই ঠিক  
আছে স্তব্ধ ; শেষটা, অর্থাৎ পরস্পরকে সহ্য করতে না পারলে পৃথক হয়ে যাব—এ কথাটা  
বাদ।

বলেছিলাম—মানে আছে ? বাদের কোন মানে হয় ?

—আইনের কথা বলছ ?

—হ্যাঁ।

তুমি বলেছিলে—মানে আছে, মানে হয়।

—কি হয় ?

—তোমার যদি দরকার হয় ডাইভোর্স চেয়ে আদালতে, আমি কোন জবাব দেব না,  
আপত্তি তুলব না। আমি কখনও ডাইভোর্স চাইব না।

আমি বলেছিলাম—শুনতে খুব ভাল লাগছে। কিন্তু এটা সেকিযেন্ট।

এরপর আমরা বিয়ে ক'রে তোমার বাবার কাছে গিয়েছিলাম। তোমার বাবা বিম্বিত হননি। বিচক্ষণ মাহুয—আশ্চর্য মাহুয—বলেছিলেন—এইটেই আমি প্রত্যাশা করছিলাম। বিয়ে করে দুজনে এসে আমার সামনে দাঁড়াবে। কিন্তু এরপর আমি একটা সেরিমনি করতে চাই।

মনে আছে আমাদের দুজনের দিকে তাকিয়ে বলেছিলেন—এ মানায়নি রে তপু। একদম মানায়নি। মাধায় মৌর নেই সিঁথি নেই কনেচন্দন নেই লাল বেনারসী নেই—এই উগড়গে একসিঁথি সিন্দূর নেই—। না—না—না। সেরিমনি চাই। তা না হলে বিয়ে কি ক'রে হল।

তোমার বাবা রোশনচৌকি বাজনা বসিয়ে—ছাদনাতলা তৈরী করিয়ে—পুস্তত এনে কস্তাদান করেছিলেন—রীতিমত দান-সামগ্রী সাজিয়ে দিয়েছিলেন। দশজনকে নিমন্ত্রণ করে খাইয়ে তবে শেষ করেছিলেন।

তোমার দাদারা দুজনেই বাইরে চলে গেছিলেন। মাদুরী বউদি ঘরে থিল দিয়ে অস্থখের ভান ক'রে শুয়ে ছিলেন—কেবল বড়বউদি ছিলেন সারাক্ষণ। আমাদের যাবার সময় বড়বউদিই সব করেছিলেন এবং আমাকে বলেছিলেন—স্বত্ৰত, ভাই একটা কথা বলি।

বলেছিলেন—স্বত্ৰপাকে ভালবেসে যখন বিয়েই করলে, তখন পুরোপুরি আমাদেরই হয়ে বাও না। আমরা বড় অস্বস্তি বোধ করছি।

স্বত্ৰপা, তুমিই বলেছিলে—না বউদি, ওসব কথা থাক।

সর্বানল্লপুয়ে এসে তুমি খুব খুশী হয়েছিলে।

মা-ও প্রথম দিন প্রসন্ন হাসিমুখে আমাদের ঘরে তুলবার জন্ত এগিয়ে এসেছিলেন। তাঁর সে হাসিমুখ আমারও মনে পড়ে, তোমারও হয়তো মনে পড়ে।

প্রথম দিনই কিন্তু যেখানে সংঘাত বাধার সেইখানেই সংঘাত বাধল।

মা নিয়ে গেলেন আমাদের শালগ্রাম শিলার আসন যে ঘরে সেই ঘরের বারান্দায়, বললেন—প্রণাম করো।

তুমি আমার মুখের দিকে তাকিয়েছিলে। আমি ভেবেছিলাম—তুমি প্রশ্ন করছ আমাকে। প্রশ্ন করছ—প্রণাম করতে হবে শালগ্রাম শিলাকে—হুড়িকে? কিন্তু একথা তো ছিল না।

আমার মুখ শক্ত হয়ে উঠেছিল। তুমিই বলেছিলে। সেটা অবশ্য রাত্রে শোবার ঘরে, তোমার বাবার দেওয়া সোফা-সেটে বসে। কিন্তু সেই সঙ্কটমুহুর্তে তুমি মাটিতে হাত ঠেকিয়ে কপালে ঠেকিয়ে মায়ের কথা মনে নিয়েছিলে।

আমার বুক থেকে পাঁচাণের ভার নেমে গিছিল।

কিন্তু সঙ্কট যেটা, সেটা যেখানকার সেখানেই দাঁড়িয়ে থেকেছিল।

একটি পুরুষ আর একটি নারী। স্বতন্ত্র, এরা রাজ্যে যে মিলনে মিলিত হয়—সেটি মেলে ছুটি দেহের সেতুবন্ধের উপর দাঁড়িয়ে। দিনের মিলন মনে মনে। রক্ত বিরোধ তখনই প্রমাদ ঘটায়। মাহুব ছাড়া প্রাণীজগতে দেহ-মিলনের পরেই একরকম পালা শেষ। মাহুব ঘর বাঁধে দিনরাত্রি একসঙ্গে বাস করবে বলে।

আমাদের মতের বিরোধ সেইখানেই স্বযোগ পেলে মাথা তুলে দাঁড়াবার। আমরা ঠিক করেছিলাম—আমার মত আমার, তোমার মত তোমার। তৎসত্ত্বেও আমি তোমার, তুমি আমার।

ভুল বোধহয় হল সেখানেই।

আমি যখন তোমার হব—তখন আমার মতটাই বা তোমার হবে না কেন? আর তুমি যখন আমার হবে তখন তোমার মতটাই বা আমার হবে না কেন?

এটা তো আছে চিরকাল।

কত মহাকাব্য নাটক উপজাসই না তৈরী হয়েছে এ নিয়ে।

স্বতন্ত্র হলে তোমাদের বাড়িতে তোমার ছোড়দার খোকার অন্নপ্রাশনে যে পার্টি হয়েছিল সেই পার্টিতে। কুটুম্ববাড়ির প্রথম কাজ; যা একখানি রূপোর রেকাবীতে একমুঠো স্বগন্ধি চাল, একটি রূপোর বাটি-ঝিঝুক পাঠিয়েছিলেন, তার সঙ্গে আরও দিয়েছিলেন একটি ত্রোজের নাড়ুগোপাল মূর্তি। ওটা আমাদের বাড়ির প্রথা ছিল। তিন পুরুষের প্রথা। অন্নপ্রাশনে নাড়ুগোপাল দেওয়া হত।

ওই নিয়েই পার্টিতে নানান কথা উঠল। তোমার দাদাদের বন্ধুদের সঙ্গে পরিচয় হল—তঁারা তোমাকেই বললেন—তোমার বরকে নিয়ে এস আমাদের বাড়ি। কথা বলব। তোমার মত মেয়েকে জয় করেছেন উনি—নিশ্চয়ই একজন হিরো। কিন্তু আমরা তো expect করব তুমি ওঁকে নিয়ে আমাদের মধ্যে ফিরে আসবে—

তোমার ছোটবউদি ওই গোপাল-মূর্তি দেখিয়ে কি বলেছিল মনে আছে? বলেছিল—ওঁকে জয় করা সহজ হবে না। উনি আমাদেরকে জয় করবার জন্তে কোমর বেঁধেছেন। এই দেখুন আমার খোকার জন্তে নাড়ুগোপাল দিয়েছেন—ছেলে আমার আপাল নেপাল ভূপাল টুপাল মানে নাড়ুগোপালের রাখাল সখা কেউ একজন হবে।

উত্তরে আমিই বোধ করি আমার কথার হাতিয়ারকে বেশ ক'রে শানিয়ে নিয়ে কথার কোপ মেরেছিলেন। বলেছিলাম—ছোটবউদিদিদের বোধহয় ব্যাসদেবের সঙ্গে সম্পর্ক ছিল—একেবারে ভাগবতকে নতুন ক'রে তৈরী করে দিলেন। স্ববল শ্রীদাম দাম বসুদামকে একেবারে আপাল নেপাল ভূপাল ক'রে ছেড়ে দিলেন।

তুমি আমার হাতে ধরে চাপ দিয়েছিলে।

আমি রাগটাকে সংবত করতে ঠিক পারিনি—চেপে গিছিলাম; এরপর মাথা ধরেছে বলে বসেছিলাম একধারে।

আমাদের বাড়িতে আমার বা তোমাকে ভালবাসতে চেষ্টা করলেন প্রাণপণে—কিন্তু



আশ্চর্য, পারলেন না। দোষ কার—সে নিয়ে প্রশ্ন বড় বেই, সেটা আমার মায়ের; কিন্তু তোমার কতখানি আমার কতখানি—তা বলতে আজও পারছিনে।

মা সংসারের সব থেকে ভাল খাতটুকু বাড়ির ঠাকুরকে ভোগ দিয়ে তোমাকে খেতে দিতেন, আমাকে দিতেন না।

তুমি এই প্রসাদটুকু খেতে চাইতে না। ওই তুলসীর পাতা—ওই হাতে নাড়াছোঁয়া খাত—তা ছাড়া আমি যতটা বুঝছি এই প্রসাদ নামক বস্তুর প্রতি তোমার একটা বিতৃষ্ণা ছিল। চরণোদক আমাদের বাড়িতে আমরা ছেলেবেলা থেকে খাই। তুমি প্রথম দিনই বলেছিলে—আমার স্বাধার দিন। আমার এক মামাতো দাদা তীর্থে গিয়ে চরণোদক খেয়ে ব্যাসিলারি ডিসেস্টিতে পড়েন—তাতেই মারাও যান। ও খেতে আমার কেমন ভয় করে। মা আমার শহরের মেয়ে—তীর কালের প্রগতিশীল মেয়ে; ইনফেকশন বোঝেন। কলেরার আমাদের অঞ্চলে এককালে কাজ করতেন, আমরা তীর অধীনে কাজ করতাম; আমাদের ইনফেকশন বোঝাতেন। বলতেন—সাবধান হতে পারলে এসব বিষকে ঝাঁটা মেয়ে দূর করা যায়। তিনি তোমার এই ইনফেকশনের ভয়ের কথাটা তুচ্ছ করতে পারতেন না, কিন্তু তুচ্ছ হতেন খুব। বলতেন—স্বতন্ত্র বয়স হল চব্বিশ বছর, চব্বিশ বছরই ওর মুখে চরণোদক দিচ্ছি—সে কিন্তু কোন ক্ষতি করেনি, বিষ হয়ে ওঠেনি কোন দিন।

মধ্যে মধ্যে বলতেন—আসল কথা ভগবানকে বিশ্বাস। তাঁকে মানা। যারা ভগবান মানে না, নাস্তিক—তাদের চারিপাশে রক্ষা করবার তো কেউ নেই—তারা মৃত্যুকেই দেখে আর মৃত্যুভয়েই তারা অধীর।

বিরোধ বাড়তে লাগল।

বিচিত্র পথে বাড়ল—পথরোধ করবার শক্তি আমাদের কারুরই হল না।

আধুনিক সাজসজ্জা মা পছন্দ করতেন না—তুমি সেইটেই যেন জোর ক’রে গুরু করলে।

তোমার বাম্বাকে প্রশংসা করছি। তিনি না থাকলে অনেক আগেই আমরা পরস্পরের বন্ধন ছিঁড়ে ফেলতাম। তাঁরই ব্যবস্থায় তাঁর বাড়িতেই সপ্তাহের পাঁচটা দিন থাকতাম, শনিবার আসতাম সর্বানন্দপুর। রবি সোম দুদিন থেকে মঙ্গলবার ভোরে কলকাতা আসতাম। শনিবার দিন মা হারিকেন তুলে ধরে তোমার মুখের ওপর আলো ফেলে গভীর আক্ষেপের একটি ছোট ‘হঃ’ শব্দ উচ্চারণ ক’রে কয়েকটা কঠিন কঠোর—‘ছি ছি ছি ছি’ শব্দের বিকার দিতে দিতে চলে যেতেন।

আমরা জানতাম এর অর্থ। তুমিও জানতে—আমিও জানতাম। আমরা দুজনে দুজনের দিকে একবার তাকিয়ে দেখেই মুখ ফিরিয়ে নিতাম।

নিজেদের ধরে এসে বলতাম—কেন এমন ভাবে ওই ধরনের সাজ ক’রে এখানে আস বল তো? কেন?

প্রথম কিছুদিন চুপ করে থাকতে।

ভারপর মুখের উপরই বলতে—কুচি আমার নিজের। আর আমি তো ভালগার সাজসজ্জা করিনি। আজকাল আবার চুলে তেল মাখে কে ?

আমার মা আমাদের কথা শুনবার জন্ত তাঁর ঘরের জানালা খুলে অন্ধকারের মধ্যে কান পেতে বসে থাকতেন।

তোমার বাবা তাঁর দেশের পৈতৃক বাড়িখানা সংস্কার করিয়ে তোমাকে দান করেছিলেন। সেই বাড়িতে আমরা থাকতাম। তোমার বাবা তেতলায় একখানা ঘর ভুলে দিছিলেন, ঠাকুরের জন্ত। মোজেকের মেঝে, হুন্দর বেদী। মা সে-ঘরে ঠাকুরকে আসতে দেননি।

আমাকে বলেছিলেন—বেশ মিষ্টি ক'রে বলেছিলেন—দেখ, তোরা ও-বাড়িতে থাকবি—নিরুদ্ভাটে থাকবি—যা ইচ্ছে খাবি, ঠাকুর ও-বাড়িতে যাবেন না। এ বাড়ির ঠাকুর, মাটির ঘরে খড়ের চালে আজ পাঁচপুরুষ আছেন। উনি এমনি থাকবেন।

তুমি পরের দিন থেকে সকালে কফির সঙ্গে মুগীর ডিম টোস্টের ব্যবস্থা করেছিলে। ভোরবেলা উঠে কোমর বেঁধে কাজে লাগতে। কাজ মানে কফি টোস্ট পোচ তৈরি করা।

\*

\*

\*

ঘরের মধ্যে যখন আমরা পরস্পর থেকে দূরে চলে যাচ্ছি—তখনই, আমাদের দুর্ভাগ্য, বাইরে ঘনিয়ে উঠল প্রচণ্ড দুর্ভোগ।

বিচিত্রভাবে আমি একটা সত্যকে এর মধ্যে অনুভব করেছিলাম।

বাইরের দুর্ভোগ ঘরের দুর্ভোগকে কখনও কমায়, কখনও বাড়ায়।

দুর্ভোগ বলতে প্রাকৃতিক দুর্ভোগ বলতিনি। প্রাকৃতিক নয়—রাজনৈতিক।

চীন-ভারত সীমান্ত সংঘর্ষ বাধল।

গোটা ভারতবর্ষে যেন আশ্চর্য আবেগের কম্পন বয়ে গেল। একটা যেন জ্বলন্ত খেলা ঘটে গেল।

অসংখ্য রাজনৈতিক দলে বিভক্ত, নানান প্রশ্নে—ভাষার প্রশ্নে ধর্মের প্রশ্নে প্রাদেশিক সীমান্তের প্রশ্নে জর্জরিত দেশটা যেন একমুহূর্তে সকল বিবাদ পাশে ঠেলে সকল প্রশ্নে বামা চাপা দিয়ে এক হয়ে দাঁড়িয়ে গেল।

পার্লামেন্টে একটা আইন পাস হয়ে গেল বিশেষ ক্ষমতাবলে। এদেশের অধিবাসী বার্মা তাদের পক্ষে ভারতের বর্তমান সীমান্ত-রেখায় সংশয় প্রকাশ করা দেশদ্রোহিতার অপরাধ হিসেবে গণ্য করা হবে।

সংশয় প্রকাশ করার অর্থটার মধ্যে কিন্তু বিশ্বাস-অবিশ্বাসের প্রশ্ন ছিল না। ছিল চীন অথবা ভারতবর্ষকে সমর্থনের প্রশ্ন।

আইনের বলে কাগজে কাগজে এই ধরনের ভারতকে অসমর্থন করার মত আলোচনা বন্ধ হল। চিঠিপত্রের মধ্য দিয়ে মন্তব্য প্রকাশও বন্ধ হল। কিন্তু মুখের আলোচনা বন্ধ হল না, দৈব-দুর্বিপাকে আমাদের জীবনে এ দুর্ভোগের এই প্রভাব আমাদের ঘরের দুর্ভোগের

উপর এসে পড়ল।

কলকাতায় তোমাদের বাড়িতে একদিন তোমার বাবার কাছে এসেছিলেন জনকরেক তোমার দাদার পার্টির লোক। আইনের পরামর্শ নিতে এসেছিলেন। তার জের এসে আছড়ে পড়েছিল চায়ের টেবিল পর্যন্ত। সেখানে, চায়ের সঙ্গে আলোচনাটা আইনের সীমানা ডিঙিয়ে চলে এসেছিল স্বাভাবিক ভাবেই।

তুমি প্রগল্ভতা প্রকাশ করনি। কিন্তু অত্যন্ত উৎসুক হয়ে প্রশ্ন করে জানতে চেয়েছিলে—চীন-ভারত সীমান্ত প্রশ্নের ঐতিহাসিক সত্যটা কি? সেটা সত্যসন্ধানীর জিজ্ঞাসা বা উৎসুক্য নয়—একথা বললে তুমি যেন রাগ করো না স্ততপা। তুমি যে পার্টিকে একদিন বিশ্বাস করত—যার সঙ্গে তোমার দাদাদের সম্পর্ক রয়েছে—বাবারও কিছুটা রয়েছে—সেই পার্টির হয়ে কথা বলবার ঋণিকটা জোর খুঁজছিলে। তুমি তো আমার বুকের হৃদস্পন্দন শুনতে পাচ্ছিলে। তুমি তো জানতে আমার বুকের মধ্যে এদের বিরুদ্ধ মনোভাব কালবৈশাখী মেঘের মত পুঞ্জীভূত হয়ে আছে! হ্যাঁ স্ততপা, কালবৈশাখী মেঘের মত বজ্রবিদ্যুৎ ভরা ছিল আমার সেদিনের আবেগ।

আমি তারই বেগে তারই ঠেলায় আচম্কা উঠে চলে গিছলাম চায়ের আসর থেকে। অনেকটা ছিটকে চলে আসার মত যেন দেখতে হয়েছিল।

রাজে তুমি বলেছিলে—ওইভাবে চলে আসা তোমার খুব অশালীন হয়েছে।

আমি বলেছিলাম—হ্যাঁ, এই কথাটাই আজ তোমার কাছে শুনব এইটেই আমি অহুমান করেছিলাম। আমার ভুল হয়নি।

সর্বানন্দপুরে এসে দেখলাম, তার তেউ সেখানেও এসেছে। দেখলাম কংগ্রেস আপিসে পতাকা উঠেছে। নতুন পতাকা এবং ফ্ল্যাগ-স্টাফটা প্রায় বিশ-পঁচিশ ফুট উচু।

আমাদের সঙ্গে—মানে মা এবং আমার সঙ্গে—কোন সম্পর্ক ছিল না কংগ্রেসের। তবে চীনের সঙ্গে বিরোধে আমাদের পার্টি কংগ্রেস এবং ভারত সরকারের সঙ্গে সহযোগিতা করছে। আমার খুব ভাল লাগল।

যখন বাড়ি পৌঁছলাম তখন আমার মা আমাদের বাড়িতেই গুপ্তচরদের সঙ্গে কথা বলছিলেন। কথা হচ্ছিল একটা বড় মিটিং করবার। দেশকে সজাগ করতে হবে।

তুমি আমার হাত থেকে হাত ছাড়িয়ে নিয়ে ও-বাড়ি চলে গিয়েছিলে।

সেদিন সমস্ত রাজি তুমি বিচিত্র বিষয়ভার মধ্যে নিজেকে অস্থির অস্থিতব করেছিলে। আমি মায়ের গুপ্তচর থেকে যখন এ-বাড়ি এলাম, তখন তুমি শুয়েছ। আমি জিজ্ঞাসা করেছিলাম, কণ্ঠস্বরে আমার ব্যঙ্গের স্বর ছিল—জিজ্ঞাসা করেছিলাম—শুনে বে। কি হল?

বলেছিল—শরীর আমার বড় খারাপ করছে।

ব্যস্ততরেই বলেছিলাম—জর এল নাকি?

তুমি বলেছিলে—Please, Please।

অরটা সত্য হয়ে দাঁড়িয়েছিল শেষ পর্বত। পরদিন রবিবারেই তুমি কলকাতা আসবার জন্যে প্রায় জেদ ধরেছিলে।

মা সেদিন কিন্তু সত্যসত্যই তোমার সঙ্গে চিন্তিত হয়ে তোমার শিয়রে বসেছিলেন। আমার চিন্তার শেষ ছিল না। তুমি কিন্তু কোনটাকেই সহজভাবে নাওনি। রবিবার অরের জন্ত আসা হয়নি—সোমবার অর কমতেই কলকাতা এসেছিলাম তোমার নিয়ে। রবিবার দিন একটা মিটিং ছিল গ্রামে, তুমি বলেছিলে ঐ কারণে তোমার নিয়ে কলকাতা আসবার সময় হয়নি আমার। আমি মিটিংয়ে গিচ্ছলাম একথা ঠিক, কিন্তু যা তুমি ধারণা করেছিলে—হয়তো বা আজও যে ধারণাকে সত্য মনে ক’রে রেখেছ—তা সত্য নয়—সত্য নয়—সত্য নয়। মা সত্যানুযায়ী করেছিলেন—কিন্তু তিনিও বার বার বলেছিলেন—আমার বড় ধারণা লাগছে। তবে এটা ঠিক যে সেদিন কংগ্রেসের ওরা মাকে বলেছিলেন—আবার আপনি আমাদের মধ্যে আছেন। মা বলেছিলেন—না। আমি আর পলিটিক্সের মধ্যে নেই।

মায়ের কাছে একটা কথা শিখেছিলাম সেদিন। বলেছিলেন—দেশ আমার মা, ভগবান পিতা, বিশ্বপিতা। এবার তাঁর সেবার সময় হয়েছে।

ভাল লেগেছিল খুব। কিন্তু ওরা বলেছিলেন—তাহলে স্ত্রতকে দিন। ও এবার হাল ধরুক। এবার ভাল করে শক্ত ক’রে হাল না ধরলে বিপদ হবে।

মা বলেছিলেন—ও তো একটা পার্টিতে যোগ দিয়েছে। ওকে বলুন আপনারা।

ওরা আমাকে বলেছিলেন, আমি দৃঢ়ত্বের বলেছিলাম—না। তবে মনে মনে আমাদের পার্টির হয়ে আমাদের ওখানে কাজ করবার সংকল্প করেছিলাম।

সোমবার কলকাতায় এসে তুমি পাঁচ-সাতদিন বিছানায় শুয়ে ছিলে। অর ঠিক ছিল না। কিন্তু অসুস্থ তুমি ছিলে। অসুস্থ ছিল কিনা ঠিক জানি না—তবে তুমি অসুস্থ ছিলে তাতে সন্দেহ নেই। আমি জানি তোমার মনের সংকট এবং সংঘর্ষের কথা। কারণ সেটা তো আমারও ছিল।

তুমি কি এ সময়ের মধ্যে ডাইভোর্সের কথা ভেবেছিলে? আমি জানি না। তবে আমি এটা ভাবতাম—ভাবতাম—তোমরা আলট্রা-মডার্ন—তোমরা এদেশের সমাজ-সংস্কারকে মানো না—তুমি হয়তো কোন্ দিন ডাইভোর্স চাইবে।

বিচার ক’রে দেখতে গেলে সেইটেই পথ। কিন্তু আমার হৃদয় যে মানত না। কি করব?

পরের দু-সপ্তাহ তুমি সর্বানন্দপুর যাওনি। আমিও যেতে অস্বস্তি করি নি। আমি গেলাম। এর মধ্যে গ্রামে যুদ্ধে সাহাব্য-সংগ্রহের জন্ত মিটিং হল, মা দুখানা গয়না দিলেন। তাঁর গয়না থেকে দুখানা গয়না। দুগাছা চুড়ি আর সিঁখি-টুকু। সিঁখি-টুকুটা তোমার নামে দিয়েছিলেন।

কাগজে বেরিয়েছিল। তুমি প্রতিবাদ করেছিলে—আমার নামে উনি কেন দেবেন? উনি নিজের নামে দিলেই পারতেন।

বহু ভাগ্য স্মৃতি যে, সেদিনও তোমার দেহ তোমার রূপ—তোমার গায়ের গন্ধ তোমার চোখের দৃষ্টি—এবং তোমার কাছেও আমার এই কালো ওখেলোর মত দেহের রক্ততা এবং সবলতার আকর্ষণ হারিয়ে যায়নি। গভীর রাত্রে মিটমাট হয়েছিল—আমার জাহুর উপর মাথা রেখে তোমার কোমল হাত দুখানি দিয়ে আমার মুখ চেপে ধরে বলেছিলে—চুপ। চুপ। মিটে গেল। আর না।

তোমার শাস্পু-করা চুল আমার মুখে বুলিয়ে বুলিয়ে প্রমত্ত হয়ে খেলা করেছিল। মনে আছে তোমার ?

\*

\*

\*

পণ্ডিতজী মারা গেলেন। লোকে বলে পার্লামেন্টের স্পেশাল সেশনে চীন-ভারত সংঘর্ষ সফট সফটের তাঁর যে একটি স্টেটমেন্ট দেবার কথা ছিল—সেই স্টেটমেন্ট নিয়ে চিন্তা করতে করতেই তাঁর মৃত্যু ঘটে। তিনি সহ করতে পারেননি।

সারা ভারতবর্ষ হায় হায় করে উঠেছিল। আমি তো কল্পনা করেছি কতদিন যে, ভারতবর্ষ, এই মাটির ভারতবর্ষের আত্মা কেঁদেছিল।

যার বা হল তা হল, কিন্তু আমার বা হল তা বিচিত্র এবং বিস্ময়কর। আমার মা খবরটা শুনে নিস্তব্ধ হয়ে গেলেন। রেডিয়োতে খবরটা শোনবামাত্র তাঁর নাকি মুখখানা সাদা হয়ে গিয়েছিল। সেই সাদা ফ্যাকাশে মুখে—বাক্যহারী নিস্তব্ধ হয়ে বসে থাকতে থাকতে হঠাৎ বুক চেপে ধরেছিলেন এবং একটি আত্ননাদ ক'রে ঢলে পড়ে গিয়েছিলেন।

আমি বাড়ি ছিলাম না—পাড়ায় গিয়েছিলাম।

খবর পেয়ে বাড়ি ফিরলাম। তুমি কলকাতায় ছিলে। ভাগ্যে তাই ছিলে, না হলে হয়তো দুঃখ সেদিন আমবা সকলেই পেতাম। মা—আমি—তুমি—তিনজনেই। কারণ কলকাতায় এসে যখন তোমাকে সব বিবরণ বলেছিলাম—তখন তুমি কি বলেছিলে মনে আছে ? কথাটা বলেছিল ব-হ ব-হ জন।

—বড় বাড়ি বাড়ি হয়ে গেল।

তুমি বলেছিলে—ওই কথাটা বোল না। জওহরলাল নেহরুর মৃত্যুসংবাদ শুনে বুকে ব্যথা ধরে অজ্ঞান হয়ে গেছেন—ওটা বোল না। লোকে ঠাট্টা করবে।

পণ্ডিত জওহরলাল নেহরু, মহাত্মা গান্ধীর মৃত্যুতে ভারতবর্ষে এইভাবে বুকে ব্যথা ধরে কতজন অজ্ঞান হয়ে গেছে তা আমি জানি না—তবে বেশ কিছু লোক যে গেছে তাতে আমার সন্দেহ নেই। তারা সকলেই কংগ্রেসের লোক তা আমি বলব না, তবে কংগ্রেসের লোকই বেশী এবং তারা পণ্ডিতজীর মহাত্মা কংগ্রেসী। তারা ঠাট্টা করেছিল—তারা যে বিরোধী রাষ্ট্র এবং তাদের অধিকাংশই যে বিরোধী রাজনৈতিক দলের লোক—তাতেও আমার সন্দেহ নেই।

আমি তোমাকে বলেছিলাম—লোকে যা বলে বলুক, তুমি সেটা বোল না।

তুমি আমার মুখের দিকে তাকিয়ে থেকেছিলে কয়েক সেকেন্ড, তারপর বলেছিলে—

কিন্তু লোকের মুখ চাপা দেবে কি ক'রে বল ?

আমি অনেককণ চূপ ক'রে থেকে বলেছিলাম—মুখ চাপা দেবার দরকার নেই। পরে যে বা বলে বলুক, আমি শুধু তোমাকে বলছি—তুমি ওটা বোল না।

তোমাকে আমি সঙ্গে না নিয়েই চলে এসেছিলাম।

তুমি জিজ্ঞাসা করেছিলে—আমাকে যেতে হবে না বলছ ? আমি বাব না ? মায়ের অস্থখ—। আমি তো দাদা-বউদির কাছে কারণটা চেপে যেতে পারি। কি দরকার বলবার যে নেহেরুজীর যুত্ব-সংবাদ শুনেই বুকে ব্যথা ধরে অজ্ঞান হয়ে গিয়েছিলেন। আমি বলেছিলাম—না। এখন তো স্থস্থ হয়ে গেছেন আবার। তা ছাড়া মায়ের ভক্তের তো অভাব নেই গ্রামে। তারা সব খুব উৎসাহ ক'রে গুরু-সেবা করেছে। এবং তোমার নিজের শরীরটার কথাও ভাব। তোমার এখন না যাওয়াই ভাল।

তুমি বলেছিলে—ই্যা। না যাওয়াই ভাল। মা যদি বলেন—বউমা তুমি ঠাকুরের কাজকর্ম কর, কি বলেন ভোগ রাঁধ—তা অবিশি বলবেন না—আমার হাতে জল খান—আমার রান্না তরকারী খান—কিন্তু ঠাকুরের ভোগ রাঁধতে বলবেন না। তবে কি জানি, বললে বিপদে পড়ব। বিশ্বাস অবিশ্বাস ছেড়ে দিচ্ছি, ওই ছুঁচিবাইয়ের মত—এটা নাড়া পড়ল ওটার হোঁরা লাগল—এ আমি কোনমতেই পারব না।

তোমাকে বলিনি হতপা—কথাটা চেপে রেখেছি আজও। মা-ও ঠিক তাই বলেছিলেন। বলেছিলেন—ভালই করেছিস স্থত্রত, বউমাকে আনিসনি। আমি অস্থখে পড়ে থাকতাম—বাধ্য হয়ে বউকেই দিতে হত সংসারের সব কিছু ভার। কিন্তু বউমার কোন আচার নেই, কোন ভক্তি নেই,—তার দিয়ে আমার স্থত্তি হত না স্থত্রত। তা ছাড়া—

বেশ কিছুকণ চূপ করে থেকে বলেছিলেন—তুই হয়তো দুঃখিত হবি স্থত্রত—এই এত বড় ঘটনাটা—বউমা এটাকে আমাদের মত ক'রে দেখত না।

\*

\*

\*

এরপর ঘটনাগুলো মনে করতে গিয়ে নিজেই যেন বিষয়ে বিভ্রান্ত হয়ে যাচ্ছি। সারা দেশে রাজনৈতিক আন্দোলনগুলো আবাড় থেকে আখিনের ঝড়-জল-মেঘের মত ঝাপটা মেরে মেরে একের পর এক আসতে লাগল। অনাবৃষ্টির আবাড় থেকে আখিন নয়—অতিবৃষ্টি বংসরের আবাড়-আখিনের ঝড়-জল-মেঘ। ছোট থেকে বড়—সব থেকে বড় সাইক্লোনের মত।

স্বাভাবিক ভাবেই এটা হয়েছিল।

জগদ্বরলাল নেহেরু চলে গেছেন—বাংলাদেশে তার স্থ'বছর আগে চলে গেছেন ডাঃ রায়। কেজ্রে এসেছেন লালবাহাদুর শাহজী, সৎ লোক, শান্ত লোক—কিন্তু যুদ্ধ বাছব। অলে উঠে আলিয়ে দিতে জানেন না। বাংলাদেশে বিধান মায়ের বিরাট ব্যক্তিত্বের শূন্য স্থান সেন পূর্ণ করতে পারেননি। তার উপর পশ্চিমবঙ্গ প্রদেশ কংগ্রেসের আসরে রাজ্যহীন রাজা-

রাজপুত্র, জমিদারীহীন জমিদার-জমিদারনন্দনদের সমাবেশের মাঝখানে বসে কংগ্রেস-সভাপতি হাতে পরিহাসে আঁকালেন—সংস্কৃতির গৃহপোষকতার অভিনয়ে—দুর্দশাগ্রস্ত মানুষের সেবা-কর্মের আয়োজনের মধ্যও লুকানো অহঙ্কারে ও মমতাহীনতার—সাধারণ মানুষের যে বিরূপতা এবং বিদ্বেষ অর্জন করেছিলেন, সে ঘটনা ঐতিহাসিক এবং তার ফলে যে বিক্ষোভ আসন্ন তাও ঐতিহাসিক এবং তা সব দলই বুঝেছিল।

সামনে নির্বাচনও এগিয়ে আসছিল।

বিশ্ব-রাজনীতির উত্তপ্ত বাতাস এসেও আমাদের দেশের উত্তপ্ত বাতাস ধানিকটা ভারী করে তুলেছিল নিশ্চয়ই, কিন্তু আমাদের ঘরের হাওয়া তাতে বেশি ভারী হয়েছিল—এ তুমি নিশ্চয় ভুলে যাওনি।

ভিয়েৎনাম নিয়ে এদেশের গ্রামের সাধারণ মানুষ সজাগ ছিল না, ক্যাস্ট্রো সম্পর্কেও সচেতনতা তাদের ছিল না। আমার পার্টি বেটা—তার পিছনে সমর্থন খুব ব্যাপক ছিল না এটা আমি অস্বীকার করব না। তোমার দাদাদের কয়েকটি দল তখন প্রবল হয়ে উঠেছে। তরুণদের সমর্থনে শক্তি তাদের প্রবল থেকে প্রবলতর হচ্ছে। তারা মিছিল নিয়ে কলকাতার পথ-ঘাট-আকাশ-বাতাসে আলোড়ন তুলছে।

পার্লিমেণ্ট থেকে বাজারের রাজপথ পর্যন্ত।

ভিয়েৎনাম নিয়ে তোমার আমার অশান্তি নিশ্চয় তুমি ভোলনি। ভোলা উচিত নয়। বল তো স্তপা, আমি কি ভিয়েৎনামের শত্রু, না তাদের বিরোধী ছিলাম?

ছিলাম না—এটা তুমি খুব ভাল করে জান। আমিও ছিলাম না—আমার পার্টিও না। তবে যারা খুব বেশী উচ্চ-চীৎকারে সমর্থন করছিল—তাদের সঙ্গে গলা মেলাইনি কেন এটা প্রশ্ন করলে সেদিনও যেটা বলিনি তোমাকে, আজ সেটা বলি। যারা চোঁচাচ্ছিল তাদের চীৎকারে ভিয়েৎনামের শক্তিবৃদ্ধি যতটা হয়েছিল—তার থেকে তাদের নিজেদের শক্তি অনেক বেশী বাড়ছিল বলে তাদের পিছনে পিছনে দুর্বল একটি দল নিয়ে যাইনি। আমার আপত্তি ছিল—তুমি ভিয়েৎনামের পক্ষ সমর্থনের জন্তে নতুন করে মিছিলে যোগ দিতে শুরু করলে।

আমার আপত্তিকে তুমি তুচ্ছ করতে শুরু করলে। বললে—প্রতি মানুষের কর্তব্য এটা। তোমারও আমার সঙ্গে বের হওয়া উচিত। এই তো, দাদা-বড়বউদি, ছোড়দা-ছোটবউদি সকলেই যান। আরও অসংখ্য লোক যায়।

তবু আমি যাইনি। যেতে পারিনি। মন বলেছিল—ওদের সঙ্গে যাব না। না। সে হয় না।

ছোটবউদি আমাকে ডাকতে শুরু করলেন জামাইবারু বলে।

তার অর্থ—আমি পোস্ত ঘর-জামাইবারুতে পরিণত হয়েছি। এবং সেই কারণেই মিছিলে বের হইনি। জামাইয়ের অপমান হবে যে। তোমার সঙ্গে তোমার বাবার কাছে থেকে পড়ছিলাম। এম-এ পরীক্ষা এক বছর দিইনি—ফলে তিন বছর থাকা হয়েছে। ই্যা, বেশ আরামে ছিলাম এতে নিশ্চয় সন্দেহ নেই। সকালে উঠেই চা-টোস্ট-মিষ্টি—আগে চা

খোঁজা না, তোমাদের বাড়িতে এসে চা খেতে ধরেছি তখন—তারপর দশটার র‍্যাশনের বাজারেও খুব মিহি চালের ভাত, তার সঙ্গে বেশ খানিকটা গাওয়া বি—ভাজা-ভুজি-মাছ-দই-মিষ্টির ব্যবস্থা ; তোমার বাবার সংসারে উপাদেয় ব্যবস্থা ছিল। আমি ডিম মাছ মাংসে আমিষ খোঁজা না বলে বেশী বি খোঁজা—দই-মিষ্টিও বেশী খেতে হত। এবং আমি খেতে পারি। বাইরে লোক। বি-এ যখন পড়ি তখন হোস্টেলের ঠাকুরকে জল করবার জন্তে বড়িশ-চৌজিশখানা রুটি খেয়েছি। বিয়ের বরযাত্রী গিয়ে পঞ্চাশটা পাক্তরা একখোলা দই খেয়েছি।

ছোটবউদি বলতেন—আপনার বউ-ভাগ্য ভাল, বিয়ে করে কান্দোনী স্বার্থে জামাই হয়ে গেড়ে বসেছেন।

বাইরে বন্ধুরা ব্যঙ্গ করত। বলত—বউ করছে ভিয়েনাম—তুমি করছ রাজারাম। আছ বেশ।

তোমার বন্ধুরাও করত এবং অনেক ধারালো জিতে করত—তা আমি জানি। ছোটবউদির থেকে ধারালোত্তর জিহ্বা নিশ্চয় আছে।

এই কারণেই এম-এ পরীক্ষা দিয়েই বললাম—এবার আমি বাড়ি গিয়ে থাকব।

তোমার বাবা বললেন—যাও। আমি সব অহুমান করতে পারি। এখানে থাকা তোমার উচিত হয়নি। তোমার দোষ নেই, দোষ আমার। মেয়ের জন্তেই চেয়েছিলাম এটা। তবে যাবে যখন—তখন স্ত্রী তোমার সঙ্গে যাবে এবং পারমানেন্টলি এখানে থাকবে। আমি স্ত্রীপাকে বলব। ল'টা তুমি শেষ কর। তোমাদের একটা টাকা আমি দিয়েছি উইলো। সেটা এখনই দিতে পারি। কিন্তু তুমি প্র্যাক্টিসে বসবে—তখন এইটে হবে তোমার মূলধন। বাসা ভাড়া করতে হবে—অল্প খরচ আছে—

সেদিন উনি বলেছিলেন—কথার মধ্যখানে বলেছিলেন—মেয়েটাকে স্ত্রী দেখতে চাই আমি। ওর মা মরে যাবার পর আমি ওকে নিজের হাতে মানুষ করেছি। আমার আদর্শে ওকে গড়তে চেয়েছি। কিন্তু—

আমি বলেছিলাম—অপরাধ আমার। স্ত্রীপাকে আমি না বুঝে আকর্ষণ করেছিলাম। অথচ আমার তো ওকে স্ত্রী করবার মত শক্তি নেই। এ ভুল কি সংশোধন করা যায় না ?

তোমার বাবা অনেকক্ষণ আমার মুখের দিকে তাকিয়ে থেকেছিলেন। তারপর বলেছিলেন—ভুল হয়েছে, তাতে সন্দেহ নেই। মানুষের বিবাহ শুধু দেহে দেহে নয়—তার সঙ্গে মনে মনেও। এবং বিবাহের সার্থকতা তার বংশরক্ষায়, তার কোনমতে প্রাণধারণেই শেষ নয়—প্রেমে তাদের পৌঁছতে হয়। এ ভুল সংশোধনের কথা বলছ—বিবাহ তোমরা করেছ রেজিস্ট্রি করে—একালের বিধানকেই বড় করেছ। সেদিক থেকে ভুল-সংশোধনের যে পথ, তারই ইঙ্গিত বোধ হয় দিচ্ছ তুমি ?

আমি বলেছিলাম—আজ্ঞে হ্যাঁ।

তিনি বলেছিলেন—হ্যাঁ হওয়া উচিত তাই। কিন্তু, মাই বয়, এ কথা তুমি আর



কাউকে বোল না। বললে ওইটেই একমাত্র পথ হয়ে দাঁড়াবে।

আমি বলেছিলাম—কিন্তু আর কোন্ পথই বা আছে বলুন ?

তিনি বলেছিলেন—আছে। ভালবাসার পথ। ভালবাসাকে বড় করে তোল স্ত্রত, তোমার হাত ধরে আমি মিনতি করছি। এ কথা তুমি ভেবো না।

তোমাকেও তিনি একথা বলেছিলেন।

আমি জানি। তুমি আমাকে বলনি—কিন্তু তবু আমি জানি।

তুমি কিছুদিনের জন্ত অন্তরকম হয়ে গেলে। আমি তোমার ফিরে পেয়েছিলাম—কিছুদিনের জন্তে। বাবা তোমায় এই কথাগুলিই বলেছিলেন, দুপুরবেলা বলেছিলেন—তখন থেকে সারা সন্ধ্যা তুমি কেঁদেছিলে—আমি না ফেবা পর্যন্ত।

আমি মাস-কয়েকের জন্তে দেশে যাব বলে দুপুর থেকে রাত্রি আটটা পর্যন্ত এখানে ওখানে ঘুরেছিলাম।

তোমায় কঁদতে দেখে জিজ্ঞাসা করেছিলাম—কঁদছ কেন ? তুমি আরও কেঁদেছিলে। মনে আছে—সারারাত্রি পরস্পরের বাহ-বন্ধনে আবদ্ধ ছিলাম ?

মনে আছে—আবার ভালবাসার জন্তে সংকল্প নিয়েছিলাম ? তুমি হঠাৎ আমার আলিঙ্গন ছাড়িয়ে সিঁদুরের কোটো এনে ধরে বলেছিল আমার—সিঁথিতে পরিয়ে দাও তো।

মনে আছে ?

দেশে তখন যুদ্ধের শিবির বসে গেছে।

কলকাতাতেও যা, এখানেও তাই। তিন-তিনটে পলিটিক্যাল পার্টির সাইনবোর্ড টাঙানো আপিস হয়েছে। কংগ্রেসের আপিস একটা ছিল। নতুন বসেছে আমাদের পার্টির আপিস—আর তোমার ছোড়দার পার্টির আপিস।

আমার মা এবার তোমার সিঁথিতে সিঁদুরের স্পষ্টতা দেখে খুব খুশী হয়েছিলেন। বলেছিলেন—বাঃ, কত স্নন্দর লাগছে বল তো।

বাড়িতে তখন আমার এক বিধবা দিদি এসেছেন। মায়ের হাটে সামান্য স্থায়ী কতি হয়েছে। ডাক্তারের নিষেধ হয়েছে কাজকর্ম করতে, মা নিজেও যেন পারেন না ঠিক। স্ত্রতরাং ওই বিধবা কস্তাটি মায়ের সেবা এবং ঠাকুরের সেবা করেন। মা তাঁকে বলেছেন—তোকে আমি কিছু দিই বাব শিবানী, তুই আমার ঠাকুরের সেবা কর—আর আমার একটু-আধটু দেখ। রাত্রে ধরে শুয়ে মরে পড়ে না থাকি ! ছেলের বউ তো—

কথাটা নাকি শেষ করেননি মা। কিন্তু তা না করলেও ওর বাকীটা যে কি তা বোধ করি বুঝতে এতটুকু কষ্ট হবে না কারুর। এবং দু'রকম কেউ বুঝবেন না।

সেদিন তোমার সিঁথিতে সিন্দূর দেখে সারা চিত্তটাই ওর বোধ করি দোলা খেয়ে দুলে উঠেছিল।

তোমার মুখখানি ভুলে ধরে দেখেছিলেন।

তোমাকে যুদ্ধযুদ্ধে যে কথাটি জিজ্ঞাসা করেছিলেন—তাতে তুমি লজ্জিত হয়েছিলে।

পনেরো-বিশ দিন আমাদের খুব স্থলর কেটেছিল।

এর মধ্যেই লোক-যাতায়াত শুরু হয়েছিল—কিন্তু আমরা আমল দিইনি।

তোমার ছোড়দার পার্টির ছেলেরা তোমার কাছে চাঁদা চাইতে এসেছিল—তুমি দিয়েছিলে, তারা চলে গিছিল এই পর্যন্ত।

হঠাৎ গ্রামের প্রান্তে হাড়িপাড়ার কলেরা লাগল।

কাটোয়ার অসুখাচীতে গঙ্গামানে গিয়ে আম-কাঠাল খেয়ে কলেরা ধরিয়ে মর-মর অবস্থায় একজন সমর্থ জোয়ান বাড়ি এসে মরল—সেটা কেউ জানতে পারেনি; কিন্তু এরপর তিন-তিনজনের একসঙ্গে কলেরা হওয়ার সংবাদে গ্রামখানা চঞ্চল হল।

কলেরা আমাদের গ্রামে অনেকদিন—বোধ হয় দশ বছর হয়নি। লোকেরা এল মায়ের কাছে।

আবার বাবা দেশের কাজ করতেন যখন, তখন কংগ্রেস কমিটি করে তার প্রেসিডেন্ট হয়েছিলেন—তার সঙ্গে আর একটা সমিতি স্থাপন করেছিলেন—সমাজ-সেবক সমিতি। কলেরা তখন এ অঞ্চলে লেগেই থাকত। কাছেই কাটোয়া উদ্ধারগপুরে গঙ্গার বাট। পর্বে-পার্বণে বছরে পাঁচ-সাতটা মেলা বসে, সেই মেলায় হয় কলেরার উৎপত্তি। এবং সেটাই যেত চারিপাশে। তারই জন্তু স্থাপন করেছিলেন সমাজ-সেবক সমিতি। কলেরা ছাড়া ছিল ম্যালেরিয়া। আরও কাজ ছিল—নাইট-স্কুল ছিল। আশুন নিবারণী বাহিনী ছিল।

এককালে এ অঞ্চলে এই সমিতির খ্যাতি-প্রতিষ্ঠা ছিল অনেক। বাবার পর এ সোসাইটি চালিয়েছিলেন আমার মা। আমার বাল্যকালে এসব কাজ ভলেন্টিয়ার হয়ে আমিও করেছি। কিন্তু স্বাধীনতার পর কলেরা আর ম্যালেরিয়া এ দুটো ব্যাধি বিচিত্রভাবে দেশ-ছাড়া হয়েছে। সঙ্গে সঙ্গে সমিতির কাজকর্মের প্রয়োজন ফুরিয়েছে। তা ছাড়া স্বাধীনতার পর কংগ্রেস নাইট-স্কুল, আশুন-নিবারণী বাহিনী চালাবার মত কাজকর্ম পাশে ঠেলে সরিয়ে সভাসমিতি ইলেকশনের কাজ নিয়েই উঠে পড়ে লেগেছিল বলে সমিতিগুলি যত্নের প্রতীক্ষায় পড়েছিল। মা ধরে রেখেছিলেন বলেই ছিল—না হলে হয়তো মরে পচে ধুলো-মাটির সঙ্গে মিশে যেত।

মা আমার কংগ্রেস ছেড়েছিলেন এরই জন্তু।

আমিও ছেড়েছিলাম মায়ের সঙ্গে। অবশ্য আমার আরও কারণ ছিল। যাক সে-সব কারণের কথা। ওসবের সঙ্গে সম্পর্ক একেবারে ঘুচিয়ে দেব বলে বন্ধপরিকর ছিলাম আমি। কিন্তু কলেরার তাড়া খেয়ে দরিদ্র মানুষগুলো গোদিন যখন ছুটে এসে আমাদের উঠানে দাঁড়িয়ে 'ঠাকরুণ, মা ঠাকরুণ! বাঁচাও মা—এ বিপদ থেকে তুমি বাঁচাও' বলে ডুকরে কেঁদে উঠল, তখন তো তুমি আমি আমাদের—মানে তোমাদের শাকা বাড়ির বারান্দায় দাঁড়িয়ে। তখন তো 'কি হল কি হল' বলে আমরা দুজনেই ছুটে এসেছিলাম বাড়িতে। মায়ের শরীর ভাল ছিল না। মা তবুও খাট থেকে নেমে দেওয়াল ধরে বাইরে এসেছিলেন। আমাকে বলেছিলেন—ওরে, আমার তো বাবার শক্তি নেই, তো তুই যা। কাজ তো

এককালে করেছিল। তবু তো করবে না। যা—দেখে শুনে ওদের ব্যবস্থা করে দিয়ে আর।

তুমি আমার সঙ্গে যেতে চেয়েছিলে। বলেছিলে—আমি যাব।

হ্যাঁ হেসে বলেছিলেন—যাবে বইকি না। যাওয়া তো উচিত। তোমার স্বপ্নের সঙ্গে আমিও যেতাম ওদের মধ্যে। তাঁর কাছেই শিখেছিলাম এই সব সেবার কাজ। কিন্তু তুমি যাবে—তোমার তবু করবে না তো? তোমার কি অ্যাঙ্টি-কলোরা ভ্যাকসিন নেওয়া আছে?

ভ্যাকসিন তোমার নেওয়া ছিল না। তবুও তুমি পেয়েছিলে। তবু আমি চেয়েছিলাম তুমি আমার সঙ্গে যাও। হয়তো আমার এই গৌরবের কাজ তোমাকে দেখাতে চেয়েছিলাম। পুরুষ দেখাতে চায়।

তুমি দেখেছিলে—খুশী হয়েছিলে।

তারপর আরও কত খুশী হয়েছিলে—যখন কাজ বাড়ল। তখন কলোরাটা চারিদিকে ছড়িয়ে পড়েছে; টেলিগ্রাম গেল হেলথ ডিপার্টমেন্টে—মিনিস্টারের কাছে। তারা এল দলে দলে জীপে চেপে। তাদের অত্যর্থনার সব ভার মা দিলেন তোমার উপর। আমি আমার চ্যালাদের নিয়ে ঘুরে বেড়াতে লাগলাম—এ-বাড়ি থেকে ও-বাড়ি, এ-পাড়া থেকে ও-পাড়া, এ-গাঁ থেকে সে-গাঁ। একদিন তুমি আমার সঙ্গে ঘুরেছিলে। সে কি মুগ্ধ-বিস্ময় তোমার মুখে, তোমার চোখে।

আমাকে আপটে ধরে তুমি বলেছিলে—তুমি অত্যন্ত শঠ—তুমি প্রবঞ্চক।

চমকে উঠে বলেছিলাম—কেন?

তুমি বলেছিলে—তুমি শঠ—তোমার এই রূপ আমাকে দেখাওনি আজও।

আশ্চর্য! এই সমাজ-সেবক সমিতিরই কোন এক ফাটল দিয়ে আমাদের জীবনে ঢুকল সেই সাপটা—যে সাপটা লোহার বাসরঘরে লখীন্দ্রকে কামড়েছিল; না, সে সাপটা নয়। এ সাপটা রাজনীতির সেই সর্বনাশা সাপটা—যেটা আজ মানুষের সমাজের মাথায় ফণা তুলে দাঁড়িয়ে আছে। বিশ্বের সমস্ত মানুষকেই সে কামড়াবে, বিষে জর্জরিত করে দেবে।

মনে পড়েছে? কলোরা ধেম্বে গেল। গোটা গ্রামঅঞ্চলে সমাজ-সেবক সমিতির প্রশংসা হল। প্রচুর প্রশংসা। হ্যাঁ পূজনীয়াই ছিলেন। পরম পূজনীয় হয়ে উঠলেন। আমার তোমার প্রশংসারও শেষ ছিল না।

আমার পার্টির গৌরব বাড়ল। তারা বেশী বেশী মিটিং করতে লাগল। তোমাকে আমাকে অভিনন্দন দিল তারা। লোকে বলতে লাগল—তুমি এবার ইলেকশনে দাঁড়াও।

ওদিকে কংগ্রেস এবং তোমার ছোড়দার পার্টির লোকেরা অভিযোগ তুললে—আমরা সেবা করতে চেয়েছিলাম, কিন্তু আমাদের সহযোগ দেওয়া হয়নি।

যে ডাক্তার এখানে কলোরা-ভিউটিতে এসেছিলেন, তাঁর বিরুদ্ধে দরখাস্ত গেল উপরে যে, ডাক্তার বিশেষ একটি প্রতিষ্ঠানের সেবা-কার্যেই সহযোগিতা করেছেন, সাহায্য করেছেন

এবং অল্প অল্প প্রতিষ্ঠান দ্বারা সাহায্য চেয়েছে, তাদের কোন সাহায্য দেননি। এ ছাড়াও গ্রামস্বয় দেওয়ালে লেখা হল, যুখে যুখে আলোচনা হতে লাগল—এই প্রতিষ্ঠানের নির্বাচন হবে না কেন ?

স্বতন্ত্র বাবা স্থাপন করেছিলেন— তাঁর মৃত্যুর পর থেকে প্রভাময়ী দেবী প্রতিষ্ঠানটিকে নিজের খাস তালুক ক'রে রেখেছেন।

এর নির্বাচন হোক।

না আমার ক্ষিপ্ত হয়ে উঠলেন।

—না। না। না। না। বুকের রক্ত দিয়ে একে বাঁচিয়ে রেখেছি। আমার স্বামীর কীর্তির স্মৃতি। আজ পর্যন্ত বহুরে—কত ছেলে এল, কত ছেলে গেল—কেউ আজ মাস্টার কেউ দোকানদার কেউ চাবী কেউ কংগ্রেসী কেউ কিছু সম্পর্ক রাখেনি। আমি বুক দিয়ে বাঁচিয়ে রেখেছি—এর আবার ইলেকশন কিসের ?

এটা আমার গায়েও লেগেছিল। আমিও তো ছেলেবেলা থেকে মায়ের নির্দেশমত সমিতির কাজ করে এসেছি।

সমিতির কাজ ঠিক নয়, মা আমাকে শেখাতেন তাঁর পছন্দমত কাজ। পাড়ায় ইঁদুর-বেড়াল মরে রাস্তার ধারে ধারে পড়ে থাকলে বলতেন, হবু যাও, ব্রতপালন কর। মরা বেড়ালটাকে পায়ে দড়ি বেঁধে গ্রামের বাইরে ফেলে দিয়ে এস।

কোন অঙ্ক কি ঋণকে রাস্তায় দেখলে—তাকে কিছুটা সাহায্য করার উপদেশ তাঁর দেওয়া ছিল।

আমাদের বাড়ির খিড়কির পুকুরটার পূর্বপাড়ে যে বসতিটা এখন দেখ, ওটার মধ্যে ঘরতিনেক বাড়ির বাস আজও আছে। শজুর বউ তার ছেলে জিতেনকে চেন। জিতেনের টি-বি হয়েছে—তার চিকিৎসার ব্যবস্থা হয়েছে সেবা-সমিতি থেকে—আজও মা বাড়ি থেকে তাদের সাহায্য করেন। তুমিও তাকে টাকা দিয়েছ। আজও গ্রামে থাকলে পুকুরের এপাড়ে আমাদের ঘাটে দাঁড়িয়ে হেঁকে জিজ্ঞেস করি—ওরে শজুর বউ, জিতেন কেমন আছে ? মতিলালের বউকেও চেন ; তার বেটা, বেটার বউকে চেন। বেটার বউটাকে যেদিন ডোমনা চিতিতে কামড়াল—সেদিন রাত্রে ছুটে এসে পড়ল আমাদের বাড়ি। আমিই তার হাতে বাঁধন দিয়ে, গাড়িতে ক'রে পাশের গ্রামের হাসপাতালে নিয়ে গিয়ে অ্যান্টি-ভেনম ইনজেকশন দিইয়েছিলাম। তুমি চোখে দেখেছ এসব এবং এসব একালের কথা।

সেকালে ওদের কারুর অর-আলা কি অস্থ-বিস্থ করলে আমি সকালবেলা উঠে ওদের খবর করতে যেতাম। বাড়িতে মা রোগীর খাত সাঙ-বাগি তৈরি ক'রে রাখতেন—ওরা নিয়ে যেত। সেটা বিকেলবেলা। সকালবেলার খাতটা আমাকে নিয়ে যেতে হত।

বারো-তেরো বছর বয়সে আমার বন্ধুরা আমার সঙ্গে এসে জুটে সমাজসেবক সমিতির সেবক হয়েছিল। আমাদের ওই বাড়ীদেব পাড়ায় একবার আঙন লেগেছিল যখন তখনই পতন হয়েছিল আঙন-নিবারণী বাহিনীর।

তখন আমরা সেবক ছিলাম আটজন। মা ঘর থেকে পাঁচটি টাকা দিয়ে সাতটি বালতি কিনে পত্তন করে দিয়েছিলেন। তাঁর দেখাদেখি গোটা গ্রাম থেকে চাঁদা উঠেছিল পনেরো টাকা। সেবক আটজন থেকে ক'দিনের মধ্যে হয়ে দাঁড়িয়েছিল বাইশজন। বালতি কেনা হয়েছিল আরও তেরোটি।

এসব তুমি দেখনি। এসব তুমি জান না। তাই তোমার ভাল লাগেনি আমাদের কথা এবং আমাদের অ্যাটিচুড। তুমি আমাদের দিব্য বলে উঠলে—এটা কিন্তু অত্যন্ত অস্তায় হচ্ছে।

আমি তোমাকে কটু কথা বলেছিলাম। বলেছিলাম—হ্যাঁ, আইন তুমি ভাল বোঝ বটে। তোমাদের ঘর ব্যারিস্টারের ঘর। ব্যারিস্টারের মেয়ে, ব্যারিস্টারের বোন। আইন তোমার নখাগ্রে। কিন্তু জায়-অজায়টা ঠিক এত সহজ নয়। নাই বা তুললে জায়-অজায়ের কথা।

মুহূর্তে বিক্ষোভ হয়ে গেল। তুমি দাঁড়িয়ে উঠে বললে—তুমি আমার বাবা তুললে? যে আঘাতটা আমি তোমাকে করেছিলাম সেটা শতগুণ হয়ে ফিরে এসে আমাদের আঘাত করলে। আমি ক্ষান্ত হয়ে নির্বাক হয়ে গেলাম। কিন্তু তোমার কাছে নিজের অপরাধ স্বীকার করতে পারলাম না।

স্বীকার করলে হয়তো—

না। পরিণাম এই-ই হত। হতে বাধ্য। কারণ সমগ্র পৃথিবীর সকল দেশে সকল সমাজের সকল ঘরেই বোধ করি এই সংঘর্ষ চলছে।

হুতপা, দোষ তোমারও নেই, দোষ আমারও নেই। একালের পৃথিবীর বাতাসে ভালবাসা নেই—একালের অন্ধে নেই, একালের জলে নেই; বোধ করি আকাশে সূর্যের আলোতেও নেই। একালের বাতাসে নিখাস নিয়ে একালের অন্ধে বেঁচে থেকে বোধহয় কেউ আর কাউকে ভালবাসতে পারবে না।

হিসেবটা যেন উল্টে গেছে। আগের কালে ভালবাসার হিসেবের চকটা ছিল বিচিত্র। আমার দিকটায় লেখা হত কতটা দিলাম তার কথা। আর আজকাল আমার দিকে লেখা হয় নিজের পাওনার কথা। একালে সব হিসেব পাওনার হিসেব—আমি কতটা পেয়েছি, আরও কতটা পাইনি, পাওনা আছে - তার হিসেব। কতটা কে পাবে, কতটা কাকে দিলাম—তার কথা নয়।

থাক। ওই কথাটা কিন্তু মায়ের কানে গিয়েছিল এবং মা আমাদের ডেকে খুব একটা কটু কথা বলেছিলেন। তোমাকে বলেছিলেন—সর্বনাশা অগ্নিশিখা! আমরা বলেছিলেন পাখা-পোড়া পতঙ্গ।

তুমি যদি তাই পারতে হুতপা।

তুমি যদি আমাদের পাবার তপস্বী করতে। আদর্শের চেয়েও যদি আমাদের বেশী ভালবাসতে।

যাক্।

না, বাবে না। তোমাকে আমি অত্যন্ত ভাল বেসেছিলাম।

না, তাতেও যেন সংশয় আগছে। তা না হলে সেবা-সমিতির থেকে তুমি বড় হলে না কেন ?

\*

\*

\*

সেবা-সমিতির নির্বাচন তোমার কথার পর ইচ্ছে করেই করলাম। আমি করিয়েছিলাম। মা হার্টের রোগী হয়েও সমিতির আপিসে এসেছিলেন। বিচিত্র সংসার, বিচিত্র কাল, নির্বাচনে তোমার দাদাদের পার্টি এবং কংগ্রেস—দু'পক্ষই হাত মিলিয়েছিল আমাদের বিরুদ্ধে।

সারা গ্রামে চাকল্যের কথা তোমার মনে আছে।

চকল বোধ করি আমিই হয়েছিলাম সব থেকে বেশী। তুমি গম্ভীর হয়ে বসেই ছিলে। তোমার কাছে বারকয়েকই এসেছিল তোমার দাদার পার্টির ছেলেরা। তারা তোমার দাদার পার্টির ছেলে হলে হবে কি, তারা তো আমার গ্রামের ছেলে। তাদের আমি 'হুতপদা'। আমাকে ভাল তারা তখনও বাসত। তারা তোমাকে একটা মিটমাট ক'রে দিতে বলেছিল। তুমি বলেও ছিলে। কিন্তু আমার পার্টির ছেলেরা মিটমাট করতে দেয়নি।

নির্বাচন হয়ে গেল। আমরা জিতলাম এবং সে জয় এমন-তেমন নয়। পনেরো জনের মধ্যে 'বারো জন। মা হলেন প্রেসিডেন্ট, আমি সেক্রেটারী। আমি তোমার বলেছিলাম—দেখলে তো। মাহুয অকৃতজ্ঞ নয়।

তুমি হেসেছিলে।

এরপরই এসেছিল গ্রামপঞ্চায়েৎ এবং অঞ্চলপঞ্চায়েৎ নির্বাচন। আমার পার্টি কোমর বেঁধে নামল। তোমার দাদার পার্টির লোকেরা কৃষি-শ্রমিক-সমিতি নামে সমিতি খুলে।

আমাকে তুমি বলেছিলে—তুমি অন্ততঃ এই ব্যাপারটার এসে এদের সঙ্গে দাঁড়াও। ওরা তোমাকে চায়। আমাকে অনেক ক'রে বলে গেছে—হুতপাদি আপনি বুঝিয়ে বলুন ওকে।

আমার রাগ হয়ে গিয়েছিল, খপ করে বলেছিলাম—সব্বস্টা পর্বস্তু দেখছি উন্টে দিয়েছে এরা—তুমি দিদি হয়ে গেছ বউদি থেকে।

তুমি হেসে বলেছিলে—সীতাংস্তু যে দাশগুপ্ত-বাড়ির ছেলে। এ বাড়িটাই যে দাশগুপ্তদের বাড়ি।

এত বড় আঘাত আমি ওই কথাটার পেয়েছিলাম হুতপা যে, আমার মনে হয়েছিল আমি নিজের মাথায় একটা লোহার ডাণ্ডা মেরে নিজেকে রক্তাক্ত করে ফেলি। তোমার মনে আছে, বারান্দার দেওয়ালের গায়ে পুরনো আমলের দেওয়াল-গিরি টাঙাবার একটা ব্র্যাকেট ছিল, সেটাকে অকারণে চেপে ধরে টেনে ভেঙে ফেলেছিলাম।

তুমি লক্ষ্য করনি। সম্ভবতঃ তুমি তোমার আদর্শের প্রেরণায় সেই মুহূর্তে আর আমার প্রিয়তমা ছিলে না।

তুমি আমাকে বলেছিলে—রোগ হলে হাতুঘের সেবা কর। গুণ্য নিশ্চয় হয়। কিন্তু হুহু হাতুঘেরা বুক দিয়ে খেটে চাষ করে যে সারা বছরের তিনমাস উপোস করে তিনমাস একবেলা খায়, তিনমাস হয়তো দুবেলা খায় কি খায় না—তাদের কথা একবার ভাববে না? তাদের পাশে দাঁড়াবে না? অন্ততঃ সরকারী আইনে এদের যে ভাগ পাওয়ার কথা তাও তো এরা পায় না। তুমি আমার থেকে অনেক বেশী জ্ঞান। এদের সঙ্গে তোমার সম্পর্ক নিবিড়। এই তো, তোমাদের বাড়িতেই বোধহয় পায় না।

কথাগুলো যা বলেছিলে তা তুমি এই-ই বলেছিলে, কিন্তু বাগ্‌বিজ্ঞাস বোধহয় এমনটি নয়। বড় শুকনো শুকনো ছিল। হয়তো বা জালা ধরানোর মতও কিছু ছিল।

আমি নীরবেই নীচে নেমে আসছিলাম, হঠাৎ কি মতি হল ফিরলাম; সিঁড়ির মুখ পর্বত এসে বলেছিলাম—শোন, দাশগুপ্তদের এ বাড়িতে আমি আর আসব না।

কথাগুলি যা শুনেছিলেন।

বলে দিয়েছিল শিবানীদি। কিন্তু স্থূল কথাটাই সে ধরতে পেরেছিল—জমিব ভাগ-সংক্রান্ত কথা যেগুলি সেইগুলি। বাড়ি নিয়ে কথাটা সে ধরতে পারেনি। ওর দোষ কি, তুমিও জানতে না।

মা আমাকে ডেকে বললেন—ওই ভাগ জোতদারদের নিয়ে হাজারামর মধ্যে তুমি নামছিল নাকি?

রাগ আমার মায়ের কথাতেও হয়েছিল।

আমি বলেছিলাম—ঠিক কিছু করিনি।

মা বলেছিলেন—বউমা নামবেন বলে নাকি গাছকোমর বাঁধছেন?

আমি বলেছিলাম—যদি নামে?

—তা হলে বলো আমার সঙ্গেই আগে বোঝাপড়া হবে। আমাদের জমিই কৃষাণী ভাগে বিলি আছে। চাষী পায় একভাগ, আমরা পাই দু'ভাগ। শুধু তাই নয় স্বতন্ত্র—তোমার বউকে খোঁজ নিয়ে দেখতে বল্ যাঁরা সমিতি খুলছে তাদের মধ্যে যাদের জমি আছে তাদেরও সব ওই একভাগ।

সে-সব কথা আমার মাথায় তখন ঢুকছিল না স্বতপা, আমার মাথায় ঘুরছিল তোমার ওই কথা—ওই যে—‘সীতাংশু যে দাশগুপ্ত-বাড়ির ছেলে, এ বাড়িটা,—এ ভিটে যে দাশগুপ্তদের ভিটে’।

সবীকে জালা ধরে গিছিল। তোমার ছোটবোদি আমাকে জামাইবারু বললে বড় জালা ধরত গায়ে, তার থেকে বেশী জালা ধরেছিল।

আমি ফিরে এসেছিলাম তোমার কাছে।

তোমাকে আঘাত দিতে বহুপরিকর হয়ে ফিরে এসেছিলাম।

ফিরে এসে দেখি তুমি বারান্দার ঘেঁষের উপর অজ্ঞান হয়ে পড়ে আছ।

ছুটে ডাক্তার ডাকলাম।

ডাক্তার দেখলেন। চেতনা পেয়ে তুমি উঠে বসেই বললে—আমি কলকাতার বাব।

আজই তুমি ব্যবস্থা করে দাও। Please.

আমি মনে মনে উত্তর আঁড়ালাম—বরাবরের জন্ত হুতলা। তুমিও বাঁচ, আমিও বাঁচি।

ডাক্তারের সামনে বলতে পারলাম না। ডাক্তার বললেন—হ্যাঁ। আপনি কলকাতায়ই যান। হুতলাবাবু, এখানে তো যত্ন করবার লোক নেই, আপনার মা তো হার্টের রোগী। বাড়িতে তো ঐ ঝি-টা। অবশ্য ও কলকাতার ঝি। কিন্তু উনি—

ডাক্তার হেসে বলেছিলেন—উনি মা হতে চলেছেন।

আমি চমকে উঠে মুখ তুলে তোমার দিকে তাকিয়েছিলাম।

তুমি চোখ বন্ধ করেছিলে। কেন তা জানি নে। লজ্জাতে চোখ আপনিই এমন ক্ষেত্রে বন্ধ হয়ে আসে; নারী পুরুষের চোখে চোখ রাখতে পারে না। ঠোঁটের কোণে যে এতটুকু একটু হাসি থাকে, তাকে খুঁজে বের করতে হয়। চোখ বন্ধ হলেও হাসি আমি দেখতে পাইনি সেদিন।

লিখতে লিখতে থেমে গিয়েছিলাম হুতলা।

মনে 'প্রশ্ন জেগেছিল, প্রশ্ন জেগেছিল—আমি কি হাসির টুকরোটুকু খুঁজে ছিলাম? বিচার করে মনে হচ্ছে—খুঁজিনি।

অবশ্য এটাও ঠিক যে খুঁজলেও পেতাম না। কারণ আমি যেমন হাসি খুঁজিনি, তুমিও তেমনই ঠিক হাসোনি।

আমি তোমায় পৌঁছে দিয়ে ফিরে এলাম।

আসবার সময় কোন কথাই আমি বলিনি। অথচ এমন ক্ষেত্রে বলা উচিত ছিল যে কথাটা—সেটা বোধহয় জিভের ডগায় এসে বসেছিল। ডাইভোর্স তোমারও চাওয়া উচিত ছিল। আমারও চাওয়া উচিত ছিল। উচিত ছিল দুজনের একসঙ্গে আদালতে গিয়ে ডাইভোর্স পিটিশন দাখিল করে আসা।

পারলাম না। আমিও না—তুমিও না।

বিবাহের বাঁধন ছিঁড়তে গিয়ে পিছিয়ে এলাম—দেখলাম, বাঁধনটার উপর কখন আর একটা বাঁধন পড়ে গেছে, দিয়েছি আমরাই দুজনে—দেবার সময় তুমি বয়েছিলে একদিকে—আমি একদিকে।

বাড়ি ফিরতেই মা বললেন—এ তুই কি করছিস হুতলা? তোর থেকে কি ফিরা-কাণ্ড সব লোপ পাবে রে?—এরপর আঁকড় করবি নে—তর্পণও করবি নে?



মনটা বড় অশান্ত পীড়িতই ছিল, বললাম—কি করব মা উঠে গেলে। প্রাক্ত-তর্পণ বলছ—কোন প্রাক্ত করিনি? এখন তো নিজের প্রাক্তই করছি অহরহ। আর প্রাক্ত-তর্পণ—১২৬৫ সালে—কেউ করে নাকি? করলেও কি নিয়মের জন্তেই করে না? ওসব আর কি কেউ সত্য বলে বিশ্বাস করে?

মাকে আমার জান।

মা কিছুকণের মধ্যেই অস্থির হয়ে পড়েছিলেন। আমাদের কাছে ঈশ্বর শাস্ত বর্ম যতখানি মিথ্যে, মায়ের কাছে ততখানি সত্যি।

ও নিয়ে ঝগড়া ক'রে লাভ নেই। মাহুকের বিচারের অস্তিত্ব যতখানি মিথ্যে, নাস্তিত্ব ততখানি মিথ্যে।

ধাক। কি লাভ তবু নিয়ে তর্ক করে! মা হয়েছিল, তাই বলি। তুমি বোধহয় ভুলেই গেছ। ভোলারই কথা। আমাদের বাড়িতে নাড়ুগোপালের মূর্তি আছে: বাড়ির বধু-কন্ডার। অন্তর্বস্ত্রী হলে ওই মূর্তিটির সেবা তারাই করে। সেবা। মন্ত্র-টন্ত্র নেই। গোপালটিকে কুলুঙ্গীতে রেখে তার সামনে চারবেলা ভোগ দেওয়া, ফুল-চন্দন দেওয়া—এই। এর ওপরে যে যতখানি পারে খেলতে। মা তোমাকে যাবার আগে সেটি দিয়েছিলেন, বলেছিলেন—আমাদের বংশের এই নিয়ম। আমাব দিদিশান্তুড়ীর সন্তান হয়নি, বড় দুঃখ ছিল মনে। তাঁর বাপেরই এই ভিটে। আমার দাদাশান্তুর ছিলেন পেশাদার কুলীন। পঁচিশ-ত্রিশটা বিয়ে ছিল। তবু এখানে বেশীর ভাগ থাকতেন, যত্নের জন্তে। আমাব দিদিশান্তুড়ী স্বামীর সেবাতে নিজেকে চলেও দিয়েছিলেন। কিন্তু সন্তান হয় নি। একবার নবমীপ গিয়ে দাদাশান্তুর গোপালটি কিনে দিয়ে বলেছিলেন—এর সেবা কর। আমার দিদিশান্তুড়ী গোপালকে কুলুঙ্গীতে প্রতিষ্ঠা ক'রে সেবা ক'রে সন্তান কোলে পেয়েছিলেন। তিনিই এই নিয়ম ক'রে গেছেন যে, বউ মেয়ে যে-ই পোয়াতি হবে, সে গোপাল-সেবা করবে সন্তানের অন্নপ্রাশন পর্যন্ত।

মা তোমাকে বলেছিলেন—এটি তুমি নিয়ে যাও তোমার সঙ্গে। আমার বংশের নির্দেশ হল, তুমি এ'র সেবা করবে যেমন আমরা করেছি। নাও, ধর।

তুমি নিয়েছিলে। আমার মা সিংহাসন, ভেলভেটের টুকরো, রূপোর রেকাবী—পুতুল খেলার সব সরঞ্জাম সাজিয়ে-গুছিয়ে দিয়েছিলেন। কিন্তু তুমি আসবার সময় সেটিকে ফেলে গিছিলে।

আমি বাড়ি ফিরলেই মা অভিযোগই শুধু করেননি, কপালে কয়েকটা চাপড়ও মেরেছিলেন।

তুমি একখানা চিঠি লিখেছিলে দিনচারেক পর। লিখেছিলে আমাকে না, মাকে। লিখেছিলে—গোপাল-মূর্তিটি আমি ফেলে এসেছি। আপনি নিয়ে গিয়ে যেমন আপনার কাছে ছিল তেমনি করে রাখবেন। 'হৃদয়' লিখে, কেটে তার আরগায় 'আপনার ছেলে' যখন আসবে তখন তার সঙ্গে পাঠিয়ে দেবেন—লিখেছিলে।

মা বোধহয় তার উত্তর দেননি।

ইঠাৎ দেশে দপ্ ক'রে আগুন জলে ওঠার মত আন্দোলন মাথা-চাড়া দিয়ে উঠল।  
চালের দর ক'বছর ধরেই লাফিয়ে লাফিয়ে বেড়ে বেড়ে আসছিল।

ধান-চালের ব্যবসাদারেরা যে-চক্র তৈরী করলে—সে-চক্র পশ্চিমবঙ্গ কংগ্রেস সরকার  
ভাঙতে পারলে না বা ভাঙলে না। জোতদারদের সঙ্গে, ধান-চালের মহাজন কলওয়ালাদের  
সঙ্গে, ওদের আঁতাত যেটা সেটা প্রমাণ কেউ করেনি, কিন্তু না করলেও এটা প্রমাণিত সত্য  
থেকেও বড় সত্য—বেশী সত্য।

তুমি রইলে কলকাতায়। আমি জানি তুমি মিছিলে বের হওনি—কিন্তু সভা-  
সমিতিতে গিয়েছ। এখানে এরই মধ্যে পঞ্চায়েৎ ইলেকশনে আমরা জিতলাম। কংগ্রেস  
হারল, তোমার দাদাদের পার্টি হারল।

আমরা বিজয়োৎসব করলাম। বেশ বড় মিটিং হয়েছিল, মা পর্যন্ত এসেছিলেন সভায়,  
তিনি পতাকা তুলেছিলেন।

তুমি খবর জান, সীতাংশু তোমাকে জানিয়েছিল। খোঁচা দিয়ে একখানা লেটার-  
পেপারে একটামাত্র কথা—‘অভিনন্দন’—নিচে ‘স্বতপা’ লিখে চিঠি লিখেছিলে আমাকে।

তোমার বাবা আমাকে লিখেছিলেন—শুনলাম তুমি পঞ্চায়েৎ ইলেকশন করে জিতেছ।  
যা করবে কর—পার্টী করো না। এইটেই আমার একমাত্র অনুরোধ। আমি খুব চিন্তিত  
হয়েছি তোমাদের জন্ত।

তোমার চিঠির ব্যঙ্গ আমার অন্তরে এমন জ্বালা ধরিয়ে দিয়েছিল যে, তোমার বাবার  
পত্রেরও উত্তর আমি দিইনি।

শুধু তাই নয়, এম-এ'র খবর বের হল—খবরটা অমুজ্জল নয়। সেকেণ্ড ক্লাস পেলেও,  
সেকেণ্ড ক্লাসে সেকেণ্ড হইনি—নামটা প্রথমেই ছিল। তোমার বাবার টেলিগ্রাম এল। তুমি  
একখানা সংক্ষিপ্ত চিঠি লিখলে; যেতেও লিখলে—কিন্তু যেতে যেন উৎসাহ পেলাম না।

তোমার উপর অভিমান? অভিমান বলব না। রাগ—হ্যাঁ রাগ, বিদ্বেষ যেন পুঞ্জীভূত  
হয়ে উঠেছিল। সে রাগ কত প্রচণ্ড—সে এই খবর থেকেই বুঝবে। আমাদের পার্টির  
কনফারেন্স হচ্ছিল পাটনায়। আমি বেঙ্গল গ্রুপের একজন—প্রধান। আমি যাব। কলকাতায়  
এসে নামলাম বেলা দশটায়। ইচ্ছে করেই দশটায় নেমেছিলাম; তার একদিন বা দু'দিন  
আগে আসতে বাধা ছিল না, কিন্তু আসিনি, কলকাতায় থাকতে হলে তোমাদের ওখানেই  
থাকতে হবে বলে আসিনি। দশটায় নেমে তোমাদের বাড়ি গিছলাম সাড়ে বারোটায়,  
আবার সন্ধ্যাবেলা উঠেছিলাম ট্রেনে। ফেব্রার সময় বর্ধমান থেকে নেমেই চলে গিছলাম  
সর্বানন্দপুর।

তোমার সঙ্গে দেখা হয়েছিল ছপুরবেলা। কিন্তু তিনটের সময় তুমি বেরিয়ে চলে  
গিছিলে তোমার ছোটবউদির সঙ্গে।

এ নিয়ে কোন কথা তুমিও বলনি, তবে অন্তরে অন্তরে অনুভব করেছিলাম—একটা

পারাবার আমাদের দুজনের মধ্যে এবং সেটা নিরন্তর আয়তনে বেড়েই চলেছে।

যে কথা ক'টা হয়েছিল—তা নিশ্চয় তোমার মনে আছে? তুমি বলেছিলে—এম-এ তো হল—এবার শেষ কর। বাবা বলছেন—স্বতন্ত্র জন্তে এবার ভাবনা হচ্ছে আমার। পার্টি-পার্টি করে শেষ পর্যন্ত ভবিষ্যৎ নষ্ট না করে। অ্যাসেম্বলী ইলেকশনে দাঁড়াতে নাকি? মনে আছে? বলেছিলাম—পার্টি বললে দাঁড়াতে হবে বইকি।

তুমি বলেছিলে—তোমাদের এ কনফারেন্সে তো তারই আয়োজন?

—হ্যাঁ।

কনফারেন্সে তারই আয়োজনই বটে।

সারা দেশ জুড়ে তারই আয়োজন প্রবল উত্তমে শুরু হয়েছে। সামনের দুর্গাপূজার বারোয়ারীর মধ্যে তারই আয়োজন। এখানে ওখানে সাংস্কৃতিক অনুষ্ঠানের মধ্যে তারই আয়োজন।

রাজনৈতিক মিছিল আর সভার তো শেষ নেই।

বিশ্ববিদ্যালয়ে কলেজে ইস্কুলে ছাত্র-আন্দোলন চলছে।

খাদ্য-আন্দোলন হচ্ছে তীব্র থেকে তীব্রতর। পনেরো-ষোল টাকা মণ থেকে পঞ্চাশ টাকা চালের মণ যখন হল তখন আগুন জ্বলল—তারপর চার টাকা মের ১৬০ টাকা মণ হল চালের। আগুন আর নিভল না। কলকাতা শহরে সপ্তাহে সপ্তাহে ট্রাম-বাস বন্ধ হচ্ছে, ব্যারিকেড দেওয়া হচ্ছে; ট্রামে-বাসে আগুন লাগছে। পোস্টারে পোস্টারে ছেয়ে গেছে পথের দুধার। বিপ্লব বিপ্লব বিপ্লব। এরই মধ্যে পাকিস্তানের সঙ্গে বাৎসরিক ভারতবর্ষের সংঘর্ষ। পাকিস্তান আক্রমণ করলে ভারত সীমান্ত, কিন্তু হঠাতে হল। ভারতবর্ষের সৈন্ত পশ্চিম পাকিস্তানের ভিতরে প্রবেশ করলে।

সারা দেশে কংগ্রেস ক্ষীণ হয়ে উঠল।

জানুয়ারী মাসে তাসকেন্দ্রে রাশিয়ার আহ্বানে পাকিস্তানের সঙ্গে সংঘর্ষের জিত পালাটা আপসে মিটিয়ে নিতে গিয়ে প্রধানমন্ত্রী লালবাহাদুর শাস্ত্রীজী মারা গেলেন।

ইন্দিরাজী প্রধানমন্ত্রী হলেন।

সারা ভারতবর্ষে—দিনের পর দিন প্রতিটি দিন—মাহুষ অনুভব করতে লাগল—সময় হয়েছে; কংগ্রেসের যাবার সময় হয়েছে; জীর্ণ হয়েছে কংগ্রেস; অস্তায় ভরে গেছে কংগ্রেস; ভারতবর্ষের সাধারণ দরিদ্র মাহুষকে বঞ্চনা করেছে এরা। এর প্রতিকার করবার জন্ত আহ্বান এসেছে—কালের আহ্বান। যেমন আহ্বান এসেছিল পাণ্ডবদের অজ্ঞাতবাসের পর কুরুক্ষেত্রের পূর্ব সময়টিতে। সেই এক কথা ‘ধর্মসংস্থাপনার্থম্—সন্তবামি যুগে যুগে।’

আজ মনে হচ্ছে—মনে হচ্ছে কেন—স্পষ্ট যেন দেখতে পাচ্ছি—এর সবটা বিখ্যা, সবটা প্রবন্ধ।

আবার মনে হচ্ছে—না। তা নয়। সত্য আছে বইকি—এরই মধ্যে। সব পাঠিই এক-একটি আদর্শের সত্যকে সামনে রেখে এগিয়ে আসছিল এই সফট-মুহুর্তে। মানুষের সেবা করবে—দেশের সেবা করবে। রবীন্দ্রনাথের কবিতা মনে পড়ছে হৃতপা। ‘আমার জীবনে জীবন লভিয়া জাগ রে সকল দেশ।’ এ আকাঙ্ক্ষা মানুষের মধ্যে আশ্চর্য সত্য।

তারই সঙ্গে বিচিত্র বৈষম্যে—ঠিক এরই সঙ্গে গা দিয়ে দাঁড়িয়ে আছে সারা দেশের উপর, মানুষের উপর কর্তৃত্বের অধিকার, নিরঙ্কুশ প্রতিষ্ঠা। প্রতিষ্ঠা, অর্থ, স্বাচ্ছন্দ্য, সম্মান। এই মুহুর্তে চোখের উপর ভেসে উঠছে—ইন্দোনেশিয়ার প্রেসিডেন্ট ডাঃ সুকর্ণোর সেই বক্তৃতা দেওয়া মুখস্থবিধানি।

তারও পিছনে যখন তাকাই, তখন চোখে পড়ে দল। অন্ধ জনতার দল। যখন দলের দিকে তাকাই—তখন মনে হয়—কুরুক্ষেত্রের যুদ্ধের সময় ‘অথথামা হত ইতি গজ’ বলার মধ্যে ‘ইতি গজ’ শব্দ দুটি উচ্চারণের সময় কর্তৃত্বের যুদ্ধকরার যে মিথ্যাচারের জন্ত যুধিষ্ঠির নরক-দর্শন করেছিলেন, সেই মিথ্যাচারের পাপ জমা হয়ে আছে ওখানে। ওই পাপের জন্ত সব পুণ্যব্রত ব্যর্থ হবে, সব সত্য মিথ্যা হবে। মনে হয় ওই অরণ্যের অন্ধকারে গাছের আড়ালে রাবণ দাঁড়িয়ে আছে।

তোমার আমার জীবনের কথাও মনে হয়েছিল হৃতপা। কিন্তু তখন আর ভাববার অবকাশ ছিল না। সেখানেও ওই মতবাদের বিবাদ কলির মত আমাদের সব বন্ধন কেটে ফেলবার জন্ত ওই অরণ্য থেকেই ছুরি এগিয়ে দিয়েছিল।

\*

\*

\*

নল-দময়ন্তীর কথা হৃতপা। তুমি জান নিশ্চয়। নল আর দময়ন্তী কলির চক্রান্তে সব হারিয়ে বনের মধ্যে যখন একথানা কাপড়ের দুই প্রান্ত দুজনে পরে পরস্পরকে যখন পরস্পরের কাছে বেঁধে রেখেছে, সেই সময় একদিন গাছের ছায়ায় দময়ন্তী ঘুমিয়ে আছেন, নিশ্চিন্তে ঘুমিয়ে আছেন—বেঁধে তো রেখেছি স্বামীকে, স্বামী মুখের দিকে তাকিয়ে, গভীর মমতার সঙ্গে মুখের দিকে তাকিয়ে ভাবছেন—আমার জন্তই দময়ন্তীর এই হুতোগ। কলির বত আক্রোশ আমার উপর, দময়ন্তীর উপর তো নয়।

কে যেন বলেছিল—মনের কানে কানে—হুতরাং তুমি ওর সঙ্গে বন্ধন ছিন্ন কর। সঙ্গে সঙ্গে অন্ধকার থেকে একথানা শাপিত ছুরিকা কেউ এগিয়ে দিয়েছিল।

আমাদেরও হল তাই।

খোকা হল।

খোকার নাম তোমার বাবা রাখলেন—আনন্দ। আনন্দময়।

আমার মায়ের আর খুশীর শেষ রইল না। কি সুন্দর নাম! আনন্দময়। খোকার ডাকনাম হয়ে গেল দুটো।

তোমরা—তুমি, তোমার ছোড়া—নাম রাখলে গরী।

আমি নাম রাখব ভেবেছিলাম—শিকারী। অর্থাৎ শিবাজী।

ইলেকশনের মুখ তখন। আমার বাবার তো খুব সময় ছিল না। কলকাতার পার্টি আপিসে গেলেও তোমাদের বাড়ি বাই নে। ওদিকে তোমার ছোড়দা, তোমার ছোটবউদি, তাঁদের গানের দল নিয়ে ওখানকার ওদের দলের ক্যাণ্ডিডেটের প্রসারগাণ্ডা করে এল।

আমিও একবার ডাকলাম না ওদের, ওরাও একবার এল না আমাদের বাড়ি। এ সবের হরতো মারামক কিছু হত না, বা তোমার আমার জীবনটাকে এমনভাবে, দুমিকের দুই দূরান্তর কোন ঘাটে কি মাঠে ফেলে দেয়। কিন্তু আমি হারলাম। জিতল সীতাংশু, তোমার দাদাদের পার্টির ক্যাণ্ডিডেট এবং তোমার দাদাদের জ্যাতিও সে।

যখন খবরটা পাকা হয়ে গেল—অর্থাৎ সদরে ভোট-গণনা শেষ হয়ে যে-মুহুর্তে ডিক্লারার্ড হল—সীতাংশ দাশগুপ্ত নির্বাচিত, হতভ হেরেছেন, দু'শো ভোটের ব্যবধানে—সেই মুহুর্তে ফটু করে আমার মনের মধ্যে ভেসে উঠল তোমার মুখ, আব কানের কাছে তুমি যেন বললে—সীতাংশু যে দাশগুপ্ত। বাড়িটা যে দাশগুপ্তদেরই ছিল।

সীতাংশুরা আমাদের বাড়িটার—

না, আমাদের বাড়ি বলব না। তোমাদের বাড়ি বলাই ভাল। আজ এই মুহুর্তে তোমাকে আমার প্রিয়তমা ভাবতে গিয়েও তা ভাবতে পারছিনে। তার থেকে তুমি আমার বিরোধীদের আত্মীয় অন্তরঙ্গ ভেবে দুঃখ-বেদনা অনুভব করে আনন্দ পাচ্ছি।

সীতাংশুরা তাদের বিজয়-মিছিলটা বের করেছিল তোমার বাড়ির সামনে থেকে। ইলেকশনের সময় তোমার দাদা যখন এসেছিলেন, তখন তুমি চিঠি লিখেছিলে—দাদা বাচ্ছেন—তোমার বিরুদ্ধেই বক্তৃতা করতে, তবুও ওঁর থাকবার ব্যবস্থা তুমি আমাদের বাড়িতেই করো। বাইরের ঘরখানার থাকতে দিয়ো। ঘরখানার চাবি সীতাংশুর কাছেই ছিল। ফেরত দেয়নি। মধ্যে মধ্যে বাইরের লোক এলে ওরা এখানেই এনে বসাত। ঘরখানার চাবি তোমার দাদাই সীতাংশুকে দিয়েছিলেন। আমাকে বলেছিলেন—তুমি তো বাড়িখানা প্রায় বন্ধই রেখেছ। তোমার নিজের আপিস তো অন্তরঙ্গ। এই ঘরখানা সীতাংশু ব্যবহার করলে আপত্তি করবে না নিশ্চয় ?

আমি আপত্তি করিনি। মনে মনে অনুমান করেছিলাম, এ কথাটা আমাকে বলতে তুমিই তোমার দাদাকে বলেছ।

থাক্।

সেদিন বিজয়-মিছিল ওরা ওখান থেকেই বের করেছিল। আমি দাঁড়িয়ে ছিলাম আমার বাড়ির দোরে। বোমার পর বোমা ফাটাচ্ছিল—আমি যেন শুনতে পাচ্ছিলাম। আমি অবশ্য লজ্জাবোধও করিনি—হেরে যাওয়ার মধ্যে যে একটা দুঃখ থাকে—তাও ছিল না। কারণ সীতাংশু আমাকে ঠিক হারায় নি। আমাকে হারিয়েছিল কংগ্রেসের ক্যাণ্ডিডেট প্রমথ বোষাল। এককালের জমিদার ওরা। সেই ইংরেজ আমল থেকে ওদের পূর্বপুরুষদের সঙ্গে বিরোধিতা করেছেন আমার বাবা, তারপর আমার মা—এঁরাই তখন কংগ্রেস ছিলেন।

সেন-বোবদের আমলে এরা এসে ঢুকল কংগ্রেসে এবং প্রথম যখন বুঝল সে কোনক্রমেই জিতবে না—তখন আমার কাছে হারতে চাইল না, সীতাংগকে দ্বিতীয় তার কাছে আমাকে হারিয়ে নিজে হেরে গিয়েও খুশী হল। তার নিজের কতকগুলো নিশ্চিত ভোট সে সীতাংগকে দিতে বলেছিল। সেই কারণেই আমার লজ্জা হয়নি সেদিন। রাগ হয়েছিল। প্রচণ্ড রাগ—নির্ভর কোঁধ। প্রথমতঃ উপর নয়। সীতাংগের উপরও নয়। হয়েছিল তোমার উপর, তোমার দাদার উপর।

মা আমার বক্তৃতা-করা মেয়ে। হার্টের রোগী। কখন বুক চেপে ধরতে হবে বলে সাবধানে থাকেন, বেশী কথা বলেন না, চীৎকার করে তো নয়ই। মা আমার আন্তে আন্তে বাছা বাছা কতকগুলি কথা আমাকে বলেছিলেন। সব তোমার প্রসঙ্গ নিয়ে।

আমি কলকাতার এসেছিলাম অনেকটা বিজ্ঞানের মতো। মতির কোন স্থিতি ছিল না। প্রথম সংকল্প ছিল, তোমাকে এসে বলব—আমি তোমাকে মুক্তি দিলাম। যদি বল তো আমার সম্মানকে আমার দাও, আমি নিয়ে যাব—মাকে দেব আমার, তিনি পারেন তো বাঁচাবেন। না বাঁচে তো জানব অদৃষ্টে ও সোঁতাগ্যবান। যে দুর্ভাগ্যের মধ্যে ওর মা-বাপ দুজনেই ওকে ছুঁড়ে ফেলবে, তার সত্য স্বরূপটার সঙ্গে পরিচয় হবার আগেই ও মুক্তি পাবে।

হাওড়ায় নেমে অজয় মুখার্জির কলকাতা-প্রবেশের সেই আশ্চর্য মিছিল দেখে সব ভুলে গিয়েছিলাম। অজয়বাবুর সেদিনের জীপের উপর দাঁড়ানো মূর্তি দেখে মনে হয়েছিল এ মানুষটি হয়তো পারবে। দু-দু আয়গার অজয়বাবু জিতেছেন। আরামবাগ—তমলুক। প্রাক্তন মুখ্যমন্ত্রী সেন হেরে গেছেন। আরামবাগে—সেনের সমর্থনে কে যেন বলেছিল—অজয়বাবুকে বঙ্গোপসাগরে ছুঁড়ে ফেলে দেবেন।

পার্টী-আপিসে গিয়ে সেখানেই বসেছিলাম—রাত্রি দশটা পর্যন্ত। পার্টী-আপিস তখন বেশ জমাট এবং উত্তপ্ত। কংগ্রেসের মেজরিটি হয়নি। সমস্ত ছোট পার্টীর এক হয়ে যুক্ত-ফ্রন্ট তৈরী হবে।

পার্টীর আপিসেই কে যেন বললে—নিচে রাস্তায় গাড়িতে তোমার খন্ডর দাঁড়িয়ে আছেন। তোমার ডাকছেন।

বুকের ভিতরটায় আঙন জলে উঠেছিল। তবু নিচে নেমে এলাম। মানুষটিকে লক্ষ্য করি তো। তিনি হাত ধরে বললেন—এস। তুমি এসেছ আমি জানি। এদের এখানেই বলা ছিল আমার। আমি প্রত্যাশা করছিলাম। কিন্তু দেরি দেখে বুঝলাম, তুমি—এস।

পথে বললেন—এমনি একটা কিছু হবে আমি জানতাম।

একটু পর আবার বললেন—তোমরা দুজনে পরস্পরকে ভালবেসে বিয়ে করেছ। যখন প্রথম স্তন্যায় কানাবুধো বউমাদের মধ্যে যে তোমাদের মধ্যে ইন্টিমেসি একটা চেহারায় নিচ্ছে, তখন স্বতপাকে আমি বলেছিলাম—এ বোধহয় ঠিক হবে না স্বতপা। তবে তোমার

উপর একটা ভুল বারণা ছিল, ভেবেছিলাম তুমি যাই হও তুমি ব্রাহ্মণ-বাড়ির ছেলে এবং বিধবা মা রয়েছেন—তুমি বৈভবের মেয়ে এবং বিলেত-কেন্দ্র বাড়ির মেয়েকে বিয়ে করতে এগিয়ে আসবে না। যখন তোমরা বিয়ে করে আমার কাছে এলে, তখন বোধহয় আমি তোমাদের বলেছিলাম, আমি অত্যন্ত দুঃখ পেয়েছি স্বতন্ত্র। স্বতন্ত্রা তুমি দুঃখের কাছেই সে দুঃখ পেলাম আমি—তোমরা ভালবেসে বিয়ে ক’রেও ভালবাসাকেই সব থেকে ওপরে তুলতে পারলে না।

একটু পর বললেন—স্বতন্ত্রা কিন্তু খুব দুঃখ পেয়েছে। বড়বউমা বলছিলেন—খবরটা শুনে ও কেঁদেছিল।

ভার্যশঙ্কর বলেছিলেন—তুমি তো একটাও কথা বলছ না স্বতন্ত্র।

এবার কথা বলতে হয়েছিল আমাকে। বলেছিলাম—কি বলব বলুন?

আমার কি বলা উচিত বা আমার কাছে উনি কি শুনবার প্রত্যাশা করেছিলেন তা তোমার বাবার মত ব্যারিস্টারও বলতে পারেননি।

কিছুক্ষণ চুপ করে থেকে বলেছিলেন—তুমি পলিটিক্স ছেড়ে দাও স্বতন্ত্র। আমার অনুরোধ—আমার উপদেশ—যাই বল।

আমি তৎক্ষণাৎ বলেছিলাম—আমাকে ক্ষমা করবেন, তা আমি পাবব না।

কেন বলেছিলাম তা বলতে পারব না।

উনি বলেছিলেন—তা হলে দেশকে সামনে রেখে কর। পার্টিকে মাথার উপর বসিয়ে না।

তুমি আমার সামনে কেঁদেছিলে।

চোখের জল অনেক কঠিন নির্ভুবতাকে গলিয়ে নরম ক’রে দেয়। অনেক অজ্ঞান-জ্ঞানের হিসেবনিকেশ ধুয়ে-মুছে জীবনের খাতার পাতা আবার সাদা ক’রে দেয়। নতুন হিসেব পড়ান করার আশ্চর্য স্রোত সেদিন যেন এসেছিল।

সেদিনের দুটো কথা আমার মনে আছে। তুমি বলেছিলে—খোকাকে—শিক্ষা, তুমি কথা কইবিনে। যাবিনে ওর কোলে। তাকে দেখতে এসেছিল সেই কবে। ভার্যশঙ্কর আর আসেনি।

আমি আশ্চর্য হয়ে গিছিলাম। বলেছিলাম—ওর নাম তো তুমি গর্কী রেখেছ।

তুমি বলেছিলে—তুমি তো শিক্ষা বেছেছ। বাবা বললেন—তুমি স্বতন্ত্রা ওকে শিক্ষা বলবে। ওর মামা-মামীরা গর্কী বলবে।

আর একটা কথা অক্ষয় হয়ে আছে মনে। তুমি বলেছিলে—তুমি হারবে এ আমি ভাবিনি।

বলেছিলাম—কেন?

তুমি বলেছিলে—তোমার হারবার কথা নয়। হারুকের যে-সেবা তুমি কর, ক’রে

আসছে, তাতে তোমার হারার মানে মাহুঁব অকৃতজ্ঞ, অথবা নির্বোধ।

সারারাত্রি সেদিন ছুঁতে করলাম করেছিলাম—আগামী ইলেকশনে আবার দাঁড়াব। স্থির করে ফেলেছিলাম পলিটিককেই জীবনের পেশা হিসেবে গ্রহণ করব। সর্বানন্দপুরের এলাকাই হবে আমার কর্মভূমি। তবে পার্টি নয়। দেশকে সামনে রেখে স্বাধীনভাবে স্বতন্ত্র প্রার্থী হয়ে দাঁড়াব।

পরদিন সকালে উঠে মনে হয়েছিল আমরা বুঝি নবজীবনে জেগে উঠলাম।

তোমার বাবা বলেছিলেন—দেয়ি কোর না। তোমরা দুজনেই ফিরে যাও ওখানে। দুজনে মিলে কাজ আরম্ভ কর। United front হচ্ছে বটে, কিন্তু এ থাকবে না। কংগ্রেস একে ভাঙবেই।

ঠিক এই সময়েই এসেছিলেন বামপন্থী নেতারা তোমার বাবার কাছে। উল্লাসের আর শেষ ছিল না তাঁদের।

বিপ্লব দীর্ঘজীবী হোক! ইনকিলাব জিন্দাবাদ।

কতজন নিয়ে মন্ত্রিসভা তৈরী হবে, কোন্ দল ক'টা মন্ত্রিত্ব পাবেন, তাই নিয়ে আলোচনা করতে এসেছেন তাঁরা।

তুমি জিনিস গুছিয়ে নিচ্ছিলে।

তোমার ছোটবউদি এসেছিলেন ছুটে—এই সতপা ভাই, তুমি এ সময় কোথায় যাবে।

বাঃ—আমি এখন গানের দলে লোক পাব কোথায়? চারিদিকে তো মিটিং হবে এখন—।

আমাকে দেখতেই পেলেন না তিনি।

তুমি বলেছিলে—তোমার লোক তুমি অনেক পাবে। আমাকে যেতেই হবে।

\* \* \*

আমরা ফিরে এসে নতুন করে ঘর পাতলাম।

দুজনে মিলে একটা কর্মসূচী তৈরী করলাম। রাজা-প্রজা নেই—উঠে গেছে, ধনী-দরিদ্রও থাকবে না। হিন্দু মুসলমান কৃষ্ণান বিরোধ থাকবে না। ব্রাহ্মণ বৈদ্য কায়স্থ শূদ্র ভেদ থাকবে না। অন্ধবিশ্বাস কুসংস্কার থাকবে না। দেশে রোগ থাকবে না, অজ্ঞানতা থাকবে না। মা আমার প্রাণ দিয়ে সার ঠিক দেন নি, তবু তিনি বিবেচনা করে এটাকে গ্রহণ করেছিলেন। খুলী হয়েছিলেন মা। আমরা যখন এসে নেমেছিলাম—খবর না দিয়ে এসে পড়েছিলাম—মা তোমাকে দেখে গম্ভীর হয়ে উঠেছিলেন। সে গম্ভীর মুখ দেখে সে-সময় পর্যন্তও আমি ভয় পেতাম। কিন্তু খোকাকে কোলে টেনে নিয়ে জুড়িয়ে গিয়েছিলেন মুহূর্তে। এর উপর সমস্ত বিবরণ শুনে মা খুলী হয়েছিলেন। তাঁর গম্ভীর মুখ হাসিতে প্রসন্ন হয়ে উঠেছিল।

তোমার কর্মক্ষেত্রের একটা খসড়া ছকে দিয়েছিলেন। মা সংগঠন করতে জানতেন। বয়স্ক মেয়েদের ইস্কুল করে দিয়েছিলেন। মেয়েদের মধ্যে কাজ করবার জন্তে গ্রামের মেয়েদের নিয়ে তোমার একটা দলও করে দিয়েছিলেন। বড় আনন্দে ছিলাম কয়েকটা



দিন। যা খোকাকে নিয়ে খেলার মতলেন। আমাদের দুজনকে ওখানে কাজ করবার তার দিয়ে এগিয়ে দিলেন সকলের মধ্যে। বেশ ছিলাম। পাঠ থেকে ভূমিও বাইরে ছিলে, আশিও ছিলাম।

ওদিকে ইউনাইটেড ফ্রন্ট তৈরী হয়ে গেল। মুখ্যমন্ত্রী হলেন অজয়বাবু, সহকারী মুখ্যমন্ত্রী জ্যোতিবাবু। এ ছাড়া সব অকংগ্রেসী দল থেকে একজন না একজন। আমার পাঠ মন্ত্রী পাবনি। ডেপুটি মিনিস্টারিও পেয়েছিল। সভ্যও মাত্র দুজন। উল্লাসে উৎসাহে দেশের একটা অংশ যেন ফেটে পড়ল। সে যে কি হৈ-হৈ, কি উৎকট উত্তেজনা, তা আর কি বলব। তোমার তো মনে আছে। আমাদের ওখানে মিটিং হয়েছিল—আমরা ইউ.এফ.কে স্বাগতঃ জানিয়েছিলাম। কিন্তু কিছুদিনের মধ্যে এক দুর্ভোগ আসন্ন হয়ে উঠল।

ধর্মঘট আরম্ভ হল—তার সঙ্গে বেবাও। কল-কারখানা বন্ধ হতে শুরু করল। গ্রামে গ্রামে মিছিল, সে কি মিছিল! খালি গা, খালি পা—কোমরে কারুর হুতি, কারুর হাক-প্যাণ্ট—কাঁধে গামছা, কালো রং—হাতে লাঠি-ঝাণ্ডা—গলায় বিকট চীৎকার নিয়ে বেরিয়ে পড়ল।

কলে গিয়ে ধান আটকাল, রাস্তায় লরী-বোঝাই খাত আটকাল, স্টেশনে স্টেশনে পলিটিকাল স্লোগান দিয়ে এরা যাত্রীদের মাল নিয়েও টানাটানি আরম্ভ করলে। যা আমার সহিতে পারেননি। গোটা ভদ্রপাড়ায় একটা সম্মান যেন থম থম করছিল। সমস্ত কিছু বিধাতা তখন সীতামুখ। কংগ্রেসের ঘোষাল তখন দেশ ছেড়ে চলে গেছে কলকাতা। আমাদের বাড়ির সামনে মিছিল এসে দাঁড়িয়ে দাঁড়িয়ে অনেকক্ষণ ধরে চেষ্টায়।

কোথা দিয়ে কি যে বেরিয়ে আসে—সেই পরীক্ষিত্রকে আশ্রয়ের দেওয়া কলের মধ্য থেকে কীটের আকারের বিষধর তক্ষক—অথবা কি থেকে যে কি হয় তা বলতে মানুষ পারে না—তবে যা হয় বা যা বেরিয়ে আসে—তা আজ না হোক, কাল হোক বা পরন্তু হোক, বেরিয়ে আসতই। তোমার এবং আমাদের মধ্যে যে বিরোধ যে পার্থক্য, তা আবার মাথা-চাড়া দিয়ে আত্মপ্রকাশ করলে সেদিন।

সীতামুখ একটা বিরাট মিছিল বের করেছিল। গ্রামের গ্রামদেবতা কালীতলার সেদিন জ্যৈষ্ঠমাসে কলহারিণী কালীপূজা। গ্রামের জগা চৌকিদার হাড়িকাঠ পূঁতবার সময় কাশতে কাশতে সর্দি তুলে থু ক'রে ফেলেছিল মাটিতে, কিন্তু মাটিতে পড়বার সময় খানিকটা পড়েছিল হাড়িকাঠে, খানিকটা পড়েছিল মাটিতে। সেই কারণে হর চাটুজ্যের ছেলে মণি তার মাথায় ঘেঁরেছিল একটা চড়। কিছু জরিমানাও করেছিল তার। একটা টাকা আদায় ক'রে এক ব্রাহ্মণকে দিয়েছিল, সে পুতুরঘাট থেকে জল এনে হাড়িকাঠটি ধুয়ে দিয়েছিল। মিছিল বের হল সেই কারণে, মিছিলের পুরোভাগে সীতামুখ। দাবী—মণি চাটুজ্যেকে ওই চৌকিদারের কাছে কমা চাইতে হবে। এক টাকার বদলে পাঁচ টাকা দিতে হবে।

টাকা শেষ পর্যন্ত কবে দু টাকা হয়েছিল। কিন্তু যে লাঞ্ছনাটা মণির হয়েছিল, সেটা

অত্যন্ত করুণ। ওই কালো ধুলিধূসর দেহ নগ্নগাত্র নগ্নপদ শালুভঙলি—বারা কখনও 'কোন উচু কথা' কয় না—তারি মণি চাটুজ্যের কান মলে দিলে এবং মাথায় চড় মারলে।

বা বারান্দা থেকে দেখে চীৎকার করে উঠেছিলেন। তাঁর হাটের ব্যারামটা সেদিন নতুন করে চাগাল। আমি মণিকে আমার নিজের দেহ দিয়ে ঢেকে শেষ পর্বন্ত বের ক'রে আনলাম। চড়-চাপড় আমিও খেলার। কিন্তু আমার দল ছিল। হয়তো তার উপর, তুমি আমার দ্বী—তাই আরও কিছু ঘটেনি, শিছু হটেছিল দলটা। কিন্তু আমাদের জীবনে মেরামত-করা মেঝের তলায় যে সাপটা লুকিয়েছিল, সেটা বেরিয়ে পড়ল। আমি ফিরে আসতেই তুমি তিরস্কার করলে—তুমি কেন গেলে এর মধ্যে? তোমার যদি ওরা মারত?

আমি তোমার মুখের দিকে তাকিয়ে বলেছিলাম—বল কি তুমি? মণিকে তা হলে কি রাখত ওরা?

—না রাখত—যেতো মণি।

—যেতো মণি? বলছ কি?

—শুনতে ভাল লাগছে না, কিন্তু মনে রেখো এটা বিপ্লবের সময়। ঐরকম হবেই। তুমিও চেয়েছ একদিন বিপ্লব।

আমি চীৎকার করে উঠেছিলাম—না-না-না। এই ধরনের অনাচার অত্যাচার বিপ্লব নয়—এ আমি চাইনি।

পরদিন সকালে তুমি হঠাৎ আমার সামনে এসে দাঁড়ালে—হাতে স্বামীজীর সেটিনারী ভল্যুমের একটা ভল্যুম। তোমার হাতে বিবেকানন্দ গ্রন্থাবলীর একখানা দেখে খুশী হয়েছিলাম। বলেছিলাম—কি কাণ্ড। বিবেকানন্দ গ্রন্থাবলী হাতে।

—তোমাকে একটু শোনাতে এসেছি। মানে বুঝতে চাই।

—কি, পড়?

তুমি পড়েছিলে—‘তোমরা উচ্চবর্ণেরা কি বেঁচে আছ? তোমরা হচ্ছ দশ হাজার বছরের মসি।...ভূত ভারত শরীরের রক্তমাংসহীন কঙ্কালকূল তোমরা, কেন শীঘ্র শীঘ্র ধুলিতে পরিণত হয়ে বায়ুতে মিশে যাক না?’

তুমি পড়ে গেলে, আর আমি অবাক হয়ে তাকিয়ে রইলাম তোমার মুখের দিকে। তোমার পড়া শব্দগুলির সঙ্গে বুকের ভিতর যেন কে একটা ভারী লোহার ডাঙা দিয়ে আঘাত করছিল। তুমি পড়ছিলে—‘তোমরা শূণ্ডে বিলীন হও, আর নতুন ভারত বেরুক। বেরুক লাঙল ধরে, চাষার কুটির ভেদ করে, জেলে মালা মুচি মেঝেরের খুপড়ির মধ্যে থেকে। বেরুক মুদীর দোকান থেকে। ভুজাওয়ার উনানের পাশ থেকে। বেরুক কারখানা থেকে হাট থেকে বাজার থেকে। বেরুক রোপ জঙ্গল পাহাড় পর্বত থেকে।’

তুমি পড়েই যাকছিলে।

তুমি যে মানেটা বুঝতে চাচ্ছিলে তা ততক্ষণে আমার বোধগম্য হয়েছিল। বুঝতে আমার বাকী ছিল না।

আমি বলেছিলাম—ওর কোন্‌ মানেটা বুঝতে পারছ না তুমি ?

তুমি বলেছিলে—কাল যে ঘটনা ঘটল তা দেখে এমন করে ভয় পেলে কেন ?

বলেছিলাম—ভয় তো পাইনি। ভয় যদি পাব, তবে মণিকে বুকে জড়িয়ে ধরে আগলার কেন ? তবে হ্যাঁ, সীতাকুণ্ডর ঝাণ্ডা ঝাড়ে নিয়ে মণতাগুবে ঘেঁষে ঘেঁষে ক'রে নাচিনি। আর জগা চৌকিদারের ওই ভাবে বেপরোয়া হাড়িকাঠে থুতু ফেলাটাকে একেবারেই যেন কিছু নয় বলে মনে করছ কেন ? জগা চৌকিদার যে মদ খেয়ে মাতাল অবস্থায় কাজ করতে এসেছিল—এটা তো শুনেছ—তাকে তো টলতে আমি চোখে দেখেছি। গন্ধও এসেছে আমার নাকে। মণিকেই তো শুধু বাঁচাতে যাইনি—দুপুরবেলা জগাকে বধন শাসন করছিল মণি—তখনও আমিই গিয়ে ওকে ছাড়িয়ে দিয়েছিলাম। সেই কারণেই মাত্র পাঁচ টাকা জরিমানা মকুব হয়ে দু টাকা হয়েছিল। টাকাটা নগদও দেয় নি জগা। জগা কালীপূজোব বলির যে দুটো ঠ্যাং পায়—সেই দুটো দু টাকা মূল্যে জগা নিজেই জরিমানা স্বরূপ দিয়েছিল।

তুমি ফট করে বলে উঠেছিলে—পূজো পূজো কবে আর কতকাল তোমরা এই ধরনের মাতামাতি করবে ? জগা মদ খায়—ওদের নিচুজাত ছোটলোক বলে চেপে রেখেছি—ও চৌকিদারের কাজ করে, মদ ওরা হয়তো মণিদের হুকুমেই চোলাই করেছে এবং সেই মদ খেয়েছে। হাড়িকাঠ জগাই পুঁতেছে। ওব ওই মদ-খাওয়া হাতেই পুঁতেছে। গঙ্গা নেয়ে বামনের ছেলে মণি তো পুঁতেতে আসেনি। তাতে একটু থুতু ফেলতে গিয়ে ছিটকে একটু কাঠটার লেগেছে—কি হয়েছিল মহাভারত অন্তঃক তাতে ? ওই মাটির ঠাকুর পূজোয় তুমিও বিশ্বাস কর না—আমিও করি না—মণিও করে না। আমি হলপ ক'রে বলতে পারি—

কখন যে মা এসে দাঁড়িয়েছিলেন দরজাব মুখে—তুমিও দেখনি, আমিও দেখিনি। খোকা তাঁর কোলে ছিল, সে কৈদে উঠে আমাদের জানিয়ে দিল তাঁর অস্তিত্ব। আমি চমকে উঠে, উঠে দাঁড়িয়েছিলাম।

তুমিও চমকে উঠেছিলে।

মা খোকাকে তোমার কোলে তুলে দিয়ে বলেছিলেন—‘বি দিয়ে ভাজো নিমের পাত—নিম না ছাড়ে আপন জাত।’ আমার কপাল।

তুমি বোধহয় মর্যাদাসিক ভাবে বিদ্ধ হয়েছিল, ভীতকণ্ঠে বলে উঠেছিলে—কি বললেন আপনি ?

মা বলেছিলেন—মা বলেছি তা তো শুনেছ।

তুমি বলেছিলে—কেন এ কথা বললেন ?

মা বলেছিলেন—স্বামীজীর বাণী পড়ে শোনাচ্ছিলে। স্বামীজী বলেছিলেন—ভারতবাসী আমার ভাই—ভারতবাসী আমার প্রাণ—ভারতের দেব-দেবী আমার ঈশ্বর—

তোমাকে আজ আমি সহস্র ধন্যবাদ দিই। তবে সেদিন তোমার সে ভেজবিতা আমার অত্যন্ত কষ্ট ঠেকেছিল—নিদারুণ ঔদ্ধত্য বলে মনে হয়েছিল, তুমি মুহূর্তে তোমার স্বরূপের সকল আবরণ টেনে ফেলে দিয়ে বলেছিলে—আমি ঈশ্বর মানি না, দেব-দেবী

দূরের কথা।

মা বলেছিলেন—স্বতন্ত্র তো ঈশ্বর মানে বলেই আমি জানি।

আমাকে উত্তর দিতে হয়নি—তুমিই বলেছিলে, ই্যা ও মানে। কিন্তু তা নিয়ে আমাদের মধ্যে ঝগড়া হয়নি এবং হবার কথাও নয়—

মা বলেছিলেন—হলে ?

তুমি বিভ্রান্তের মত উত্তর দিয়েছিলে—হলে !

মা বলেছিলেন—ই্যা, আজ তো এই হল। বল তো আমাদের উত্তর ?

তুমি নিরুত্তর হয়ে খোকাকে কোলে নিয়ে ঘরের মধ্যে ঢুকে গিছিলে। আমিও হতভম্বের মত দাঁড়িয়েছিলাম।

ঈশ্বর মেনেও যে ফল—ঈশ্বর না মেনেও ফল সেই একই রকম। ঈশ্বর যারা মানে তারাও মরবার সময় 'হে ঈশ্বর বাঁচাও' বলে ডাকে, কিংবা বলে 'হে ঈশ্বর পায়ে ঠাই দাও' ; আর যারা না মানে, তারা ডাক্তারকে বলে 'ডাক্তার আমাকে বাঁচাও', নইলে ডাক্তারকেই বলে 'আমাকে পীসফুলি মরতে দাও ডাক্তার'।

এই পর্যন্ত।

কিন্তু এই নিয়ে স্বন্দ যে আজও মেটেনি। কোনকালে হয়তো মিটেবে না। তবে 'হে ঈশ্বর পায়ে স্থান দাও' বলে মরার মধ্যে অসীমসমুদ্রে একটা ভাঙা ভেলা পাওয়া যায়। তা নিয়ে তোমার কোন আকর্ষণ তো ছিল না, আমারও যে খুব একটা ছিল, তা ছিল না। সেই কারণেই বোধ করি কোনরকম জোড়াতালি দিয়ে আমাদের জীবন চলেছিল ; এবার কিন্তু সে স্বন্দটা এমনই কঠিনভাবে উগ্র হয়ে উঠল যে, মনে হল আমাদের মিলিত জীবন—যেটা একটা বাসে-লতায় গাছের পাতায়-ফুলে সমৃদ্ধ একটি পাহাড়ের মত মাথা তুলে উঠেছিল—সেটা হঠাৎ একটা আগ্নেয়গিরিতে পরিণত হয়েছে।

আমার ঈশ্বর আছে এবং তোমার ঈশ্বর নেই—এই নিয়ে যে ঝগড়াটা হল, তার মধ্যে সব থেকে বড় ফাঁকি হল এই যে, আমিও কোন দিন ঈশ্বর খুঁজলাম না, তুমিও কোন দিন ঈশ্বর নেই এ সম্পর্কে কোন গভীর গাঢ় চিন্তা করলে না। সাধারণ জীবন হলে এমনটা ঠিক হত না। ছোটখাটো ঝগড়াঝাঁটি করে সারাজীবনটা কাটিয়ে শেষজীবনে আজকাল যেমন রিটারার করা চাকুরেরা বাত নিয়ে গড়ে থাকেন আর তাঁর স্ত্রী পুত্রের আসন পাতেন তেমনি ভাবে আমাদেরও কাটত। কিন্তু এর পিছনে তোমার রাজনৈতিক সচেতনতা, আর আমার মধ্যে আমার রাজনৈতিক সচেতনতা দাঁড়িয়েছিল যেন সজাগ প্রহরীর মত। কুরুক্ষেত্রের যুদ্ধে অর্জুনের বিবাদ হয়েছিল রণক্ষেত্রে রথের উপর বসে—আত্মীয়-স্বজনদের সঙ্গে যুদ্ধ করতে হবে—তাদের হত্যা করতে হবে। এত বড় বীরের হৃদয়ে মমতা কেঁদে উঠেছিল। তিনি বলেছিলেন—এ যুদ্ধ করতে আমি পারব না।

সীদতি মম গাত্রাপি মুখক পরিশুষ্টি ।

বেগপুষ্ক শরীরে মে রোমহর্ষক আরতে ।

গাণ্ডীবাং অংসতে হস্তাং স্বকৃ চৈব পরিদহতে ।

গীতার আবৃত্তি করেছিলেন কৃষ্ণ । রৈব্যাং নাম গমঃ পার্থ । সর্ব ধর্মান্ পরিত্যজ্য  
নামেকং শরণং ব্রজ ।

আমাদের জীবনেও তাই হল ।

১৯৬৭ সালে মন্ত্রীত্বের জন্য কুরুক্ষেত্রের রণাঙ্গন নতুন করে পাতা হল বাংলাদেশে ।  
ধর্মক্ষেত্রে নয় কারণ ধর্মের স্থানই ছিল না এর মধ্যে । ছিল চুক্তি । তার দুটো দিক—একটা  
আপন পার্টির মন্ত্রীত্ব, পার্টির লোকের সুযোগ, পার্টির প্রভাব-বিস্তার—অন্যদিকে এরপর  
দেশের লোকের কল্যাণ যতটা সম্ভব ।

তুমি বললে—আমাদের তুল হয়েছিল, সংশোধন করতে চাই—

আমি বললাম—বল কি চাও ? ডাইভোর্স ?

—আমি কলকাতা চলে যেতে চাই ।

—তারপর ?

—তারপর যা হয় হবে । আমার যা ভাল লাগে করব । তোমার যা ভাল লাগে কর ।

আমি বলেছিলাম—যেতে পার তুমি, কিন্তু শিক্ষাকে তুমি পাবে না । ওকে নিয়ে  
যেতে দেব না ।

তুমি চমকে উঠে বলেছিলে—কি বললে ? গর্কীকে কেড়ে নেবে ?

—নেব । শিক্ষা আমার সন্তান ।

তুমি আফালন করেছিলে—সীতাংশুর দলবলের সাহায্য নিয়ে তুমি জোর করে  
ধোকাকে নিয়ে চলে যাবে । আমিও বলেছিলাম—বেশ কথা । তাই তুমি চেষ্টা করে দেখ ।

সামনে তোমার বাবার জন্মদিন ।

তোমার বাবার জন্মদিন তোমাদের পরিবারের একটি বাৎসরিক উৎসব । আমরা  
প্রতি বৎসর গিয়েছি । এবার আমি স্থির করেছিলাম—আমি তো যাবই না, তোমাকেও  
যেতে দেব না । জোর করে বন্ধ করব ।

আমি জানতাম এতেই তুমি সব থেকে বেশী দুঃখ পাবে ।

তুমি যদি সীতাংশুর সাহায্যে জোর করে যেতে চাও—তুমিই যাবে শুধু, অর্থাৎ আমি  
না—ধোকাও না ।

আমি অজুহাতও পেয়েছিলাম—মায়ের অস্থখ বেড়েছিল । ডাক্তার আশঙ্কা প্রকাশ  
করেছিলেন । আমাদের সতর্ক থাকতেও বলেছিলেন । যা বুঝতে পেরেছিলেন দুটোই ।  
তঁার নিজের অবস্থার কথাও বুঝেছিলেন—আমাদের দুজনের মধ্যের ঝগড়ার কথাও তাঁর  
অজানা ছিল না ।

তিনি আমাদের হৃদয়ের হাত ধরে বলেছিলেন—না। এ তোমরা কোরো না। আরও বলেছিলেন—তোমরা যেমন প্রতিবার বাও বেয়াইয়ের জন্মদিনে—তেনি বাবে। আমি একটা দুটো দিন দিব্যি থাকব। শিবানী আছে, ডাক্তার আছে, গ্রামের লোকেরা আছে।

ঠিকও সবই ছিল। যেনে আমি নিয়েছিলাম মায়ের কথা, কিন্তু তুমি ঠিক যেনে নাওনি। কিছু মনে করো না হৃতপা, তুমি যেনে ঠিক নাওনি। তোমার নিখাস, তোমার আরক্তমুখ, তোমার চোখের দৃষ্টি, বার বার বলেছিল তুমি মানোনি। পরের দিন সকালে তোমার বাবার জন্মদিন উপলক্ষে আমরা কলকাতা বাব; রাতে তুমি বলেছিলে—তুমি আমার কাছ থেকে খোকাকে কেড়ে নেবে বলেছ—একথা আমি কোন দিন ভুলব না। আমি বলেছিলাম—তার আগে তুমি নিজে চলে বাবার যে কথাটা বলেছিলে সেটা ভুলে যাচ্ছ কেন?

তুমি বলেছিলে—তা ভুলে যাইনি। আজও চাই চলে যেতে।

আমি বলেছিলাম—তা চাইলেই আমি খোকাকে কেড়ে নেব।

তুমি বলেছিলে—তুমি আমার বিবাহ কর, আমি বাধা দেব না।

আমি বলেছিলাম—কথাটা ঘুরিয়ে আমিও বলছি এবং তাতে তোমার বাধা হবে না হৃতপা। এবং একটা কথা তোমাকে বলি—দ্বিতীয়বার বিবাহের যে অধিকার আশ্বক, আমি সে অধিকার নেব না। হৃতরাং আমার খোকাকে আমাকে পেতেই হবে।

ঠিক এই মুহূর্তটিতে—তোমার মনে নিশ্চয় রয়েছে—সেই রাজির প্রায় শেষ প্রহরে দূরে কোথাও উঠেছিল আর্ত কলরব। বহু মাহুষের ভয়ানক কণ্ঠ।

—আগুন—আগুন—আগুন।

আগুন।

বেরিয়ে এসেছিলাম বারান্দায়। বারান্দা থেকে ছাদে। ছাদে উঠে দেখেছিলাম দূরে পশ্চিম আকাশটা লাল হয়ে উঠেছে। অজুমান মনে হল মুসলমানদের গ্রাম মোমিনপুরে আগুন লেগেছে।

আকাশটা লাল হয়ে উঠেছে। গ্রামে গ্রামে সাদা উঠেছে। আকাশে ঝড়পোড়া আগুন উড়ে যাচ্ছে। আমি তোমার মুখের দিকে তাকালাম। তুমি আমার মুখের দিকে তাকালে। নিচে থেকে সেবা-সমিতির ছেলেরা ডাকছিল—হৃতপা—হৃতপা।

সীতাংশুরাও উঠেছিল। তারাও অপেক্ষা করছিল। কারণ বাটটা বালতি—তার সঙ্গে বাঁধন কাটবার কান্ডে হাঁহুয়া এসব সেবা-সমিতিরই আছে। আমি সেবা-সমিতির স্টোরের চাবি নিয়ে ছুটে নেমে গেলাম।

\* \* \* \*

ফিরে এলাম পরের দিন—বেলা তখন বারোটা।

তখন তুমি কলকাতা চলে গেছ। বা হার্টকেল করেছেন, তাঁর শব কাপড়-চাকা পড়ে রয়েছে। গ্রামের লোকেরা অপেক্ষা করেছেন আমার জন্যে। আমি তাঁর মুখাণ্ডি করব।

আমি তখন শ্রান্ত রাস্তা আহত । শরীরের অনেকগুলো স্থানে কত হয়েছে, অনেকগুলো স্থানে পুড়ে ফোকা হয়েছে । কালিতে কালো হয়ে গেছে সর্বাঙ্গ । মায়ের স্বভূ-সংবাদ শুনে অজ্ঞান হয়ে গিছলাম ।

মোমিনপুরে দ্বশোর মত ঘর পুড়েছে । কয়েকটা গরু ছাগল পোড়া চাল চাপা পড়েছে । আগুনের সে বর্ণনা আর করব না । কি হবে ?

তবে মাহুঘের কান্না এবং দুঃখ-দুর্দশার শেষ ছিল না ।

আশপাশের কয়েকখানা গ্রামের লোকই জড়ো হয়েছিলেন । সীতাংশু এখানকার এম. এল. এ., সে সকাল হতে হতে ছুটল কাটোয়া । এস. ডি. ও-র কাছে গেল সে, ওখান থেকে টেলিগ্রাম করবে বর্ধমানে ডি এম-কে, কলকাতায় চীফ মিনিষ্টারকে । আমি ওদের সেই দিনের অল্পের ব্যবস্থা করছিলাম । খড় তালপাতা কেটে পোড়া বরঙলিকে ঢাকা দেওয়ার ব্যবস্থা করতে হবে । বর্ষা আসন্ন ।

দ্বশোখানা ঘর পুড়েছে—খান-পঞ্চাশ ঘরের চালের খড় টেনে আমরাই ফেলে দিয়েছি । এই আড়াইশোখানা ঘরের পাঁচ-ছশো লোকের দুঃখ-দুর্দশার প্রতিকার সে তো সহজ নয় ।

এরই মধ্যে খবর এল মা মারা গেছেন । হার্টফেল করেছেন তিনি ।

শুনলাম, সকালবেলা হতেই ভূমি চঞ্চল হয়ে উঠেছিলে । বাবার জন্মদিন—কলকাতায় বাবার জন্ম সব গোছগাছ হয়ে আছে ; আমারও সঙ্গে বাবার কথা—কিন্তু আমি চলে গেছি আঙুন নেভাতে ।

মা বলেছিলেন—বেশ তো, যখন ফিরবে স্ত্রুত তখনই রওনা হবে । সন্ধ্যা পর্যন্ত তো ট্রেন অনেক । কাটোয়ার গিয়ে ভোর-রাত্রে ট্রেন ধরলেও কাল সকালেই পৌঁছবে ।

এই সময়েই ফিরেছিল সীতাংশু । সে খবর দিয়েছিল ফিরতে স্ত্রুতর দেবি হবে । তার কাজ তো । আর এবার কাজ সত্যিই অনেক বেশী ।

ভূমি খবর শুনে সীতাংশুকেই বলেছিলে, কাটোয়ার সঙ্গে গিয়ে ট্রেন ধরিয়ে দেবার ব্যবস্থা করতে ।

মায়ের কাছে গিয়ে বলেছিলে—আমি সীতাংশুর সঙ্গে চলে যাবছি ।

মা স্বাভাবিক ভাবেই বিস্মিত হয়ে বলেছিলেন—সে কি ! স্ত্রুত যে যাবে—সে ফিরুক ।

ভূমি বলেছিলে—এবং খুব নাকি সহজ করে আশু আশু বলেছিলে—তাকে যেতে বারণ করবেন ।

মা বলেছিলেন—বারণ করব ?

ভূমি বলেছিলে—হ্যাঁ । বলবেন আমি বারণ করেছি । আমাকেও যেন আর আনতে না যায় সে । আমি আর আসব না ফিরে ।

চীৎকার করে উঠেছিলেন মা—বউমা ।

ভূমি গিছন ফিরে বলতে বলতে বেরিয়ে গিয়েছিলে—খোকা কার তার মীমাংসা যদি

একান্তই করতে হয়, তা হলে তা হবে কোর্টে ।

মা আবার বুকে হাত দিয়ে শুয়ে পড়েছিলেন ।

শিবানীদি ছুটে তোমাকে বারণ করতে যেতে চেয়েছিল—বউ, মায়ের অস্থখ বোধ হয় বাড়ল—কিন্তু মা তাকে যেতে দেননি । হাত-ইশারার বারণ করে বলেছিলেন—মা । তারপর কোনরকমে বলেছিলেন—ডাক্তার ডাক । ডাক্তারকে—

ওদিকে সীতাংশু ইলেকশনের জীপখানা তোমাকে নিয়ে বেরিয়ে গিয়েছিল । বস্টা-দেড়েক পর মা মারা গিয়েছিলেন । ডাক্তারও গ্রামে ছিল না । আসতে আসতেই মা মারা গিছিলেন ।

মায়ের শ্রাদ্ধ করলাম ।

না, তোমাকে খবর দিইনি । ইচ্ছে করেই দিইনি । তুমি আঘাত পাবে এই মনে ক'রেই দিইনি ।

আমার মাহুপ্রাঙ্গে তোমাকে অংশগ্রহণ করতে ডাকলাম না—তুমি এতে তোমার অধিকার থেকে বঞ্চিত হলে,—আমি তোমাকে বঞ্চিত করলাম—এ ভাবনা ভেবে একটা কঠিন ধরনের আনন্দ পেয়েছিলাম । ভেবেছিলাম, তুমি নিজেই এসে দাঁড়াবে । কিন্তু তুমি এলে না ।

খবর তুমি পেয়েছিলে । পাবার কথা তো বটেই । সীতাংশু নিশ্চয় জানিয়েছিল । পাঁচদিনের দিন সীতাংশু নিজে এসে আমাকে বলেছিল—তুমি তোমার বাবার সঙ্গে অন্যদিনের পরের দিনই ভুবনেশ্বর পুরী চলে গেছ ।

বুঝলাম ইচ্ছে করেই দূরে চলে গেলে এবং আমি তোমাকে অধিকার থেকে বঞ্চিত করবার আগেই আমার দেওয়া অধিকারটা তোমার পায়ের স্ট্র্যাপ-হেঁড়া আঙুলের মত ছুঁড়ে ফেলে দিলে ।

আমি অনেক নির্ভর উপায় ভেবেছিলাম ।

খোকাকে কেড়ে নেব । একটা মামলা করব ডাইভোর্সের ।

ভেবেছিলাম—তোমার মুখোমুখি দাঁড়িয়ে প্রশ্ন করব । এদিকে একটা মর্যাদিক বস্ত্রপাকর, ভাবনা বল ভাবনা, মানসিক অবস্থা বল তাই, এমনভাবে আমাকে পোড়াতে লাগল যে, ইচ্ছে হল আত্মহত্যা করব ।

এর থেকেও ভয়ঙ্কর ইচ্ছে হয়েছিল, ইচ্ছে হয়েছিল—আত্মহত্যার আগে খোকাকে কেড়ে নিয়ে এসে—, না স্তপা, কলনাটা শেষ করতে পারিনি ।

বাড়িতে থাকতে পারিনি—কলকাতায় এসেছিলাম ।

কলকাতায় এসে—একটা নতুন পথ পেলাম । ওই বা থেকে আমার জীবনে আত্ম লেগেছে—যাতে দেশটা জলছে—সেই আত্মনে ঝাঁপ দিয়ে পুড়ে মরার পথ । আমাদের পার্টি আসানসোল অঞ্চলে কলিয়ারী শ্রমিকদের নিয়ে একটা সংগঠন গড়ে তুলেছিল, শক্ত



সংগঠন। সেটাকে ভেঙে দেবার জন্ত লড়াই শুরু হয়েছে। লড়াই কর্তৃপক্ষের সঙ্গে নয়; এককাল পর্যন্ত তাই ছিল বটে, কিন্তু এবার সব বদলে গেছে। এখানে একটা হিন্দী কথা চলন আছে—‘পিড়ি বদল গয়া’—তা পিড়ি বদলে গেছে। পার্টিতে পার্টিতে ঝগড়া। ঝগড়া মানে সত্যিসত্যি লড়াই; হাতিয়ার নিয়ে; টাঙ্গি বজ্রম—রিভলবার পর্যন্ত। আমি পার্টির কাছে এই ফ্রণ্টে কাজ করবার জন্ত এসেছি। কাজ কেন বলছি, কাজ নয়, লড়াই—দাদা।

দিন সাতকে আগে প্রথম রিভলভার ছুঁড়ে ওদের একটি হিন্দুস্থানী দাঙ্গাবাজকে মেরে ফেললাম। সে যে কি রক্ত ভল ভল করে করে বেরিয়ে এল। তারপর আর নেশা না করে মনে বল পেলাম না। মদ খাচ্ছি সেদিন থেকে। এবং মরবার জন্ত কিন্তু জন্তর মত ছুটে যাবার কলনায় খুব উল্লাস অনুভব করছি।

আক্ষেপ আর আমার কিছু নেই।

আক্ষেপ আমার, তোমাকে পেলাম না। না—আরও আক্ষেপ আছে—সে আক্ষেপ সেই বিচিত্র বহু ঝড়লগ্নে আলোকিত সেই বাজার আসরের মত বহু বিচিত্র আদর্শের আলোয় উজ্জ্বল—সমাজ ও পৃথিবীর জন্ত।

আর আক্ষেপ—আরও প্রদীপ্ত আলোকোজ্জ্বল যে নতুন আসর পাতার জন্ত পৃথিবী-জোড়া বিক্ষোভ শুরু হয়েছে—সেটা বুঝি সব মিথ্যে হয়ে গেল।

এখানেই থাক। সন্ধ্যা উতরে গেছে। হারিকেনের আলোয় বসে লিখছি। ওদিকে বনোবস্ত সূসম্পন্ন। আজ রাত্রে একটি ভয়ঙ্কর সংঘর্ষ হবে। বোমা তৈরী করেছি। দূরে বোমা ফাটছে। উঠলাম।

\*

\*

\*

এতবড় পত্রখানা শেষ ক’বে শূন্যদৃষ্টিতে তাকিয়ে মাটির পুতুলের মত বসে রইল স্তম্ভা। তার সে চেহারা দেখে ভয় পেলেন বিজয়বাবু। তিনি ডাকলেন—স্তম্ভা! মা!

স্তম্ভা বললে—বাবা! কিন্তু তাতে শব্দ হল না। শুধু মুখটা তার নড়ল।

ইনস্পেক্টর বললেন—আমি উঠছি। স্তম্ভাবাবুর বডি আমরা আন্দাজ করে আইডেন্টিফাই করেছি একটা, কিন্তু সঠিক আইডেন্টিফিকেশন হওয়া খুব শক্ত। আমরা তো বডিগুলো বের করেছি মাটি খুঁড়ে তার ভিতর থেকে। বডিগুলো ডিকম্পোজড হয়েও গেছে। তার আগে, মাটিতে পুঁতবার আগে—কুপিয়ে ডিসকিগারও ক’রে দেওয়া।—তবু যদি চান—

স্তম্ভা থর থর করে কঁপে উঠে দুই হাতে মুখ ঢাকলে। তারপর কঁদে উঠল। স্তম্ভার বউদি তাকে জড়িয়ে ধরলেন। বিজয়বাবু উঠে এসে তার মাথায় হাত দিয়ে বললেন—মা! স্তম্ভা! মা—

স্তম্ভা দুই হাতে মুখ ঢেকেই বলে উঠল—আমি চাই—তার দেহখানা আমি চাই বাবা। আমি চাই—

চার বৎসর পর। ১৯৭১ সাল।

এই চার বৎসরে সারা দেশ জুড়ে প্রচণ্ড সংঘাত সংঘর্ষ চলেছেই চলেছেই চলেছেই। একটা আশ্বেষগিরির মত অশ্রুদপার করেছে চার বৎসর ধরে। একটা ঘনশ্যাম নিবিড় বন যেন চার বৎসর ধরে নিরন্তর জলছে।

চার বছরে তিন-তিনটে নির্বাচন গেল। শাসন-শৃঙ্খলা জীর্ণ-মরচেধরা শেকলের মত টুকরো টুকরো খান খান হয়ে গেল। বামপন্থীরা মিলিত হল, দেশ উজ্জ্বলিত হল প্রত্যাশায়; চারিদিকে নানান অভ্যুত্থান হল। অবনত জাতি শ্রেণী যারা তারা উঠতে চাইল; শোষিত বঞ্চিত যারা, দরিদ্র যারা, তারা উঠতে চাইল। এর উপরে হল সাইক্লোন, অতিবৃষ্টি। এর মধ্যে পার্টিতে পার্টিতে বিরোধ পরিণত হল বিবদমান দুটো হিংস্র প্রাণীর রক্তাক্ত প্রাণঘাতী সংঘর্ষে।

হত্যা—হত্যা আর হত্যা। খুন। খুন। খুন।

মাহুযে মাহুযে ব্যক্তিতে ব্যক্তিতে নয়। দলে দলে। পার্টিতে পার্টিতে। রাজনৈতিক দলগুলি সাধারণ মাহুযের মাহুগত্যা দখল করবে সামরিক শক্তির পরিচয় দিয়ে।

অজয়বাবু জ্যোতিবাবুতে বিরোধ হল। মিনিষ্টি ভাঙল। ভেঙে দিলেন অজয়বাবু। জ্যোতিবাবুর দল দাবী জানালে—তারা মন্ত্রীত্ব গ্রহণ করবে। বিরোধী হল প্রায় অস্ত্র সব দলেরা।

বাংলাদেশ—যে বাংলাদেশ একটি সবুজ পত্রপল্লবসমৃদ্ধ নিবিড় অরণ্যের মত—সে বাংলাদেশ ওই আঙুন-লাগা বনের মতই পুড়তে লাগল। পুড়ছে, বাংলাদেশ একটা আঙুন-লাগা বনের মত পুড়ছে।

এরই মধ্যে হতপার দেখা পেলাম সর্বানন্দপুরে। ১৯৭১ সালের ১লা আগস্ট সেদিন। হতপা বসেছিল সর্বানন্দপুরে স্বতন্ত্রদের মুখ্যজ্যো-বাড়ির বাহিরের ঘরখানায়। এই ঘরখানাই স্বতন্ত্রদের সমাজ-সেবা সমিতির আপিস। হতপা সমিতির ক'জন কর্মীদের সঙ্গে কথা বলছে। কিন্তু এ হতপা ঠিক সে হতপা নয়। অন্ততঃ দু'জনকে ঠিক এক করে মিলিয়ে নেওয়া যায় না।

সে হতপাকে আমরা দেখেছি। হতপার শ্যাম্পু-করা চুল—অত্যাধুনিক। সেয়ে হতপা। সে হতপা প্রদীপ্তা, আলোর সঙ্গে তুলনা করলে—বলতে হবে ছাজাক লণ্ঠনের মত।

এ হতপা আশ্চর্য একটি বিষয় বৈরাগ্য সর্বদা মেখে শান্ত হয়ে বসে রয়েছে। ১৯৭১ সালের আগস্ট মাস। ১লা আগস্ট।

\*

\*

\*

বিচিত্র মাহুযের মন।

এই মাহুযের মন অহরহ গড়া-গেঁটার মধ্য দিয়ে চলেছে কোন এক অজানা দিগন্তের মুখে। সেইটে তার ধর্মের স্বর্গ, শিক্ষার স্বর্গ; এর আর শেষ নেই। মাহুযও কোনকালে সেই স্বর্গে পৌঁছয় না। তাই তার ধোঁজারও শেষ নেই, আফালনেরও শেষ নেই। চলতে চলতে অহুত্ব করে এ পথের শেষে যে স্বর্গই থাকুক, তাকে যেন সে ঠিক চায়নি।

রামচন্দ্র প্রজামহরজনের যে স্বর্গে পৌঁছেছিলেন, সে স্বর্গে সীতা ছিলেন না। সীতা

অভিমানভরে প্রস্থান করেছিলেন পাতালে।

কৃষ্ণের বর্মরাজ্যে বহুবংশ ধ্বংস হয়েছিল, বাণব কুলনারীরা অপহৃত হয়েছিল, যুধিষ্ঠির সশরীরে স্বর্গের দোরে যখন পৌঁছিলেন, তখন তিনি একা চার ভাই, দ্রৌপদী মরে নরকে গেছে।

না, ভুল হল। যুধিষ্ঠিরের সঙ্গে ছিল একটি কুকুর। কুকুর শেষে বর্মরূপ পরিগ্রহ করে ধর্মের মুখরক্ষা করেছিলেন। কিন্তু যুধিষ্ঠিরের হৃদয় ভরে ওঠেনি; জুড়িয়ে যাননি। তবুও মানুষের মন এই পথেই স্থবধ হোঁজে, সাফল্য হোঁজে। এর থেকেও বিচিত্র পবিণতি হয় সেইখানে যেখানে সব থেকে বড় হয়ে ওঠে যাকে ভালবাসি তার পরম কামনার স্বর্গভূমিখানি।

স্বতপার মন সেই বিচিত্র মন।

স্বততব যে স্বর্গকে সত্য বলে মানতে পারেনি, যা নিয়ে তাদের দ্বন্দ্ব-সংঘাতের আর শেষ ছিল না, যে সংঘাত-সংঘর্ষে সে নিষ্ঠুরভাবে সকল বন্ধন নিজের হাতে টেনে ছিঁড়ে ছুঁড়ে ফেলে দিয়ে গিয়েছিল—স্বততব মৃত্যু-সংবাদটা এমনি বিচিত্র ভাবে এসে তাকে যখন আঘাত কবল, তখন সেই আঘাতেই ফলে মুহূর্তমান হয়ে অজ্ঞান হয়ে পড়েছিল তার বউদির কোলে। চেতনা পেয়ে উঠে বউদিকে বলেছিল—এ আমি কি করব বউদি?

কি উত্তর দেবেন বউদি।

উত্তর একটা আছে—সেটা অতি বাস্তব—কিন্তু অতি বর্বব ছাড়া এ উত্তর মানুষের মনে আসে না।

উত্তর না পেয়ে নিরন্তর সংসারের দিকে তাকিয়ে আবারও কঁদেছিল স্বতপা। অনেক কঁদেছিল।

বউদি এবার গর্কীকে তার কোলের কাছে এনে দিয়েছিল। বলেছিল—কাঁদিস নে। গর্কীকে কোলে নে। তোর কান্না দেখে ও কত কঁাদছে দেখ।

গর্কীর তখনও বছর পোরেনি। সে কঁাদেনি, হাসছিল। স্বতপা তাকে কোলে করে নিয়ে বলেছিল—ওকে গর্কী বলো না, বউদি, শিক্কা বলো। ওর নাম শিক্কাই হল।

বাবাকে গিয়ে বলেছিল—বাবা, আমি ওর শ্রদ্ধা করব।

বাপ মেঘের মুখে দিকে তাকিয়ে থেকেছিলেন কিছুক্ষণ এবং তাকিয়ে থাকতে থাকতে এক বড় দার্শনিক পণ্ডিত তত্ত্বজ্ঞ মানুষটির ছুটি চোখ থেকে দু-কোঁটা জল গড়িয়ে এসেছিল গাল বেয়ে। ক্রমশঃ দিয়ে চোখ মুছে আত্মসংবরণ করে বলেছিলেন করবে বইকি মা। করা তোমার কর্তব্য।

বিজয়বাবু নিজে মেয়েকে নিয়ে সর্বানন্দপুর এসেছিলেন। এবং শ্রদ্ধা-শেষে এখানকাব ব্যবস্থা করে মেয়েকে নিয়ে ফিরে গিয়েছিলেন। কিন্তু কিছুদিন পরই স্বতপা আবার এখানে এল। এল একটি বৈরাগ্য প্রতিমাব মত। সাদা জমি ফিতেগাড শাড়ী পরনে, সাদা ব্লাউজ, হাতে ছ'লাছি হুড়ি, হুল এলো করা, মুখে একটি বিষন্ন করণ হাসি, সে এখানে 'থাকবে, সেবা-সমিতি চালাবে, একটি মেয়েদের স্কুল করবে। ছেলেকে মানুষ করবে নিজের মত করে।

আর একটি বিচিত্র কর্ম করলে সে।

মুখ্যো-বাড়িতে যে গোপাল-সেবাটি ছিল তার বন্দোবস্ত করে গিয়েছিলেন প্রভাবরী  
নিজে, তার কিছু বদল করে সেবা সে শান্তদীর মতই নিজের হাতে তুলে নিলে।

লোকে অবাক হয়ে গেল।

ভাইয়েরা বউদিরা বিয়ের কথা বলতে চেয়েছিল, কিন্তু বিষয়বাবু নিবেদন করেছিলেন।  
বলেছিলেন—না।

\*

\*

\*

সেদিন ১৯৭১ সালের ১লা আগস্ট। ট্রানজিস্টার রেডিওতে বাংলাদেশের প্রোগ্রাম  
বাজছিল—আমার সোনার বাংলা আমি তোমায় ভালবাসি। সন্ধ্যা হয়ে এসেছে, সাতটা  
বাজছে। হুতপা উঠল সেবা-সমিতির আগিস থেকে। গোপালের আরতি হবে। গোপালের  
ভোগ হবে। তারপর তাঁর শয়ান হবে। শিক্ষা একটি ছেলের কোলে আকাশের চাঁদ দেখছে।  
সেবা-সমিতির ভলেন্টিয়ার একটি ছেলে। গুপ্তপক্ষ, সামনে রাধী পুর্ণিমা। অ্যামেরিকান  
স্পেসশিপ অ্যাপোলো ১৫ চাঁদের দিকে যাত্রা করেছে। ছেলেটি শিক্ষাকে বলছে—শিক্ষা  
আমাদের চাঁদে যাবে। ইণ্ডিয়া থেকে আমাদের পুষ্পক ছাড়বে—পুষ্পক ওয়ান, টু, থ্রি।  
পুষ্পক ফোর-এ শিক্ষা যাবে। সেখানে গিয়ে নেমেই বলবে—চাঁদমামা আমি আসিরাছি।  
তোমার সোনার বাঁধা আগের উপর তোমার ভাগে দাঁড়াইয়া আছি।

বলতে বলতেই সে থেমে গেল। একটু ভয় পেয়েই বেন করেক পা পিছিয়ে গিয়ে সে  
বললে—কে ?

দীর্ঘাকৃতি একটি লোক, পরনে তার প্যান্ট আর হাওয়াই শার্ট, মাথায় একটা ফেণ্টহ্যাট,  
পায়ে স্ট্র্যাপ দেওয়া জুতা, লোকটি বা হাতে একটা হাল-আমলের বড় হ্যাটকেস অনায়াসে  
বয়ে নিয়ে বাড়ির উঠানে এসে দাঁড়িয়েছে। লোকটি গ্রাহ্য করলে না ছেলেটির কথা। গম্ভীর  
গলায় বললে—শিবানীদি।

ঘরের মধ্যে আরতির ওখানেই ছিল শিবানী। শান্তদী তাকে এনে রেখে গিছিলেন—  
হুতপা তাকে সেই মর্যাদা এবং অধিকারেই রেখেছে। শিবানী হুতপা হুজনেই চমকে উঠল।  
কে ? কে ?

হুতপাই প্রশ্ন করলে ঘরের ভিতর থেকে—কে ?

বাইরে থেকে উত্তর এল—আমি হুতপা।

ছুটে ঘর থেকে বেরিয়ে এসে—থমকে দাঁড়াল হুতপা। ফুলপ্যান্ট হাওয়াই শার্ট  
ফেণ্টহ্যাট পরে—ও কে—ও-ই হুতপা ?

এক পা এগিয়ে এসে দাঁড়াল হুতপা—তুমি ? হুতপা ?

হুতপা পাখর হয়ে গেল।

কি চেহারা হয়েছে হুতপার ? জ্যোৎস্না আলোকের মধ্যে মাহুটটাকে এই অনভ্যন্ত  
শোশাকে আতর্ভরকম ক্রক—বলশালী দেখাচ্ছে। সেই মুখ সেই কর্ণধর সেই মাহুট—তবু

যেন এ মানুষ সে মানুষ নয়।

হুত্ব তার দিকে তাকিয়ে তাকে ভাল করে দেখে বললে—তুমি বৈধব্য পালন করছ হুতপা? কিন্তু আমি বরিনি। আমি ফিরে এসেছি।”

হুত্ব মরেনি। তার দেহ পাওয়া তো ঠিক বারনি। ওই চিঠি এবং ওর ব্যাগের জিনিসপত্রের জম্মই পুলিশ ভুল ক’বে ওই গলিত দেহগুলোর একটাকে হুত্বের লাশ বলে মনে করেছিল। হুত্ব গুলিতে আহত হয়েছিল। আহত অবস্থায় কুলীদের আশ্রয় নিয়েছিল—তারাই বাঁচিয়েছিল। বেঁচে উঠে প্রথম সে সন্ন্যাসী হয়েছিল। সংকল্প করেই সে সন্ন্যাস নিয়েছিল। ঈশ্বর-সন্ধান সমস্ত জীবনটা কাটিয়ে দেবে।

—বজ্রীনারায়ণ থেকে কচ্ছাকুমারী পর্যন্ত ঘুরেছি হুতপা। শাস্ত্র পড়েছি। চার বছরের দুটো বছর ঘুরেছি ঘুরেছি ঘুরেছি। কিন্তু পাইনি কিছুই। সত্য কথা তোমাকে বলব—মিথ্যা মনে হয়েছে ঈশ্বর বর্ম শাস্ত্র তীর্থ সব। সব। আবার পৃথিবীর সংসার আমাকে টানলে। অর্থ টানলে, যৌবন টানলে—আবার টানলে—সেই রাজনীতি। ঈশ্বর কাউকে রাজা করে দেন না—রাজা হতে হয়—রাজ্য জয় করতে হয়। সারা ভারতবর্ষের যেখানে গেলাম সেখানেই দেখলাম—মানুষ এতেই পাগল হয়েছে। তার সঙ্গে আমার মনে যোগ দিলে আমার অতীত। তোমাকে পাইনি—তোমাকে পেতে হবে—আব এখানে হেবেছি ইলেকশনে—আমাকে জিততে হবে ইলেকশনে।

একটা দলে পড়ে গেলাম। হুত্ব দুর্ব্ব মানুষের দল। সেও বিচিত্র কথা। পথের ধারে একজন আহত লোককে পেয়েছিলাম। পায়ে গুলি খেয়ে পড়েছিল। পাঞ্জাব আর ইউ. পি-র বর্ডাবে। তাকে কাঁধে করে তুলে আমার আন্তানায় নিয়ে গিয়ে সেবা করেছিলাম। দুদিন পরই কয়েকজন লোক এল তাব সন্ধান। তাকে নিয়ে গেল তাদের গাড়িতে তুলে। দিন-পনেরো পর আহত লোকটি সেরে উঠে আমার কাছে এসে বললে—আমাদের সঙ্গে এস।

তারা হুত্ব লোক, দুর্ব্ব মানুষ। তাদের সঙ্গে কাজ করলাম কিছুদিন।

রাইফেলের গুলিতে অনেক দূরের মানুষকে আমি লক্ষ্যভেদ করেছি।

আর্ত চীৎকার করে উঠল হুতপা। তুমি—তুমি—নরহত্যা করেছ?

হুত্ব বললে—তার মুখের পেশী নড়ল না।

কথা হচ্ছিল ঘরের মধ্যে বসে। আর কেউ ছিল না।

হুত্ব বললে—তা অনেকগুলি মানুষকে আমি হত্যা কবেছি। অন্ততঃ পঞ্চাশটা। একটা দীর্ঘনিশ্বাস ফেলে বললে—আমি আর অহিংসার বিশ্বাস করি না হুতপা। হিংসাই সত্য। প্রকৃতি ওইটেকেই দিয়েছে—দেহের প্রদীপে শক্তির তেলে চুবিয়ে শলতে করে ব্যবহার করতে। ওতেই শিখা জলে। সেই শিখাকে ঘরে লাগাও ঘর জলবে—গ্রাম জলবে—বন জলবে—দেশ জলবে। অহিংসা আজ আমার কাছে আশি। নিছক আশি।

হুত্ব বললে—আমি এখন অনেক অর্থের মালিক। এবং এ অর্থ খুব সং উপায়

বাকে বল ভাতে উপার্জন করিনি। আমি নতুন করে জীবন আরম্ভ করব। সারা পৃথিবীর পথ আজ আমার পথ। কিন্তু তুমি এসব কি করেছ?

—কি করেছি?

—এই গোপাল-পূজা করছ, এই আমার স্বাভি-পূজা করছ—

অসুট কণ্ঠে চীৎকার করে উঠল হৃতপা—না—না না—। বলো না। বলো না।  
কি বলছ তুমি?

—ঠিক বলছি আমি। সেকাল হলে আমি কালাপাহাড় হয়ে সর্বপ্রথম আমার বাড়ির ওই শালগ্রাম শিলা আর গোপাল-মূর্তি দুটোকে জলে ফেলে দিতাম। আমি নতুন করে পলিটিক্যাল পার্টি তৈরী করব। নতুন পৃথিবী। নগ্ন সত্য হবে ভিত্তি। একটা ব্লাড বাথের মধ্যে দিয়ে হবে নতুন দিনের সানরাইজ।

—তুমি মাফ কর আমাকে। আমি আর শুনতে পারছি না। আমার দম বন্ধ হয়ে আসছে। এ আমি সহ্য করতে পারছি না।

অট্টহাস্ত করে উঠল হৃতপা। হৃতপা বেরিয়ে গেল ঘর থেকে।

ও ঘরে শিক্সা তখন কাঁদছিল।

\* \* \* \*

রাত্রি তখন গভীর। আকাশে চাঁদ নেই, অস্ত গেছে অনেকক্ষণ। শুধু ঝিঁঝিঁর শব্দ শোনা যাচ্ছে। মাহুঘ ঘুমুচ্ছে। প্রাণীকুল ঘুমুচ্ছে। এরই মধ্যে ঘরের দোর খুলে ছেলেকে বুকে তুলে বেরিয়ে এল হৃতপা। কাঁধে একটি বোলা। সে পালাচ্ছে। পালাতেই হবে তাকে। ওই যে হৃতপা ফিরে এসেছে—ওই যে নির্ভর বৃত্তাস্থের মত হৃদাস্ত হৃদস্ত নির্ভর রক্তপিপাসায় অধীর মাহুঘ—ওর হাত থেকে শিক্সাকে আর তার স্বপ্নরকুলের সব গুণের এবং তপস্কার স্পর্শমণির মত এই যে ঠাকুর—একে যে রক্ষা করতেই হবে।

সে পালাচ্ছে। এখান থেকে স্টেশন। সেখানে থেকে অনেক দূরে—অনেক দূরে—অনেক দূরে কোথাও। যেখানে নুতন কালের প্রভাত হবে।



## এক-পরিচয়

### শুকসারী-কথা

‘শুকসারী-কথা’ তারাশঙ্করের পরিণতবয়সের একটি বিশিষ্ট উপন্যাস। বীরভূমের লাল মাটি ও শালবন এবং রাঢ়ের গ্রামীণ সমাজজীবন নিয়ে তারাশঙ্কর উপন্যাস লিখতে ভালো-বাসতেন। তাঁর মনের ভাঙারে এ অঞ্চলের উচ্চকোটি ও নিম্নকোটির নরনারীর জীবন-লীলার অফুরন্ত ঘটনা ও কাহিনী সঞ্চিত ছিল।\* তিনি তাঁর চোখে দেখা ও কানে শোনা অনেক কাহিনী নিয়ে উপন্যাস ও গল্প রচনা করেছেন। ‘শুকসারী-কথা’ও তার মধ্যে একটি।

চন্দনপুর নামের আড়ালে তিনি তাঁর স্বগ্রাম লাভপুরের ঘটনা ও প্রকৃতির বর্ণনা করেছেন। লাভপুরের দেবী ফুল্লরার মন্দির একান্ত পীঠস্থানের একটি অগ্ন্যতম পীঠস্থান।

‘শুকসারী-কথা’র আরম্ভ হয়েছে যুদ্ধে মড়কে ঝড়ে ছিন্নবিচ্ছিন্ন উচ্ছন্ন হাঁসুলী বাকের বাঁশবাঁদি গাঁয়ের কাহারদের নস্তুবালাকে নিয়ে। বাঁশবাঁদি গাঁয়ের নস্তুবালা মন্দিরের কাছে কুঁড়েঘর বানিয়ে বাস করছে এবং চন্দনপুর ও আশপাশের গ্রামে গান গেয়ে ভিক্ষে করে বেড়াচ্ছে। তারাশঙ্কর এ সম্পর্কে লিখেছেন : “আদারবুড়ী ফুল্লরা দেবী এখানকার শ্রেষ্ঠ দেবস্থান। এখানকার লোকে বলে একান্ত মহাপীঠের এক মহাপীঠ। এখানে দেবীর অধরোষ্ঠ পড়েছিল—স্থানের আসল নাম অদ্রহাস, তারপর নাম হয়েছিল শ্রামলাবাদ, শ্রামলাবাদ ধ্বংস হলে নাম হয়েছিল চন্দনপুর।...তারপর এখানে কোপাই নদীর ঘাটে একটা উঁচু চিপিতে নৌকো লাগত বর্ষায়—আশপাশ থেকে আসত গন্ধ-বণিকেরা, কেনা-বেচা চলত, চাল ধান গুড় কলাই লক্ষা কুমড়ো। তাই চিপিটার নাম হয়েছিল বন্দর চিপি। পরে কালী থেকে স্বপ্নাদিষ্ট হয়ে এক সন্ন্যাসী এসে ওই জঙ্গলের মধ্যে তপস্বী করে দেবীর দর্শন পান। তিনিই মা ফুল্লরাকে প্রকাশ করেন। এই মা ফুল্লরাই নস্তুবালার আদারবুড়ী—অর্থাৎ আদাড বা জঙ্গলে থাকেন যে বুড়ী। বুড়ী বইকি। এই বিশ্বব্রহ্মাণ্ডের মা, কত তার বয়েস—সে বুড়ী বইকি। আত্মিকালের বজ্রবুড়ো যে—তার মা—বুড়ী বুড়ী মহাবুড়ী।” (‘তারাশঙ্কর-রচনাবলী’ বিংশ খণ্ড, ‘শুকসারী-কথা’, পৃ. ৭)।

‘শুকসারী-কথা’র প্রথম প্রকাশ : প্রথম সংস্করণ ভাদ্র ১৩৭৪। ডবল-ডিমাই সাইজ, ত্রিবার্ণ-রঞ্জিত প্রচ্ছদ : শ্রীঅজিত গুপ্ত। পৃ. ৪+২+২৬৭। প্রকাশক : এস. এন. রায়, মিষ্ট ও ঘোষ, ১০ শ্রামাচরণ দে স্ট্রীট, কলিকাতা ৭৩।

‘শুকসারী-কথা’ উপন্যাসটি পুস্তক-আকারে প্রকাশের পূর্বে একটি শারদীয়া সংখ্যায় প্রকাশিত হয়েছিল।

‘শুকসারী-কথা’র উৎসর্গ পত্রটি এইরূপ :

“শ্রীস্বধাংশুমোহন বন্দ্যোপাধ্যায়

প্রীতিভাজনেষু”

\* ত্রঃ ‘তারাশঙ্কর-রচনাবলী’, সপ্তদশ খণ্ড, ‘ভূমিকা’, শ্রীগজেন্দ্রকুমার মিত্র। পৃ—/০

ভা. র. ২০—এক-পরিচয়



পূর্বেই উল্লেখ করেছি ‘শুকসারী-কথা’ তারামহরের আত্ম-অভিজ্ঞতা ভিত্তিক উপন্যাস। স্বগ্রাম লাভপুর এবং আশপাশের গ্রামের ঘটনাকে কেন্দ্র করে উপন্যাসের চরিত্রগুলি গড়ে উঠেছে। ‘শুকসারী-কথা’ পড়লে বোঝা যায়—গ্রন্থকার মনে মনে চিন্তা করে রেখেছিলেন—লাভপুর ও আশপাশের সন্নিহিত অঞ্চলের ঘটনা নিয়ে একটি বৃহৎ কাহিনী লিখবেন। সেই বৃহত্তম ও মহত্তম এবং ক্লাসিকরসে অভিসিক্ত উপন্যাসই হলো ‘কীর্তিহাটের কড়চা’। ‘কীর্তিহাটের কড়চা’র সঙ্গে ‘শুকসারী-কথা’র ক্ষীণ সাদৃশ্য খুঁজে পাওয়া যায়। তবে ‘শুকসারী-কথা’ উপন্যাসে বর্ণনা করা হয়েছে যুদ্ধোত্তর ও স্বাধীনতা-প্রাপ্তির পরের আধুনিক কালের কথা—‘কীর্তিহাটের কড়চা’র এসে মিশেছে আধুনিকতার সঙ্গে সাতপুরুষের কাহিনী ও ইতিবৃত্তিকা।

‘শুকসারী-কথা’ অতি মিষ্ট নাম হোলেও এই উপন্যাসের কাহিনী কিন্তু সরল নয়। অতিমধুর নামের আড়ালে তারামহর একটি জটিল ও কুটিল কাহিনীর অবতারণা করেছেন ‘শুকসারী-কথা’য়।

চন্দনপুরের বড় বাড়ীর বড় তরফের গোপাল চৌধুরী ও শুভেন্দু এবং নবীনপুরের অমর চক্ৰোত্তি ও তার মেয়ে সীমা এবং বনচাত্রা গায়েব গোবিন্দ পাঠকের নাতি ভুবন পাঠকের ছেলে রমেন পাঠক প্রভৃতি বিচিত্র চরিত্র এসে ভিড় করেছে ‘শুকসারী-কথা’য়।

অমর চক্ৰোত্তি তারামহরের একটি অদৃত ও বিচিত্র সৃষ্টি। তার সেজ মেয়ে সীমাও বড় কম নয়। সে বিয়ের দিন সাতসকালেই অধিবাসের কাপড়ে থানায় এসে বসলো অনাকাঙ্ক্ষিত বিবাহ থেকে মুক্তিলাভের জন্তে। হাঙ্গুলী ঠাকুর নন্দবাবাও আবার নতুন করে ঘব বানিয়েছে চন্দনপুরে। তার বেয়াই ফটিক দাস। দুজনে মিলে গান বানায়। চন্দনপুর এবং আশপাশের গ্রামে ভাদুর গান গেয়ে নন্দবাবা ভিক্ষে করে। নন্দবাবার ভাদুর গান এবং তার রসনা থেকে কারো রক্ষা নেই।

সীমার গৃহত্যাগ নিয়ে সে ও ফটিক দাস গান বানিয়েছে :

“ফটিক দাস মাটি তৈরী করতে করতে সেই সব কথা ভাবছে। নন্দুর গান তার কানে ঢুকছে না। সেও গান বাঁধছে। কিন্তু মুশকিল হলো যে ফটিক গাইতে পারে না, গলা নেই। না থাক, তবু মন খামছে না। মনের মধ্যে কলি ঘুরছে—

“পুরনো চালের শোন গুণ-মহিমে—

ফাল কাছিতে জমি সেলাই -ছিঁভতে নারে ভীমে।”

নন্দবাবার তখন নতুন কলি যুগিয়েছে।

“নতুন কালের তপ্ত খোলায় কনকচূড়ের খই—

ভাদুর আমার মুখ ফুটেছে—ও মনরসনা আমার শুনে যা লো সই।”

নবীনপুরের এক আঁজলা কনকচূড়ের খই গুই মেয়ে! ডাকনাম—কনক।” (‘তারামহর-রচনাবলী’, বিংশ খণ্ড, ‘শুকসারী-কথা’ পৃ, ২৬-২৭)।

তারামহর বিচিত্র মাছুষ হিসেবে অমর চক্ৰোত্তিকে এঁকেছেন।

এত বাস্তবোচিত এই চরিত্রটি যে—এরকম মাছুষকে আমরা অনেকেই শিয়ালদহ কোর্ট বা

ব্যাঙ্কশাল কোর্ট-এ দেখেছি। এই বিচিত্র মানুষটি ও তার সেজ মেয়ে সীমাকে নিয়ে অতি বাস্তব চিত্র কলমের সামান্য কয়েকটি টানে তারাশঙ্কর এঁকেছেন :

“নবীনপুরের অমর চক্ৰোত্তির মেয়ে—ভাল নাম সীমা। ওই তার কনকচুড়ের ধান। লোকে বলে গেছো মেয়ে—একটা ভাড়া সাইকেলে চড়ে ইন্সুলে আসত। গত বছর পর্যন্ত এসেছে।”

“অমর চক্ৰোত্তি একালের বিচিত্র মানুষ। নস্থ বলে, না পোলোয়া না থিচুড়ী—ভুনি থিচুড়ী। ওর মধ্যে নাই কি? চক্ৰোত্তি নয় কি?”

“চক্ৰোত্তি বামুন—হাঁ তা বটে। কে বলবে নয়? ওদের বংশ চণ্ডীতলার সেবাইত ক’ঘরের একঘর,—পালা পড়লে চান ক’রে কে’টের কাপড় প’রে কপালে সিঁদুরের টিপ্ প’রে চণ্ডীতলায় যায়। ভাগ নিয়ে ঘরে আসে। মাসে আট দিন পালা।”

“ইন্সুলে পড়ে একটা পাস করা লোক, রেজিস্টারী আপসে দলিল লিখে রোজগার করে বারো মাস। আটখড়ার শেখজী—আমজেন্দ আলির সঙ্গে এক তক্তপোশে বসে ওখানে কাজ করে, একসঙ্গে বসে চা খায়, লোকে বলে মদও খায়, কোন কোন দিন রাত্রে একসঙ্গে খায় দায়। শেখ মুবগী রাঁধে। সে অবিব্রা হাঙ্গুলেব আড দিয়ে করে। আবার জেলার কাগজে বেনামী চিঠি লেখে। লোকে তা’রক কবে, চক্ৰোত্তি এমন বসিয়ে লেখে। আর দাবোগা হাকিম জামদার কাউকে ছাড়ে না। হুবনপুরে যাত্রাব দল আছে, সেই দলে আবার এ্যাকটোও করে।”

‘বাবা’, সে কি তেজ চক্ৰোত্তি ঠাকুরেব। যখন বংশাময় মেজে নামে, তখন যত গোলমাল থাকুক ‘আসয়ে’ সব চূপ হয়ে যায়। ওরে বাবা। ”

“—দিল্ল শাপ—সবংশে নির্বংশ হাব—

অনন্ত নরকে যাবি—আরে রে দুর্মতি।

সে শুনে লোকজনের বুক গুণগুণ কবে। (‘তারাশঙ্কর-বচনাবলী’, বিংশ খণ্ড, ‘শুকসারী-কথা’, পৃ, ২৭)।

উদ্ধৃতি একটু দীর্ঘ হলো। কিন্তু সীমাকে এবং সামার বাবাকে বুঝতে সাহায্য করবে।

তারপর কাহিনী আবর্তিত হয়েছে সীমা এবং অমর চক্ৰোত্তির রক্ষিতা মনোরমা ও ছোট বোন ক্ষমা, রমেন ও শুভেন্দুকে নিয়ে। পাণ্ডুরিত্র হিসেবে সীমার স্কুল এর দিদিমণিরা এবং থানার দারোগা ও এককালের পুরনো কংগ্রেসামী ভবানীকিঙ্করবাবু ও তাঁর দাদা শ্রামাকিঙ্করবাবু আছেন।

জীবনীমূলক উপন্যাস ‘শুকসারী কথা’তে উল্লেখিত ভবানীকিঙ্কর ও শ্রামাকিঙ্করবাবু যে কে আমরা সহজেই চিনে নিতে পারি। ভবানীকিঙ্করবাবু হলেন তারাশঙ্করের মেজো ভাই। তারাশঙ্করের আত্মজীবনী ‘আমার সাহিত্য জীবন’-এ তাঁর কথার উল্লেখ করেছেন। দুই জায়গায় শ্রামাকিঙ্কর ছদ্মনামের আড়ালে তারাশঙ্কর নিজের কথা বলেছেন। গ্রামের সঙ্গে তাঁর বন্ধ ও সম্পর্ক ছিল হবার কথা বলেছেন। ছদ্মনামের আড়ালে তারাশঙ্কর লিখেছেন :

“ভবানীকিঙ্করবাবু বড় দাদা। জামাকিঙ্করবাবু। একথা তাঁর। তাঁর এখন মস্ত খ্যাতি। মস্ত বড় মানুষ। আজ আর তিনি শুধু এখানকার মানুষ নন, গোটা দেশের দাবি তাঁর উপর। গোটা দেশ তাঁকে দাবি করে। মস্ত বড় লেখক। বাবার চেয়ে এক বছরের বড়। শিবনাথ দেব বয়সী। তাঁরই সহপাঠী। গ্রামে তিনি থাকেন না। কখনও কদাচিৎ আসেন। যখন আসেন তখন তাঁর ওখানে লোকেরা যায় দলে দলে। এখানকার লোক, পাঁচখানা গ্রামের লোক ইন্সুলের মেয়েরা দিদিমণির। ছেলেরা মাস্টাররা। সকলে ছুটে যায়।” (‘তারশঙ্কর-রচনাবলী’, বিংশ খণ্ড, ‘শুকসারী-কথা’, পৃ. ৬৮)।

তারশঙ্করের প্রায় মধ্যজীবনের প্রান্তে বসে লেখা ‘শুকসারী কথা’ উপন্যাসটি অনেক বৈশিষ্ট্যে বৈশিষ্ট্যময়। ঘটনার দ্রুত আবর্তন ও নাটকীয়তা—সম্ভলক স্বাধীনতাপ্রাপ্ত দেশের জনসাধারণের এবং সরকারী আমলাতন্ত্রের ও অফিসারদের প্রতি নির্মোহ দৃষ্টিভঙ্গী এবং সুবিধাবাদী রাজনৈতিক কর্মী ও সুবিধাবাদী রাজনৈতিক দলের চরিত্র-চিত্রণ তারশঙ্কর অকুতোভয়ে অতীব নিষ্ঠার সঙ্গে করেছেন। অনেকেই জানেন—তারশঙ্কর পশ্চিমবঙ্গের ক্ষমতাসীন একটি প্রধান রাজনৈতিক দলের Legislative Council-এর এবং পরবর্তীকালে ভারতীয় পার্লামেন্ট-এর ‘রাজ্যসভা’র সদস্য ছিলেন। তখনো তিনি নিভীক চিন্তে তাঁর দলের যেকী রাজনৈতিক কর্মীদের মুখোশ খুলে দিয়ে সমালোচনা করেছেন। এখানেই মহাসাহিত্যিক তারশঙ্করের মহত্ব।

আগেও অনেকবার পূর্ববর্তী ‘রচনাবলী’র বিভিন্ন খণ্ডে যে কথা বলেছি সে কথার পুনরাবৃত্তি করছি। তারশঙ্করের মহাউপন্যাস ‘কালিন্দী’, ‘ধাত্রীদেবতা’, ‘গণদেবতা’ ও ‘পঞ্চগ্রাম’ এবং ‘হাসুলী বাকের উপকথা’ ও ‘আরোগ্য নিকেতন’ প্রভৃতি উপন্যাসের আড়ালে এই বৈশিষ্ট্যপূর্ণ উপন্যাসটি ঢাকা পড়ে গিয়েছে।

### কল্পিস্রাব্দ

‘কল্পিস্রাব্দ’ উপন্যাসটিকে তারশঙ্করের শেষ বয়সের একটি বিশিষ্ট সাহিত্য-কর্ম ও রচনা হিসেবে চিহ্নিত করা যায়।

অষ্টা তারশঙ্কর জীবনের শেষের দিকে বিশ্বকবি রবীন্দ্রনাথের মতই বৃহদায়তন উপন্যাসেব সঙ্গে সঙ্গে ছোট ছোট নভেলেট জাতীয় ক্ষুদ্র উপন্যাস রচনা শুরু করেন। ‘সপ্তপদী’ উপন্যাস রচনার সঙ্গেই এই জাতীয় উপন্যাস রচনার কাজ শুরু হয়।

তারশঙ্করের প্রতি সমালোচকদের একটি অভিযোগ ছিল—রাটবঙ্গে আউল-বাউল-বেদে-সাপুড়ে-দরবেশদের কাহিনীই তাঁর রচনায় বেশী উকি দিয়েছে। তিনি অভিজাত সমাজের কথা লিখেছেন বটে—রাটের মধ্যবিত্ত ও নিম্নবিত্ত সমাজের মধ্যস্বভোগী জমিদারদের কথা। তাঁদের ক্রমবর্ধমান ক্ষয়িকৃত ও বিগতসর্বস্ব জীবনযাপনের প্রতিচ্ছবি তিনি এঁকেছেন তাঁর উপন্যাসগুলির মধ্যে।

কিন্তু কথাটা সত্য নয়। তাঁর রচনায় লালমাটির দেশ রাটের কথার সঙ্গে সঙ্গে কলকাতা এবং সিউডি-বোলপুর-বর্ধমান প্রভৃতি উচ্চকোটির মানুষদের কথাও স্থান পেয়েছে। তিনি

এসব শহর নিয়েও লিখেছেন বহু রচনা। তাঁর প্রথম দিকের উপন্যাস ‘প্রেম ও প্রয়োজন’-এর উজ্জল দৃষ্টান্ত।

‘ফরিয়াদ’ উপন্যাসটি তারশঙ্করের মৃত্যুর পাঁচ মাস আগে ১৩৭৮ বঙ্গাব্দের ১ বৈশাখ প্রথম প্রকাশিত হয়। পূর্বেই উল্লেখ করেছি এটি তাঁর শেষ বয়সের রচনা।

এই শেষের দিকে রচিত উপন্যাসটিতে তারশঙ্কর কয়েকটি মূল্যবান কথা বলেছেন। সেই সঙ্গে দ্বিতীয় মহাযুদ্ধোত্তর দেশের অবস্থা (আরো একটু স্পষ্টভাবে বললে) সত্ত্ব স্বাধীনতাপ্রাপ্ত পশ্চিমবঙ্গের নাগরিক জীবন কেমন কুটিল জটিল আবর্তের মধ্যে পড়েছিল—তার কথা অনির্বচনীয় ভাষায় হালকা চালে তারশঙ্কর বর্ণনা করেছেন। স্বাধীনতোত্তর সমাজজীবন নিয়ে খুব বেশী উপন্যাস তারশঙ্কর রচনা করেন নি। তাঁর মন ছিল অতীতের ঐতিহ্য-আশ্রয়ী। তাঁর ঐতিহাসিক উপন্যাসগুলির বয়ন ও রচনা-নৈপুণ্য তাই এত হৃন্দর।

আবার যখন তিনি স্বাধীনতা-পূর্ব কি স্বাধীনতোত্তর সমাজজীবনের কথা লিখেছেন, তখন অনেক বিখ্যাত সমালোচক বলেছেন : তারশঙ্কর একেবারে সংবাদপত্রের পৃষ্ঠা থেকে উপন্যাসের কাহিনী সংগ্রহ করে নিয়ে এসেছেন।\*

‘ফরিয়াদ’ উপন্যাসটির মধ্যে তারশঙ্কর যুদ্ধোত্তর ও দাঙ্গাবিধ্বস্ত খণ্ডিত পশ্চিম বাংলার একটি মূল্যবান ও দরদী প্রতিচ্ছবি তুলে ধরেছেন। যে কোনো মহৎ সাহিত্যিকের মানসিকতার ও সত্যাত্মীয় মনে যে সমাজদর্পণের নিখুঁত চিত্র ফুটে ওঠে—তার আর একবার পরিচয় পাওয়া গেল বিখ্যাত সাহিত্যিক তারশঙ্করের শেষ বয়সের রচনা ‘ফরিয়াদ’-এ। তিনি নিঃসঙ্কোচে ‘ফরিয়াদ’-এ লিখেছেন : “পরের দিন সকালবেলা তিনি খবরের কাগজের উপর চোখ বুলাচ্ছিলেন—দেখছিলেন কাল রাত্রে হাওড়ার বস্তির ঘটনা সম্পর্কে কি রিপোর্ট বেরিয়েছে। শাক দিয়ে মাছ যেমন ঢাকা যায় না—মাছের চেহারা দেখা না গেলেও যেমন গন্ধে ধরা পড়ে—তেমনি ভাবেই একথা আজ প্রমাণিত যে পশ্চিমবঙ্গে জাতীয়তাবাদী সংবাদপত্রগুলি জাতীয়তাবাদের যে ফোড় দিয়ে সংবাদ-বাজন পরিবেশন করেন তা থেকে হিন্দুত্বেরই তেলকাঁটার গন্ধ ওঠে। একটু চেষ্টা করলেই কাঁটা বেরিয়ে পড়ে। ‘স্বং হি দুর্গা দশপ্রহরধারিণী’র পূজোকে নামে সর্বজনীন করে তুললেও মিথ্যা এবং সাম্প্রদায়িকতার গোঁড়ামি থেকে মুক্তি এ জাত পায়নি। ‘ঈশ্বর আল্লা তেরে নাম’ বলে ভজন গাইলেও অস্তিম সময়ে গান্ধীজী ‘হায় রাম’ বলেই বিলাপ করেছিলেন।” (‘তারশঙ্কর-রচনাবলী’, বিংশ খণ্ড, ‘ফরিয়াদ’, পৃ: ১)।

তারশঙ্কর সত্যজ্ঞতার মত স্বাধীন চিন্তে হিন্দু-মুসলিম মানসিকতার এই বাস্তব চিত্রটি তুলে ধরেছেন সনাতনীদেব রক্তচক্ষুকে উপেক্ষা করেই।

স্বাধীনতা লাভের পক্ষকাল পরেই সাম্প্রদায়িক সম্প্রীতি রক্ষার জন্তে কয়েকটি প্রতিভাবান ভরুণ গুণ্ডার হাতে খুন হন। এই কলির দধীচিদের কথা তারশঙ্করের শরণে ছিল বলে মনে হয়। শচীন্দ্রনাথ মিত্র (মৃত্যু ৩ সেপ্টেম্বর ১৯৪৭) ও শ্বতীশ বন্দ্যোপাধ্যায় (মৃত্যু ২ সেপ্টেম্বর

মাহুদের প্রাণের মূল্য এক কানাকড়িও নয়। সেই ভয়ঙ্কর দিনের অশ্রুভেদা—বেদনায় হৃদয়-মথিত-করা কাহিনী তিনি শুনিয়েছেন।

তারাকর যখন ‘বঙ্গীয় সাহিত্য পরিষৎ’-এর সভাপতি তখন পশ্চিমবঙ্গ সরকারই তাঁর জঙ্গে বডিগার্ড (body guard) নিযুক্ত করেছিলেন তারাকরের বাসগৃহে। তখন এমন একটা অরাজকতার দিন এসে পড়েছিল—বিখ্যাত বিখ্যাত মাহুদের হত্যা (যেমন দেশনায়ক হেমন্ত-কুমার বসু ও যাদবপুর বিশ্ববিদ্যালয়-এর উপাচার্য অধ্যাপক গোপালচন্দ্র সেন এবং অবসরপ্রাপ্ত বিচারপতি তারাপদ মুখোপাধ্যায় ও আরো অনেকে) এবং কলেজ কোয়ার ও কলকাতা বিশ্ববিদ্যালয়-এর ভবনে বিদ্যাসাগর ও স্তার আন্ততোষের মূর্তি ভগ্ন ও বিচূর্ণ করা হয়। সে সময় বিশিষ্ট লোকদের আত্মরক্ষার জগু সরকার থেকে দেহরক্ষী দিয়েছিলেন।

‘১৯৭১’ উপস্থানের প্রথম কাহিনী ‘একটি কালো মেয়ের কথা’। বাংলার খানসেনা ও ইয়াহিয়ার দলের নর অত্যাচারের এক অভূতপূর্ব আলেখ্য চিত্রিত করেছেন যশস্বী প্রবীণ কথাশিল্পী। এখানে একটি কালো মেয়েকে নিয়ে সীমান্তে দেশভক্ত যুবকদের হাতে ধরা পড়লো মনসুর।

যুবকেরা পাকিস্তানী গুপ্তচর সন্দেহে পুলিশের কাছে তাদের ধরে নিয়ে গেল। সে খানায় আহত অসুস্থ ও ধর্মিতা কালো মেয়েকে নিয়ে জবানবন্দি দিল। ‘মনসুর’ ওরফে ভেভিড আর্মস্ট্রং।

পূর্ব পাকিস্তানে পশ্চিম পাকিস্তানীদের হামলা—তাদের নানাবিধ অত্যাচার—মার্চের শেষে নরমেধযজ্ঞ এবং যুবতী নারী ও বুদ্ধিজীবী ধর্ষণ ও হত্যার কাহিনী শুনিয়েছেন হুনিপূর্ণ ভাবে। মনে হয় প্রত্যক্ষদর্শীর বিবরণ। সংবাদপত্রের প্রতিবেদনও এত সুন্দর ও সুস্পষ্ট নয়। একজন সত্যিকারের মহাশিল্পী হৃদয়-নিংড়ানো-বেদনায়-মথিত অন্তরে ‘একটি কালো মেয়ের কথা’র অশ্রুসিক্ত কাহিনী শুনিয়েছেন। তারাকর স্বাধীন নবীন রাষ্ট্র ‘বাংলাদেশ’-এর জন্মলগ্ন দেখে যেতে পারেন নি। কিন্তু এই প্রবীণ খ্যাতিমান কথাশিল্পী বাংলাদেশের মুক্তি যে আসন্ন—তাঁর মানসচোখে দেখতে পেয়েছিলেন।

এখানে কালো মেয়ের কাহিনী খুবই গোঁপ। তারাকরের নিম্নকোটির মাহুদের প্রতি গভীর ভালোবাসার পরিচয় একটি কালো মেয়েকে বাংলাদেশের মুক্তিস্রানের প্রতীক হিসেবে নিয়েছেন বলে। তারাকরের শিল্পীমানসের এবং ত্রাত্য ও মৃক এবং নিপীড়িত ও নিধাতিত মানব-মানবীর প্রতি দয়া ও ভালোবাসা এবং স্নেহশীল মনের পরিচয় পাওয়া যায় এই প্রতীক ব্যবহারে। তাছাড়া বাংলাদেশের নরনারী সম্পর্কে গভীর জ্ঞানের পরিচয় পাওয়া যায়। অবিভক্ত বঙ্গদেশে তারাকর অনেকবারই গিয়েছেন পূর্ববাংলায়। পূর্ববঙ্গের প্রতি তাঁর গভীর দয়ক ও ভালোবাসার পরিচয় আছে এই ছোট আখ্যায়িকায়।

পশ্চিমবঙ্গের ভয়ঙ্কর ও অস্থির আগুনজ্বলা দিনগুলির কথা তারাকর বলেছেন ‘সুতপার তপস্রা’র।

দেশের রাজনীতি তখন অস্থির। পুরাতন মূল্যবোধকে আজ আর কেউ মর্যাদা দিচ্ছে না। সব কিছু ভেঙেচুরে তছনছ হয়ে যাচ্ছে। সেই দিনগুলির কথা শুনিয়েছেন তারাশঙ্কর। উগ্র আধুনিক স্বতপা এবং শান্ত ভদ্র স্বত্রের জীবনে ও রাজনৈতিক চিন্তাধারায় পরিবর্তন নানা ঘটনার আবর্তের মধ্য দিয়ে দেখিয়েছেন তারাশঙ্কর। স্বত্রের পরিবর্তন খুবই ভয়ঙ্কর। খুবই পরিবর্তন তার হয়েছে। ভয়ঙ্কর হয়ে ফিরে এসেছে।

একেবারে সমকাল নিয়ে তারাশঙ্কর লিখেছিলেন ‘১৯৭১’ উপন্যাসের দুইটি কাহিনী। দীর্ঘ সাহিত্য-জীবনে এত বাস্তবতার কাছ ঘেঁষে তারাশঙ্কর রচনা করেন নি কোনো গল্প-উপন্যাস। বাস্তবতার স্ক্রের ওপর দিয়ে হেঁটে গিয়েছেন তারাশঙ্কর কিন্তু একটু তাঁর পা টলে নি। এখানেই এই মনস্বী সাহিত্যিকের সৃষ্টির বৈশিষ্ট্য।

প্রসিদ্ধ সমালোচক ও বিখ্যাত অধ্যাপক ডক্টর অরুণকুমার মুখোপাধ্যায় ‘স্বতপার তপস্তা’ সম্পর্কে সুবিজ্ঞত আলোচনা করেছেন। তিনি বলেছেন :

“স্বতপার তপস্তা’ তারাশঙ্করের শেষতম উপন্যাস। বর্ধমানের কাটোয়া মহকুমায় গঙ্গার ধারে একটি প্রাচীন গ্রাম সর্দানন্দপুর। সেই গ্রামের মুখ্জে ও দাশগুপ্ত দুই পরিবারের ছেলে ও মেয়ে স্বত্রত মুখার্জি ও স্বতপা দাশগুপ্ত চিন্তায় কর্মে ধ্যানধারণায় বিপরীতপন্থী হয়েও প্রেমজ বিবাহে আবদ্ধ হয়েছিল। ১৯৬১ থেকে ১৯৭১—আমাদের পরিচিত দশকের কলকাতা, কাটোয়ার গ্রাম, আসানসোলের কয়লাখনি, কংগ্রেসী ও বামপন্থী রাজনীতির তীব্র সংঘর্ষ ও হত্যার রাজনীতি, ধর্মবোধ বিশ্বাস সংস্কারের তিক্ত সংঘর্ষ, পারিবারিক দস্ত নীচতা, ব্যক্তিগত অশ্রু-বিদ্বেষ—যা-কিছু আজ আমাদের জীবনের সমস্ত শুভকে বিনষ্ট করতে উদ্ভূত তাদেরই চলন্ত ছবি।”

“খুব স্পষ্ট করে দুজনের বিরোধ লেখক দর্শিয়েছেন। পার্টি, রাজনীতি, হত্যার রাজনীতি, অসাহসু উগ্র পন্থা এসব আমাদের এত পরিচিত যে চিনিয়ে দিতে হয় না। তারই পটভূমিতে লেখক দুজনকে এঁকেছেন।” (‘কালের প্রতিমা’, ডঃ অরুণকুমার মুখোপাধ্যায়, কলকাতা—১৯৭৪ পৃ. ২৭)।

“স্বতপার তপস্তা কি ব্যর্থ হয়ে যাবে? হিংসা ও হত্যার রাজনীতি কি শুভবোধকে পরাস্ত করবে? আদর্শবাদী স্বত্রত কি হত্যাকারী হয়ে সার্থকতা লাভ করবে?”

এই প্রশ্ন তারাশঙ্করের শেষতম উপন্যাসের তীক্ষ্ণ জিজ্ঞাসা, এই প্রশ্ন ভারতবর্ষের সাম্প্রতিক জীবনের গুরুত্বপূর্ণ জিজ্ঞাসা।” (‘কালের প্রতিমা’, ডক্টর অরুণকুমার মুখোপাধ্যায়, কলকাতা—১৯৭৪। পৃ. ৩০।)

‘১৯৭১’ উপন্যাসটি নানা বৈশিষ্ট্য নিয়ে চিরন্তন সাহিত্যের আসরে সমৃদ্ধ হয়ে থাকবে।

চণ্ডীদাস চট্টোপাধ্যায়

বিশ্ব শান্তি সমাজ



